







### 圖書在版編目(CIP)數據

儒藏. 精華編. 二六七/北京大學《儒藏》編纂與研究中心編. 一北京:北京大學出 版社,2012.1

ISBN 978-7-301-11985-3

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2012)第 003333 號

名: 儒藏(精華編二六七)

著作責任者:北京大學《儒藏》編纂與研究中心編

責任編輯:魏奕元

標 準 書 號: ISBN 978-7-301-11985-3/B • 0671

出版發行:北京大學出版社

址:北京市海淀區成府路 205 號 100871 地

網 址: http://www.pup.cn

電子郵箱: dianjiwenhua@163.com

話: 郵購部 62752015 發行部 62750672 編輯部 62756449 電

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 54.5 印張 510 千字

2012年1月第1版 2012年1月第1次印刷

價: 500,00元 定

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家社會科學,基金重大項目、十一五」國家重點圖書出版規劃項目,重大工程出版規劃

# 《儒藏》精華編第二六七册

首席總編纂 季美林

項目首席專家 湯一介

編 湯一介

總

龐

樸 孫欽善

安平秋 (按年齡排序)

册 主 編 趙伯雄

本

則的 爲儒 典籍的叢編。 家經典和反映儒家思想、體現儒家經世做人原 、中國傳統文化以儒家思想爲中心。 收書時限自先秦至清代結束。 《儒藏

二、《儒藏》精華編爲《儒藏》的 部分,選收《儒

藏》中 的 精要書籍

互見。 《中國古籍善本書目》,於個別處略作調整。 漢文寫作的儒學著作,編爲海外文獻部類。 寫者一律收其釋文文本。 已收入入選的個人叢書或全集者,僅存目録 分類法分類,大類、小類基本參照《中國叢書綜録》和 土文獻。 三、《儒藏》精華編所收書籍,包括傳世文獻和 出土文獻單列爲一 傳世文獻按《四庫全書總目》經史子集四 韓國、日本、越南儒學者用 個部類,原件以古文字書 ,並注明 凡單書 部 出

> 編,不改編,保持原書的完整性和獨 四、所收書籍的篇目卷次,一仍底本原貌,不 立性 選

爲主,酌校異同。 勘價值的版本爲校本。 確定内容完足、精確率 五、對人選書籍進 校記力求規範、精 高的版本爲底本,精選 行簡要校勘。 出校堅持少而精,以 以對校爲主 校正 有校 誤

外,其他一律省 例,進行規範化標點。 六、根據現行標點符號 略。 專名號除書名號用角 用法,結合古籍 號(《》) 標 點 通

落。正文原已分段者,不作改動。 般不分段。 七、對較長的篇章,根據文字内容,適當劃分段 千字以内的短文

及其他有關情況。 及整理時所確定的底本、校本(舉全稱後括注簡 出 介紹作者生平、該書成書背景、主要内容及影響,以 現順序前詳後略 八、各書卷端由整理者撰寫《校點說明》, 重複出現的作者,其生平事蹟 簡要 稱 按

九、本書用繁體漢字豎排,小注 律排 爲單行。

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮建新先生

《精品購物指南》報社常務副總編

NE·TIGER 時裝有限公司董事長 張志峰先生

《優品》雜誌主編 王明亮先生

**壹佰萬元** 

壹佰萬元

貳拾萬元

北京大學《儒藏》編纂與研究中心

本册責任編委 甘祥湖本 册 審 稿 人 李 劍雄

## 《儒藏》精華編第二六七册

集部

乾初先生遺集[清]陳 確 ......

### 乾初先生遺集

〔清〕陳 確 撰

乾初先生年表	初府	陳氏理學乾初先生傳 一〇	陳乾初先生墓誌銘 五	陳乾初先生墓誌銘 二	海寧縣志理學本傳 一	乾初先生竹節冠像 一	首卷	編次遺書例言	編次遺書叙 一	陳乾初先生遺集序	陳敬璋奉峩先生傳	陳確乾初先生傳 一	校點説明 一			<b>国</b>		
答查石丈書 五三寄張奠夫劉伯繩兩兄書 五一	木書 ************************************	與未岷左書	***************************************		弟書	上閔辰生先生書 四二	與韓子有書 四一	與陸冰脩書 四〇	書 四〇	乾初先生文集卷一 四〇		祖望子劉子祠堂配享碑	張元岵次仲竹窗解頤雜録 三八	許季覺楹罔極録	朱竹垞先生彝尊經義考 三七	黄棃洲先生宗羲思舊録 二七	楊圍先生履祥言行見聞録 二六	<b>乾初先生遺事</b> 三六

答明表: 尹書		答旲裒仲書 七六	遺祝鳳師兄弟書 七五	答沈朗思書 七二	復旲裒仲書 七二	寄吴仲木書 七一	寄劉伯繩書 七〇	與吴仲木孝子書	書 六九	<b>乾初先生文集卷二</b> 六九	復吴仲木書	與蔡養吾書 六六	復來成夫書	復蕭山徐徽之書	寄劉伯繩世兄書	與張元岵書 六二	與老友董東隱書 六一	與吴仲木書 五八	答陸麗京書 五六	致查静生書 五五	
字 雾 養 丟 書 · · · · · · · · · · · · · · · · · ·	 	與來成夫書	與沈朗思書	與吴裒仲書	與張考夫書	書	<b>乾初先生文集卷三</b> 九五	與沈朗思書		寄劉伯繩書	與祝鳳師書	與祝鳳師書	寄吴裒仲書	與吴裒仲書	答張考夫書	答張奠夫長兄書	與戴一瞻書	與吴裒仲書	答來成夫書	又答張考夫書	

: = ±	<b>著</b>	リー・ラック 音
	(1) (1) (1) (1) (1) (1) (1) (1) (1) (1)	與是中木書 一一人
: 二 三 四	養生送死論上	與吴仲木書 一一七
:	死節論	與吴仲木書 一一六
: - = 0	聖人可學而至論	與祝開美書 一一五
: - 11.0	<b>論</b>	與祝開美書 一一四
: - 11.0	乾初先生文集卷五	與祝開美書 一一四
: 一二七	附與陳乾初論學書	書 : 一一四
:一二六	補與黄太沖書	乾初先生文集卷四 一一四
:二六	補寄韓子有書	與劉子本書 一一二
		附原書 一一二
: <u>二</u> 五	與旲裒仲書	復張考夫書 一一一
: = = = =	與旲裒仲書	復張考夫書 一〇
	與吴裒仲書	寄張考夫書 一〇九
	與吴裒仲書	復朱康流書 一〇六
: 11111.	與吴裒仲書	與張石渠書 一〇六
:	與吴仲木書	與張考夫書 一〇五
:	與吴仲木書	與惲仲升書 一〇四
: - 0	與吴仲木書	與張考夫書 一〇三
:一九	與吴仲木書	復韓子有書 一〇二
:一九	與吴仲木書	與祝鳳師書 一〇一
: 一 八	與吴仲木書	與吴裒仲書 一〇〇

答翼兒不脱衰議 一六〇	點佛事議 一六〇	孝子不送客議 一五九	喪實議 一五六	完璧議 一五五	補新婦見議 一五四	出處同異議 一五三	使子弟出試議 一五二		乾初先生文集卷六 一五二	道俗論下 一五〇	道俗論上 一四九	子惑論 一四七	廣樂志論 一四七	異端論 一四六	柳柳州論 一四五	分三秦論 一四四	補雒蜀論後 一四三	<b>雒蜀論 一四一</b>	産論述 一三九	學者以治生爲本論 一三七	
	與祝鳳師論家廟議 一七九	士祭議 一七八	忌祭配食議 一七七	四世祭議 一七六	主皆南面議 一七六	撤主議 一七五	宗祠末議下 一七五	宗祠末議上 一七三	南北墳祭議 一七一	聖廟議 一七〇	不用浮屠議 一六九	嫡庶喪服議	議 一六八	乾初先生文集卷七 一六八	爲人後者爲生母服議下 一六七	爲人後者爲生母服議中 一六五	爲人後者爲生母服議上 一六三	爲人後而復歸者爲所後服議 一六二	喪服妄議 一六一	蟜固能守禮議 一六一	

<b>乾</b> 序 初	·············· 一九三 解陳季雝序 ·············	 :	 	**************************************	記 一九九 <b>乾初先生文集卷十一</b>		 		乾初先生文集卷八       一八〇         記       一八〇         春遊記       一八〇         大安記       一八〇         大安記       一八九         因勉齊記       一九二         村冠記       一九三         神水沙泉       一九二         村冠記       一九二         神水沙泉       一九二         村冠記       一九二         神水沙泉       一九二         村冠記       一九二         神水沙泉       一九二         神水沙泉       一九二         村冠記       一九二         市作湘記記       一九二         東投線行素山居記       一九九         再作湘記記       一九九         東投線行素山居記       一九九         東京       一九         一九       一九         一九       一九         一九       一九         一九       <	彰朝民先生歸骨記
	 	 	 	二〇四	説					自盗招詞

哭老友董立翁文 三一二	哭仲兄文 三一〇	哭伯兄文 三〇九	哭吳子裒仲文 三〇七	送祝開美葬管山祭文 三〇六	哭韓卓甫文 三〇五	誄查母許碩人文 三〇四	祭查母朱碩人文 ·········· 三〇二	祭查母朱碩人文 ············ 三〇一	祭文	乾初先生文集卷十四 ··········· 三〇一	哭徐敬輿孝子文 二九八	祭吴仲木文 二九七	哭吴子仲木文 二九六	哭孫幼安文 二九五	祭葉四母舅文 二九三	偕檝姪祭徐季嘗文 二九二	公奠許元忠文 二九一	告捍沙廟土地文 二九〇	補爲董女告阿母文 二八九	-
藤如意頌 三三一		自題小影 三三一	<b>對</b>	界方銘 三二一	龍杖銘	銘 三二〇	坐箴 三二〇	篇 三''○	乾初先生文集卷十五 三三〇	查氏石家漾三世合葬誌 三二五	墓誌銘二二五	哭亡僕願忠文 三一四	補悼錢厚菴文 三二三	哭長翁叔父文 三二二	哭爰立姪文 ······ 三二〇	龍山告先師友文 三一九	祭陸伯母裘太孺人文 三一七	祭上壽祝伯母文 三一六	哭鄔行素文 三一五	公奠董爾立文 三一三

乾初先生文集卷十六 三五一	答有意問 三五〇	答龕化疑問 三四八	金剛會問 三四六	答問 三四六	衆議建吴磊菴先生祠疏 三四四		呈學請削籍詞 三四三	呈詞 三四三	<b>投當事揭</b> 二三七	投太府劉公揭 三三五	揭 : 三三五	<b>련茂堂次集小引</b> 三三四	引 三三四	弔哀詞   二三三	怨嬰詞 ······ 二二二二	詞 二二二	侮辱解 二二二	解	骨牌頌 二'三二	眼鏡頌 二二二	
又 三六四	示兒帖 三六二	婦喪中示翼兒 三六一	書示兩兒 三六〇	示仲兒 三五九	書示仲兒 三五八	補辭族正帖 三五八	辭慶生帖 三五八	補書示子强弟 二五七	補柬近思叔 三五六	黏客座 三五六	寄諸同志 三五五	寄諸同志 三五五	寄諸同志 三五四	寄諸同志 三五四	寄諸同志 二五二	示友帖 三五二	粘視茂堂 三五二	東同志 三五一	東同志 二五一	柬帖 三五一	

日 録	過舊居 二七八	記夢 '一'七七	陳先生 三七七	不開戒而瘧發 三七六	符止人瘧自瘧 三七六	雜著 三七六	乾初先生文集卷十八 三七六	南湖義社約 三七四	南湖寶綸閣社約 二七四	社約 : = '七四	書朱正思卹約後 三七三	書拓扇後 一'七一'	<b>書山陰語抄後 三七二</b>	書潘烈婦碑文後 三七一	書劬節朱母狀後 三六九	書周選古印譜後 三六九	書祝開美師門問答後 二六八	附論 三六七	書韓柳集後 二六七	書後 二六七	乾初先生文集卷十七 三六七
九	治怒 ······ 三九〇	聞過 二八九	不亂説 三八八	小引 三八七	辰夏雜言 三八七	乾初先生别集卷一 三八七		吴茱萸 三八六	親家一八六		<b>筮葬 三八四</b>	作八股之法 三.八四	補書錢氏孤便面 三八三	補書蔡伯蚩便面 三八二	書爾旋講師扇頭 三八二	章 瀛寰 三八二	<b>僮來魁 一'八一</b>	記昔 三八一	西路庵僧 二 八〇	又 三七九	雜記 三七八

葬 四〇九	喪 四〇九	嫁 四〇八	婚 四〇七	冠 四〇七	就塾 四〇七	子初生 四〇七	叢桂堂家約序四〇六	叢桂堂家約 四〇六	乾初先生别集卷三 四〇六	慶賀第六 四〇四	衣服第五 四〇三	宴飲第四 四〇三	祭祀第三 四〇二	喪葬第二 四〇〇	婚嫁第一 四〇〇	俗誤辨 三九九	<b>乾初先生别集卷二</b> 三九九	書辰夏雜言後 三九八	雨牕漫筆 三九四	名利 一九三	
高祖梅岡公 四二〇	先世遺事紀略 四一九	乾初先生别集卷五 四一	有料理有收拾		失物 四一	<b>責僕婢</b>	抱子 :: 四一	待婢妾 四一五	和妯娌	夫妻相禮 四一四	勸夫孝 ······ 四一三	聽言 四一二	不看劇 四一二	絶尼姑 四一二	跋陸子新婦譜後	補新婦譜 四一一	乾初先生别集卷四 四一一	雜約 四〇九	議集 四〇九	祭 四〇九	

曾祖鳴梧公 四二一	王政 四四八
祖理川公 四二二	量 四四
父覺菴公 四二五	聖學 四五〇
乾初先生别集卷六 四三二	知性 四五二
瞽言四二一二	乾初先生别集卷八 四五三
瞽言序 四二二	瞽言 四五三
近言集 四二四	禪障 四五三
乾初先生别集卷七 四四二	性解上 四五六
瞽言 四四二	性解下 四五八
佛道 四四二	氣情才辨 四六一
侮魔 四四三	氣禀清濁説 四六四
附雨牕漫筆寄吴仲木兄弟 四四三	乾初先生别集卷九 四六六
僮智 四四三	瞽言 四六六
眊矚 四四四	原教 四六六
勝蔽 四四四	子曰性相近也 二章 四六八
善護 四四五	性習圖 四六九
近世 四四五	性習圖詠 四六九
富人 四四六	<b>侮聖言 四七〇</b>
生計 四四六	無欲作聖辨 四七〇
井田 四四七	學解 四七一
素行 四四七	學譜 四七二

答性教問 五〇〇	明察説 五〇〇	舜明於庶物 四九九	配道義解 四九八	其爲氣也 四九七	講義 四九七	乾初先生别集卷十一 四九七	我則異于是無可無不可 四九五	我猶未免爲鄉人也 四九四	書後 四九四	以能問於不能以多問於寡説 四九三	聖人吾不得而見之矣章 四九二	學易章疏 四九一	懷德章疏 四九一	學而第一疏略 四九〇	顔子好學解 四八八	講義 四八八	乾初先生别集卷十 四八八	書後 四八七	答朱康流書 四八二	與劉伯繩書 四七四	
避五患論 五二六	儉葬説 ······ 五二五	地脈論 五二四	六字葬法 : 五二四	深葬説下 五二三	深葬説上 五二二	趙季明族葬圖説 五二一	利害 五二〇	族葬五善 五二〇	甚次 五一九	葬書 五一九	乾初先生别集卷十三 五一九	與張记岵前輩書 五一六	與同社書 五一二	葬論 五〇五	葬書自序 五〇四	葬書 五〇四	乾初先生别集卷十二 五〇四	盡心章 五〇二	書後 五○二	存心章説 五〇一	

四言古詩 六〇九	乾初先生别集卷十六 五六六
乾初先生詩集卷一 六〇九	與吴裒仲書 五六〇
小引 六〇八	與劉伯繩書 五五八
乾初先生詩集小傳 六〇七	答沈朗思書 五五五
	又 五五三
與劉伯繩書 六〇五	答吴仲木書 五五二
與張考夫書 六〇二	答查石丈書 ************** 五四九
寄劉伯繩書 六〇二	大學辨
再與來成夫書 六〇〇	乾初先生别集卷十五 五四九
答蕭山來成夫書 五九八	翠薄山房帖 五四六
與陸麗京書 五九八	辨迹補 五四四
大學辨 五九八	答唯問 五四三
乾初先生别集卷十七 五九八	答格致誠正問 五四〇
書大學辨後 五九七	書大學辨後 五四○
答惲仲升書 五九三	大學辨 五三三
附與陳乾初書 五八八	大學辨 五三三
答張考夫書 五八一	乾初先生别集卷十四 五三三
答張考夫書 五七四	<b>葬約 五三</b>
答張考夫書 五六九	葬社啓 五三一
與張考夫書 五六六	葬經 五二八
大學辨 五六六	磚灰椁解惑説 五二七

遇盗 六一九	董甥典瑞以翦髮作數日悲簡慰之 六一八	諸同人赴黄山道士之招分韻 六一八	聞君將買妾 六一七	日燒一擔柴 六一七	婦病 六一六	正月廿七口號留葉四母舅 六一六	悲遠涉 六一五	告宗祠 六一五	與祝子若耶道中 六一四	同祝子開美游雲棲歸途有述 六一四	五言古詩	乾初先生詩集卷二 六一四	昔我 六一三	母忌哀詞 六一三	遷居詩 六一二	京師篇 六一二	蒼天七章 ······· 六一〇	丙戌年蠶謡 六〇九	自吾之出三章 六〇九	江水汩汩二章 六〇九	
種秫 六二七	獨立 六二七	守雨洄塘與張方宜對弈 六二六	哭許元忠給諫 六二六	詩成 ::::::::::::::::::::::::::::::::::::	有客 六二五	病起 六二四	九日 六二四	悼亡詩 六二四	<b>管鲍吟</b> 六二二	爲舊字有贈 六二三	硤晤 六二二	張石渠山居 六二二	問玄居牡丹	朝入城東門 六二一	丁亥正月二十日雪 六二一	新政 六二一	避亂之武原 六二〇	聞蔡上生家亦被盜簡寄一首 六二〇	許生欲爾自越歸過訪老病 六一九	吾生 六 九	

録	

目録	春賞咏 六三六	子輿篇 六三五	天地 六三五	芽穀餅歌 六三四	病吟 六三四	其二 六三三	東里謡 六三三	櫬成偶占時年五十有二 六三三	中秋 六三二	乙未四月翠薄山中呈桐鄉張考夫 六三二	吾道 六三一	良夜 六三一	哭殤 六三〇	題徐律之園居 六三〇	生日 六三〇	懷徐子孝先 六二九	道近柯橋有述 六二九	過老友張石渠 六二八	米至 六二八	大道 六二七	其二 六二七
五	癸卯正月三日設陽明山陰兩先生像拜	送陸景宣北進 六四三	不願官糧少歌 六四三	夏至 六四二	悼殤 六四二	其三 六四二	其二 六四	雜咏 六四	笑歌 六四	五言古詩	乾初先生詩集卷三 六四一	甲乙歌 六四〇	十月五日登龍山作	其五 六三九	其四 六三九	其三 六三九	其二 六三八		康孫 六二八	至道篇 六三八	哭董紫冒勳部 六三七

贈錢雲士 六五八	六五〇	寄題萬蒼山樓
先民詩 六五八	六五〇	效古體作菜萁之什
寒夜 六五七	六五〇	其二
之以詩 六五七		補古詩
戲成八不就四牌又益以十不就三牌係		藜杖
窺鏡 六五七	六四九	懶吟寄昺大師
有八人重成楊居故也漫賦 六五六		敝屣
丙午正月三日讌諸楊洎我宗人共三十		病鳥
書示兩兒 六五六		破帷
詩以解之 六五五	步 六四七	同葉静遠父子張子敬出郊閑步
予手足之病三年寖加常不能無怨心故	六四七	伐園
鳳師南齋漫書 六五五		又和茀孫詠梅詩
種樹無近屋 六五五		又次茀孫詠史詩韻
改篇後句又書示董甥八公 六五四		又呈詠子房詩因鍼之
題松竹林居呈見如老衲 六五四	六四六	次茀孫懷我詩韻
卧疴 ******* 六五四		贈凌貞侯
六月枕濤山中 六五三		烝菜歌
和二陸子輓張元岵先生 六五二		題山樓
題西洋鏡 六五二		掃室四章
學老實歌 六五一	『感賦一章 六四四	二月五日甲辰雪六日乙巳猶雪感賦一章
大道 六五一		之呈性解二篇感賦一首:

· 六七四	吾癡歌問陸子麗京	乾初先生詩集卷四 六六六
·六七四	老友董昭逸家園漫賦	断性
・六七三	贈論弟髫年採芹	贈許生欲爾新婚 六六五
. 六七三	撫松軒松	適過老董韻弦樓飯歸又歌 六六四
· 六七二	禾兒	六月十六日贈貞素
・六七二	六月初七辰巳時	山夜候僧不至 六六三
・六七二	間日瘧	補遺 六六三
・六七一	世事篇寄丁兩表兄	硤川晚泊 六六三
・六七一	邨酒	書此 六六 i.
· 六七〇	春晚人東垞即席	八月朔日山中展先蕺山師遺像惕焉
・六七〇	君莫愁	獨繭 六六三
・六六九	家有病婦	徐龍生家園看梅有述 六六二
・六六九	午榻集字限韻	兼以悼之 六六二
・六六九	留飲醉歸口號	
	初夏過徐季長梅齋閑話其伯子高伯	其二 六六一
・六六八	山中雲	悼亡兒 六六一
・六六八	哭亡友許元五	慈父篇 六六〇
・六六七	硤山	癸夏漫述 六六○
・六六七	鹽州篇	病夫後篇 六五九
・六六六	湖中十日歌	癸丑新春詩 六五九
・六六六	七言古詩	病夫前篇 六五九

題孫雪居畫朱竹款云自漢壽亭侯始故	交道吟贈高聲野 六八一	中秋偶書 六八一	和芾孫贈張元岵先生詩 六八〇	十八日晚雪夜更劇 六八〇	感懷查石丈 六八〇	農夫樂 六七九	黄楝頭歌 六七九	桔槔哀樂聲歌 六七九	桔槔哀 六七八	南山謡 六七八	其二 六七八	麥粥歌 六七八	君憶之 六七七	芾孫 六七七	已亥春正 六七七	柳橋行 六七六	行路歌 六七六	惜字菴題贈悟源老衲 六七五	鋤菜 六七五	壽仲兄六十 六七五	
清明後二日 六八七	寒食雨不得與墓祭 六八七	居值桃花盛開	春日攜泓兒過訪顧青城顧上玉叔姪水	春晴過張嗣留邨居即事效轆轤體 六八七	又題用前韻 六八六	題欲爾斑竹杖 六八六	邨居 六八六	其二 六八六	九日登秦望 六八五	其二 六八五	耆亭遷 六八五	五言律詩 六八五	乾初先生詩集卷五 六八五	與老董歌 六八四	偶笑	滇茶行 六八三	<b>楼巢中人歌 六八三</b>	輓包素娘歌 六八二	補遺 六八二	論及之 六八二	

一九	目 録
登祝虚齋先生祠樓望海上諸山 六九六	酬丁氏兩表兄 六九一
山中别考夫朗思韞斯諸同學 六九六	宿故館 六九一
次案頭韻贈東隱翁 六九六	過丁表兄園中逢諸舊遊皆醉不能歸同
古寺 六九五	過近思叔齋 六九一
留宿惜子菴即事	生日 六九〇
冬夕禪房張元岵孝廉見訪 六九五	勉慰 六九〇
過徐有兼邨居 六九五	無寐 六九〇
又題徐炯一西園 六九五	己丑正月過徐季嘗齋晚話 六九〇
訪蔡來老 六九四	<b>莅茂堂即席分韻 六八九</b>
訪定海張子游辱寫小影賦謝 六九四	糧長 六八九
過吴仲木新齋 ********************** 六九四	其二 六八九
東山看女歸示翼兒 六九四	止得二首 六八九
秋水 六九三	先生光福觀梅韻屬余和之會有客阻
立夏前二日集韻弦山樓 六九二	龍園之游近思叔先有詩四章又次石齋
閏月初一省母陸姊家侍竹園納凉竟日 六九三	其四 六八九
其一 六九二	其三 六八八
尋陳時夏郊居 六九二	其二 六八八
題蔣園次壁間張元岵詩韻 六九二	生韻四首 六八八
其二 六九二	徐季長家園看梅同近思叔次黄石齋先
九日和許大辛五噫亭登高詩 六九一	再飲木禾堂集字限韻 六八八
雨渡錢唐 六九一	<b>荷茂堂集牌字</b>

山中次吴裒仲韻 七〇二	改禾兒作 七〇二	其二 七〇二	蚁障 七○一	夢中詩 七〇一	五言律詩 七〇一	乾初先生詩集卷六 七〇一	柬近思族父 七〇〇	許大辛過訪是日余始能起坐 七〇〇	其二 七〇〇	查石丈許欲爾鄔天則重過 六九九	老友張石渠見訪賦贈 六九九	去小詩寄懷 六九九	龍山祝二陶子霖偕無相師遠顧不飯竟	寄懷張元岵聘君因索所留易鈔 六九九	贈吴裒仲賢者	寄懷吴仲木兄弟 六九八	鄒天則見訪賦贈 六九八	其二 六九七	卧病 六九七	懷諸同病 六九七
懷慧師 七〇七	又詠 七〇七	久旱 七〇七	六月初二日偶書 七〇六	次昺公過董穉升西齋詩韻 七〇六	道鸛山瞻祝子墓書感 七〇六	蔡養吾喜抱新孫醉贈以詩 七〇六	又次中路詩韻 七〇五	次韓石耕東垞菴詩韻 七〇五	其二 七〇五	次馬畫生桂下詩韻 七〇五	山中呈眉老 七〇五	和昺公望雨詩又用前韻 七〇四	禱雨未應感賦用前韻 七〇四	昔友 七〇四	辛丑六月從祝眉老避暑昺公山寓兼懷	遊梅園七〇二	雨阻硤山次張仲張早春詩韻 七〇三	重九日 七〇二	卧疴山齋徐子孝先以詩見懷依韻奉謝 七〇三	其二 七〇二

	目録
宿	まプ
補遺 七一七	其五 七一三
午後出游鄰家 七一七	其四 七一二
陪老姊賞庭梅茀孫呈賞梅詩用其韻 七一七	其三 七一二
庭東偏梅花盛開移榻就之 七一七	其二 七一二
和弗孫豐年謡 七一六	春鳥下篇 七一二
鳳師南齋漫書 七一六	其十 七一一
其四 七一六	其九 七一一
其三 七一六	其八 七一一
其一 七一六	其七 七一一
簡懷夢弼大姪 七一五	其六 ······ 七一〇·
大辛過示新稿 七一五	其五 七一〇
又贈静遠 七一五	其四 七一〇
經屠子高幽居漫賦 七一五	其三 七一〇
三月初二同葉静遠張子敬出郊閑步道	其二 七一〇
翠薄看梅大辛見招不果往 七一四	和弗孫春鳥未春鳴詩十首 七〇九
人山看梅 七 四	登祝氏東樓懷二許子 七〇九
其十 七一四	贈陳貞倩 七〇九
其九 七 '三	避俗 七〇八
其八 七一三	贈凌康侯 七〇八
其七 七一三	又題寓樓兼酬静師 七〇七

	The state of the s
秋游即事分韻	春盡登龍山 七三五
葉侑以此詩	春晴過近思叔池上即事 七三五
同人以杖頭爲自明僧四十壽并約看紅	聽老醫郭南巖誦所製詩有贈 七三五
夜歸憇都司祠竟成隤醉	賦九月梅得開字 七三四
小憇邵灣拜祝玄嶽先生之柩于敗垣下	雪中和聖儀見投之韻 七三四
茶磨山有訪不遇	冒雪過仝圖許吉先 七三四
十日偕欲爾登都司嶺再用杜韻	早出 :
其一	濱社見招不赴用韻寄謝 七三三
又和子美二韻	其二 七三'三
九日風雨次查二雅韻	樸菴叔晚過小話兩和來韻 七三二
<b>鯤濤東樓</b>	聖儀齋中又用前韻 七三二
其三	過徐聖儀訂南湖之遊用韻 七三二
其二 七三八	曉行 七三二
次樸菴叔夜警詩韻	過查肇五漫賦兼寄封婁兄弟 七三二
祝季寧沈用晦避余家數日長句誌感 七三七	新山····································
家居漫興	夜過韻弦樓宿 七三一
避兵用前韻兼懷悟凡上人 七三七	自菩提山下訪蔡子 ············· 七三一
和平法師韻 七二六	雨阻歸筇又過雲萍僧午飯喜聞捷音 七三一
遺雲萍老衲	醉懷蔡上生 ······ 七三〇
其一	留別許欲爾用劉先生游錫山和濂溪韻 七三〇
懷許欲爾分韻	山後遇老董漫成 七三'〇

	壽沈三叔七十	七五九	山居即事
七六四	母壽辭親知賀貺	七五九	補裕菴社集
七六四	丙申元旦壽吾母九十 …	七五九	改肇五清明後作起結
弗 七六四	龍竹墳看桂呈祝二陶兄弟	七五八	賀許欲爾宋犀杯兩次遇盜不失用韻
七六四	喜老友東隱翁歸山賦寄	七五八	清明後十日牡丹未開用韻
	候考夫不至即事書感 …	七五八	山陰歸别吴子仲木
七六二	中元後連夜都司嶺看月	七五八	西湖書感
北京 七六三	海國	七五七	五游西谿詩
	韻弦樓又題	七五七	耶溪道中邀仲木同作
	秋日登尊經閣	七五七	題廣孝寺呈三目和尚
	其一	七五六	再游雲門書感
	次韻酬來成夫	七五六	謁大禹陵 ····································
	韻弦樓漫賦	七五六	書於古小學漫賦
詩韻 七六一	候仲木不至次湖橋夜坐詩韻		癸巳正月同澉湖吴仲木較山陰先生遺
山諸子 七六一	西泠獨步和仲木兼懷龍山諸子	七五五	龍山社集
七六一	和仲木偶至湖上	七五五	題蔣園
丽韻 七六○	寓湖上同仲木書懷又用前韻	七五五	題永安湖社集
次譜中詩韻 七六〇	臨平道中讀吳仲木日譜次譜中詩韻	七五五	祝眉老齋中書感
七六〇	其二	七五四	秋日飲葆光居
詩用來韻 七六〇	酬问年友韓子有五十壽詩用來韻	七五四	竹節冠成戲用前韻
七五九	簡謝吴仲木冠杖之惠 ::	七五四	即日過老友董昭逸又用前韻

目

	過嶺矣喜極賦	其下漫題 七八一	張元岵先生家庭梅極盛時與先生婆娑	乙巳元日過舊居書感 七八一	雪中書感 七八〇	七日大雪漫成 七八〇	宗祠即事 七八〇	甲辰元日書感 七八〇	武林謁姚邑侯 七七九	酬眉翁見懷用前韻 七七九	連日飲花下書遺眉老 七七八	秋夜漫成效唐人進退格 七七八	寓樓書感 七七八	癸卯元日漫興 七七八	荒年詩 七七七	眉老攜樽桂下謝賦再用前韻 七七七	前韻 七七七	同眉老昺公過二許子家園看梅桂再用	其二 七七六	邀諸子同賦限昨韻 七七六
一一一一一一一一一一一一一一一一一一一一一一一一一一一一一一一一一一一一一一		滇茶開柬寄社中 七八六	帶書堂即席呈朗公普師 七八五	遺大兄病中 七八五	社集枕濤莊次查封婁韻 七八五	代贈場司 七八五	鮑節婦詩 七八四	補遺 七八四	雪晴補壽老友祝眉翁七十初度 七八四	壬子元日 七八四	辛亥元日 七八四	命童子出羣杖拭之慨然有述 七八三	壽張元岵先生八十 七八三	次韻答徐孝先 七八三	雪夜陪張石渠小飲 七八三	十一月十七日早漫作 七八二	十一月二十五日早漫成 七八二	早起書懷兼寄東林諸子 七八二	無錫高彙旃自黄山過訪喜次來韻 七八一	和眉老探桂山中之韻 七八一

九	目 録
答陳乾初書	其六 八〇一
陳母葉太君九褰壽序 八〇四	其五 八〇一
張楊園先生 八〇四	其四 八〇一
<b>乾初先生遺集外編 八〇四</b>	其二 八〇〇
	其二 八〇〇
又五絶一首	哭老友徐季長 八〇〇
戲爲禾兒改先太子太孫新月詩	其四 八〇〇
團瓢看雪似爾立 八〇三	其三 八〇〇
其二 八〇三	其二 八〇〇
長至前二日過韻弦看雪 八〇二	偕老友徐季長再過問玄居看牡丹 七九九
其四 八〇三	其四 七九九
其三 八〇二	其三 七九九
其二 八〇二	其二 七九九
許二无它惜若成索詩于余成四絶似之 八〇二	梁溪高聲野封君饟錫酒四罌報之以詩 七九九
補遺 八〇二	奉和季舅父壽母詩 七九九
其二 八〇二	其五 七九八
初夏庭中玫瑰盛開口占	其四 七九八
韻弦山樓憶亡友許元五用前韻 八〇二	其三 七九八
再過韻弦樓次案頭詩韻 八〇一	其二 七九八
其人 八〇一	次日又成 七九八
其七 八〇一	咏瓶中紅白芍藥 七九七

又	又	與陳乾初書	張待軒先生	其二	讀乾初先生遺詩有述	朱止谿先生	其四	其三	其二	和六謙哭乾初	陸辛齋先生	四	=		與陳子乾初書	祝月隱先生	與陳乾初書	
八一三	八一三	八二二	八二二	八一二	八二二	八一二	八一一	八一一	八 一 一	八一一	八一	八一〇	八 0	八〇九	八〇九	八〇九	八〇八	

#### 校點説明

不 於 詩 同 江 過 爲 惑之年,始受業 清康熙十六年(一六七七)。 文集。 海寧人。 劉門 乾 目 初先生 成 高足。 陳 誦,爲 確初 生於明 遺 邑諸 於 名道永,字道 集》是明 萬曆三十二年(一六〇四),卒 理學大家劉宗周,與黄宗羲 生 聲名 末 清 確年少時,穎悟絶 藉 玄,後改名確, 初 盛, 思 想 傾 家 動 陳 確 時。 的

切和 幸。 業,生 較 多 機 同 他 陳 一活 情。 在不 確 會 頗 終身布 接 艱 少 觸 辛。 的詩 下 衣, 層 道 文中對 百 種 以 姓, 經 躬 歷 耕 體 他 和 離 察 們 生 畝 表 他 活 和 示 們 環 教 的 了真 境, 苦 授 誠 難 使 生 的 和 他 徒 關 不 有 爲

在學術上,陳確是一位充滿創新精神的勇士。

(《墓誌銘》)陳確 已有陳説,亦不肯隨 進 其學無所依傍,無所瞻 行不懈的鬥争,表現出極 生旗幟 學附 顧,凡不合於心 和,遂多驚世駭俗之論。」 鮮 大的 明 地 學術 反對 勇 氣 宋明 者、雖 理學 先儒

《大學》並非聖賢之書,謂「《大學》,其言似聖 也 「一旦豁然貫通」的 止 虚 有窮盡的過程,所謂「豁 旨實竄於禪,其 於至善」的 誕」(《大學 亦不仁之甚者矣」。 確 認 爲 辨》)。 觀點 被宋 詞 游 説教,認 和朱熹詮釋《大學》所 儒奉 他 而 無 批 然貫 爲 根,其 判《大學》所 經典、 爲學 通」。「是誘 趨 視 習 图 是 爲 而 儒 宣 終 天 學 個 揚 困 下 宣 永 λ 的 · 支 揚 門 而 埭 而 襌 知 没 的 其 的

説: 性之流露 善」,但 由 同 時 性之充 性 陳 他 「只廪 這 確是一位 認 周 種善 而言謂 爲「情、才與 而 廪 言謂之氣」(《氣 性 慎 之情,由 主 性善論 習 要 孳孳 取 氣,皆 决於 者, 性 爲 之 善 性之 他 後 運 情才辨》),三者密 而 天 認 用 已」(《知性》)。 的 良能也」; 爲「人 而 「慎 言謂 習」。 性 之才, 無 由由 不 他

的做法。不可分,反對宋儒强分「氣質之性」與「義理之性」

之惟 明的 的 體 荒謬。 「艱」的 强 觀 陳 調 確 點 認 反對 知 古 與行的 理,批 爲 程朱「知先行後」的 將 知 緊密聯繫,深 判《大學》强 行 分爲 兩 截 分知行、 信「知之非 失 觀 卻 點 了「知 重 同 意王 知 艱, 輕 行 行 陽 本

理可言矣。」他指斥 教,認爲: 而 人欲恰好處, 禪」,是爲異端立 陳 確 還 「人心 否 即天理 認 本 宋 | 幟(《 周 無 儒「天理」與「人欲」對 也。 敦頭 天理,天理 氣情才辨》)。 向 的 無 「無欲之教」是「不 人欲,則 正 從 人欲中 亦並 立 無 的 見 襌 説 天

陳敬 稿 陳 易示人,但不幸還是丢失了三册。 ,「凡積六七寒暑」,於清 確 通 六世 璋 陳 編 費 確 爲 孫 盡 死 文集 後,他 陳 周 錦 折 Л 處 搜 的 册,詩 得 孫 集到 到 子 另 集二册,寶 陳 了 嘉 外 克 這十册 慶三年(一七九 幾 鬯 册 把他 陳 陳 藏 詩 確著作 的 確 文 於家,不 的 著作 集,又 族 的 手 玄 7 從 原 孫 録

> 卷、 編 成《 别集十九卷、詩 陳 乾 初 先 生 集十二卷。 遺 集》 四 + 九 卷, 分文集 十八

此書現存版本有如下四種:

陳敬 九 海 卷。 圖 璋編定時的初本。 書 館 嘉 著 慶三年稿 録 稱 别 本, 集 此 缺 藏 本原爲四十九 派上海 前 四 卷, B 書 只 館 存 卷、然 五 此 至 當 + 上 爲

九卷,與嘉 全書》影印收録 二、餐霞 慶三年本 軒 此本。 鈔本, 一致。 藏上 此本 海 總 圖 目 書 録 館。 亦 著 録 續 修 爲 四 四 庫

收 海本」。 説 自 集》稱曾從上海 確 藏。 種。 明此「上海本」與上海圖 誰手,舊藏海寧吴昂駒家,後又由 集》别集部分的内容和編次也與 三、一九七九年,中華 《點校説明》隻字未提「餐霞 此「上海本」内容完足,但 據其《點 圖 校説 書館鈔得 明》中 書 書館所藏 所言,此上 一份鈔本,並 局 整 查 理 餐霞軒本不 軒」,而且 現 杭州王氏 「餐霞軒」本 出 在 海 版 上海 本不 擬名「上 的 一該《陳 《陳 圖 九峰 知 同 書 非 確

館古籍部,未見著録,無從獲知底本情况。

此 致,只是編排上文集、詩 餐霞軒 本無陳敬璋注文。 四、惜道味齋鈔本,藏 本及中華 書局 所 集和 稱 一上海 南 别集的次序不同,且 京 圖 本」内 書 館。 容 大 此 本 體 與

是此 霞 稱 目 國家國書館所藏餐霞軒鈔本《乾初先生遺 言》、《俗誤辨》、《 爲底本,以 録 軒鈔本缺失别集部 惜本」)爲校本。 置於别集之首。 所 此 缺 次整理,以《續修四 四 南京圖 卷、故 叢桂堂 據 書 以 館 續修 分前 補 藏 家 惜 λ 庫全書》影印餐霞 四 約 四 底 道 庫 \* · « 卷(依次爲《辰 本,並 味 全書》所影 補 齋 鈔本(以 新 依 婦 底本 譜 印 集》正 原 夏 的 下 軒 雑 總 簡 本 而 餐

需要補充説明的是:

注。 確的 的),之後「元注」和「本注」上又加 陳敬 注 、底本既有作 加 上 璋整理 了「元 時,爲了 注」或「本注」 者自 注,又 品 别 這 有 字 兩 編 樣 T 種 者 也也 删除符號 注 陳 語, 有 敬 漏 對 璋 加 陳 的

> 此次校 的 璋 没 的 有,均維持 注 語, 點, 有 不管有 的 原 標 貌 有「璋 無 删除符 案」或 號, 一敬 璋 律 案」字 保 留。 樣, 陳 敬 有

號, 題 下的干支以及首卷中的 此次整理,亦均保留。 二、底本中陳敬璋的注語、東隅子的評 部 分 標 題 加 有 删 語、 除 符 標

中用字一致。 一、底本是手鈔本、文字書寫多有不規範之

删 録。 去。 今另編一 四、底本於文集、 總 目 録 别 置 於書 集、詩集前 首 各 集 分 别 前 撰 的 目 有 録 目

感謝。 士 爲 些成果,謹致以誠 校 校點時參考和 對 I 作 付 出 吸收了中 摰 T 謝意。 不少 華 勞 北京大學 動, 局 亦 陳 致 陳培榮博 確 以 集》 衷 i's 的

校點者 朱茂漢

# 陳確乾初先生傳見《海昌備志》第三十一卷

朱子又變易程氏之文,且爲之補傳,以絕無證據之言 《禮》、《樂》三致意焉,而不及《大學》。 「子言之矣:下學而上達。《易》稱蒙養即聖功,學何 《大學辨》四卷。 强以爲聖經,尊之《論語》之上。 而程氏始目爲孔氏之遺書,又疑其錯簡,而變易其文 於《深衣》、《投壺》之後,垂二千餘年莫有以爲聖經者。 大小之有? 蕺山高弟,講學海壖,晚著《大學辨》一篇。 卷,並云存。《餘聞》作一篇。 則 (自聽訟兩節而外皆非夫子之言可知, 一引曾子 《論語》二十篇,於《易》、《詩》、《書》、 見《渤海著録》。 即其篇中兩引夫子之 朱氏彝尊曰:「乾初 《小戴》置其篇 《經義考》作 其略日

> 江,而於洛閩之書,蓋當讀焉而未詳也 非聖人之學之所傳則不可。 乾兄《大學》之辨,竊以爲疑非孔、曾親授之書則可,謂 其人不失爲躬行君子也。」 貫通」近於禪學,宜仍還《戴記》。 誠正之功,先後失其倫序,且以朱子補傳「一旦豁 書争之。 漢至宋並無一人稱是孔、曾之書。 之言,則自十目一節而外,皆非曾子之言可 陰劉汋伯繩、仁和沈蘭先甸華、海鹽吴蕃昌仲木,交移 人,吾不信也。」於時聞者皆駭。 而乾初不顧,具言《大學》言知不言行,格致 張楊園與吳裒仲書云: 弟乾兄學問,得力於姚 桐鄉張履祥考夫、 其言雖咈於衆心,然 謂二千年來無 知。 乃自 Ш 然 學

《叢柱堂家約》一卷。

《俗誤辨》一卷。寫本。

《先世遺事紀略》一卷。

《辰夏雜言》一卷。凡四十條。

《瞽言》四卷。 卷,發揮聖學,今失傳。 既瞽矣,吾言《葬論》、《大學》,則世皆切切然莫不以 八年矣而彌甚,而猶日屑屑著《葬論》、《大學辨》不輟 見《渤海著録》,云存。 言之瞽。 咸惟西鏡之恃耳。 而奚以瞽?」曰:「今吾目若不瞽,而實無見 講義》二卷。 人瞽吾言,吾又不以瞽言自命乎?」以 自序云:客有問曰: 人又無以知吾目之不瞽也。 勝覽》云:《瞽言》初集一 「子赫然兩目 也, F 且 而 並 吾 吾 吾

丈又作譜,補四條坿於後。 序,凡十二條,補陸麗京《新婦譜》所未備。邑士查石序,凡十二條,補陸麗京《新婦譜》所未備。邑士查石

《學譜》。見《金志》。

卷、《别集》十九卷。見《渤海著録》。《愚谷文《乾初道人詩集》十二卷、《文集》十八《蕺山先生語録》。見《餘闡》、後附《禪障性解》。

者。 《勝覽》云:《乾初詩集》一卷,格律清老,蓋 乾初公。 家,併以騫與仲魚所得本合之,竟成全稿。 遺書,久而未得其全。頃者先生族玄孫奉義再三 集》,無卷。 記》,合一册,亦附人文集 或藏於家,或遺於他所,一朝而合之,豈非天耶!」 十九卷。公之遺集,皆公之孫雲怡子手録,無别本也。 爲人事所間斷,凡積六七寒暑,迄今始克成編,共得四 之狂喜,遂並叚以歸,悉心參校而手録之。 文集凡七册,合之吴丈所藏三册,遂爲完書。 而愛惜之乎! 撰著極富,而目所得見,惟此而已。● 曰:「兔牀吴丈,博學好古,發潛闡幽,於先輩 時代出處,爲世系、爲年表於卷首。」 存》作《乾初先生遺集》三十卷。 又《拜經樓藏書目 一日出其文集一册、詩集二册見示,謂公之 吴氏騫序曰:「先生六世從孫仲魚 其後更求全書於公之雲孫錦,果得之, 》有所著《竹冠記》、《 《餘聞》 可不爲之珍重 作《乾初 陳 一兼資 氏 其間又或 復細 私心爲 尤 敬 (陶、杜 湘冠 一釋其 一索於 詩 服 璋 訪 膺 跋 求 文

<sup>■「</sup>惟」,原誤作「世」,據陳敬璋《編次遺書叙》改。

# 陳敬璋奉我先生傳見《海昌備志》第四十一卷

陳敬璋字奉報,號半圭,諸生

《詞林輯要》一卷。記康熙己未詞科事。

《渤海家乘補》三十二卷。自序。

竟,而吾宗有重修譜牒之舉,乃亟鈔撮《提要》一卷,以卷,其未定卷次者不與焉。竊仿朱氏《經義考》體例,卷,其未定卷次者不與焉。竊仿朱氏《經義考》體例,卷,其未定卷次者不與焉。顧仿朱氏《經義考》體例,以來,代有聞人,纂述甚富。於是廣爲蒐採,由庚戌、湯海陳氏著録》八卷。自序略云:寒家自唐

《逸名類鈔》。

質諸宗老之多聞者。

《朱子文鈔》。

錢廣伯私淑楊園先生,嘗録其未刻文目六十八篇示予《楊園未刻稿定本》十二卷。自序云:亡友

傳之。 譜中。 子復本所得於先生後嗣,爲手録而藏之者也。其中已 安來澉上,示《楊園文集》一册,共讀之,則先生門人吴 目,而其數則過矣。余爲之狂喜,亟欲録之而未暇也。 刻未刻各半,未刻者凡百餘篇,雖不盡合六十八篇之 歲,予客鴛湖,友人丁誠之以未刻稿三十四篇見示,録 内矣,然非其全集也。兹目得之陳子膚公所輯先生年 十二卷,復摹《考槃獨寤圖》於卷首, 今年秋,山館無事,爰詳加校正,更以別本參補,釐 而存之,則視廣伯所鈔之目,僅得其半。己未秋,吴子 曰:「先生《文集》十八卷,《雜著》十種,已刻而 馥嘗廣爲之蒐採,卒未可得,以爲恨事。」 庚戌 將與同 志 傳之海 刻 爲 面

《初白先生年譜》一卷。吳氏騫序略 《信天巢稿箋注》。 徵,無少文飾。 居恒耳目濡染,斷蔥截髮之餘,側聞緒論, 史,熟諳家世舊聞。 爲先生外曾孫。母查孺人,先生弟某女孫也。 先菊磵先生《信天巢稿》,繪遺像於前 積以歲月而成是書。 可爲讀敬業詩者,得 奉義幼孤 故於先生出處事跡,皆信而 《小學盦遺書》云:奉峩注其 ,禀慈氏之教以 知人論世之概 屬馥爲之贊。 , 輒謹識之, 夙 有成。 通書 奉 有 我

《歷朝詞選》二册。有自序。

及《論詩約言》二首。 《重次千文》一卷。吴氏騫序。 案僅《勵志篇》

季秋識。 是。 《爾室文集》一卷。舊訂《四勿居古文》,已燬。 手稿數册,急爲録存如干卷。半圭生平所著,原不僅 遽赴玉樓之召。 吁! 贈詩文愈密,方謂他山有助,學業可以漸進,不意今春 吴昂駒跋云:丁卯、戊辰間,余客桃溪,間爲詩古文 義理,邑前輩松靄周丈謂可與《楊園集》並傳也。 者,不過十之一二。古文數十篇,大抵舒寫性靈,發揮 辭,歸質半圭,一一爲余評論,由是情好益篤,彼此投 第從前詩集,厄於辰秋寓齋之火,所默識 可歎矣! 爰從其舊篋中檢歸 膩 癸酉 追 録

吟草》一卷,藏於家。 《四勿居詩稿》。彭世喆曰:半圭詩文,盡燬於寓

## 陳乾初先生遺集序

首 往 注 集三十卷、别 後 更 埋 舊 玄孫奉峩再二索之其家,1 未 于 書,久而 細致 復 |得本 靖 之願 免 生,恨一 當篇之下,以 ,視拙輯年 出 挂 節 乾 其 初 喜可 故 合之,竟成全稿,譬猶 漏。 未得其全,意殊 不 事 嘗總其生平事迹,仿吾家斗 陳先生没百餘年矣。 時 及親 與 ,爲年譜二卷,猶慮管窺蠡 代 譜 集 知 先生從六世 出 加 一十九卷,通 相 也。 見顔 詳 處 證 爲 ; 呕 色而 明。 并旁引諸家載 手 世 嗛 爲 寒暑 承其教, 系 並 焉。 孫 編 豐 四十有九卷。 爲 以 仲 香,凡詩 無間,在 城之劍 年 騫 騫 既 魚 表 與 先 也 訪 恒 籍,各 于 仲 生 求 鄉 南 切 測 卷 苒 文 久 族 遺 里 魚 繒 翁

> 用 六 可 七 以 識 載 無 梗 遺 概 始 憾 輟 矣夫 於乎 業。 1 間 以 先生之書,至今日殆 相 視,且 屬之一言,

之士。 美 慨 賢,安在其 見。 祝 可 所 工 尚 排 飾 然 嘆 夫,出其門者,均 孝 雖一二魁儒傑士,且 擠 哉 惟 以 嘗 巾 廉 使劉子得 斯 致 蕺 觀 待 開 道 Щ 有明之季,士大夫往 盡 美 先 身 不 爲己任。 劉子從 , 先生獨受遺 殉 生事劉 能 再渡 國 宏濟 行其志,佐 社 容 束脩自好,爲 江 抱 子之 時 中 逮 預 艱 劉 長 道 不 書之託 聞 日雖淺,觀 恨 ,講 1 子 免 證 E 于虞 以 稍 乃 往 求 人之旨, 命 羣 卒爲 直 聖賢 存 以 淵, 而 而 弟 門 一諒 聲 不 後 其 子 户之 不 僉 多 實 氣 開 之 聞 踐 與 壬 便 重 相

●「玄孫」。底本因避清聖祖玄燁諱作「元孫」。今回改。

夫復奚疑!然則先生之學,以爲直接山陰一綫之緒,

研討, 王鎡、 哉 覆 微旨,而 衛道,下可 之餘,人争實貴。 其推重也如是 已見頭腦,愧當日知之未盡, 後讀先生遺書,乃别撰 好,先生既殁,從其孤之請爲之誌墓; 爲之訶護,待其人而 伐柯伐柯,其 二千餘言,發揚其論性之説,謂於聖學 嘉 昔舜江黄晦木徵君與先生有游、夏之 鄧牧輩之書,往往摭拾 以 有宋遺民若謝 慶 奉峩勤勤蒐討之功爲不没矣。 上 庚 一溯劉 以 申 風 則不遠。」學者苟於此 長 則先生之書其 子, 世勵 矧先生 至 庶 朝、林景熙、鄭思肖、 後 後顯哉! 俗,幽冥之中 幾 一通,刊于文集,反 可 斯 參誠 日, 集 于兵 可 上 負此良友。 後學吴 《詩》 意 口 以弗傳乎 三關 豈 以 燹 殘 沈 無 尊 日 騫 之 機 剩 嘿 經

### 編次遺書叙

之子 之乎 公。 長,得 遷 晜 示,謂 學好古, 德 子 竊 而 己。 祖 孫 心 而 呕 慕 能 稱 錦 已 璋 聞 公之譔 自 之, 日 文章者,乾初公一人而已。」璋 來 乾 少 零珠片玉, 父執 其後 發潛 果 七八歲時,從先君子受業,先 初公之爲 陵 出 欲 科名禄位甲 得之。 詩 其 吴 從 更求 著極 闡 云「吾宗老 丈 文 而 幽 兔 求 全 集 富 人,且告之曰: 미 考 於 牀 其 不爲 , 而 書於公之後 其 先輩 遺 於兩浙 之 册、 世 目 書, 之珍 緒 绵 孫子,質 所 詩 龙 論 不 得 然 集 已 服 重 可 見, 「吾家 爲 膺 吴丈 人 而 得 而 樸 册 東 惟 乾 愛 蓄 以 博 之 畬 惜 此 見 初 既 是 道 自 君

> 歸 其 得 文 暑 能 而 人 間 集 , 迄今始克 文章者 ,爲之端 爲 益 風 完 , 凡 又或 嘆 書。 七 乾 蓋 也。 爲 册 初 惟 坐以讀之,則信 私 公之遺 東 人 成 合之吴丈 於是 心爲之狂喜,遂 畬 事 編,共得 昆 所 悉 澤 弟 間 心 父子 何 斷 所 匹 参校 其 + 藏 凡 乎 有 久 有 = 而 積六 蓄 且遠 之。 並 九 册 手録之, 道 假 卷 --德 之 於 也 而 寒 圃 以 遂

讀 所 今日 氏 非 或 可 也 手 之 天 遺 公之全集 復 0 之完 禍 耶 嗚 合 於 録,固未 攷公之遺集, 呼 1 他 面 ൬ 好 1 所, 抑 百 斯 如 嘗有 餘 斯 又 以 集 見 故 文 年之後,一 聞之,公之家 之 仰企夫公之爲人, 獨 也 皆公 之 别 者 幸 集 盛 日 而 或 之孫 也 衰 爲 得 者 , 聚 存 斷 天 朝 耐 雲怡 散 牖 簡 或 而 嘗 則 殘 藏 , 愚 合之, 豈 莫 有 宜 子 衷 編 于家 其 祝 當 非 而 日 天 有 融

訓,而并以慰夫父執拳拳之意,尤璋之得其萬一焉,則庶幾哉上承乎先君子之

厚幸也夫!

玄孫敬璋半圭氏謹書。 時嘉慶三年歲次戊午冬至後五日,族

## 編次遺書例言

十九卷、詩集十二卷,共四十九卷。次而卷帙不分。今定爲文集十八卷、别集元集七册,爲公之後人家藏,略加詮

著 璧,而於文目下仍爲詳注,不敢忘所自 手,則爲元本無疑。 數篇 吴氏本文集一册,僅有傳文一 而 家 藏 本 獨 今以 闕。 少補多,遂成全 况 鈔 録 類及 本 出 也 雜

補入,而公之子敬齋之文,間亦附焉。 册,因是詳加參訂,又得詩文數十首,以類本集之外,更從族孫錦家得公元稿數

次 摹 遺 圖 像 世 誦 詩 仰 系,詳自 讀書,尤貴知人論世。 道範也;次載傳誌,考德行 出 也,次列年表、遺事 故卷端 也; 了, 而 首

公之生平略盡矣。

之言。 其 于别集之末,而書之論及者附録末卷,從 陽明,是以 、類也。 公本爲 璋以後 有《大學辨》之作,固 山 陰劉 生末學,何敢妄議,謹以 蕺山 先生高弟,而 自 成 學宗 附

不無挂漏之譏。者,稍附箋注,疑者闕之,第以見聞狹隘,公生平不妄交,凡諸先哲見於集中

於本文之後。

按採、間録一二、別爲外編、有可附者、附接採、間録一二、別爲外編、有可附者、附

元本在詩集中,今列于文集第十五卷。 箴、銘、贊、頌之類,文也,而非詩也。

及薑畦族父《編年詩》,並爲附注其下,以今定爲十二卷。此外有沈氏東隅子選本,公詩集向第分古今體,而亦无卷次,

備參攷。

生、崇理學也。遺集特做譜例,冠以先生、崇理學也。遺集特做譜例,冠以先家譜大傳,例皆稱公,獨於公則稱先

長至後六日敬璋謹識

46

其

勇于

見義

切陶

海

寧

縣志理學本

傳

安楊許三禮

脩

#### 首

# 徐育转什生为令敦 郭理

其形 予豊 求諸 聖人之道, 身、念兹在兹。 ,而景之嗤。慎爾出 吾方憂子,子則嘻嘻。 夫婦與知。 言 乾初道人自題 動,咸惟 五十 話,敬爾威 無聞, 爾 象 師 日 吁 爾 儀 哉! 生胡 不 反 正

涯

,篆刻博弈諸

好

無

法得晉人遺意

撫琴

鄉賢許! 幼以孝友 獨知,兼動静,合人己,無往 用 與 而 非 孝 功于見善必 廉 慎, 陳 同 確 祝 己 生先生令典,目爲任道之器。 字乾初,原名道 淵 而 游 踐履卓然, 蕺 遷、知過必改,求無歉于 山先 生門,奉慎獨之教, 矯 永,蚤歲 立 圃 非 風 塵之 獨, 見知 無 表。 後 所 于 往

邑去害,不撓于勢位。 大雅,寄托深遠,其論學明 寫性情之技,視爲害道而 稱,長以文學著,器韻 ,遇不平而輒發者, 氣節,遇公正 吹 不 簫,時奏于山顛 自 I 幼寄興 白奉 理,尤多心 ,發憤 拔俗,詩文 亦視爲任 屏 教蕺 、瀟灑 絶之; 爲 Щ 水 書 鄉

得。

爲

人剛直,尚

清

真

誠 氣 而 他 不 不 復 暇 蹈 顧 也 惟 皇皇克己内 省 黜 僞 存

日 之學,傳于海昌 及 經 中 「爲闇 生業,與同志 庭,君子謂 Z 西之後,祝 然之學。 確 其 静 不 尋 淵 脩 與 異 淵 病 既 Ш 袁閎之土室。 從 庶 廢 中 幾 , 幾二十年, 師 本蕺 同 游 所歸 地 山證 下 平 足 嶯 確 1 之 山 棄

確卒。 遵、《義 龍 枚字爰立 稱紫海先生。 瑜子,遵《人譜 Ш 許 行傳 時 奫、 , 號 同道, 補菴。 洄 》爲省過會。孟銷字 確 遵 塘徐 兄子枚,父伯 字 孜 志義 養 孟 孜好脩,沉 吾 銷、《隱逸傳》: 切 幽 劘 棲 談 之士, 衡。 炯 道, 一,文行卓然,學 冥没世,皆 《家傳》: 率 二子 奫字大辛,今 如 甪 耕 賁永 里 且 讀 先 蔡 者

令,多善 南 璋 安陽 案:《名宦傳》: 政, 建 順 治辛 正學書 許 丑進士,康熙十二年 院, 禮 ,字典三, 朔 望 率 紳 號 士講 西 住 Щ 學 海 其 河

乾初先生墓誌銘 餘姚黄宗義纂

中。

以

循

卓

Ŀ

聞

擢

御

史,

歷

官

督

捕

侍

郎

陳

先 乎 實 有 生 1 殄 與 瘁之嘆,何敢 海昌 余爲 蕺 惲 山諸 仲 陳 先生同 升尚無恙 乾 生,今日 初 先 辭 門 生卒, 1 友 凋 、又弱 也, 落 殆 其子 丐誌 盡 个 翼 其 焉。 浙 件 西 墓 余 獨 繫 方 有 嗟 事

先 先 先 于 父 玄。 流 生其 兄 覺 軰。 生悦甚。 叔,先生不悦; 舉 菴 陳 先 季也。 氏 生 皆 也。」黎博 已與叔 爲 諱 世 父兄怪之,先生曰:「吾不欲弟 浙 確, 其 幼 西望 同 學。 字 從伯 試 養爲 案發,叔 主族,曾是 乾 于學 妣 L 仲 學 初, 學憲,賞識之,充博 葉氏。 使者,伯言季 祖 初 **一舉業**, 録 鳴 名 偂 梧 道 兄 先生不與, 即能 永, 弟 祖 四 理 字 文 過 川 優 非 其

之事 退, 勁 守 士 不 有 介 同舍生集者數 不 吾邑之人何罪 一弟 疾 雪 聽,沓吏坐先 飭 所 然 沓 悪 贈 簠 子 濤 不 吏始 遇 欲 員; 簋 遺 遇 英之 以 以 事 累 許 猪 敗。 或 發 問 平遠 百人,走訴行御 肝 士 生以 ¨, 而 憤 敢 以 <del>'</del>, 累 論 有 事 指 使 又高第之, 廪于 郡 者 罔 時聲 先 大節。 邑。 輒 一人横 上。 以 對 生 是 名藉甚, 劉 日: 舉 同 比 守 崇禎末,昌 行于上 舍生斷 史臺。 旛 之瞿 知 號 無 其 0 衆 而 庠。 乎 貧 九 繡 然 先 斷 日 斧 思 : 邑 廉 欲 生 劉

平貼 實 江 夫 問 得 一,受業 ,字令升, 子之日 始 甲 家 申 蕺 庭 知 淺 與 曩 鄉 Ш 字 族 劉 而 黨 日 近 思 意 夫子之門, 父 屈 之 贈 指 氣 令升璋案: 間 大學士 劉 用用 欽 門 自刻 爲 高弟 無爲公之長子。 潛 坊 心 意 衆 表。 家傳 力 破 行, 除 口 \* 故 遥 公 久 以 雖 集 諱 歸 求 事 渡 之

痛

晚 得 拘 變之疾,不下 繩床者十 五 年

彈

悉化 矣。 之愈 類 屑 之成冠,以變 落之内 孝經》百 今世 耳 聲 也 爲 不合于心者,雖 棋 爲老 堅 夫 出 附 蹙 唐 先 聖 , 和 П 人 以 融 生天才絶 顧 閉 卷 賢 ,遂多驚 生 者,囂然爲彼此之是非 也。 下 未 雜 眉 ),體備 精 常 免信 漢 藝 突 合 其學 微 談 八竹皮 兀 經 眼 要 出, 陳 世駭 晉、唐。 先儒 心太 手 遇之寒田 無 渺 腐 矇 書 冠之制。 便 之傳 所依 之説,此先 瞳 俗之論。 已 法 過,以視夫 如 精 有成 篆 截 夙 傍, 神 倡 古 刻擘阮 竹 習 者 説 其 無 刹 取 而 而 服 居 之下,不 所 生之所 則 儲 亦 先 小 書 和 瞻 也 喪 有 胥 生 儒 洞 不 刀 顧 肯 虎 削 間 守 簫 書

人

隨

凡

號 講 Ш 余 ·錢塘人。 庚 寅至杭 案頭見《女訓》 2,從陸 麗 京 璋案: 而 嗟 陸圻字 嘆。 麗京 麗 京,

四

冰脩。 深埋 字。 示。 先 聞 無 話 耳 相 之渡江,其人漠然不應。 泪 新 金 曰 而 7,明舉 婦譜》一卷,今已刊人《檀几叢書》。 生日 科 舊 劉 異 懸,固 爲之交下。 先 先 生 同,先生欣然往復。 有 一恐不宜 伯繩璋案: 丙 先生主于族葬,痛 玉律。」璋案: 此海 人鈺子。 生已病 璋案:《州志·文苑傳》: 日。 辰 厭世矣。 如 「吾不能執 至 寧陳 此哉! 海 先生亦以 于閩、越,惜未曾與先生 時 廢, 昌 伯繩,名汋,劉念臺先生子。 乾 又案: 余之不 浙 公所著無《女訓》之目,疑即 初先生所著也,余家奉 劇 聞 西有 臨 紼 此下當有脱誤 談 先 論 别 引 世 終 生孿 學書致余,鄙 與伯繩友者,余約 得見先 路,有負亡友。」 余因 明年,將踐前 以 巫 日 陸嘉淑,字冰脩 所 之惑人也。 而 疾 丙午,余與 著《葬論 嘆曰:「人情 **疑** 精 如 生,0寧 神 是 故 過 不 將 細 見 私 是 訪 號 約 葬, 衰。 一涕 非 爲 第 喜 見 論 陸 辛

> 翼, 西。 不死 爽。 恨 四 事 次禾, 殀。女一人。孫二人: 克鬯、克 翼字敬之,侍疾能盡其誠,先生可 銘曰: 矣。 娶王氏,先卒二十七年。子二人:長 1 卒之日,爲七月二十四日 以其年冬月,葬於 沈 家石 一,年七 橋 謂 Ŧ 之

璋案: 洲 禮戒邑中士大夫胥會於北寺,聽其講 東南遺逸之冠。 於書無所 十九,袖疏 留 餘姚 兩 月餘, 《州志 人。 不讀、著述等身,力辭徵 已而 人京師訟冤 父尊素 省 寓賢傳》: 康熙丙辰, 一親還 明御 歸 里。 黄宗羲字太沖, 斦 史,死閥禍。 至 海 受業劉念臺之門 海 寧 寧, 諸 以聘,海 遺 學。 前令許 老 宗義 内推爲 傳 宗義 號 志 棃

<sup>● 「</sup>得」下、《南雷文案》有「再」字。

## 陳乾初先生墓誌銘

餘姚黄宗義纂

矣。 千載 於儒 能 疑 其學者亦絶 收之孤苦之中,而未之有得,環視劉門,知 戾斯文,亦姑存此疑團,以俟後之君子,倘 當 五,恨交臂而失之也 專 近讀 先註 了,至此 而 先師: 下决擇,淺識所錮 下有諒予心者乎!」不肖羲蒙先 陳乾 「疏,無」 嶯 終不釋然,不覺信手拈出,大 少。 Щ 日 初所著,於先師之學十得之 不 徒以牽挽於口耳積習,不 \_\_\_ 「予一生讀書,不無種 **广** 牴牾者。 心 充塞,大抵 誠自知 然 師 獲 抵 種

「盡其心者知其性也」之一言,是孟子道性孟子而益明,孔、孟之心迄諸儒而轉晦。其言性曰:「性善之説,本於孔子,得

之也。 事; 《易》『繼善成性』,皆體道之全功,正 然至善矣。 者 道」也。 學者果若 老老幼幼,以及人之老幼,不一言而足。 而 仁由義」,「有事勿忘」者,繼之之功, 之謂道」,即《中庸》『中節之和,天下 智之偏而言。 忍達之於其所忍,所不爲達之於其所爲, 心,充無欲害人之心,無穿窬之心,有所 知其種之美耶? 善本旨。 不能 繼 誠 当。『萬 成之即 此一 如 離智,中焉 繼 蓋 五 此其盡 陰一陽之道,則 之即 物 中 如 人性 穀之性,不藝植,不耘 和 皆備』者,成之之候。 日 道不離陰陽,智不能離仁, :"惻隱之心,仁之端 位 須 無不善,於擴充盡 心,則性 故諄諄教 而 育之能。 臾 E 不離 故 善復 剛 城 人存 在 柔不 孟 懼 何 子 心, 耔, 慎 陰 偏 疑 才 一反 則居 - 之達 **元哉**? 對仁 獨 求放 後 也。」 何 ጠ 陽 身 之 見

首

卷

Ŧī.

之之 是觀 惡 天。 庸 仁; 隨 雖 嘉 非 其 未 昧 而 而 實 此。 非 然 穀之性 人 也,孟子實言之, 生之前 》賢智之過 所 時 有 智者見之謂之智,即不可謂 則 性 功 惻 羞 而 離 之, 出 不然矣; 未 或 至 隱 人 本 惡 天 靡 口 則仁 ·天 幾 全,怠勤 尊 所 亦 向 窮 以 幾何 無 有 乎滅矣。 謂 加 焉 非 無 天,不惟 即 爲 念 谿 者 責 成 \_ 涵 曲 不得爲賢智也 善 繼 非 不 斯 讓 人, 見之謂 之, 養 見 異 也 胥 善 善 羞 、有 熟 圃 也。 獲 故曰: 成 悪 誣 言 天 矣。 則 諸家 而 是 從 而 性 無 下 其 後君子之性全, 是 之仁, 辭 非 而 以 成之者,成 圃 虚 讓、是: 并 皆 故 則 之 麰 繼 成之謂 見 襌 藨 幾 誣 則 心 之, 0 麥之性 虚言之。 天 乎 即 智 求 從 焉 蓘 天 離 付之全 非之心 有 之父 不 來 勤 矣。 人而 性。 猶《 惻 미 此 且 有 而 故 解 由 言 中 敬 母 者 謂 無 善 後 蓋 尊 性

> 然 肆 矣 殊 功 ∭ 日 生 民 之 性 有 善 惡 , 必 不

之下? 之全。 農 性 性 成 資 收 萬 正 係之『利貞』之下乎? 物資始,各 人物之性,豈 正 不全。 藏 然 非不良也,而必於仁至義盡 、保合見生物之性之全, 始、 收 性 命」, 時 後 種 又曰:「資始 性有 流 或 方有 性 小必 又 行 此 日 天之成 全。 不 何 正 之時, 待受霜 物 性 不 性 可 善 人之氣 理 也,謂 物 同 命 日 焉 也, 物 之成 哉! 流 性 • 元 之後 口 也。 行 非 山 性 而 禀 盡 亨者: 以 以 至 必 不 以以 《大彖》何不言 非元 清 天之生 誣? 物 係 氣, 推 是 具 濁 孩 成 之『乾 性 爲 人理 始 也 始 人 然 提 情 果 非 見 足 曰 時 之 物 後 少長之時 有 而 經 也 矣。 生人之性 耳。 無 成 道 也。 性 霜 什 必 氣之清 變 性 以 正 於 是 「各 百 而 則 化 「萬 學。 各 故 穀 老 而 必

濁 氣濁, 清 可 者 ,乃是習耳 誠 游、夏性善、參柴性惡耶?」 無 有 游、夏多文,端 不 不 善, 同,然 氣 觀 濁 無 於聖門,參 者 乖 木 亦 于性善 屢 無 中,當 不 魯柴 善。 l 之 義 由 愚 有 也 氣 當當 不 善 由 氣

之善 良能 中 有 而 見,分見於氣、情、才。 才 流 廣言之 之 和, 曲曲 善 無 露 情」, 一,皆就 惡 也。天命有善而 而 m 不知舍情、才之善,又何以 又曰:「一 孟 性之充周 ; 日 無 言謂之情,由性之運 子 惡。 氣、情、才,豈有二哉 日『才出 氣 以 性 惻隱、羞惡、辭 、情、才言之。 有  $\wedge$ 性 中 圃 善 i也,推· 言謂之氣。 庸》 而 於氣,故 無惡,故 無惡,故人性 以喜. 情、才與氣, 本言之日 怒哀 後 讓、 皆 用 氣 性 儒 有 是非 樂明 之善 而 明性之 情 天 日 善 言謂 亦 皆 由 命 有 明 性 才 性 性 既 有 不 之 不 發 性 之 皆 善 之 之 推 可

儒 言矣。是陰爲邪 耶 ? 又曰:「『本體』二字,不 才、 情、氣· 有 説 不 者立幟 善,則性 也,而 見經 之不 口 傳, 乎? 善 此 不 待

質,非 身,何 體 遂 故曰『人生而 親 人 語,本是禪宗。 處 不是性』, 誣之甚也。 降衷』、《中庸》『天命之性』皆指本體 而 郭? 身則必本之親 生之身,而 · 而 爲性學淵 從佛氏脱 無非言本體。 當指 本 無 《樂記 體 則 乎? 是本 此 所 皇降 胎 源 爲 少而 静以上不容説,才説性 來者。 》《人 謂 其書大半在《荀子》,不 本 體 可 宋儒 子曰『性相近』,則近 是 生 天 體,而 壯 怪 性 云 命,特 生 孔、孟 故以 也 惟 而 而 耳。 而 1 老,亦莫非親 容説 誤 過 静,天之性也二二 推本言之,猶 絶 此 其實孕育時 爲《商書》『維 以 後 者 此 口 以 儒 1,恰好 往 爲言本 不言本體, 口 即 説 是性 便 屬 生 在 己 之 此 皇 此 何

達 之本 愈遠 落。 養此 吾性之本體 也。 之心,以至 時 赤 而 處 性之本體亦未嘗不在 『行道之人勿受』,則雖下 而 偏 也 子之心,孩提之愛、稍長之敬,亦 心 静 此 丽 之靈 介實 心。 矣。 非 體 日 本 今不思 之時,所謂天命皇降之體段,愈 而 一平旦 天 體 如 未 以 即 孟 明 無 命皇降之體乎? 日 古 吾 全,未可語性之全體 時 四端人皆有之心,皆指本 『人皆有不忍之心』,乍見孺 毫 論 切 無 子 亦 之 心 時 實 道 時 未 無 人 是本 氣 密體之日用,極 反 性 開 不 生 時 求 在 善 發 加 不 體用 則 也。 未 静之時,黝 在 不 而欲懸 則 雖 也。 止 善 可言性 事 流 牿亡之後, 曰「乞人不屑」, 學者 於 是 ,工夫始 行乞之徒, 則 空想 人 性 擴 亦 惟 生 之本 然 充 必 何 而 萌 即 箇 時 穆 盡 自 求 有 時 時 體 所 静 而 而 體 之 知 謂 着 才 生 存 吾 未 何 而

> 者知其 之功 者 後 全體 從乎?」 前 的 言 的 道 工 極 性 故 夫。 理, 平 無 也」,佛氏喜言未生之前、既 日 不 實, 儒者只曉得有生之後、未 佛 『成之者性 氏 卻 言雖 義 口 無 持 夸大, 不 循, 義 也 日下。 將 卻 而 後 無 何 可 把 霊盡 去 語 捉,儒 而 死 死 其 性 之 之 何

也。 見,人欲恰好處,即 常人之心,常人之所欲,亦即聖 儒 亦並無天理之可言矣。」 只言寡欲,不言 人心 又曰:「周子無欲之教,不 本無 所 謂 「無欲。 天 天 理 理 天 也 聖人之心, 理 向 E . 禪 人之 無 從 而 人 禪 欲 所 欲 無 欲 中 則 吾

善在 見 太過,不 頭 孩提少長之時已自彌綸天地,不 腦。 乾初 善會諸儒之意者亦有之。 之言、大抵 故深中諸儒之病者 如 此。 有之; 其 於聖學, 夫性 或主 待 已

來,後 者 分量。 乾 見 寸九分非少,八十一分非多,原始要終,互 初必 相宣 ,或言三寸九分,或言八十一分。 來之仁至義 故後 欲 ,皆黄鍾之本色也 以 擴 來之 充 到 盡 盡 底言性善,此 不 ,亦只還得孩提少長 盡 在 人不 如言黄 在 性 夫三 也 鍾

者 年 嘗 而 舊 師 守章句 母 族 習,一 木 受 葉 曾祖 同 重 深 盡 閲 閲 氏 痛 讀 先生諱確,字乾初。 輩爲之一鬨,不 乾初 編讀之,心弗善也,輒棄 之,則 之, 末學之支離,見於辭 隅 鳴 其後與同邑祝淵 乾 三反。 憬然 梧, 初 每鑴之; 又格 讀 祖理川,父覺菴皆世其學。 而 書卓拳,不喜 迨先師 格 喻 顧 不 已同 取 能 也 其 夢 相 讀 陳氏 問 四 奠, 色,乾 學 書,淵議 + 理 去,遂 於 爲 遂 年 得 學 Ш 海 見之 其 所 初 家 陰,先 寧 遺 括 論 四十 不 言 閲 望 磨 書 不

> 紀。 後,亦 之常 異端 故 義 與 初謂 相 有 後一着,遂使奸 通古禮,而 國事, 不 孔子謂『未知 ,大人弗 告,不爲姑息。 之禍。 補 死 乾 乾 世俗之事非所當行 不 節 名教者。 初 復 初謂 死者先 議 赴 爲。 於 其於 案, 禮 衎 [X] 尤精,從 生,焉 後 甲 衎 禮尤 真 盗 友 屠爌、 申 醉 相望,乾 口 優 之 朋 飽 以 痛 痛 倡 賢 知 其心之所安者, 也。一 同登 後,士之好名者强 死。 地 陸圻徵文壽母,乾 無 不 事 社集講 理 益 肖 初 乾 節 稍 惑 身 曰:「非義之 今人動 生平具 義 初 心 乖 人,爲天 之論, 會 濁 再 必 亂 會 正 稱 在 (情 未 下 末 之 色 變 無

於沈 年。子二人:長翼,次禾,殀。女一人。 日 爲 家 晚 7 圃 Ė 病 橋之西。 七月二 廢, 不 十四四 出 娶王 門 日 者 氏, + 年 先卒二十 五 七 年· + 刀 卒 之 葬 孫

## 一人: 克鬯、克爽。

矣。 十年 稿,方識 但 以 以讖前過。 翼以誌銘見屬,其 翼 丙辰,致書約以明 余於丙午訪之,病中猶 所 指 作 歸,有負良友多矣。 事 銘曰 實 稍 節 歲 時未讀 成 再 文。 危 見, 坐 乾初之書, 今詳 因 ൬ 劇 理 不可 談。 其 玩 緒 得 遺 又

皇 乃 彼 銘文,不能深究,今其庶幾,可 夫大成,諸儒之弊,削其畦町。下士聞之,以 新渠,導水入海,而 爲雷霆。豈無及門,世智限心 一而篤 有傑上,從遊 書蟫,欲抹微言,與時浮沉 有明學術,宗旨紛如,或 踐 履。 余忝同 雖 晚,冥契心髓,不 反填淤。 門,自 如如 愧 惟 泥 以傳後 淺 龍 成言 我 以 洒 蕺 山之下, 太牢,飫 Щ 無張 昔作 或 集 創

## 陳氏理學乾初先生傳

族弟元龍譔

泊 重 案 以 雖 守淮安。 器重之。 公、舉茂才、廩於庠、後遭喪亂 期至於古之立言者。 子,俱遊 玄,文學覺菴 一於前 與 如 副塾課之望。當受知學使 《州志·文苑傳》: 許令典,字同生,萬曆丁 也。 先生 陳 輩 生同學,不 目爲小友,且指示子弟曰:「若 **黌**序有名。先生弱 從伯兄授經。鄉賢許 已如 神 確,字 公之季子 此。 日即當師事之矣。」其 讀書 乾 尤 厭 初,原 不屑屑章 也。 薄舉業,姑爲之 名道永,字非 圃 覺 被 者黎、許兩 同生先生璋 才,父兄 菴 一句,毅 屣棄之, 公生 未進士 然 見 特 曹 四

當事庇其人,欲中先生以法,先生色不爲明季有骫法吏,先生唱義,聲籲當事。

事 動 與 尋太 吏 俱 坐 府 黜 劉 先 公雪濤 生亦 排免, 不 ·色喜。 事 聞 輦 轂 當

定。 族 子 印 躬 與 三兄 規 枚字爰立, 生 材矣,其堂寢規模,主祏 ,所謂 孫 三則 祝 講 時 行 一」之説 《家傳》: 晚年 孝 雁 巋 艱 志義之士,從遊 實 早年論 明宗 法 (踐,重 序 然 廉 于 號 其趨一 以 搆 長 淵 覓 補 易字潮生,我旋公子。 法。 謂 菴 袝, 地 學,於諸 德 遊 地 爲支分本一,血 規 腹 + 者皆 蕺 可 望 也。 而 建 疊 貞 畝 與 于 Ш 公子。 己 遷 矩。 有 先 孟 可 日 亦 接引後學,娓 祖 儒 奇, 袝 衆。 生 子 置 鄉,皆不 既 中 祠宇,宗 制 表章家學,酌 人。 門,奉慎獨 道 生 ·最喜 營葬 而 度,一 性 爰立輩 與兄子 擴 祝 脈 先 焉。 善 考 姚 以 相 愧 出 生蓋 人 同 妣, 江 娓不 節 聯 既 潮 令支 師 先 《家傳》: 功。 之教 顯 生、璋 門 奉 生 庀 知 倣 立 倦 先 其 釐 其 族 後 行

> 聚 美 時 子姓 廬 ,皆類此 而 兄弟 處,没 咸 則 在。 共 域 其 而 、酌古 葬,且使春 準 今, 法 秋 良 展 墓

及 之,向之勇於 水 書 學,尤多心得。 心,每婉辭 爲任氣而 後,一切陶 涯 法直 中庭,君子謂不 詩文清 、篆刻博弈諸 逼 融釋之。 鍾 不 寫 真 性情 王 赴。 一往, 大雅,寄托深遠。 下 異袁閎之土室 好無 撫 尋病廢幾二十 之技,視爲 筆立 社 遇 琴 集 不 不工 吹 平而 講 就 簫 會 0 無 以以 輒 害道 時 自 纖 發 其發 奏 爲無 奉 毫 年, 者, 而 于 教 障 明 益 蕺 Ш 亦 屏 旗 身 視 絶 理 Ш

藏之。 喪,手 《學譜》、《葬論》、《 餘 雜著, 所著有《大 寫 不下數  $\wedge$ 孝 經》百餘 學辨》、《禪障》、《 十萬言 喪俗》、《 册 俱 志 家約》 藏 痛 于 戚 家 諸 友 性 争 居 解 其 母

之,指 矣,而· 成 余少 雖 而 無 遡 時 於 古貌 爲 老成人,尚 典 戯 每 後 刑 見 古言,髣髴 生 先 者乎,則 先 一矜式。 生過 生爲余兄,而 有 從,先大夫必 典 有 今先生下世六 先 如 刑。」宗之人有 昨。 生之遺文在 五. 《詩》有 + 肅 年 衣 以 仰老 + 之 冠 長 年 迎

璋案: 傅,子吉,累授光禄 閣 康熙戊午舉人,乙丑進士, 大學士兼禮部尚 《家傳》: 元龍 書。 大夫。 字 廣陵、號乾齋、之闇 具 榜眼 疏 乾 致 隆 政 及第,歷 丙 ()特加 辰 恩 太子 官 給 文淵 子 全 太

### 乾初府君行略

俸。

卒謚

文簡

,年八十五

不孝翼述

不 未 勝 即 實 載 鳴 喪。 呼 欲 ! 俟 緬 不孝 卒哭後, 維 先 翼 君 禍 子生平 喘息 鍾 所天, 稍 晶 定, 脩 煩 獨 冤 博 善 茶 稽 毒 親

> 遠璋案: 綴 節 過 略甚不詳也 止谿先生嘉徵子, 友,悉所 述顛 弔, 略 ,載之邑乘。 奉 末 州 其 見 如 志 尊先 聞 左。 編蒙 諸 文 生語, 生。 苑 然情 命難 傳》: Τ. 次 詩, 思 欲急得先 其 朱 久 爾邁 略。 惘 奇俊雄 稽 惘 。 謹 字人遠 兹蒙 偉, 詞 啣 君子 旨 不 哀 朱 號 名 濡 哽 一生 子 日 澀 體。 人

公,諱 不第。 始。 公,諱祥龍; 萬曆七年己卯 陳 孝廉淳宇公女,璋案:《州志》: 公,以及王父覺菴公,類皆績學敦 理學,屹然爲世儒 ,冒今姓。 梅崗 按家乘, 賣永; 覺菴公娶王 公而 科舉人。 次即先君子。 次 數 子 下 孝章公,諱 傳 家 高 宗, 自 而 母母 生四子: 祖 至 莱孺 遷 爲海 鳴 司 祖 梧 訓 高 人,爲萬曆 葉霑字仁字,明 寧 思 公、 梅 長伯 東 永 陳 崗 東 曾 文 倫, 次 父 獻 公 祖 我 贅 腹 歷 文 理 所 神宗 旋 卯 自 貞 試 于 Ш

已,則 字 傳》: 有 其 母問不以實告。 父母者 有餘則反之。常從羣兒游戲,聞有訛詆 肉 聞 乾 朗 必 原名筮永,字原季,號遜膚。 、識夙成,類如此 IE 初。 乎?」曰: 先 义大安,謂吾不 君 方,數必五 ,揜耳疾 子庠名諱道永,字非玄。 幼 穎 異,見解 無聞 趨人,王 已而有告之者,王母怒不 , 其 也。」然心竊不安,謂 告爲是,告之者非。 有不正 不 母 凡。 國變後 問 者,必請易, 五六歲時 : 「汝在 改名 璋案:《家 確 外 食 王

雋 童子 試歸,伯父腹 章 先君子大局促,心 題課藝,卓 公出 及案出 試,即大 家貧 游學,講 不 絶 ,伯父我旋公竟列名,先君子遺 能 貞公閲試卷,謂 有文名。 等輩 延 解 師 略過耳,即 ,兩公絕賞愛之。 怦 間 怦 嘗與伯父我旋公道 從伯父腹貞公、孝 然,惟 能 叔卷不若季, 領其 恐 其 (要,命 甫 先 得 就

也,事符其志,能不喜乎!」不録,乃大喜。王母怪問之,曰:「此兒志

專志 知 志之具已耳。 經意,偶一爲之,更爾 應手,無 等之 致。 衿,放浪山 儉佐家,家中事先君子纖 庠生海鹽王廷策女,詳公自撰傳。 一二知交,吟風弄月,超然遠寄,有點 功名爲何物。 于學。 年十八,取先母王碩 不窮極 間 水,恣情聲律,韻管譜 二十以後 以 故先君子即當童子試, 雙陸圍 其妙。 超脱 試試 棋 視 篆 人。 帖 悉皆 屢蹶,遂薄 碩 不 刻 括 覊 人 璋 不問, 至,能 ,以是i 操 臨 案 琴。 觚 池 《家 爲 得 得 已 絶 時 遊 視 以 傳 影配 適 益 舞 共 勤 不

不得已勉一赴,博菴黎公賞其文,拔第三,進取事。至癸酉歲,伯父腹貞公强之甚,歲,王父覺菴公又見背,悲憤激中,欲絶意年二十六歲,遭伯父我旋公之變,閱

學 謝 意 君 補 後 使 欲 其 無 子 憲 忧 弟 用 有 許 左 周 子 右 文字相 員 全之。 問 生 廩 非 平 先 于 其 先君 知,款 節 君 庠 好 操 子 也 凛 有 子 洽 時 然、蓋 事 每 無 太 庚 見託 進 府 比 辰 見, 劉雪濤 不待 察先 之歲, 否? 退 晚 出 君子貧 年 先 又 公與 外, 遇 進 君 則 學 子 知

摹 家 脈 千 其 庭 相 儗 , 抉 論 所 有 篋 頡 之 能 餘 窺 説 先 頏 題髓,抒 狀 望 藝。 之, 君 遭 絶 其 子 從 亂 有 不 項 其 時 入泮至告退 道 棄 背 左 精 藝 寫 去, 及一 右 醇 精 性 逢 不啻 變化, 靈 I 字。 原 一,源 , 之樂 可 塵 不不 翼 出 與 本 飯 經 道 近 歸 及 塗 非 德 課 人 羹 + 胡 近 史, 子 诗時 年 無 諸 日 間 剽 領 帖 私 從 大 竊 發 家 括 約 章

尹 煽 虐 壬 午 輟 秋 所 比 業 , 攻之。 先 君子 當 以 事 命 庇 中 貪 之 尹 技 欲 值 罪 貪

> 榮 始崇 散 捄 試 不 以 轂 哉 首 夫 不 公 利 氣 當 當事 先君 力 渝 此 爲 事 一縣之民, 諸 ; 則 者, 其 節 自 薦 尚 動 事 (初者也 夫風 喜。 科 子 者 與 固 與 自 文 邑衆庠 試 根原 貪 夷 移 心惕,卒 後 貪 蓋 流 尹 然 尹 褫 亦 亦 先君子至此 比 于 不 變 繼 竟 革 不 何 生感 性天, 者 以爲意,謂: 至 絢 中 解 聽 所 學 道 考功 爛 其 白 惜, 憲 先君 夫 歷 事。 方 是 執 要 詞 去 盛 恐 歲 而 不 子 其 章, 未幾 鄉 嚇 衰 竟 學 先 許 義 淡 , 先 荐 繼 君 不 捐 閲 凡 功 風 羣 何 老 與 又 子 君 吾 雪 矜 穉 變: 聞 聚 子 足 牛 鄉 濤 亦 薄 厲 以 辇 不 屹 道 閳 劉 丽

案: 舉 君 人,年三十五 子 州 思 甲 志 申、 儉 忠烈傳》: 德 Z - 殉節 避 酉, 難, 死。 祝淵字開 滄 挫 桑 同 明 游 變 美,號 用 革 山 晦 陰 月隱 動 先 與 魄 生之門 明 祝 驚 崇 開 魂 貧 美 癸 先 西 璋 璋

士, 案: 中 踐 道 静,合人己,無往 教 必 獨喜 遷, 履 而 性 官左都 《明 益 善同 學益 真 文史》本 知 從 陽 篤 御史,乙酉六月不食 過 事 明知 功 議 邃 傳: 於 必 論 識 闇 劉 改 行 宗 切 然 益 而 周字啓 合 實 以 、之學, 卓 非 而 無 一」之説 獨,即 則 歉 理 東, 死。 見 致 而 其 Ш 其 奉先 操 精 所 陰 無 謂 人,萬 胸 其 微 獨 往 懷 功 미 生 知 而 曆 於 與 於 恬 慎 非 辛 兼 孟 諸 知 曠 獨 慎 丑 善 之 子 儒 動 而 進

坊 自 貫 即 辨 俗 欺 ,絶非 偶 古人牙後 則 ൬ 其 然落筆,出 學譜 有論 所 欺 支離 禪 論 天下  $\approx$ 障》、《性 述,前 葬諸 無 附 駮 也。 不 會 雜 其 書,《 折 、依傍 人所 影 心 解 其 大 響, 得, 衷 喪俗》、《家約 **∀**′ 孔、孟 已言者不言 具有 出 裝 者 氣 排 口 情 論 發明, , 衡 如如 入 學 才 耳 近 斷 辨 之學, 則有《大  $\forall$ 羣 世 理 也 率皆 歸 儒 儒  $\sim$ 原 以 者 故

> 其 安 其餘 言 孔 談 而 道 子 其 近 人 之 貧 有 指 雜 暇 遠 如在,豈苟焉已哉 樂 恒 著,不下 之訓 間 黜 道 之懷,悲 爲詩 僞 互 存 數十 相 歌,清真 誠 印 天憫人之致, 與《 萬 證 言 大大有 中 大 庸 俱 雅 有 紊 裨 不 齃 于 位 讀 過 世 學 之 自 其 者 教 詩 寫

兼盡 父, 旋 敬 艸法,各臻 <u>一</u>十 不 若嬰孩之未 命,得請 就養,寢 公公蚤 啻如 問 終 遺 ,手書《孝 年,遇忌 事 其 一夭,諸 子 王父,不待告戒,能 處飲 身 老 然 0 無 其 後 而 離 視朋 兄 己。 違 極 食 月, 彌 懷 經》百 幼 言,事關 篤。 爲 抱 必 必 友 孤 事 者 如 世 躬 斷 ,先君子 孀 視兄子 餘 兄弟,然恩 所 自 酒 嫂 册 於 倫紀之大,必 實 調 除 寡 先 以誌 王 重 攝 腥 如 姊 意 教 母 子 承 誨 如 喪 承 痛,真、行 事 王 志 中 事 歡 不 撫 伯父 克 母 母 揜 循 朝 力 如 年 哀禮 没 夕 請 禮 更 我 事 後

恤 未 急於詞章之學,惟嚴飭 面 能率其教。 稱 雖 其 死 違 者復生,生者不愧 而 隱 成 其 美, 死 其行誼。 喪 患 訓 難 誨 翼愚下 翼 盡 等不 力 周

日 面 文苑傳》許全可字欲爾、令典之孫、鍵户隱淪、肆力于學。 譜》易字潮生,我旋公子。 鬯兒書《喪約》二紙,呼從兄潮生、璋案:《家 翼涕泣哀懇,不聽也。 于天矣。 色,變其常度。 運 + 時勤苦,中道棄捐,終其身不再娶。 一翼畫 授之,餘 左右 發 年 吐二次, 四十七歲,先母王碩人棄世, 得顫 夜承 今年五月 無所言; 孿 奉,絕不見因疾苦有忿戾 其節情理性之功,人而 疾,拘困者十五載,委 遂 許子欲爾,璋案: 瞑 轉 然 七月 脾 然 猶 泄 日 而 證,拒 初,漸不 起 逝 坐,至 絶 鳴 州 支,命 醫 至六 廿 心 念昔 呼 志 之 四 進 任

> 具 蓋剗 不 静、筆墨、文字、疾 存者也。 有一種 削 先君子人品 于名 光 明 利 正 者 一大氣象,流行 學 盡 病、生死之間 問 一,故其 文章 所 得 真 於 于性 蓋 語言、 焉 無 天者, 盡 往 之。 動 而

廣 啣 乞當世名公鉅 合葬于沈家石 二:翼子克鬯,禾子克 年七十 錫 生行 哀艸土 類,不拘墓志、傳贊、誄 先君子生萬曆甲辰,距今歲丁巳, · 有 誼得上光國 即即 四。 日 儒,同 二子 幕 橋西半 人 地 史,下垂家乘,不孝 門 死 爽。 里祖塋之次穆。 女,弟禾早夭。 執 友, 誼 且 擬於今冬扶 不朽。 表,俾先君 隆生死,道 伏 翼 子 柩 孫 享

集元稿中。爰附載卷首,得以識公之梗概云。本傳尤爲詳備。蓋當時志傳,即本此而出者也。本傳尤爲詳備。蓋當時志傳,即本此而出者也。

痛

哉

祖東里陳公明世榮 克貞, 趙家橋。 自黄山徙居 誼女。元末, 四世孫,字 宋武烈王十 號東 財。 生明 共武 世 院 民。 敏達 多 三 壬子,卒宣德 材。生明洪武 軒。少依母家, 字世宏,號月 丙午。子三、 始蒙母姓爲

聲,數傳無後。 順戊寅。弟清、 武甲戌, 卒天 好結客。生洪 耕。誠信慷慨, 文字亮,號樂 世四

是 無 無 無 是 無 無 是 無 無 是 無 表 至 , 卒 子丘。 年七十九。 大賓。生正 賓暘。鄉飲

字宗暘, 號

紀字二。

號柳庄。

靖己酉。

世 五. 松 繪

子二。 字士綸, 號南竹。

子一。 字士文, 號素菴。

緒歲貢生,河南固始 字士延, 號蕙溪。

訓導。子二。

字士元,

號養閒。

魁

生成化丙戌, 卒嘉

族 玄孫敬璋纂

七

六 世 中益 廪貢生,江南吴江 中有字守載, |中謙字守重,號桂西。世 中臨字守厚, 號龍洲。 中節嘉靖壬午舉人,官 中孚庠生,中正德癸酉 字守聚, 霍邱知縣。 舉人。子三。 字守信, 號雙渠 字守裕, 號梅岡。 邑庠生。子四。 字守安,號凰岡。 訓導。子三。 邑庠生。子七。 號南洲。 號少岡。 七 公階字曰升,號望梅。 公陛 歲貢生, 公廷——戊寅,卒萬曆癸 子。 陽訓導。子二。 字曰臚, 號鳴梧。 字曰丹,號對梅。 未。子二。 河南信 世八 「侯佐生。生嘉靖 侯儀鳳川。邑庠 生。子一。 字維敬,號 理川。邑廪 字維相,號 六十五。子 曆癸卯, 年 乙亥, 卒萬 世 九 震伯字叔奮,號迅 (英伯字季傑,號 穎伯 醇伯菴。郡增生。 子三。 慎菴。無嗣。 嘉靖甲子, 卒 菴。子二。 六十七。子四。 崇禎庚午, 年 字師端, 號覺 字師孟, 號凝 菴。邑庠生。生

ハ

世十 思水孝章,號嘉徵。 祥龍徽。郡庠生。 **| 賁永三:長檝世;** 道永筮永,字原季。 子二。 子三。 字腹貞,號元 字非玄, 原名 字我旋,號龍 字茂脩, 更字 禎。邑增生。子 次枚,字爰立; 海鹽增生。子 次栻世。 + 世 十八。 十八。 敬之、號敬齋。 原名滋世,字 熙辛亥,年二 有文名。生順 字若木。穎悟, 三十日, 年五 康熙己巳正月 崇禎壬申,卒 隱居力學。生 治甲申,卒康 世克鬯怡。邑庠生。 克爽綸, 無後。 字艮輝。子一, 著述甚富。子 字震脩、號雲 字雅操, 十三 世 子三。 字曾貽, 起鳳字文叔。 --景元 字次山,出 九高耕閒。 生。子四。 字孟嘉,號

一九

族	
玄	
孫	
故	
璋	
編	
次	

五歲。	三十五年丁未,先生年	三歲。三十四年丙午,先生年	二歲。三十三年乙巳,先生年	宗	神生年一歲。	明萬曆三十二年甲辰,先	紀年
改漕,仍發粟賑饑,從邑人董夏五月,大水,不害稼。有旨							時事
					凰岡規之故居。	冬十月初七日未時,先生生于	出處
							藝
							文

首卷

		十三。 十三。
學。從伯兄腹貞公、仲兄孝章公問		十二。
		十一。
·		十歲。
公諱醇伯,字師孟,郡增生。 夏五月二十日,伯父凝菴公卒。		歲。 四十年壬子,先生年九
	錢。 秋七月,米涌貴,石值一兩二	八歲。
寡,守節,志行與先生絶相似。姊後適澎墩處士陸允忠。早始入小學,與姊氏同在家塾。		七歲。
		六歲。

讀書菩提寺。		一。四年甲子,先生年二十
弟始以父命析箸。	冬十二月二十二日,地大震。	十。 三年癸亥,先生年二
從伯兄學于靈泉山。	春二月癸酉,地震。	九。二年壬戌,先生年十
槐心公廷策長女。 娶碩人王氏。碩人,海鹽諸生		熹 天啓元年辛酉,先生年 宗
		十七。
始應童子試,有文名。		一 一 一 一 一 一 一 一 一 一 一 一 一 一 一 一 一 一 一
卒。公諱震伯,字叔奮。歲正月二十一日,叔父迅菴公從仲兄學于園花祝晉武家。是		十五。 一十六年戊午,先生年
		十四。

首卷

公卒年六十七。 公卒年六十七。		七。三年庚午,先生年二十
子,郡庠生。 十三。公諱祥龍,覺菴公第三 秋七月六日,兄我旋公卒,年三		二年已已,先生年二十
衣物,竟夜行水中,水及肩頸。	臣上其事,秋糧折半。 黑風雨海嘯,潮决人平野二十風雨海嘯,潮决人平野二十	帝 烈二十五。
		四。
		li'。
善。		
上。時八月之望,董子與先生秋,遊武林,與董子爾立同寓湖		二。 五年乙丑,先生年二十

\_

四。	二°。 二°。	二。一二。一二二十二八年乙亥,先生年三十	一。	十。 十。 大年癸酉,先生年三	九。五年壬申,先生年二十	八。四年辛未,先生年二十
		冬十一月二十六日,地震。				
行,雅爲太守劉公守謙所知,遇春,至武林,寓湖上。先生學	父慎菴公卒。 爲作移居圖。秋九月十日,季	· 審莊,唱和尤密。 · · · · · · · · · · · · ·	虞山,訪盧龍韓子有不值。	使僉事兼提學道。 以諱元寬,江西南昌人,以按察公諱元寬,江西南昌人,以按察公賞先生文,拔第三。	之。	交。
途就石臺索飲 斷橋步月歸	耆亭遷 耆亭記	韻絃樓飯歸 過老董	歌 樸巢中人歌 夜宿枕			

首卷

十六年癸未,先生年四十二十二十二十二十二十二十二十二十二十二十二十二十二十二十二十二十二十二十二	十五年壬午,先生年三十五年壬午	十四年辛巳,先生年三	十二年庚辰,先生年三	十二年己卯,先生年三	十五。十一年戊寅,先生年三	
	春夏米涌貴,石值三金。	夏,大旱,蝗。	夏旱飢,米涌貴,一石值四		夏六月辛亥,大風雨,湖决城	
除,受業劉念臺先生,授以《古九月,又與祝開美、吴仲木至山秋八月,與祝子開美同遊西湖。	當事及吏卒以劾落職。		建侯官人。 學使許公名豸,福	春,始交鄔子行素于山中。	來從學于丁園。	語干謁。公益敬之。
雲門諸山 九日登秦望 一次 近日三章 游天池寺 游					柬老董 東樓	

過近思叔池上 登龍山	五之夕,有盗入室,先生中七鐵	
世事篇 間日瘧 春晴	月,同人集莅茂堂。夏五月廿	
吾生 許欲爾過訪 邨酒	養元黃山嶺閣,分韻賦詩。三	1,00
蠶謡 蒼天七章 遇盗	春,與同志十數人會于道士韓	三年丙戌,先生年四十
	生之訃。	
	于澎墩陸氏姊家。始聞山陰先	
傳	受而藏之。閏六月朔日,省母	
文 祝開美傳 許元五小	手書及所記録授先生,先生泣	
祭祝開美文 奠許元五	葬。六月,祝開美以山陰先生	
哭山陰先生 哭許元五	韞斯諸人至澉浦,送吴公麟徵	
生 哀江南 哭祝子開美	劉先生。夏四月,同張考夫、朱	
侍山陰先生 哭吴秋浦先	春正月,復與祝開美至山陰,謁	二年乙酉,先生年四十
		帝
		皇
	典瑞,號八公,爾立姪,郡庠生。	
	木。冬,女歸于董,名世琮,字	
	夏六月二十日,次子禾生,字若	祖一。
	陰,謁劉先生。	治元年,先生年四十
寄韓子有書并係以詩	春正月,復與吴仲木渡江至山	世十七年甲申爲國朝順
平水謝别先生 歸渡有感	易抄義》,凡五旬而歸。	

七。七年庚寅,先生年四十	六年己丑,先生年四十	五年戊子,先生年四十	四年丁亥,先生年四十	
			夏,大無麥禾,米涌貴,石三兩。	
居凡遇家忌,皆立忌月。 相《喪實論》、《葬論》。先生平相《喪實論》、《葬論》。先生平 居凡遇家忌,皆立忌月。	人于黄山。 徐季嘗于北郭。秋八月,會同 春正月,同近思族父過訪老友	先生爲糧長者。由東垞攜家仍還泥橋。時有推館洄塘近思族父家。秋八月,	功過訪。	人避亂海鹽。 一人復集茯茂堂。冬,挈家秋,同人復集茯茂堂。冬,挈家
傳 查醉白傳 地文 婦王氏傳 祝古菴地文 婦牙氏傳 祝古菴	閔辰生先生 與許芝田書 省過録 與韓子有書 啓酬徐季嘗 禾兒 叙諸子	秋興八首	屠闇伯 悼許元五 山樓見月 萬古樓晤鴛水門 晤張石渠于硤川 拜正月二十日雪 朝入城東	定兄傳 韻絃老人傳 東樓 九日風雨 秋游即東樓 九日風雨 秋游即東樓 九日風雨 秋游即

隱書 生日自題小影	其事。屬定海張子游寫小影。		
與吴仲木書 與老友董東	葬親社會于清風里,延先生主		
查静生書 答陸麗京書	月,率子翼過桐鄉。時考夫舉		
孝子文 答查石丈書 致	于湖上。送徐敬輿之喪。秋九		
祭山陰先生文 哭徐敬興	寺。二月,還渡錢塘,謁六忠祠		
劉伯繩世兄序 卧草序	學脩祀事。謁禹陵。再游雲門		
游西谿詩 西湖書感 别	山先生遺書於古小學。與諸同		+,
題廣孝寺 耶溪道中 五	春正月,同吴仲木至山陰,校蕺	夏,大旱。	十年癸巳,先生年五
木書 誄査母許碩人文			
山看女歸示翼兒 致吴仲	禮,娶沈氏兆鳳女。		
省母陸姊家侍竹園 東	寶綸閣。是年秋,爲子翼成嘉		
吾道人韻 尋陳時夏郊居	製竹節冠,有記。冬,同人復集		
五噫亭登高詩 社集和從	生。秋八月,同人復集寶綸閣。		九。
雨渡錢塘 九日和許大辛	春三月,渡江至山陰,弔劉先		九年壬辰,先生年四十
五塟文			
駁省過解 送故友許元			
溟寺異人記 獨山遺韻記	潘逸民過訪。		
名字説 南北墳祭議 東	後一日,同人集南湖寶綸閣。		
天開圖畫次韻 蔡上生	民攜酒至,盡歡而罷。冬,長至		八。
獨立 種秫 大道 米至	春三月,游天開圖畫,友人張松		八年辛卯,先生年四十

ス

首卷

			+=: 0	十三年丙申,先生年五								+ =	十二年乙未,先生年五						+	十一年甲午,先生年五
				夏六月,螟。																
	考夫、沈朗思于龍山。	公卒,年六十九。夏四月,會張	字震脩。三月二日,伯兄腹貞	春二月二十五日,長孫克鬯生,	之。	赴。先生少腹患一核,病卧久	時東南社集盛興,先生並解不	舉葬社於甑山,延先生爲賓。	龍山近事。冬十月,張考夫復	略》。作壽櫬。朱韞斯過訪,述	翠薄山房。秋,輯《先世遺事紀	同張考夫、沈朗思、朱輼斯會于	輯《山陰先生語録》。夏四月,	子翼經理其事。	經閣。冬十一月,葬祝開美,與	詩哭之。秋八月,至黄山,登尊	六月,作《大學辨》。 殤一孫,以	膳貴池蔡來雲,作山中約。夏	陶、許大辛諸人爲輪歲之會,以	春,同吴仲木至武林。與祝二
喜篇 答吴裒仲書 答來	書懷 天地 子與篇 志	夢訪劉伯繩世兄 病起	七十 病中辱徐邈思屢顧	元旦壽母九十 壽沈三叔	哭亡僕願忠文	書 送周子和歸山陰序	沈朗思書 遺祝鳳師兄弟	伯繩書 復吳裒仲書 答	與吴仲木孝子書 寄劉	櫬成偶占 東里謡 病吟	海上諸山 龍竹墳看桂	山 登祝虚齋先生祠樓望	候考夫不至 喜東隱翁歸	祭文 哭韓卓甫文	竹冠記 送祝開美葬管山	徐徽之書 與蔡養吾書	成夫書 寄劉伯繩書 復	獨步 良夜 吾道 答來	寓湖上書懷 和仲木西泠	臨平道中讀吳仲木日譜

	兆。時先生欲深葬先塋,筮之		
	于沈家石橋之西,與覺菴公同		
兄文 哭吴裒仲文	卒,年九十三。九月,塟葉孺人		
張考夫書 脈變記 哭仲	之。秋八月二十日,母葉孺人		
鳳師書 復韓子有書 致	年六十七。得吴裒仲訃,往哭		十六。
春正書感寄祝眉老 與祝	春正月十四日,仲兄孝章公卒,		十六年己亥,先生年五
嫡庶喪服議 老實説			
寄蔡養吾書 柳柳州論	作《瞽言》。		
劉伯繩書 與沈朗思書	牡丹。輯祝子開美遺集,序之。		
考夫書 與吴裒仲書 與	氏兩夫人之喪。還至葆光居賞		
長夏篇酬祝鳳師 寄張	大辛欲爾、查石丈至澉城,弔吴		十 五。
春賞咏 山中次吴裒仲韻	春三月,過舊居候仲氏。同許	冬,海溢。	十五年戊戌,先生年五
	山。作《家約》。		
送謝浮弟北上序	著《性解》、《禪障》。三月,過黄		
吴裒仲書 再作湘冠記	麗京《新婦譜》歸,補訂數條。		
春游記 答張考夫書 與	子本謁禹陵。還至武林,以陸		
集中野草堂 西渡書感	病。伯繩留訂先生遺集。同劉		十四。
東渡書感 游東皋别業	春正月,復至山陰,訪劉伯繩		十四年丁酉,先生年五
行素山居記 完璧議			
立翁文 自盗説 暮投鄔			
成夫書 吳伯兄文 吳童			

帝皇仁祖	五十九。	十七年庚子,先生年五十八。
	早。春三月,大雨雹。夏、秋,復	夏,螟,饑。 夏,大旱,艸木枯死,斗米四 夏,大旱,艸木枯死,斗米四 夏,螟,饑。
詩。得臂疾。 詩。得臂疾。	人貸粟于富室以賑之。秋,過春,里中乏食。先生與同志數	声,遂改塟焉。 夏,卧疴山齋。復至枕濤莊。 夏六月,與祝眉老避暑姚昺菴 夏六月,與祝眉老避暑姚昺菴 山寓。冬,過祝孝廉墓,以詩弔 之。是年,又殤一孫。
	彬予子季雝合傳	答徐孝先見懷 重九日 簡友戲成 祭上壽祝伯母 簡友戲成 祭上壽祝伯母 京應感賦 和景公望雨詩 一中呈眉老 道鸛山瞻 一中呈眉老 道鸛山瞻 一中是眉老 道鸛山瞻 一中是眉老 道鸛山瞻

 $\equiv$ 

首卷

窺鏡	自江西,先生同門友也,病中爲冬,聞海鹽彭觀民先生之喪歸		五。 七年戊申,先生年六十
		溢。	
		日,地生白毛。秋,大水,潮	<u></u> 。
書潘烈婦碑文後		夏六月十七日,地大震。次	六年丁未,先生年六十
	涕淚爲之交下。		
	吾不能執紼引路,有負良友。」		
	訪,言劉伯繩將葬。先生曰:		
翁叔父文	寖加,餘姚黄太沖同陸冰脩過		
社告成漫記 恕説 哭長	氏及宗族同落之。時先生風疾		1.10
十一月十七日早漫作 義	春正月,重葺楊橋室成,招諸楊		五年丙午,先生年六十
杖記			
姪 蔡養吾子傳 佛山靈	彙旃過訪。		
感懷查石丈 柬懷夢弼	杖,先生呼曰靈杖。秋,梁谿高		
補古詩 大道 學老實歌	是役也,童子得一竹,歸,製爲		0
元日過舊居書感 敝屣	春二月,往佛山送蔡養吾之喪。		四年乙巳,先生年六十
	哭之慟。		
	日,兄子枚卒,年四十二,先生		
	兄弟書《省言》一則。冬十月四		
	白册始畢。夏,過龍山,爲鳳師		

三四

簡事賅,以爲論世之一助。	璋案:兔床吴丈嘗爲公作年譜,别録成帙,頗極詳贍。璋復本其意稍爲參補,	紹衣爲作碑,先生名在其列。	再傳弟子一人配享。鄞庶	公祠,又以受業弟子三十	一一一一一一一一一一一一一一一一一一一一一一一一一一一一一一一一一一一一一一一	先生爲誌其墓。乾隆初	半里祖塋之次穆。姚江黄	而逝。冬,合葬于沈家石	至二十四日,發吐二次,送	之,餘無所言。然猶日	紙,呼從子易及許子欲爾	漸不支,命孫克鬯書《喪:	十四。	十六年丁巳,先生年七	十三、一力疾作書答之。	
	璋復本其意稍爲參補,作年表一卷,録於遺集之首,亦欲文	爲作碑,先生名在其列。	弟子一人配享。鄞庶常全	公祠,又以受業弟子三十五人、	守方宜田以蕺山講堂爲念臺劉	爲誌其墓。乾隆初,紹興	祖塋之次穆。姚江黄梨洲	。冬,合葬于沈家石橋西	至二十四日,發吐二次,遂瞑然	<b>歌無所言。然猶日起坐。</b>	z從子易及許子欲爾面授	漸不支,命孫克鬯書《喪約》二	,先生力却之。至七月初,	月,轉脾泄證。子翼泣請	作書答之。	

## 乾初先生遺事

族玄孫敬璋輯

# 楊園先生履祥言行見聞録

聲達 子姪力行孝友,雍雍如 於外 陳 乾 初 男僕 居 家 昧 有 爽 法 (操事 度 也。 天未明, 無游惰之色; 機杼之

也。 巡,府 需 者,猶爲知廉耻 納銀三兩免郡縣考。 此 而外,率皆汙僞命者也。 不給,首行鬻爵, 輸 子弟欲以是進取,必不願以節義自勉。 父兄爲子弟輸銀,必不 崇禎 銀就試之心, 庫成市。 甲申之變,仗節 事。 海 即 寧 令甚至 弘光時,●謀國者以 大江以南,每 異 陳 日 非 死義者, 玄道 童 迎 欲子弟之立 其棄職 賊 生 獻降之本 赴 永曰: 2 提學 守逃 試 一 二 十 者 節 出 意 例 軍

人心如此,天下復何幸乎?」

貧者無得食鄉鄰粟。」人咸義之。 者,不足,又勸族人與鄉之富者出粟濟之。 者,不足,又勸族人與鄉之富者出粟濟之。 辛丑,三昊旱,瀕海高鄉禾盡槁,來春

義,不多見也。

中。任其妻麻衣白兜頭。近今待下不失恩之,詞甚真切,璋案:公有《哭亡僕願忠文》,見集不重味,與人言及即淚下,爲文一篇以告陳乾初有耕田之僕死,哭之甚哀,食

此 吾師 祝開美將自盡, 所示筆 札, 及師 出一 門 帙授 講 陳乾 論 吾 所 初 記 曰 録

系

<sup>●「</sup>弘」,原作「宏」,避清乾隆諱,今改回。下同,不再出

者。 吾 死,子幼, 未 能 守,今以 付兄, 謹 之

勿失,無恨矣。」

### 黄 棃 洲 先 生宗義 思 舊 録

遠 之過 即 子,爲學者 矣。 以 力行所至,自 乾 「圖」、「書」爲怪妄,《大學》爲 初 亦不 以 所 ^ 大 譁 相 不 學》層累 信 妨, 其 知 與 心 慈 勦 湖 之學,不出 不 襲 已有是言。 須 成 沿門乞火。 説 别傳,言 者 于 相 孔 古 去

宿 丙 而 辰 乾 返 至 其 初 於先 家 訪 之, 師門下, ,時已 病 頗 風 能 有 不能 所發明。 下 床 余

朱 竹 垞 先 生彝 尊 經 考

學辨》一篇 乾 初, 蕺 山 於時聞 高 弟 講 者皆駭 學海 壖 桐 鄉張 ,晚著《 履 大 祥

首

卷

許 鹽 雖 顧 考夫、山 豁然貫通」近於禪 功,先後失其倫序,且 旲 覺,全可少子。 季 咈於衆心,然其人不失爲躬行君子 ,具言《大學》言知不言行,格 蕃昌 覺 楹 陰 罔 仲 劉汋伯繩、仁 木,交 極 幼 録 有大志,後從何 州 ¨, 宜 移 志 以 書 仍 . 争之。 和 孝 朱子《補 還《戴記》。 友 沈蘭 商隱 傳》 受業 先 傳》「 而 許 致 甸 楹 乾 誠 華、 字 也。 其言 初 IE 洗 委 日 之 不 海

知許孝子者。 豪邁之氣。 居 父母 喪 毁 瘠倍 至。 東 南 F 里 無 不

各 裨 生品 大 水、暴棺不葬,著《葬論 世 聲 醵 疾呼 金 教。 陳 行文章,推 爲 乾 初 後 會,俾直收者挨 責 舉 先 (生,先日 · 葬 社 速 重 葬。 , 時 君子之受業 集 **\*** 深 諸 其 次答 言 姻 喪實 痛 黨 激 世 之 葬,具見錫 切 論 人 師 未 誠 》諸 惑 也 葬 懇,有 於 風 先

三八

其 類 苦 教 心 0 遺 文 尚 未 付 梓 特 録 此 以 廣

張 順治中,舉 元 Ŧ 經 岵 有八,里人私謚曰文介徵君。 好 張 道,自 次 次 仲 仲 賢良方正 字元 表讀 竹 窗 書 岵 以 處 ,天啓辛酉舉 解 疾解。 日 頤 待軒 雜 康 學者稱 録 熙十 州 五年 待軒 私淑 志 卒。 先 陽 儒 生。 明, 年 林

棋 好 戢 非。 白 棍 家 邑令曾某不飭 諸技 之臺 子 龘 能 游 弟 絏 陳 以 蕺 年 不 憲,屏 非 其 善屬 乾 Щ 時 玄名道 以 學 之門 初 自 教 文, 其 遇 排 簠 詡 其 子 事 衆 羽 ൬ 食 永,後改 簋 任 翼。 救 歸, 餼 弟。 不 性 出 於 作佛事,不 爲之一 邑莫違, 友人某狹邪, 衣 邑庠, 善篆 而 名確 食言 後 刻、 面 變, 廉 號 乾 動 責 信 擘簫 乾 勁 安 不 友 初 堪 疾 初 静 爲 能 人 率 名 輿 惡。 之 先 彈 盡 土 和

> 野老占 輿 意 與 法 年 以 著 色 飲 孿之疾,不良 晚 自 年 鞭 數 晴 二子一僮 贈 寡 來 擇 與 也 杯 但 力 好 親 妹 家 地 (余有 課 貧 憊 以《 友。 及 之 乘 頹 晴 更甚 孤 乾 《大學》 止 籃 然 同 雨 書 姪。 燥 肩 於 有 輿 而 , 病之憐, 法 者 之 , 持 行。 遇 田 亦不 醉。 爲 酷 母 葬 竹 而 八 喪,手 竹 僞 似 其 趨, 能 余有 木 桃 + 榼 書 孟 時 李 父 蓊鬱,花 作 畝 往 頫 相 書《 花 祖 則 此 晤 鬱 來 割 詢 時 談 矣, 悶 嫌 阡 而 孝 其 倣 候。 得 竟 難 其 艸 陌 不知 經》百 古 載  $\equiv$ 造, 多 晉、 H 鮮 之 與 後 族 酒 事 面 妍 孰 或 唐 患 葬 乘 田 還 耳 以 先 遺 之 天 拘 輒 夫

全紹衣庶常祖望子劉子 騫 曰: 劉公祠 弟子 「乾隆初,紹興守方宜田以蕺 春 一人配享,而屬鄞 秋脩祀事,以受業弟子三十有五 全紹衣庶常爲之作碑。」 祠 堂配 Ш 講堂爲念臺 享碑 一人,再 吴氏

殘 焉。 勿 高弟子。 蕺 古之祭于 祠,大府方宜 不審。 明講 敢 自自 Щ 講 , 而 濫 稱 祠成,率諸生 子 學,即 也。 席 蕺 劉 濫 顧其弟子之見于遺 如 先 子正 Ш 列之。 謂 若其後 劉公理順、熊公汝霖,皆非 長, 以 師 是 田 命踰 者。 故 爲聲氣之藉,未 則 涖 乃諦定其學行之不愧 行 子劉子學舍也 浙 祠之莫良 人所稱 乃 百 釋 以爲言。 重 菜 年,有祀 禮 新其堂, 爲 于此, 因 高 書者甚多, 弟子者,又 必皆真儒 議 典 時 奉 配 且 吅 其 予 栗 享 合 方 無 生 蓋 師 主 諸 主 平 前 特

> 學 然 下,曰 統。 講 門 出 六 芟去其中數人者。諸生以爲恨,請予誌之 爲 經尤諤諤,詳 其大略,爲文一通,存之祠中,以 田 石 ', 則 + 浹背 者 以 堂 可傳于後 欲 世 三十五人者,自 所 小 予 年, 存之,乃仿《家語 三十五 海寧 亦 也 志》。 知者。 校定 無 而 耶 陳 有 山 者。 子劉子諸遺 人,再傳弟子一人, 先 至是不果, 乎 中 見 乃甫 生 墓誌 講 雖然,諸 一確,字 爾 堂 三月而 諸 銘。 海 其 • 生登 乾 鹽 則竟因予之去, 弟子 誰 書, 右諸 高弟之死,不 予去。 初 吴 爲誠意三 其 因 畸 先生麟 行》之例,撮 先生 (堂,能 並 或反 志見知 士 一撰《蕺 先是,宜 也 微 關 不 俱 無 過 之 妄 説 甚 卓 以 Ш

 $\overline{\bigcirc}$ 

### 乾 初先生文集卷

海 寧陳 確著 族 玄孫 敬璋編 校

### 與 陸 冰 脩

某 况 可 日 吾兄 束縛,不可不慎也。 事 不 竊 勢,自 深省 掩 兩 斬 耳 浙 不忍聞 然衰經之中,尤宜 賢 也 閉 豪 户 某非 無 讀 是言。 不噴 忘情 書 丽 噴誦 伏波 世道者 外 一以先 他 冰 誡 無 子姪 脩之義, 然 王之禮 山 竊觀 爲者。 書,不 调 然

自

舜 中, 業,單靠此 相 或 硜 無它長,只 人,當學其大者遠者,若夫一介不苟,特 手,便 也 小節耳,不足學 介不取」八字。 湯,以割 即 大舜 是 無 此 佐堯平天下 是一 敵 正 八字做起。 理。 于 有夏,只 天下。 着不 此 俗儒 也。 伊 差。 得 尹之所以 只 辟 堯之精 不知,以爲吾學古 不 力於「一 根 一着 如精 知 柢 伊 不 于弈者 一,舜之執 尹 孝。 差,便 介不 善學堯、 生 伊 與 是 彼 事 硜 尹

子不足 吾 弟言「殊有至理、某初 開美夷然不以爲 交天下之士,惟恐不及,僕嘗 旦 友 財 祝 吾兄才高 比 盡 開 數。 美 懽 蚤 窮 天 年慷 竊 變生不 意。 (下,意 恐 世 慨好施 後 見不及此 一態甚薄,人心至 測, 氣 數 如雲,區 年 可爲寒心。 役 而 以 大悔 財 前言告之。 ,雖聖人復 如糞 品 之,謂 四 昔 公

感動吾兄,猶吾前之初告祝子者也。起,不易子言」。竊恐弟今日之言,未足以

兄 待 且 朋 慎勿示世俗人。 憂,殆非 期門 非 友。」然則兄今日之所爲友,非友也。 時 世 而 夫居父喪而 俗 動 謝客,深思前 ·所以 毋 士 也 浮 爲孝也。 一、故敢 動 惟裁之,秘之, 違禮,老母在堂,遺 以 貽所生憂,幸甚 過,大養其有用之身, 以非世俗之言進 示不 順 乎 親,不 1 · 信 以 亦亦 吾 願 煩 平

# 與韓子有書順治六年已丑,公年四十六歲。

然亦 未之 庵徴 今年課子弟 太疏 見 詩 六月中,得錢聖月書,知吾兄爲 也。 海 淡,半 内, 作八 弟 必 固 歲以來,不滿十篇。 有名作傑 拙 股,復覺八股之興 于詩,比 然可讀者,恨弟 尤 絶 無 勃 此 所謂 破 然, 興。 甑

> 勃 下 知己之望,慚愧 然者 亦自一段佳話 而 相 尚 · 知 如 如 此, 陳 慚 乾 而 也。 初 况 愧 獨 詩 1 乎? 不爲作 但 破 以 甑 詩 此 庵 流 詩 不 能 滿 後 慰

與乾 不忘。 徒 無 無 益 也,則是徒絶之以形,而未絶之以心。 吾兄近功,兼惠及同 甚。 絶之形 絶之以形而未絶之以心,則其不能絶 可欲故 初 辱去歲之扎,得「絶慾」二字教 若弟 但云絶慾者,必猶 時 共衾 ,較仁兄不更進 丽 有絶之實。 婦 老 席 醜 ,正自蕭 而 年弟之意 病,去死 非 有 真 然 籌 慾于中 有 能 乎 人不 甚 旅 絶 ? 篤 慾 館 遠,雖 · 至 也 風 故 深 味, 絶 今 服 世 苟

六 可 鬆老頭皮也。 歲 以 ,方謀上學。 優游終老; 喪亂以 來,一昏一嫁,自以粗 當亦是絕慾之效 不意又有 看此等意思,似未 \_\_\_ 小 頑 耳。 兒,只五 了人事, 吾兄 放

補 闕 事 亦 必 與 不 絶 以 慾 相 正 訶 不 誚 相 也 妨 一,放心 它 日 放 爣 心 終 負 前

乎, 若 弟 極 忽 義,甚是,弟 是 復 奮 何 是 然 耳 士 何 承 宗 之 告 含箪 辭。 欲 如 小 退 但 亦 何 爾 食 節 從 士 深 前 豆 如 好 各 不 以 羹 何 途 而 足 爲 有 之 所 不 志 然 輕 義 從 E, 以 重。 也 **\$** 與 而  $\subseteq$ 不 今 朽 孟 要 必 作 年 弟 夫 觀 相 俑 春、欲 子 不 其 之 同 不 進 步 云 之 爾 此

聞 耶 叙 内 聽 可 需 ,鬚髩 樂 今 1 少 不 時 减 春 也。 弟 此 而 能 一駕 勤苦,亹亹 近 外 皓然,長侍老母, 弟 今冬擬 頗 過 日 更 之 無 西 進 無 無 善 湖 邨 病 他 作二木, 狀 不 酒 者,亦 何 妄 休, 二升; 惟 不 想。 老 如 豈 驩 枉 母 聞 闊 真 以 兩 東層, 讌 八 異 久, 待 有 兄皆六 十三 小 代 白 病 思 酣 事 尋 年 婦 歲 之 此 + 對 往 不 床 時 深 往 外 視

之約耶? 晤對未有時,豈勝翹注!

## 上閔辰生先生書

厚 先 沐 居, 生、師 知 德,長恨何言 知福 愛, 某 敬 履 母 而 啓 康 之 + 安, 年 喪 時 以 從近 極 俱不 來, 慰 思家 未 馳 獲 嘗 系 匍 叔 匐 處 某 通 得悉吾 在 問 拜。 門 候 墻 背 師 負 最 起

遂不 及,未 以 舉,會公道湮 今思之,真是浮 不 自是之後,隨 到 來,意尤 7,將自 獲 已 自 有 吾師 絶 决 具 除 意 去後,寧 絶, 滅, 呈 名 引 功 咎自 氣害道,未足以 告 名 草草 但不 繼 退 而 學 值 退 猶 ·欲造 結 中 某 學 局,未 無 即 自 食 廩 學 心 有 老 公 開 具 進 及 公擊 家 病 支, 云義 呈 取。 奉 之餼 失學,分 勢必 謂 聞 奸 憤 變 歲 生 也 故 試 由

諸 所 高 不 要觀 ¨, 亦 子 應 曰 爾, 或 復 : 進步 謂 紛 「是舍簞 而 生 紛 舍 何 告 爲 姪 如 之 退 軰 食豆羹之義 耳。」吾師 俑 及 此 諸 當 實 通 别 不 以 家 然 有 ,絶不 爲然 子 也 所 後 見 否? 生 足 生 嘗 爲 議 有 名 語 者 志

仍 得《省過 付便 邇 人,以 來 叙 穨  $\approx$ 惰 開 篇 廢 迷謬,不 附 業 IE 鹿 勝 鹿 望 幸 吾 無 甚 可 師 呈 細 教,謹 加 披 削 録

之 名 姿, 則 高 販 夫野 ·; 誦 寡 未 而 經 貴莫加焉, 吾 嘗 哂 吾師 霜 老自 師 不 雖 彌茂。 清 有 之德, H 貴 風 以 鰓 峻 里 自 心 鰓 側 節 而 來 安 樂 爲 聞 嘆 者 圃 吾 忧 夙 輿 吾 富 未 師 昔 誦 師 莫 其 憂其 所 嘗 之 寔 加 然 儀 不 焉 貧 切 乎? 貧 敬 也 夢 丽 吾 然 思 松 而 其 吾 師 則 夫 栢 之 不 道 之 師 生 雖

日思造謁臺階,快領仁誨,而道路風

波,不 便 足 稍 敢 出 布 門 候 私 瞻 望 臨 一之誠 書豈 勝 以 顒 日 切 爲 歲 先

附

# 寄祝二陶兄弟書

厘。 則 耳。」「以 之。」目 人 矣。」日 道 何 日 有 易 ? 日 :「君之僕則然矣,敢問主人所 君 奚若?」日 羣 豆 而 何 「何謂 僕 頃 日 腐 百 有宗 以 : 升米易 幾 「人日給米 而 物 責僕之深也? 以 實 淡 何 人 湧 升 ? . 也?」曰:「今獨米 者 孤 過 貴, 「人日 米 油 立, 我 日 易 幾 升 君 : 無 間 柴幾 何 耳 給米  $\neg$ 知 升,不爲不 忠 ? 馭 0 之乎? 僕 我 何? 平 余 觔 日 之 者, 情 升 囯 耳 法 奈 丽 日 日 賤,升 不 以 薄 言, 既 : 日 何 易 ·爲 . 兩 矣。 求 知之, 爲富 不 忠 酒 耳 吾 米八 觔 乏 余 幾 知 主 厚 雖

四四四

吾 穀 役則 火 者 四 吾之過也。 食 之 未 法 升之中, 兩 日 之糧 免支。 見 乎? 則 僕 飲淡 可, 其 圃 能忠也。」宗 日 酒 不然, 以 寒夏衣履 請 君之僕 燒 事 將舉 歸 柴 升, 出 而益其食。」 則雖 八 外 辺 而 未 觔 則 之費安出 者 可 曾從赤松子遊,學 人惝 使曾、 免 啖 圃 以 支, 盡 豆 然 云 史爲君之僕。 腐 侈 去之,可 自 疾病 乎? 也 失 觔 日 不 而 能 而 以 用 已 一是 供 又 去 不 油

幸毋 言者 味 得 日 可 不 稍 給 「此亦人子也,當善遇之。」斯言良有深 既益 一、乞人 急體 忽 展其 升 既以言于宗人, 視! 米 (手足。 其食,然後嚴 恤者 之外,須量 録 也。 通示之,尤推 陶 此 ,志乎陶者 凡相 近 益 又欲獻之二 來治家第 緝 薪 知家 羣僕,勿令生事 菜 衣 心及 有 也 履 미 之 陶 物之道, 要義,不 以 陶 費 兄 之言 進 弟。 使 斯

> 則 敢 在 不 獻 彼 必 , 惟 樂從 慈 財 而 主 威 亦 易 振 矣。 有 得 不

### 寄陸麗京書

問 處之 足 出 此 乎 試 弟 外不更置 事 者, 者, 夙 企高 輒 人行 每 不 相 懷, 應。 其志, 非 語。 思相 詆。 再問 闡 不 酬 意 頃 可 '; 曰 對, 者仁 過 以 寧城, 卒 П 子 有 未 舌 餘 遇 自 能 争。 友 籌 丽 也。 人之 知 之。 有 未 來 出

荒 節,力 不暇 德 落 不 弟近痛 加 殊 須 而暇人之責乎 脩, 甚 勉之大 雖 而 戒同志,謂一衿之棄, 年 日 道, 丛 用 逾 細 以 邁 微 無 之 吾是 愧古賢。 事, 以 俛 懼 仰 弟 何 多 關 邇 自 來 責 名

願吾兄同此遠懷,益務闇然之學。凡

之 麗 助 西 而 也。 京 E 冷 也 言 同 而 爲是言 志 向 之也, 非 ,皆以此告之, 麗 ,猶之麗京諄 京,弟 必 不 入矣。 必 不 或 敢 亦 諄 與 想 千 向 爲 當 慮 諸 是 一得 言 出 笑 試 受 者 之 非

道兄雅 晤 韓卓甫傳》 聞 愛,使 近 來 醫 人 册 學 夢 附 寐 大 爲勞 進 覽 然 ,先此 張 亦 尹 不 來 代 可 兄 面 過 不 更 慎。 圖 每

## 與許芝田書已丑

快, 何 也。 臂 而 知旋 失之,怏怏 八月十 如 氣 即 何 蒸 ? 平復,又歸 八 蔚, 石 日 桂 齋 不 曾一 詩 香 E 心 漸 云 人 甚遽,故不 時 酣 Ш 兄 桃 Щ 中 翁 花 翁之 體 水記 與 復 仁 中 樂 漁 微 趨 兄 交 如 溷 不

> 棹 馳 桂 東 潳 樹 翠 香 薄 留 間 明月 也 Щ 0 每 誦 此 兩 言 輒

> > 神

先 質 荆 得之,豈非家學淵源之不 樂 約 加 美 生 境。 甚 山 玉 嚴 成 之璞盡是連城 近 世德之未艾,惡 近 之,毋 大 道, 科名豈 辛、 後生志 加 折 欲 虚 定 其 爾 氣 道 趣 方新 矣。 未 與諸子 哉 迺 馴 可 爾, 前 · F 量 而 仁兄與 故是爲父兄第 爲 也 可 徐 賴 誣 省過之集, 1 鞭 賢 耶 其 父 但 家 中惰 諸 兄 伯 鼓 子 黄 氏 皆 門 則 舞 具 兩

矣,我 課 暇 辭 之頑,生平 也 督 而 東從諸 望 弟 勞 以 主 切 以 如 人 觀 母 苦 其 志 何 子遊,樂 老, 望 留 成。 願 切 **料** 不放 欲辭 仁兄 白 觀 年 館 優 願 新驥之 於此。 之計樹 歸 遊 與 養, 時 Ш 中,正 氣 違 自 間 人, 去 兼 以 殆 歲 定 載 策 可 謂 省 带 干 己 老 此 之 駑 時 此 古

文遠 作 庭 時 一篇。 並 不 大辛《省過 索 逮 加 頃病中, 大 正之。 (辛,而 集 亦老 叙 弟 意 極 艸 正 奇 書 一不在 矯 滿 미 幅付 文, 觀 幸于 又 要 去。 弟 過 弟

朽者, 督過, 遠 此 姑假借之以作其 見 喜,寢食有 謂 IE 有傳文,遺之 ,而仁兄默然未 未 海 可 大辛詩文,奇逸之氣,燄燄欲發,其 不但 外 豊 量 孤 晶 味」。 寂,過 不 显 昔坡老嘗 譽 如 耶 而 其驩 時 坡 氣 ? 聞 己, 出 老 也? 有 賞 抑 極 則 所 篇 至 本 口 所以期大辛 云 辭之譽, 譽諸 無 于如 見娱,則爲 今大辛 哉 ? 其 寔, 此, 子之文, 過 之才 又 而 而 古 數 於 時 今未 蘇 如 不 時 至 才 子 H

對 是 桂 弈浮白時 花 頃 歸 發 家 乃 也。 。當問 往 家 此 伯 當 兄 是 東 遊 老 之 科頭 期 云 樹 須

附答書

不樂, 元岵 豈吾有心病 吾友快談,若失者久之。 相 中 見 夜 語三日, 時,正下痢,氣 遶 耶 堦 1 除 差 走,不 堪 償 後於 虚體 此 自 知 憊,不 歸 東 其 嶽 復 何 能 忽 故 見 忽 與

言一 血 「讀得意文字,可以卻病。」此不獨文也。 今人捉筆能 心 中道得一字否? 篇,讀竟,乃 廿 日,, 言之士 欲 爾 躍 姪 東載 然起。 孫 傳 斗 示 古人有云: 量,誰 來 教, 能 併 從 叙

死 毛 録 倒 人,一病乃至不起。 叙》 竪。  $\sim$ 省過録》極是聖賢路 乃 字字指 師 乎, 師 授 乎 墮 坑 此一病直 落 凡 塹 E 人百 處 事 從 病  $\sim$ 父 省 不 母 能 寒 過

之程

遠

讀

書之心虚,苟

未

能

然

亦

在

所

省

也

吾得

因

乾初之意而

更益、

廣之。

從治

病

下

藥

時進之以

方。

非

日

諸

子

於

字道破。

諸子欲

其

因

病

下藥,

丽

吾

更

慾之誤,相去有不能

以

寸者,乾初

各

以

書

有

所

未

讀

也,然一

而

讀書之功苦,讀

書

理深,筋骨鍊,雙眼明, 過,此從染習 治之之法, 樂矣,亦 體 歷 久 認 自詳 不 病 無 法 中 何 但 能 曠 身上擔子放 熱腸,古人 此 用 可可 到 處。 自立見地,不染惡趣,期 今日 底不 以 今之人有志 寡 不 講 所 過 幸 在 也 稱 矣。 處 . 何 不 此 所? 虚 然 氣 世 而 六 界,事 能 壯 尺者安在 未 向 夫 所 上 可 心 生 者 謂 文 事,志 無

忙 爾 股之業,曰「吾無所用之」,全副 月露之間,口不談六藝之科,學不 日 矣,何以應之? 委頓 虚 時 節。 吾嘗謂今日極 抛 , M 其賢乃寄意於俳諧 日 微 觀 雲蒸龍 過矣! 今人,六時 閒時節,乃 變,以 聲調 其 虚 有 精神, 時 擲 志 則 循 風 人 子 雲 極 忽 口

向 每 厭 此 之賤之。 中 經生畢業,今日周、孔復起,不 進 步。 夫天未欲 秀才家 謂 平 八 股 治 天 爲 下 敲 也,如 門磚, 能 不

四 七

身閒

志

吾

士

不錯。

蓋未省過時之過,能自

以

爲

调

向上人,自不可

少,而

讀

書

更能

使體

認

既

省過

後之過,將

不自以

爲

過

矣

各

趁

種

道

理

做

去,

加

其

寔

道理之誤,

與

私

其故。

久之義

根

自然拔去。

^

省過録

亦到

處

來,此

從先天雜

氣

中來,皆能

歷

過

于

讀

書。

讀

書而

後知

知

其

爲

病

丽

得治之乎?

不以

爲

病,

反安樂之。

安

且

生下

時

便

自

帶

來

與

他

過

活

日

章

都

無

胸

中

皆

忝

如

敲 欲 門 平 哉 治 不 過 將 矣 八 過 股 敲 矣 門, 欲 將 紅 頭 白 刃

皆 熾 無計 畏,將必屬之。 裹 而 無 用」,諸子將無意哉 口 身已老,不能 藉以復古。 吾 以 力以削名士之習,得此 復漢、 又 謂我明養兵無 唐之舊; 人有恒言:「閒裹辦來忙 忍 間當揣摩,圖 死 以 文章 望 法, 太 日 平。 因 一番混 敝 效 循 ,社燄孔 後 所知 日 生可 久, 沌

賢 未 不爲無 也 取 意 是以 法 相 除。 ,亦似向 以 焉 如如 至於 告 不欲 則 見,而如 吾鄉先輩 ( 奫兒 無 吾 可, 上一邊。 友,冀 敲 可 然 門 詞 近詣,覺 而 前 焉 不 忠 將 吾 所云,正 則 取 肅 以 友 吾友 미 法 抑 、文成諸公,不欲 呼 似 門之中 焉, 而 過 而 小 恐悠忽之意 進 告之,併 進 加 則又過矣。 之一 與之, 諸 觀 忠 其 未 以 亦 用 能 臣

> 泊然無 恐其 得此 事 萬 兒視此,豈不然乎 告諸子,以 也 萬 頹墮委靡,潰敗不可 無 韓 乎 所起,于世淡然無所嗜。 退之爲高閑 此 ? 何 求 志吾屬 而 故 ! 既 竊 有 廼 因 望之殷 ! 省,將不爲省中之 不亟 上人作叙,許 吾 今以諸子視此,固 友 與之而 收拾。 之旨 可 乎 更危之, 丽 今以 其爲 浮屠氏 益 奫 心 廣

與朱岷左書順治七年庚寅,公年四十七歲

吾豈 家 别後,又反覆思之,思之不已,寢 已已,弟亦 人 見 有 弟 近 而 狂 怪之。 來深戒 病 不 乎? 解 何故。 雖陳 妄言,獨 彼父母者安之矣,兄弟 子亦 原本作「弟 於 竊 醉 自 白 亦不能 怪 之事 食若 也 自 不 解。 失。

其

説

子? 覆 篇 豈 獨 者 之人,從俗 뻬 不 惟陳子,彼古之所謂孔、孟,皆病狂之人 己 爲 安之矣,親 盡 能自 此迂 矣。 發達者一笑也。 是病 何 知兄 安,非 重不可復之言,真病狂之人 秋 狂之言,童子 而 夜無 弟? 戚 已矣,逐 病 者安之矣, 寐,草 而 何知 何 利 得 怪 親 而已矣,何 《 查 處 戚 吾 而 友 今之世,爲 書之,用寄左 獨 醉 朋? 何 白 哉 傳 ? 矣 知 而  $\forall$ 父 吾 反 今

# 與吴仲木書順治九年壬辰,公年四十九歲。

赴。 過 自 子,皆勸弟 悔 衎 恨 而 諸 衎 愚 兄 醉 此 不 飽 頑 無 以 後 之性 絶 出,弟 便 弟 未 當 衰 終不 有 廢,收 閉 竊 以受諸 閣 能 不 思 化 之白 自 過,不敢復赴 知 君子 社。 止 會 ·之益 再 强 枕 會 顔 濤 出 諸 無

> 之 集 幸 正 以以 甚 執 有 道耳。 事 終枕 使 濤 前 他 之志,俟 於麗兄 日 不 以 前 弟 負 已 稍 約 略言、 有 獲 進 之,敢 益 罪,幸 當 先 更 出

當 費力。 之。 筆 最 翅 也。 有 且 莫先改過。 可 加 T 體 求 不 ,終是眼 是 闕 不 能 山 吾兄 里。 之 即 知之即 無 知過之心,即 陰先 獨 譬 用 改,日 聖賢學問,端 免,何但 鄙 操 亦 體」,此 非 高手生,鮮 改、改 生第一 吾人日用, 如 外馳本作、飾」。之學,深求 觚 真 此 作 家 後 體 文,愈改 特 是 自 學? 而 要義,一 矣。 味研 在 獨 欺 不 不 能 體 越此。 已,功 外者,不須 欺 過失最 又 細 人彀。 人,不 究 而力行工夫自 愈 於 知 心 體 穩 此 夫純 體 丽 若明知 理,不輕 外 察,當 多,自聖人 力行之功, 不 可之大 雖 求 改,便 呕 熟 獨 哌 獨 字之 是 自 漸 一,吾 體 者 過 爲 不 何 知

所 此 深 疵 者絶少,惟兄勇于進學,又辱繆愛,略 見,不敢不 ,當不以弟言 輕 放 過 以 方 相告,幸更有以教之。 爲 甚 能 經也 人 妙。 吾 相 兄 知 於 中 此 口 與言 道 甚

神 品 文以 此 下 不 不 加 I 物 輩 力 能 遺 一,亦關 此 オ 不 學,而 相 宜 量 去, 者 人 追 憾 詩文小道,學者亦當留 去幾許? 可 蹤 束之高閣,未審吾黨之學與高 傳,不宜使人以文傳。 于此而 于韓、蘇二大家。 最是 係一生人品,于「文人」二字上 孔、孟,亦當如管仲、 勝 獨 嘆 恨 未 不 悼 免此 事 言之可爲于邑。 能自拔,以至斯 哉 1 謎,豈: 生平 每愧昔 尚 謂 非 以 論 心,但沾 竭一生之精 以二子之人 國 彼 古人,不能 人之言, 耶! 其才,縱 僑輩,使 爾 閣 謂 况 中 更 求

身,一道德,二經濟,三文章」。本末井井,前者山樓之會,闇兄昌言,謂「士人立

爲 事 當 無 今之學者,競言經濟,適本作「寔」。 益 懲戒,未可 ,未嘗有 時 雄 莫 圖 不 聳 三,必欲離之,則 即 聽。 便相稱 或 倖 于 而 道 弟 集 也 之 事 而 臆 見, 後二者皆病 蹶 不 則 長機 旋 祗 踵 僞

奚恃 欲立 尚,必欲建不拔之業,垂不朽之文,舍道 察,謂是言道之文,真 哉 《學》、《庸》二書,純言經 苟且之功,擅 風 可啞 華之譽,則 然 一笑。 濟, 惟 圃 其 若 世 不 所 只

際此 利 者 不 安所之! 如 白 相去幾 ,則七分是名,三分是利。 知止者,三分是名,七分是利。 聲光 學者通病,大率是一「假」字。 日 魍 幸 魎,不 何,總成十分,假人持此 爛 然 而世方擾亂,名寔 倘 敢 現形,亦 遇真 人 出 足 究之,名之與 世 悲矣。 淆溷 則 僞質,獨 進 其 此 假 嘗自 乎 馳 畫 此 鶩 便

謂 以 學者之過 自 萬 成 便須急自省察。 無 爲從今用銀只須 銀,通用得去,及其用 見。 人 此 生世上,如金之在鑪,成色高低終當 等 大抵 人,倘 自 處 菲薄,何以 今日世界,五 有分毫洗刷本作「脱」。 如 此,良 異此 去,輒 成、六成、三四 ? 미 悼也! 又自得計, 相 知 未盡, 中 今

業,爲交游 切 不祥孰大,幸 决當一日千里,繼先生之學而光前 矣,無能爲矣。 囑! 亂 極 必治,吾輩 光 ·勿示 寵,不勝 吾兄壯年力學,仰望甚深, 人,以增罪案。 正求 幸甚! 志之 狂言駡 時。 切 人之 弟 俗 囑, 老

**寄張奠夫劉伯繩兩兄書**順治十年癸巳,公年

五十歲

明,企慕之誠 負吾師,下慚吾友,夙夜念此,悚懼 廢,迄無聞知,兼今衰眊,復 生之教,最親且久,宜其引伸不倦,日 别來忽復半歲,馳想 等非言? 辭 能 喻。 極深。 何 弟 能 則習 兩 奮 而 兄 己。 成 進 奉 頹 先 上 高

喜乎? 母 口 唯 而 真是克己之學。 告 爲 鯤 命出 退,則 濤兄下帷發憤,潛 工妙,徒以欲禁兩姪出試,躬先告退, 祝鳳師已從父命不試,其弟豹臣則從 試 非弟 謂之調 所能 告退,弟 停,弟未敢 也。 心舉業,誦其 所能 兄亦當 也 云 盡 聞 揣 (近文, 善 摩 而 也。 成 色

仲木之才華,力剗積習而歸之切近,

先 篤 雖 其 墙之内 兄 之,藉其 及 不 有 教 本 生。 者 鯤濤 木 賁 所 幾 敢 善,不敢不揚之于人,弟有 也 私 開 及 不 獲之 于 進以 兩兄 乎 心 考夫,好 然 我 顯 漸 1 願 則 迷謬, 而三子者不我遐 勇,何 微 磨,或可妄希寸進 告也 望 ,弟之 不鄙而 無間, 先生往矣,弟得見兩兄, 于兩兄者又 示以 學 以 不及 感 尤 惠教之,猶之奉先生之 加 周 佩 是 諸 行 仲 兩 師 -兄 棄,每 木, 當 門 何 考夫 疑 當 何 曾、 由 拔 于兩兄,亦 何 如 然 兄造 得 欲 俗 閔 ? 如 非 比 之 進 ? 猶 勇 弟 履 兩 肩 如 而 見 兄 門 教 敦 彌 兩 而

試 信。 又 謂 也 然既 奠兄曾 聞 以其爲開美之子故也,吾不 之友 向 聞 者 曾 之 拜 人,謂奠兄之子亦 矣, 一某和尚。 聞 奠兄責 又不敢 鳳 以 此二事 師 不 隨俗 兄 信 弟 而 ', 弟 知 不 不 出 奠 必 試 可 夫 不 以 出

> 之子 無 疑 何 以 也 獨 不 得 如 開 美之子 也 ? 此 未 能

子矣。 之拜, 耶 如 拜 耶 ? 前 ? 不知 即不 則爲 此未能 者之拜, 抑若 所謂 來 某 門弟 而 和尚之弟子, 無 拜 吾 往 某 疑,二也 拜之, 無 子 和 責 拜 尚 焉 者 而 亦 耳 受 即 隨 彼 ; 教 常 萬 非 來 之 吾 相 而 拜 師 如 揖 答 之弟 後 耶 之 拜 爲 者 之

外 若 奠兄累乎? 濤、仲木之改過 其 而 (有之, 荷 非 弟 無 所 其 何 得聞者,又何憚于悉改 事 益 以 , 不吝, 以 自 則 類 是 解 推 弟妄言, ? 則是二者曾 之, 雖 或 然, 有 置 倘 在 之已 也 能 何 ? 者 足 同 耳 之 爲 鯤

蒙 有 無 先 分 所 生 毫 自 與 記 授 之 仲 憶, 得 讀 木受書 解 開  $\sim$ 吟 古易 卷如 軒 西 中 抄 讀 歸, 甫 義 所 》曾于 分部 未見書,弟之不 十許 校讀 年,遂 癸 未 茫 愧 年 然 秋 未

不妨先行否? 有心得,又成南洲翁、秦臺翁兩先生之志,能專心致志于先生之學也如是。此書具

不鰓 不合 慎。 以 兄之家學淵源,表裏洞徹,恐亦遽難裁定。 自 生之學 不偏于所 之知。」夫仁知之於道,豈云無得, 子不云乎:「仁者見之謂之仁,知者見之謂 妨參以己見,然關 未易言。 繩 鰓 兄 者 至於《遺集》,言理之書,或去或留, 年譜》出繩兄手筆,自另成一書,不 之 去 亦 過 無論弟之淺學不敢任臆,即 明 豈 之, 慮 見,然則道豈易言乎? 者 睿 易言乎? 然則豈 祇 萬 係先生學術處亦自宜過 見 萬 其 無 復 不 此 與我見合者留之, 爲 知 慮 先 而 量 生之學乎? 耳 弟 然則 而 猶 而 不 如 不 不 能 敢 先 繩 能 正

開兄葬未有日,豈勝愴而! 兩兄果

以諸 不忘 矣。 有 感 不勝厚望! 先友,幸偕紫麋 動 兄之道望,又不憚 處 若弟之庸 兄 碌, 數 同 百 則 過 里 已 命駕 不 慫 啻 常当必 . . . 舌 敝

覽。 勝 晤 八 同學中多有 正 本,便率爾寄完,容俟後信。 首, 馳 , 到 甚難,有 別繩兄 系 前書大半在 否? 附以《 1 口 兹另書呈上,並 序一 哭敬輿》、《祭查母》諸文。 奉行先生之教者,故並 教者,幸不惜詳示。 一仲木 篇,曾先以 處,弟止受《抄義》二 全 帶水之隔,覓 稿附 録 春游 歸 臨 塵 舟 風 豈 清 以 奉

## 答查石丈書 癸巳

丈之仁 讀 來教 孝性 成 未終,吾淚 者 乎 1 欲 前 者 隨 同 之 而 人之集,不 下, 况

未 覺 盡 多言,石丈不以 、善無 者,原本作「而 厭 也 人欲 爲罪 進 求 其 而 未 益 盡 熟懃 者 欲 何 求 石 丈 其

痛 性 寔 亦何裨。 心之作 益 悔 粗 自夫禮教不明,人心盡汩,僕之少年 恒 放 斷 誠 ,居先人之喪,全無 以此欲徧告同人,一洒 腥 痛 食于先忌之月,支離 結于心之至也 人 理; 此 補 恨、《 後稍 救, 电 終 知

謂 之禮 鼓 性 仁,於七終之日,暫用 救。 不啻如大旱之望時 (樂若此,不以酒肉陷弔客于非 ,獨以爲斷然 石丈之勇于矯 預之,於禮 又不意石丈以 一,提撕 頃 吾 石丈不 既 亦 死之心,於人心 不 未 幸有 俗若此,而 可。 有 多 雨;謂自此 大 酒 病之後,輕 母之喪,區 何者? 害, 肉。 加 能 友朋 鄙 風 得振行 朏 世 :禮若此 人硜 聽 俗 俗望 佛 區之心, 讌 婦 大 事、禁 集, 硜之 有 久 人 間 之 廢 拯

> 耳。 真 丽 能 石 僕 丈兄弟復不能自卒于禮 行 雖 古 甚愛石丈,安能爲之解 之 禮 也 儉 其 親 已 耳, 然 説 慢 則 乎? 客 山 者 而 非 已

無疾,雖舉世謗我,猶欣然受之。雖然,此猶爲世俗起見。君子苟反躬

患? 之内 僕雖 于不 過 其 鄙 以行之,益推 未 此 年之後,欲改 未然, 知 人 安 未安之心,即聖人與我同然之心。 佞猶 真 問 無 而 獨恐于石丈之心亦必有時刻未 石丈以 過 .所 一言,不患石丈之不即 必 所 僕 而 以 求 不 改 雖 謂 善後之道也。 · 啻 其 類而 今日 無 即即 不遠 言之詳,無 所 倍 從,而 復 以 廣之,有餘師矣。不贅 之所 蓰 之復 于 安,即 丽 石 無 什 痛 也 文能 過。 益 伯 恨 是 苟真 也。 之 欲 石 禮,不必 悔 僕 矣,石 改 丈 于禮也,如 能 人苦 過 悔 者,設誠 雖 改過 于 過 安者 過 丈 旬 于 又 不 知其 乎, 何 日 知

#### 致查静生書 癸巳

有 耳,於吾静生則未忍默默已也 酒 同 間 病 確 之論 每 積 懶 欲於讌 微 成 痼,不能 有 集之日 未合,於世俗則置之已 振 起,妄意吾 一發狂 迁, 友 圃 前 或

不能 立 盡 復計夫言者之能 恕於世俗可 子之學 言 以 、爲然。 也。 也 静生之心,君子之心也; 也。 惟其是而 其受言也,亦惟 也,恕于朋友不可也。 恕于人可也,恕于已不可也; 而生平立論,率歸平恕,弟不 不能 已,不忍逆計 也 其是而 静生之學,君 其 已,不 君子之 人之 能 必

己 萬 則 不 能 昏 如前弟之所以 責 者,其誰曰不 則 明 責 然? 君子當矜其昏,而 石 丈者,即弟之所 然常人之情,責 萬

初先生文集卷

乾初 石 盡 交相 其 矣,又何朋友之賴乎? 無不人人云然,則 以責石丈」,静生曰「孝子之道,吾猶有未 丈, 明 也 進 焉 ,而不可以 曰「孝子之道,吾猶 而石丈他 于不能,不 可 己。 荷今日 責石丈」。 H 亦朋 又 亦相 以 以 其 有 友 率 乾 之善 所不 <u>·</u> 而 未 推之石丈之友, 初之所不能 盡 入于不肖已 能 也, 道 責 乎 而 、乾初, 不 可

惟 不 最 規 猶不離斯二者,而即所謂 而 純 爲 静 已矣,酒 何 嗟乎! 用 認 生稍稍 也? 真。 平恕之學矣,而獨恕於道義之相 食而已矣。 出言 則 交道至今日,不可 静 、徴其 生於詩文、酒食二者,已 闕 雖 乏,于 詩文,亦掛空名。 前 日 諸 言矣,詩 友之中, 文

不仁,况又减而爲四十九日乎! 真可爲三年之喪,宰予欲期之,夫子猶謂之

知仁 茫 事 拳 痛 雖 作 可 然 請 平 然,此豈 哭 吾輩」。 一孝之性 ? 懼 流 不 益 矣 悔 涕 知爲身計者,皆不孝之尤者也,亦 恐 長 吾輩 獨 之所 過 一人所 太 石丈兄弟之責 之 息 今日 誠 以 者 固 孝其 也 可 有 悠悠於詩文、酒 謂 親,又豈 頃 向爲習 辱 乎 字 石 ? 俗 丈一 淚 止 而 所 居 人子 札, 食 蔽 以 喪 耳。 此 而 原

俗 丈 静 俗 但 敢 虚 承 1者,是 之爲 不 然 生既以 明 知 而 一然,夫 教 責 静 不 虚 見, 人,不 生又云:「聖人之心極 欲深責之, 鄉 心 吾 加 是謂 於道 原 幾 或 確 之 知 何 未 又 之真 一非虚 學 責 有 能 而 也。 己 所質者: 不 盡 可 虚 而 孝 流 謂 心于 心。 道之所 云 道 爲 能 然 也 俗 鄉 虚 荷 謂聖人之 乎? 唯 也。 虚。 心 原 而 然, 之 是 矣。 推 之於 學 調 虚 豈 而 敢 乎 停 吾 以 何 心 心 不 道 石 于 敬 弟 Ţ 不 固

> 希先道 之 爲 乎 所 規 云:「又嘗欲集一編,以祛 又 交不 虚 ? 推 效于石丈之意 之善而不恕于子弟 吾 心,又得毋 意 勇于 餘 多 不 再俟 幾 欲 詩文、 試 人, 恃愛 面 盡 之 認 酒 也 心 賊 食 封婁風水之蔽,在 於 想 輙 作 之干 而 子 不 復 子 怯 弟 深 乎? 盡 禄 于 罪。 言 則 道 而 義 生 岐 亦 原 静 别録,未 本 平 猶 視 生 恕 此下 向 道 之 於 同 所 者 相 體 有

#### 百陸麗京書 癸巳

不霍 佑 基之,則《大易》 加 兄 鷩 調 然乎 憂, 太夫 攝 雖 無 俾 遽 虎 人 元 致 老 臣、 病 神 危 伯 後 完 際 所 疾 母 足,無 補 謂 叔 斯 之 養, 諸 顛 皆 純 君 趾 益 窮 孝,六十 上 出 爲之營救, 勝 之第 天神 否 平 ·時,於 將 因 靈 致 之 禍 於 毁 兄 獲 此 此 所 平 其 嘿

者也。尤不勝厚望,

孝。 罶 辭 然弟 徴言 詩 初 屬 壽 中 面 加 壽 望 伯 文之足 痛 闇 固 徒 心 絶 使 吾 屠 不 微 一事 而 弟沐吾兄之愛 伯 向 伯 之。 母 大 者之辭 兄 者 及 母 趨 敢 取 殊 負 也 之意 之, 近 以 非 乎? 確 於 袠 命 爲 世 絶 弟 於 自 晶 面 亦深 ,曾不足爲 近 稱 俗 罶 闇 此 以 伯 嘟 俗。 觴 之交 伯 將 深 伯 稠 伯 ,雖吾兄亦當惡其反覆 于闇 致 也 于 不 !,兄之 不得爲麗京友,又何 兄前 頌 交闇 闇 從,弟不 廣衆,未 所 伯 伯 伯 以 子 所 于 伯 母 而 道 敬 使 近 知 毫髮之重 弟 思 以 所 弟 以 屠 也 敢 所 家 闇 世 宜 母 直 日 弟之 私 伯 俗 而 叔 告。 易 心 之 愛 爲 坐 惟

與 不 物 解 所 迕 確 獨 從 自 惟 來, 麗 生 兄 每 平 略 欲 過 其 累 玼 自 Ш 纇 淬 積 而 勵 深交之。 以 又 報 以 知 狂 己, 迂, 嘗 m 動

祝 德 京 復 喜不 也。 年 誠 會 作 弟 度 無 堯作《大章》,一夔 此三言者已黯然無 而 而 方 耳。 必 與 質 愚 ,本是千古美談,向 欲 愈 日 西 麗 夫」。 有 多。 自 故向 衰 冷 内文人之才, 不 社 以 吐之士濡 京兄弟之文章 庸 持 事 今日之事,正 夷 麗京兄弟而 諸子之才, 抵掌鼓筴, 不 然 嘗 不 之一得, 相 意麗 不屑 類 以 而 堪 弟 社 鞭 忍 京 者。 于 竊 事 策 而 不前。 以 未 思 徴文 復 世 亦 色久 以 薄 贊 足,又多 恐 以 節 則 下 必 俗 何 爲 未 使 有 卻 一十多 發 義 助 又 徵言之檄,反 即 矣。 則 今者 則 出 必 陳 之 海海 何 揚 高 以 有 自 ? 以 即 請 者? 而 深 盛 爲 微言之舉,正 過 乎 即 土 九 爲孝,于 有 内 以 過蒙 美, 苟 愈 是 男之意, 哉 西 必 過 操 伯 亦 可 至, 不 冷 華 苦 麗 觚 所 母 無 竭 採 諸子 可 京 封 **\*** 削 之 吾 未 以 今吾 家 愚 納 已 兄 懷 之 之 賢 麗 報 潢 則 慮 有 本

與吴仲木書
癸巳

毋 必 内 爲賢 麗 府之珍 京之 母 之所 藏,而 夷 然 不樂聞乎? 不 搜 ·屑者· 間 閻之小玩 也 縦麗 京欲之,得 此 吾所謂

有 懼 及 知 前 病 己,界限自明,度吾麗兄 斬 切于此者也。 益 人者也。 之而 其 札 推 斬 ,爲害最 朝霍 汨 截 所拳拳于吾麗兄 謄 而 書 截,宜 也, 廣 不 一然者。 四 恃愛,遂深言之,不罪 之, 免耳。 况 深。 出 行即 百凡 可 賢人君子欲自拔于流俗,當 殊累静攝, 隨 麗兄試深 此又虎臣、際叔營救所未 此 行,宜 應 流 知 酬 丽 者,謂麗兄之孝尤 而 非 不 止 儘 思 不 返 即非守身之孝。 闇 即 有 免,是 而 乎 而 咔 可 猛 • 不 省。 省之, 知,正 如是,猶 爲 時 此弟 賢 人 爲 自 必 通 有

> 談 罪 犯之,慚 過 事,絶筆 非 弟 近 恨 徒 奉 加 口 多言之戒 己。 舌起 不作一字,而戒力淺薄,時復 羞也。 謂 以 鋪 此,欲 費 紙 墨 絶 悉 是 不

不 是前 故 學,似兼勤與虚 虚 能 抵心之虚者,必不可不勤;而勤者之心,益 必必 可不 諒 雖 賢 此 屢 前 闇 虚。 論 得 惓 奉 精 虚 力 結 後教。未敢一一 理。 /處,未· 心一 虚 也。 M 心二義,差爲 故 紙,支離特甚,已即 不勤,終鮮 仲謀之勤,仲 有相非,而 Ш 陰先 詳答,知吾兄必 生 無弊耳 實 獨 得 可 木之虚,並 主 相益。 慎 勤 悔之。 獨 而 之 大 不

子解之曰「不以人欲害其天德之剛,則自《乾》之《象》曰「君子以自强不息」,朱

矣。 乎? 勝 行 仲 簡 益 移 有 教」二字。 商 已 然 强 止 「參三才之謂人,當愧頂 緩 即即 矣。 幸 謀 虚 則 讀 有 而 即 其 甚 則 惟 兄 急先後 所 書 不 璋案: 然則 勤 丙 胼 事 兩 告否 以 故 作 息矣」, 之流 夜 日 其 胝 益 兄 士有 家 爲 士可 親 此二 行 耕 簡 不 故 商 乎? 而 書, 益形 益勤 弊 , 則 備 稼 以 語見《忠節先生年 所 已 則 又曰 不 正 百 愚 而 其 以 也。 儘 可 勤 與 然 ; 行 天立地。」 士之所 德 爲 眊 謂 「君子 足 乎 其行益 虚 而 在 棄之, 益 穢鄙,在義利之間 士, ? 善言勤 風 心 忠節 弟 爲 懋。 流 等。 農 務 士,何 以 已 然則 而 , 勤, 譜 更賜駮正 本」。 先 有 百 爲 意 犯 矣。 凡 生原本 所 行之中 者 士 多 則 爲 土 是 容恕己責 其 者 以 言之 此 一豈易 習 其 故其 出 苟 日 爲 聯 事 有「之 俗 爲 用 以 足 , Z. 戒 言 爲 益 當 心 又 非 未 而 所

> 此。 又不 夢者 併 惟 復 弟 前 頃 覺 從 不 前 《族 以 敢 看 嘵 何 一書 言, 處 嘵 古今道 葬 力 開 未 有 圖 直 奉 能 説 口  $\Box$ 無 理 Œ 1 也 》合刻之,以 以 口 多 弟 言 爲 曾 被 所 耳 近 爲 以 先聖賢 世 弟 深 獨 之 呼 論 戒 禍 批 世 多 説 及 無 之 駁 言 葬 盡 迫 香 否? · 吾 事 于

畫

非

欲

醉

宜 棄 賢愚胥 命 田 人 類 棄 脩 粒 咸 連 揆之時 弟嘗 行 仰 畝 粒 米之罪, 米 溺, 于 歲 于穢 此 謂 而 罕能出 勢,終未 出 今天 先 已 米麥 土 生之仁政, 相 旦 下 去 奪爲墳塋、永 便 頭, 豆 葬 易 幾 共 數 復 某 師 萬 以 + 誠 萬 如 爲 斛 惟 自 億 私 織 不仁; 耕 族 封 心痛之。 殘 莫可 廢農業,較 葬之法, 建 夫 民 井 若 推 以 家 廼 田 逞, 之 良 决 今 之

0 作 家一 依文義疑當作「作文」。

五九

大 不 得 已,何 忍 議 此 ? 而 民之狂 惑

自

以 爲 非 舊 烾 决 不 口 袝 葬 師 决 不 可 廢 一 王

之 地 有 限 而 秦之割 無已」,遵 斯 道 也 必 復

反 上世 之不 葬矣,真 可爲 痛哭流 涕 長 太 息

者 也。 故拳拳之心,欲懸 此 書 以 俟 明 王 之

作。 圃 智力短淺,終 未有 當 深 有 望 吾 同 志

之士 共相、 審究,定爲不刊,以 少 捄 貪 愚 之

萬 \_\_\_\_ 因併布之,吾兄幸一留神 弟竊以爲今學者求仁之功 無 大 於

此

者,

之學歟? 之憂,弟亦有私 考兄不果踐裒仲之約,豈惟 何緣 之薄 憾焉。 也 豈天不欲 成 君 就 家 吾 兄 畫 弟

無 未 至,弟 不 可 Ш 陰之使,稍 亦 龍 未 Ш 嘗 祠 地, 緩 過 無害,雖 而 大 問 約 脩 近 理 遲之新 胸 爲 中 艱 覺 春 更 以 亦亦 有 兄

開 兄集,竟亦未能 即 就梓。 前 得子 霖

見

IE

面

議之。

宜 見 草 須 草 攜 登 也 函 集 至 並 Ш 兼 是 此 陰, 足 開 益 與 以 兄 服 伯 補 侍 伯 繩 師 先 兄 兄 集之未 生 久 時 持先 商 所 備 手記 生之 刻 事 弟 者 集 誠 以 非 爲 未 似 易 還 皆 無

誦 患躁 勵 勉 病 游 則 優 康 節 之可 遊 則 有 考兄之教,有曰「不着 在 四 先 急 節 進 不 有 前 生 字, 也。 鋭 養,不當 札原本此下有云「寄封 着 因 語 真 退 躁急之故,亦只坐不切實耳。 緊 循 亦 是吾 速之患; 未能 怠 兄 荒之弊」。 過 病在不優游,吾 臆断」, 輩 勞。 金 不優 針。 凡二十一 大 緊 婁者至今未到,所 抵 游 亮 則 以 哉 吾 則 不 兄 字。 兄 病 斯 進,太着 不 兩人 之病 言 安, 體 憂 其 太 還 勤 謂 交 猶 緊 嘗 弟 優 宜 惕 擬

膏肓,得 頃 奉 此于 近 思家 同 人中,何 叔 椷 翅跫然足音。 深 相 規 切,砭 弟

縷此 更有 多言之戒, 紙。 以藥之也 以仁兄之愛弟, 亦自 此 始, 而 痼 必 疾 不 復 下 發 近思 以 爾 望 覼

來春矣。臨楮不勝懸切!嘉禮伊邇,慎言自保。晤期想須俟之

# 與老友董東隱書

脩 如 又不能 友之道貴於 兄 ,相見不數,及 翁者, 二十年來, 違 心 尤 相 以 指 成 <sup>प्र</sup> ,毋貴 不 兄 乎相見,言論往復之間 舊 指。 能 遊 再 于相棄故耳 零落, 區區之愚,以 屈。 每 至 恨 稱 真 山 相 爲 ]1 朋 阻 知

外 烱 名教乎? 不落第二義」,則益過矣。 人」語, 頃從邑城歸,獲讀吾兄手教,有「名 爲憮然久之。名教外兄乎,兄 何其言之戾也! 聖遥 既 又 弘 自 遠 謂 固 烱 外 教

> 墨 兄天 黨羞 識 不得 之道 布帛 雖篤 非 子 妄 非 攻 信夷人之誕書,習里婦之蠱説,根深 遽 固 想, 自 议 ,桑榆之收,尚 葬師,未暇 敢護 弟等末學所 知 葬説之害,復百于佛氏。弟方併力以 上口。 一,如龍 救粟、 見。 第一 志 非筆舌 性孝友,孳孳爲善,固是吾道干 稱 尋菽粟之恒 己而 信脩,終是係籍 然 自居,豈其 弟嘗謂 肝鳳 雖平 丽 其爲第 求勝 所 闢 登峯造 能 能 髓,縱極天下之珍味,要終 佛 淡 爲 幾 今世 争。 也。 無奇,自 一味,還 未 及。 因 然 第二,亦無從辨。 極 晚 猶 感 佛教之害,百于 要之,是非 乎? 佛子,于彼教 至于 兄 望仁兄回 猶需苦行。 歸 教,故 有至味。 故 佛 聖王之教,如 山 氏之 弄 弄 偶 邪 龍 及之, 尚遠, 學,吾 城, Œ 蒂 吾兄 孫 佛 肝 , 有 固 之 氏 教 丽

彼俗士營營苟苟,名雖爲儒,實畔儒

甚俗 學在 教 故 此 如 氣,題箋 輩 ~,竊 此,弟深 固 乎? 輩者, 周 所 宜 旋, 未 寫 爲 明 扇 往 鄙 弟 兄 日 之 狼 觀 往 所 久 賤 當 今之善知 厭 圃 藉 之。 有, 棄 自 人 間 覺察。 又不足言矣。 獨 至 不 于 識, 高 有 貪 座 求其服 悉 真 嗔 伎 染 儒 穢 倆 時 自 鄙, 不 膺 兄 土 得 之 與 過 習 之 更

業,某 上,數 枯腸 等。 除 勸 故 絶 弟 食言也 慾 而 腥 守凶 更 乎 至於嗜慾淡 矢以 世之靈 則鰥 尤是衰 則 原 弟 吾兄 喪之戒。 餘 夫有不 無故 亦 生代 非貪 年 廣 寔 斷 之 薄 此 式憑之。 能 知己受之,天日 殺, 口 吾道, 兄 助。 胸 不絶之勢。 而 獨 其 臆 不 非 其 罪 固 能,特 稍 自 人子者, 倘 正 然。 開 夢 與無 食 夙 徵 肉 不 教 兄 皎 戒, 先 果 故 若 而 敢 以 然, 生 有 以 殺 斷 忍 以 教 决 罪 潤 牛 以 而 無 酒 以

> 佛 語 中。 此 未 暇 紙 굸 ,其受害淺深 () 欲急 録上。 佛之無生,乃是 利令智昏」, 想不 瞽言》尚 深 刻以 蓋 罪。 土 未 救 雖 敢 人之信 世,尚 亶其然乎 有 輕 不 有 刻 同, 生,兄 風 須 惟 水,與婆子之信 正之吾兄, 要並 有 細 恃愛, 族 爲貪 勘 葬 自 圖 歲 心 知。 所 盡 冗

#### 

問 屬 徒欺 褊 衷,深 敝 佃 人耳。 事 乖 已得 古 慚恨 人不 小懲,附慰拳 復 校之義。 何可 言 注 舍 此 更言 自 反 終

權」、「不 ጢ 思之,最 前辱 顧 踰 其 面 矩 難 中 誨, 體 有 境 認 諄諄 大分 界。 苟 進 别。 某 詣 以 賤 其 有 儒 妥貼」二字, 極 妥 也 貼 即 何 于 是「 足 俗 可 以 伏 知 與

乎 此 俗 愿 者 于 有 由 道 ; 1 相 妥 敢以正之有道。 由俗人觀之,覺得未妥 非 貼于道者。 要之,真妥貼于道者,自 後之言則爲聖賢, 而 莫能 妥貼 衡 于道者亦未必妥貼于俗 斷。 蓋 惟 妥貼于俗者未必妥 然 不吝開 而 何 由 貼 翅 前 示 毫 之言 耳。 無 釐 不 妥 妄 則 而 見 貼 千 爲 貼 及 里 鄉 于

# 寄劉伯繩世兄書甲午

未 確 行 竟 欲 亦 得 於端 報 近 想 不 成 地 尚 四 弔奠故 午 須 月 行 春 書, 至 後 廿 初辱 數 秋 H 甸 俱 日謁 也。 華 外 間 未得達。 帶 名 來成夫兄一書見教,弟 西 弟故 先 昀 而 泠 生於 貴邑周子和 亦 沈 哌 今子和兄以暑 先 附 甸 古 生 華 小 門 函 學 兄 下士 過 兄館 以 而 舍 亂 甸 假 於 此 華 後 謂

勤勞,道體倍復清勝耶?而歸,遂并寄之。此夏早熱,念吾兄較

輯

慾難 蓋天 之。 不 之大所以遠過老 敢 所 弟 以 ; 兄 素食 向 比 非 制 禮 素 年 矣。 非 强 食,自今决宜 差 兄者。 難,節 願 能 佛 吾 絶 兄 慾 也 食難。 弟嘗謂 矣,非 勉 其 稍 難 進 兄 敢 絶 者。 滋 自 慾 偷 味 驗 爲 非 此 易 難 當 吾 弟 也 道 知 寡 必

寄此 當 間 欲 處 耳。 事良苦。 \_\_\_\_ 日 補 曾 私 ,未返,確 《易抄》、《語 書。 質之吾兄 入集中,統 弟 拜先生一手書 度初 鄉 仲木 居 小 歸 暑 <del>,</del>不 于先生《語 尚 又 日 俟嗣 非 能 多 留 録》、《會 略 不 事 武 面 學稼、 雨,身、 寄 门,論 ,擾,恐-塘未 晤 録》,亦略 開 不 語 心 歸 而 美出 能 未 》,俱送考夫兄 少 久 歸 能 泰,遂 早 獄 甲 即 亦 木 事 有參訂 申 發 不 雨 得 似 使 越 月 農 書 復 兩

演集

之負 得 及 悚 已 天 此 佑 葬 亦 出 賢 錫 益 也 無 大 事 坐 五 者 及 負 開 里 地 不 欲 示不 開 與 之 外 開 美 不 誠 美 其 刻族葬諸 誠 肖弟 之病。 後。 幸杭、 美 與 葬 仲 然 未 何 不 子 地 大 有 負開 萬 兩 之試 禾 論其它? 非 能 己 望 開 人。 論 開 定 兩試皆 動者」,不 兄 美,尚未可 説 事,弟皆 美意 於管 交遊 今天錫已負 行世,竟踰年未果, 特札 矣。 不獲 Ш 言念 雖 其 救 不 廣 弟 距 知。 雋,當 然乎 能 及 Œ 然 所 屢 之,猶 《此,真 力 開美,弟 然即 最心 居 争 争 是 猶 不 許 天 慚 便 此 能 以 不 口

老,近 山 家 陰之棹,迹久不 累 不重,俱 考夫、 九十,最 仲木 未 易 念不肖,弟 皆 出 發,然終不忘于心 善病 門。 獨 亦 考 確 兄 不 無 有 能 它 獨 館 事 也 出 仲 加 木

别叙》皆肝鬲之言,非

敢

爲諛。

至

所

造之也 寄。 于前 要 乎 狂簡之材,幸甚 之,夏秋間 于 1 成夫 稿略增潤 吾兄者, 已另録 八壯士 望仁兄 决並 皆是 而 一二段,然亦 1 紙 達左右 時 貧 兄 餘 甚,此 封 加 分 再俟續 前 砥 矣。 内 礪 所 天 事 寄 無 爲 所 成 書 仲 夫 大異 又 師 以 木 不 安 兄 門 抑 處 盡 書 護 其 所 也 書 推 養 氣 已 中 另 此 要 讓 而

# 復蕭山徐徽之書甲午

鴛 絶 何 人,無不獻 吾兄兄弟之慶,亦 日 敢自 是 不 水 晚 恭 可 屠 外 近習 惟伯 闇 闇 伯之母壽 詩 伯 氣,非 母之賢 爲 但 不 弟之鄙 壽、况弟 從。 吾輩 即 (節,加 六十, 明年 弟之 見,以 所 沐 宜 以 癸巳,西泠陸 徴言於同 兩 慶 耆 兄之愛尤 爲 也 故昔歲壬辰 母 壽 令辰 壽徵言, 屬 志, 在 弟 同 麗 雖

竦 乎 道 詩 京 同 何 伯 鄙 於二 之 也。 者 息 1 者告麗京, 見,並元 母 知仁人君子必 今其 母 六 以 +, 弟 闇 重敢 本作「偕」。 麗京不 言 伯、 又 雖 微 欺 麗 戾 言 屠 有 從。 京 乎 于 請 以 陸 亦 俗 同 諒 方命之罪,竦息, 而 而 絶 志, 之矣。 勉 丽 弟 不 未 弟 遵吾兄 亦 以 必 終 即 是罪 仲木亦 無 不 以 之教 當 告 敢 于 獻 閣

流 不 勝 兄 于 浮僞 禱 於 學 切 亦 此 反之 而 痛 不 下 自 切 知者。 砭, 實, 雖 丽 進 人子之於 此 務其 種 過 遠 失 者 親 非 有 大者, 漸 願

道,豈 分保愛,不宜 仁兄道 有外此者乎 體 全恃 素 羸 藥 兼 餌 以 久 是 病 即 之餘, 守身之 幸 萬

嘆 恨 m 弟學不 己。 加 老 母 進 食飲 而 日 幸復如常,但 益 衰 眊 幾 同 前 廢 月忽

> 喪 念 且 四 訓謝 八 + 十八歲 孫 而 謝 奄 屬 逝 家 此 人,雖健 中兄 老 之長 所 子,孝 痛 庸 神 미 恃 氣 養 乎 甚 遂 爾 恭 少 年 遠 未

聞。 厲 之意,不盡 六 ,諸惟爲道自愛。 日 葬管山, 開美兄定於元本作「遺骨以仲冬」。 書寄來成夫兄, 乞即 以吾兄兄 令兄令弟 弟 所 致之。 欲 通祈 知 仲 致 寒 敢 歉 冬十 風 附 負 其

#### 復來成夫書甲午

腐 腐 良 深 ,足下殆未之察耶 儒 矣。 形腐 辱 教 然 殷 名 殷,進 朏 士 腐 神 儒 諸 腐 可 名 也 神 士 , 腐 進 而 之 名 重 腐 黜 士 不 腐 更 可 儒 甚 也。 形

蓋兵不可談,談兵者即不知兵,詩不

繁 呼 罔 即 可 識 不 矜 而 知 可 吾 轉 禪 痛 詩 先 相 也 者 師 慕 要之,皆 即 效, 之 不 門 于 知 庭 是 詩 具 始 腐 , 腐 闃 禪 儒 師 其 不 之 日 可 無 多 逃 體 人 9 矣 腐 逃 徒 後 襌 鳴 H 牛 者

其 有 行 吾 進于是者, 惜乎其多 不談兵,不矜詩 所深 庵、 敬 徽 者, 之、 木弟 彼 不逃 非 此 徒 諸 禪 也 名 子,皆 則 士 而 有 君 己 卓 子 也 然 必 更 使 之

之故。 然,人 美,雖 於道 便 丽 成 徑 自 夫之意 一、况能 以 蹈 至欲 無 傭 收 之, 故距之則吾不 販 不 、寬闢 愈苦 之, 由 文之 又豈 屠 酤 則 便徑 而 士乎 ,下流乞丐,皆 非 吾 圃 有 途 之 其 丽 不 ? 愈危矣。 收 所 敢。 益 由者, 之, 能 聖人之道 進 距 且道 時 正 正以其 乎 文名 一距之 司引 君 人自· 子 若 土 耳 若 多 成 而 有 多 便 進 則 大 闢 之 便 徑 路 之 之 吾

> 免於 乎 形 以 無 人 徑 之趨 腐 腐 爲 愈 者 非 腐 且 語 大 多 况 , 雖 故 吾性之所 抵 不可 非 則 腐 聖人之 趨有 敢 大 時 居, 進 道 文 無 其 不 愈 名 况 甚便 書 (腐説 同 塞 事 神 士 矣, 要 要 無 乎 腐 非 也 如 乎? 之不 腐 1 不 此 而 語 可 惟 吾 津 之甚 棄 人 離 = 成 津 留 聖 腐 乎 名 夫固 焉 意 俗俗 者 人之言, 腐 士 惟 也 而 猶 絶 流 士 른 俗 則 遠 未

#### 與蔡養吾書甲午

三矣。 老 不 裹 德 聞 餱 一人已耳 不 命 加 弟 人 同 Ш 離 進 志 羣 顧 爲 慚 索居 弟 寥 静 《易》不云乎 恨 爲 寥 坐 無 之兆者,已 爲日 與 計 已 弟 已久,歲 昕 此 昨 是 夕 承 不 弟 Ш 兄 非 翅 之 中 教 我 月 夙 者 逾 求 丽 童 邁 惟 待 再 來 暇 敢 ൬ 而

者 童 何 蒙求 應求之寂寂 ,再三之瀆, 我」,弟 也? 而 固 諸 不 君 敢 子 不 之必 以 童 不 蒙 自 我 告 居。 乎 ? 意

問 望翠薄 鄰。」弟之不德而失其 樂,而今已矣! 它目 德問業,正 維翠薄之約,已及一 專,此自昔已然。 人? ,宜諸君子之有以 爲 弟每自 Щ 齋」。 章 以此,每望望山 句 此 欲前且 恨 師 其 五六 時 時。 學道 猶 年 子 啃 年, 然弟不能 來 朝 曰 者 諒 鄰, 齊,元本作「比弟所以 如期月 獨 夕 必 非 我 又 一德 處 有 弟 不 也 何 無偶,反 獨 如 師 不孤 自 尤 已 弟 學 敢 問 可。 馬 志 舉 朋 安能 翠 必 業 則 友 不 薄 若 考 有 之 之 緬 望

請 自 惑 反 如 夫道: 也 愐 其 道足 疑若 非求於吾輩、吾輩者求 不然,吾未見其可 於己矣,無它求 歲之中,除 處館 以 矣, 優 之友 則吾 之。 游 安 自 果 坐 不 敢 其 而

> 此 敢 夕 是,庶不 之業,此 常業外, Ш 出 則吾先師 中 乘興 哉 失當 往 必 續 其 吾先師 餘 游 不 先友之罪 日 絶 或久則數月, 飲 相 相 酒 先 約 與低 賦 本旨。 友所禱 人,而豈不肖弟之所 詩, 礪 自誇勝 少 切 若但擇花晨月 祠 則 磨 地 共 兼 下者。 概 旬 究 而 千 往 來 如 秋

妄乎? 不 常 聽 罪。 之矣。 度,故略叙 久 不 念北 · 獲 諸 山移文》今必出自來 人 清事 相 Ш 知 如 恐 中, 此。 吾 兄見 望 吾兄得無笑 即 怪,以 此 道 老, 爲 意 其 亦且 失 也。 其

### 復吴仲木書甲午

拜 兄 初 違 + 教 半 日 載 書 積 知 道 想 體 良 深。 逾 勝 朱 兼 藴 聞 兄 新 過 嫂之 得

學。 賢 處。 乎 作 先 領 生 ? 静 動 欣 不 于 云 會。」 静俱 弟在 慰 則 此 行行 可 平 得 丽 不 家 知 日 事 立 兄 無 得力,念之惘然 坐卧 所 事 更 事 半 講 `, 坐 無 欲 年 都作坐 究 愧, 於勞 勞 一成 者 攘 悠 方 ., 攘 觀 忽,真是學 爲 正 食息 屬 之外求 顯 是 虚 微 磨 知 無 起 練 見 静 間 無 學 居 耳。 之 坐 都 本

事 從 間 實 只 亦 痛 此 亦 ,諸君 爲己, 嘗 爲 勞 各 癢 道 未 攘 謄 弟自 人, 晦 有 重 有 明 中 動 重 所 只是 於此 亦 於 書, 編告同 絶 辨《大學》來,僅拜 習 開 洞 足 續若 中 氣 晰 發。 無 事 悲 否也。 斯 所 切實爲 那 矣! 敝 無 理 餘 肯 預 子 志,以 去 必 吾兄 輕 我事者,直麻 碌 爲己爲人, 得 有 己之心耳。 輕 碌 以 放 體 相警發,不 詔 重,又深元本 過 甸 無 道 我 華兄 耶 所 逾 矣。 短 密 本 苟 木 長 非 能 想 審 頃 不 , 書 其 視 日 兩 知 切

> 兄先我的 心 常作 卻 着 得 鞭 主 重 也 張 不 便 得 是 出 頭 日 千 時 里之學, 時 提 醒 願 此 良

0 臨 近 風 日 老 馳 想 母 初 無 到 任 依依。 舍, 草 草 晨 香 未 遑 造

晤

# 乾初先生文集卷一

海寧 陳 確著 族 玄孫敬璋 編 校

#### 與 吴 **仲木孝子書**順治十二年,乙未,公年五十二歲

者,詢 自 旬,沈左之表兄過舍,寄一緘附候,到否? 不 望邊過祝二陶 獲假 此 徐 時 知仁 念孝履,不能去心。 加 一日之暇奉候喪次,歉愧 調 兄近日 節 齋中,見其家人有自澉城歸 漸 미 已進 復元。 少 飯,喜慰之極。 總之,一敬之 恨里役覊 無 린 身, 初

功, 非 欲吾兄持敬 無微不到,惟仁者善體之耳 而

何耳。 也。 必 必滋以 乎親,節哀以愛其身。 本作「故君子之居喪不可不及,亦不可過」。 不勝喪之懼。 必致生疾,未免賢者之過。 母之身,乃 滋 食味。 敬故能 弟前《哀詞》引「敬爲上、哀次之」文, 食味。 哀毀之過,反歸不及。 所 則甚傷孝子之心,然正 盡哀 以 元本作 不飲藥,不滋食味,則將有 忠乎親 去哀也,敬固哀之所從出 ,敬故能節哀。 1 「則將終傷其生」。 匪愛其身,愛其父 也 蓋 若一往不顧 無過不及,元 疾 盡 則必 非敬,烏 必飲藥, 無 哀 口 以 藥 如 忠

能全此哉! 嗟乎

吾裒仲之勇於義者。 吾仲木、裒仲之義而 木之居 吾黨之有志者多矣,未有若吾仲木、 喪,直欲 愧死。」豈 不感 祝二 且 惟二 陶云: 愧 者, 陶 「吾見仲 哉 無是 心 聞

者 夷、惠,妄爲 矣。 凡 弟 之 求全之 惓 惓 論 無 耳。 己 9 正 想 如 末 者 學 必 之 能 議 鑒

此

愚塞

也

兄 此 便,率爾附候,并佈積心,殊不能 亦 考兄之意 忠節夫人之壽, 不 敢 不 ,弟遵 聞 之吾 而 同人擬代吾兄 行 兄。 之, 舍 不忍 姪 輩 盡 以 奉 聞 稱 · 弔之 之 觴 吾

# 寄劉伯繩書己未三月六日

己。 幾 候 ()願 同 口 忠文》,見十四 皆恃此僕以 骨骨 確 里役爲累 肉之 春,想道 擬 於正 痛。 卷 月 體 奈 竟 飽,今忽奪之,甚 中 逾 何, 不果。 旬 勝,詣學益 同 奈何! 沈 比 甸 又 華 案 喪 深, 兄 傷 公有《哭亡 渡 馳 耕 懷 江 戀 僕 抱, 奉 無

正月初二日,吴仲木遭嗣母之喪,哀

過 毁 貧之士,尤人情 之。 過 禮 吴裒仲 雖 先 生 讓 所 之 還 難 居 繼 章 産 太 夫 百 人 卅 喪, 畝 遂 幾 爲 無 赤 以

卒並 議 死, 矣。」卒不 日 裒仲,秋 長,能執喪,宜終爲後者也。」兩先 不 爲後者也。」秋浦 死,而裒仲已生。 公之子孟佳君 責償于節侯之子。 生之長子節侯 能執喪,且未有死者之命, 則裒仲宜 而 「是文過飾 繼之,而中 裒仲,秋 裒 浦 仲 執 固 先 喪 又隨 浦 生既 行 無後 無 而 非 先生之仲子 分司寇之産。 = 先生曰: 杰 禄,爲秋浦 以以 忠節先 仲木 年之 其 已 捐 而後仲木,及 自固 悔之。 母 繼 執 夫人甚安之, 産 喪矣。 生日: 嗣 「吾子尚 其非分之産 還 先生子 也 母 仲 而 後 之喪。 已 木,亦 「兄之子宜 秋 子先立,且 若 往 面 孟 生相 在 終 浦 者 旲 秋 佳 懷抱 其 遂 先 君 司 惟 必 裒 浦 而 讓 有 之 仲 前 生 寇 先

與僕皆安之,曰:「願同子食貧也。」

孰謂 禮 無 齊之功,遂 ,天下歸 知 與 三代之直不尚 異 哉, 不 知,咸 仁 至 裒 .焉。」于仲 斯 仲 之家。 乎 噴噴 ! 在 仲 人 子曰 木兄弟 裒 心 :木兄 仲 哉 :「一日克己復 弟 甫 ·, 益 踰 之義 弱 信之矣。 冠, 不 脩

純 師 含笑地下者 ,亦猶仲木之有 駸 駸 祝 仲 有 彝 乃 故故 兄 父 弟 風 不 仲 敢 裒 亦 不 仲 彝 並 盡聞之吾兄 也。 進 之弟子 于 此皆我 克 霖,質 己之學, 耳 先 生 學 所 重 鳳

鑒 萬 學辨》義,至爲 落 愚蒙之心,未 ,深負吾兄拳拳顧 也 不 敢 弟衰 自 耗 是, 日 有 亦 1甚,近 詳 醒悟, 不 悉 敢 又 愛之意。 極 荷 尚 碌 知 同 須 碌 眷 一、仁兄 面 糧 切 相 務,益 承駁示《 無 參 已 必素 訂 而 加 所 大 萬 確 荒

仲木以四月初七日合葬嗣母于澉山。

悉,臨 敬 + 附 有 九 報 風 懷想,無 眠 張 食 考 尚 夫 任 無 近 依 恙 體 依 漸 餘 勝 情 縷 家 縷 母 非 今 年 能

#### 寄吴仲木書乙未

吾體 養 , 俾元氣全復, 方. 爲 病 中 之加 憂我 輕 仲 殊 木 無 快 甚 他 慰 于 慮 也 自 耳 憂,今 然 須 知 益 已 加 保

能 將 明 竭 殊 起。 義 吾 理 爲 不 如 不 弟 吾兄 弟腹 同 思 可 無益之憂, 復 解 心 然 慮 日 境 之心, 下 耶 猶 要 惟 亦 患 未 爲 自 不 而 見察,况 斯 此 久 去 疽 大 此 當 道 褊 夏 惡, 伏 病 計, 自 衷 作 所 且 枕 曉 所  $\stackrel{\cdot}{\sim}$ 庸 不 大 從 疏 未 庸 得 學 何 來, + 脱 能 者 用 不 辨》,不 日 又 性 乎 忘。 爾。 致 非偶然, 成 猶 憂 要之, 敢 每 雖 未 耶 夜 不 能

弟知過矣。

能 切 鮮 本 此,知吾輩罪戾尋常時有,苟非 有「亦」字。 時 也 克自免耳。 時 病 處置停當否? 今且 中見吾母憂形于色,益不自安。 不遠 無言學道 吾兄病中體 矣。 即即 苟得其當 此「遺 驗 此 理 戒懼功深, 體」二字, 雖 想益親 離 道 以 元

惟自愛!伏枕口授,不盡欲言。數詩附政,季容、裒仲同此寄懷。諸

### 復吴裒仲書乙未

遺 未 有 2體 能 起 色, 行 弟腹 起,皆因 殆, 想 毒 可 慚 之後 弛 恨 妄 知 何 投 ,繼以 己之憂矣。 如 藥 餌, 傷 即 寒,伏 不 日 節 試 食 枕 飯 飲 四 琖 所 旬 略 猶

讀教,益知虚懷若谷,求益無方,彌深

若是其口出 窄,見天壤 感 歎 弟 非 有 耳, 能 裒 爲 仲 不自知其言之過也 諛 便 者 如 空谷足音,遂 但 弟 年 來 眼 孔 愈 翅

明,有 此,知 求 推 即 極 生。 令先叔 始 之 决 其所未明 遷,宜改 顯 者,雖 H 易 就如 吾輩 顯 因 母百年未艾,兹事將 明白,兄非 用 然不 循之病,賢者不免, 學問 吾兄 事物, 即 事 汀則 待 改,使必 行 歸 徳日 只緣口 有 解釋者,奮然 莫不 田 漸 不 進無 ,須機會 早已悔之, 皆然。 無 事,極 因 遺憾焉, 疆 循」二字, 矣 平常, 便已耶? 凡 况 行 乃 義理 世 然至 之。 發。 而後 俗 義 斷 今 之 假 益 宜 乎 理 送 遷 已 進 -如 亦

得 求 而 其 猶 른 八所未 今之學者,大抵皆 只是已 未離 明。 乎虚 明故 無論 知 智,要皆 見 未 明 即即 舍其 未 未 必 未 離 所 能 離 乎 已明, 求 禅 乎 虚 藉 令求 此 知 而 宋 見 日

以 來 學 者 大 病 弟 每 痛 此 人 於 骨 髓 深 欲

與同志一洗斯惑也。

耳。 吾裒仲豈 心 得 功 儗 要 非 不 只 一訣 聖 其 事 善乎 事 倫 事 賢 是 事 特 不 耳 ! 乎 不 戒 宋 ·輕放 1 吾兄致考兄書有 輕 懼 儒 放 此 不 而 過 過 睹 確 止 是 聞 所 耶 果 時 實 以 1 習 爾, 功。 服 然 真 膺 云 則弟 則 傳,是 由 吾 而 斯 詩 不 裒 近 以 求 已 猶 仲 H 進 放 者 爲 安 用

行 歸 事 惟 云 上 上 讀 ', 那 恐 心 于 心 書 生 墮 無 此 又 即 能 來 事 于 窮 知 求 孔 不 理 禽 事 者 子 深 知 學 不 潤 也 無 , 所 所 求 者 放 異 謂 義 那 立 過 謂 此 作 志 理 敢 發 工 知 志 夢 學 之 因 个真 夫 行 既 也 循 所 精 並 又 立 謂 微 切 那 進 從 此 向 有 自 者 得 志 上 知 然 輕 也 此 種 未 無 心 知 放 真 真 立 行 之 切 過 時 切 刨 卒 但 向 時 向

> 然 輩 縱 命 相 而 同 冰 論 誰 平 H. 志 去 釋 及 ? Ţ 未 中 何 此, 者 未 可 言之 以 啻 元 有 惟 當 事 天 本作 能 高 壤 事 叮 無 承 明 復 不 爲 政。 當 而 有 於 疑 放 此 儒 以教之。 吾 過 邑 謂 意 釋 言 之 能 志 者。 之 心 也 學 承 辨 體 當 由 即 何暇 之, 者 恃 在 此 愛 言 其 高 必 非 之, 中 輒 談 有 裒 泮 仲 復 性 確

## 答沈朗思書乙未

兄 篤 承 也 掃 良 ; 何 但 誨 除 伏 能 不 承 ,敢不益自 讀 ·當以 及 吾兄教 書 此? 之 事 見 親 弟 感 淬 而 以 切 礪 進 終 及 學 日 以 感 時 分作 優 仰 切 進 報 游 1 學, 兩 明 略 弟 非 德 事 不 亦 耳 相 平 展 非 愛 1 既 卷 欲

爲 之廢 來 書 教 于 而 事 泣 親 之 至 際 性 深 感 爲 人,有 引 咎 如 「, 不 此 肖 者 弟 亦 至

四

完 割 太 能 滋 豔 餘 七字爲得 上,竊以爲未若禮所 和 學 衣 股 味 稱 而當遠 矣。 圃 江 寢 亦 事 宇宙 親 古 不 冰、十年 天理 盡 極 行 慕 敢 爲 父 在 滋 傭 高 學也 篤 人情之至。 母之歡,盡 吾 味,能 孝,然· 供 遠 廬 兄 母 難 0 墓等事 9 家 稱「啜 行 子父 下 王 由 之事 庭 咽 延 君 日 人子 兄於 菽 乎 子 體 乎 相 用 體 ? 觀之, 飲 無 類 間 之歡 烏烏 完 此 水盡 在 求 衣 吾 弟 有 何 亦 之, 其歡」 畫 快 便 子 古 漸 親 有 是 分 如 無 不 與 極

懸 荷 果 密 則 事 親之難 矣。 求 知 日 其易? 其 中又分别忠孝難易,尤爲未妥。 惟 則子 至 至, 身 于 嘗 歷 便 事 豈 費 其 則 云 君 惟 事 手 日 所 事 「惟 始知之」, 兄 脚 求 君 固 經歷 乎 而 未 雖 臣 况 嘗 忠 後 以 可 |身歷 技 孝 始 事 謂 君 之大 知之」, 極 能之末 未 丽 體 乎? 能 道 何 兄 之 論 再

祗欺人爾。豈其然哉! 豈其然哉!

裹 不 萬 遑 處 所 即 浮 無無 館 着 敢 僞 萬 以 當 不 不 爲 又 己之學,爲 吾 以 便 以臆 至于 懷 孝 處 安 去道 也。 學 不屑之心, 館 頓 對。 此 問 爲 處 萬 但 事 確 矣。 須 里。 惟 恐 承休問 親 等模範 事親 深 中 則吾身吾心便 味 以 吾 加 吾 兄既 切 既乏承 反 及之,元本作「之及」。 ,吾黨 事 兄 近 求 勤 不 精 盡 益從事于 幸 學 實, 能 歡 心 甚 好 之實 職 不 涉 終日 道 業 處 近 遑 知 亦 而

慈 下 照 始 卧 飯 病 率 四 + 爾 五 附 復 日, 來 又不 教 久 能 未 親 能 書, 肅 統 惟 日

# 遺祝鳳師兄弟書順治十三年,丙申,公年五十

三炭

家素 言,言無 喜暱富貴人。令先子雖 下士多矣,而終獨予暱者,或有以也 好學過我,而 我親,非徒然者也,而 疏之,而令先子顧益 先子,令先子能交僕耳。 封,又早荐賢書,僕雖 僕與令先子交分不 聽。 虚 夫 受猶若此,故令先子交天 以令先子之聰明 親之。 亦親之,自此知無不 淺, 非富貴中人,然始 僕 心 僕以令先子之 顧 性 知 非 疏 其賢,嘗益 僕能 冷, 過我 益 交令 不

祔 有 友 涯 列則 葬、 哉 不幸令先子早世,冥 止 僕所欲效其未盡于 元本作 事 豈其微」。 屢 争 未 得 鳳 冥之中,負 而遺言 ,遂使僕之跡 師 兄弟 」煌煌, 者,豈 此 惟 日 良

> 白 則 浪 無白方之聽! 昔遊四明,繼游維揚,亦猶白方之志 敢喋喋以貽失言之誚者,有日矣。 疏,僕之口日緘,元本作「默」。 每 切之言,以大負鳳師兄弟,並上負令先子。 與鳳師之誼 之,僕爲作《志喜篇》以貽二子。 山 又深 游 開張 方,使僕當日能效考夫之言,安知 念至,淚 非 鳳 自咎責,謂既 白方有粤游之志,因考夫 師 深于二張,鳳師之聰明必 之過, 如 雨 圃 下 僕未嘗一言,則鳳 而 也 無 僕 觀 嘿 感之德,又罕肫 而 雖聞 不言之過也 因 有 言 念 頃 違,不 過 師 鳳 而 不 鳳 丽 之 師 僕 師 龍 下 1

早夜以 知之。 且 自知之也。 改之又改,即是聖賢 人非堯、舜,安能 、思,謂 過 圃 所謂君子,只是戒慎恐懼 能 爲 改乎? 有 過 乎 功 無 ? 未 過? 夫。 能 無 改 過 鳳師 過 乎? 乎 M ? 兄 能 弟其 亦 宜 自 宜

子也 以 有 爲 過 則 是 而 已矣, 而 可 已 如 矣。 所 欲 謂 爲 使 小人,只是 君 鳳 子, 師 兄 何 弟 得 而 無 不 不 忌 孜 欲 憚 孜 爲 時 内 君 自

囑》 敢 猶 即 不 必人禀之高堂,出禀之諸父,質之明 敬讀《私室戒言》一過,曰某等能心先 心,言先人之言,行先人之行乎? 以 敢 安也,元本作「猶未敢自以爲是也」。 有 欺 不 疑 願 過 鳳 盡 吾鳳 焉 師 其 則益 誠 兄弟乎 師 某等庸 兄 以 僕 弟 書遠 前 每 有 不 違焉者 月 訊 朔 敢 於僕。 以 敬 讀令 乎? 欺令先子,今 凡 僕 先子 事 猶 每 雖 師 人之 行 未 日 愚, 友。 止 早 敢 歸

其 可 不 畏 (父母昆弟之言」; 又與子貢論 然,衆實 也 事 無 大 夫子 有 小 口 誰 論閔子之孝,曰「人不閒 務求 能 當 掩之? 于義 理 良元本作「真」。 而 士,日 後 敢 「宗 行。 於

> 謂 哉 令名無窮矣。 慎之又慎,凛乎若朽索之馭 族 ? 稱 言,衆一 孝, 乎 衆之本, 鄉 耳 黨 所 稱 聞 弟」。 自 内 勿 及外,不 夫豈 謂 求 ,則多福 動,衆目 爲 미 此 誣 名 耳 自 所 而 睹。 已

前德。臨書不勝望切!本作「抒」。之紙墨者,惟兩姪深思憬改,克光本作「抒」。 之紙墨者,惟兩姪深思憬改,克光本作「能」。 盡宣元

## 答吴裒仲書丙申

是將 治。 盜 慘 無 有 盡 己 限,自 來受用張本。 今大辛能 何 考兄久别,始聞 而大辛家 如 盗 無 然 以 弟欲 亦受 窮 人盜之故, 苟爲不然,流毒 人盜 爲大辛 劫 其 病 ,且方當遺女之時, 不可 、繼聞 轉 轉治 治,自盜 其劫、 語 自 曰:「人 IE 盜 懸 無 猶 一<del>,</del> 乃 已 可

時。」 化 弟 無 爲 聽,今其害可睹 舍是言學,何翅千 於 弟 氣質爲先。」大辛 處 四 弟 無 罄 懷  $\overline{f}_{1}$ 之; 此 年 此 前 而 愫 忠 其 乎? 告 矣。 曾爲大辛效 大 而 里耶 者, 先儒 未 氣質之偏 所 得 謂 尤 有云: 間 自 在 盜 子 兄 苦口 女 無 西 日 「學者以變 過于 香 來,能 用 mi 嫁嫁 飲 未 此 食, 間 先 見

興,悵 乃 檢 頒,喜 窮 窮 미 而 治 復 以 到 木 下 相告 累 自 以 久不晤 恨靡 自 閤 心 盗 近况 讀教,知道 宅迪 天 也 根株 己。 而 芻 窘 我 康 降。 堯 裒 惡 日 外 爲 所 仲, 駕有 用 此 經 慰 詢 見 便當 不給,惟 誉 尊 僅 懷 意過訪,不勝 使, 艱 此 木兄遺 思 優游 苦 甚 知 别 有 殷。 自 暫 無 札, 任 切 阻 尊 精 運 實 翰 堂 俱 醇 放 欣慰 料 之旨 舟之 勿 夫 教 理 爲 人 忽

伯繩久病,望我江下故人如望歲。欲

件,謹 當 勘 率 惟 篇 我 遺 後 愛者皆以貧 資斧空匱,未 婢 出 約 在 邑乎 故故 冒 復不既。 以爲何如? ,殊不謂然,正恐其行之不 門, 不吝 ,皆夏秋 飢 稿 張 渴 曾 暑 則 未敢便 沈 附 耶 ? 爲 斧 而 弟 上。 兩 ? 整 Œ 當 間 病 并 兄 七好 理 一个雏 爲 獨 所 附呈三詩, 訂 能 爲 每 \_\_\_ 未? 作 奉訪 往。 感 往 道 即 讀 游,正坐自盗 1 先令兄書, 候之, 相念之私。 行, 竟 所 稍 頃爲 之期,欲 甚 謂 季 安, 恐 幅, 粗 容 滿 須 尚 家 而 欲 見 肚 **\$** 少 母 兩 爲 未 見 近 皮不 兄 復簡 俟 果 之律。 俟 追 兄 强 之, 愴 餘惟 况,並 在 之 耳。 之。 似 一九 飯 然久之。 合時宜 得 渡 何 澉 必 晤 文二 乎? 以 +-弟 年 不 江 吾 加 而 慰 以 兄 自 能 相 以 逋

#### 寄吴裒仲書丙申

當 理。 哭。 力勸 己 己。 致 而 本。」似不應竟任 力 飯 虧 固 焉者 食矣。 且 ,决當 勸 益 聞之老醫 以 尊 堂 情 萬 開 不 理 無 夫 戒, 爲此 俯 宜 此弟 老 人 而 稍 茹 俞。 云:「此 言 者 瘰 類 滋 素。 所謂 外科。 蔬 癧 巾 母 如 肉 , 得 食 不 不 今 味。 H 全是不 而 獲 須 肉 用 又六十 盡 少者 食, 命, 母 呕 平 切 子 實 進 未 足 則 安 則 至 ? 工夫, 養 外 症 繼之 然 情, 人,氣 元 , 法 子 肉 馳 之 以 有 再 當 便 食 念 劑 宜 之 痛 血 不 治 無

傷 誠 雖 手 相 不 感 足 可 推 故 以 之 此 意 有 情 口 舌争,亦未 於 者 此 家 患耳。 仍 庭 是 間 意 季容之出 應 則 氣 度 季 用 外置 容、 事 試 汝 不 之。 0 能 訥 較 所 試 以 之 至 懼 事

> 求諸 焉 兄一 改易 過 涉 爲 不先求諸本心,而徒求之物理之失也」。 疑 量 亦 既 白 固。 文 嘗 兄 斛 爲 非 不 方 辟 過 爲 本 之以 功 之 人之身,雖 等類,所宜較 舍 即 理 當 亦有未安,恐非 也。 心 故 之 如 人後者言,兄若 如 白 粤 别 權 君 所 不安爲安者, 方 游 論。 敢 而苟安習俗之 臣 五. 量 甚 就事言之,則其 親 而 一之分, 之微 百 一安也。 然在兄正 父母 反 疏 畝 正者 謂 緩 聖 之膳, 詎 固 兄 急 裒 情 兄固 實 固 何 義 弟 王 仲 論 不必 未 蔽 限 必 已 妻子 所 當 無 以 微 嘗 多矣。 也。 , 此 餘 謹 是 所 姑 沾 日 事 弟《服 爲 有 , 今 可 逃, 舍季 細 沾 用 而 元本作 實 事 類推 後 别 事 未安 之間 置 然 受 云 此 不 辨 容, 議 自 非 亦 其 輕 考 亦 矣。 此 元 必 不 時 放 養 惟 恐 則 疑 兄 固 如 作 亦

● 「容」,原作「融」,據前文改,下同

哉 食其 者 弟 <u>一</u>十 所 ,又無論矣。 餘 禄 以 試求之本 年 而 猶欲比之于恩養 後 食 忠其 租衣 心, 事 税 , 必 之 亦 有 恩 所 惻 也。 以 而 然 云 漫 彼 難 報 僧爲 安者 同 耳 戔 o 戔 烏 後 者 此 有

事。 諸 者。 亦未 麗 祝 除。 晻 之戒矣。 矣。 父昆 爲 京、闇 昧 壽之事,親 若既 族祖 弟去 真所 其病 能 承教作詩 弟, 概 伯之求,皆斷 爲之而 謂 仍 秋 至于己 母,皆求 絶,雖求之本心,亦有不能已已 可言。 習氣 雕 在 今秋 族之與朋 平日 蟲 文 又 一動,不能 曾 既爲之,又代仲兄,又代 小技, 壯 亦 弟 則得之,亦足爲作詩 .曾致 盡去之以 兩 必 所以存之於稿,以 作壽 然辭 有 友微 力于 夫不爲者。 所不爲, 之,而 詩,一爲表 有 復 此 滅 不 静,尤 其 ,故習 同。 於親 迹, 弟 爲 若 其 弟於 知 氣 叔 族, 誌 者 多 爲 廼 難 渦

吾過也。

所吝。 哉 得 駁 爾一晤,言不盡意,故復 面 文字之見故也。古人作文,只 目、做好文字亦害道,以其不 不止,是爲 ,自然成文,言乎所 示 然弟悖道之言,又豈止壽詩數篇 稿中凡可指摘 濫作詩文,固 臨 書不 佳 勝翹 耳。 切 者,乞一一教之, 甚 明者 不得 害道,然 凟 此 以 不言 爲 紙,還祈 離名心,不 何如 · ; 止 如 必擇 風 乎 高 所 來 毋 好 而 水 明 率 離 題 有 不

#### 答張考夫書丙申

之諷 辨學褊心 孫子, 恧不克當, 感 諭 小人有母,辱賜贈言, ,未蒙格化云耳,既不承命,敢忘大惠」。 ,天人之説, 相 無 勉 能 益 喻 深。 過情 至 元本有云「以 於卒 之稱 ·章,歸 兼 及

夙夜祗命,以祈無忝所生乎!

從 惡常 明 亦未 光 既 議 本 作 澉 已習 以 弼 聳衆心」。 聞之悚惕 喜 來 求 聞 之 手 聞 新 書 諸 教 有 馭 厲 益 ,確之腐元作「瞽」。 又 子 厭 子 ,竟夕靡 責 詞 爲 儀 聽,久等之老生常 而獨 洗 嚴旨 罪,詞旨 弟 軍 心 ·,壁 以 以 寧」。 滌 以 責愚蒙無知之弟 兩 慮, 壘 肅 番 夫豈 肫 旌 竚 羣 叙 切 旗 聞 聽,元本作「峻 論,於龍 7,汗愧 晤 不 皆爲 鴻 不 以 譚 訓 能 恒 ; 彌 變 有 謂 人之 山 乎 色, 旬 當 兄 諸 所 詞 情 新 子 發 顧 如 元 偉

生記 己之功益切 字,誠爲篤論,古人所謂學 己 有 미 欺 寡 繇 日 如如 寔踐之功, 至若 「頃 大致 見 則知于人固 日 確 肺 所 以 之 肝 承 我 狂 面 , 其 加 德 海,無 躁 悟 無可尤者,惟當益求諸己, 未 不 至于不尤人,學之至也。 使 物 :非以 孚,多言取 可 多 漸 道 Œ 化 也。 當反己。 容之論, 爲 暗默, 案 困。 「反己」二 吴裒仲 人誰 夫 蓋 若反 未可 反 亦 先

> 也。 强 雖 發之能 求 本,乃吴先生親 謂 其 ,故雩 踰艾,而 人 無 我 孟子曰:「人之患,在 不 、聽,非 盡 諸子 遊 也。 學末 問 書。 謙 愚 亦罕有憤悱之實,其 德, 昔 牧 則誣 及乎 燈 又《禮》聞 下 讀 嘉 ,其不可三也 成童,妄爲訓 至 樊 此,僭書 子。 好爲人師。」確 來 學,《易》 瞽 求教。」此 人既 迪之詞 不 段 著 口 無 見 元

乎石丈。 之述,恒不滿於大辛,《子弟試 有 反 詞。 喪實》以譜 覆,不 能 確向 動,于斯驗矣。 如《葬論》 翅 至于 者 百端, 私 亦 鳳 以 痛 嘗 師 前 爲 而 狂 先友, 兄弟之未若先 終 言風 仁兄其 僅得 裦 如 諸 而 發,益復 更 充 暴骨者 吴 如確 耳。 議 子 》,猶未 命,言 何哉 肆 不 + 産 誠 爲 年 論 乎 文

謂《大學》是聖經,甚 游 不 後教又以 · 覺 失笑, 確《大 而 復 繼 /學辨》: 安而易, 之以 比 涕 之白 謂《大學》 零。 嗟 方之粤 乎 菲

婆子 聖經 嘿,乃 共,非 私 嗚 心,非人也。」求之今世,故未易言。 Ų, 呼 甚 爲天理之公。 是日 一人之所 無 其 危 閻 亦 是,非 而 王 弗 難 得 思 0 日 而 私,攻擊之與附會,均 辟之與釋 傅 非,辨 已矣。 孟 衆咻, 子 曰:「無 所當辨, 夫道者古今所 祗 子 自 非 取 佛 是 嘿 教 困 非 所 耳 之 屬 當 與

吾言。 論 而 求勝吾兄,况 義,以要於至當。 則已,如終不 日 學辨》者未 正之同人。 "》、《大學辨》二書差有 然後是非 確生平筆 札紛紜, 臨書不 秋 暇 見 還欲 M 没 敢 乃定。」使天 百 勝悚 知《葬論》者猶 求 斯 0 與 元本作「以求至當」。 勝 道 惕 吾兄洎諸 程、 也 昔 )者,聖-人有云:「要之 了 朱 關于世教,故 而不欲 無足 平 人復起,不 同 十三,知《 取 學 斯 惟 弟 面 道 道 唯 之 有 亟 不 晰 ^ 大 欲 易 死 葬 敢 斯 明

#### 又答張 考夫

幸有 也。 日 以 某别 兄體必日强 氣 、慰之。 力大 後 多 乏, 病 衰 并夏間 每 蹇 書 無 夜 得子之信若 成 發 之 熱 狀 每 殊 發 何? 自 輒 憐

四

私意 挨。」 厚葬之,子 力。 以 能 他 己 龍兄謀,則病已之後,即當議遷,奈何 祇 從 所, 擅容客棺獲罪,非 求之,遂動多 所以 夫 遵 但養生送 辱委元龍兄 致費 來 子對子路傷貧之言 然者,謂 命矣。 ,路使 П 語 死, 門 乎 事, 荆 已 但云:「到 事 人 ! 屬 棘 爲 有 即 極 主 耳。 貧 臣 他 呼 平 地, 士 也 常 一舍姪 種 大 舉 則 冬萬 又逼主厝, 只 抵 然以 意 事 亦 緣 皆 思 往 無 不 門 學 某 誠 也 難 語 能 者 難 爲 委 欲 元 骨 懼 以 爲 再

惑 蓋認賊 氣 此 學 ,荷不自 也 木 作 明 子, 深 雖 勘,必反 春秋以後學者恐皆未免兹 人子之於父母, 以爲慎 不 重,爲孝誠 勝 浮 情 客

俟 欲刷《族葬論 仲,兹録 刻成併刷之,故未有以寄正爲 春間 以 嘗作《養生》、《送死 奉正 》,以 ,併一寄元 泛葬 經 **>** 龍 篇尚 論》二篇 兄。 歉 未 東歸 刻, 遺 欲 即 裒

求 弟 弟之心 誨 息自安於形影寢 神仁恕,或不我 此,先聖賢、先師友之靈,是糾 敢 Ē 方 而 名乎? 竭 未 仲春奉 懼兄之以妄言見督耳。 能 同 誠 出 釋然者 請 好 于 訪, 教,祈各相辨析, 勝 至 極 過 乎? ,蓋弟憂道之心與吾兄 魂之間乎? 誠,未易以 欲 督, 而 立 攄 某之 異 積 口 乎? 愫 , 心 某《大學 然 殛之。 舌 以 亦何 争 且 而 求至 有 嚅 也 屢 蒙 縦先 忍 以 辨》 於 嚴 然 憂 未

> 昔賢 繆處 之是 乎 固 1 非 待其詞之畢矣。 ,兄何不一一 且不能 弟之褊衷,略悉去歲 若黑 拒 白然,則弟 弟 之辨,而 明示之? 退 弟 圃 柬 敢 伏妄言之罪 使某與程、朱 中。 拒 友 其 人 間 之

與千 是僞 必欲 世無 責以 即 下 闢之,上之爲程、朱祛 然千古、《大學》之誤,曾何 服程、朱之心。 五 微 者。 百餘年,更何 秋 本 窮之惑,固宜爲程、朱之所快甚 與聖言未合,而 弟三緘 倍古,無 今之議者,但云「《大學》之爲聖經 區區之心,實欲忠於洛、閩 萬 圃 世公是 其 其 論 言 口 待辨」。 無 實 何者? 非之意也。 ,恐亦非程、朱當日 以 與聖人合,亦 無關 服 一蔽,下之以 夫不 弟之心,并不 程、朱人品, 于千秋萬世學術 足爲累。 論 使《大學 是非 不 而 解 必 所 諸 於 辭 自 可 千 而 兄 地 卓 百 以 但 而

鑒。 《大學》致知之類、未易悉數。 邪 避 尚 自 實 盡 介甫之廢《春 出 人 容 佛 迹 甚 ,雖當極 更 正 違 其 深 教 之 有 任 爲 人 心 罄 甚 介 紆 賢 荆 秋》。 中國,千數百 於 此 以 П 亦 者 公 諸兄之所 鬱 負 攻 無 與 不 亦 兄 結 辨, 待 免, 難 非 夙 也 辨。 荆 逃後世之公,某萬 而不覺 所 况 公,來書以《大學辨 教督之意。 以 某之情 年間,禍世 流 而 憂 輩 品 陰 弟者。 乎 晶 人 愫 他 杞 其 甚大, 日 窠 人之憂, 兄 大 嗟乎 諸 晤 臼 儒 宜 惟 不 光 時 Ţ 素 輩 錮 敢 如 面 干

#### 答來成夫書丙申

夫 奄 奄 浹月, 本 舒 擬 悃 于 願 愫 七 與 有 心 八 生 違 月 之 介飲 間 願 東 恨 畢 候 如何 矣。 伯 繩 竟 今賤 因 因 訪 脾 體 病 成

> 時 粗 更 復 無 又 他 迫 阻 冗 否 累, 也 尚 擬 于 月 杪 問 渡 不 審

當 罪 矣。 傳 先 讀 罪 弟 未 乎 生 力 人,不患 也 輩 一,夫復 終幅,便令我 勸 1 奈何徒以 純養粹節 不 繩 之也 见 能 得間 殫 少 無 何言 厥心力, 訂輯 分 ; 先 傳文。 身殉,得毋復蹈仲 萬 昭 1 爲 如 心 弟致 子和 之勞 日 家 脾 月,今日之計 有 俱裂,馳情奈 兄至,得 了, 坐 一言。 遺書, 繩 兄, 使 致 至 弟 木愚 可 拜 此 滋 謂 晤 兄 劇 孝之 時 確 傳 患 何 病 終 無

平,極 能 自 之,吾輩 感 脩 生 何 翼兒頑 可 Œ 爲 喻 是 未 燈 心 1 有 下 人 惻 儒 人 大 草 細 無 勝 吾 繹 勒 世 似 于 師 吾 9 路 紙 彼者。 屢 兄 雖 事 盡 辱 調 事吾師 陂 旨,牢 翰 不 教, 君子只宜 能 風 復 提 騷 何 雖 攜 之感 感 惡 無 憤 總 反 E 之 己 要 未

晤悉。

#### 與吴裒仲書丙申

子行 褰裳 兩兄 陳 往 不果,以 已 蹇 鶴 不 自 種 及帶 子之欺 ,戛然長鳴,悲 返 前 藏 有 錢 弟 子抗節 而 落, 所學不 言猶若在 向 去, 於四 不 唐 傷 使 季 者 ; 試 容 陳 確 奈 兩 是在季容。 日 消 郵寄中 不 意復 子之信; 何 何 早已 人 息, 耳 試 就 辭 中 可 前 ,鋭意古人之學,而 未果。 以 以 自 流 每盛 知矣。 東 憶 爲 對 今安 擊 渡矣。 £ 後者不果而 以 美譚。 則陳子且 乎? 楫 稱 辰 無 若伯 在哉 我裒仲之義 又四五年來,衰 莫 春 面 兄 然 肯 今汝 目 與 繩 即 前者 仲 見 欣 見問 以 果,以 有 横 木 然 訥 江 干 所 令兄 東 果 諸 季 江 謝 秋 未 偕 容 而 旲 免 故 獨 讓

言之罪於伯繩,而季容又復奚憾哉!

科 云「後生 舉 師 嘗 致之功明矣 業 舉」,並 兄 有是言。 弟, 不 有 試 讀 更 如 遺言煌煌,炳 未 自 書,只明義理,曉 違 此 即 逆論之語, 有 汎 是 不 論學者 義 同 者 圃 如 出 則 而 星 開 試 然,至季容與 忠節先 日 世務,且 美遺 則殊害義 此 命, 生 無 莫 家 戒 就 訓 習 弟 鳳 格

則 未 藉 詞 即 不 季 能 容,以 以 旨 無 已 安,引咎不已。 苦矣。 諄 瞑 成 以 即仲木病 篤,又復 至 目 言,爲賢 相 者, 誠感動,而 勸 今忠 或 勉。 中, 其 如 子弟者宜 節 又有 彼 弟亦深是之,然其設心, 拳拳屬弟作《固 既 先 外 而 則 待 生 假 悔 意 死 干 之,謂 何 友生之言, 所 此 忠,仲 以 爲 平 烱 承 兄弟之 之? 木 育 烱 流論》遺 死 1 于 孝, 心, 間 而

維前言 之豹 焉。 敢 如 之力,將終得 况僕之於季容 木之弟即吾弟也。 大 確言 (易))所 確它日 歸 臣者、欲 7有當 ,不勝惘 而 思 戒 山 之, 即 之豹 轉 陰歸, 裒仲 故 乎 煩轉致 惘,故復凟 弟 得 前 1 與 臣 之季容,且 考夫兄 晤 又將 季 也。 肼 ; 容 雖 其 如 敢 交 有 猶 此 有 其 辱 雖 先布之左右 Ш 不 尊 無當 以 又欲以 以 陰 未 舍白 命 復 所 之 深 我矣。 ,即就 咨 不 方 行 季 能 且 而 容 火 未 得 思 而 仲

臨 得 書 不 見, 聞 勝泫然。 仲 又 木 不 改 得 先 確 持 生 頓首 年 奉 譜 伯 ,頓首 己 繩 且 如 及 何 半 弟 如 既 何 未 ?

#### 與 戴 瞻 書

督 叔 極 荷 姪 道 並 愛, 篤 實 流 好 連 學 浹 末 夕 俗 感 空 遘 飫 良 , 深 而 吾 兄 頃

> 它日 只 即 乃 尤 即 切 茹 此 此 反 是學,又多乎哉 實 幸 便爲兄之損友,歸路思之,不 以 素 勿 ~, 不 弟 料 復 理 故 出 犯 設 葬 與 此、益 事 酒 宴, 弗 又 讀 重 遑 違 禮 弟 他 喪 惟 罪 務 次 謹 爲 佳 弗 追 嘆 也 事 覺 送 服 虚 汗 數 靡 日下 里。 릲 下

須謹 方有 有 未 長 盡 弟下 奉先生《人譜》,刻 葬經》附 進。 者 愚 以 舍此 無 類推 知 正,或足 ,別無學問之可言矣 尤闕 之。 刻檢點,不輕自 總 少 躬行之實,承 助 之,吾輩 高 明 之 功 萬 下 夫 問 只

殷 殷,姑妄言至此。 惟 勿罪。

#### 答張 奠夫長兄

誠 慚 確 負 無 何 知 如 妄言,  $\wedge$ 大 不 學 蒙 辨》請 罪 責 E 益 有 隆 道 謙 受之 以

乾初先生遺集

起見耳。 弟之不敢 肺 腑 來教 之 愛, 進 不 故 以 · 辨 不 反 又自有苦心, 敢 躬, 自 미 掩 爲 覆 確 惟 頂 實不 門 高 明 從 鍼 有 以 頭 教 至

仕 何 也。 然 所 先 ]者,必皆有説以處此矣。 若惟 不 讀新 生解《易》趨吉避凶者 至 詩 ? 避 害之爲 避 彼昔之紛 凶」句, 見, 紛 則凡 深知 從 謂 闖 可 不 趨善 得 以 今之循 7已苦 避害者, [而避惡 心 循

常 剛 不 斷 宜 萬萬者,確且洗耳聽之矣。 妄 先生 ,庶令後學知 自 臨 菲 殁 薄。 時,拳拳以學問 還祈 大賢 裁 舉 以 動 大 己 義 有 之 不 而 事 同 益 相 於 進 屬 之

### 答張考夫書丁酉

聞兄得子之信,喜而不寐;又奉抉賢

覺 録 亦 長 之訓 未 太 可 冗 副寄裒仲 知 長 重 也。 未 自 敢 懲 屬 遽 艾。 其 達。 谌 已 酌 滴 復 渠 草 鄔 天 或 轉 則 復 書 從 過 訪, 郵 又 不

半 以 略 仲處,雖不言《大學》,而於《大學》亦 蔽乎? 程、朱、陸、王。 考夫獨以井田 理 正」、「有所 求之, 具前 矣 。 ,皆以井 此 疏,率此附寄,殊不盡 理 寄到,幸 弟 則 未 是不 一爲必 田 又有《性解 忿 明,終 Œ 口 懥 宜復,必可 所 掩 復之意求之, 川則不 謂「有 非 目之,必有 爲學之一 ", 非 得其正」者。 》、《禪 復。 不 所 掩 兄 好 障》二篇 於四 是 則得 樂 蔽。 會 贵 則 也。 其正 家之學, 荷 不 凡 復 論 虚 得 思 在 硜 有 其 過 裒 所 心 事

#### 與吴裒仲書「酉

體 益 又罹 惟 此 傷 外 只只 懷 汝 抱 復 亦 典 滋 天 、事事 如如 則 别 喪 何 變,皆仁兄它日之累。 過,備 如 無 偶之痛,自 何,如 循理,而 也 可 ? 縈 知 何 吾 道 以 ? 1懷者。 尊堂太夫人 不可 履 汝訥· 清 知者聽之於天, 勝, 不審仁兄近來 未唇, 極 然憂傷 而 慰 圃 下 馳 汝 係 無 典

欲 以 書寄大辛處,亦未到,亦 俟 兄 天 弟前 前 則 信 到 月九日 謂 親致之,而天 天 則 書托舍姪者,亦久未達。 當 即 見 司 顧 則竟久不至。 發一笑也 遂 索 前 歸, 兄

夏 兩 書,俱呈覽。 考兄舉子,在 敢遽致之,先以求正於兄。 五 弟 月 近 初 亦 八 草 日 答 所教 倘 無 太 弟 冗 大 春

初先生文集卷

竟

投

乎? 肯直 則去。 人之 是 優 我 囂言學乎 夫、裒仲義 洎 則 遊 張 裒仲爲精思而 攻不 心, 歲 嗚呼! 弟與考夫、裒仲 、沈兩兄與裒仲耳。 此弟之至誠所 臨書豈 月,莫克鼓 猶未 1 肖之過者,非 無彼此 所 此 勝 融 乾 可 馳 治, 審處之, 通 坤 勵 切 故 語 必 何 何 非三人,一人 敢 欲 言者 好學 等 得 考 畢 並 盡 然龍 時 夫、 不 獻之 前 于 篤 憤 獨 尚容 裒 月書 兩 山友人亦皆 而愛弟深, 龍 悱 左 仲 兄 以求 Ш 也。 吾 [俱附] 右。 者 Щ 諸子, 軰 誰 囂 考 天 唯 通 ?

■「訥」,原作「納」,據惜本及本卷《寄吴裒仲書》改。

#### 寄吴裒仲書

省近寄,知道體尚爾困悴,馳念無已。

今定康復耶?

是 則 月 兄之所求 非 毋 吾裒仲 倡 ', 雖 置 计 徒 求 不 仄鄙吝之病。 九 承 同不可 訊 答可耳,於吾裒仲何 諸 之 日 者同 蔽 致 同 書,亦不 鑪 異。 也 也。 異,此其 溪 其言是, 凡 書,有欲 ·勝形 今僕之所 來書嘗自言有此病。 聽言, 所 骸 以 雖 第 人 爾 能 愈 異 當 同 辨者是 我之爲 已已! 錮 미 我之 審 也。 也; 其 于他 見, 非 意 是 其 承 ,此 非, 言 人 E 前 而

明 天 道 下 明 道 于吾身, 斯 于 即 道之在吾身與 吾 是 未 心。 即 明 所 于 圃 吾 以 裒 明于天下,道未 身。 在天 仲 望 今 日 下, 豈有 加 距之, 之辨,正 異 不 明 耶 亦 求 干 ?

悲夫!

已矣。 翳 闢 廢。 自 也 非 若 之, ? 不 佛、老、紙多事 常如一 也,獨 必若兄言,則孟子之辨楊、墨, 聖人之道 則天日 此學者思辨之功,在儒 天 無 日 如 頓 也, 人見之翳焉 移。 未 耳。 始 獨 其 嗚呼! 無 不 如 照 如 衆 天 白 説 日 H 何 者亦 其 之 之 中天 也 亦 訛 體 ? 未 韓 勿 焉, 聖 氏 可 非 思 有 之 道 遽 何 不 而

所 論 桁 病根, 未 以 説 明,故 深爲裒仲 兄今日 頗 似 悉 功夫 源 皆有見,兄 困 委,兄殊 . 憂也 于 尚 貧 欠 病, 切切 亦未 未能 實。 不 能 肯 領 弟 自 招 略 前 拔 認 後 所 請 正 指 此 坐 正 吾 諸 學

己 以 一灼 欺 知 己 弟言 其 欺 故 人。 極 明 願 白 而 聞 兄 顯 指 何 易, 爲 論 絶 之拘 時 不 敢 而 拘 含 何 虚 之 糊 語 見 之 虚 想

八八八

之, 臨 見,而一 邪 使 俾 左右手之喻,極爲親切。 瞽 弟 書 E 願 **人模** 翹 得 悉 擇 切。 自 衷之正理, 以 而 索 知 教之, 毋吝 行 無 而 之可 着 痛 也。 改之, 則不 矣。」 前 1 毋 祈合而無不合矣。 斯言 教 勿 徒爲 弟致鑪 云 存彼 誠 泛然之詞 善。 知其是 此異同之 溪 書, 既 非 知 有

#### 與祝鳳師書

晶 册,仍帶 進 以 師,今尚 後 之意, 宅,行急 爲 後 比 數 生 來 葉 有 歸 亦 鑒 病 數 亦 又 姑 不及 也 困 屬 段 欲 有《 浹 尊公手書。 未 留 奉 僕 旬 (原旨》 此 録, 别 前 , 爲 衰 從 爲 故 質 蹇 許 一本,俱 歉 未 無 0 Ш 以 能 歸 成之狀, 尊公 俟 册 即 ,便道 我 奉。 必 是 手 終 大 鳳 陸 録 真 師 且 歸 復 學 晶 華 鳳 口

業之成也以歸之。鳳師勉之哉

間 之事 難 心。 僅 自 間,旁求 過,必有怵然不敢 「安,則」 安流 矣。 處處克己 若此 母、事 學問 俗 之宗 目 之事,真 而 我 諸 前 르, 盡 親 鳳 父 儘 道,一 間 則 師 里 無 無 一黨間 錯 雖 日 次求之夫 息 窮盡。 用 處 — 言 寧者。 下水 動 儘 静之間 進 動莫敢 鳳師 미 于 足下 之 妻兄 自 聖 若肯 僕 慰。 賢 第 弟 任 隸 處 朋 流 臆 先 處 苟 童 是 俗 不 婢 求 用 友 不

終收 於舜? 是, 者 所 但 亦若 謂 觀 日 允若 顔子 舜 神 示不 聖賢 是。」 當 蓋 Ė 之功。 可 日 以 夫 : 「舜何 人者不知凡幾,顔 爲 處 舜 自 人,不 家 明 羲、軒至春秋,數 此 庭 物察倫,爲古今第一人。 是 間 人也,予 미 何等志 爲 到 子一, 底 何 唯 子何獨 氣 人 變 認 也, 夔齋栗, 千 自 何等學 年 自比 有爲 間

之, 矣。 世 試 古 力 置之,某且拭 欲 也 喜喜 狂 間 有 于 知鳳 某雖 於地 分曉 第 此 顔 而 處 子 欲 師 處 愚 下 着 流 所 狂 且. 眼 人 故 目俟之矣。 然 又可 以 焉 有 品。 夫 言 便 企 涣 可 子 知 慕 有 然 知 時 今而 也。 獨 不 不 冰 也 時 以 誣 有 己 釋 而 然 好學 後, 者 自 尊 怡 此 後 反 某之喜 幸 先 然 許 最 更 (功夫, 公之 是 勿 以 之。 理 顔 以 順 喜 常 之 書 口 便 鳳 子 樂 是 學 語 印 知 師 而

詩 稿 》,先附璧,幸檢藏 師説 》俟 索歸另奉、《 傳 録 印

#### 與 祝 鳳 師

慰 者節 聞 哀 鳳 暑 師 慎 兼 殤 變 子 肼 之信 以 有 上 脾 ", 痛 慰 病 高 困 念 堂 無 頓 之心, 己。 未 能 每欲 耳 望 極 造 願

> 禱 極

制 翅 父之言, 人之家,保全 可 ,時見於眉宇 友人之喪人 心者。 誣 今年 口 也 《詩》 每 ! 止不 過 尊 Щ 日 復 以 極 間 齋 赴 民 多 Ш 鳳 歸 心 ; 中 之 師 皆 必 喜 人 能 秉 可 以 爲 稱 鳳 嚴 彝 謂 豹 兒 師 鳳 戢家 , 好 以 臣 道 兄 師 義 社 是 弟 兄 制 之 懿 事 弟 前 事 德 學 卒 勿 月 之 德 擾 以 聽 日

外。 凉 愈 事 弟之間 可 惟 然此 物 知 外 力學進 事 則 矣。 之 理 特 處 本 願 外 置 德 則 文 益 以 事 失 道 吾 隆 紹前休 耳 宜 生 鳳 其 者 師 H 敬 君 兄弟之内 充 確 德 不勝翹 子 月 未 于母 之學, 盛 之 , 然 子 信 切 事 由 叔 也 且 有 中 姪 兄 亦 達 初

諸

死

焉

不

弔

進

禮

## 寄劉伯繩書

以 確 過,述成夫言,繩兄 爲之狂喜。 八月二十有六 即此 召兄日進之學,敢 近 日 體 ,承貴 殊勝 邑周 了, 宿 痾 子 盡 和 除, 拜 兄

其誰任之乎?

以 反 王伯之辨, 之至者,雖 真之至者 生者。 憂也。 察 (求功夫,只向一「真」字搜索,庶爲 乎 學問之事,先論真假,次論是非。 1 「雖偏」 確于此字愈求而愈失之,此其所 聖學曲學之分,悉于斯判之, 中不失爲奸, 先生之學,只是一真。 不失 爲聖,夷、惠是 鄉原 是也。 今學 也 善 古 來 其 學 可

義之聲,内鮮忠信之實者,謂之外假;一則今世所謂假道學有三種:一則外竊仁

義亦正 假; 假 内 、然後 有 又有 好善之心,外無 而 미 以 于 種 道 語 似 學 實 是 矣。 隔 而 非之學,内外 力善之事者,謂 雖 非仁 真 (亦假。 兄好學篤 雖 破此二 之内 至,

物以 中庸。 約 抵不離素位 確告家仲氏立一家約: 聘不過二十金,無聘 易分曉。 今之義會。 金,但備釵幣及牲菓之類。 女已二十四 「素」字是中庸 三十金,力不足者任減之,有損 中 助 者 真假之辨,只 之。 確兄弟之子共十人,此十人所生子 , 勒 弟近 爲 昏 近 後 人,勢尚 是。 日 一單,諸兄弟照單 喪亦然。 有 之髓,大抵離素一分,即 每樂 嫁 在 嫁女所須衣飾等物,在 事,各輪 未 日 昏不過十金,嫁不 與 用常 止 毋論 同 人 流 今唇嫁 行 衆 言 間 素位 相 輕 分任 無 驗 易 助 益 伊始 一之學。 之,最 略 過 非 兩 如 m

之萬 緒,若復行 之俗,雖 道,决宜力行之,故 吾言否也。 家 無 不能 血 勿 脈 踴 力所優爲者必 爲 亦 此, 躍 兄多 者乎 得 願 庶成貧 時 效 男 Ţ 相 者 而 敢 灌 舍此 孤 士家法,未審 舉 輸 寒 不可從,况 <u>V</u> 以 亦 家 寡 相 比 族 助 無 告。 與 葬 復 諸 然 學 强 蓋 從 能 粗 相 間 以 非 儉 卒 有 知 之 禮 言 力 之 踐 就

時 實從 之事 兄 無 義 未 謂 理 文,作時 小以資 乎? 刀山 沈朗 審 習孝敬 有 思信來,言 劍門過,方 文,廢 動 成 忍。 為本, 約 否? 時 一友云: 失業,荒 尤須常 有 明 教 用。」此至 子 歲 讀 館 「吾輩學問 困 悮後 事 以 己 言也 苦勞卑 只 生,不 心 教 許 以 甚 讀 須 役 明 吾

之又少,以 念先生遺 行其至 集 每 精 不 至 當者爲佳 去 心 鄙 意 孔 只 子 欲 與 少

> 門 少。 爲 非 良 有 此 公 弟 耳。 心 然則 見。 十篇 子 終 也 使孔 今 日 文字 言 吾 Ħ 子自輯之,不知還 不 兄 此 而 倦 遲之又久,不敢 戀 己,而 不 豊 忍割之心 止 門 如 弟 子 論 所 語 得削 輕出 私 輯 中 去多 。 正

數 散,不獲時 臨 二篇附 旬 風 可 豈 Ħ 開 世 一勝馳 道 "昕 IE П 處 交喪,吾 叙 所 夕 辯 謂 雖 罄 論 滿 同 「積素,恨 , 斯 肚 輩 志 皮 無 道恐未有合并之期 不 數 合時 可 結 措 何 亦 宜 足處, 已 復 寂 非 快 近 亦 稿 星 無

## 寄劉伯繩書

言 吾兄近 秋 杪 辱 履 極 周 安, 子 夙 和 疴 兄 盡 賜 釋 顧 弟 備 爲 述 之狂 成 夫 從便 然以 與否 意乎 實 必 言。 從游 朗 隨 同 學 兩 無 附 思 ? \*,極 1,且未 轉致之。 鄙意度之,朗思貧 多 弟西歸後未嘗見朗思,未 ,朗兄猶在遲疑 便之道,亦何憚不 求。 函 非 如以弟言爲可,乞即 來 奉 得已。 得 兄家 歲之約 候,不 急解 亦貧,計 且性 其遲疑之心 知曾 間 而 以此一 吾兄微 甘淡泊,一飯之外, 士, 艱於教子, 攜之 到 此 膳 否? 亦 減 明示,俾弟得 知其果遲 得之友 未 慰其遠游之 折 中 又 許 其 · 情 聞 其 脩資, 甚 次 與 歉 之 沈 疑

學 乎 先 于後 覺之所爲」,陽 ·,謂「惟存天理,去人欲」。 人,子弟之學,不得不汲汲 吾 第以讀書作文爲 子弟之患,不 輩遲暮之年,精 明 在 猶 無 以 也。 力日 文 爲 前 偏 陽明 良衰,不 在 雖朱註 况 無 讀 求 解 行,行 能 書作 時 之。 謂 習 無 效 之 立 文 夫 望

> 必有 振 學,常在 T 則文從之矣。 日子弟家之學文, 耑心致志,則 、勵之。 聖賢。 可觀。 彼 弟嘗 而 Œ 不 古 謂 恐父兄之所 在 來 士 此 人 但 耳。 脩 有 身 無 願兄與 文 行 教 文 行 ,子弟之所 使 漸靡之久, 朗 思時 虚 必 無 如 白 今

耶 之誠,幸 其本房,屬弟爲先容,欲 馳 厭 干 欲往古小學一 子躬舍弟,即 詳 謁 ? 望 《學解》 示, 並 留 勿阻 以 不過信宿 爲 慰遠 弟 之。 家 篇,並《 道 拜先生神主。 念。 近 相 舍弟此 思 回 思 奠夫、成兄近 |教幸 歸 叔之子, 之 渡詩 誠。 來, 觀 即 **\*** 付之,道 前輩典型,并 此 自 兹 臨 後 謂 來 首 椷 貴 履 生 絶 補 曷 向 俱 府 况 無 IE 佳 往 勝 所

?

#### 與 沈 朗 思

者,不 得 此 子 「知行合一」之説。 游。 ,知有以教我 貧 甚, 聞 猶是乎? 所謂 朗 至 思、 無 有 孝先 以 志 也 卒 千聞 者 歲 西溪之興不 朗思 事 亦 不若 竟成,君子之志 西溪歸 不遠數百 一見,以 薄 必必 深 此 里 龍 益 於 來 Ш 信 諸 所 道 同

然。 無 封 闕 附 陷 深 望於吾兄 去。 諸子行急,亦不及 弟 新 去 秋 中 有遷居之役,不 及 欲 教子及輯 寄 繩 兄 附 遺 函 — 山 獲從遊,良 書 未 二事,皆 陰 得 書, 達, 不 弦 尤 爲 爲 原 能 悵

幸

甚

與 須 時 文等; 湔 教 除 事只依 荷隆 要 先 不 脩 生 其 塾 本, 其 本, 規 雖 行 則 爲 之, 詩 時 惟 古文之 文,亦何 時 文 習 病 不 正 氣

> 除。 自然著實,豈肯漫然! 日,可勿慎諸? 生一生實學。 衰 是有志; 今之學者爲人, 只是無 用 簡 可 行,安得親 如吾人終日説 事。 要, 年與吾兄交進此道,勿我遐 要惟無實爲聖賢之志,故有 盡 年譜》、《語 隆本之學,非仁 世俗之習氣易 掃近 切 ! 來 先 西溪梅好,未始决一日 年 生拳 若真志於學,則 大抵學者之病,只是習 録》 譜 所 兄 除 拳 語 宜 誰 戒刻遺 録 古之學者爲己, ,學問中之習氣 望乎? 習 删之又删 氣,庶 文,正 棄,幸 志。 此 言一 病。 不 誓從 負 爲 極 之 只 動 今 先 亦 難 氣 於

## 乾初先生文集卷三

海寧陳確著 族玄孫敬璋編校

書

與張考夫書順治十五年戊戌,公年五十五歲

耳。 除 稍 審 漸 吾兄能容之否? ,仲氏病瘧已踰 近 開 去冬附韞 母兄,庶足 改歲,吾 騳雚 慰 可 兄兄 知 兄一 以 謝知 弟 十旬,困 弟 書,真是躁人之詞, 亦恃道 于 新 己。 是 履 月十二日 清勝,新 憊殊甚,爲心 惟老母 愛有素,不 痰嗽 見知 東遷 敢 未 識 不 癌

**置情,**輒自披露耳。

之 ? 故。 明白。 爾 耳。 宜 與 詳 又欲護前人之短,謂是長厚之道宜然。 而 了然言下,而學道家每 久矣,久則 同 者,曷 前 察。 稍 前《禪障 ,則孟子之不長厚 知 學者大病,只 亦如論葬諸書,正之同人,莫不謂然, 孟氏 硜硜之心 氣 弟言極樸直,雖三尺童子讀之, 風 情 爲曉曉不 水 而後,性學日淆, 一》、《性 才辨》並《侮聖言》二篇奉正, 難變也。 者 便 不能 用爲 是護短,既欲護己之短, 解 置 自己。 亦甚 》參看。 也! 要之,是非邪 仇, 格格不人,未知 矣。 要是 學者認 仁兄 望我仁 深知不 弟 中 非 復 人虚 有所 IE 賊 何 敢 終 合 爲 作 以 自 蔽 子 何 異 果 皆 時 心 可

弟 與 開 昔先生深 美 嘗 共 病 承 教 末學之支離 一確時未 以 爲 每 然,要之 形 辭 色。

非 木 妄 屑 間 發 率 者 爾 第 附 粗 此 中 者未 殊 爲未備 之覺 耳 0 碌 碌 竹 頭

#### 與 吴 裒 仲書 戊 戌

堵皆 心 姊 履 流 往返之勞,故 憐吾姊,常就款 同 居 未平,仲氏 憂 清 離 居 迴 里,較近母 氏 作, 耳。 之苦 龍 吉,懽 獨 于此,今渠 改 歲 橋 居 自 畔,乃是家姊所 殷人五 無依,弟 [始遷 瘧患已踰 略 慰 知 决計遷之。 尊 兄,奉養爲便。 可 何 語,兹姊弟共處,亦省 堂 小築舊居,亦 至于 想 如 遷,弟 夫 見。 攜家就之,去舊 百日,困 今, 弟 新 加 於此 惟老 居。 尚 人之身實 以 祉 未 壁 . 憊殊甚,竊 彌 于 又 月 母 向 得 垣 勝 此 老 + 潮 人 了, 破 日遷去。 母 生兄 居 春 吾 (兼之, 壞 甚 絶 老 不 日 痰 兄 弟 録 用 嗽 人 愛 過 遷 道 百

> 録 也。

> > 九六

爲 根 便公之天下 真 之學,與今世俗 便是虚浮之學。 良 誠 程、朱乎! 障》未蒙許可,兹 弟决不敢以 一日千里,而 侮 志 由 人,只争切實 ,只欠切 非弟之愚 聖言》二篇 吾學 于學者自能辨之。 遷居詩》一首奉正 虚 實功 此 所 今學 萬 浮, 執 可 世,且非孔、孟 遽舍吾兄。 0 夫。 不切實耳。 之 古之學者爲己,今之學者 難 迷 者守 解。 復 附 所 不 感曉, 相 略欠 塵清 謂 感 寤,弟竊爲之痛心。 以吾兄之志 一,並 非吾兄 切 程、 動 覽 切實,便是不 實 此 何 顧弟 耳。 朱 二之所 氣 又 道 能  $\sim$ 性 情才 相 而 自 遽 誰望 弟細 所 行,决 得 解》、 燕 廢 開 爲切 辨 越, 乎? 千 私 ! 闢 反 誠 古 况 病 惟 實 可 然 襌 洎

<sup>0</sup> 氣情才辨」,原本作「氣才情辨」,依上篇文改。

過 遠 得 羞 楊 不不 , 龃 居 復 屢 諸 弟 違 寄 能 在 兄 雖 明 家 考 時 相 遷 訓 奉 離 兄 合并耶 清 家 而 極 將 誨, 書 有 爲 ? 母 悚 東 足 輒 之 首 樂 仄。 臨 眼 至 者。 書 惘 數千 惟 然。 仍 不 有惆悵 審 惟 子 言, 迁 去 父 恨 冬 愚 尚 耕 里 鰛 口 居 讀 何 之 H 斯 帰 于

#### 與 沈 朗 思 書 戊戌

快 慚 握 愧 别 之! 山 慚 已 陰 愧 有 載 1 朗 加 思 兄年 半 吾 協 日 龍 方 月 山 沿,及 如 遂 馳 無 朗 時 衰 思。 進 殘 學 彌 甚, 何 城

兄

書

不

如

伏 思 有 共 往 參 然 復 去歲 是 此 輒 考兄 非 論 至 邪 巾 數千言 Œ 書來, 兹 久 當 誠 復 未 自 大 及《 Ė 事 明 大 惜 弟 彼 學 不 亦 此 辨 獲 正 俱  $\approx$ 與 未 不 須 我 遂 易 急 承 朗 各

> 悉繩 何 抱痛。 毁 當 急 安理當。 謂 合知行之妙。 每 一,乃是 坐 耳。 ! 下 裒仲有 至嘔 吴夫人之喪,並 此兄 功 惟 真 且 中 夫,在家言家,在 血 學 ·, 此 于既 所欲知,敬 母之喪, 位二 問問 彼空言學問 安中求 贅 闁 用 一字,各 仁孝 力于 在二三月 哀 附 未 毁 ", 凡 以 宜 ,未足與 此,始 館 安,已當 尤 聞 承 在 言館 劇 認 間 同 知 弟 ' '; 季 語 中 弱 陽 近 各 昔 此 質 明 况 容 咸 賢 求 求 奈 爲 未 亦 子 心 所

學 行 書 並 絶 到 **>** 前 不 便 來 敢 寄 拙 道 知 《禪 輕 稿 萬 種 不 欲 示 望 吝 狂 障》、《性 求 亦 愚 駁 教 過教之。 之 不 正 7,幸從 敢不 見。 也 解 **>** 繩 吾 西 翹 兄 我 同 歸 篇 切 志 處 四 翹 定 皆 五 四 爲 切 是 索 五 人 弔 吴 之 知之。 辨《 觀 人 大

#### 集

#### 與 來 成 夫 書 戊戌

樂 我 勞 ; 如 而 數 奉 何 載 别 神 以 交, 來,又再 日 得 易 寒 見, 燠 自 别 謂 易 生 會 平 極

之 篇 稱 學 弟 伯 並 則 寄 來 者 道 者。 學, 口 苦 疇 繩 及 言 昔 賦 路 入道, 兄 心 弟 者反道之稱。 可 稟 之 葬 前 近 處,略寄近文數篇, · 恐 謂 作 諸 不 欲 晤 不 只不可爲 誤 不 同 然, 書 盡 可 匆 俗不 火平 以 開開 匆, 要之,愚 未 時 類 係 有 亦 俗之眼 推 日 腐 吾又 俗儒 未及 不 不 所 矣。 小, 罪 兄 魯 作 鳥 腐 其 請 之 面 稍 詩 狂 顧 , 知 儒 Œ 教, 喜 明 欲 文 狷 時 腐 日 耳 須 眼 簡 加 新 可 者 習 又不 惟 後 料, <u>V</u> 索觀之, 以 言 無 吾 論 會 異 學 成 能鑒 敢 用 動 以 學 問 者 耳 之 夫 果 數 待

> 嘗復 兄 鮮 腐 事 交進之。 能 實時 事 自察。 顔氏 行 道 有至俗腐伏于 之 吾 而 學,有不 弟實有之,故不 師 有 用 乎 平 吾 ? 善 師 其 則 未 乎 間 吾 嘗 Ť 敢 非 所 不 願 不並 自 知 好 與 以 學深 吾 知 獻 爲 之于 之未 成 不 思 夫

率 兄 阚 家 附 沈 勒 朗 時 不不 思 時 直 盡欲言。 相 諒 晤 多 以 聞 廣 吾 麗 之畏友, 益 不不 勝 遥 今 在 企 繩

#### 答沈 朗 思 書戊戌

外 兄 歡 並 兄 迪 養 而 吉 弟之全備者 志 欲 孝子之心 康。 爾 視 歸 無 善門餘 述 形 則 道 (\*)樂 聽 未 履 慶 無 始 何 清 同 聲, 勝 如 人之中 息有 也 身 兩 雖 尊 間, 在 於 大 鮮 此 此 百 人 有 吾 里 能 如 而 之 兄 承 吾 下

九八

所謂慎獨之學矣,豈勝遥企!

愛,安能苦口及此! 狠愎不肖竟如彼乎 仁兄之遷 己之不脩,未覺人之過謫,善甚,善甚。 無 不負明教耶 以 自 弟 解。 近 以 善悔過,好學不 仁兄至不惜以 種 種 臆 1 見,頗 敢不益自惕勵, 非兄之愛弟如 倦 爲 身示 同 如 此,而 志 教,謂 所 疑 其 弟 但 之 祈 自 何 見 誠

嘿反 從,即 之,再賜明教爲 事 辨學之言,則千秋萬世之事,非弟一 略具繩兄簡中,此不 同,在弟亦 而速改之,况良友 但弟有他過失,豈但親友之言不 相 下至男婦 深 何敢輕於引過以 論 其 感 僕 是 婢,日 非。 復 人贅。 之箴規哉 在吾 用違言,亦不 惟仁兄旁覽 呵 兄固 同 志 不 身之 宜 其 敢 敢 至 説 苟 于

老母近體亦清適,承念,謝謝。弟遷

意。 貧 居,爲就近 士算計。 小 兒 仍 母 以 在 兄, 此 楊 恒 居 敢 讀 運 其 知己之慮耳。 書 便 于 奉 家 養, 兩 非 有 他

落 愛,不敢不附 1 痛割 鄰者,已屬子虚,不更傷 鄔天則竟以 何 已 聞 七夕前一夕去世,善 而 裒 仲 北 痛 Щ 之築,所 乎 知 謂 辱 類 先 凋

當, 姑留俟兄西 欲爾 雅 不 敢 歸 爲 再議之。 母 言 壽 尊 賜 辭 不 敢

書, 矣。 事 誠 大,無踰守身矣。 上,皆勸 不 雖 兄察 敢 答伯繩書,輒信筆至數千言 遲之又遲 不 止之,尤是吾 其 自 神 盡 氣 姚 然 無害。 ",若未-禱切,禱 失 所 兄錫類 一切 大 以 (旺,切 切 愛養 煩 之孝。 勞身 虚 勿 屬 遽 病 至 心 之 進 愛, 之 理 此

寄

蔡

吾書

|戊戌

兄 及 所 弟 持, 聞有 ,弟之愚何足以當之! 兄與朱子若同往議 陸 友 欲行生母之喪 其禮 而 爲 兼 適 F 母 問 與

皆 附 雖 非 往 戾 ·禮之正 時 嗟乎 王 之 也。 制 喪禮之壞久矣,今之所守 然理 弟嘗有《喪服妄議》一篇 實不 可 誣。 今 録 者 通

之所 前 者 開 而 其 年 而 喪 庶子辭之,禮之正 亦亦 之 陸 争者,猶 適 子弟争 服 友 母 庶 若 可 與 乎 欲遵 也 兄 其 之于 是客 欲申 可 而 時王之制,丁憂可 也。 出 後 氣 庶子 也。 信 者乎? 耳,並 烏 開 之情 必 有 喪 固 必 其 適 勸 且 母 辭 之之爲 不 吾 克 不 可 之開 恐 持之 獲 也。 見耳。 也 陸 M 喪 于 後 友 或 終

> 可 哀 用 不 與 而 盡 孝與不 也。 然, ,在人子得以 又 兩 心 奚 也 兄 則 所 待 而 是 其 能 議若何 若是真 于争 拘 盡 母 泥 孝 與 焉 自致 形 ? 孝, 耳。 兄又烏 矣 迹, 乎? 率 贵 則 斯二者,皆 勒 以 食粥 惟三年, 附 得 開 鄙 報 喪 寢苫 而持之矣乎 見如 不 雖 與 非 開 心此,不 哭泣 終 孝 喪 身焉 子 爲 ? 之 之 審 能

## 與吴裒仲書戊戌

前 兩 酌 其 信,想尚 數 兄 日 雅 可者,俾弟 兩 意 惠 以 而 好 朱 遲 己 音, 遲 正 輩 思 未 知 奉而 達 所 孝 寄 耶 履 行之,期 ? 安 卹 善 卹 約 事 深 呈 無 須 覽 負 慰 、張、朱 馳 兄 因 情 僡 附

習 勞之時,欲兄 斶 意 以 行 素 與 子 季 姪 鴻 皆 時 漸 課 長 督其 成, Œ 農 當 风桑,以 知 苦

也。 軰 卒先志,毋使其 否? 他 卹 日 成 約 人張 所聚,或移爲 本, 所 有仰食於人之心。 以 報行素於地 助葬計 此 于 下 小 者 理 子

當

自見。 吾兄哀 便是務外好高,於爲己爲人俱不得 學問至極真切處,本只平常, 勞之節,皆當以是心推之,則天 過一 力。 分 理 即

幸甚! 市也,豈用情之道然歟 哀勞致疾而以藥物救之,是哀勞與藥物相 妄之疾者乎?」无妄焉,可勿藥矣。 安有日置其身心于天理之中 養身之法,全于藥物無預。 惟爲道過 先師 而 猶 自 若以 嬰无 云: 愛

> 與 祝 鳳師書己亥,公年五十六歲。

大哀乎 質 時 師 命 古人所謂 在 上智則無過 知亦不改"中人不能 此 無過? ,或牽于習俗, 兄弟年力方富,及時進學,何快如之! 幾何,而 知過 而 入春連遭兄、友之喪,惘 1 己。 改 認賊作子者,往往 苟不 歲不我予,●能 過,便是聖學。 不知,無過不改。聖愚之分, 但 吾輩 細心體 日 用 學力未深, 盡 動静,何處 察,亦何由 知,亦不能盡改; 無 下愚 而是,可不爲 懼乎 然如 或宥於氣 ! 不知過 非過,何 知之? 夢。 吾鳳 人

予」,惜本作「與」。

0

兩

兒已

過楊橋讀書,頑庸簡

傲,

與道

遺 得 愛,惠然思一 千 旬,與兒子日夕講 其 時 有 里 置喙其 成 丽 人之 僕 去,亦一段 既 間,兼 日 無 顧而教之,寬或終月,少 耶 身 教 與 究成 大 鳳 吾 又 鳳 師 事 鮮 人道理,雖 師 面 也。 師 相 倘 友之助 商 不忘 鳳 訂 師 尊 老 前 其 先 朽 或 安 之 許 望 終 君 亦

## 復韓子有書已亥

勳名耶? 安石所云,恐正復不免耳。 樓聯書畢,三復慨然。吾子有猶未忘

傍 容 固 復帝王賢聖」,則恐言之太過耳。 是 有 三三字,尤快。 依 腐 承指 傍,然 無 無 出 依 種 傍者 亦 種 須著實。 惟 腐 亦何 云「軒轅、孔子 病,快 遽 甚。 如 非 置 腐 物 且 ? 拈 丽 有 學 後,無 必 固 依 無 傍 依

> 以 欹 不可」五字去也。 實 云「看《逸民章》有得」,又恐錯 隄之,今書一紙附正 傾之患,要於置物之心可以 地 始 無 欹 傾 之患 弟當作《有可有不可 雖 著 實 地 無憾 解 亦 無 矣。 未 미 始 解 無 至 無

忘勳 賢所 得脚 光同 如 鄉 歸 白 子一字,是其學力之高,然于要緊著實 天下,皆不爲 亦未嘗不同。 此 潔 原 王,皆可打合同印子。聖人之行不 業 尤 以至今未腐者,徒以 塵之中,常不忘溝壑喪元之志,故 其身而已。 ,不審仁兄復何以進之? 孔子不依傍逸民,孟子亦從不依傍孔 根定,頂得天,立得 腐 ,便須亟拔腐根。 于 狂 也,是則 豈惟孔、孟、夷、惠,雖千 狷 行一不義、殺一不辜 惟 其不 同。 地 此耳。 狂狷 著實故 ,做得 古聖賢 腐 事。 也 吾兄果不 于 人 中 古聖 腐見 雖 而 同, 處 聖 和 得

之乎? 元暎其 否乎? 矢口 越 凡人。今年就席三江壩口,子有有意一訪 儒 可稱 ,弟復以腐駡 與 三絶。 而 元 、諸腐挑 各 暎《遺事編》 子 陳腐論 何 磨 時合諸 有、元暎 蕭 礪 戦 ,亦天下之一奇也。 Ш 决雌 以 成夫。 來 須,某月 腐 既 亟欲讀之,可覓寄一册 成 雄耳。 生坐子有百尺樓 夫嘗痛 皆善腐,確又甚焉 喫得確駡者,必 日 將有 駡 天 下 之 腐 腐魁 子 有、 頭, 非

## 與張考夫書己亥

吾兄乎! 百首窮交,踰年契闊,每念悵然! 驚

不訟之理。然有難言者。人命抵罪,法無寵妾殺妻,極人倫之大變,在世俗無

乎? 不檢。 草芥視臣,亦有 子則否。 父,固生死惟 刃之道也。 足惜之意, 又甚焉。若謂 法外,故倫全而 妻之罪,法所不赦,然仁恕君子往往留 孟子草芥寇讐之論,亦第就恒情言之,君 君臣、父子、夫婦 始既以夫殺妻,今又將爲妻殺夫,交 生死一也,殺生妻固慘,檢 手足視臣,固腹 而 語曰:「一之已甚,其可以再。」 並 命,從一之義,何獨 既 誼 死無二,何寇讐之有! 宥 死復 至也 爲三大綱,臣子之于君 生者,以曲 何足惜, 心報之;即犬 全夫婦 則 何 示 死 不然? 之義 推 女 心 馬 慘 殺 不

過于 報之之事,且絶 九泉之下亦 出於井耳,假 恕也,道 謨蓋之事,以弟弑 萬 不 如 無報象之心也。 無報之之心。 幸 是 而爲井中之泥,吾 也。 兄,舜 蓋 兄弟 當 舜亦 日 兹非舜 兩全,上 幸 不 惟 知 ጠ 先 舜 無

此 苟 也 矣。 兄 ; 萬 弟 不 皆 幸 殺 而 則 殺 瞽 兄 瞍 以 竟無子 留 其 弟, 矣, 猶 禍 其 無 次 烈 也

女,而 下,便天空地闊矣。 生平學力,正 縈憂,百 言反己恕物之道耳。 天下,可傳于 孟子曰:「舜 有 書 主 論 世 而 雖 猶不 嬀 不 事 須 氏家 爲 能 俱 直 世 ·何人也,予何人也」,舜爲法 後 無疑于訟婿之舉 廢,惟 窮 須 庭 俗 世, 到 在 萬 所惑,并不爲 底, 萬 此 深 我猶未免爲鄉 惟高 不至 等上 念 弟 然後 明省 兄 故 乎此,然君子 體 事,不 深 處常 驗。 痛吾兄之 也。 理道所 處 能 人也,正 變皆 弟 己己。 念放 母 惑。 喪 讀 病 于

## 與惲仲升書壬寅

二十年同門兄弟,從未識面,白首相

爲 我 遇 尤見因事 警 良 良 多 切。 爲 慨然。 臨 至 寓誨之意,當敬爲兄翁戒之。 别 一云「如 又 連 教 H 對 以 獲 弈 從 讀 事 雄 事,恐 先 篇 生《人 聆 亦 快 非 譜 論 》, 益 宜 進

輒 譜愁中 之子石耕者,二十年閥 與 敢 山 弈 不因兄言終戒之乎 爲開棋戒以娱之。 ,恍如隔 類 + 曲 者 年前,弟 ,爲爾新開戒後棋」者,此 亦 世。 罔 勿禁絶。 以 其人善琴弈, 仲木之言, 故贈言有云「向余細 别,一日 去秋韓參夫先 弟 遂 爾 不 獲 輟 解 晤 也。 弈 琴 于 理 龍 今 生 併

不至。 者 亦 觀之,覺得太繁耳。 也。 以《人譜》律之,可立决矣 先生《人譜》所戒,本未嘗煩,由 此子桑氏之「居簡 即吾兄立 身,於儒 若又從簡 行簡」 釋 去 取 勢 不 之間 可 將 之甚 學者 何 所

讀尊稿中繩、檝二子書序,略曉兄旨,

之年 生門 耳。 爲 檝 則 弟 有 跡之間,宜伯繩之忠告無已 崩 無 又何敢置喙 山 兩 夏 德並茂,指難 墙,零落殆盡,今其僅存者,要如吾 開 得耶? 兄 調道 美云「於牛羊何擇」,語至 觀之, 變夷作用乃可,不然,去清仕一 理 今兄即 爲 决 ";但 檝 當 謂 再屈,而 古 如 未 出一時偶然不得已 未 此 能 則 爲 頓 大 不 也 未能致謹 改 喪 미 已 今服, 爲繩 刺 即以 心 然 于 何 繩 間 見 形 先 須 澽

惘然。 求其是而已,兄必不爲 下人,不知還有幾番聚首 ,望有以教之也 約張考兄至澉湖, 《性解》並《氣 情 圖 才辨》,附呈正 苟異,亦必不肯 更聚首。 言至 此, 六十 神 荷 思 學 +

同

言,破 言非 全。 兄其謂我 最 肉 墓悉夷爲平地。 徙靡常,盛衰有時,安可常保! 此事若但論 如此,安問 論深葬,已能言而 不及也。 免者,惟深葬庶 久。 骨也 是, 弟且老矣,負此大罪過,知 湖 其 樓 雲兄明 愚昧,俾弟得雪終天之恨,真 即望 學問 臨 何 其 書 目前 會,差慰闊 他 駁 之事 作 미 舍姪 可望 此 勝 E ,似可苟安。 敦 不能 馳 誠誠 雖明德之後,有必 大, 每一念及,心便百 如 輩 或 系 行。 不 不 皆 懷,尤與雲兄盤 可 全,淺葬則 在多言。 甚 謂 服 事關所生者尚 繆, 乞惠 膺 兼 然子孫之遷 道 而 丽 故古 論 有之,弟 不改,仁 即 萬 弟 無 不 來 生 示 如 碎。 弟 能 墳 桓 所

〇 五

# 與張石渠書癸卯,公年六十歲。本注:時往硤川

就凌貞侯鍼,留書致之。

「可知」。 支,賀新居 至今春移 弟 以 懶 居,並 則未有退 廢, 致 爾 久 闕 帳, 闊 然。 罪 疏 歉 然 自 何 賀 如 去冬大誕 壽 可 元本 以 對 作

病 初 山 時 飯 尋 寓 + 門 我 夫 刻 而 後 静 至十 之 其 己。 故 欲 弟近 演 初 間 劇 暇 睡 人 Ш 一六日。 自 成 無 話 樓 頗 則 ൬ 何, 偏枯之證,勉 闊 旬 初 似 過 寓 餘, 七至十 老兄 慧 慧 士女聚觀 樓 而 師 幢 日 適 駕 坐杭 方 杜 禪堂,談物外事 當 復 經營中元 門 日, 羈 劇 就 不 寓 ,幾忘食寢。 臺, 省 觀 拜 凌 禪堂演 日 閒 科 貞 舉,忙 法 夜 客,惟 侯 極 事 鍼灸。 法 喧 口 自 雜 知 置 無 欲 否

> 人,極 也。 閒之,且 主 品品 但 因 口 彙悉屬忙生,世上那容 思 恐吾兄濟人心熱,又復 省 不久當大閒之矣。 天 也。 下 何 今病廢乃爾, 人不忙 ? 天 天意 以 得 醫 地 弟 忙 本 想 耳。 故 是 軰 閒 忙 欲

何 惘 惘 日 快 感 晤, 興 》二首,漫録呈正, 各 罄老况 乎 以 臨 當 書 面 미 談。 勝

## **復朱康流書**癸卯九月廿四日

讀 立 者 間 融 時時 者不善理 大中至正之矩, ,所謂有德之言,卓乎 有數節文字,以持論欲 熟 或有之。 讀 尊集,真 會,至釀 在 極是 尊 潛 禍 意 心 鍾 嘉 理 不 無 惠後學之意。 平 毒,不可究詰 過 窟, 可 而 捄 加 復 反 偏 出 失之依 議 去甚, 一之以 矣。 亦 冲 以 П 而

抱杞憂。敢摘一二,以爲請教之地

可乎?

微 子,正 潛 之意 姑 世 薄 足 君子,至欲 信之,則其 實」,則立 塵之資,具 日 一之禍本,不得 道 助 爲所移,不可之甚者 「道經佛經,决 情 然而 姑 發聖人之微旨, 狂 有 以其言忠信,行廉潔,君子 夫 之 必 又 什伯 説 元本 舉 君子懼之,將使後 日 節 禍 高 火 甚 哉 取 二氏 作 其 於 有 世之行,其識之超絕,言之 正 :「决」。 不 一楞嚴 不可言者。 無忌憚之小人者。 書 ,元本作「語 爾 計 不 而 養 此 也。 **>**′< 口 深 廬 不 以 也。 即 看 ; 慮 其居, 豈 미 南 吾只 虚 君 遠 做; 極 况以二氏 華》 學 子 和 彼 , 和 而 欲 平。 不以 馳 是 尚 小 男女之欲 經語 聖 杜 過 咬牙 鶩 道 人 人 爲 不 之 天 然古之 經 理 人 士、尼 此 養 嚼 欺 廢 下 典 亦 以 負 察 萬 刻 深 以 监 出 君 無 爲 而 而

血肉之味决不可絶。」如是而已。

述二 大禁 誰 至於 猶 自 决 手 天 吾 係 人 生,不盡 之, 之 其 游 ·, 道 滅 輩 相 文其罔世之術,而世卒不 地亦豈 氏之書,時 過 後學 制 縱 今 爲 食, 絶 與 今即 理 無 歟 之,但 傳 異端 彌 不 滅天 蠧 人, 易見,何待深求? ,有明 戒 熾、若 能 以 得 誦之, 國 則 殺 至 哉 虚 操 元本作「哉」,下同。 地 絶 病 物 牲 粗 立。 人國之柄,居 王 時 民 燎 讚 民,棄君親, 口 一則獸 亦豈 者言之: 物 者起,或採 宣 乃猶 揚 原 不道二 果滿 不止 播 之火, 之,致 能 此旨, 竊上 蹄 如來 獨 矣。 氏 鳥 男女不 生 悟,學士大夫, 不 使 是誰 又奚暇責 哲 迹 得 蔑 之言,絶 之願 其 曉 , 佛、 可 此皆 名教, 之微 交 言 爲之勢, 無 暢 復 之過歟 中 交,則 老之禍, , 度 元本 人 奮 遏。 極 言 物 國 作 筆 而 其 盡 大 然 不 以 是 以 始 關 衆 生 禁 游 則 1

之薪而助之燄也? 之,異學其有止乎? 何忍尚持兩端,以益

不能 之死 之腐 死人 爲 萬 厥旨仍歸于正 木之乘生氣 氣之説,此 木之腐,或蒸爲菌 有足徵」,後又云「君子不 異物 其 復養其子孫。 能蒸菌 生,何止 于中野,三日之後,必 卒章又云「葬 以深錮其 能 也,而 缕 生 何 尚 化 萬 則其痛有 語 蒸菌化 一,似 登,而 何 生 强蟲,蕃 也? 乘 氣 ,或化爲螢,以 無可議者。 書之未 故中古之聖人棺之椁 生氣之忍言乎 ,惟恐其或泄 **釜**而 必不 向使 螻 不可勝言者。 螘, 泥 已哉! 能復榮其枝; 미 **编**蟲蛆 人人之 貴 茁 廢, 然其 鳥 死 明 驗 而 將 鳶 ? 然草 亦 于 遺 中 H. 其 將 今棄 若 道 而 復 乘 指 蔭 木 之 鍾 必 億 草 草 牛

誣者,亦有二端,而葬地不與焉。一則祖若夫父子祖孫,一氣之相感,理不可

宗 數 宗積 其 者 盡 之,所謂 也,魂升而 子嘗言之,而於葬地 則無 敬 事 則 + 神於廟寢者則有之,不聞其於塊 世,尚 子 德深厚,慶流苗裔,近者數世,遠 配帝配天,其下者亦祭廟祭寢,盡 則 所不之。 孫之仁孝,事 幽 祭 蒙 魄 明 則受福」是 遺 降,其降者終化爲 相 蔭,所謂「子孫保之」是也 感,其祖 故爲之設 死 何有焉 也。 如生,其大者 一考亦 重、設主, 二者,古 . 必 蓋 黄土,而 來 也 格 之死 者 以 之 郊 而 君 求 佑 升 誠 事 至

復啖 藁哉 利 者, 矜死 又將 曰 乎? 不然? 其 百 今夫百草之灰,舉 子 于稻藁矣,利雖 之情 循 使斷死 孫 稻 至于燧火磁鐵,此 圃 然 藁之言,將必煮死 後已耶? 也 人之肉,撒之南畝 况忍以 足 倍屣,而人必 以 絜 遺 壅禾, 情 又生物之性 骸 稱指 人之骨, 爲 子 則 豈 其 孫 其 不 惟 忍 肥 稻

得之于天,不可移易,以擬于枯骨,尤爲

豈真 公而 大懼 族葬之廢 翼之也! 泉,至成室以後,則主伯亞旅,各安其 1 而 絶世之卓識,至仁大勇之事,孟 文公之欲火 于二氏,佛、老而外,禍莫烈於葬師。 而 葬書猥托仁孝,賢者皆不免焉。 若復於其中 謂子孫之禍 每 己。 嘗論 言,若其下,昭穆之次既定, 如卜室者,始亦未嘗 以 示 不忍與此輩 異端之害,自楊、 , 殆由於此, 不 然楊、墨、佛、老世 古人之卜宅兆,是指始 通 佛書,與温公之欲焚葬 理。 福 各擇 然 實 共 天 關 便 戴 下 葬地? 利, 可 天,兄 不 墨 愚者 不 將 猶 度陰陽,觀 ൬ 察 知 不勝其争。 子 後,學 多 慎 也。 不 爲 以 而 . 過 何 葬 勿 確是以 異端, 來,二 書, 尊 容 之 莫 明 復 兩 竊 意 次 祖 詭 者 存 流 復 卵 以

> 少 至,如近 正 之約 末 俗 世 輒 難 之 不 悟 禍 覺 易 縱言及此。 ,大可鑒矣。 流, 惑其 説, 義 本 有 奉 便 未安, 互 無 相 所 訂 不

## 寄張考夫書癸卯十月十六日

惟

教

正

恨 亦 奄 不甚旺,極 忽,况弟之衰蹇 事 1 厚菴先生之盛 然吾 爲 聞 可 厚 念。 翁 乎 德 ! 生 而 平氣 終 聞 不 吾兄 體 獲 尚 年來 强 見, 精 豈 猶 非 力 阚

厚 幾 以 何 翁 如 何 相 長 吾輩 1 以 堪 者。 爲 如 雖 必 此 而 皆就衰,學問 得 契 蹤 闊 跡 晤吾兄,又復相失,悵 乎 疏 1 闊 頃 之事,疑 動 從 經 諸 歲 同 年 尚 過 餘 有 恨 奠 监 可

留《孝經》一册於雲士處,想已奉到。

此 奇 弛 書,長嘆而已。 荒 廢 亦 往 不 終 爲 歲 歲之計 用,觀 所 書, 弟 今不能 茫 近 然。 書 矣。 便可  $\equiv$ 復 見。 弟右 吾 兄 敝 手 致 右 里 射 又 足 侯 遭 漸

貧,每 勞,而 否? 無 任 嘗念雖老病, 近搆 欲 主 馳 爲 人 系 得《 稍 之 地 不 顔 俗者 子 亦 或 間 未 得 説》一 미 亦 得。 似 閒 可 篇, 館 兄 處 能 可 附 大辛 不 正 留 甚 意 尤 臨 煩

### 復張考夫書

兄 如 經 似 何, 意 猶 弟 , 今望之便 如 + 미 何? 勉,弟不 年 前 伯 往 如 繩 返 能 登 兄喪, Щ 也 天之 陰, 决宜 難 如 游 扶 衰 庭 服 户,略不 强 之 往 弔,

子本兄弟間既翕與否,念之痛心。而

父不 筆 能 兒 自 虚 與 教 志 兄 情,况 淚 介。遑恤 勉 德,弗能 憍 隨 確 之氣 以先 他 先生弓裘是係乎 未 變化 人子? 除,禾 教己子,尤爲探本之論 夫 兒尤 復 但友子猶 何 極 言 1 粗 浮, 子,正 興言及此 有 子 皆 一自未 不 由 翼 乃

承仁 外。 曉 平 惟 弟之迂 非 悟 有 心 兄 觀 惟 心 弟 筆舌所能 以 老 自昔孔、孟 感 愛我,惠問 理,本容易明白, 愚者乎 聖學久 病 加 寖 已,復 加 -争 誣,恨之入骨, 死 也 及《大學》、《中 滋 何 已 期不遠,一切 所 事 不 臨 置 能 然 惟 書 對乎? 得 俗 豈 有 學 之賢弟子, 信 勝 錮 雖 惶悸 之千 庸》所見, 人,猝 死 É 此 不 ] 置度 秋 事 瞑。 况 難 但 而

## 復張考夫書

Ħ 阚 良 不不 處轉達,尚 晤 一、深爲 去冬辱 喜 劇 耿 顧 未 耿 , 形 塵 以 之詩 清覽耶? 病 己 甚 而 歌 不 兒 能 曹 隨 細 述 寄 請 錢 一書從 教 子 之 虚 善 欲 此

未 誨 鰨 兄 不 極 年,今雖 能 痛 幸 心 而 婉 苟 隨 懷憂慮 癢,久置之不足論議之列。 多言,與 兼 轉 從,而 之以 Щ 懇 疾 兄來,獲 切, 困 涕 不不 之中 先 良友之意,愧無 也 如 儒 以 此 未嘗忘 違 拜 老 其深 異,抱 病 手教,捧 而 且 終棄之,拳 至 而 此 者 時 以報,是 深 讀 乎 痛, 士悠悠 孰 涕 垂十 有 零。 以 拳 如 確 吾 感 雖 教 呂 確 五

恐 其 終 然 負 兄 此 所 大罪 憂 2者,弟 以 死 老 病 而 之身, 弟所憂者 戰 戰 在 然 惟

> 懷 亦是 高 也 之 惟 道 似 歸穴,莫肯認錯 學正 非 身之 之亂 以 明,萬萬 是 若徒 之 不掩 情 兼收 之,則是非 從 真 面 無 各傍門 間 非 罪 而 愚者之一得,斯道 不 爲 事 ", 非 己。 出于 聖學 圃 作 弟 不掩是,夫 重 凡 户 無 千秋 此, 好之與作惡,俱 誣 , 誠 儒先之言, 遁 是此 傷之, 先聖賢 情 然猶 之計。 ;其互有是非 非 痛之。 而後古學可 願益擴 幸 (之 學 彼, 弟 甚 一 以 如 何 傷 平 吾兄 闦 大公之 敢 孔、孟 天 荷 螘 理 之 之 明 倖

个. 比 屬 置 與 無 年 共 筆 情 長 兄 一,率復 進 愛 阿旨,以 扶古學之意。 弟病 論 , 我,情 性 惟一二辨學書,庶幾效忠先 困 書 不 日甚,氣志日穨,自反 一卷, · 備。 負仁兄相厚待之至誼 溢 楮墨,銘 少間 况承 齋 心 還 眷念之篤 請 德之心,没 正 欲 命 以 兒 報 萬 所 曹 學, 厚 儒 丛 不 彙 顫 德 毫 敢 相 不 甚

忘, 非 所 能 喻 也

附 原 書

> 張 履祥

兄體 年,此 弱 餬 亦 遄 之中,得兩令子盡心盡力,久 子 返 見令子服勤而爲之深羨也。  $\Box$ 倫至樂也。 不盡 飢 於 力之健,遠 别 身尚 寒隨 人,衰病 後,不 得 衷懷,每 之,何 無恙 審 歲 道 不 弟不及兄之齒者 否? '堪賴 加。 同 體 勤 所 矣。 遠 其 口 患 念。 視 相 日 未 如 七年 養 病 何? 而不怠,斯 知 然 团 耶 過 兄 前, 七 ? 此 疾 去 貧 年, 苦 吾 七 冬 所 婦

癸巳 力 死 處 而 不死。 弟復 益 知 病,幾死 見天之 病 自 其後 中 念從 實 而 戹 有 檢點,祗覺 前 不 進步否 我 歲 死 月,總 所 己 以 )亥顛 此 益 不 我 時 如 沛 各有 也 無 亦 生。 得 兄 幾

今日

自

安知 爲 以 損 亦 死 故 難。」又云:「曏日所云是,如今卻 癢,亦且聽之。 物 疆之益,莫不 毛毯; 在 無 存亡,當已置之度外。 理也 息尚 今日是,不起後 盡 益之先,革在 不 能 艸木之生甲拆,故從 存 既 邵先生云:「無身過易,無 取 ネ 老 如 新。 且 미 惟見善則遷 此。 但 病 鳥 鼎之先; 已之事。 來疑。」古人 更 《大易》示人,所 獸之文希革 無 即 别 有過 此 蓋 項 而 善 身 商 條 無 不 日 是 病 量 則 盡 能 故 心 痛 進 非 · 過 改 過 萬 去 以 無 疴 生

進 步 偏 心之聲,行者 步 私 少,是以 念,非 學者凡 ,沾沾自得,吝不肯 故步不離耳。 即 事 心之迹,無 心 執 過 一之莫 時 之偶 大者 内 舍者,率 夫亦 見, 外 顯 乎 知堅 信 微 因 之判 己之 言者 守 無 故 所

慄 未 獨 有 此 於 爲 心 切,故 而 不 不 害 及 於 待 事 兄 者 疾 也 之 瘳 夙 而 夜 進 慄

## 與劉子本書

商

也

顒惟

教正

門。 之交,遂盡于此,痛 綿半觔,代奠三星,奉 舉,終以不 何 已二年矣。 如 念至, 汗浹重衣。 尊 張考夫亦屢失機緣, 先生之喪,幾及大祥,未 祝 鳳師 果。 鳳 師弱 兄弟 近得許大辛之便, 謹 當 質多病 某既 每 何 告几筵。 約 如 痿 翼 時 兒 兒 廢 與 不 問 願 <u>一</u> 十 遑 身不能 渡 違 奔哭, 復 後唐 餘 附 能 慚 年 粗 自 恨 出 每

定式 無 是 好 非 前辱 如 可 講 手 初 惟 矣,豈 書, 有 知友于之情 至 勝 一誠 遥 感 慰 動 1 未 骨肉 法。 甚 之間 和 至 協 誠 絶 而

> 俯賜采 明,庶 幸 著《雜言》一卷,後頗 不 師録》中諄諄 誠之未至耳,舍 熟玩之! 動 者, 幾愚者之一得。 擇,或 未之 于孟子之三自反,真至訓 有 亦 此 也 高深之一 更 兄 無 及舜、 倘 弟 法 助 大 有 矣。 象 未 雅 也 事,屢 甲 不 和 廢 , 辰 令祖《先 只 芻 有 責 發 偶 吾

不安。 勿 祖 讀 能 不 自 及 書 少 父 相 菲 相 幸勿 効筋力,深抱 先師遺集聞已有任 臨 聞 薄 承 爲禱 書酸結,不 道 預 想同 統 P 擔子,在子本 外 此 許 懸 慚悚。 知所 事,並 結 友行急,張考夫道遠, 刻者, 云。 鳳 時 時 師 事 語 兄弟屬筆 人 羣 方 確 身 棘 病 季 Ŀ, 閉 知之。 困, 門 切

乾

初

先

生文集卷

四

#### 海 寧 陳 確 著 族 玄 孫 敬 璋 編

校

#### 與 開 美

書四

悸 前 讀 札 晤 至 固 嗽 安 血 康 轉 何 劇」之語, 復 爾 耶 ? 殊 使 望 兄 人 鷩 萬

分珍

重

自

愛,勿自暴棄也

處 局面二二字亦 更覓 自 道 然 體 固 指 非 道 言 體 體言,然舍卻 面 之謂 動, 無 非 兄舊 道 H 也。 宅 用, 可 前 亦 居 云 無

> 之于 宜 且 力。 同。 居 姑 不慎之故。 輕動 宜 始,方 思 率 所謂 從 己 而 爾 ,與弟之典 容 不貲,物 行, 道 輕 歇 無 「静」之一字,養身學道 無 動, 息, 勿貽後悔 後 定 傷 悔。 體 隨 力 財費 期 分 尚 隨 兄 己 自 絀 時 切囑 心, 每 滿 安。 事 而 病 而 甚 在 多後 體 待易 且 不 也 猶 頃 미 悔, 羸 者 無 緝 也 况 皆 自 皆 不 事 理 得 由 慎 宜 舊 不 不

#### 與 祝 開 美

乞詳 能 厚, 諸 君 閉 深自 示之。 得 門 此 來 謝 手 愧 沐 客安 否 赧 先 ? 生 養否? 先生人 不 教 審 誨 尊 之 服 體 勤 山 藥 近 後 伯 效 復 道 繩 驗 何 體 兄 較 如 安 相 韓、張 ? 否 待 之 頗

弟渡江 、欲拂衣 東歸,卜之關 廟 似 未

ΖЦ

又 尚 之,而姑嘗以 神之欺我 相 以 該 許,復留 小 吃 女 幾頓五更飯邪 歸 耶 · 杭 數 寧,費數 所 喜 日,隨 或 耶 是 1 吾 日工 1 衆 意本 抑諸 打 俱 夫 未 溷 對 未 生 可 而 净,神 副 緣 去。 知 分 未 未 得 先 歸 豈 絶 知 到 家 明

遠。 外, 耶 莊 奈 護爲懇。 身,豈以 山 爲 静 1 何, 或得苟安 惟 北 先 光 以 奈 祈 事 世 陰 生 俟 何 專 想 養 治 如 之。 1 神 尚 晦 世 駛 静 緩。 先生未 年半載,然終非 亂 地。 乞致伯 屈 養, 分輕 指 彼 時 以 方辦 已 死之身, 事 重 繩 保 是 不 耶 兄 白 寇, 清 可 急構 全。 明 測 好消 須 尚 惟 及 置 珍 會 麻 父 豊 息也 早 母 我 重 晤 溪 口 善 之 料 之 度 不

#### 與 祝 開 美

安也 奇, 蕭 0 山 甚于鳥 ,又以 正 别 後與 是 所 門, 風 、徽之兄弟紆 至 雪 恨 每 不 不 得 以 與開 渡 行 江 舟遊 李 美 累 八共之。 阻 柯 四 友 山 徽 朋 次 之 穿 甚 家 日 鑿 之 不 到

日

館

甚矣,俗緣之爲累也

門 身脱 神 甚乏人,不 Ш 俱 可否? 兄 不宜 去, 别後 八只宜 甚 勞, 與徽 得 可 百 趣,尊 閉 惟自愛,臨 久 之兄 切 門 闕 應 謝 此 价 弟 酬 客 使 不 口 姑 格情 也 念 煩 獨 宜 伴 兄 坐 脱 深 A曲 月豆 往 静 略 帽 0 養。 不 奉 兄 先 置 旅 弟 粘 生 齋 中 隻 既 形

### 與吴仲木書

訛。 傳 想 始 未 龍 七 月 得 未廣出,幸更詳之。 》,弟憶是河 山 」,「情形」訛 諸 細 五 又《家書》中 七 日 讀 子見之,如 日 書 晦 内《還 並 日 間 0 「情 示 過 如「作」 非 瓶 獲 尊 刑」等類 祝二 先 盎 異 河 書》中 生遺 東 寶,争相 陶 事謀 也。 ?,都未 家 書 7,始得 始」訛 及柳子《 「、欣慰 想 持去,弟尚 爲 改正。 書 接 作 異常 語兄 淫 人所 議 書 婦

吾 如人有善 竊 所 里意思。 入日 云「妄 嘗驗之,雖 讀 行 來 (想日 雖弟之頑懦,能 善 教,知吾兄勇于 念 事,又 ·, 始 是 縈」,弟亦 事 有 從 (安得 善 心生,然心 事 甚 此 復有惡念乎? 患 進 無 何待 此 見 道 獵 ,未能 行,有 亦 言 心 從 喜 日 事 斷 假 平 生。 得。 千 晝 如

> 之所 古人 體 又内求之于心。 乾净,更外考之于事; 段,不可强制 八用功 爲, 即 う貴 夜之所夢, 内 也。 外交養。 如是養去,吾身吾心 行 不 事 미 如 不 心 時 體 察 未得安穩 也 時 漸有 未 所 得 以

六

以 孟 生 吾身要 爲衒俗之文,以 文習氣,何必 是集義。 趣 養身爲 子不動心工夫,只是養氣,養氣 也 吾兄 强制 使時 若過 第 道 之學, 此外豈别有持志之法 體既 留 盡 義。 于桎梏,其弊正 餘 致 除? 未 如 地 離 盗 全旺 養身之法 道之遠耳。 使得舒展 詩文亦道 賊 , 則 革 面, 目 一,以 與 下 終 爲 也 乎 放 大約 養 用 佳 一,但 防 I 心 心 功 一,所 夫,只 竊 等。 吾 爲 便 不 雖 發。 第 當 謂

●「七日」,疑爲「七月」之誤。

義。

雖

讀

書

體

道

工夫,亦不

宜

過

煩

蓋

之及,輒 與吴仲木

心 復 盡 面 氣 此 安 錯 ,幸更有以教之。 和 過 則 弟 百 非 病 知 自 道者, 退。 承 即 下 此 問 是 之 道 及, 幸 勿 輒

耑 碌 擬 碌 問 勞生,未卜請教之日,馳戀良深。 前月之杪, 字玄亭, 聞 柬 約 有遷 欲爾 居 之役, 輒 輩. 汎 澉 湖 復 之 中 ·棹, 此

若此 存活。 七八 矣。 酒 輒 (月之間,竟告絶糧,賴 吾兄其何以 盡 弟素不閉生事,喪婦以 因 。 豈 而弟目 得 荷 復 全 能 下方赴 性 憶 振 命于 之? 嗷嗷之 山 此 中 世 八 人 友 來,遂至窮窘。 桂 加 口 然 乎 假貸 花之約 去道 ! 尚 日 癡 遇 復 遠 頑

幸 矣。 眩, 來,率爾 甚 頭暈腰痛,凡 兄度此人 顛毛 勒 種 附 種 尚 百 何 惟 能 百 珍 止 老 俟 重 左 河 病,已不啻具 ,爲道自愛,幸甚 清否乎? 頰 莖。 耳 體 卓甫兄 聾 而 微 目

> 《易抄》領到。 諸 辱和,置之可 教, 弟 始 益 知弟 衰 廢, 耳。 弟前 之 負 悔 慚 所寄詩多 過 知 不若 己。 接 吾 有 廿 兄 落韻 之勇 日 ",不敢 所 也

己。 輩 如 留 赴; 好 事 讀 白 作 或更有他好 難 兄 緣。 白兄 但會中 書種子」,弟亦云「須留 成,念此 之勇敢,真是吾鄉 曾面 大約 人 許 太雜,弟之鈍劣,不 只 直欲爲之流 局 其 此 面 一會, 赴 再作 朔 日之會, 第 恐 商 涕 一流 量 後 也 道 , 國, 亦 人物, 語 種 似 能 未 云「須 子」。 與 必 不 此 能 而 能

賢 安頓 處 傑 讀教,知近 ,俱 便 從 好 逆 境 境 大約 亦 中 不 帶 鍊 甚清佳。 出 分世俗 于此 覺身 但古 則身 來聖 心 有

**工遺集** 

於吾 非 懸 泰 心 然 筆 心。 便 能 苦 兄 無 盡 尤 養 事 便 身 爲 矣。 不 養 拳 得安 心 詢來使, 拳。 最 頓。 率 是 爾 知 人 拜 道 以 道 復 第 體 道 欲 清 心 言 健,甚 要 處 義 種 之, 種 弟 慰 便

### 與吴仲木書

議 遵 益 而 母 平 攻 ? 濤 命 我 鳳 無 兄。 師 兄 局 誠 弟 己 總之,弟輩 身之學,徒 竟 定矣,弟 兩 分 出 猶争 生平立身,儘 處 責 人 之不已, 無 遵 己, 父命 究 有 又 何 可 轉

欲 近 兩 潳 擇 爲 、翠薄之間,疑此 冗 先 静 累 師  $\wedge$ 地 , 易 粗 避 鄙 抄 暑 更不 × 稍  $\sim$ 年 爲 可 時 譜》, 收歛 言。 兄亦在澉湖 身心。 俱 俟 未 債 及 會 計 校 粗 或可 想 閲 7 在

圖把晤耳。舟便附,幸有以教之。

### 與吴仲木書

兄 求 事 能 提 無 引 喪,家錫姪 不出後一段功夫,此其志不小。 弟 過 所樂聞者 自 而 以 之 勉 右挈之,一 對 前 亦未意其勇若此; 甚 月 于禮,極 知 朔 也 己 爲相、欲爾、住 ,故具告之。 ? 日 耳。 之會, 若弟 遵家禮。 可 頃 哀 月 之放 殊 敬。 杪, 查 未 且 廢,益 浮、令脩諸子,左 覺 石丈 移 鯤 兄多言 書于 石 兄 雖 不 丈有 已 可言 病 弟, 出 兩 甚, 母 呈 欲 事 何 之 猶 皆 進 謝 真 相

緩 議 令姪 講 秦, 試 曷 事 决之虞 須謀 之季 卿 耶 容。 ? 0 恐 笑。 是 羣 與 從 樓

<sup>■「</sup>季容」,原作「季融」。「季容」,書中屢見,因改

緩急大 之試 善辭。 裁之。 冠之義,當不待令叔之命,若在 得更爲之轉託? 而 縣 ,能勸之絶干求之路否? 斷 小而 審量自在吾兄,又非弟之局 也。 權 承 下 衡 之。 問之及,不敢 訟 事 若理 視理之 必 須 不 曲 미 引 即 報 Ë 直 手 不 外所 能 勢 惟 亦 則 之 得 豊 尊 得 纓

浹 未 約 知 姑 何 旬日 臨楮惘然。 欲 日 赴之,恐 外,擬 得 共 訂 避 未 暑 先 得 東 師 即 層。 遺 吅 書 新 此 念之惟 齋 欲 爾 爲 踰 恨 有 年 之 汗 又

## 與吳仲木書

考 渠 兑 無 信 於前月之杪西 白 方 來,吾兩 之會, 人宜往會之否? 弟 歸 阻 雨 ,曾有信 不 得 赴, 至 兄 甚 處 恨 否? 之。

> 耶 作 去,不患人品 家 1 不 尊稿 前 必 雜詩 讀之不忍 更 不 四 二十首尤佳 高 時 ,德業 好 置,詩 也 不 自 進 能 只 此 况 移 如 精 詩 人 此 神 文耶 情 漸 便 乃 己 向 爾 稱 内

草 求 思 郭 ? 尚 當 乎 多 市居囂 耳。 天 理  $\wedge$ 雜, 年 而 譜 固 止 不 稱 能 此 呼 静 書 也, 斷 將 宜 只是 遠 詳 行, 酌 向 外 可 要 意 草 以

## 與吴仲木書

佳 與 佳 悔 本 泊 張 也 且 諸 其 不 歸 劉 贈 札 從吾兄 來 考兄祭先生文並 兩 忽 序 俱附上。 兄書並 弟先 忽, 絶 訪考兄,得探 無 裝 命翼 弟 要事 以 污 兒 一書絶 一贈子本 租 清案 録 寄 課 無 Щ 耶 兄序 祝 亦 倫 陰 理 鳳 殊 情 惶 師 窅 事 何 俱 然 爲 絶 元

#### 惶愧!

考夫諸L 耄荒 責 之學日 自 視 人,不知自責,是宜 飲 頃 而 退 然。 兄誰望哉 遽棄之。 晤 無 數 拳拳詢 疑 H 也 深 圃 服 及 然 殷 吾 勤 芻 仁 仁兄之學日進, 兄 堯 教 人 改 戒之,非吾 君子,不 圃 過 弟侈然 之 勇, 宜 益 兄 以 而 徒 與 其 弟 知 復

遭外難,深爲 急 疲 復 同考兄之好。 地 與吾兄,前日 何 之計,全未 漸 以 ,幸悉心思之。 迥 淡 恨 計之? 鹽 然 所 ,惟良朋萃止 、寧兩邑,風 不 居 有 同 僻遠,且 悼 頭 歲 不幾 禮 丽 痛 緒 不 變亂 前 佳 多 能 1 俗 且 不 ,發明古學 Щ 家累 此 館 考兄· 大異, 一姑聽 以 知 水 不不 一問 能 來, 益 不 有意 問 之。 清 田 能 乎? 山 朋 其所 與 租 脱 水之好, 海 友 ,則久聽 楊德 否。 之先 去 濱之 有可 弟 舍。 爲 宣 亦 後 席 弟 志 爲 又 亦 夙 緩

深痛耳。呵凍草勒,筆與神馳。

### 與吴仲木書

不 能 切 懸 必 拔 放 念無已, 外 去 下,使吾身吾心 吾兄一身,關 求也 病 根。 宜 萬 具此力量,便是 分 保 係 重 最大,貴恙 有 泰 省事 然 自 人 得 寡 屢 道之 發 氣 思 象, 慮 使 功 方 我

養 想 得 正 共 得偕二三知 身第 謀 已 未 達 易 不 到邑祠 諸 十五 札並 得 朽之業, 耳。 樂 日 事。 矣。 弟 己, 始 奈 書, 何快 閉 得 何,奈何 張 雖 齃 月 附 弟 考 如之! 習静 初 德 父子亦 夫 宣 已 有 其 寄 賀 意 出 中 朱 此 得 海 ,最是養 之 固 裹 濱之席 兩 使 是 糧 次 常 以 以 、皆未 倘倘 從

適聞大辛已削髮,將人山,爲驚悼久

之。 兄,幸不相 弟之愚所樂聞 不入。若則梁 至此,真可痛哭流涕長太息者也。 大辛才性遠非俗輩所及,而 值 也。 翁所謂 弟 輩迂愚之論,與 今亦直須聽之。 「從時調之」,則大 頓 時 自 陳 格 暴 去 非 非 格 棄

必 嗣 寒,千萬自 稍嫌儱 頭,不忍竟嘿嘿已耳。 信。 一欲合之,則無如後議之停當矣。 弟前日之來,不過拳拳爲死友 侗。 愛, 仍 以 無異統祠,故須專祠爲妥。 俟剡 溪之棹。 《祠議》末 餘情 段 雨雪隆 甚妥, 點念 再俟

#### 與吴仲木書

發 弟嘗欲于《素位章》更添 必必 念道 有常 體 感 不 置, 便 H 미 因 來 其 定已安善。 一語,日 所 忌 而 「素疾病 謹 病既 避之。 時

遊,得毋非道體所宜乎!行乎疾病。」此亦是道,不可忽也。 剡溪之

覺軟 之於 必 亦未 有 皆如此等文,如風行水上,自然成文,真是 爲師法。弟嘗謂兄文使能不妄應人之求, 生平不輕許可人,至讀兄詩文,常不能 可 急,未及抄過,煩賜 更求 傳 俗 心 求工而自工者。 必篇篇能 可法,就使不傳,要有可傳之理。 祠議篇》去,作數 結結 Ι. 非 妙,它日道 韻 阿 所 亦 人彀也。 未 好 穩。 也。 副 境 吾兄以爲然否? 本,使兒曹 日 沿淵醇? 要是 送友作第三聯,微 弟謂兄於詩 思。 小疵,雖 則于詩 是日 傳讀,以 使者行 古作 文不 文 弟 必 忘

#### =

## 與吴仲木書

己。 發 使 到 書忽 ,遺體行殆,毋乃過 具知吾兄絶 吾兄 每思遣 至, 前 又知 候,乏力 月 + 粒 吾兄 襄 日 事 未 乎 以 ·, 大 能。 廬 致 墓 至 正 疲 此 中 縈懷 困 風 月 一<del>,</del>相 痰 朔 間 症 日 念 頻 始 丽 無

代以 之於 矣。 啪 大 墓耳。 于 封 一率皆緣 獨 未 墓 《孔子, 後 了 古者祭 居 而 何 之事 廬 ,雖人子之于親,有行 胡 魂 心 此誤。 可 ,禮也;廬墓,非 返 歟 Ē 廟 引以爲 委之子弟 于家,故 以 不祭墓,意亦准諸此。 禮 守墳 弟深 不 人子 得 主 速 非 廬 有 當 輕 歸 之,舍几 禮 於 行之禮 重 而 也。 其家,故 之義,略 虞 廬墓之禮 則朝 而 筵 蓋 寧, 也 夕 以 而 ? 獻 子 廬 魄 即 미 以 者, 貢 荒 几 举 睹 藏

> 乎 舉 甚 筵 無 所 沉 實學 能 徐 以 來學者皆爲習心 作主。 一大 者 論 仰 矣。 事,憶録 有 1 無 實得, 分 承 切 無 承 學 惟賴兄等切己反求,體之日 可 實 以 人, 前 曉,未易 惓 辨 拯 事 亦 吾兄之習於禮 札 倦之意 得 此 不能 × 總總 捄。 總緣 問 數 謂 尚 及翠薄 紙 不 以 重 格 以 弟 習見 罪 爲 兹並 過克 其 誠 П 格 平 誠 恨 所 舌 Ħ 動 未 所 擢 會 輕,輕 己反求 争 附 物, 而 祗空言從事, 錮 事 憶 髮 也。 正 未 一,使吾 深深 致 Ш 難 竊 之察,何 其 中 之學。 此道 自 數, 愧 此 所 ·與考兄 心之 惋 外, 駑 用, 重 又 千 嘆 劣, 也 自 明 何 載 全 Ш 雨 失 麄 禮 中 尤 無 從 無 窗 陸

事 以 桓 至 圃 情 欲言 餘 冗 未 俗 暇 往 種 未 悉。 以 種 能 增 亦 地 欲 惟 下 急 之痛 望 吾 過 兄 喪 ,最是孝子第 深 次 愛遺體 作 數 日 勿 盤

## 與吴裒仲書

吾兄 又豈 有誤。 之過 病 耳? 確 調 吐 前 皆 嘗 劑 月 之杪, 有 寫 近 是 讀 平時 弟前 而 急 此 吾輩 醫 教 復 淤 以 藥 痛 於 自 語 血 走 既受忘之之過,今又恐受 知 遺 不幸 全不 于 養 驗 , 宜 以「病 候令兄 體 相 身 同 若 睠 有 委之他 者耶 人,而 足 無 何 顧 病,又不能以己意 至宜忘 侍,非惟 大害,不 耶 喪次,方在 之深, ? ? 鮮 人,此 克 舍此 養 病,病 有 感 身 不足 審 悟 言道 極 即 切, 病 近 去 也。 侍, 可 是 中, 復 感 不 道, 怖 消 且 不 即 未 宜 何 幸 切 事 息 忘 忘 道 所 爲 知 又 如

老 姊 相 弟 以 繼 患 久旱不雨 病 母 體 未 初 免 安,姊病 憂勞。 IE 加 劇 以 往 老 來 母

> 必耳。 勞 湖 殊 確 不 自 家 未 困 Ш 調 庭 調 飯 請 間 節 泰 食 或 教 也 此 少 近 可 亦 減 幸無 成 功 事 夫未有後信,想不果 勢之 天 最 恙 則 ¬, 月 是 無 兄 樂 杪 按 如 事 月 弟 何 初 然 脉 然 或 未 當 亦 謂 可 不 中 相 來 敢 期 尋 膈

或 亦 亦 亦 頗 不 不妨一示之,恐未可爲俗 是今日熱 外是,惟 有 産 偏 論 重 述 鬧 處 高 附 。 皆 場 明更斧駁之。 IE 中 有 爲 此 服 而 即 清 發。 申 凉 人 明 不盡 道 散 要之, 兩 也 兄 相 之 至 内 知 論 理 中

## 與吴裒仲書

此 承 約 兄 固 四 亦 月 不 勉 欲 + 徇同人之請 列名之意 六 日 書, 敬 廼 實 至 聞 初 非 命 九 所 矣 始 欲 達 弟 也 頃 耶 良 爲 1

學 誨 愧 野 問 人 諄 ௱ 之家 事 已 諄 IE 同 蠶 與 人 鄙 務 亦 粗 見 頗 相 畢 有 合, 因 農 諒 循 事 之 方 曉 患 殷 人 當 何 讀 如 暇復 教 是 耳 言

之禮 已,弟豈能 不俟之秋 弟 亦 考兄 同之,道遠 即 以 新 凉 臆 兄 有 矣。 斷 所 兄 耶 冗累,正未 交 子 往 于 之 唁 考 喪 即 兄 是 相 審 者 禮 知 何 權 自 日 其 若 宜 隆 夫 想 往 所 殺 不 唁 將 得 丽

售 恐 亦不能久曠 恐窄狹 海上之警 不足容 耳。 「, 時 終 抱 草復不 杞 以 憂。 城 既 居 敝 爲 鄰 穩 雖 但 有 澉 居 宅 欲

#### 與吴裒仲書

兄 道 履 耑 亦 使 適 谏 · 慰 辱 甚 知 · 慰 尊 堂 甚 夫 人 前 近 論 祉 作 詩 彌 文 康 以 吾

> 當 書 敢 尚 意 知 不 未 上, 敬 己 見 之 夙 即弟答考兄 爲吾兄 承兄 夜以 後 前 不 月 細 期 改 敢 餘 無 批 之 不 負 展 書, 于 教 盡 良 見之, 後 其 意 以 友 也 臆 益 亦 乎 求 深 如 誠 又 此。 諸 感 爲 拙 己,深 道 飾 稿 初 誨 辭 答考兄 寄 之 文 合 還 切。 過 漏 時

之義 克自 愧 死 振 0 ,責備賢者 至 弟 ,好學如吾兄,指 弟 所 狂 以 瞽 不辭瑣瑱 之言 故 П 屢蒙 欲 者 緘 不 以 虚 能 而 復 受, 再 同 吐 屈,《 志 益 耳 悠悠,鮮 令瞽 春 秋

矣。 愛母 戒 肉。 敢 肉 明 不不 戒 知 弟 尊堂夫人即 能 想尊堂夫人 體 月 鄙意 其 出 之誼 内 無益 門。 亦 謂 古 以 必 而 蓋 然, 瘡 不 遊 老 自 既 患 戱 得 母 此 而 不 全 從 人情 請, 有 必 能 平, 事 不 禮 先 則兄 愛子 也 亦 能終素食 懺 時 須 事 勸 亦 兄 甚 及 止 盡 不 得 於 時 室 之志 毋 宜 亦 子 勸 齋 之 食 開

| 與否,臨時更酌以報耳。

# 其愚妄乎?

請教,俱俟續寄。 之,因持歸爲之序,又爲補一二則。書成前杭歸,見麗京《新婦譜》一册,甚善

# 與吴裒仲書

耶 ? 歉仄。 不樂。 蒙爲悵悵,而兄何量弟之淺 前 弟則尚嫌前教之未盡,未能啓豁 接教,乃 晤時,家中忽殤一孫, 未得達者所謂彭 以 面 時 質正 殤 也 數 致之旨 西歸,殊惘 ? 語爲嫌, 以 愚 何 爲 惘

爲 何自 相 順 凡辨 而 出 相順則非僻無以自見,而至當之 哉 理之言,貴其有以相發,不 尚祈卒業之後, 更賜詳 貴 理 其 教

家居頗惡,欲再過許山。若澉城再會

### 與吴裒仲書

云:「子之身即父母之身,身在即父母在。 Ш 欲 以助静攝。 養身之道矣。」藥物 今當愛重此身,務其遠者、大者。]又云: 養身之外,更無道矣。 陰,感二人俱逝,恨欲報之無 爾、又云尚 讀前教,知孝 有 可 慮者, 履已安,極 調理之外,敬進師言, 養心之外,亦更無 何耶? 慰 馳 昔開 曲。 系。 先 生 美 侍 晤

# 補與吴裒仲書

何如? 吾兄讓産事,曾具告母夫人未? 木兄哀毁過禮,深以爲念。近日體中

初 先 生 遺

之,幸婉致深自愛,餘未盡 居遠且冗, 出 城 事 之不如兄弟,正 人後之名,想時時伴 至性之不容已者, 更不待弟 ,實鮮兄 理已安妥未? 弟,兹 無能 時過 謂 更榮榮在 此耳。 願悉聞之。 相 喪次,周旋 慰 木兄 勞。 疚。 木兄一 處 詩 言 輔 吾兄 不 也。 人 相, 另 稱 札 此 人 恨 雖 友 弟 煩 朋 自 辭 在

#### 補 韓子有書丙戌

也? 卒不 愈,生事之惡 死,不審 變故以來,殘生猶 弟自 盜 可知,然法亦 劫後,一 老天欲終留此腐生於 病 在,每幾于死矣; 百餘 不死矣。 日, 至 今 何 未 用 而

餘 書,益知越變後,仁兄 欲言者甚多, 欲 爾 歸,悉兄 總非 近 筆 新 况。 所 履 能 安 及 健 讀 盡 爲 所 惟 寄欲 慰 Z 酉 其

> 其 之士 胸 丙 人 戌 臆。 其 兩 高 事 年 節 間 附 可 便 越 風 羽 中 者, 見 死事 寄。 亦 諸賢 乞示 其 山 未 所 林 得, 隱 知, 乞 逸 不 確 廣 屈 載

#### 補 與黄太沖書丁日

蒙駮 痛心。 設 惟 此。 氣 羣 而 萬狀,尚賒一死,不知何故 有 已。 誠 敢 迷,吾道幸甚。 痛 是非 制 Ē 仁兄以 於誣孔、孟,必不敢倍程、朱,時 《 性 弟愚人也,何敢言學。 自 感感 行 刻責已耳。 即 極涕零。 解》 聽 碩德宏才, 一二知己,未 天下之公,弟 數 篇 弟病 呈 病極,未能 空玷 教,據褊 廢十 擴 無 能 山陰之門,不能 惟 何 有 類 相 惟 有 之 敢 五 喻 見 是 冥心 强 年 教 所 何 世 作 辨, 及 爲 况 儒 待 困 唤 重 之 其 習 如 盡 醒

弟 肉 他 疑 所 ,直抒胸 尚未完 答 爲 學原 劉 世 臆如 不 兄 在多言 此 書 ,已深悔 極 爲 顧 辭 力行 其瀆矣。 費 自 何 以 如 璋案: 通 耳 家 骨 即 此

# 附與陳乾初論學書丙辰

餘姚黃宗義太沖

下,劇 于學 者 存 遷 十 願 者 違 播 有 也。 問 既少,知其學者尤少。 即 自 一年矣。老兄 尚 仲升與兄 談數日夜,以 今歲因緣得至貴 乎 丙午奉教 有病 在 1 有 惟 亦 待 兩 先 不 函 人而 能 師之及門 幸 破 病 丈 安居 從 索 如 以 己。 地 故 來,不 令子敬 居之感, 也 竊 時, 此 凋謝 弟 况 謂 真 相 而 之 所 而 得 弟 絁 闡 得 將 得 屬 專 流 問 拜 事 續 望 見 與 床 離 蓋

> 弟尋繹 傍,絶 於先 安者,亦不敢苟爲附和 性 解 儒 無 而隨聲爲 再三,其心之所安者,不以其異 諸 膽 篇, 顧 皆發其 口 謂 鬨之辨;其心之所不 理學 自 也 得 中之别 之言,絶 傳 無 倚

惻隱 所增 合下 何 後,石火電光未嘗不露, 也 且 後見之。 也,雖然,未可 미 而 以 移。 肼 無 也, 念非 隨 不爲堯存 如 出 知其種之美? 老兄云:「人性無不善,於擴充盡 故孟子以 是, 靡 即 有羞惡 如五穀之性,不藝植,不耘耔 惻隱,無念非 窮 不 到 焉,斯 底 加 以 不爲桀亡。 有 如 擴 孺 爲 是,擴 辭 善 充 子人井、呼 善 惻隱之心,仁之端 [矣。] 讓 盡 也 羞 有 才 纔 充 夫性 悪 是非 從而 而 盡 見 到 解 非 其 才 得 阚 之 之心 讓 繼之,有 而 牿 善 有 蹴 爲 是 非 所 爾 確 非 才 之 減 有 明

乎? 半矣。 也。 以 子之性惡,全 善,不擴 知 IE 善善 其性之無不善也」, 老兄雖言「惟其 爲 是 充 是 老兄之言性 無 盡 世 不能,此 才 憑 未 若 矯 可 揉 必 以 爲 爲 擴 之 一善反 知其性之有 善,焉 善 然亦 力 充 而 盡 而 得 無 可 後 才 知 半 日 不 至 始 不 能, 「惟 而 于 見 不 是 失 此 善 其 善 荀 其

理 渾 則 無 禪 本 矣。」老兄此言,從先 天理也。 然 ,天理正從 口 所 心,義理 ,吾儒只言寡欲 流行之體,公共之物 ,以之言人欲則不可。 謂 老兄云:「周 性 向無 一面 之性 人 來, 人欲,則亦無天理 欲中見,人欲恰 即 然以之言氣質 耳。 子 氣 無欲之教,不 質 師 人心本無 道 之本性 也 心 氣質 即 人欲是 好處 離 言 人心 之可 人 所 襌 心 謂 氣 是 之 質 即 天 而

> 得剛 人心 也。 换 世 之又寡,至 相 在 安國注《論語》「仁者静」句,不 情 欲 反 方 面 所 恰 此 所, 耳。 以此而禪濂溪,濂溪不受也。 氣質,烏 好 子言之謂 見爲天理者,恐是人欲之改 盈 處 於 人 則 求 之 可言寡 無 彼 天 私 欲 絀 理 何? 也 則 而 彼 耶 後 盈 無 ? 終身擾擾,不 天 純 則 理 欲 板 乎 此 人 · 天理。 故 自 絀 也慾, 欲 静 濂 必 溪 故 正 若 從 頭 出 始 孔

言近 用 未 獨 於居 發 處 矣 而 于未 大抵老兄不 爲 ,於本源 敬存養, 居敬存 發者, 則 不 喜言 養 未 加 切 黜 則 涵 抹 未發,故於宋 所 爲 養 去,以 非。 從事者當 之功 夫既 也。 爲 禪 0 在 儒 離 障。 老 發 卻 所

<sup>0</sup> 「本源」下、《黄梨洲文集》有「全體」二字。

見,當不與隨聲者一例拒之也。言未必有當。然以同門之誼,稍呈管老兄之學,可謂安且成矣。弟之所

二九

# 乾初先生文集卷五

海寧陳確著 族玄孫敬璋編校

論

# 聖人可學而至論

耳。 未 加 可 也 完 焉 |則可, 至 人之未完者 者亦 哉 聖人 則人之未至于聖者,猶 聖亦人也, 非 必不 雖 Ä 聖乎, 郭? 可 謂 且 于 之器 不可謂之人,如器焉 則人亦盡聖也,何 亦人也。 人之 也。 性 然則 曾 使聖 人之未完者 無 以 毫 而 非 末 爲 非 之 不 人

> 齊 爲 人則 面 安之, 疑其不能 以 是 齊 人 語 爲 乎 ? 人 則 疑 是 何 異

矣。 有 箕、微、周、武諸人下也,然參不害爲賢,而 紂無救于暴,則何生質之足恃哉 賜之達、求之藝也。 人而完其爲人反 可,其誰信之? 齊人而學楚語尚 生質之限乎? 人之爲聖人也,直不爲禽獸已矣。 夫齊人之爲 以人而 可,以齊 不 齊語也,直 吾未見參之魯遂有 可,又誰信之? 紂之强敏辯 入于非人尚可,以 人而學齊語反 不學楚語 智, 遠 過 以 爲 出 以 于 不 已

子曰「求之有道,得之有命,是求無益於得于天者而猶若是,而况制于我者乎! 孟然而賈之巧者或富,士之敏者或貴。彼制然而賈之巧者或富,士之敏者或貴。彼制

而已, 之,舍則失之,是求有 弗之學也,是必下愚而已矣。 而 失爲貧賤也,然且人人知求之,求之不 也」,聖學之謂也。夫求富貴而不得,猶 也,求在 不敢或惰焉。 而人顧莫之學。學之可必至,而 外者」,●富貴之謂 若夫不爲聖人,直爲非 益 于得 也;「求 也,求在 則 . 我 猶 得 人 得 者 不

焉,必 哉! 也。 自 焉,必不惡矣。 善,善必至,至善焉而聖矣。 吾既未免於自誣矣,而又敢以誣 謂己不可,自誣也,謂人不可, 愚 不善矣。 請 效其法。善者不 故惡不自惡,惡必極,善不 故惡者亦不自惡也,自 自善 也 自 人 誣 乎 惡 善 人

### 死 節 論

嗟乎! 死節豈易言哉! 死合於義

者? 之爲 節 節 可 罔 稱 也,無真死節者,故争以死節市也 節。 也。 生,亦不可 非 無死節 三代以 不然,則 也,無 罔死。 後何 罔 死耳,非 多 非死節者,故 三代以 死 節 者? 節 前 也。 何 非 不 無 以 多 死 不 死 死 節

諒。 夫子 必殺 死 兼取,則生有不必舍; 仁」,,孟子曰「生我所欲,義我所欲,二者不 可兼,則舍生取義」,皆推極言之。故 曰「志士仁人,無求生以害仁,有殺 , 絶無足奇者, 要善其死之爲 盛推 孟 也。 何以言之? 死生極平常事,人誰 故參觀 子 亦言 管仲之仁,而終黜 由、賜不知,並 可可 聖 以 賢前 死, 仁未能成,而身亦不 疑管仲之不死。 可 後之言,而談死 匹夫匹婦之小 以 無 難 死, 身以 耳。 死傷 義 成 子 不 미

□ 「者」下、《孟子·盡心上》有「也」字。

節者可以鏡矣。

聖,臣 後世 子不 義 長 不 爲 稱 能 箕 紂 下後世寧 帶之倫 好 稱 必 大 自 同 殺 其「求仁 即 奇,猥 之不 砥 之耳。 如 然二子之義 賓 沾 首。 立 殷 優游 也 服 周 之 柱 名 沾 信子長,不亦 食 復 也 嗚 行, 室 西山 . 得 膺 何 知 使紂 七 呼 死 仁。 新 至 不 必 君 故古今談 餓 1 日 之 之下,竟以 使 食 不 惟 命 臣 只在 死」,遂使學古之士信 爲 而 不殺,則 若二子者,可 (周禄, 八百 死 有 蓋 之義哉 死,不 快 向 悲 也。 紂 窮餓節 也 無 諸 死。 乎 節 雖 窮 夷、齊之餓 成 侯 惟 比 壽 1 ! 義 暴, 使 餓 夷、齊 然 干 終, 者 同 孤 夫 二子 此抗 西 君 如是 聲 者 必 竹 比 以二 謂 已大節 也; Щ 干 終 以 真 矣。 而 古以 子, 止 辭 與 之 夷、 節 武 子 則 孔 亦 微 死 之 若 凛 孔 子 義 齊 來 雖 天 冠 子

> 聖也 伯 死 不 叔 照 道 十亂,不三監 耀 遥, 而 千 復 西山終老,夷、齊 古, 何 **忼慨之足云** 何 必 非 死 殷 ? 非 蓋 周 之 惟 節 非 其 仇 不 非 官 不

好事 其小。 海 孔 餓也。 食之 故 齊與 十三年,武 盡 難 非 于 來 序 者 肉 咏 ,或采 此矣。 乎? 謂 不 詩 逸 歸 齊景之千駟相 凡言餓者,只是窮困之辭。 《論》、《孟 飽,不 民, 如真 也。 歎美,不 已 始伐紂,則二子者已皆皤 與 軼 孟 即 餓 春 即 太 飽 文,何可 曰 叩 死 秋 何嘗許其兄弟捐 公同 清 以 謂之餒。 馬 並 》褒 則 聖, 富 提 之諫、《采薇》之歌,或 死 亟 善之文,舉 稱 而 而 推 憑斷? 大於餓,不但當稱 稱夷、齊,不一及死 大 以 論 求 老,後 夷、 異。 可 義藴,二子生 齊之餓,不 知 孟子 且二子自 軀 西 其大者, 八月是: 孔 伯 同 子 皤 謂 貧耳。 稱 徇 期 七 夷 其 干 北 平 肉 遺 國

之年。天下而無不死之人,夷、齊安得獨不

死? 只是不餓死耳。

肖,生 死。 可説 然,致 口 過于此 相 甚有未嫁之女,望門投節,无交之士 顧 曾不之悔。 義,然非 練之族竟 是非,惟 死 一節 痛 哉 自此義不明,而 今士 有赴 平 也 薄俗無識 義之義,大人勿爲。 俱 1 踰千百 動稱 近世靖難之禍,益爲慘毒。 水投繯,仰 在。 甲申以 一死之爲快者,不可 凡子殉父,妻殉 濁 亂 末後 故孔子謂「未知 無紀未有若死節一案者 ,一人成 更相 來,死 後世好名之士益復紛 一著,遂使姦盗 藥 標榜,虧禮 引 者尤衆,豈 名,九族 劍,趨 夫,士 且人之賢 生, 勝 《甚首》 殉 死 傷化,莫 一,聞 數 友,罔 如 焉 優 日 也。 倡 聲 知 不 不 何

即又何云三代以前無非死節者邪?

昔 節,高 節,揖 陰陽, 以 推 選 隆 禄 祀,故受國而不辭,夷、齊志扶綱常, 箕、夷、齊之節,各有攸 其實,今人求其名。 日 同 ..替,由斯别矣。 則 其節 矣。 也。 堯、舜、禹、湯、文、武、周 人有云,「東漢之節義不若西漢」, m 靡 讓進 三代以 下疾徐之不可差芒忽也。 更相禪代,不爽毫末, 古人見其大,今人見其 生有 悔。 者, 乃真 退之不可踰只尺 所以 要之,四子易地皆然。 還,死 死 生,死 節 不失節 人心之淳离, 者 歸。 也。 有 所 公、孔子 正所謂 者蓋 微、箕 以 即 也。 小, 死 向 亦 所 若 風 古 節 志 與 節 如 由 鮮 舉 存宗 俗之 良 由 如 故 天 四 此 如 解 是 地 有 音 禮 時 其

是 憤,有不得不死,有不必 不同。 然則今之所謂死 有死事 有 死 節者皆 義, 死 而 有 非 死。 死 與 名, ? 要 有 曰 無 死

鬼戾,可胃二平? 曰:朱田,而可易言愧于古人,則百人之中亦未易一二見也。

之德,民鮮久矣」,蓋言中節之難也。 之。節也者,不可過,亦不可不及,故曰 以節許之,未成仁,雖殺身,吾不敢以節 之,何易可合! 果成仁矣,雖不殺身,吾必 粟,日用靡間,猶難言純熟。 殺身成仁之學乎! 節之謂和」。 忠矣,可謂仁乎? 豈惟今罕其人,子固云「中 古人學道,只如布帛 日 未知,而何易言 今人皆有 意 中 許 庸 求 菽

可苟生 乎 終食之積也。 死生者,貧賤富貴之推也;貧賤富貴者,一 子之於生,無所苟 食之間違仁,造次必於是,顛 下之苟生者耶? 曰:君子且不可苟死 深矣乎,子之言節 况生死乎! ! 不苟貧賤死,况苟富貴生! 終食且不可違,况貧賤富貴 而已。 ! 故曰 顧 不甚 沛 「君子. 必於是。」 一便于 無 沈 終 天 君

# 養生送死論上丙申

之,因 仲而 宜先務盡 簡,蓋謂 方 有當體之於言外者耳。 而 某於元本作「確與」。 交勉之。 重 吴裒仲當言爲 勸其毋過禮。 漆,猶 人子之事父母,猶 其實,故歸 若以 亦 以 爲 母夫人作壽器 見 非以 作 裒仲皆幸有母, 未工。 讀聖賢書者猶 此論,以 兹事 有 吾深 真 虚 胎裒 實之 미 沙

未遂 在。 之。祝子傷二人早背,恨欲報之無 可 生曰:「子之身即父母 以 畢人子之事。」祝子生日,劉先 今當愛重此身,爲其遠者大者。」二先 當大事。」吴秋浦先生曰:「養生送死, 孟子曰:「養生不足以 之身,身在 當大事,惟 即 由 生過 父 送死 先

或

日

舜不

幸

處

人倫之變,

故底

豫

爲

之事,又孰

有

大

於此者乎?

養 生之言,所以 生送 死 且 未 責 足 備人子之身者至 畢 人 (子之事,况并養生 無 窮 也 送

死

而

未

盡

其

事

乎

1

生事 當克 耳。 志 確 孟 送 傷心之言。 云 子皆發于實心,在父母則 至于送死, 一椎 論 子之言,學者 死 既欲得親之心,又欲納親于道,是爲 小,而 之事倉卒難盡,故云然 孟 之,惟 盡 孟 牛而 子 子 况 此 曰 雖 饗墓, 易 人子遂 養 蓋既當善養 言 必 生 盡 瞽 誠 功 者 不 亦爲養生之事 不若 瞍 必 미 善 夫是 而 底 信,勿之有悔,而 忽 理 實 雞 豫 視之也。 未 父 會,亦深害 口 豚 盡是 而 母 嘗 體,尤當 之 天 耳。 切實受用 盡 逮 下 虚文矣。 從容 乎 非 存一, 化 難 -善 事 真 盡 易 然 在 養 此 故 者 爲 盡 處 語 難 其 最 由 即 FI. 養 則 人

> 皆有 此 事 逆。 謂 難 人 文 爲 孝道之大所以 ,他人則不然。 死古人言下者。 。人子之事 然哉 E 難 一,觀 盡 處。 其 或 用 父 雖 人憬然曰: 通于天下 心,時有皇皇若 母, 文王之事 確 蓋 日 不 心有 論 子如 處 也,豈 精 吾他 王 常 麄 此 一季,武、 處 前 説 日 惟 不足者。 變, 書, 殆 大 境 周之 未 舜 其 真 無 嘗 實 所 順

# 養生送死論下

讀

書。

完 味 體 未 盡 能 烏 能 衣 因 下 也 沈 稱 有人子身無完 而 嚥者乎? 朗 古 其 確 思 人 親 深 嘗 之孝,有 口 感 致 極 其言, 確 滋味 由 衣 君子 書, 行 隨 圃 者, 傭 傷 答 父 觀之, 供 子 願學 母 以 母 道 子 焉 之 正 身 極 父 與 未 滋 而 無

孝,則 乎 子自 割 不 愈 寶 ៣ 舉 先 先 得食矣,作《養生送 也 1 股 此 生之 友 有 葬如 爲 寢 須 吴 辟 沈 人子者殆 冰 二千 仲木嘗同 喪 子 養生者 是 之孝, 久 + 其 金 而 年 費 未 以 廬 也, 矣, 不 必 確 舉, 慕 上, 必 死論下 遊 日 死 圃 等 詰 以 Ш 故 食 父 不 事 陰,傷 彼 其 若 難 母 萬 相 易 子, 之。 錢 亦 不 類 此 葬 倪 且 以 日 也 之 必 爲 嗟 鴻 沈

禮 貧 事 光 于三家 以 八 ·, 而 佾舞 樂 也 雍 ,死葬之以禮,祭之以禮 祖 徹 樊 考,由 之堂! 子曰 遲 丁庭,是 皆深 生 問 無 無 譏之, 以 今人言之,必羣 「相 違 爲 故 可忍也,孰 之孝,子 養, 三家之僭 維 何 辟 也 死 ? 公,天子 無 日 \_\_ 不 子 以 廟 孔 可 路 誇 爲 樂,本 ,穆穆 忍」。 子謂 爲 生 禮 日 孝 事 也。 季 者 三家 欲 之 傷 奚 之 以 取 氏 以

> 禮 手 子 知 足 能 故 日 焉 非 形 . 不亦 還 不近人情者。 啜 菽 葬 坦 飲 而 然共 無 水 槨 盡 由者 庸 稱 其 德之行 其 歡 歟 財 斯 斯 之 謂 愚 之 夫 謂 老 婦 禮 歛 與

之,力 父母 者 能 誠 雖聖人弗爲,如 所 所不得 而 用吾情,吾 即即 深 必 喪 稱 信 ·, 非 述。 求 死 昔者孔 所 爲不用吾情 于 爲 不 乙 求 能 非 者 若 力禮之外 烏 名聲之地。 禮 爲 「, 必 以 子、 子 乎用吾情?」 所 則 孔、孟 皋與曾子 是 盡 孟 得 爲 其 而 子 之, 爲 而 也。 己。 禮 皆逮 之養生爲 大 而 即 故 力有 乖誠信之道 盡 深 日 者也。 力 子思子之所 事 其力之謂 禮 求 所 所不 母 自 于 所 能 不若子 力禮 得 人子之於 而 爲 吾 能 爲 學 矣 而 母 爲 爲 者 之 則 而 禮 而 外 無 必 爲 不

之謂 之僭 禮 所得爲 力 所 而 能 不 爲 爲 而 謂 不 之 爲 儉,不 謂 之偷 得 爲 不, 而 能 爲

爲之謂之愚,二者賢不肖之相 以寸。 至,而不能不有所止。 孝子之于父母,推其 故 喪三年 心 去, 可 以 其 而

畢

也。

故賢人之孝近名,聖人之孝無名

無

所

不

間

不

能

爲

而

心 難 歟 也 庶幾矣。故賢者俛 學守禮之士。 過,然非以求爲此 水漿不入口七日,非歟?」曰:「此君子 事,後儒述之以爲鵠于天下,而非 而 ?! 日 有 有不可 行之事也。」「子皋之泣血三年,曾子之 夫禮 其名者也。」「然則文王 然則舜之大孝非歟?」曰:「舜不 一:「文王世子之行,皆小子之所 ,豈不近人情者哉?」 知者矣。 參力 名也。 加 禮 是故學獨 而 就,不肖者 盡 後人學之,則 心焉, 世子之孝 行之士 可 則 企 中 有 mi 不 高 庸 之 幸 及 其 遠 有 非 口

# 學者以治生爲本論丙申

身以 之有弊。 勤 謂 義 苟之謂, 有家者守其家,士守其身,如是 儉治生,洵是學人本事。 身,非 也。 内事,仰 學問之道, 即 不知學者治生,絶 身也。 莘野一介不取予學術, 事 頫 無他奇異,有國者守其 凡父母兄弟妻子之事 育,决不可責之他人,則 非 而或者疑 世俗 Mi 無 誉 己。 誉 其 非 國, 皆 所 道 荷

庶 定 所 字,即同《周官》之指, 不自知。 爲 爲 量 非 今士鮮不謂 孰能 出 道之道,非義之義,亦往 要之,辨此 人之法, 違之! 明道 極明  $\sim$ 亦自不難。 中 義 而 庸》 白 語 ൬ 易守,自 又拈 尤 學 近 未 道。 往 《周官》 「行素」二 切 天子 由 實, 之 能 既 而 至 則

疇 即 戰 學》之生衆 如 其正否 而 苟爲非義者皆是。 必 或 即足國足家足己之道。 于祖宗,得罪 此 死 兢兢 豈 失其身。 ,薄税斂,食時用禮 居易之君子,不能即 解 義,孰爲無忝,孰爲辱親,儒者必有能辨之矣。 真 有家者違之,必失其家,有身者違之, 即即 ,則天下何多孝子耶? 一手一足云爾 如 得正而斃之意。 臨 食 所謂失,非必皆敗亡與 深淵 于聖賢,則 寡, 雖所失大小不同,其 爲 如如 有 疾 哉! 並 時解以 履 或 用 忠臣孝子是一是二,偷生 行險之小人。 溥 也。 極詳 者違之,必失 舒,孟子之易 曾子啓手足,蓋 冰」,斯之謂 全膚體爲孝,非 餓死也,凡因貧而 至。 《詩》云「戦 足民之道 、爲得 《大 使視 其 是。 罪

也 第如世俗之讀書治生 務博而已矣,口耳而已矣,苟求榮 確當以 學人之本事,而治生尤切 讀 書治 生 爲 而 對,謂 已,則 一者真元本作 子讀 讀 書 非 書。 利 讀 書 而

> 賢、敗子聖賢哉? 父母妻子之弗能養 則必能讀書,必能治生。 生者,亦必不可謂 生者,必不可謂之學;而但能讀書、但 而又何學之云乎? 而 已矣,知有妻子 已矣"治生非治生 體其言者或不能無弊耳。 不知 之學。 豈有 也,知有 而待 有 故不 父 養于人者哉? 學爲聖賢之人 天下豈有白 母 唯 能 i 三不 兑 真 讀 弟 書、 志于學 知 而 不 有 已 丁聖 能 能 而 丽 治

生而 本。 士惟志學而已矣。 嗟乎 圃 已 然則當 有 哉 1 未 何以 能者,亦必 士苟志學, 脩、齊、治、平, 排之? 不可 則豈 曰 : 悉 謂 唯 治 之學。 於 能 生 斯 以 讀 焉 學爲 書 故 治 取

## 産論述

其 近質 雖 得 有 而 巧 也。 拙,力有贏絀 採 君子不能 在裒子之論遠業也,其 自 聽之,亦靡 述焉。 井授之澤衰, 以 其 争之 自 交從之,則 惟田 止 而 理也。 也 民 與宅 而忠恕之論 無 一在木子之論 太和之世 轉 恒 不亦善乎 相 産, 買 則 賣, 人 亦 也。 雖 智 可

雖然, 加 心 止 「仁哉, 裒子 也; ,甚者至求 而 酌處之,其 吴裒仲曰 吾寧失財産 其拒之,亦終爲重財 贖。 : 可也。」 吾於世 雖先世之産, 遂 毋 許 失 未 之, 鄉 聞 産 則勢 舊 斯 而 論 也 薄 而 不 也。 鄉 原 確 可 舊也。 主 存是 以 曰 求 復

吴仲木曰:「雖先世之産不得已而暫

子 質它人, ! 亦寧 贖 之不 贖 毋 可 加 耳 而 亦 確 止 耳, 智哉,木 丽 况 可

加

乎

贖之 無 者,是贖 可, 之而必贖之,而至争乎?! 坐 止,争道也。 而 何危 而 而 賣,而 不 或聞 産 况 陳子 可 盡 之可 山 之而 而亦 矣。」 猶 賣 君子 之論乎? 有 而 乎 止 嘆 陳 半 不 1 曰: 子 贖,是愈 ·而争乎哉 則 止者也。 且 日 是 「危夫,陳子之論 謂 有賣 若 贖之不可 嗟 贖 固 由僕之言,將 哉 [吾産] 圃 之不 无 夫孰 贖也,則 而已矣, 可 ൬ 贖 丽 使 亦 不 止 賣

授之 已之事,而必賣之,彼無田宅之窮民, 而 曰:「固也,其非 賣 之乎? 時,斯 或 曰: 民 吁 且 獨 吾有 1 无 得已也。 賣贵 田 不得已之 有宅,而 得已者 雖然,昔先 猶 事 耶 者 有 ? 不 不 乎 E 井 得 得 ? 確

四 0

已 之? 之 事 疑 若 有 甚 焉 者, 而 又 安 得 而

免 母 加 惡得復辭其累? 之,猶累三而 爲其利 彼二人之心爲其 産者,謂必宜 之累,故不得已之事彌多。」確 也。」 妻子 漫云不得 或曰:「不然,有田 亦皆 而已矣。 1有累。 已 利七 贖,受質 耶? 豊日 利 獨不 也。 耶 斯固生人之所必不 豈惟 者謂 ? 當豫有以計之耶 无累,然平情 且 有宅" 爲其累耶? 田 吾 必 宅有累 既受其 无 曰:「今夫 則 贖。 亦 有 雖 利, 子 丽 田 言 能 父 ? 以 質 丽 亦 宅

故 誚 미 ?? \_ 確 輕 輕 財 也 如 蔽 産 一,而 日 是, 不 惟義 而已。」 「財 則 可 奚 輕 7,故重 産 也 以 可 解 重 惟 財 也, 向 其 産 義 者裒子 而 卑者知重,高 而 不 릲 可 重 重 也,亦 惟 産 之

者

知

輕

可 可 謂 也。 能 然則 幹 能重之,猶 蠱 重 乎? 之 可 能 謂 故 輕 善 惟 之 繼 輕 加 述 重之盡 乎? 已耳。 義者,斯 曰 輕 之遂 一未

言, 也。 矣。蓋惟其待己也刻者,則必 者,是二子之言固無弗一 乎?」曰: 加 産也重者,而後能 二子之言又無勿 也。 將无 由二子之言,將無 「是則· 由木子之言,將 勿重也。 「若僕與二子之言,則已 由裒子之言,將 於財 也。 而 勿輕 吾子 无 産 也。 也 無 也。 贖 輕者,是 又 勿 其 亦 也, 贖 何 唯 待 由 也 以 其 無 吾 X 無 子之 一之 僕 於 也 不 無 加 恕 財 與 勿

無 將皆許之,是無賣之名,有賣之實 而 不 論之,莫不有主焉。以 可贖之求,是矛盾之説 或曰:「何 謂 也? 雖先 必 也。 不可賣之 世之産 奚其一? 也。 産 而 供 奚 追

更置 之實 積 論 其 深 也。 有餘,亦不 贖 故 謂 言者,固 重 必必 也 鬻主之後,不必皆有 贖 五之人 輕 重?」確 也。 之。 ? 是故 之不可 重 不 雖 1 可 非 輕 而徐 奚其 雖 有 必 笑 也 亦 無 夫 而 贖 皆 重矣。 而 勿 0 不 荷 待其 勿 + 亦止者,非耑不可 是故 不 加 謂之曰 贖、 吾 重 而 知 者 奚其二! 盈焉,是有贖之名無 1 置 能重之, 無 止 有勿贖者 也 五,猶不 不 且吾所以仁裒子之 : 餘,故不己 加之云也。 固 然不 而 吾子 矣 夫奚之 · 知止 也。 可 雖 乎,吾子 不置 贖之,必 而已也。 何 腫 亦 不 前 患之 猶之 不 必 而 也 皆 可 贖 不 之

吾悦 苦 困 乎? 事 也 贖産 諒 故産有以義贖,有以義辭 是極 患無 其 苦。 美 裒子之心 事,當成 確 嘗 稱 耳 其 是 ,奚患爲之 (美,加 言 於 價 有 是 以 而 而 情 自 莫 極

> 中, 之,其可 贖 是 亦 有 未 可 以 以 情 辭。 言 權客 盡 故 主 之情 日 存 是 義 心 而 而 深 求 酌 處 其

也

#### 雒 蜀 論 戊戌

此禮 禮 伊 夏,洪 黨 歌 然 日 乎 觓 禍 則不哭。」子 事元本作 子 也。」伊 杏敷 ,謂「蜀 傳 水滔天。一 稱 蕺 於是 Ш 司 先 黨侵鄰之兵,洛黨應敵之兵」。 川怒,二人遂成 禮」。 馬 日 生 ,瞻曰: 温 哭, 痛 日: 公之喪, 畢 哉言乎 則 一只一 欲 此 不歌 往 枉死 1 怒字 。」或云: 弔 諸 仇隙,以 , 伊 臣 市 而 \*,便 會 論 叔 ]]] 者 有 毒 孫 「不言 不 多右 慶 及 通 流 可 賀 于 制 品

端 則 有 夫 先後 事 理 則 昭 有 然 曲 在 直 人耳 一、怨隙 目 則 有 不 小 可 大, 兵 掩 也。

臣之不 樂 于 往 衛 其 歌 襚 侯 歌 死 當 恤 仲 祭 而 哭不同 聞 喪也,莫尊于君,莫重于祭,祭有 禮 遂 之, 弑 臣 逆之臣,罪 日之言,難 柳 曰「壬午猶 莊 死 請 以 不 于尸 繹」,以 云矣。 容誅 , 不 譏 釋 春 魯君 服 秋 加

普 不 Ш 聲 兄 哉 以 顧 有 日 臣 爲 之言其 死 廼 ? 過 天 爲 人 京 而 無 循 車 震 心 哭 師 敢 而 温 伊 過,然日 驚,兩宫哀慟,即 公爲國 聲 者, 爲 後 子 循 ĬΠ 况伊 乎? 不 之罷 耶 弟 然 匍 而 通 聞 爲「哭 ? 是 無 匐 元臣 川 理 喪,適 市 П 民 人 且 往 已 有 語之傷,非 徐 則 弔 心 無 之 可,朝 甚 同 當 宜 徐 不 也 矣。 位 秉 不鬻衣 野 俟 者 慶 歌」之言。 不 之誼 彝 日 倚重,一旦 則 之 會,不知 子 待人言之畢 , 好 親臨其 明 有 瞻 可 ,知己之感 以致奠,巷 是懿 不 日 憤 伊 喪 解 中 耶 假有 德 還 ][ 之仇 孰諸 薨 ? 姗 變歌 而 矣。 逝 詆 者 哭 父 伊 猶 爾

> 何怒! 之所 細故 誤 之恒情, 置若勿 ,尤改 羞 輒 聞 ,曾學 聞言 相 而 過 可 非 憤 不 也 道君子 賢 mj 吝 争 怒,是陋人之態,村巷 士君子之養也。 , 之美,賢者之事 從 禍 而 而甘爲之乎 貽 謝 人 焉 國, 請 此 向 向 徒以語 也 者引 者 婦婦 若 經 之 藺 女

敵 世 可 知 光 哉 <u>\_</u>, 而 庭 伊 失其 不 等 且 川 當 問 先 時 實 而 出 是黨 矣。 發 誠 疏 難者, 賢 攻子 比 伊川 者, 也。 瞻 實伊 何 不 伊 知 以 而 川門人賈 Ш 是 論 解 而 者 于 韻 非 謂 天 膭 賢 之 易、 也; 下 者 應 朱 則 後 0

道 直 Ħ. 世 伊 俗 川 視之者, 固 以 子 加 瞻 己 文 兄 章 弟 之士 則 實 未 以 嘗 學 學

<sup>●「</sup>韻」,當作「韻」。按"「韻」同「聾」。《字彙•耳

《春秋》責備賢者,於子瞻又何譏焉 、豈直 也; 寧復 惟 謂 者 敵 過 若夫 賢 天 也 怒人議己, 與 從 者 有 矣。 而亦 頤 下 、脊梁 庸 之 以 負三絀 之 及 兄 真 衆 確 視 斯 之 弟 於 - 1 過 者 則 其 文 名 何 世 喫 亦 人 學,而 言者 秦有 節 東 間 過; 必 非 欲 治太急,所講 補 、曲在 各不 盡 坡 制 雒 至以 雖 誹謗之罪, 欲 詞 當 蜀 國 失之 乎 相揜。 論 爲 忌 不 以 東坡 ·君子 奸目之,尤過。 東坡 脩 後 謗 此 行 固 小 訕 香 陷 者 滯 之 伊 每 節 歌哭之議 無益 漢祖 士 未 伊 徒。 以 川 一, 而 加 大 嘗 Œ 川 相 凡 玩 夫,並 除之、光於史册,而 非 如 表 事欲 令具素 伊 報 侮, 裹洞  $\sim$ 熙、 ]]] 復,則 曲 周 言者 斯 守 有 豐 陷 官》之政 在 然, 古 饌 誠 意

乃

摭

其

策

可笑

伊

][[

是

東

坡

不

禮

雖

未

東

坡

之

矣。

惡

聞

過

也;

徒黨相

攻,樹

私

已

耶

?

歌

哭之議,

自

取

侮

異

加

相

攻不已,斯

其

失

俗

尤

有

弘

恕之心。

非

然

乎?

惟

賢

者

有

包含之量

飯

從

喉裹過」。

當

時

諸

賢

也

嘗言「他

人

喫

飯

從

脊

梁

自

任

得千

聖

不

傳

之

秘

所

爲 道 言 每 徒 建 爲 己 學 事 也 痛 乏 任 者黨同 Ш 邱文莊 是 而 自 陰 假 先 不 謂 捄 伐 有 生之言,竊謂「怒」字若 雖 繼千秋之絶學者, 云: E 異,無足怪也。 伊 何 「彼徒以文章自鳴,功 ][[ 哉?」斯言諒 復 生, 將 奚 以 斯

格

格難行,非

徒

而又害之也

君

臣

間

求

行而

聖人

之

忠

直

朝

廷

耶

## 分三秦論

卒爲 殺 組 終不 之形 説 眉 得 違 紂不出文于羑里,並 之言,皆未爲非計乎? 義,而 ? 睫,死安足惜哉 天下,其亡 沛公,則不義;自都關中 羽 勝 留 所 亡天下乎? 鴻門之會,范 三秦之亡,何以 都咸 滅。 而 背叛天下之共主,以自行其智, 歸 楚, 陽,羽不 己 益 加 日 速。 羽 增增 削 舅 分天下,欲 聽 勸 以 亞父、侯生智皆不 中 收其諸子,二主者 不 羽 至於亡。 而烹之。 雖 旋 桀不出湯于夏 殺 固,子嬰 踵 ,則不信。 沛 乎? 公, 歸 自棄天 然 楚,侯 羽 何 使 則二人 不 棄信 以 羽 聽 出 雖 遂 下 終 係 牛

也。蓋當是時,天下之大勢已略定矣,楚羽既縱沛公而又能如約,天下之大公

天下. 仁、益 之强 共 鱪 據 事 其 主 蕃 上游,莫我能禁也。 中,其亡自若也 則驅天 以 輔 無事,則我晏然終爲天下之盟 己 收天下之賢者以 子 無 啓諸侯之兵,又猜賢遠忠,以 敵 然獨 下 於 而 天下 夫,天下雖 之楚。 矣。 自 加 義 羽 汲 輔 帝 無 雖 汲然弑 雖 沛公, 則 歸 在 强 楚, 者益 沛 脩 天下之 羽 主 自 公雖 雖 德 强 有 棄 據

猶 强 已 楚之强 者分之。 故 下 秦之分不分也。 傳 負 弗分也,此楚之智也。 之豪傑 檄 雖三 義帝之約,棄沛公于巴蜀, 羽既燒秦宫室,心 也。 而 秦 分則全秦之勢析,而 定之矣。 者 益 不能守, 居之,據天 强,而 故曰: 三人 則 思 楚 下 東歸, 而向之韓都 皆 楚之王亡,不 因 之 深 形 而 取 德 勝 不足 而 圃 之, 我, 以 使三人 又 圖 以爲 恐天 是 尉 雖 我 益 在 分 固

# 柳柳州論戊戌

争欲 子,大 或 嫉之。 於 事 于 死 鶩 義 自 鍾 文 更過 百 自 「陳 標置,平時妄以 鍾 獨 論 議 負, 子 IE 也 名 名 概 其 口 使其 鍾之罪 者 厚 方名夏蜚聲端 劉、 夏 胸 夏 奚 如 世, 猶 失 濂 致 氣 崇禎之季 柳 解 悔 得 或 未嘗 足 流 身 激昂 當 ! 恨 冤 時 而殺之者,未 當 清 人,不過文彩囂 年 而 之,非 用 鍾 不 時, 踣不 朝 功業 死 無 目 事,互相 尤 深痛 · 燻從 功 魏學 無 疑 宁,天下莫不賢之。 浮 爲鍾 相 庸 流 也。 濫 之。 甚著 期,急難 輩 濂 復 史閣 知 , 故 冤, 煽 卒之 振。 故 其 旲 意 引, 浮之士 冤 Œ 圃 流 部 何 劉 爾 其 從 吾 其 夫 則 畫 亦 以 同 燻、 柳 讀 罪 賊 聲 毅 不 自 以 亦 死 免 王 遠 然 而 勢 節 高 周 諸 其 如 深

> 夫 丽 而 頌 何可 處 未 美 于 之答也 庸 以 確 知其 者, 節 不止 能皆出 向 概 其 使吴、魏諸子 一人,人不 平 生 名夏下? 哉 止 與 然 名 詗 則 夏 易 確 地 笑

敢 州 與 如 E 不爲此,是爲 夏,於其爲 自艾之所得 謂 之子厚 識 名夏之復振。 「子厚將終得爲君子人矣乎?」確亦 于 子厚 不 然也 其 雖 去 踣 刺 行之,其 廢 向 賢 不 史可見矣。 者 復 耳。 使 即 禮 能 振 便復振 功能 稍 , 益 船 吾故讀 屈 之子厚 重 德 面 意 ,而以子 其 惠 其 子 時 爲 亦 (文,服: 厚 貴, 遠 人。 必 寧 矣。 百 厚 未 爲 其 居 知 必 于 彼 材 夷 或 柳 不 不

周、 得 節 于 見 魏諸君, 名 弘光間,士大 美 夏也。 順 治 嘗 間 恨不 所 則 人夫切 謂是非之公, 又莫不賢之,惟 食其 齒 肉。 從 賊 及 大 名 案。 恐 夏 折 不 如 如

# 此。故因論柳州並及之。自記。

## 異端 論

禍 可 其 而 世 爲 不 異 (異端) 端端 亟辯 益 異端 深, 焉,斯不 矣 焉,不必辯也; ጠ 而人猶未覺其爲異端焉,斯不 自爲異端焉,不必 可不 呕 一辯 異端之倍道益甚 矣。 異端 辯 也; 而 吾道 知

吾道 其爲 能 以 辨之,豈 也; 爲異端 來,諸 過 異端 異端之倍道益甚,禍世益深,而 矣,不辨可矣。 異端 而異端焉者、《大學》之教是也。 焉 一得已 大 焉者,葬師之説 者 而 儒 人 ,佛之爲佛、老之爲 辨 乎 知 之已 其爲 至夫二氏之説,則 異端 後雖 是也。 馬者,佛、 有辨者, 老是 異端 人莫覺 弗之 吾之 老是 有 也 而 唐 自

> 奚補 也; 氏 中 萬不可必之功者哉! 海之窮寇,自號爲義師, 至 則 罪 則 而憂二氏,日喋喋焉,曰:『爾老也,異端 夷狄 矣。 . 國 也,辟· 之徒日繁,而其教日益 奈何?」日 爾佛也,異端之尤者也。」雖 于 之 罪 吾道,而奚損 人而主之矣。 又何尤焉! 夷 也。 狄 氏之徒日 丽 中國之大, 此 入處中國,非 非二氏 繁, 吾悲 于二氏 吾儒 而 以殃民 學 横 而 之罪,而 而 其 者 ! 無 也,亦勢所必 無 夷 教 不 毒衆,而 人焉, 狄之罪, 敝 人 日 此 己之憂, 焉主之, 益 而舌乎, 何 吾儒 横 異 則二 也 加 之 倖 Щ

往 攻之,猶之自治之道 異于彼?」確 ,敢不惟己之憂而徒滋夫 然則子之關《葬説 E : 「然。 焉 耳。 賊 》、《大學》也,何 自 口 雖然,自今以 内 出 者也,故 以

# 一雅流之逸豫者哉

# 子惑論

遠矣。 銖 夫亦何市道之有! 猶惡之,况於以市道事吾父母乎? 塞耳不忍聽 也,吾何以爲孝?」嗟乎! 也,奈父母之于兄弟厚而 曰:「吾祖宗之業,吾父盡廢之,而不我 而 旦忘之,反誅責之無已時,去市道 無爽也。今父母之利其子奚若? 今世之不善養父母者, 也。 曰:「吾非不欲孝吾 所謂市道,較利悉 於吾獨 以 嘗有詞 市道交,人 薄 雖然, 矣, 也。」 父 錙 遺 母 吾 益 而

何者? 身重于金也。今廼忘其所受於親愛金乎?」則應之者無愚智皆知棄其金。今有强賊操刀以擬人曰:「若愛身乎,

# 廣樂 志論

垂白之親,室中無交謫之婦,

兄弟和樂,子

使身有暇時餘力,耕田讀書;堂上

濟 雨; 疾 加 止 進,覺後來者居上而英賢輩生,行所欲行 歡 榮,姬姜之樂,何足以加兹 友嘗效我以箴規,悟已往之猶非而問學日 孫善良, 聖明之君不苦我以官爵, 直諒之 不至于府縣,杖履偶涉于林泉。 议 薄 《疴不作于身,宫赋蚤完,私 一所欲止,未忘夙夜之懼,少紓俛 ,吾志彌康,又安能舍素位之恬愉,而 省事以謝 ·膳之供,妻孥甘苦身之役,則吾 年穀屢登,里俗滋厚,盗賊 若夫瘠産 饰給, 饘 僮僕,緩步 粥 以 敝 當 逋 舟 廬, 漸 不聞于境, 雖公侯之 車; 減"足迹 仰之慚。 略 蔽 親 事 慕 既 賓 風

四七

之身 賊 又何 乎 其 而 重 厚 金 責 不 其 若 所 重 樂 身, 輸 而 于 待吾親曾 賊 者 之 金 不若 於親 强

何 頂 竭 授之室, 爲 血 母,不既 也 而 之憂,能 、懷則 踵 不自. 不知 之 所 然乎? 食 勞身節 吾父 知者, 乳,疾 能 誦 讀 報 母 以有 食,曾不 則 視 也, 故 病 思授之師,有 吾之爲父母 凡 也 吾身故 丽 而 使 爲 曰「無 - 暇 吾 之憂,放 父母 給 也。 所 是固 之 吾之 情 故 遺 血 慾 胎 逸 焉 爲 枯 非 則 則 巾 糜 艢 父 思 茹 而

故 身 既 爲 ൬ 遺 吾 即 而 然 莫 親 之身,又遺之以子 且 以 也 夫人 之所 市 能 , 拔 道 致 一毛 之甚 遺 事 詰 ,則豈徒 吾親 焉 一愛其 而 者,孰 知 乎,猶致孝之不 痛 身也,非 毛爪 ,孫,至 非 折 吾 之微 親 百 惟全體之身 爪 之遺 干 馬 而 萬 已 暇 知 也 億 也 恤 而 ? 其 ?

**曉曉焉何爲者也**?

乎? 之所 其 也。 瞍之愛舜不如愛象」,吾 帝曰「父頑,母 吾之不肖 德 恩至 以貴,徒以 父 昔者 故舜之所 母 也。 之于子,無 厚 瞽 也, 瞍 不 嚚 驕 父 德 然,則是大舜 以 母 象 象傲,克諧 升 至 兑 而 弗 聞者, 大也, 增 不 弟 愛 其 信 故 也 也 無 傲 敢 也 以 我 他 不 不 懼 孝」, 而 然 也, 而 敬 関 日 承 則 師 而 則 之 瞽 舜 增 我 是 錫

拂亂 殺,歸 於我 矣。 有惡,歸于愛之而已矣,而 能」,是善 心 志,勞其 獨 故父母猶 其 故天 于生之而已矣。 所爲, 薄 承天 也 將 筋 降 骨 所 天。 者 斯 大任 也。 以 餓 自 然天之於物也,有 動 其 棄 于 而 體 心 父母之于子, 棄 是 愚者不 忍性 膚, 天,終 何憾焉 人 也, 空乏其身, · 增 知,謂 爲 必 益 先苦 戮 其 生 而 天 之 有 其 已

而更有深於仇人之怨,則惑之甚者也。加之以父母之親,而曾不得受他人之德,兄弟,而吾反深怨之,均之爲厚吾兄弟,又兄弟,而吾反深怨之,均之爲厚吾兄弟也。他且父母之厚吾兄弟者,吾兄弟也。他

### 道俗論上

者乎? 累也 非 以其同 曰:「我猶未免爲鄉人也。」孔子之惡鄉原, 已矣,又何道之言乎! 道。 痛 道 今士往往言道而 之與 流俗,合污世。 故曰:「習俗之于人甚矣,賢者 斯 俗, 相 反 孰 也。 謂 久矣夫,鄉俗之爲 司 行 君子有終身之憂, 道 俗? 馬 則 子 則亦真 不 而 俗,俗 非 (俗而 知 道 則

故曰:出處不同,同乎道。故雖今之

若出 故 處 出 爲 而 者,未可 而 即 道 新 而 以 ,誕上而虐下者 囑 出 遽 進 爲俗、烏知處 謂之俗也 一,以 賄 升 了, 斯 斯俗 乏 而 未 士 俗 丽 離 恒 而 已矣。 侈 乎 已矣。 俗 然 自 也 背 以 1

之而 道 非 者營擾,恬者頹廢,敝俗紛紛,近我者日 擇處士,處士自擇道耳。 徒此 而 去,出此入彼,曾莫能以自拔 行 處士之未離乎俗,奈何? 加 耳。 已也 今夫點者浮 ,請略舉其觕者。 爲,愚 非 擇 者 道而言, 曰:道豈 朴 也。 鄙 引 能 擇 且 競

矣。 不能 至于 姻 而 論 未 能 喪禮 財,夷 無 制 日 姑 用之禮、冠、昏、喪、祭而已, 于財。 冠禮之可行。 不作 俗而 (虜之道,而 佛 不能 已矣。 事,不設 制于財者,姑 姑舍言冠。 不肖者争財, 樂部,而 俗 士 賢 若 而 逡 夫 者 今乃 而 巡 智 亦

然猶非害之大者也。葬法不惑風水,

日: 葬 肉 不 曰 一不内 拘 可 時 吾 吾亦未能違俗 謂 寝,不 猶 人 未能 乎? 而 豫世 俗 違 又喪禮之大者,不飲 無 俗 事 不 也。」可 也。」至暴骨 ,而俗皆反之。 惑 而 謂 拘 人乎? 之 數 者 世 酒 士 而 土 又 食 亦 不

宗 殺 祖 以 廟 可 祭必有 謂 ,惟俗之從? ,薄于土。土一 祭土之餕祭祖 祭 也 7, 尤非 非 祭禮,支子不祭,祭則從宗子,所以 時,曠 俗 而 俗皆人自爲 乎? 禮 時 也。 祭而 墓 也, 祭 廟 及 勿舉,奉俗 祭 非 何禮 祭, 墓 崇 古 祭 外 也。 士 何義 而 亦 神 反 而 重 祭 人 而 是,隆 墓 自 則 褻 忽隆 祭,輕 内 惟 爲 神, 謹, 于 忽 重

期 何 人 足以 日 而已 故 與 矣。 無 彼 此。」嗟乎 事 世 然 而 一之攘 非 猶 俗, 聚 奪 1 而 無 權 使古而 言 利 時 達遑 道 而 非俗, 動 誠 不 以 有畔禮 知 古 是必 止 賢 者 自 媚 俗

> 言道 俗之賢、 則 今之 士 洵 美 矣 哉 不 然 請 無

之精 之,日 外 于内, 豈若子外脩皦皦之行 又何病 貞者詰之。 姑 溷 微 ! ]子以爲奚若? ] 或曰:「子向所言,皆禮之外文也 略 俗 不 乎?」陳子曰:「然。吾 以 在 淫女曰: 舉 爲 焉。 其 通 麄 抑 吾得道之精微 者。」今女有淫 吾雖 亦達者之所許 淫于 而 内懷不 者 向者 外 行 于 而 也。 内 ·測之 固 實 而 子 貞 其 道 而

#### 道 俗 論下

俗 道 乎? 俗 或 則 謂 陳 非 子曰 道 : 今 吾 至 能 哉子言 勉 而 不 道 俗 則 斯

應之日 子 惡易 言 道? 夫 道 有 禮

然則子向者何言之决乎?」

俗之謂 之服 焉。 焉 此 而 設也。」是適足以騁其 必 也。 馬之養也。 已,何易言道?」 不孝之尤者耳, 而 安,無所復事此也。 也,苦塊之處 飲,不安居處。 文也,蓋必皆有其本焉。 矯俗以爲 後求飾于外,於是世俗靡然之事 ,非俗之謂也。 推之,古之所謂三千三百者,皆 夫然,故雖廢佛 今不深求其所以足于内者,而曰:『吾 也。 也。 故 故敬之先于養 高 哀 哀之先于服也; 也,非 痛 ,佛事吾不 故衰服之惡 又何道之云乎? 斯哭泣,哭泣 道又有本焉,則 人惟有所不足于内, 事,撤 作 儉於 而致之, 作也,樂部 樂部,而吾心已 親之邪 也 子姑務 非 也, 糜粥 , 然 非 斯 蓋 ıĽ, 然, 故 不 本 非 日 有 則 非 之食 甘 焉 前 吾 繇 徒 以 則 徒 由 僕 不 生 然 食 爲 而 爲 是 御 犬 矯

> 終不 是道 之也 具 故 今子 也。 離 而 乎? 爲 叫 遽 果無以異乎人哉?」 日 向者吾曰『道則不俗』者,從其本言 口「俗則 得 人, 日 用言道者,辟之則廢 飽 不俗 非道 而遂謂土木偶之果無以 矣。 斯道 非道』者,從其 乎? 泥日 列則 吾又 用是道 睹 安能 其 食 者 末 相 辟 而 圃 知 反言之也。 求飽 之! 信其 異 之四 子人 也, 本。 是 體

# 乾初先生文集卷六

海寧陳確著 族玄孫敬璋編校

# 使子弟出試議

議

可 道 弟 曰:「吾必 不使己出 則 如 則 皆 是 稍 甲 可,不 世, 稍 申 出 mj 之後,吾 不 又 試 使子弟 可復出 何問乎?」 可則皆不 友之出試 確 也, ,子弟 疑 豈 一可,而 而 確 有説 則 EI: 問之曰: 者絶少,而 必 不惟然 不 乎?」吾友 何 미 道哉? 「子之 不出 也。 子

朋 成也。 之幼 若 自 遊焉託于不試以明其高,此心既 子弟逸于後者? 廢學即不成子弟,姑以試勵之也云耳。」 然,亦有不得已焉者。子弟不試,必廢學, 俗之心待我子弟而趣其出試,亦不可。」 我之心待世俗 自潔而以所不可污我子弟? 子弟矣。 姑出此也? 夫子弟之廢學也有故, 日 曰:「固矣夫,吾子之爲子弟謀也! 父 欲之而爲之辭乎,抑真憂子弟之廢 友,况父子間 可 兄之 也,父兄之學優行立而子弟之學 吾友曰:「子之言可不 則 若不可,則子父一體,奈何 莫可 而又不己之責, 廢 學始也。 如父 而謗其 哉! 父兄之倦 兄 蓋 出 烏有父兄學于 謂父兄之壯 士君子居今日,以 試,必不可; 獨鰓 于學也 可,諒矣。 鰓 且不忍以 以子 無以 以 而 弟之 必 學 以 行 前 對 丽 其 可 子 確 舍 世 我 者 雖 弟 優 而 而 處 未

謀, 之進 之躬 廢 學爲憂,而 而 退 行 顧 則 則 惟 勞 近 彼 欲 而 而 之 以試勵之。 專 艱 望, 實 順 亦 費 而 見 而 正 名 夫勵之以 其 勵之 污。 愚 而 不 以 闇 父 此 主 之 兄 于 司

計

矣。

之出 爲學 弟 者乎? 矣。 出 欲 高 必 乎 者 ? 賢 才高 也 試 而 吾向 術,以 ,則必 也。 成吾之不出 欲試,則勿可禁之,不肖者畏學 已矣。 或 若不惟子弟之才不才, 所謂不肖者真不肖, 日 III 圃 者固 夫賢者之爲學也,更無 欲 安世目,以固身謀,若 勿能忍乎? 可禁之,則是有百出 「子弟之不肖者固 吾惟吾正義之斷 出,亦烏能禁之?」確 日 也者,則亦 必 不 可以我之心待世 誠若子言,子 丽 世 所 ∭ 然 俗之爲 , 圃 謂 姑 將 而 急 矣。 日 賢者 以 奚 于 無 以 見 中 聽 而 弟才 其 出 子 不 已 未 賢 弟 立 子 不 試 嗟

而謗其出試者也,而尚敢議其後乎?」

### 出處同異議

出 志,夫何敢 未嘗確然有所以 耳,未嘗確 者亦不乏矣,人不出則吾亦不 今之出 然有 輕出 者 固 而 所 必不出之志也。 何敢 以 多矣,人出 必出之志 輕 不 出 則吾 也。 出焉耳, 苟有 亦 今之不 出 其 焉

死;不 也; 若 若?」曰:「所以 日 水火之不相入,而吾子一之,豈有説 :「出者止多此一出, 也 而已矣。」曰:「異乎所聞。 不出者止 或問:「 出者 夫何 .異? 必以 所 少 以 出之志,即 此 其 出 出 出出 道,繼之以死。」 者 與 必以 所 <del>前</del> 而吾之爲吾自 所 以不出 吾之爲 其道,繼 以 出 與 不出之志, 不 一之志 吾 乎? 出,曾 之以 亦 若 奚

焉 此 所 焉,而 乎? 矣。 出 乎?」曰:「 死 餓 是 死,遂必不死乎? 何 出矣。 使, 耳 者,欲不繼之以 者 視死若斯之深也 而 是 而 ,又何出與不出之異之有 若夫以道 死 成進士,盡 勢或不 而 夫不繼之以 乎? 不 也, 能 疆場之變又 不出者,或未一旦 困 圃 咨嗟乎 出 可行 辱 或 範身,終食勿失, 與 忠 窮 不 不 死 死, 也。 爲 餓 能不 1 -繼之以 得乎? 出 何 廉 而 人未有不死者,而 圃 且子以爲不繼之以 東 者之皆不免 死, 日 以 至 何 焉 事 西 于 則 即至於 能 死 南 主, 無 不然,則 困 亦 必以 北,惟 者,遂必 之也 辱 窮 負 丽 困 其 此 窮 無 通 于 大 君 道 辱 所 不 餓 之 死 揆 出 負 死 窮 阳 耐 如

# 新婦見議壬辰

之有 父。 孝常, 璋案: 拜 善者也。 綺思公諱慎永,字敏脩,樸菴公長子。 叔 也,禮歟?」曰: 而 先戚,亦非 「幼先長可乎?」曰:「幼先長,非禮 後會宗戚鄉 祖 他 也。」「 爾宣公之兄。 樸菴公諱之燻,字伯吹,一字孟樸,先 樸 日 菴 辭 以 吾先 日 古者於昏之明 叔 禮 曾爲父母而 問 爲 也。 「先親 確 黨僚友,則 拜 綺 爾宣公諱祖諭,字曉常,樸 「拜父母 吾 曰: 思 故禮之悖於古者未 父 香, 者。」於是先 「禮歟?」 而 新 不得受子婦之拜 是也,而受子 後 日 何先 婦 受 見 昭華公諱祖訓 見, 吾 長 舅姑,見 曰 : 阚 欲先 子婦 先戚之嫌 高祖 宣 也。 菴 叔 之 有 禮。」 昭 也。 公之 廟, 祖 拜 華 疏 字

父母 之。 父 若 焉 焉 也。」「然則子 子 歟 見 昭 有 新 在 之始也, 也 曰 新 婦婦 ?! 日: 母 見 ,禮未有 穆 口 婦 1 祖 於 焉 無祖 拜 在,人子坐不中 之拜 也。 奈何爲父母受子婦 父母 婦婦 日 父 私 可 有 饋 見 圃 父母 母; 寢,雖 有祖 一此 者, 也 授 易此 於 先以 祖 祖 拜之,不 非 堂 之 何以知之?」「以廟中之位 確 中 不 南 之父母,猶 父母 父母之父母,猶 又 非禮 者, 者 下, 所 先 堂 得受子婦 面 推 乎?」「未 舅 以爲必不可者也。 則 以 者 可 南 何 而 示之,可 席。 姑 家 否 耶 ? 也 分 面 上之,雖 可 無 祖 之拜 坐,父母 别子 新婦 之拜 凡 且 舅 父 坐耶 新 南 有 乎 吾 姑 而 母、父母 之祖 繼 見, 婦 ? 也 所 面 高 叔 又率之以 不 左右 否耶 别之宗 焉 初見,必 受之 曾 是 南 所 祖 而 , 南 者 咸 教 謂 父 分 面 禮 也 之 禮 者 母 在 面 知 坐 祖

> 完 義 動 擘 顔 議 元本注: 余 謂 「兒 小子禾讀史至 善 之乎?」 此 曰 聲 句 踴 發 因

信 乎 事 則 然 死 者 趙 猶 敵 甚 士 之君 平 有 國 難 或 太史公曰 進 怯 也 面 于 儒 臣皆没 有 無 此者。 味 而 方 奇 相 也 乎 不 子功 敢 斯言 如 知 其 其道 發 引 死 利 功 爲 璧 而 甚 甚 相 勇。 睨 易 然 莫之知 如 IE 柱 使 而 而 非 勢 奮 無 確 無 死 也 不 難 絀 爲 其 者 趙 過 也 氣 也 難 其

之 瓦 愛國之重寶, 壁 礫 焉 夫和 而 辭 當 氏 其 之寶、豪 秦 城 再 以 拜使陪臣 辭 虚 辭 若 末耳。 求 日 璧 某 一,爲 敬 寡 明主棄之 君 以 趙 趙 計 璧 獻 王 者 合 如 不 下 敢 擲 執

完 秦欺 然 壁; 即 壁 事 或 以 爲 倖 難 丽 即 ∭ 秦城之予不予爲憂,又以 賤 憂,固 圃 可 固 貪而 棄 得之,而 城 寶 辭 無用之物 也 己陋 孰 + 受璧,而 。」使 甚 五 趙之禍不 矣。 焉 城 秦 趙 恐 服 以結 無論 益 加 秦 于 趙之君 以 旋 民 趙 秦 强秦之驩 義重 之 踵。 之義 城 以 趙 萬 前 臣皆 是 璧之完 大 不不 不可 無 亦 王 切 宜 以 異飢 爲 不 得, 受 受 切 紆 貴

矣。 使 剖 又 歸,秦怒甚于勿予。 來 捎 腹 明 之食烏 故 年秦 至其 之 愈 且 澤人 智 趙之謀 重 。 回 氣 喙,何利乎秦城, 何 伐 而 鑠 趙,殺 異? 遣之。 車 秦王,弄若孺 曰,欲 避 頗 世 其後秦 公公 今璧人 主 萬 不予 從 人。 而忘私 \*壁 而 而 子 秦 伐趙,拔十 何愛乎 功 趙 即 而 之, 亦大 滙 璧雖完,與 , 雖 復挾 患 池之會, 秦 比之虞 和 之以 兵之 氏 城。 惑

> 學 池 之 道 召 尚 不 猶 若 愧 無 此 行 况 良然 下 焉 者 平 1 或 H 澠

#### 喪 議

今之爲 年。 母也 是也, 也。 事 欲 以 易月之 之未得,而 之。儒者必曰 短 則大笑駡之。 其 儒者必 名 近古之 , 喪,而子罪之,齊宣王欲短 先王之制 齊衰 何待言 制 生母 已 也,蓋 則 今制之得 杖 爲 又曰 羣非之,見時 也 期,近古之爲 哉 適 宰我,齊宣之非 亦 喪 皆必 1 嗟 母 前古之失,而近古之 三年。 也, 乎 也三 非 也。 有 權 惟 其 親 一年,爲 儒 然也。 於 宰 不 實 疏 者 是 循 有 焉。 母 而 ¨, 而 聞 必 其 奪 生 也 喪,孟 爲 前古 昔者 實 情 漢 又 母 ,斬 之斷 孔、 曰 而 也 起 文 孟 徒 復 以 近 爲 衰 之 子 宰 期 得 之 古 爲 之 悦 日 議 我 非

廷

益

、禹之讓

奚

加

焉

以

程

叔

子之孜

孜

其 名, 日 吾 寧 從 其 厚 者, 則 天 下 之可 非 而

笑者必多矣。

書之 靦 乎 緦、小功之實 庭 飲 外 泣 貌 而 食 然宴會 血 不知 則 稽顙 簡 ,則傫然衰冠 雖然,今儒者所爲三年喪,吾知之矣。 厭 日 酒 其 而 而已矣,而言笑則晏晏也。 孤 肉 不 哀 非 ,而猶欲非且笑天下之人, 也,寢 子 知 也 耻 丽 M 也,預 已矣, 曰 有三年之喪, 處 已矣,而内皆纖 則安房帷也。 人閒 制 事 丽 己 而 匍 編也 矣, 睹其 曾 夫 匐 無 公 且 可

生,故 能 以 無 保 居 繼,以尊則 短 喪 其 喪之實。 文帝雖更三年之制,然有短喪之名, 死 九 無 而皆以 禮 五之位 私 天子也,以 歷 買 孝 覩 飲食,爲 諡 則 漢 非 漢 代 迺 親 苟 之 嚴 大 則 而 主 於 臣 非 已 並 喪 所生 所 也。 制 奏,至 篤 非 一也,徒 昌 於 所 不 邑 弛

> 喪 制 者 也

喪

同宴丞 江太守 敝。 喪者,與古 之規,有司不之罪,誠舉今之所爲能 此,則三代以 罷 號稱名賢,行若禽獸,曾不省察! 三年者可知。 免,則喪主可知; 一之致 黜。 而 可 昏 而 陵 同 劉 夷至 書苦諫,至往復再三。 相 故謝安石期功之慘不廢絲竹,則 梁 年 東閣 隗 長 龕 齊宣、宰我之流 語 史周 所 於 明 矣, 上 祭酒 六朝之敝也,而猶篤於喪若 奏世子文學王籍之居 日 魏、晉,一 미 當 期功之喪曾不得少假,則 顗等三十餘 又何 知。 顏含在叔父喪嫁 除 婦 暇 何圖 服 時 譚 絜 ~,今日 風 至於今日, 情 姚 人,①並 故同宴者 俗 而 虞 請 量 號 親 稱 一實,已 客, 女, 三年 朋 應 叔 爲 E 及 雖 不 時 廬 不 母 頹

坦

丞」, 原作「承」、依惜本改、 不

閔哉!

不 無 何 矣 服 不 自 端 足 官 求其實而 地 致 如也? 者乎 者 以當大事 虧 夫孝者,百 回思三年之中,服 也 損,百行 必三年 有不 必 徒鶩其名,曰大夫必三年 也 ,惟送死 · 莫救。 背汗交流,錐 行之原,喪死尤孝事之大 親 而 喪 後 平 出 故曾子曰 <u>.</u>! 可 試 食 以當 孟 何 心 如 子 三年 大事。」 刺骨 日 也 「人未 : ? 則 養 何 跼 居 m 年 有 躬 處 後 得 牛

然,禮 實 則 親 也 也 薄 盛 也 1 父在 集 故古之 似薄 然 彌 古 僧 隆 禮 則 人之 尼 而 也 雖 禮 期 伶 實厚 一,而 殺 然 喪 優 母 也, 也。 親 情 以 而 悦 則 也 今人之於親也 而 三年 况 里耳。 薄 情 擗 乎 矣。 彌 父 踊 非 篤 也, 哭泣 適 故 夫僧 矣 古 非 母 而 似 尼 人 薄 今 而 伶 之 厚 生 於 而 於 優 而 不 母 母

> 之至 魄 親 必 而 擇 也 不 葬。 地、 也。 費 不 厚也,未 擇年、備 非 古人之葬親,有懸 夫 不 擇 繁多 地 若懸 物 擇 也, 而 年 後 棺 然 備 葬 而 而 非 物 未 **室之可** 棺 若 而 而 然, 後 突者; 擗 速 則 葬 踊 久停 安 之 哭 親 於 泣

出 可 蔬 味,不備味寧 古之飯客者,有 多 友多規,今之於朋友多頌。 字,今之稱 夫數千與數金之爲厚薄易知 以 食之可 頌,似厚矣,然 加建 今之昏者未能半六禮,已 今之於妻也,舉世 非 惟 也。 以 事 朋友者 速 親 勿 古之昏者六禮備,然不過 飽 爲 飯 以 未若 也。 然 日 蔬 也。 某 備味非不厚也,未 食,今之飯客者必 古之於妻也,嘗 稱字多規之真 無 翁某 古之稱 出 夫翁之老之而 老 也 不 不若三 一,然不若 下數千金 朋 古之於 友 篤 出 者 也 世 之 備 朋 以

乎哉! 求 女,誠 舟相 吾故欲籲今世之士之稍知道 金之逮 薄俗,自謂 今之嫁 其 啣 實, 厚 時 者 侕 矣,然不 毋 也。 必 進 能勝古人,而已不如古人遠甚。 珠 徒 而 鶩 玉 古之嫁女者 後 ·若荆 綺 其名, 嫁。 繡 布 光耀白 夫珠 之貴 而 况 荆 理者,凡事皆 玉 德 日, 布 終天之 綺 也 而 繡 迎 可 之於 金之 種 已, 痛 種

我同 後 嘗 贖 時 是千古罪 示 吾罪之萬 每 志,以 良 冰淵,又何敢非笑人之有 近 僕昔年喪父, 心 先 人。 人 中 爲殷鑒。 發,頭 \_\_<del>\_</del> 忌 然每當 日<sub>,</sub> 此 隨俗習非,不能循 僕已 輒 面 嗚呼! 斷 赤脹,坐者怪之。 賓朋讌集之日 腥 覆之轍,故 月,然 士苟念此,則 ( 敢 拈 亦 ·; 亦 禮, 何 自 能 未 真 示

# 孝子不送客議

客也,從朝夕苫塊推之也,不然則慢。不入於口推之也,不然則儉。孝子之不送不於口推之也,不然則儉。孝子之不幾

守 也。 吾將以行禮也,則失其義矣。] 尹來泣 弔,反裹足不出 不 子之不送客也 則 斯,杖而後能起,曾不離此苫塊之尺咫也。 孝子之必不送客,何義 來送,某辭曰:「非禮也。」尹來曰:「 親 然,它日則 何忍以客故奪之也? 雖不送客,庸非 喪也,寢於斯, 去年張尹來有父喪,某弔之而 無 ,非不送客也, 門,而 所 不之,及客 禮與? 食饘 又無代之送者, 也?」曰:「孝子 故不 粥 於斯,哭泣 以吾親 今之孝 送也。 有代之送者 出。 子 敢 H 故 加 而 於 則 之 孝 問 謝 尹 來 日

物  $\Box$ 矣,敢不送客!!」 然。 友不 孝, 於是 嘗 以 遂 無 送 僕 客 役 至 躬 河 出 滸 市 買

與? 也。 持 可 也?」曰:「弔 也 也 苟孝子之未能食粥 且吾 然 未能 則 亦 子之 朝 何 者 夕不 遑 亦 出 逆孝子之必不 有 弔 離 一日之喪 喪 而 也 次 必 雖 也 不 列 用 雖 而 饌 以 酒 送 不 以 禮 能 客 肉 羞 自 忍 賓 何 口

## 黜佛事議

也 死 爰 查母之好佛爲 弗之行也 ), 知 如生 立 疑之,日: 石丈之母之喪,潮 有禮 一之道 雖 焉 孝子 然與?」 耳。 是耶? 「母生 木 禮 得 所 而 日 非 過 有 好 生 耶 佛,死 而 然。 爲 者行之, ? 問 相 非 而 喪 而 朏 也,而 黜 所 之 且 之, 佛 有 無 子 事 爲 以 者 相 事

> 學,不聞 之,是益 雖 之,二者功罪之相 使知其非道 事 母 者之志乎 未 也 之誕 使 能 既 子 ,惑於浮屠家之言 未 人子 喻 死 能 親 妄者乎 矣 死 其 , 斷行 勸 於道,死 過 而 丽 也, 止 又使 圃 又 之,吾猶以爲 1 已矣。 猶 則弗好之矣。 無 人誦 圃 且 不 去 成 黜之,使母 遠矣。 母 免 而 命, 今雖 非 書以樂之也。 之 姑 而 道 好 聽 有 又 事 佛,非 孝 故 從 託 儒 故惑之與正 親 也,而 之也 得 生 者生 於 之 Œ 丽 真 母 譏 一其終。 順 云耳。 况相 况 好 以 而 , 佛 佛 好 爲 况

## 答翼兒不脱衰議

子 疾,夫子何罪之深也?」曰 以爲禮。 季武子寢疾,蟜 今翼有 大功 固 之喪 不 脱 「吾未見子有 齊衰 加 素 而 服 見, 出 問

## 功之喪也。」

寢 苫,便己者而 子之執親之喪也,悲哀不忘於心,食粥 蓋 者,惟知恕其不便於己者,而不知恕其不 弗遑顧焉。 經之謂也; 夫子之出斯言也!'」 便於人者,故不 於内矣,無 君子之居喪,有内 翼 曰:「何哉! 衰而見,不亦可乎?」「今之學 内服,非衰經之謂也。 無 功之喪亦已久矣,而曰 可 敢 也。 徇焉,故雖 服,有外服。 夫子之出此言夫 吾見子之飲酒矣, 不便人者 。外服,衰 古之君 何哉 寢 而 -

## 蟜固能守禮議

然,况其 不脱衰而 禮 疏 親 見,遂可以爲禮乎? 者乎 有 疾,男女皆變服。 1 脱 衰 於私 門,非禮 哭武子,非 于 親 者 也 且

譏之,君子不見亦不歌。情也,倚門而歌可以爲情乎? 記者蓋

交

年之喪無外事。 矣。雖然,不若不見之更爲正 或非之,况齊衰而問疾乎? 帖,後之守禮者執用刺。 昔者吾邑之故諸生之見邑 曾子齊衰 確 而 日 弔友,君子猶 也。」禮,三 一用 長, 以 刺 E 揭

無親喪不入可也。」註:「美其能守禮。」非。見,不請見人。權臣之門,豈少問疾者,雖《雜記》疏:「衰之喪既葬,人請見之則

## 喪服妄議

妻之喪 終三年之服焉,禮也。禮,君子不奪人之 父之喪也,子之喪而 父在 而 已矣。 而其子有母之喪,非母之喪 祖 在 已矣。 加 其 孫 期 有 而除之,無 父之喪,非 也,

喪,而奪其子與孫之喪乎?

之同 居 庶子爲所生母。 憂戚之勿忘焉, 之中,不昏不宦,飲 父服 曰 : 元本「故母服」以下另爲一行。 其子與 非 即 禮 於夷矣。 也 何奪人喪之有 孫之服,除 食寢 生母之同 况庶 處 無 外 母 適 敢 不 越 除 而 母 於 内 杖 ,本注 故母 期 喪 制 ′′;何 服 謂

# 爲人後而復歸者爲所後服議

미 之者也。 受 田 喪,裒仲問服 田 以 必 五 吴裒仲幼 有 也 百,踰二十年矣,而 仲 其 雖然,將退 木之爲 加 於陳 服 嘗與從兄仲木同爲緑 平 子。 ! 後 而 故 陳子曰: 就子之本服,則 也。 復辭 所 「古未 後 之 之 而 野 母 歸 有 後 之 其

或曰:「先王之禮,不可以妄有加也。

言 之稱 從 母 父 也。 期 之,亦可與 母 父 夫 年 以 而 未 蓋 母,而 母、族 耳 者, 知 復 年。 而 父母之名,不可以妄稱 服 同 有 ", 斯 ·,何 其 隆,于 歸, 緦 故雖出爲 以 荷 非 則 麻 必 難 非 本 必 可 嗣之與? 也 父母,而 出 뻾 之本 同本生之降 也 加 ? 緦 一,推 日 於所 矣。 反之降 期 也 麻 嗣 服 爲 人後,而 既 ൬ 同 父母。今之稱 後亦 而 降也,本生之 而 已 遠之之詞 必 緦 有父母之名, 而 服 思之,日: 有以 降 日 心喪 麻之,本無 不敢 亦 服 矣,而 本生 於所生不 同 也 爲爲後 三年 曰伯叔父母 也,亦不可 也 父 奚疑 何 「皆 母 降 所 易 焉 功 名 服 父 而 後 敢 知 服 非 耳 乎 緦 隆 母 爲 則 而 復 日 也。 也。 也 之 則 則 伯 妄 無 歸 嗣 雖 陳 服 族 口 者 何 服 父 父 且 出 叔 奪 必 子

或曰:「何爲而不可? 所生恩重,故

之道

也。」

歸者爲所後期

親

期

, 疏亦期, 亦無可

復

降

之異。

故爲

人後者爲

所

生期

親

期

疏

亦

期

之,將不勝變,亦謂親兄弟及一從再從與袒免以下

疏

謂

再從

而

下。

無

可

復

降

之道

也。

後

而

復

也。

且是二者元本注:

謂

兩降服

皆禮

之

變

也

雖先民未之嘗言焉,有以

知

其

必

然

也。

惟變,

故爲

必

不

可

變

以

節

之。

又

變

期,而

不遞

降

也。

所

後

恩

輕,

歸

則

已絶

矣

雖

搋

爲

人後

服

必三年也?

重

故

也。

所

生

恩

重

一,所

後義

重,且恩

生

一義,義

亦生

恩,

何

輕

重之有

1

故正

服皆三年,降

服

皆

期

禮

降

而

至

無

服

可矣。」陳子

日

輕則

何

以

爲

矣,而

從再

從,

與

袒

免以下之子爲後者,爲本

生

服

皆

降

不

声

降。

謂

親

兄弟之子爲後者爲本

生

固

當

期

議者有謂爲人後不喪生母者,故

論之。

之母 生母。 乃 降 仍 不待 生母 本 是降 是 生父 而 言矣。 不 嫡 而爲人後者之母也,若何而 異是,有有兄弟之生母,有 禮,爲人後者,爲 古無爲生母三年者,有之,自近代始。 母 忍降者 而 有兄弟之生母,固本生降 母 降 不降之意。 繼 無兄弟之生母 服 母 情 期,心 皆 也。 有 喪 其 然禮所 蓋 爲 私 = 之三 不得 年。 親皆降一等; , 則 不 謂 年 非本 降者 本生父 詳 不 者 無兄弟之 服之條 觀 喪與 故 生兄弟 義 禮 降。 母 也,

義之宗。《八母圖》,生母同三年矣,然猶前者不可考,至朱子《家禮》,儒者推爲禮

工文集卷六

之 所 齊 此 夫 焉,况禮之所 於今莫 進,衣則外熟布,内 而 母皆在,人子不能 喪之後者 非 不許,而 死 衰 不 所後之得制 年之中,不 而 更,斯 赴,葬不告期,位不中堂可也。 耳 情 乎 許 有 則 迨 乎 不 禮之過 飲 洪 者 徑情直行,則殺其外文, 能 酒 武 生布,哀戚之不忘焉, 也。 已者,人子 禮許之矣,或所 食 五 厚者也 肉,不 年 矧其在所後父母 , 竟 改 内寢,不干 猶思自 雖 斬 然 衰 後 若 盡 禮 父 至

不得 非 畢,已使 蓋 ·其父母」,一則曰「其 其 雖 也 (母而 壓 哀之也。 王子有其母死 無三年之愛於其父母乎?」一 於 人惻 誰 嫡 母 母, 與? 然 指 心 可 之日 動。 E 而欲終喪,不得原之曰 非 其母 母」,皆不待其 今雖爲人後,生 其 母 則固 與 ? 親之也 故 則 辭 日 母母 之

> 慈與 父後 至洪 生母 殺 也。 降本生父母,則疑於並 爲 養母之恩,則不能兼 女降父母 母、養母、乳母,不 母、養母、乳母之不降,無所疑故 之不降,一降不再降者也 養母、乳母之服,亦皆無降 矣,猶皆 父後降,爲 以降,亦 豈惟 乎 養。 武定制,已無爲父後降之文矣。 家禮 生母 而不降父母以上之義也。 故慈母、養 斬 必不 人後亦降,不待言而 衰三年,而不云爲 庶子 無降,雖 爲 疑 爲 人後降,不待言 众於並 其 母 生,而生母之恩,實兼 所 母 之 出 所 後 三年。 視 母、嫁母、慈母、 也。 謂 後 父 生 固已降期 父母。 (母;不 母,恩 出 人後降,况 爲 也。 一母、嫁 父 可 丽 慈母 矣。 知 後 固 不 即 降 蓋 可 降 也 母 ·爲 慈 慈 知

三年矣,而爲人後之仕者,猶爲之請假,治雖降期之本生父母,有本生兄弟爲之

者乎 喪,猶 焉 喪三年始 不可不喪。 ,猶不可以不 1 得 請 故 補選。 不降 假,况獨子之生 豈惟 喪 期 豈惟 三年 也 固 不可不 父母,雖 期, 雖 母, 喪 緦 更莫 伯 麻 而 叔 焉 兄 降 爲 袒 弟 期 之 年 免 亦

乎? 也。 乎 爲 袒 始」,忍言之乎? 「自白始」,而曰「自子思始」,不忍言白 之喪。 免以下者爲之喪, 今日「爲 喪 予、宣欲 孔氏之不喪出母,自白也始,然不 有 今所生子 無 後,無 人後之不喪生 短 喪,猶見誅 不忍言之而忍爲之乎? 無主 在也,而 無 族 0 黨 無 則 孔、孟,况 莫爲之喪, 五 母: 友朋 服 自 之 其子 鄰 親 不 里 始 某 邨 以 則 日 可

殮於本: 雖 養其子 父死 或曰:「其母元隨本生父居而未嘗就 者死 生,葬於本 而 迎養者,亦反葬。」「或其母雖 則 何 如 生,子歸 ?」曰:「本生父主之, 爲位 而終喪焉。 生

> 數子,二 乎?」曰 子喪。皆不養,則長者 下 云 則 同 而皆爲人後者,宜 本 : 生,降 小 子何敢言禮,蓋 心 喪三年, 喪之可也。」「 何喪?」 斯 推 日 不 本 易 時 之 長 制 所 禮 以 而 養

# 爲人後者爲生母服議中

不降 情 而 害公理與? 生母之文, 或 日 . 生母 服 丽 子 議 雖 創 爲 推 此 本 議,无 至 情,然 乃 禮 徇 私 無

吾父母 謀 夫爲 耶 ? 也。 人 後 故凡 人後者,非樂爲 日 凡僕所言,皆參 而 而 何敢 先絶 無後者,皆天下之大 後 伯 然 所生之後之理 叔父母,此情之所不 也 1 人 情與理之中 天下豈 後 也, 乎? 痛 有 痛 離 其 也 而 夫 無 情 云耳。 忍言 不 鳥 後 之 理 故 有

有子 生母 之所 所後 母,而 者並 别 適 降,無二子則 知 之。故雖 也。 所生母之有子 知其必然也。 母之禮焉,何 則 先亡, 一不降。 而 不忍言 然吾父母 養於私,喪祭 則有子無子未可知之辭 無子。 爲 爲人後,而吾父母固 可 則斂於寢、祭於寢,同 不 也 不降。 知以一之? 多後 降諸姑姊妹之無子,而 而 人情莫慘於無子,尤莫慘 禮,諸 嫌於所 故 無子者與? 不 而 於 姑及 禮雖 伯叔 得 私 後 已 調 加 姊 無 父母無後, 而 云害公 私室私 曰 妹 明 分 今雖 有 雖 文焉,有 也。 所 子矣。 有二子 廟。 嫁, 日 後 理 不 未 祭 乎? 無 亦 降 反 以 如 於 事 降 子 於 以 則 可 惟 後 情 生

非 母 其子 猶 母 或 ,其母 也 日 禮 與? 適子 ,兄弟之子猶子 , 衆子既皆爲之杖期, 而必奪爲人後之子 也,則 兄 前 弟 可 之 子 謂

之母之,何與?

許其 喪三 言奪 循名 尚 之而 所 不奪矣,而 謂 而 其適子與衆子矣, 禮 得 於其所生子矣,况不降乎,奪乎 重 一,重從 其適子 權 而 爲 年之期 子之而母之,直一無子之父妾已耳 母之,故謂之有子之庶母 日: 責實者也。 有 親 所謂 子之庶母 其所專 庶母 疏 孰 與衆子也,不 輕 有子之庶 重? 重 與生母 0 而 而復何庶母之有! 故 而 爲 喪 奪其所生子,則 杖期之乎? 則 之制者也。 從 孰 母 必 其 親 降 杖 不於適子 所 ? 也。 期 也。 親 者 並 親 即 今 且 惟 期 夫禮, 降 並 從 與 其 其 奪 無

<sup>「□」,</sup>似當爲「胡」字。

# 爲人後者爲生母服議下

不降並 兢惟 蓋 母,此禮之不近人情者,故不容不議 爲父後,不避爲人後。今不爲父後降矣, 蓋 與子言,故然也。 非 心。 嫡母、繼母 人後者,獨引古禮以絕其 同乎? 義以一妻子,有不可苟徇者。 庶 子爲人後,猶女爲人婦。嫁女降父母 所 母 謂 禮法之守,不敢過,亦不敢不及,安 今議生母之服 或曰:子前議禮,甚嚴 之嫌,嫌 反 存之嫡父母,而降兩亡之所後父 今學士大夫已事事 也。 在,爲 前議 於並 生母 君主法以一臣民,父 爲君與父言,今議 而 嫡, 固 忽反之,何也? 斬 不 所生,則不通矣。 衰三年矣。 嫌 嫡庶,聞者 從俗,而於爲 臣與子則 於並 後。 爲 也。 今 主 而 可 避 兢 臣 快 日

> 若夫 時制 凡禮 者並 制 如 兄弟之爲父後者不降,又 不 作 用之,吾從古。 降高曾祖 -,天造 不降,則知 既 无 嫡庶之嚴,在三代以上者,此 明 重 生母, 文 地 父母。 而 設, 豈容以 可以 雖爲 則就時言時,有 又爲兄弟姪之妻不降, 意求 人後,亦必 私 一雖嫁 之者,此 意增 而無夫與子 有所不降。 減 當 類 其 神 然 是 聖之 間 耳。 也。

\_ 大

# 乾初先生文集卷七

海寧陳確著 族玄孫敬璋編校

議二

## 嫡庶喪服議

重之。 君臣、父子、夫婦、兄弟之倫 子、夫婦、兄弟之倫於是焉 喪,至於今不易,不亦異哉 及物,俾大夫、士、庶並得爲生母行三年之 春秋》之義,甚嚴嫡庶。 迨乎後王,全以私 情絀 係。 亦 亂 公義,推 蓋君臣、父 嫡庶亂 故 明 則 己 主

> 爲甚。 之分 情 己。 以分則 則生母之恩遠 截 故庶母 夫 嫡母之尊遠過生母,豈惟不同焉 私情之不可 然。 謂 今 嫡 而 母主母 過 同之,亂 以 嫡 絀 母 公義, ,謂父主 ,豈惟同 倫 久矣。 蔑禮,莫此 君 馬 而已。 尊 故 而

天下 其爲 不當開喪,如父與嫡母之喪。 與嫡母者。不可行之於鄉黨。 終婢已耳,孰尊之而孰喪之? 后之喪。 天子,必尊其所 不聞爲太子母妃喪,况大夫士庶乎! 可行之於家;雖可行之於家,謂庶長子而無父 者,確亦有説以 母,然後可正其爲母之喪。 喪之也。 必欲遵時王之制,爲生母行三年之喪 當其爲妃,雖太子之貴,不 士庶之母,妾則終妾, 生妃爲太后,故薨則爲 處此,日: 雖時王之制,君在, 可行之於身,不 死不計,葬不告期 妃之子爲 能 婢 Œ 則 使 太

之則 言及 慈殿。 耳。 以 崩, 以 太后於此,而 后,朕生身母,止尊稱 起,恐後 祖 恩 贵 舜爲法。」上曰:「然。宗廟 事不足學。」李東陽對 宗惟 如太 德 服 可 唐、宋故 羣 孝 禮 天 毫髮 錢太后乃皇祖 深 弘 臣 (廟,不 下 有 穆 今仁壽 厚,朕何 治十七年二月,太皇太后 引 來雜 帝一 徑 矣。」上日 未安,不 太后,尤見大公至正之心, 事 成 羞 ·敢少缺。」東陽奏曰:「皇上 j, L 以孝穆太后袝,歲時享祭, 化 宫前 亂 后, 間 敢 日 無 行 學士議祔葬祔 志 今若並 太皇太 册立 : 殿 紀 : 則違 此 1 儘 皇太后 曰:「皇 極 事 正后 寬,意欲 耳。 須 但一人之 事 后 袝, 先帝之意,又 事關 師 却難 一别祀 鞠 古 上當以堯、 且 乃 我 育 係 ,末世之 孝 從 朝 處。 奉 廟文, 朕 極 於 私 周 穆 朕 以 太 躬 重, 行 皇 氏 太 來 情 可 奉 壞

> 中外 宗之制 朕嘗思之,夜不能 違 羣 **翕然,稱得禮** 臣 爲 會 尤重耳。」於是卒 議。 會 云。 議 寐。 猶 可,奈 先 -定别 帝 固 先 重 廟 帝 而 何 祖 1

詳慎 王盡 和 唐、宋諸 之極。 制 ,務求至當,以 史臣稱孝皇此舉, 惟 君 嗚 孝子爲能 於不居。 呼孝皇,吾無間 昭 享 所 親 謂 代 抑情遵禮, 惟 惟 之 然矣。 聖 彝 天子 典 盡 倫 反 建 而 中 惟 覆 哂

## 不用浮屠議

也 二家化之。 ,然戚尚矣。 二家,要有其本,非 子言喪禮之本,與易 伊 ĬΙΙ 先生家治 今吾 得無 喪不 鄉之不用浮屠者, 微存矯飾 止 茅 用浮屠,在洛 寧 甪 戚。 浮 而 屠 非 非 已也 用 取 吾 何 亦 不 情 易 翅 有

事 乎 性 者 而 ? 乎 後 平 ? 然 至於中焉,道 1 是皆 惟 用 不 吾 戒懼君 不可 易 情 猶 矣, 不 可 子自 固未 察。 得 而 毋 得之耳。 可 易 雖 以一言盡 之 子言之,猶 往 反 而 爲 過 亂 幾 也 其 於 累 凡 滅 口

爲 口 可 , 能 耶 而 盡 若 止 禮 以 于不 用浮 則 殺 可笑矣。 屠爲 人不 非 爲盜 禮,而 辟之殺 者, 即 亦 人 以 豈 爲 不 遽 盗 用 固 浮 有 未 屠 所

## 聖廟議

子 自 行 計 ,儒者以爲美譚 漢 口 高 聖 丙 王 故 午 末 秩 物 流 窮 祀,本於 之失, 則 月 變,變 車 後 下 至 駕 王因之,崇禮無替 公, 徇 則 過 人 通 故 私 民 以 弗 至 太牢 志 可 於 不 '已矣。 祠 惑 不 孔 可 而

> 以 何 不 後 時 亦 善手 而 儒 已哉 ",好惡 1 議 或 者 乖 欲 ,致屢進退,是紛紛者又 益 廣之,陪以 羣賢 贅

未止 計 禮无二主。 廟。 以 玄元? 主,主各百有 示 共不下千五 弟子、諸儒 隆 確 竊以 禮 其爲淫瀆,莫斯 是 何異 今兩京、十三省、府、州、 爲 其 餘 京 百餘 餘 (釋子 各 位。 師首善, 祀 郡 所,學各有 其 縣 之奉 主二不 鄉,合祀 但 之甚。 特立 可 如 立 來,道家 可,况皆 廟 學, 最乖 廟 祀 孔 廟 縣 禮經。 可 之供 干 各 立 有

儔 孔、 若 祀大 堯、舜、禹、 ,攷之典 云 孟 大道 成之聖, 蓋以聖學之隆 而始, 之傳 謨, 湯、 則 而以子輿氏 理 咎 自 不 學 繇 羲 自 、農 淵 ,極於孔、孟。 、离、益 孔、 源 以 孟 班 降,如 而 配 班 伊 終, 於於 口 尹 書 亦 述。 (、傅 禮已足。 文 當 故 巖 當 所 至 不 於 自 之

禮若 至於 天下 縣 學塗飾 夫不得祖 之祭,子所謂諂 從祀之典,以絶 濂、洛、關、閩 文王、箕子、周公,益弘文教。 亦足悲矣。 並 梓 佛寺道院及梓潼、壽亭等神祠。 ,佛更靡 祀先聖,已爲非禮,然猶莫敢家祀也。 此,况于所 潼 言 諸 貌,人人自 則 侯。 故當詔罷 月日 下哉 靡 覬覦,然後繇本及末 土 不 夫莫親 禮,諸侯不得祖天子,大 弗祀,尤當厲禁。 口 而 弗 知 以 各 圃 之鬼 於孫 郡 俎 祀,壽亭則 舍 彼 縣 豆 ",祖而 學聖 乎 百 取 豈其 哉 世 此, 一廟 加 靡 徒 學 猶 盡 並, 有 家 故 非 令末 反 限 郡 削 於 鬼 毁 出 而

備完。 爲 壽 悉令拆毁, 鄉約 之義 今天下佛廟、關 所 其寺院閎 以 亦 以 祀其 資 止 城 祀 鄉之賢者,於禮 大者,或 築諸 於 其 廟 鄉, 竟 費 量 不 則 或 一留爲 知幾萬 特 財 不 祠 爲 公廨 於 得。 困 萬 死 而 億, 若 或 事 國

> 舉哉 俾 儒 以 之所,京 有 類 人有 罷。 武 師 勇 恒 僧 者即 不得立廟。 業。 道 並 使 嗚 令歸 投 呼 戏。 農, ŧ 其 不 有文學者 餘 四 亦 非法之祀 民 聖 各從 明 即 其 之盛 使 業 悉

## 南北墳祭議

與! 故合族,仁人君 或待後昆, 墓祭,非 而禮 僭 俗 附數言, 相 古 沿,不 子 也。 以 追遠 以資 然 能 墓 無 射 一祭故 而 敝 擇 合 與 涣, 重宗, 時 可 損 不 重 務 一宗

後北 父食。 二祭,率先北 副 ,不宜先 ,移彼獻 一、南: 魯躋 北 僖公,君子 墳 墳,後南 北 此,父餕 祭禮,宜分不 後 南 . 墳 子 禮 用 餘 譏。 子 又 兩墳祭禮 宜 雖 神 今吾族 合,宜 靈 齊聖, 有 知 不 春 先 只 南 是 秋 其

无恫! 此失禮之大,不可不革者也

能

議,遂 孫,而 也。 禮 袝 子 耽 代之賢 理 祭,雖支庶不斥, 而 亦分孫子。 H 詩》有之日 孝子不匱, 清而 養閒 葬。 視 袝 川 上之,雖 子 葬之子 府 ,曾不獲一染指,諸 分日 擯 祖 弟有 太公祔 咸 君 准 北 絶 穴 諸 主祭,皆同 從祀於孔 如 加 墳 異姓之功臣 正 酒食 孫 「惠於宗公,神 故 永錫 廟 祭。 路 賓 具獲 祭 葬,其 生 中之禮 人,此 暘 必必 曾 則 而况大宗乎 爾類」者,此 雖 太公穴内, 醉 無 廡。 有 饌 一袝穴 穆 日 飽 何 下 佐 先 元, 則 合祭,自 得配享於太廟 禮 况 逮 生; 孫之有人心 餕,死則 而 有宗 兩祭皆隆 袝 何 之恩。 同 罔 其 父 義 廟 其 穴之宗 之謂 時 祖 孫 祖 也 者 宗乃 後 昔先 昭 怨」,又曰 梅 有祔 有旨甘 皆 生猶 上 格 則 也 出 者能 子 一祀之 於 得 有 在 王 太 且 食。 宗 旁 此 推 死 羣 父 祔 公 帰

學,贍 通,通 弘 袝 饜, 今 下 廣 位 餘 飽 力 如 憾,无支辦不給之苦,无連 某公之无祭 渠太公之祭於 田 孝慈, 慈惠。 之 養 下,皆有祭田。 咽 頓 生之道, 并二房雙渠太公位下祭田 口 兩 則 子 乎 閒 墳 贏 則 勢 貧宗,孤寡 節 ! 子 太公、梅岡 孫 久。」 以 不 選 无紊 其 姓 則 是 或 能 彰 擇 酒 H 日 不 故 圃 総。 有 賢 通 南 越世次 食 而 繁, 孝, 取乎 養 於 變。 能, 墳 同 有 合无將養閒太公位 閒 則 故 賓陽太公則 太公之祭 自 酌 葬 所 俾 ! 太 噴 曰:「物 意 成 推斯 北 之譏,无 禮 即,昏 有 掌 公 者,孝子仁 童 而 墳 進 /煩言; 奇羡 位 道 者, 丽 墓 日上墓之煩,以 情 下 葬 L 也 於 併 窮 田 隔 舉 无 北 <del>,</del>不 不慈 有 則 既 미 欲 梅 雖 别 得 所助 變, 墳 兩 合, 孫 人 啻二 以 如 出 天 袝 訓 墳 建 親 人 於 則 某 祔 太 變 視 祭 下 百 醉 屬 之 義 財 以 雙 祭 公 則 死 丽

數 允 當,亦 惡 而 增 時 數 勢之宜 善。 故 薩 同 者 穴合 也 葬 不 惟 情 理 之

方外 苦; 虞,又何有於北 可 春祭則 始 行 南祠 禮 有 之忠實者,酌 北 <del>前</del> 餘 於南祠,秋祭則於北 亦 力及 兩 墳 宜 墳 宜 哌 祠哉 此,不 亦 脩 更 無 畀祭 , 毋 建 畸 然 祠, 致 重之患 南 田,使守 /漂摇 備 祠 祠 風 且 矣。 庶 酮 有 兩 祠 露 傾 風 亦惟 祠 辦 圮之 祭 各 雨 皆 之 合

## 宗祠末議上

乎? 本 共 族 張 祖 家庭、「父慈子孝、兄友弟恭」八字、是 同宗, 本。 宗祠之建,所以合族。 願 我宗人力敦孝友,推之遠 苟骨肉之或 自 然 患 難 相捄, 乖, 又何 德 睦 相 族之道 有於 勸, 族 孰 過 疏 非 族 睦

規,共成禮義之宗,不亦美乎!

### 右議睦族

半; 之見渠公、對梅公、新 宜 合。 凡 地 各支二兩五錢。 兩墳祭費,每祭十兩,則養閒公墓田 袝 然。 體祔祭,應无異同 不改闢,而 梅岡公、雙渠公視養閒公之半。 主者 其費:支養閒公墓 祭於墓,凡袝葬者皆得合祭; 至 如 皆得 南 費充然有餘,他年子 費 墳之 合祭, 亦 給。 南 禮 洲 厓 窮、 田米,視 也。 公, 變、 五 雖 西 兩,梅 祭 通、 灣 无 合 南 姓 祭 公, 岡 祭於祠 則 北 田 日繁 雙 謂 北 費 事 墳 渠 如 或 亦 墳 公 支

### 右議合祭

祭梅 三,不无祭數之嫌。 而次 岡 每 年春 公於 日又祭養 秋二祭,正日合祭南北 北 墳, 雙渠公於 閒 今如合祭議 公於北 南 墳 墳, 第 可 L 墳 日 祀 則 是是 又 再 次

子孫 族子 以 日 留 无 歲 乖 助 三日 孫 昏 體 喪 親 養閒 之一,以備 之 耕 之誼,又 疏等殺,固 祭 讀 公、梅 决 之不給者。 宜 非 何 從 岡公、 時 己 所 殺, 不 極 不 其 安,而 得 可。 雙渠 兩 贏 盡 墳 以 各墳 公 緩 贏 贍 急變 則 費 贏 無 各 以 羨 告 贍 通 贍 仍 以 其 合 並

### 右議減祭

備 用 子 專 ,,夫不 乎? 設, 之禮然 樣 南 以 兩 北 ·祭妻。 移 將 墳 也 副 南 至 雖 祭禮 祭北 敬。 同 况 ,分祭 日 子孫之祭 不 禮,餕 合祭, 敬莫 南 北,不得移易 餘 而 祖宗 大。 兩 不 墳 祭 今 祭 而 後 父 禮 餕 决 不 餘 並 誠 祭 官 是 須

### 右議專祭

禮 出 公主 南墳設祭 賓 暘 亦 公既 然。 南 葬 倘 祠 北 春 墳, 北 秋 墳設 墓 主 宜 祭 祭 移 北 風 奉 祠 雨 北 不 庶 祠 爲 能 兩 成 梅

> 並 孫 重 盡 無 ,今既合祭, 0 待擬 蓋 子 北 孫 議 祠 飲 者 雖 福 也 義 長 亦 房 無 春 所 彼 南 建 此 秋 ,决當公之合族 要 北 並 是 兩 賓 祠 陽 無 公子 偏

### 右議遷主

族 有 揖 立 不 何 百 獻 齊 而 公議 得 人 人,務極公平。 1 止 子 煩 相 相 私 萬 再拜 孫 廟 今議 則 向 相 揖 ,静聽宗 向 中之禮,貴 亂 四 亂揖。 先 再 廟, 子 禮 揖, 揖 後 即 孫 朝 不 乃 錯 長 如 乃 人 上 俟祭 可 毋 酌 就 祠 廟 雜 退 數 於整 不 譁 中 處 席 過 故 祀 略 神 畢 争 神 禮畢 也 四 無 齊嚴 ; 前 事 宗 主 飲 揖 倫 無 四 長 争者 畢 乃子 共一 ,子孫東 ,祭祀之禮 次,整 肅 揖 喧 亦 辭 虚 囂 劉 神 各就 + 孫相禮 顧 聲 肅 心 八 體 之謂 簡 又 西 位 位 序 問 四 則 如

右議肅禮

## 宗祠末議下

秋 中 禮 而 矣,就俗言俗,當如 祭之墓 同 藉 飲 掃 廟 飲,何間 不 祭,不 拜,歸 得 草 必 或 問 露 而 與於祭乎 於堂,小飲 亦祭之,此何禮與? 確 飲 祭於寢之爲合禮。 親 墓 曰: 乎? 祭。 疏? 子嘗 1 墓 必於 如 是 况 既 祭謂之野祭,不 欲 耳。死猶生也,辟 生 集 亭 廢墓祭, 同 於野 館,豈當 體、 今既 矣,同 日 : 葬同 今 從 不 然。 非 穴 若 可 所 集 曠 必 之 古 當 野 止 春

禮 此 自 四 猶 非 世 雖 就 以 無後者,不可 或 卿 上 曰 本支言 大夫之家, 乎? 墓祭則 也,况非 曰 : 請 然矣。 四 此 歸 世 亦就俗言俗當 本 奉 以 支乎? 若 L 私 一之主 夫 廟 祠 與 皆從 ? 中 况 袝主, 按祭 如 不 祧 止 是

> 此? 若其 成 姓會 無 常禮格也 族 也 氏,不辨長幼者十四 來,近者數世,遠者十二三世矣。 閒 禮 飲 姑一 於親 拜,則 子孫曰:「此吾祖之主也,何爲 福 且 願 於是 此 歸 非 疏故也。 設於此, 奉之家廟。」其誰 一獻,又 且 者也 家 此 廟 日 乃 况於祖宗,孰敢 飲福之子孫,自遷 或春秋墓祭,風 其 外 Ħ. 是 祭 此 焉,咸 始 無 無祭焉 祖 常 曰 獲醉 墓 額 不 故故 祠 미 惟 飽 不知 所 異 不 雨 歲 而 同 置 以 朝 祖 可 不 去, 名 於 能 以 以

# 撤 主 議庚寅十月朔日

父 東 以 母母 從 田 禮也 神 吾遷 祭 於伯氏 主 居於楊,嘗 祀 ],義也 之。 念不 既 而 私 可 知 設 以 其 先府 獨 非 費 遂 君神、 伯 氏 撤 主 一泊祖 因 助

即 分 語 舞 余 知 不 平 何 佾 撤 笑 念 己 故 ,便是人欲 謂 非之, 日 念 人於惡,皆 許 而 讀 門 大 旅 是 書 人 是 即 辛 泰 善 明 即 厚 心之難 Ш 日 此 理 此 葬 猶 乎? 是 ,故非 顔 學 可 此 未 主 私 者 子 悟 類 化, 意 既 能 吾極喜 ,子路 天 往 淺事 也 設 也 無 又 理。 往 矣 何 過 自 繇 使門 既 尤 , 高 故 恐 以 是 况 知 於 景逸先 知 未 爲 觀 其 念 季 過 可 善 之, 爲 非 念 氏 天 輕 臣 是 吾 之 理 生 加 何 撤 子 惡 儒 不 數 祖 故

## 主皆南面議

以 何 口 皆 序 也 ? 日: 昭 南 或 穆 日 面 也 乎 ? 「吾未之前 而 家 皆 日 禮 南  $\forall$ 面 龕猶 四 聞 代之祭,主 口 也。 乎? 室 也 宗廟之禮 故 四 皆 皆 龕 南 미 亦 所 面 南 不

> 爲 而 正 正 面 面 唐、宋皆然,故 非 ,袝於光武 也 下 一四四 古之禮 左右列, 出 則 主 龕之以 何 而 以 也。 祭之, 有祧則遞升 以 至今不 禰 西 自 註 爲 爲 貶 云: 猶 東 上, 變? 損, 廟。」 家 『漢明帝 何 宴 一禮也 後 夫既 也 也 遂 祖 ?」「朱 龕 因 故 以 不 居 而 不 非 知禮義 中 不 得 禮 子 改,至 袓 皆 義 亦 之 南

## 四世祭議

之可 猶 也 今夫萌庶」云 有 而 自 學者之私意也。 疑 今皆僭之,亦有 議 焉 或 程子 革 日 而 三云,今 者 而 未 甚 四 定, 敢 附 多 世之祭, 于 輕 日 ), 而 後。 可 元本此下有 「高 議 議 何 也。 且 祖 者 暇 士 今 有 與? 大 及 斯 土 云而 服 夫 四 禮 庶 自 皆 世 之家 之 猶 宜 不 有 弗 祭」, 未 得 確 朔 之 可 盡 者 祭 望 則 革 亦

之獻 也 世 必 佛 可 也,中元之施 革 也,而 未可革 食也,關帝、梓 也, ൬ 何 潼之 暇 及 祭

學者之私意也 親 蠶 况 今以奪其 恩禮之及,死則 心,率爲之立私 得祭於私 敢 畝之宫,一卷之書,自 穀之神, 于 ,而何况四世?」曰:「支子不得祭,以不 恩養、厮役、乳抱之賤,苟未能 禰 或日 1 "「支子則不得祭,奈何于禰 祀 室,從祭於宗子,雖四世亦可,而 今夫萌 以祈 則 何敢輕議 在正 祀 以 焉。 庶之家,雖 報,罔敢 服之中,而 况吾儕 高曾以 也 或 户 廢 承 雖然, 來,生或蒙 上、井 欲 藉先 以 恝 旦 於吾 至 則猶 猶 竈 廕 疏

之也。故王者禁之則禁之,王者弗禁則弗「雖學者之私意,而王者弗之禁,則猶然公「學者之私意而苟從之,可乎?」曰:

行之之類是也。」也,失禮傷教,莫斯之甚,而王者欲行之則禁。亦猶之庶母之杖期也,生母之三年

## 忌祭配食議

母矣。 考配 妣 顥 仲木欲反之,以問考夫,考夫以 繼 益不通矣。 某配」,爲文害也。 生之祭忌也,祭考則妣配,祭妣則 母, 配。 如曰:「必也其交配乎! 或一 何義也? 《家禮》忌祭,考妣相 確 何義也? 若並 曰:皆非也,忌祭不配。雲村之不 繼再繼,且三繼,配之則不勝 且如 配之,則瀆紊滋甚。 眉山 祭繼母 祝害也。 父一而 劉氏謂當云「謹奉以配考某公」, 圃 配 母 祝主妣,而末乃云「奉考 爲 以考。 或不 配 共牢之義 也。 配。 仲木之不 則 問 也。 不考配 雲村先 反 顥 去《 (遺嫡 也 如 家 母

禮 合; 廢 미 祭,吉祭也; 之猶 知 》之失,若 凶所獨也,故不 矣。 可 故 圃 君 有 忌,祭, 况 間 子有 미 矣, 配 三年 必合。 N 乎 而 祭也。 1 亦 之 未 觀虞 喪 爲 吉所 盡 人祥之 則 義 廢 同 也 廟 無 也 一,故 祭 配 時

## 士祭議

是 配 教 得 故 明 祭 天子止 士 四 服 甚。 然無復尊卑 廟 上 世 殺, 一得祭 庶 而 自 故天子諸 人 伊 伊 禰 無 ]1] ĴΠ 也 上下之紀,容可 廟 謂 之言 一高 圃 侯 祭 可 加 祖 無 禮 乎? 期喪; 定 有 之 也 服 不 故 自 可 長 祭下 士 失 宜 以 平 庶 ? 禮 祭」, 喪 殺 之 禮 傷

桓

者,親之也;

祭桓

而

用天子之禮樂,尊

之

享之禮樂,於是

歌

雍

而

舞

佾

夫

祖

相

而

祭

三家祖

桓,故

祭

桓

;

祭桓

故

用

桓

所

嘗

故 行 家 支子必不 王之禁 主,而從祭於宗,同學 也 則 子 亦 孫 確 情 可 尊 於 而 有 之 以 尊 庚 可 所 情 親 僭 無 寅歲 也; 絀 靡 祭 親 愧 矣。 窮, 四 矣, 律 祭於廟猶 撤 世焉,於宗子猶 以 而 而 先考 先 夫 今 或 子 王 世 難之。 神主 一之禮 俗 可 深 之 也 誅 洎 之,何 所 有 今以 祭於墓 王 可 節, 謂 考 也 孝 妣 也 非 故 之 禮 於 必 時

其謂 數十 祭。 祭, 之祭,益不可勝詰。 而 尚 春秋掃拜,歸 是與! 世 何 竊謂當禮。 今年秋,家 桃之有乎 而 <u>+</u>, 王者有作,其忍寘諸 凡 仲 有墓者,並 墓祭不 祭於寢 1 氏 定《 濫 古皇之衰,民 也 革,則 桃 樷 甚 得 桂 主 矣。 堂 與 之 寧 約 惟 墓 春 其 神 ,拜 秋 四 諸 而 之祭, 世 瀆 革 而 一,雖 鬼 墓

不可

也

#### 與 祝 鳳 師 論 家 廟議

置 主 祝 母 鳳 龕 師 之 以 側 先 集 句 見 似 示, 可 確 删 指《 鳳 歸 師 囑 問 **>** 内

何 以? 日 -尊先 君意 以 所 生不

母 廟 貶 正 亦同之。 己以 \* 也 而 奉 尊 示不 於孝 生 先 祖 君 安,雖孝子之 饗之誠 母 於 於 贈 别 廷 ",亦可 室 評公爲大宗,禮 用 體致祭子霖之生 心 無 然 得袝 憾。 非 廟 當 或 禮 之 臨 袝 故

意 情, ,祭畢,即 以 明 後 人 奉主 不 忍 歸 倍 廟 0 尊 先 此旁行曲成之義, 君 臨 殁拳 拳之

祭,

時

暫

奉

尊

先

君主

陪

祀,

以

申

孝子

之

私

以

臣 或 可 議 袝 以意起 每 廟 感孝皇 禮 者 引 也 朝 唐、宋故 太皇太后 事 0 周 上 氏 日 之 喪,

事

須

羣

庶乎 易 穆太 敢忘 師 日 『太皇太 古、後 可 后並 也 然是 0 世 祭于 之 天 后 朕 事 子 别 鞠 不 且 廟 人之私 育朕 足 不 法。二 此大孝 躬,思 敢 情耳。」於是 大哉 徇 德 也 其 至厚, 皇言 私 雖 百 况 世 與 朕 土 孝 不 何 且

乞並 以 鳳 達 師 之諸 蹶 然 父也。」 起 拜 日 : 幸 老伯 惠教 及 此

#### 補 草 蔬 飯客議 癸巳

之薄 半分 哉; 雞 何? 而 遂以 奉母 所 學 餉客,亦無不 日 生 者 之雞 爲合於道,則不可。 每 而 庸敬 致 稱 以 飾 茅 在 餉 乎 季 母 叫 客可 實筵者, 也。 斯斯 偉 之 須之 也 議 則 即 敬 君 君子之道 盡 季 在 子 偉 以 賓 以 奉母之 誠 賢 爲 其 奈 平 較

#### 乾 初 先生文集卷八

海 寧 陳 確著 族 玄孫 故璋 編 校

秋

遊

記

記

往 則 山 西 而 來 止 假 湖 過 余 崇禎 約 館 又 余 曰 共 + 而 一癸未 : 費 日 「吾自 留 日 : 五 學 而 秋 旬 嘻 焉 仲 東,渡江, 此 日 1 朏 踰 入雲棲,雲棲 子 是 甲子,祝 月而 能 何 則 言 謁念 後 哉 同 子開 返。 而 臺 五 行, 計 斯 師 美 日 古 不 道 於 扁 而 余 能 里 蕺 舟 下

> 是 志 終不 也 往 獨 也 寒 ,遂偕行。 衣 未 就 耳 . \_\_\_ 必 寒 衣 就 而 後 往

暮 常 蔭 緣 而 寅 不 谿 雲棲之山。 Ш 今之儒者,或未之及也。 傲賤 江 映 游 茂 號 門,望六 東 肩 頭 恍 流 也 越翼 之路往 林 興 戒 面 然 懸 香 偃 人 日,乙丑 嚴 凉 和 Ш 蓋 崖 氣 如 十里 往 風 循 而 隔 千 滿 之塔影, 圃 如 襲 脩 仞 路, 人世。 絶。 湖 無 石家 勤 人。 抵 下 加 人 氤 猶 自梵村 、煙,行: 西 南 錦 臨 豁 寺僧愿樸,不諂 氲 近 湖 有 步 然 襟 無 向 寺二 蓮 「帳,青 地 而 袖 假 者 旅 折 池之遺 見江 滿 宿 里,翠 晝 湍 而 經 湖 家 斷 緑 北 流 抱 樓 虎 衖 黄紫, 風 始 嗞 竹 猛 跑 之 萬 石 虎 之 所 夾 Ш 丙

且 佛 與 事 蓋 死 報 祝 何 所 益 子以是月失怙 生。 ? 余日 祝 子 曰 學 "; 其 道者安可 吾 非不 來 此 識 乃 爾 也,而 欲 乎 以 ?

之。 吾財 今九 不能 年 不爲之,此不 是則祝子 疲吾躬,以 矣 矣, 而 哀 m 號 已矣。 怬 可 悲思 吾父母 解 也。 如 夫祝 在 , 以 雖 衰 子 爲 經,其 失 無 苟 益 怙 可 以 至 至 必 性 于 爲 靡

有

過人者。

另闢 往之。 行。 僅 勝 者 小 於是始感 盈 橋 世 m 人境。 行二里,始達天池。 尺,不容車馬 余每 渡余 雲棲僧 出雲棲 而 日 而 作 有 無 東, 每 詩 庵 而 事 爲 ,所謂「十里松陰 미 則 右 攜 余言 讀書, 雖 行,緣溪 兩 筇 余 Щ 出 天池 一身, 如 有 游, 又復 削 圃 流 之佳 徧 猶斂衣 可 開 中 而 訪 種 衍明 欣欣 北 通 山路 林 蔬 然 谷 緑 而 迁 洒 後 水 之 徑

未 是 日 下 越 稽 五 西 山 日 湖 王 玄趾 庚午, 作 ^ 遊 祁奕遠、張平子昆仲于 出 子 Ш 驩 西 而 湖 風 雨 大 双 作 日 矣。 辛

> 作《 疲于 舟 三日 來 會 中 西 甲 應 馬 , 湖 而 戌 酬 漫 婁江 于時 而 歌 而 湖 \* 張 余 祝 晴 匿 偕 無 子 影 硤 遂 近、雲間 越 ĴП 六 避之,得 爲 錢 日 西陵諸賢 聖 庚 朱雲子兄弟 月 辰 少閑 渡錢 而 與 所 趣。 唐,作 跡 湖 稍 皆 越

《贈聖月詩》。

祝子。 癸未、甲申 之所手著也; 以「聖人可爲」爲 軒 而 山 访訪 先訪 ,作《登蕺 辛 解 其説 劉師之子伯 巳,人越城,作《 吟主人朱静 ·雨,入侍先生,出讀所授《易》。 調《周 Ш 出 **%** 胡 訓,授《古易抄義》,先 時 易》本《雒 崧 繩 老。 日已暮,未 高《易》 兄, 越城 假 壬 圖 午,謁 館 書》, 感 説 于蕺之解 敢 舊 》,付 辨 劉 讇 **\***; 甚 師 劉 登 晰 嶯 生 與 首 吟

集、劉北生于大路,或遇或不遇。丙戌,訪吉先、李止厓、錢欽之於昌安内外,訪陳小乙酉,訪陳紀常于白馬,訪史子復、邢

詩 也 小 登 E 通 晤 加 老 學 府 紫 歌 羣 北 先 籍 集》並《自詠 眉 直 Ш 越二 而 王 于 韓 好 工 焉 讓 參夫父子。 Ţ 道 日, 詩 亥, 賢 尤媚禮 街 己丑,《 解 + 鼓 便 吟 詩》 琴, 道 主 樂。 + 參 而 尋 甚 人 讀之, 詠》畢。 古 夫, 出 貧 其 小 ,從其父 先 子 東 學 生 經正, 和《自 林 庚 所 經 之 寅 著 飛 負 舊 亦 咏 晦 來 古 博 戴

癸巳 吉 俊 止 紫 先 兵 論 才。 法 先 道 眉 生 大大 陳 之 承 季 善 而 亭 壬 // 之, 講 秋 集 陜 談 池 集 辰 朔辛卯 堂 陽 西 祝 論 之勝 使 明 俞 解 登 子、 其 其 先 鋸 吟 塔 甲 二子 言 劉 平 生 軒 偕 Ш 越 理 先 伯 祠 祝 會 城 而 邀 生 繩 講 子 張 望 亹 飯 暢 時 鑑 謁 飯 過之。 惠 亹千餘 參 其 往 後 尹 湖 侯 夫 説 來 和 再 講 發 下 登府 論 靖 書 二 子 言 論 鋸 而 難 祠 不 參 平. 而 飲 焉。 山 夫 能 喜 邢 於 瞻

子 寺 耶 訪 而 0 是日 遂 也 秦 將 履 乙未,偕 復 議 至 斯 集 平水, 論 會 微 甲 祝 講 有未 午 子 舍 答 入雲 鋸 舟 合者 訪 平 登 門 筏 先 祁季超 江 生 Ш 飯 張 攻 借 于 奠 禪 小 樵 與 夫 學甚 余 於 風 庵 溯 天 王

詩 平 滿 猶 峯 高 舊 谿 憶 既 壁 閣 題 宋 叠 水 谿 插 風 M 有 平論 廢 看 蘇 嶂 而 句 灑 五 上 真 雲邊, 子 山 굸 」者,謂 面 一坡,詣 我 頃 名手 道 水益 美 寒,今正 來 清 刻 理,其 詩 無處 灑 變 霜 奇,清 也 此 云五五 辨 容。 面 壓 也。 , 恨 要歸 才 覓 炎 竹 谿 塔, 題 流 不 雲 天 余 雉 風 余 看 於中正 萬 存 與 君 雞 秋 山 進 倒 仞 其 祝 獨 啼 更 下 雲門, 其 蓋 姓 寒, 子 石 往 白 句 葉 感 語語 氏 橋 顧 折 云 于 碑 松 似 憩 邊 具《若邪 丽 生勢,層 間 谿 大 花 旬 石 樂 率 尋 碊 風 煙 石 橋 之。 月 閣 我 若 埋 调 落 庵

之圮而碑詩不存也。

至,寓 如 紛者多左右袒。 前咫尺之路未决,皆來 此,尚何怪 余與 廣福静室。 祝子寓 塵市之紛紜者 先生以 廣孝 是時 Щ 廣孝方與下房 質 房,而: 避事人山 成于先 平 先 生先 生, 一,復 争 而 日 紛 寺

册 登 獨 鼎之思 圃 謂 廢 鉏 而 五 數 雲門 宜 五 爲 石 興 復 雲山 畝 寧有 爲 一築亭其上。 ,得古砌數十丈,不知爲何代人所築, 廣 廢 丙 孝 申, 書《若邪 爲 外, ,遂成《登 臨 謝 常乎 背 從先 谿 太息 遮訴 環 ,其半山爲廣福之篠 小 山 道中》一詩。 閣,無 生下山,遇 久 廣孝之冤,悼殿 四 之老父 五 下 之。 雲》一 尋具 訪白乳泉,泉流 È 飯後 也 和尚 章 欲 老 頹。 飲 感 舊 歸 父數 同 居静 丹井之茶 覽《雲門小 慨 同 闇 工 園 良 游 十輩 之 然 深,不 室, 涓 有 垂 園 老 涓 問 衲 成 於  $\perp$ 

生竟日,聞道理之玄言焉。吾腹中矣。丁酉、戊戌,風雨連夕,得侍先借《雲門古誌》二本觀之。雲門之勝,盡在

門 + 夢 處。 道 里,見 士 江 寒,跣行十餘里,竟登絶頂。 祝子脱履先渡,余與藍宗遂 望矣。」遂偕祝子、藍宗撰 頂 覺。 如 哉 ,以登秦望爲名,率上數十層,可 年, 諸 艸深 漫跨十數嶺,忽見向所 帶,大觀 九日己亥,霽。先生曰:「子 Ш 水漲前 未嘗 喜劇 即 日黑 止 能 歸 耳, 溪,横 也 Щ 四 登之。 顧 安能 山中 作《登秦 無 流 人, 人謂: 山 如吾二子 間 路, 杖杖 不知雲 有 從之。 ൬ 棄衣 望》。 越山 疑 \_\_\_ 往。 五日 未 可以 雖 門 履 可登 如塊 造其 健 歸 石鋭 俛 行 己 居 游 迷 登 視 恍 未 此 在 故 雲 之 顛 數 秦 如 何 浙 溪 而

庚子,踰西渡,尋祁氏園亭,覽任公子

羹夜 之釣 也。 盤 宅,古木謝 陡 經慈雲,望明覺之山 名勝之未 餐盛 發 吾詩 ( )掖 入盤」者,此其事 美。 扶 有 而 歷 敷 而 祝 謂 以 者,按 家 歸 子 有藍宗,非 一, 可 蘭 竟 而 橈 指 圖 以 所 余復 矣 桂 昨 點 而 楫 至 索之。 日 而 與藍 秋 無不 先 吾 得 浮 登 二羈 也 宗攜 剡 受 殷勤款 人 春 風 歷 所 山 鱸 杖 普 寒 子 敢 訪 鱠 洽 濟 望 敬 萬 諸 疾

業 墓里 東嶽 劉 期 太 别先生詩 廟 先 辛丑 許,先生之所欲 無 生 負 辭先 ,整書出 秦臺公之墳,訪 于 一 生 時 而 Щ 歸 相與之意,言諄 ,順 ト居也。 ,勉余與祝子千秋 溪 下 流 而 山 之竹 抵平水, 下,便道 林 大 憩 離 膽

舟 圃 [安,宿 是游 餘杭鮑 也,獨 解 長 吟 孺 以 軒 未 適 至。 得 壬 一寅,以 謁 其學本程、朱, 詆 禹陵爲恨。 祝子 病 , 未 夜 買 復

焉 吾誠 是以 信 奚 節 聖之求善,若芻蕘皆可師 不 固 不 自 之耳。」喜怒哀樂之未發謂之中,發 孔子至聖也,莞爾 人非堯、舜,安能 論 象 刀。」既 ,是以 必 善 聖人 能 也。 謂 已 山 求當 之和。 諸 也 多 君 無 不能必 陽 繇此觀之,自曾子、子思之論學,已 ? 矣。 而悔 子 子 而 失 未合。 明 取 中 下, 于吾子之意, 荷徒 之 其説之無不善也,而 吾子 牛刀之喻 之,曰:『偃之言是也,前言 其 之弊,而 説 雖 而曰千萬言而 所 余就 舍其 聖如 若 每 長,舍其 而 于 何 武 事 祝 而 所 况程、朱、陸、王乎 周、 ,喜之失中者也 舍其 平 子 城 盡 善而 不 善? 之日 喜 日 孔,猶 也。 亦 所 -所 象 攻其 無 短。 難 善 今人之求不 割雞 山 立言 乎 一失,吾 將 其所爲善 圃 無 1 諸子者, 所不善, 有 攻 焉 庸 而 兩 亦 遺 故 其 皆 家 用 也 議 戯 不 况 中 4

如其 我 衆人之善以 也。 不 者皆足以 以 生之教余曰:「學者務 善 二子勝心未 能 m 爲大,從人而已矣,孔子之所以爲聖,無 雖 此 已矣。 今之賢者而又代爲之争焉,愈末已。」 未然,長浮辨,墮實脩,將欲求爲諸子 載籍之賢者, 丽 人心世道之所 暇非之乎? 助我高 人苟能學大舜、孔子,則諸 爲善,斯 去,不能相益,而 深者 猶 無遺 也,何所 惜哉 以 若 輟 我 日 |善矣。||大舜之所 不足爲吾之弟 壞 1 見,去勝 祇 也。 用 鵝湖之會, 以 非之也 相争,末 善乎 先 取 子

西 疾 而 將 從吳門歸,爲言張受先先 憊 止 集三吴名士之好道者,來 余 不 癸卯早,已 而 静 與 能 祝子。 因,解吟之主人也,待余二人甚 留 晚, 買 余以母誕 遂 舟 待河 别 劉 生、陸 下,而 伯 欲 繩 赴嗣月之會, 歸 王玄 朱 而 鯤庭兄弟 静 祝 趾 因 子 亦 mi 新

> 孫也, 厚。 交勉焉,作《江水》二章。 唐,作《歸 今歸矣,何 作《自 渡 **%** 吾之出》三章,而 以不 乙巳 負此 望 抵家,與 翁 喜吾母之得二曾 ? 甲 秋游之咏 辰 祝子别, 渡錢

## 春 遊 記

終焉。

關 年六 往,將無 之,遇蠱之坎。 之西房。 祝子霖舟 久,豈曰 惴 + 進 陳子將有 出 雙壽 城, 失信乎? 若夫 無之,奚患 人閩師隊中。 明日,出北 加 人戒嚴。 西。 是日 Щ 日:二 陰之役,丁 明 有 日, 焉 嗣 余挈 吾 守閩 ! 門拜沈朗思父 人郡 約劉 Ш 晚飲徐 74 一羸 之師 川之險,天設 酉 之日 城 子數矣, 正 寓 僕,從 孝先家,主 人城,繇 月 T 潮 元 未, 數 母 今不 鳴 日 É 去 附 友 寺 筮

齋 麗 勝 絀 人 挾 京 洎 也 日 跣 朗 陳際 . 又微及《大學辨》,語未竟 思 而 嗟 歸 元 叔 乎 弟 而 反 ! 並 以 昨 夫其 攻 來屐著我。 日攻禪之戈, 麗 口 京 衆我 之禪 寡。」是夜 明 而 日 麗 飲 京 亦 弗 麗 辨 雨 能 京 稍

於 歸 日 蕭 日,徽之耑 虞,惟蕭 Ш 菴 避 一官店 外家故 克 且 守閩 Ш 登百尺 城, 何 明 東 伯 一假宿 訪 日,欲 門 之師 興 山 徐 樓,夜飲 也 留 人 無 焉 徽之兄弟,而遺書遲成 故 僱 招成夫,又不至,以 城 飯。 舟 余迺 也。 明 禁 西 滿 日 興 故 徐開 飯後, 不 始 1,竟出 則 輔 也。 能容、又假 浩然 走晤近思叔于法雲 之兄新 渡 出看 江 加 城問 而 , 編索不可 成 梅 東。 夫 宅。 渡, 東皋草堂 宿城外 出 不 是 往返 脩 至 夫。 晚 夜, 歲 人 得 明 無 明 蕭 陸 出 事

明日蚤,僱小舟之山陰,晚抵伯繩山

未始 卧 不 兄不諱 極 居 一,因 寢 歡 0 病者, 適 如 微 T,蓋若· 伯 張 故, 詰 繩 奠 拜 此 然 夫 病 某 有大不得已者。 深 神 長 不 和 氣 口 兄 寢 尚 慶 尚 與 及 踰 清 也。 陳 遣 年,去 旺,論 紀 子出 夜, 與 常 冬略 皆 學亦亹 試 在 奠兄 假 坐 事 寐 同 亹 相 榻 若 見

之哉 樓,城 岸幘而高 便 道 訪 明日,從 南千山 王 歌。 紫 麋、 盡 奠兄上古小學 古云「樂不可極」,子有其 在 韓 几 子 席,擁古書萬卷其上, 有。 子 拜 有 先 留 生神 飯 , 登層 主 戒

伯 日 遺 日 繩 欲 0 集。 也 而 自念出遊已十日,恐 別伯 確 因 固 閉 繩 哂 門 歸 謝 懵 而 客 于 伯 聞 静 繩 見, 坐 固 係倚 留 亦 , 欲 小 訖 閶 樓 無 之 一訂 者 所 望。 效 又 先 明 于 兩 生

十六日己未,出東安門訪史、戴諸兄。

則 帥 久 即 弟 留 亦 請 之。 以 兵方 先 宿 坐 無 中 生 靈 于 舟 伯 口 野 明 避 臺 草堂。 阻 繩 杭 日 難 橋 蚤 觀 , 指 欲一 道 是夜、微 變, 山 歸 點 是 造下蔣之原 陰, 劉 因 煙 夜 出 湖 舟 月 出 即 投 中 明 盡 觀 告 水 所 如 燈 辭 處 爲 書 伯 水 謁 也 既 繩 與 一,爲 心 先 不 菴者 生 獲歸, 膽 太 而 息 兄 H

山 中 書 余爲 成 Ш 夫者,特循 者 試試 門 中 夫。 陳子, Ë 笑 mj 激 而 明 更問 極 東 某 南 昂言事 日 日 又紆 疲 初 之。 信步 兩 同子本 循 不 矣。 此 人皆賴子本言知之。 П 知其爲 之成 愿樸 十餘里,至 於 安 間 數 步 是 所 里 Ш 夫 謁 復 人耳, 得 中 成夫 至 也。 禹 退 禹 人 禹 陵。 至 禹 也, Ŧ 陵之外 南 遂 絶 山 廟 王 山 偕 不 成夫 甫 之麓 外 乎 廟 似 游。 出 麓 問 安 ? 他 所 亦 遂 前 行 在 門 子 謂 出 H 不 先  $\equiv$ 稽 成 知 遇 郵 Ш

> 謬」, 誤由 博 道 子 歧 登 究 Щ 遠 本 南 求 亦 余 信 鎮 力 不 之路 E 與 不 東之,則 能 焉, 疲, 道 其 成 心 不 然 而 夫皆初 也。 從履 悔 問 而子本 哉 行 何 禹 也 , 莫 及 錯 語 陵之故路也 學游, 矣 之 云「毫釐 向 既 顧 便 使 疑 恃 不 也 子 間 則 問 匈 本 于 必 臆 蓋 之差,千 不 3 前 及 且 稽 吾 直 行 周 自 而 門 兩 南 爰 問 久 號 人復 則 南 於後 知 諮 知 里 有 向 諏 所

之半。 行 春 遊 踽 樹 踽 也 而 自 % 南 歸 鎮 歸 無 則 至 尋 可 益 禹 大 舒步 相 廟,婦 道 悔 處 安步 之, 女 謂 塞 惟 人 弦 路。 仰 城, Щ 天 不 之 看 吾 及  $\equiv$ 必 怪 前 不 人 松 僂 路 數 口

出 亦衆,窄甚,汗 明 滿 日 載 下 解 春 維 矣。 斜 徹 橋 轉 夜 埠 之東安 如 始 雨 見 况 門 舟 可 得 得 叹 登 偃 俶 团 裝

歸。 莫 皆 耶 念 遂 輿 可 能 寒 嘆 筮 跣 絍 1 裳 詞 也 方 得 行 少 明 寒 渡 也 水 H 亦 裳 江 流 至 高 何 時 雖 幾 不 其 猫 西 兵 至 盈 直 興 江 我 威 半 流 Ţ 之語,若 不 田 渡,始 無 人懷, 至 兵 敢 所 江 调 絡 用 得 浩 問 繹 之, 非 而 淼 無謂 小 舟 而 何 彼 無 皆遠 舟 雨 况 攘 者 甚 附 我 攘 避 者 良 又 竹 而

故 惟 以 湖 始 干 我 吴 間 人 老 爲 仲 學 秋 自 吾 乎 自 木 山 偷 命。 陰 與 于 息 龍 癸 人 Ш 巳 而 世 再 祝 春 兩 獨 開 問 人 往 往 美于 者 渡 返 獨 或 中 於 來 ,崇禎 死 此 流 忠, 徒 撃 癸 僕 繼 或 節 未 僕 復 死 猶 莫 與 孝 溷 不 月 澉

主 股 僕 栗 者 對 江 風 飲 而 既 余 漸 厲 麄 有 能 又 П 自 裸 春 持 涉 之 滋 色。 寒, 郡 晚 江 城 至 中 市 湯 箕 無 壺 仲 弗

> 家 計 念 自 竟 朝 日 至暮 受 寒 未 懼 始 腠 粒 理 也 有 傷 是 夕 持 不

袖 亦 與 丙 諸 寅, 以 不 明 歸 君 至 香 日 竟 大 黑 麗 明 怪 日 抵 京 日 譚 也 家 又 至 無 同 讀 臨 倦 陳 麗 平 容。 際 京 叔 訪 稍 新 至 應 出 婦 嗣 譜 湯 所 寅 著 邀 韙 以 示 明 之, 歸 H

者、柴 子 沈 稷 遇 姚 成 諸 兵。 黄 有 德孚兄弟 夫, 记,陸 晦 子、 計 虎 臨 木 出 在 臣 趙 平 門 郡 廷 氏 則 陳 共 城 流 初 讓 則 應 際 則 謀 寓 紫 嗣 叔 + 子 沈 面 山 躔 寅 日 有 者 毛 陰 龍 壻 豩 也 穉 而 者 錫 凡 胡 朗 黄 世 E 行 則 思 叔 虞 皆 遐 韓 坐 作 豐 雨 征 陸 馳 蕭 中 黄。 谷 又 山 五 往 山 兄 有 則 疇 陰 沈 來 餘 來 則 長 皆 方

## 董氏兩山莊記

樓, 先 姓 署 列。 相 之 也。 捄 生之故 北 賢 ,死喪相 Щ 跳 則松竹林, 中之築,南 者 頭 莫及 董氏,今所 廬。 恤 也。 去 , 貧 皆 所 北 孤 其 向 稱 相 居 老 所居 者 望。 孝友家。 而 解相收 兩 西 爲 潳 其 百 先 明 南 武 生之 其 則 御 兄弟 青 爲 義 史 所 急 韻 山 愚 雖 題 弦 屏 齋 難 四

林

者

也

菩提 公所 以 明 怪 處 孝 廉 故 松 搆 韻 而 夢 兩 千 北 夢徵公死, , 弦主人爲 在菩提 徴 樹 潳 公。 里, 題 之日二 日 即 Ш 吾 韻 颼 夢 之陽, 加 友 弦 徴 飕, 韻 東 董 即 弦, 公之墓之昭。 隱 東隱, 如 昔之滌 與兩 又 汎大 攜 取 **屠先** 東隱之父 唐詩 構于 海, 露 館 聞 生 「松 此 蔭 司 夢 波 之 爲 風 徙 讀

> 未之 韻 而 二三十年前句,狂 北 野 毁,以于予有嗜 ,脩篁紛鬱,漫若無屋 弦」之義 也。 而 樓 直 痂 H 之癖 一,俚 四 壁 者,即 而 焉 多 不 耳 題 文, 所 辭, 謂 循 而 松 率 松 主 竹

絶 雖 林 有 矮 雖 取 可 爾 愛者 而 有 大 約 也 疏 松 韻 俱 故 加 弦 生 不 竹 非 多于 從其重 石罅中,拳 無 竹, 松。 而 而 松 然 兼 曲 多 松 稱 如 于 竹 松 天 竹 竹 林 目 之 焉 種 松 行有 竹

爾 死 者所謂孝友之志矣。 春之弟爾 欲屬之一 松竹林 舊爲 夏。 野 衲 明 爾 處 夏倍直 其宗 + 董 戚 爾 而 改 春 得之,蓋 其 所 議 有 而 猶 歸 爾 春 向

潼 數十武, 一、各從、 韻 弦之中樓 主 蔚 人 然松石相婆娑者 之好 以 也。 龕 佛 出 而 竹 松 林 則 竹 而 爾 林 北 夏之嗣 以 轉 龕 又 梓

益 父元徵公之墓 宜 亦 猶 韻 弦 在 之守 焉 孝 則 纮 廉 東 墓 之歸 也 爲 爾 得 夏 其 也

軰 竹之澄潭 也,而相與 思 史先生之緒 ,兄弟共八九人不以斯園之有先後 東,吾甥之胞弟。 爾夏之子八公,吾 勵 朝夕其中 而 志 益光大之,蓋將不越孝 典墳 與向 ?,潛 **飡韻弦之清風** 甥 心道業,以 者 也; 爾 春 東隱之 之子 振 嗣 友 漱 彼 起 介 而 此 子 松 御

## 困勉齋記

之,以 调 云 爾 確 而謂 吴子裒仲以「 昭吾黨遜 吾輩直 之日 可 志於學之盛事乎?」 謂 以 困 困 裒 而 勉」名齋,其 仲之天 勿 學者 、姿明 矣。 友 子 張 敏 盍 考 而 夫 記 尚

> 必將 當矣。 將 安者, 敏 之非即安行 也 知之,一 也,乃其所以爲生安也,則裒仲之天姿明 有進于生安者矣, 裒仲之以「困 1 於是爲益 有不 確 曰「及其成功, 而使爲記,是以 雖然、《中庸》固言之矣。 曰 也」,吾又烏 及困勉者矣; 然 見 者也! 矣。 以 吾 知 學者苟自謂 一也」,吾又烏 視 下 困知之非 苟自謂 裒 惠 仲 而 測 誠 困 上 即 不 曰「及: 智 勉 勉」名齋 生安乎, 生知 知 翅 乎,必 必 若 勉 行 者 其 無 生

得之見聞者如此 喪及仲木之喪之葬 求其實,則誠 也 事 也,辭人後 事不 ,孟之求 吾聞 ·輕放 諸 而 放 考夫氏 過 有未誣 盡 心 爲 也。 歸 功。」果爾,則是孔之時 其 而 矣,曰: 者。 Щ 其所 田 確 無 聞言 也 若裒仲之《産論》 或 不 一,以 「裒仲之學, 失 及 ௱ 禮 也 見聞者 喜 相 所後之 因 確 益 所 習 略 以 又 進

于確者, 名而已哉 可 推矣。 ,豈虚言 亦應之以「事事 則夫裒仲之所謂 而 今而 已哉 後 1 人有問吳子困 所謂| 困 事事 不 勉齋者 輕 不 放 輕 勉之 過 贵 放 功 而 空 過

必輕 行君子, 也 確嘗以《大學》爲釋氏之權與者,殆以 重之也、《大學》之分先後則重知矣。 始 詞,言行則鮮 也惑之。然《中庸》之分知行也, 蓋有不知 書》有之:「知之非艱,行之惟艱。」子曰: 也。 嗟 行,欲學者之不墮于空,不可得 抑 而《大學》之説如彼。 乎! 確又有説焉。 知行之分先後 則吾 而作之者,我無是也。」曰:「躬 有慊志,知行之難易,既 未之有得。」 知行之 ,自《大學》始 知行之分,自《中 難 易,必 言 仁者先難,先 知 則 有 則猶若並 略 也 間 無 可 重 庸 克 此 知 覩 孫 確

> 己之難 格物 之 物 乎, 先格 物欲 物 者,良有 之 ,難乎? 以 昔儒 也。 嗚 有 强 呼 以 1

徒滋惑而已矣。

然也 則猶 亦 裒 其所知者耶,謂徒行之而已耶? 者,謂知即行之者耶,謂 學》之分先後乎?」曰: 裒仲之所謂 而 徒知之則猶是浮 可不復言困 必 仲 知 之體 在 不忍以欺同學也。 是冥蹈 然則《中庸》之分知 其 是故 中,雖 此 知。 言 也。 至密矣,必 困 欲分之,烏 蓋 知 吾裒仲之所謂 識 言 可 也 知 不 不 必有以詔我。 復言 所謂 而 徒知之而 行 爲 得 行 也,猶愈 古 勉 勉行 而 在 其 困 行 人所欺 分之? 徒行之, 言勉 者 中,言行 勉, 必不 已 ,謂 于《 耶 困 行 行 大 ? 知 而

## 補龍杖記

兩 耀 節 頸 矣,未有若斯之儷 中,各已得數杖 照 百 肩 人所得杖皆廢,亦不復覓杖。 人。 己卯二月,得之於邵 一十有六,長七尺八寸,形狀 若有負,直躬脩 先是,與 相矜誇,最後得 者也 同學 尾, 祝 而 灣 武 山 膝 侯 是杖 微 中, 余見 競 突 駭目,光 覓 屈 杖 杖 大 而 首 名 前 山 小 縮

摩,誤 其 齋。 覺 叔皆從,見 杖,見而欲之,余持不許。 頸 而 季寧 瘢 追還之。 是春,族叔 傷其 ,割情易之。 欲 頸,悼惜 余色不許,密授 以 所愛 自 祖 是 昭華公過 琴 不已。 珍護 後季寧以 相 易, 特甚, 時長 意 攜 余亦 Щ 羣 杖贈 而 中, 僕 生、 日 至 不 竊去 上壽 祝 以 東 耆 · 忍, 季 手 來 年 祝 見 寧 撫 余 兩 愛

> 贖歸 癸未 是杖 玄嶽 以 在 家 銅 夏,重過季寧齋,見 贈 先 頻年 生, 嘗撲婢, 季 寧 先 館 之 生 于 折其 母, 酬 許之東垞, 以 母 股, + 不恃 金 股 而 折 憐之,以二十緡 杖 既 杖 而 而 仍 或 未斷 先 授 在 生 季 即 或 以

家,正 乘亂 同 助者,亦奇事 而 左 右手。 喜曰: 羣 盗 竊 丙 須 戌四月, 去,主 劫 杖 「杖歸矣! 後三日,忽從 許,又負之 而行,館 也。 人嚴 虜兵至袁花,及許, 追 人來 杖歸 而 而 水 得之。 報失 走。 面 矣!」蓋 浮 杖 余時 六 來, () 驚 月 卧 若 僮 許守 惋 初 有 子 如 病 者 見 神 失 在

其坎 豈 首 惟 翹 足, 坷 八年之間,遭 杖哉 爲 傑 然 叙 次 爲 羣 其 五 杖 生 六 平 典 劫,肩 如 型 此 余 股 人事 受傷 悲 其 盡 遇, 猶 矯

## 乾初先生文集卷九

海寧陳確著 族玄孫敬璋編校

記二

## 編東溟寺異人記

拜。 禮 飽 米飯,一斗豆腐。雖 寺,皆長七八尺,免胄而 節。 吾安敢 見建文君像,拜 順 治三年某月日,有二十二人至東 僧異之,問 求 飽 也! 曰:「已飽 而泣。 倉卒具食,皆恭敬 飯 人,命僧爲 畢 徧 否?」曰:「未 一人拜,其二 觀 佛像,不 作三 斗 溟

十一人皆在其後,不敢從拜也。

物 内 者。人臂二弓,以試鳥雀,皆命中,百 鐵爲之。驗其重,及弓矢銃砲與他 子數十,三二十步之内無脱者。 種 硬,不辨爲何物,上多蟣 ,皆人不下二百餘觔 不可名狀也。 無 脱 者。 腰小銃三具,皆尺餘。 其膚色皆若小兒初 就視其裹衣,皆斑黑 益 及烏蟲之類 鎧 所 囊 仗皆重 步之 蜕 佩 鐵 種 頑 痘 雜 丸

然皆北音,意其爲北人也。 拜泣之一人也。問其邑里姓氏,不肯答。 棧拂子,執竹如意,指麾僧衆若無物者,即 楼拂子,執竹如意,指麾僧衆若無物者,即 其一人獨持鐵鞭,重百餘觔。二僧舁

賦之地,盍往因之?」曰:「吾取彼,未能集下,無可起事者,吾安之乎!」曰:「三吴財「今安之乎?」曰:「吾糧食盡,遊視天

九三

成 ? 吾 欲 不 事 爲? 應。 不 彼 忍 即 且 爲 默 時 必 也。」 未 不 大 可, 應。 困 其 盍 以 諷之以 民, 委 諸 蛇 公 與 取尊官, 取 之 削髮皈空門, 之 義 於 勇, 徐爲 民 何 何 其 患 异 亦 所 無 ?

數 稱 觀之矣。」 何?」曰: 二所,皆賊 千 大明兵,欲 里, 即 出 何 遇官兵,奈何?」曰: 自 啻 耳。 往 此 白 觀之乎?」曰: 至天目 + 他寨 遇 丽 大率 民 已, 寨 類 約 彼 此。 「吾仗 百 安 吾已 餘所, 能 吾不 奈 按 劍 皆 欲 視 我 行

餘 之 之,皆目 山 兵。」胄 湖 人,而二十二人者 自 州 問道於僧衆。 此 加 火 則 出 迸 湖 徑 州 流 Ш 每 多 自 守 之湖 曰:「自 彼 人 兵。」 無 則 胄, 恙 州 之 日 也。 遇 則 湖 一吾固 此 守兵, 使二 州 而 慨 往 然 日:「 人 殺 則 嘆 欲 力 遇 天 E 五 收 吾 百 守 Ħ

> 年三月十九日 多 吾多 殺 敵 殺 而 敵 已 ,吾之龍山 何 益 遂 皆 ,遇東溟僧指菴 且 投 吾 碧 所 浪 以 湖 來 言然 而 死 豈 但 順 謂 治 能

## 補獨山遺韻記

某,係 將。 贈 甫 數 也 年 + 善使 崇禎· 人言 餘 余問 而 獨 前 歲 Ш 死 八 明 即 末 獨 遺 獨 + 某 年, 山 Ш 韻 獨 觔 科 子。 今年 何 者, 山 知 大 五 許 事 巾 刀, 東 進 可二十歲以 人, 臨 不 溟 士,官 死 他 可爲,出 年 僧 武 屬 幾 獨 藝皆 某 其 何 Ш 子 地 上,膂 家 矣, 所 精 , 最 於 東 寄 何 東 溟,不 其 稱 力 竹 以 健 父 调 見 簫

自 金 者 爾 兵仗皆-以 便 贈 不 復 義 十餘 習, 烈 士。 盡 歲 散 前 其 其 所習, 父又 父 所 好 己 藏 文雅 精 寶 絶 劍 過 號 直 知 千

散之於客。 製洞簫數管。父自言每管直四五金,亦盡 等,多藏古書畫,亦不下千金。當手截竹

老,皆二十餘年不事聲音矣。 必知音者,乃遥 董子傳》知吾與董子 吾老友董昭 寄一管。 逸亦 嘗和 出家 歌 不 東溟。 西子湖 知 吾 兩 獨 頭 人已 Ш 謂 讀

二十二人之事,援筆書之,因并記於此。 選其父姓氏,因題之爲獨山遺韻云。是日得異,音亦清遠,雖吳市稱名製者莫及也。 予獨惜其所從來,遂受藏之。光色果

#### 竹 冠 記

後 扁者,截其半爲冠,而 凹 從 壬辰八月,余過黄山,取竹節之短 以其質 也 明年夏,又刻 留 兩 節 爲前 櫺于前 後,前 後 凸 而

以通其氣,前乾而後坤,故稱明冠焉。

吾自 藤 之。」吾仲兄見沈冠而悦焉,遂呈仲兄。 杖。 其冬,辱澉湖吴仲木遺我一竹冠、一 今年甲午八 視弗及也。 冠爲我中 月, 表沈左之兄所 或曰:「正當以 又過黄山, 取 製,工甚, 不工 湘 勝 竹

輕 **觕**,查二雅嘗遺我一指刀,以 日 時手作與 刀 三日 重之間。 如 毛竹節以歸。 鉛 而 刀,輕則 成 П 雲冠 語 客至則置 無問 不入,重 家有船匠 也。 與 即捲 語,客去復作,或 一,假船削 日 而 口 治其 成湘冠,二 蓋 以 致 細 治 功 指 其 在

冠 皆陽文而 文,燦若雲錦,兩 如雲開之見日與月也。 外 内 雲冠鐫四柱上屬,五雲下覆,故 治,故 雙行 遲 , 文如絲焉。 速 目 略 相 異。 望,皆當湘文之缺, 湘 湘冠 冠 黄 内治,雲 質 以名。 而

分。 冠 巾 杖 爲 簪 蓋 之, 自 春戴雲冠,夏戴明冠 明 於是 冠 前 纓 用 垂 湘 而 其 下 冠、雲冠 野 横 過 人之服備 頷 湘 冠 五 簪 寸, 自 秋 雲 矣 右 冠 束 戴 用 以 湘 簪 其 篠, 冠 即 直 斷 冬 削 竹 明

指 助 之。 且 其 力, 効之于元首, 尊尊 曰 善 辭焉?」 雖 7,故半 其 或 ,盍使治之?」陳子 事 然,未聞 而 恃 蓋 , 事 客見之 然智者 事 事 其 必 容日 而 亦 必 雖 先 利 功 頓 先 道 成, 而 有 ጢ 倍 不 :「是則然矣。 利 廢 也。 嘆 事 0 不 盡 亦 耳 其 日 焉, 爲 恃 爲不 器 君子弗 :「不亦盡美盡 荷棄其 之備,徒 乎 今吾所用 -0 而 日 親 物, 善 又 今无其 親之義 躬 事 用 得 而 雖 子言之『工 細 雖 足 利 智矣。」 恃 竭 器 事 器 以 器 吾 也。 吾 利 雖 有 股 自 以 而 善手 不 何 至 陳 欲 肱 有 爲 以 傷 又 益 鈍 欲 之 子 厥 用 干 何 之 1

> 哉言 於是 之以 冠 利 羣 時 雖 勿 遽 加 礪之; 儒 者 者之力乎, 助 不言 盡 兢 焉。 爲 乎 故 俟 而 吾 兢 格致 哉 其 冠 愈 力 焉 力未 竹雖 信 知 復, 1 目 業 非子 學也 前 而 怠 業 是豈 久 故心 蓋 堅 已 成 焉 而 而 ,勤攻之。 神 弗能爲也,不可以假人。」 無 吾冠 唇,手 功 惟 之所 完 惟 志 不格致 則 吾子之冠,若 而 恐 正 亦 欲,巧 後 久 不 而 矣。 已成 不疾 用 父矣。」 而 盡 堅 之。 疲 吾 小 了, 力生焉。 是豈嘗習 不徐 也 力 客 雖嘗 小而 刀 日 可 則 又 雖 以 勿忘 什 少 惟 一善 慎 缺 冠 吾 假 爲 伯 恐

補 述 夢 記壬辰九月

節義文章,並儒教所重。兩者或不能

■ 「故」下,依文意,當有「事」字。

易輕 寐 必 敲,終乖理 怖畏之情。 未 于 兼 必然也 (,故志 重之辨,人皆知之。 取予生死之際,頗 士 解。 至于臨文, 矜乎節義,俗 但云 節 義 往 能 難 往 士 自 然 錯 飾 而文章易, 决,殊 吾 誤, 乎文章 嘗 驗 雖 無 諸 極 貪 亦 推 夢 戀 難

睹。 能 遶 熟誦者 迅,頃刻而 練、余汎扁舟,自 雨 秋 東坡集》中 復憶 寒江 牡丹, 香遠」三字之誤, 亭中 此 余疇昔之夜夢 客 朗 皆高 豈 · 笙歌 夢 其領聯 過. 誣 吟至三四 ·有《 長。」夢 也 出 沸然, 回 題 <del>조</del> 于 首凝盻, 北 江 中 屋, 覺 見 謂 而 句 心 謂 清風 謂 南, 而 亭 是 月 五. 而 吾昔 秋 大異之。 眷 覺。 牡 賞花者。 色皎然, 色 見江 小 月 丹 不 燦 讀 閣 安得 能 首二句 詩》,若 爛 心 此 秋香遠, 捨 有亭, 詩 澄 謂 牡 目 水 坡 常 己 昔 急 丹 所 江 因 集 ? 不 憶 未 亭 如 疑 細 所 舟

> 中 至 加 于 夢 何 此 中 嘗 自 1 有 爲 是 平生凡夢爲文,皆 解釋,恍若有 詩 ? 詩 語 與 得 牡 神 此 丹 類 絶 志 也 無 瓢 忽 鍋 乃

之不 本于 之工于文章者 生熟之謂 同。 或云: 至性,文章 夢,存 只是文境未熟。 予未 誠 濬 然 發 而 其言, 去 于巧思,二者有 僞 者 因 或 書 也 云: 于 非 此 有 節 以 難 誠 義 質 易 僞 根

# 志 喜 篇遺二張子,並示諸同學

粤 間 二子 且 朗 游 思 曰:「非考夫子不爲功,賢 亦 二子 矣。」於是 期 丙 自 申 陳 喜 澉 子 五 動 月 至 確 顔 確 之 於 色, 確 亦大喜。 朔, 龍 與 遽 Ш 桐 Ш 而 鄉 中 確 日 張 山 諸 先 考 哉 中 「白方子不 子出 至,至 夫、 人亦皆喜 迎 西 能言人 未 林 泠沈 果 薄

遠千 言者。 考夫 方家 勇,未 雖 所 與克己,二者之 勇於責人; 然從之,曾不 亦善乎! 若 不 矣,可喜也。 能 未 有 里之外。 若白 自 探 能 老 此樂善之士欲 確 其隱, 母,而 距 學者有過,患無能 方 能 之, 夫固 日 踰 能 聽 白 時。 其 難 聽之 而 之勇,勇於克己。 方雖一 固 易, 益 友 也 發乎情,止 更 爲之盡其 白方之心之所隱也。 招之數千里外,白 固已什百矣。」蓋 勇也。 效于白方者,且 日 雖 而 然 改,不 至 考夫 能 詞,白方 乎理義,不 一于聖 言之勇, 責人之 患 能言之 人不 無 白 幡 方 不 能

若白 哉 ! 語。 過 所謂 若白 方。 昔蘿石子有 吾黨能言,吾不若考夫, 致良 確知 方者,可 知,只 愧 云: 矣 與 是能 言 所 然以二子之賢, 謂 良 改 良 過。」 知 知, 之學矣, 能 確 只 聽 深 是 我 韙 能 賢 確 不 其 知

之喜 勿復 皆 既 知。 各 直 同 之不可不 之,皆曰:「言之不 以 考夫之言,則考夫之言必不可留,賣 曰:「奈何彰吾友之過!」一戒同 焉,必自二張子始 夫,則考夫 方,則白方必不舍考夫可知, 不相 能 聽 人有傳寫樂誦之者。 著吾黨能受善言之美,使四方之學者聞 而 自兹 友之," 出吾言」。 考夫之言 昭友之違,非仁者之所用 往考夫既 미 舍,不 知 聽又如是夫! 相規 也。 雖 必 不 相 二子之善 遺 相 ,則考夫之言必 且 確曰:不然。 拒 拒 書白方,又益 也,而 自 勸,使吾 ",其不 白 口 此 方可 以 猶 以 已而考夫大悔之, 確之喜又可 已如是夫! 獨 詩曰「孝子不匱 往,考夫不 知。 黨 確 舍 之善 無 確 使白方不聽 白方不 心 考夫、 人「速毁之, 不 之以 踰 拒 也。 可 也 時 確 知 贈言, 不留 白 之過 己之 白 拒 舍 又 也 而 口 方 考 確

復,无祗悔,元吉」,白方子有焉。 永錫爾類」,考夫子有焉。《易》曰「不遠

# 暮投鄔行素山居記

浴。 愛。 之餘也。」行急,覺稍 歸,煮以啖我,又出宿酒一壺飲我,香味 遂徒步往赴之。 日 素恐城門且閉,邀余至家。 適 :「張考夫在 无比 解蠶 謂行素:「子何從得此?」曰:「餉 丙申十 一月二十八日, 茅數十 澉城,師急來,當 至甪里堰,日 束鋪地,主僕並寢其上, 疲,命其子煮深 隨 鄔行 市豆 己 下 可 素 春。 腐 會 湯 約 也。 數 爲 耕 余 行 可 塊

家 而 行 母 素 行素 妻子女共 寢 居 室 止 竈 一間 室 五 即 六 兩 在 披,中 口,自 其旁, 間 客至作飯,夜 帰 飯 破 客 壁 卧 耳。

> 素之梱教,陳子弗如遠矣。 煮粥,竟肅然不聞一語,若無人之室。行深就寢,懼客之與張先生相失也。鷄鳴起

行 其 以進我矣。 籠,與二子力耕養母,暇則授二子書,發 先生之墓在焉。《詩》曰:「高 大指,不沾沾章句之學,知行素他日 處,與鄔子之門相對者,則秋浦、磊齋 爲隱者之居。 遑循覽。 非 止。」行素 無意 比至行素家已昏暮,茫然 及蚤起,周案桑田,閑閑十畝, 也 向 居前後皆山 家澉城,今卜居于 聞 行 素性至孝, T,其南· Ш 人就 仰止 山 此, 日 青松 源,不 吾, 棄 必 二吴 景 有 深 明 藥 知 行 可

城,不及會,與裒仲譚二日以歸。 蚤粥後,即趨澉城,而考夫昨暮正出

#### 100

### 再作湘冠記

陳子 與許 咸 記三冠之日,又係之以詩。 治。」而冬冠惟外治,嘗欲 闕焉。《三冠記》曰:「湘冠内治,雲冠外内 冬,沈左之表兄又製 以 杞 ,前無古人矣。 竹 予 於 皮 Щ 甲 先生諸公《中秋 冠之,後 午八 月 更用竹節爲冠, 作 冠遺 冠 改治之,未遑也。 游澉 而 詩 余 爲 用從吾道人 ,補冬冠 湖 之記 詩 實 (始自 》韻 之 其

已從 先 和 詩 軼 得 答」,詩句極 筩 稿 吾 軼 見示,内有 ,使玉芝僧作 今年三月過黄 心 矣,爲 者。 痛 佳 因 詩,題 惜 思余前 冠見贈,引以 久之。 亟 山,許大辛出 搜《從吾集》,則 云「從吾道 日作《竹 古之君子 長句 杞 人 冠 截 Щ 詩 已 依 先 元 湘 何 詩 韻 竹 生

> 感 以 于 獨 用 從 物之微 吾 韻 見 蓋 之矣 若 或路 之。 志 氣 之 相

夫識 吾 手,而 謂 冠 必 焉。 不 也。 多 因大辛之啓予也,又 三奇之乾 一,以 病 吾 衷之嫌 知其必有合也。 無合乎, 万 因 湘冠 法 湘 予甲午 所作 游 與 竹 人 病得暇, 不 較 玉芝必 矣 則 間,儼先民之法服, 湘 但 所 甚 初 略 哉 冠 宜 製 不 製 己 外 知視 略 外 前後 有 復 湘 治 今而 治 1 異, 合乎, 截 冠 補 而 酉 玉芝所作工 勤 己 異 作 則 面 後,予 三月 内 製 湘 贈 之,並 不 内 則 治,此 矣。 竹 老 治 畫 雖 立 益安然冠 而 節 雲, 友 益 吾 謂 内 無 歸。 夏 祝 雖 不 與 拙 治 復 而 日 異世 得 古 人之 玉芝 冬 衣 何 頂 歸 疏 庵。 冠 病 冠 四 如 刻 丽

#### 脈 變 記 脈 論 附 己亥。

至,適 粥 疲 略 遂 自 至 IF. 即 而 能 五五 用 九 食粥 勉强 吾母 止 月 强 飯 吾於六月之杪,偶 日不 輪 7朔日? 反 飯 是 飯 疾作,不 余直 盏, 日 覺 減 飯 稍 後 費 體 以 與 飯 日,想少失之煩,然亦不 陽胃 飯 應酬 葬 亦 ,當覺飽悶 中 無 甫 期 漸 微 憂 相宜 四 加 1 一縈。 覺 吉, 五 至一盞 又 困 有 體 日,至七月 初 自 不 乏。 哀從 0 快,致 四 阚 中 故 矣。 五 至 母 每 中 亦 不 初三日 喪 來,不能 不 弔 吾自 兩 甚 殮 甘 初 甚 日不 奠 虚 飯 四, 覺 踵 以

來 去 • 來 困 其 不知 無常, 初 來 按之,殊 而 何 忽疾忽徐,其去而遲也,若不欲 數 以 也 有 自 簇 初七蚤之脈 驚 簇若 竟 無 在 間 死 變也。 法 其遲之極 中。 其 脈

> 變起 平矣。 緩。 足。 力。 當數之二而 則 四 五 復平矣, 其遲 何 至 至 憶 時, 初 初 自後,每日 而 易 三四後,冗 數之互易也,或三二至而 但 又不知 四前 蓋 有 較常 餘 在 何 時 促、代之間。 常 亦 數之極,當遲之半而 以得即平復。 少加數耳。 必 忙 自 不不 蚤 按 晨 脈 及 小數,午後 不 復 起 過 午後 按 而 遲 易,或 衣冠 則 不 緩 竟 無 平 不 知

皆 進 睡 下 覺 脾 體 舊 病 必移時,交子丑 軟,午後尤 自 胃 也。 脈 亦 變後, 好。 驗之,當是 甚。 體 但 時 中 患 夜 極 則竟安睡矣。 陰虚· 乾 卧, 虚 結 劣 初 火旺 又 常怯 亦 腰 不 乏 能 怯 氣 證 飲食尚 畏 屢 即 睡 風

伯 食 故 未 對 乃 可 日 進 黄帝問: 胗。 經 「平旦者 脈 過 未盛 | | | | | | 此 非也。」 陰 脈 常 氣 脈 以 未 調 平 而 動 均,氣 吾之脈 旦, 陽 何 氣 也 血 未 變乃在 未亂 散 ! 飲飲 岐

然乎 脈宜 偶 平 有 o 有 日 派論 平 若 哀 故 乃 和 感 爲 終 謂 口 反 或 夜所 駭 邪 有 以 此 不 此 息, 吾 變, 空見,終必 時 居 至 氣 似 喪, 于 逆 非 平 脈 頗 偶 日 變 以 有 然 清 老 奸」, 者。 亦 明 自 理之所 之時 恕 不 張 仲 其 即

#### 脈 論附

結 代 動 結 脈 者 1,名結 ,名結陰。 脈 脈 細 ",來數 生,代 陽。 往 而 日 來 遲 又曰: : 初 緩 者 中 促 來 往 iÈ 時 死 動, 脈, 沉 來 不不 止 結 來 難 爲 更 止 能 去 來,小 寒 復 自 且 數 邪 還, 滯經 來。 诗 散 數, 浮 因 不 按 時 能 而 之 止 結 自 爲 來 復 復 止 還, 積 緩 動。 來。 時 復 氣 舉 在 之 内。 濇 脈 則 止

止 復 來 又 者 日 日 促 促 陽 陽 脈 獨 之 盛 極 而 也 陰 不 脈 能 來 相 數 時 和 也

代 之良 正 來 痛 不 中 雨 滑 雖 有 食 爲 或 因 乎? ,是人一 能 止 家 臟 留 怒 死 病 止 沾 也 然 瘀 言,若一 一,不 滯 逆上 不 無 不 沙 血 而 痰 脈 加 乎 氣 氣,它 虚 疑 見 乃 能 即 爲 復 如 血 細 其間 息,半 不 復 止代,只爲 自 死 蓋 亦 發 增 輕 然 驟 m 强 還 先 **\$** 因 臟 刀 狂 減 則 損 遲 退 起,爲 病 代 脈 以 刮 一,往 則 ; 者 因 即 有 時 以 促 之,真 而 氣 又 竹 因 增 死 而 生 不 致 來 人羸 爲 熱 病 代。 之爲促, 復 復 減 元 極 亦 促 代, 氣 脈 脈 動 經 者 增 危 氣 難 可 瘦 爲 數 主 名 爲 減 È 更 了,其 繇 多低 畏 不 氣 又曰 形 猶 之 代 日 續 是 而 血 哉 涌 非 亦 未 脈 容 代。 也 兆 或或 五. 復 惡 爲 名 代, 羸 爲 不 可 者或 也 脈 止 曰代, 風 調 濇 脈 飲 瘦 狂 謂 又 動 五 也 悶 之 爲 來 若 不 是 如 尋 口 而

老 數 時 漏 以 死 似 黍 四 米 復 謂 人 季 屋 雀 而 陰 起, 之 死 漏 也。 又《脈 又 啄 疾 奇 弱 者 日 也 絶 而不 : 吾之 月? 死。 陽 止 經》曰: 脈乍數 又曰 强 復頓 相連 脈 屋 寄月也 脈 . , 漏者,其 參伍 乍 其 來 屬 至 忽去忽 也。 疏,乍遲乍疾,以 數竟如 也。 而 不調者病。 代 又曰 來既 又 雀 來,乍止 奇 日 雀 啄 月 : 啄 者 絶 脈 脈 而 而 遲 復 脈 彈 來 死 又 來 E 日 來 亦 如 者 微 如 乘 其 時 屋 何

苟 故 平 者 不 能 復 常 延 久 備 即 視 事 尋 如 録 其 息 平, 脈 于此 ,然已· 根 足置 又幸蚤 所 源 云, 半 懷 窮 自 月 吾豈 其 覺察,肆意安養,僅 究 餘 但 欲 竟 復 矣,尚爾 否 有 生 消息其端委, 乎 ? 理 劣劣。 哉 生死 極 明 獲 幸

# 楊橋記二則。 癸卯日記,六月十六日壬子偶書

居

矣。」 調 之。 惟辰 拾園枯, 便,亦頗 饋之者, 不過升,吾 吾 吾略飲 每 、午二炊, 吾居 亦 一笑置之。 亦時 隨 甘之,《 極 楊橋 取 僅 懶 酒 忘 隨 作 居三之一耳。 "; 以 一二杯,無亦已。 小 食。 蒸菜》之詩 足。 食, 僮 小僮、一 惟 晚 僮 嘗經歲 飯 食 鍋 以 砂 「已花,不可 所 不 蒸 小僮 午 罐 爲 市肉 醃 炊 作 自 兩 菜, 未 之 隨 也 Y 魚, 習 極 H 餘 烹 食 食 有 薪 簡 給 日

余豈能 年; 美 人云:「子年已六十,且多病,何 好 也 年 葛稍完,亦二十餘 來嘗著二葛: 爲 兒孫 適 遇 肥美, 馬 牛 者,亦性頗 腸 腹 年。 葛 如 極敝, 刺。 棉 安之,不求 自苦?」 衣 亦以 亦 已 稱 三十 先 顧

页

謂 爲 以 文,五族 未 羅 奄 初 識 棄 酷 來 君子之所異,以其 厚幸,顧 年 禍 遭 面 親 循 亦 盡 至 知 俗 困 碎。 舊 室 獨 窮 淺 阨 德 幽 困 何 葬 余猥 著聞, 囚。 者 艱苦備嘗,孝養未 忍 思之幾不 十居 致 存心,故有所不爲 若吴下潘、李諸公, 以 美服 夙所敬慕,而身隱 愚 三四四 劣,獲 食之間 欲 一、莫能 生。 老 衡 1 存 聞 又荒 門,實 卹, 孟 也。 子 或 雖 早 日 用

覺 住 必 多 並 正 静 其 喜 議 爲 耳 衲 清 多 天 加 吾辛丑冬後,租 子。 耶 苦 事 生 1 也 吾 副 余謂 穀 每笑 荒 (亦嘗言「子居楊 食 年肚皮,頗自安適,初不 住静 至 俗 人 少,已 士加餐, 絶少,家 衲子居之,正未 無 仙 橋 可 食 辟, 人 亦 絶 辟 極 更 似 艱 免 何

事,然大勞苦。」曰:「吾居此,止隨一僮,有《掃室詩》成,以示人。曰:「良是佳

人,時自怨艾,故 益 所 日又書 忿恚,更不若役己之安便耳。」日記六月二十五 何不役之?」曰: 吾 遣 勞, 一, 輒 連 非 日忘歸。 能 服 躬 勞 「役之每 習勞苦, 者。 禾 兒間 吾 德 不如吾旨,反增 至老 至,反多事 薄 不 靡 能 悔 化 也 家 每

## 義社告成漫記

之友 子眉 然二 也 社 維 之舉, 正 一社雖 先 嗚 人合飲之。 老、 庚子 呼 生 許 爲許元 ! 分 冬,東 作 子 而 也 圃 欲 意 我從子亡矣。 爾 山 忠先生之少子幼庚 其 辛 實合,故每集必兼啓兩 友 與 兼 主 我 人有書社 發 夏, 從 兩 龍 子 社 山 爰 會 友人又 一之舉 立 金 者 意 作 爲 更 則 有 也 盛 祝 社 邱

自兩社繼舉,即連遭荒旱,慄慄懼不

義 克 六十七 日 兩,又共遺利 社 義 蔡養吾兄又繼我爰立亡也 社 今書 兩 亦 零。 幸 社 銀 卒 亡 既 <u>一</u> 十 事 何, 先 告 0 Ł 上年二 計 成 兩零,共 集 丽 義 今 月十 社 年 得 正 Ŧī. 四 銀 正 月 日 羨 五 銀 + 同

之,以 爲 歲 人皆高 五 ൬ 殁後所應發義社 尚 膊,亦以 去 金 未 年臘月,又有邱夫人之喪,敬 養吾貧士、能率先讓會、以急窮交,同 助其二子襄 尚 能 其 義。 舉。 無 誌名分實合之意焉。 恙 同 今養吾死 也 人推義社之意, 會金之力不能發者 事 ·, 聊 丽 以 貧 報 困 讓 彌 而始 即 會 甚,喪 以 以 之施 公免 事之 養 五 金 吾 踰

歲 我 甚。 貢 而 米 同 確 質 八石 社 適不自量,於去冬勉成一 海 閔 鹽 有 其意, 虞字 奇。 號 許 尚 田 餘 以三十七 七 畝 + Ŧ. 兩 ,需用者以 分於幼 兩 居 五 而 錢 力 庚, 歸 創

> 叙 者 確 志 亦 之質 不 其 可 云 始終, 之, 耳 得變賣 田 以 爲 俟 此 例 幼 徧 H 庚 告之同 其 以 之 田 孤 有 租 同社之志。 社 成 之人 也。 期 相 擇 它 與 同 日 永 確 社 扶 之 故 幼 初 樂 庚

#### 佛山靈杖記

鬚 曲 珠 之 裝,足若銅裹,皆點綴 事 中 미 ,又如 喪。 愛 處 斷 略翦,尚 然製 也。 乙巳二月十四夜, 火候太過, 竹以 明日 裝 法 义中若 畫 存 歸,始、 ,陳子往哭 頗 古羅漢,作鬚 蓓 佳 蕾 有物 殊 亦 頭 搜 不 有 足 自然,不 · 甚 異 之。 有 剔 焦 皆 動 佛 傷 極 留 出 髮 之色, 已 Ш 也 細 故 異 螺 老 加 而 旋 纍 皮 又手 友 雕 僮 之形, 珊 纍 大 蔡 頭 子 琢 是 然 如 若 熨 從 養 其 貫 牙 恨 吾 頸 極

者 如 其 鳴 珮 恒 聲 聲 也。 亦 時 終莫 定, 解其 定 若 故 無 物 因 從 然 而 如 靈之, 有 物

#### 彭 觀 民 先生歸骨記

以

傳好事云

聞

民 生之喪歸自 戊 申 十二月 + 九 日 , 潮 生 |來,言 彭 觀

之。 蒞 定,二人跡先生至寺,猶 先 心 日 今又何避哉 人皆爲清 即 任,即以一帨一 生出避深 腹 棺衾 曾參戎、楊 丁亥歲,當 正衣冠,投繯 帥 不 所 · 備 Ш 一,以 留 迺 長 贛 即 ,又以先生遺 劍 圖 微 埋 城 班 蕭 後舉。 自 以 之 未 二人 寺中。 後 隨 縊 破 事 ,誓與此城 懸 前 知 所 先生 託二人。 梁上,始 越三日 數 後 事 骸 日, 不 回 轉 曾、 可爲, : 「吾始 先生之 託 存亡。 , 城 楊 抱 亂 戎 解 破 稍

> 之族 告之,冀 也 其 於 能 是 歸 每 先 遇 浙 生之骨, 人之官 加 於 官者 贛 者, 若 必

恨。 清 此。 招 家。 金,取之郭者已足,何以多爲! 人,資以俸金若干兩,俾藏先 我生不識彭老爺,徒受兩人之託,崎 去,二十餘 兩 仲謀感其義,厚贈之,固 它非 今幸而得達,吾事畢矣。 人之魂 遇 石 敢聞也。」 門姓 而告之,示 年不 郭 知 者, 存亡。 不 見 牒, 敢負託,吾 吾歸 辭勿受,曰 生之骨,歸 往反 亟 兩人 招 市 致 不 、遠隨 死 過 其 嶇 無 至 其 族

哉 而 仲謀其何以爲人乎 病夫 先生之節,二人之義,又何 聞 之, 淚數 行 下 日 嗟 乎 忝 乎 賢

補 耆亭 記見許氏宗譜

搴茅 生自 六言詩,余亦 思爲六人中人,日未 號 爲 天啟 里中耆舊以次入亭中爲 亭 日 以 耆亭云。 丙 自壽 寅,兩垞 和 四章。 鄉 亭 嘗絶。 先生歲六十,倩淮 人 中 呼爲六角茅亭,先 置 几 先生樂之,詠 先生壽,皆争 案,止受坐六 I

夜飲 作亭,此爲最勝矣。 面 山前有梅花數十 酣, 亭在茂林之下,居嬰巢之左,足臨 輒 有 月色千 樹, 片,從林間 與 亭 池 漏 相 下。 映。 水 選 每

先 亭漸 紀,更爲亭增 生思十八洞天之樂,已先期棄去。吾友 圮。 自作亭之年,至崇禎 蓋耆亭受先生 一角。」迨斯 一約 亭及 丙子,凡 日 -期 吾年 待易, 十歲 增 而 而

乾初先生文集卷九

斯 中之勝。 之上,居枕濤之右肩 元 亭之樂,更進于前矣。 五 不忍先業之墮,命 日有望遠之娱,夜可 ,據勢高 工脩之, 敞 以 移 能 就 構 廣 領月 羅 池 袁 臺

此 元 建。 千 鶴 朗風清之夜,孤亭兀坐,恍聞 葺,遺構猶存,先生魂魄猶 五 百世下,止以耆亭稱,悲夫 亭當易 歸 移 淮齋者,亦先生令淮人結茅 故 蓋枕濤莊爲淮齋故址,淮 亭于此,欲以 Ш 六 時 角 也 爲七角, 嗟 乎 兩 1 改 成先 者亭 使 將依 先 志, 清 齋 爲 生 唳, 意者 此。 使荒臺 爲之。 廢 稀 而 而枕 亭。 在 每 而 此 今 濤 則 月 再

二〇七

#### 乾 初先生文集卷十

諸

子能

力

行之,吾深自愧。

顧余縱不肖,

不

能

推

行先生之志,而二三子能

行吾之所

者

山

陰

先生

之教

也。

子

小子

不

克

舉行,一

而

乾

初

道

人

作

而

嘆

日

.

嗟

乎

此

吾

向

海寧陳確著 族玄孫敬璋 編校

焉

,又深自喜。

不

能

行,

先生其爲未死乎?

吾

與

有

※ 発施

序

#### 諸子省過 録序

差其罰 於前。 子 山 歡 ,乾初道 相 歲己丑 直 迎, 令日 會廉《日 人 證 史》 自 觀 我 潮之日 泥 以 無 橋 盟 史》所犯之 欺 疾走二十里視 書 己之言,司 ,猶子枚 又次 多 第 陳《日 直 罰 寡 會於 輕 之。 無 重 阳 諸 衆 黄 而

之筆。

諸子賢乎哉

諸 若 未 之際,果有以異于 會 幾何會矣? 子何益 猶 有 也,會而 未也,則 異也? 遂進諸子問之曰 已矣; 雖日 果 諸子自 有 有史 會有罰也,罰 異 未始 也,則 驗 2 也 諸 會 自 之前 史 發 斯 大辛始 m 慮 會 之時, 已矣"月有 乎? 誠 而已矣,於 事 不 以 可 抑 臨 來, 尚 事

病之不同, 藥,必察其 足,將皆必 夫學者氣質之偏,要各 脈 與所治 有對治之方焉。 之虚實,證之寒熱,及諸經受 標本、緩急、先後之宜, 辟 不同,有 醫 者 之發 餘 不

之藥, 然,則 慎 不 藥 未 病 猶 起 真,方雖 而 知 嘗 肺 起 同 病 後定方 其深 病 居 病 有 者能自言其病, 調 而 以 同 知 治之之藥也。 彼非不知病之審也,然 理之失節者也。 良,而 汎 則 者 養 藥 病 汎 是 亦 之,與治非 焉。 矣, 知治之法矣,而 焉惟 藥 數 藥 丽 劑數. 不 故 非 過之省,省過 不 對 其 道 能 日「吾之病 證 故藥 地,不 病之淺者 法同 求 劑 也 諸子苟 圃 良 而 得 蘇。 醫 不 不 不 力者 然, 能 以 對 脾 圃 而 未 若 節 治 不 過 證 」,「吾之 則 藥 匕 施 也 之, 飲 愈, 滋 與 證 對 而 而 與 則 不 誻 不 雖 遂 不

庸 本作「虚心」。 大辛之失浮。 請 爰立 言其不善而 吾習 好善而 于 也。 諸 欲 諸子自治之。 子 自是,元本作,爰立不毅」。 爾之惰 最 雅 深 不 諸子 能 有 達,夢 瘳 之善 石丈之失柔 矣,未嚴 弼 不 未 勝 離 潮 密 牛 元

> 嚴密 以 之以 有不 爲 深。 之疾, 是,元本作「以毅治不毅」。 不 之 不 諒 達,以卓然之行治 人之患,養成者,久若與之相 弘 可 元本作 蓋 也 勇,浮者治之以 槎 勿 所謂 偶 拯捄之憂,可弗 凡吾 藥 光 感 不 뻬 、未虚 者, 對治者,非 所 諒 自 言者 心者治之以謙」。 愈 時 諸 ; 若 子 静,未 養成之病, 庸, 以 耶 養成之病 所 亟治 有 弘 以 ? 大苦, 日 治 飲 嚴 省 與 不 然之心 密 不 之過 弘 1 安,而 達 不 者 而 也 治 以 者 治 柔 終 治 之 者 偶 諒 治 將 偶 其 不 自 以 治 能 後 感 感 日

晏 諸 下 下 不 後 自舉,同 子自察之 之人皆 以 世 其或 之 未善爲 吾 能舉之。 人 志能交舉之; 而 知 終 自 之 莫 已善, 攻之。 未 我 顧 盡 知 有 即 ,與吾言之未當 過 蓋 而 同 使 吾 爲 同 吾之有 志 無 心 志 即 不 過 不 不 -及舉 過 乎 死 吾 知 遂 即 故 口

古之君子不畏衆而畏獨,有以也。

儻諸 皆叢 者能 百過 騏 治平以是,位 去 去 而 元 諸子能省 己,以各去其 私 私 已矣。 氣 驥之足,而 無 固 知 子 之 乎 即 以諸子之孜 從 則 病 真 盡 是 私 生 而 過 所 格致 百 能 至 也 邪 · 而 吾故 謂 絶 勉 或 育以是矣。 所 于 無 未 工 塵 施 或未 未察病之所從 偏,進于道也不 無 故百 嘗 由 發之中者, 孜 夫,無私 鞭 而 E 私,天下 人也,學者之天理 策焉 好 行,予雖 審 病皆乘乎虚,而 善 過之 君子之慎 諸子豈有 便 加 所 之能 是 無 至駑,亦願 又能 起。 從 誠 私 難 生; 事 獨 丽 正 勇于 蓋 矣。 意 畢 已矣。 , 去 氣 全 乎 百 人 猶 矣。 象。 追 私 則 之 克 過 病 但

輩之與聞乎斯道者。 既與諸子言之,遂書于册,以質諸前

# 駁潘逸民省過解附

應。 理 以 前 訪 思之。」而終若不能釋然也 危 隨之起,盤縱拜天畢,雞尚未號。 張遇之,猶失其辨,何陳子之足云乎? 言汪洋,如 叙《省過 過 偶 説 坐 又問 然則 謂 治不及,不及治過乎?』其言 ,翼侍,相 壬辰 出 丑 示之。 録 八 大人之説 一昔 元旦,兒子翼起大蚤,乾 灝 、月,乾 日 海 潘 辛卯 對 逸民答以《省過 「吾最不喜與 之波,漂激 先 無 初 生駁對治之非: 臘 道人既 非 語。 月,武 耶? 久之,翼 萬狀,使蘇 林 爲 人辨, 陳 龍 潘 解》。 子 逸 Щ 默 似 陳 諸 兒 徐 初 民 可可 子 其 有 子 理 亦

也退,故進之;由也兼人,故退之。」雖以陳子曰:「汝不讀《論語》乎? 「求

揉 此 以 過 書》曰『不强則枉』,朱子解之曰:『强者, 洪範》曰:『高明柔克,沉 意也。」 治 '則終于枉而已。」古人韋弦之佩,皆 力自矯之謂。 不及,以不及治過,亦奚爲不可 若徇其 所偏,不自 潛 剛 克。』、丹 矯 Ī

悖乎

翼請書之以示諸子。

### 卧 草 序

鄰子 耶? 憂。 于于畫卧,起則 或 過 癸巳 奚脩 而悦之,曰:「愉 曰:「非閏也。」陳子畏熱不 閏 而 六月, 亢旱不雨, 將有去歲之 至此?」 危坐 而哦,時 乎康哉 或廢 出 子有 事。 門,常 道 其

夫 書 卧 陳子曰:「嘻! 則 穨 惰之甚 也。 吾惟 起 無 而 道 又 以 至 廢 事 此 焉 也。

> 背 則 問 爲 道 拆 有 是曾未嘗起也,終日卧 而 道 于 ,則夫今之耕 不知病者,反 耕 夫, 圃 子 顧 夫 無 問 終 道 道 丽 者 日 于卧 己。 力作,至 耶 ? 以 夫, 吾 終 不 髪 方 日 欲 枯 卧

者 也。 道者爲能 詩文則譽之,豈得爲知類 吾知過矣。」 弈之事也。今人以 ,是溺于俗者 二者交譏。 「夫詩文於道,末 俗不廢文,文不 也,文廢俗者,是溺于文者 嘻,吾惟無道以至此也, 博弈 藝耳,是無大異于 廢 者 事 廢 與 則羣 俗。 非之, 俗 故 惟 廢 文 有 以 博

## 會永安湖樓序

舉書社于東屠。所謂書社、非書社也、將庚子之冬、同人董穉升、許欲爾諸子、

麓。 説 以 分 Ш 而 分 佐 中 之故 法雖 貧 實 書社 合, 友之急 不同 事 之友 故每 然 ,亦猶書社之志 也 集則 之半,舉 而 姑 兩社之友迭爲賓主 託 義 始 焉 社 于 矣。 龍 確 惟 稍 山 其 之 變 北 其

始罷 有 事。 至。 志 樓 先 主 + Y 得 在 時方葺 去。 + 先 錢 H 且 今年 应 墓 待 期 督 凡 四 之旁,居 而 至 于 役,且與客言道 前 塗 樓,塗工 一會,惟 月十六日, 湖 後 I. 樓, 集三郡九邑之友,共三十 畢,十五 兩 即 確 未畢,役人 湖之最勝。 所 與二許子 錢雲 謂 而客 萬 無 士值 蒼 怠 咸 之 趾 山 + -主 容, 會 主 樓 一人約 書 者 相 晚 + 無 社 錯 也 已 廢 同

萬 樓 松 胸 · <del>,</del> 而 繞其後 先是,樓前 甃 堂 基 兩 有堂,主人移之 爲 湖 廣 鑑 臺 其 以 前 待月 浙 潮 登 西 擁 偏 覽 雪 益 于 以 快 雙

惟

改不

善

爲

日

用

最

切

實

工

夫。

非

堯

凡、 嶺 客 峰 而 或不 或放 之中 鄭 子 夜失 休 仲。 舟,或 避 越 寐 或 烈 山 病 攜 獻 或老更好學,手不停書; 日 杖, 晴 益 丽 于千里之外, 自 當 或循覽大海,或 奮 飯 忘歸,或不舍 輟 食 蒞 真 事; 壯 徧 觀 明 主人。 登 也 高

或馳論不止,或恭嘿沈思。

信之德、 講 爲 亦 則 事 之,改不 徒 學之不講爲憂,其 ,脩德計,爲遷改計耳。 然。 爲 云:「學固 非 講 口 是 判 集 明 蓋 耳 則 然 善 後 尼 之學 也 四 必 即 Ш 不 惟 便 有 項 是 之憂講學,非 可 可不講,要以 主 分善 仁義忠 徙 也 也 嘉 人 口 義 \_ 與 惠 不 知 惟 沈 即 同 善,便當遷 信之學,故 如欲脩: 確 德 是 吾 與張考夫之 甚 甫 脩 儕 憂講學也, 力行 厚。 先 德 陶 其仁 生 是 爲貴 洗 改。 不 張 拳 習 容 義 白 拳 氣 串 E 忠 毋 要 不 以 方

葬 舜 爲 一事, 善學者。 安 能 此 無 過 非 確 不 有 講 大 有 過 于 過 即 葬學也,亦可 知 知 而 未 知 改, 之 即 無 改 以 如 爲 淺 方

戒

矣。

賢,講 學,可 講學, 望其 功 家之誣言, 雖 親 雖父責其子之過,尚不肯認,色然不悦,安 之功,惟當奉劉 人之最篤實者 古好學之君子如 妻 切 M 兄僕 者。 改! 善乎老友惲仲升之言曰: 即無 誦 孝友敦篤 謂極詳。 無輟,究 婢之違言,以至薄俗之誹言,怨 豈惟父兄師 與諸 夫尋常父兄之言,真講學之最 之非 如 先生《人譜》。 甚 舍此 横逆 遷 某 是。 何 改 某 益 有吾輩所不能及者, 又何學之講 無禮之言,無之而 某 乎 地 苟爲不然 友之言,推 ,皆未嘗 ! 因略 無 之非 其講改過 「吾輩 有 舉 雖 脩 而 乎? 講 市 日 德 廣之, 學 檢 野 聚 地 非 之 此 身 之 細 時

不可不猛省也。同游皆憬然。

典、祝 錫、枚,子翼。 先、 兄,次確,次蔡 爾、查二雅、徐孝先、徐敬 夫、屠子高、錢雲士、許 生,次沈德甫先 辛之幼弟二童子云 潘復兮、蔡伯 三十一 萊邨、鄔子 人中 其最幼者則德 養 生、邱 吾、鄭 , 0 韭 善,及予 年最長者爲朱子 祝 休 維 鳳 大辛、徐 可、許 仲、 Œ 師 族 張 先生、董 弟 甫之幼子、大 虞 瀾 祖 烱 白 子受、許 懷、猶 菴 方 一、許 凡 吴 張 穉 汝 升 先 欲 考

## 辭陳季雖序庚寅

陳子季雝,吾友羽君之弟,故邑侯林

■ 「三十一人」, 當爲「三十二人」, 下文所列人數亦爲此

氏 子 余數 子 予 兄 三十 埜 羽 學道 完 辭 里 君 何 而 而 生 以 而 耶 未 遥 所 師 哉 獲 拔 則 也, 子 士 吾 徒 也 埜 學 步 不 日 一、「敢 如子 文 踽 矣, 季 耶 踽 雝 何 埜先生。 問子之所 過 則吾不 故 爲 余 貧 M 而 土 復 問 今子 如 以 去 選, 欲 而 五日 既 於 家 師 伯

之 事 里之遠 赫 矣。 赫 季 吾伯 圃 雝 者 來見先生,先生何 日 又非 氏 . 「子埜先生未踰 亦塾 某之所願 於外, 無 學 拒之深也?」 所 也 年 從 圃 故 學。 去, 不 憚 其 死 道 它 王

者也? 容,聆 糟 而 而 粕。 勇 能 斷 日 其 : 然吾觀 子 夫子 緒 「子之所以師子埜者,豈徒 退 論 不 而 埜言貌 絶 而 其 學之,將終 俗 已 爲人,深 乎? 明 不 不 踰 掩 抑 静 中 身焉 猶 衆 丽 將 公 有 丽 詩 有 爲, 而 未 文 進 接 恕 之 慈 亦 乎 其 能 忠 其 是 儀

> 事子 之凡 埜哉 論 子埜至今尚令吾邑, 以 盡 師 ,於吾子何 爲 之卑卑焉者乎 吾子者 如 聖與與 是 推而 則 賢者,皆至 有 上之,程、朱 則 子 哉 固 埜 未 雖 1 嘗 去 日 去 接 苟 于 而 以 而 其 爲 今 死 前,孔、 死 未 儀 未 乎 也。 容 然, 死 子 也 則 聆 孟 豈 埜 其 雖 之 以 惟 而 後 使 所 何

之所 也。 何 雖 季雕 焉 以 ? 欲 然, 憬然 見 非 先 先生, 生而 吾 吾 願 鳥 受業 今而 從 聞 者 後 是 也。 知 言。 所 先 以 生 此 爲 吾 學

之受業 懼 又先 而 以 不 拒 師 之深 生 能 弟 日 死 山 子 爲 陰 也。 禮 人 國 吾 先 弟 非 難 見 使季 生 者 獨 而 會 皆 於 竊 亂 敢 雝 子 不 弗 爲 能 未 敏 而 受 聞 人 嘗 拒 深 師 也 吾言 之 非 負先 乎哉? 拜 深 뻬 宿 獨 也。 生之 加 於 勉 季 故 自 深 凡 吾

之所不欲爲!」雖吾勿受季雝焉,猶受之矣。而又何强予

雝」,而并述其所以辭於季雝者如此。音,非士君子之所宜稱也,敬易之曰「季季雖名和鳴,舊字羽聖,「羽」「予」同

# 别劉伯繩世兄序

傳 獨 迄 傳子而又傳孫 舜、禹、湯、文,在下者二,曰孔、孟,傳子 康之際而已。 者二,曰啓、武,周傳孫者一,曰子思子, 得 其 我 我 而 Ш 門 明 知者: 嗟 陰先生之學則不傳其門人,而傳其 之 乎 ! 陽明子 或 自周以前,其在上者五,曰 自 絶 自周 而 有 而 \*, 未已者一,獨文、武、成 天下以 而後,則有有宋諸 不 得與 傳, 來,道: 其 聞 傳 乎斯 子者 統之正,吾 道 蓋 而 儒 少。 或 以

> 子,且 其門 生之學而其子能傳先生之學也故 人而 必 傳 獨 其 傳其子 孫 無 疑 也,則 也 其 非 門人 我 先 生之 不 也 能 傳 不 先 傳

見, 閔其貧而餽之以金, 弗受, 求先生 學也。問其學先生之學則由慎獨 繩 書而梓之,固弗予。 誠意之學也。 也,八年中 喪之禮焉。 示之,洋洋十萬餘言,已裝潢成帙矣。 距先生殉國之日已八年矣,而猶 去年之三月,確嘗越江 如一 蔬 當事者知其賢而 食 日 也, 觕布之衣也, 寢 也。 確拜而請之,則盡 問 其學則學先 而弔先生, 訪之,則 而終 然 一之遺 歸 于 行 出 生 則 弗 之 外 以 伯 居

繩之一書再書,而猶皇然若不足者也。乎?」曰:「有。」「可得而盡觀乎?」則皆伯乎:「猶有副乎?」曰:「有。」「有草本

今已棄之者,朝所書夕已棄之者,子安從問:「先生之學日進而未已,有昨所書

録之,而得之。」 集之?」則曰:「夙夜侍先大人,竊檢拾而

而 大夫授書,則 得之。」 無留 間 稿 「先生與友人書, 焉,子安從集之?」則 竊發之,而録其 隨 問 副 以 隨答,皆 日 授使者 一每 手

言無或軼 先大夫之遺 中軼者尚十之三,二十餘年之上,軼者 夫之手澤者,止二十餘 之七。 无或軼 也 | 讀者, 日 者乎?」曰: 呼 號 而 于故舊之家之 莫之應也。 年。 我 而二十 從 若之 事 有 于 餘 何 藏 先 年 其 之 我 大 更

則 從 之 卷 先 成 益 ¬, 書 儼 生之遺 萬 先 然如見我先生焉。 , 猶 生之年 有餘言,所 不 命。 翅 數百 譜定乎?」 確 以 請奉其 餘卷,或 發 明 自是 先生之學甚詳, 副 則 存 以 己 丽 或 述 歸 削 外,先生 ጠ 上下二 卒 則 業 並

焉。而徐謀梓于同人,則弗許。

求 瞽 而問 非 於先生之學也 切 遺集之闕誤 複者、尋常酬答之無關 于 故 來, 切 年 昔日之元本矣。 也, 而 丽 則 問 未 焉,又如取火于木,挹水于地者之百 焉,若未敢 譜節其冗者十三,於遺 越 寢 伯繩之蔬 焉 有 明 于 罄 年 外 也 「於年譜, 春 而未訂者有之乎?」諄諄焉 如 而問之,則 以 故 食 正 月, 如 也 猶 日 故 以 有 確 而 再 也 世教者 爲 山 又 其 即 請 未 以 鷉 同 安 應 書 其 也 益 澉 布 也 如 十二, 、汰其言之 書 就 之衣 損者 湖 響 讀之, 吴 確 確 馬 子 更端 乎? 已盡 之 有 以 疑 愚 則 如

詳 小 亦 之 皆 學,舉先生之春祭。 而 能 仲月三日,會同 未 言 會 先 其 生之學,而 歸,一 門之士四十餘 未 祭畢 或言之 有 若 而 伯 請 而 繩 教 不 之洞 人於古 則 源 或

流 學,而 **,** 本 其子 末 者 能 0 傳 故 先 曰 生之學也 . 吾 門 人 故 不 也 能 傳 先 生

皆 者 必 故 有 而 IIII 傳 酷 未 過 教 四 日 其 其 及 子 之,奚不 . 類 自 先生之學,不傳其門 諸 伯 孫 先 見,見其伯子子本、仲子子志 無 子, 此 繩 生。 疑 孰 圃 可 日夕 非 也。 上, 以伯繩之所 也 先 1 靡 四 生之德 又傳之無 間 世皆單 伯 · 吾 繩 勉之哉 之所 知 人 以學 傳, 窮焉 其 而 啓 必 傳其子,且 於先生 而 軼 有 伯 成 其 繩 風 也 者 周 小 儀 今

言 溪 炳 心 以 或 言 之 學 如 以 開 説 日 求 本 也 確 示 體 大 星 來 向 之, 良 學, ,或言 者亦 與與 知 抵 集 千 發 衆 如 以 嘗 明 聖 説 思 工 孔子之言仁。 竊 道 夫,而要之未始不 加 我 以 聞 要而 無 訂 先 先 窮焉。 之,使 生之慎 生之餘教矣。 止。 吾 其 伯 獨 不循一 先 繩 必 其益 生 而 不 合 令後 之 同 「, 期 學 其 虚

> 之人 信 于 伯 猶 繩 有 前 疑 我 尤不 先 能 生 之 不 厚 學 望 者。 我 伯 此 繩 確 者 所 也 能 深

諸 戀 人 + 事 己 戀 五. ·, 茫 於 丽 日 余與吴子之來古小學也,以 既 ; 不 然 其辭 去 得 未 也,而復遺之以言。 ,則益 獲 去也,以二月之 窺我 不 先生之學之萬 能 不專求之伯繩 五 日 Œ 月之二 鹿 求

# 送周子和歸山陰序

去 吾 依 兄 梗 士 小未 年, 依不忍别, 泣 也 來 里,屈首 成 Щ 若子 家 子 陰 夫書 仲 周子 和 和 爲 氏 亦 確 之訓 童 請 誤 和 數 子 以 子 以 貧土, 行下。 師。 是 終 確 和 得 歲 非 授 交 世 未 辭 諸 確 子 日 得 俗 去。 孫 爲 和 過 志 士 經 之憮然。 圃 確 來 于 知 時 辭 樂交之。 諸 致 其 于 孫 非 其 嘗 確 頑 常 表

甚 年 之中 驩 八 月 且 故 約 子 也 每 和 歲 又 當 不 以 遠 此 數 月 百 相 里 訪 涉 江 以 過 時 訪 當 意 寒

其 其 雖 確 吾氣質偏 疾。」 知 之 疾 愚 丽 悔之,而 嗟 能 則 劣,何 乎 已 確 滯 人之疾者乎 亦 過 子 以 嘗 每 已 和 得 患 憤 在 之 此 斯 悁 前 于 于 疾 時 矣。 者 子 確 1 易易 和 可 失其 烏 願 謂 有 子 不 本 至 言 能 性 子 矣。 自 以 和 後 己 已 顧

争 遺 其 言 之益 魄 爲不妄者,故常置 事 爲 于 憶 往 確,確告之以 言,確告之如 今兄弟式 年 字 和 適 好 有 胸 無 初, 同 如 中 争。 故 祖 耳 而 兄弟 子 子 則 和 子 和 之釁 和 亦 以 終 終 先 得 人 亦 之 確 不 質

顧 自 平。 確 之 子 愚劣, 和又言「每 鳴 呼 竟不 子 忿 知 和 悁 何 之于 時 以 得 即 確 此 念吾 于 可 子 謂 子, 和 至 氣 也

> 豈 書,將 于 欲 無 特 從 此 已 忿悁 事 備 則 願 而 白 有 與 之去 未 行 蕺 我 能 而 子 山 而 者 躋 先 和 已 聖人之域, 生之《 哉 共之。 凡學人治 人 子 譜 疾 眴 和 > 在 之 息 試 間 方, 服 此 膺 悉 確 備 此 肵

之約 里 窮 之居,足備 爲 焉 也 乎 子 復 和 何有 所 子 師 居 和 法。 , 佳 于 休 確 矣, 聖 山 之 水足資 母 固 願 悌 陋 無 弟 者 復 〈登涉 言 天 而 倫 每 跋 ; 歲 之 近 涉 樂 八 數 哲 月 無 百

**輯祝子遺書序**己亥。 案是篇刊人《祝子遺書》。

學,有「 止 將 喪 歲 吾 斯 庶 友 文 耳 乎 祝 乎 ? 力 口 子 學 也 開 何 未 」之嘆,惜 美, 奪 究 吾 在 開 而 蕺 美 遽 山 其 之 死 之 死 速 國 門 踰 也 變, 最 顔 天 子 稱 亦 好 顔

率 生 本 歸 三月之 子 無。 侍 齐 顏子從匡之義也。 先生死。 先生。 死 開 變,先生在籍,可未死,開 匡 美皆在籍, 重 乙酉五月之變,先生與 薙髮之令至吾寧,開美亦 日 :「子在,何 未死。六月,徵書及先 敢 死 美 「與」字 亦 而 忍 甲 死, 死 申 刊

然 何 也 以 以 兢 有 哉 開 兢 開 開美之學,尚實踐,以 美 美 无 所造, 之志 負 而 其 天使至此,故可 與 本心 雖 其 未 力,假之 爲 可 要。 云 精一 知 痛 本 以 過 也。 年 心者,道心 執中之學, 改 -,於精 過 爲 功

明」, 然。 爲 故 同 然。 舟 不 開 甚 人 開 而 蓋以 美 美邃 悉其是非 謂 剡。 則 程 頻 于 習 開 朱之 舉 理學,而 聞 美自 先 良 崇禎 説 生之言爲證 知之學之近禪,而 言「吾學本象 非 確素不悦理 癸未八月,與開 是。 確 確 時 不 家言,0 亦 Ш 甚 不 其 爲 陽 美

> 之學 吾所 之 是益 省。 朱 世 非它,即吾所謂 則無不可。 合,然以之詮《大學》則不可,以之捄 明子之所謂致 蕺 之言 論 儒 Щ 難謂 参以 又後 謂 先 之所謂 之所爲 (久爲 兢 生 諸 十許年,而 游 兢 與孟 非 開 致良知者也 儒 子之説, 本 無 惟 良知,合之《大學》殊落 者 之 負 本 子 美 無 所 陽 其 心 道 亦 宗 不 明、象 是也; 本 性善 乃徐覺其 確 可 時 心 必 有 理 而 是也 同 有 《大學》之辨, 前 已,其 Щ 致良知非它, 功 取 説 也 (舛謬。 可 爾 者, 此 知行 確 也 也 吾 猶 0 而 俗 開 非 合 落 雖 未 既 良 美 學 於 從 即 知 難 深 如

性 喪 其 命之旨,若 本 學失教衰 心 而 可跨 猶 覆 無 人不 孔、 之 以 孟 昧 義 而 其 理 上之。 本 之言,玄 心 言 無 以 之 事 近 以 不

❶ 「理」下,疑脱一「學」字。

作 佛 是 其 狄 五 謂 惟 思、辨、行 之,則博是 舍吾本心之良,又復 乎 ·用,説 信儒 將 博 六 者 有 學、審問 有 百 爲 亟 者果 真 年。 精 提 於此 未 學術 者 其 發 書 徒博,學是 有 ,亦無之而 本 、慎思、明辨、篤 以 時 意 己 安得 真 心之良,使之自 非 發, 而 窮 聖者 人品出于其間。 猶 理 不禽,而 動 然與 何 盡 僞 静 非 爲 所致 性之學, 學, 僞 顯 經, 學者説 忧 微 中 而 其 行 晦 或 證 轉 凡 蒙 力 之功也 安得 而 哉 所 增 本 自 蔽 將 不 體 謂 合, 幻 寒 寧 究 者 説 問、 惑。 舍 惟 庶 所 夷 積

己。 作「乂」。 留 心 凂 己,葬母 先 以 生 開 圃 庶幾寡過之學者 確之重開 美 不 生平 在 再 結 此 帨 擬 大節 惟 疏 美者,刊本无「者」字。 開 擊 世 美 恐死之不速,之數事 執 亦 所 政 「, 而 傳 惟 焚冠 誦 非 兢 者, 曰: 徒 兢 袍,惟 争 無 此 負 獨 一疏 品 恐 其 刊 本 其 而 本

> 無之非一 夢覺 之節 不再 之二章曰「書生今集作「諸生」。 之文而已,由是而益推之,謂 害之所 名之所 安」,曰「庶幾 而造次之必端」者,本心之言也。 計 吾 者 也。 本心之言,其可 在,縮首 在,攘臂 矣」,本心之言也。 還 吾 故 乎俛 真」, 其《 而先之;草莽 而 焚巾 仰 避之,此 日 刊本作 也 惟 衫》之卒 義 頫卬」。 狗 亦 非上 不干,吾 有 彘 《祝 贵 产 無 所 惟 子遺 之無 逃之 書之人 羞 E  $\wedge$ 歸 爲,予 心 誼 屬 則 朝

者 祝 先 負刊本作「失」。 毋 只就日用尋常刊本此下有「之」字。 本、 乃 生《答祝 子之書,只刊本作單」。 廢 或 心之謂, 先生之教 日 蕺 子 Щ 初 其 先 良 見 本 生 刊本作 問 知 以 心之謂 是 學 慎 書》 也 訓。 提 獨 日 · 致 「本心」二字,其 爲學,而 慎 矣乎? 獨 良 道 間 者兢 知 不 因 吾 吾子 是 遠 兢 也 序

亦只 不肯 之已 是 得。 未 其 者 教,刊本作「學」。 而 先 禮 喪 本 益 生 讀 復有」。 斯 之 是 放過 心,而 所 明 先 推之,謂 外 如 文,而 許 教 時 此 生、 者 今 傳于今後 時挑 處。」 也 更 日 而 又刊本作「益」。 開 即 求 驟 虞廷精一 先生之言無之非發明本 與之 美之書 其亦可也。 亦 道 動 曰:「惟大節目不可不自 遇 寧惟 良心,自有不容己者。」此 乎?」曰 期 措 制服 也 喪,自 諸 而 初見之言而已,繇 之心,庶其復刊本作 踐 興 制 加之學,則 : 倘刊本作 禮 履, 起焉,人 是 心 ,何等心 本 便 所安 心 是 迫 「使」。 人 進 是天之 處 切 安 心 無 步 勉, 處 乏 即 理 是 負 學

削 手 其 其 輯 + 戊 + 其 戍夏,開美之長刊本作 七 先 爲 以 集 鳳 問 並 師 世 所 刊 傳述先生之言 期 本 此下有 以 發 明 「之」字。 伯。 心學 而 見 家 子 止 藏 示 鳳 師 又 而 確

> 兹故 同學弟陳確拜書」十三字。 惟 以 兄弟 多乎 昔者澉湖吴仲 生 者」二字。 遺 孳孳寡過 也 不復道。 哉 書之輯 ,俾知先學之有本,益 亟 1 吾 起 丙 鳳 爲 已哉 圃 《開美 戍之夏, 予 師 世 木 因 汲 其家學焉。 論 所述《祝子遺事》已 汲 其 傳》, 刊 惟 本心之學,以 本 遺 ·此下有 略 書之 病 相 盡 則刊本此下有「今 與 幾 ,己亥二月 其 輯 絶 反 平 也, 求 遺 生 懼 諸 極 又豈 鳳 不 花 心 朝 復 師 而

# 送謝浮弟北上序

皆蠢 余夙 復 而 與 世 言 一笨,不 之 以 出 衰 用 處 觀 病 世 聽 解文字,遂父子 事 謝 聲 理 事 9 影者,謂 而 不 此 士 非 復 或 知 理 相 陳 陳 經 力耕 子 子 非 生家言。 隱 者。 不 者 泥 其 耳,不 橋 間 陃 之畔 與 出

以 處 有 一吾非 斯 論 異 同 世 斯 以 之見乎哉 斯民爲己事 人之徒 之, 而 與 士 丽 者, 或 誰 未 吾拜而禱之,况 與 之察 !」當吾 也 世 嗟 而 平 當 有

家所 天 仕 祝 君 則 于 子 贈 宜 謝 ,是鳥足以 者,且三四矣。 鄉 未 謂 之以言。 ,卜日將上公車。 而 浮,夫後 謝 浮 至 有 其 (善市 卿 而 弟 斯人 相,則吾家所已有。 向嘗從余游,今年 祝 謂 昔孟嘗屬煖 謝 之善 之所 今余贈 浮 以弟之才,取彼曾如 祝 願 予貧,無 望 謝浮,亦 科 市 而 名 吾家 不 甫弱 加 可得者 以 若夫晋木 必 至 贈 所 將以吾 鼎 冠 其 寡 甲, 有 探

溺 者,有自爲秀才即 者。 夫不 吾聞古之君子,有 被 古今人不大相遠。 澤 爲 耻 者,有 以 天下爲己任者, 人 所 飢 調志 今之人志于 己飢,人 不 在 溺 温 有 築 己 以 飽

> 違仁。 鄉 必 近 非 貴 天下。 也 則 求之功名富貴之外 今人之與聖賢者遠,而古人之與聖賢者 而 ,由志與不志耳。 榮貴 鄉,治一國 無之而 至, 古之人志 非仁,故曰: 則仁 哉 要之,所謂聖賢,豈 于 ! 聖 一國,相 故有· 賢 無終 而 志者 聖 食之間 天 下 居 則

焉,可 謝 弟 流 今之視昔,亦猶後之視今,吾知其 浮勉之哉 光 材自足以 ,子孫富 吾弟自高曾以 誣乎 ! 致青雲,要其 貴 故 累世 其 積彌厚, 來,世有隱 不 絶,以及于 所 則 佑 德,故 其流 于天之理 不 弟 爽 益 積 光。 雖 厚

則 難 者 如向 合。 亦若是。」光武 顔 子曰:「舜 所 有 志 述 禹 者 1、稷、尹及王、范諸 事 聞 竟 何 耿弇之言 成,謝浮 人也,予 若 何 始 人也, 不 亦謂 賢,直儒 迁 吾言, 有 爲

餘 出 者 分 適 而 内 哉 圖 事 吾 耳。 民 故 吾之所 則 謝 吾 浮 囂 不 囂 以 出 贈 献 而 謝 畝 圖 之志, 浮 吾 者, 民 非 不 謝 益 徒 浮 爲 有 誠

# 補同人詩草序丙戌

謝

浮

也

亦

以

自爲

也。

飲 而 1,嗚呼 歌 于 於市 燕 予 讀 市 中,  $\wedge$ 荆 酒 有以 相 酣 卿 樂也 傳 以 也 ×, 往 ; 高高 至 已 日 漸 而 與 離擊 相泣、旁若 狗 屠 筑 及 荆 高 無 卿 漸 人 和 離

若闡 集 學, 得 時 壇壝 有 往 恣情聲律, 成 試 乙酉、 間 又 然。 丽 往 賦 以 亦 丙戌之間 詩,詩 竊 非 不 以 而諸 社 能 爲 約 成 成 非 見 好 然後 詩 , 儒 時 事 呵,余亦未以爲耻 能飲耳。 者 所 遂 命 宜。 始 飲 往 共 往 法 辱召 棄 呼 飲後,或 嚴令具, 號 帖 每 同 括 不 志 之

> 子欲 篇 詩 戌 所 盤 前 士 九篇。  $\equiv$ 韓 不 桓 俯 月二 爾 能 長 大 養 今年春莫, 得 已者 吁 元 海 次 十日 好士,招余及 Fi. 日暮 對 一,於是 日, 篇 越 也。 稍得 悲風 又 壘 各 會 0 諸 謝 分 論 交林,棋殘 憑檻 飲 同 韻 于 文之暇 諸同人會飲 人蔑 切 賦 東望, 人 詩。 不至。 山 () 慨然 堂, 酒罷 抱 是 得 夕 孤 黄 念 詩 共 黄 松 實 如 山 許 得 道 有 而 山 丙

情 故 瑞、爰立姪, 屬 見 乎 余素非 酒後耳熱,隨意抽數篇恣吟覽焉 辭。 雅 集 皆初 能詩 蓋 丽 猶 書 習詩, 者, 之。 山 者 而 燕 後 未 同 有 市 悉 學 作 和 聲 查 者 歌 病,然往 之意 雅、 以 次 董 也。 往 編 典

#### 乾 初先生文集卷十一

以

謙

和

而 忠

信

庶

其可免於今之世乎!」

酌

st

昭

忠信

也。

二子不幸生衰亂,吾教之

陳子曰:「唯

唯,否否。」

海寧陳確著 族玄孫敬璋

編校

説

養吾二子名字説辛卯

焉?」陳子曰:「何謂 成童之年矣。 「吾有二子,長名沖 日同 「《説文》:『沖,和也,又虚也。」《詩》有《泂 過黄山 養吾道 人與乾初道人,老相 禮,父之友字之,子 酒 酣,而養吾道 ,次名泂。 也?」養吾道 其名 人謂 得 又 沖者 人日 之 也。 何 日 辭 在

> 爲高 者自 也! 酌」, 其子,而内 吾道人笑而不答也。 日 陳子曰:「吾非不足於子之言也。 "『此鳥不蜚則已,一蜚沖天。』又「泂 卑。 遠酌也。 遠者乎 養吾道人曰:「子豈不足於吾言乎?」 故字沖曰伯蜚,泂曰 吾又安知謙 亦陰以高且遠者期之耶?」 ! 意者蔡子外以謙 甚矣,養吾之善名其 夫陟遐者自邇,登高 和忠信之非即 一仲邇。 和忠信 齊威 所 子 以 教 Ŧ 養

高? 孰卑 從事 本立而末從之,何近 焉。」陳子曰:「君子之道,務 孰邇,孰高孰遠,請言其狀 養吾道人曰:「善! 是故滯於卑邇,不可 以 何 童子懵於理言, 爲 遠 ? ,使童 高遠者 本 何 卑 m 子得 非 何 已

子張氏之儒也。夫身心,至近 遠,不自安於卑邇者,非吾之所爲高遠也 吾之所爲卑邇也,子夏氏之儒也。 邇之足云乎! 之外應之。學者誠神而明之,又何卑高遠 宫,聲聞於外,君子脩其身于一室,而 治,戒懼,至卑也,而 臻 位 育。 也,而基 故 鼓 鶩於高 鐘 四 於 平 海

之所 率賴 耶 歷 終爲農夫以没世,而 懼 高遠莫過焉。 子曰:「士力學,農力耕,二者皆本務也 身都 ? Ш 貧 尹 賴者,以稼 不能卒業,將率二子耕于佛墩之陰, 之。 養吾道人戚然不悦曰:「吾爲儒半世, 蓋子之所非者,以學爲稼 卿 、耕于莘野,諸葛耕于南陽,而當 樊遲請學稼,而夫子非之,何 相 而 算 子又何病乎? 昔者 爲學者 人稱獲,吾必以小人之名 子何言之夸也?」陳 也。 以 者也,當世 學 爲稼者, 舜 耕 , ## 於 而

學,雖以老農終乎,吾將負耒而從之矣。」誼,吾必以大人之名歸之。子苟能以稼爲歸之。以稼爲學者,雖終身南畝而尊德樂

無

## 補試 訟 説辛卯

訟善矣、訟故 矣。不試已耳,試故不可苟也。文,吾 忍言者矣。 庶幾焉。幸而勝,吾滋戚也。 心焉,售不 無責焉耳。 司,吾無惡焉耳。惟試 士生乎今之世,或不得已 售則 惟訟 又或不得 不 可 命 而 苟 也 求 也。 已 必勝,愈有不忍言 無 圃 而 喜戚焉 孚窒 求 見訟於人, 必 而 售,斯 而 不幸而 可 出 惕中, 也 試 吾 有 於 盡 者 有 不 無

之聖與賢 勝 士又焉往 非 吾罪 而 有 也。 不可與乎道矣乎 不 免 雖 者 甚 夫 而 何 囹 哥 憾 焉 克 桎梏焉,古 是二者

補壽 母 説遺屠子闇伯。 丘辰。

母 故 皆以千百世計,而屏序牋詩之壽不與焉。 者,有以子之賢 屏 之所大醜 序牋詩之壽, 古之壽 母多 也 而壽 矣。 此俗母之所榮而有道之 其母者。 有其 母之賢足自 二者之壽

子 諛。 」確 且 美 姓 吾習聞 而 欲 兄 颺 確 爾 又安敢 弟 不幸蚤喪父,而幸有母,八十六矣。 言之, 諸 眉 稱 子,皆 老、仲 壺 則 以 觴 艴 吾 而 謀 有 母 進 然 冰 母 之所怒怒屠母乎 怒,曰:「老 則 而 脩、麗 色然 賢。 喜。 京  $\wedge$ 傳》 、仲木、 婦 頌 不 不 其 愛 封 德

> 屠闇 謂乎 子 諸子約: 乎 偕隱。」非今日 ! 伯 身 始 將 加 凡遇母壽,皆不得徵同志詩文,自 隱矣, 又何文辭之足榮! 闇 焉 用 伯 文之。 、麗京諸賢之子 能 如 請自今與 是 乎 母 與

聲 也。 無其 之嫌,而海 加 ,顧不可與?」 竊欲表章之者,不求而自至,不謀 今以 實者也。 或曰:「子之所醜者,謂不賢而賢之, 屠母之賢 内文章之士稔母之貞勤慈惠, 富厚 而 之 闇 所 伯之貧,既 招,逐 羶 而 無二者 至 而 者 同

肫篤 乎 未 之世德遠 録 ? 葬, 》讀之,作 行君 陳子曰:「然。余向者嘗受屠母《節 而 雖其諸父亦皆賢,窮 抗 子也。 矣。」不 志三十年不娶,今之君 而 嘆 獨 無 日 論 其 「嗟乎 其它,即 母賢,其 困 流 以某 父某公固 异哉 離 以 子 孺 相 有 是 之 肫 屠

之所 篇 又何 乎? 乎 活 與 加于吴子之文。而 曰 之節之孝, 而 難 哉 !|今年 壽 中 以壽屠母者也 以加於屠 母 快 有《 矣。 且吾始謂 者 哉 屠 春 則既可 况 則 母壽 屠 , 吴 子 闇 子文所 母 母 子 伯 之賢 以不愧矣。 之賢足自 序》,余讀之又 勉之,又豈 ြ 子 即 仲 · 母 以 雖 以吴子之文之工 ,則繼此者不可 木過 後 壽 煢 有 屠 煢 余, 作者。 壽者,以 母 四 人言之所 謂以子之賢 者 示 + 作 年 新 度 非 之 屠 以 無 世 而 文 能 已 度 守 母 以 俗 嘆 五.

# **自 盗 説**遺許大辛

盗 歸 罏 並 溪 丙 在數日之内。 申 而 之 被 秋 盗 許 盗 大辛 風 若是乎吾黨之士之阨 彌 子客 熾 毘 吾 陵 友 張 而 考 家 夫 亦 被 子

> 則 禍 也 往 尤 慘。 弔之,而亦不吾遇也 丽 大辛方當遺 陳子于張子則望而 嫁之時, 客毘陵故 奩 弔之,于許 貲 盡 失,受

治,而 治自 盗 甚 子 許子自此必 而 之窮 矣,盗患之靡 陳子且貧 人盗 盗 於是陳子慨然 自盗可治。 則 也 有 ! 今日 能 不能 窮,自 友朋 自 時 許 立 自 許子能 已 之 子 而 盗 日 周 也。 愛, 大有爲于當世矣。 无 之受盗 則 嗟 窮。 誼 周之以言。 乎 以 有 當 1 人盗之故 人盗,又 然 有 非 人盗 奈何 不 以 幸 周 哉 不 有 日 許 也。 自 可

治 之身,將 求 日 而 自 困 誠 盗 使許可 欲 則 而 不 守 終 蓄德俟 甘 可。 子 不 道 窮 而 能 固 困 何者? 泛 無 窮 時,以 以 然自 求 死, 以 于 必 同 爲吾所欲 加 人。 自盗 行 流 以 其 俗人 即 賢 不治 志 許 則已,許 君 則斷 子 則 决 而 子 日 不 不 非 困 貲

得失, 于流 矣。 行 之學,於是乎大墮。 H 其志,則斷非嚴治自盗不 就 而况 俗則已,許子 窮 有得 困 或終 以 失則生怨尤 死 未 能 固 而 有 無 故使許 誠 求 志 ,而君子 欲守道 于 之 人 士之 可 子而 固 所 素 求 泛 窮, 然 位 人 不 忍 自 則 自 以 必 同 得 有

不 頃 毅 可 呼 不 軼 用 刻 用 以 絶塵之樂。而 ,行吾言當 常情 變化,彼 人言,此其 它人 人言,陳 此 其 測 則吾不 所 下 以 如 而 子 所 賢豪特達者,如雲龍 ·士烏 失許子 御六轡于康 時士不察,謂許 敢 雖言之詳, 以必用陳子之言也 望。 足以知之! 也。 以 許 衢, 復 子 節 之 何 子 且 之士,固 許子之 聰 常 益 日 出没, 崛 有 明 嗚 强 强 奔

何以獨責許子?」曰:「陳子之不治自盜有之。」「陳子無之乎?」曰:「有之。」「有之則「舍許子無自盜者乎?」曰:「人人有

之於盗 之。 説 説矣。 以 大小强弱以爲 陳子之不治而例許子之必治乎!」 也,許子之必治,勦之之説也。 不治之治,僅 吾老 ,當勦則勦 不 進 復 退。 爲 能 ,當撫則撫,一 不 與 陳子之不治,撫 失 争, 下策。 頗 用 視盗 文 辟之 又 法 官家 何可 之之 勢之 覊 縻

官》之法。」
目:「治自盗之策若何?」曰:「有《周

### 自盗招詞附

悟。 而 知之。子 曰:「久矣,吾之養盗 豈 抵之以 向 魯人 己 者 而 衛 有 詞 毋 盗 客 我 善 曰:「吾忠信廉潔,與子 且 隱,悉 之説乎?」 自 盡 [盗者, · 主 以 人 也。吾始 衛 狀 駭 大怒 客 聞。 其 覺 故 而 自 而 不 忽 盗 覺 攝 語之,弗 而 治之, 同 一,乃今 不 EI : 服,

忍子 苟 非 盗 其 ? 義 子毋信客之讒 豪莫 取 誠 而 不 枉 忍 良善 盗 人, 而 何

具 綫 而 牢 負 搆,不火而 此 之而 善 誑 乎 ? 而 暮 我 主人 遺汝,弗復汝苦。 1 械 爲! 于肆 走, 吾有盈: 何 益怒,言色加 墟 器 而 也。 子 子 一箱之積,不偷 窩 良 驅 子 贜 何 田 而 於 何 主? 廣 之它,若驅 我 匿 厲 不 池 亦 ? 爾,將致刑 曰:「子之黠 毒矣 夥何 雖 具告 而 有 盡 黨? 猶 羊 力 以 者 連 不 豕 毒 情, 朝 雲之 誘 自 不 迺 吾 伏 能 至 何 干

端,意旨莫測; 靡 杖 暮 内 心 煌 堅 黨 西,修忽 以 煌 不 盗泣而進謝 爲我窩主, 耳 破, 列 目 心變易; 子文房 利 口 示 手,以 綫 可 日: 我 引 有子之肝 當 墨 萬 疲 爲 緒,未 書 奔 我 誠皆有之。 臟 數 命 外黨。 人我 行, 膽腎腸 知 日 紀 朱 不 手 子 暇 極 印 以 盡 好 有 給 方 追 尚 子 朝 爲 之 給 械 東 名 我

子女,我實徒勞,爲子罪府。」主,日夕之需,皆吾是取。雖有分者,僕

婢

進。 杖刺 乎 詞 後 親 貫 昭 以 以 自 然 戚 貽子 我 主 相 上 盗 自 主人倘 傷 百 人 罪 自 盗 遇 貫 不能 哉 孫 以 盗 例,減等免杖, 赦 流,三犯絞。 宜 1 前 ,杜後倖進之端 歸 之去,主人日 然若失, 有 復 雖 招 聞 貸子。 加 我豢 甚 主 明 但 人 ?,誓不 子 默 己 流 律 按 子 然 子 富, 律 三千 無 無 富 也 良 復 實 自 日 賂 竊 久 善 用 里。 再 盗 不 盗 左 , 盗 致 條 犯 日 右 臟 遂 Ŧ : 姑 贜 刻 滿  $\equiv$ 欲 金 尺 其 復 依 千 貫 嗟

# 老實說成成

在 不 老實。 張 尹 來 元本作「病未老寔耳」。 過 問問 諸 子 之學。 確 吾 日 近 亦 病 無 别 只

信。 功 學老實,愈 子者焉,不 以大吾之忠信,今之學者惟以 未老實也。」因 「吾欲爲下轉語:千載而下,必有 ,元本作 古今學術之不同,在此 如孔子之忠信也。」古之學者 覺 邇 不 日 誦「十室」之章,慨焉嘆 無他工夫」。 老實, 此 所 惟學老實 而 以 己。 知 雕吾之忠 諸 好學如 子 之亦 然 曰 求 孔 吾

孝弟 弟者 忠信,均有所 忠信,方是 則 教,其學者皆以忠信爲學,文行、孝弟皆歸 孝、弟、忠、信。 亦非 子以 無論矣,其有文行 矣 四教:文、行、忠、信。 聖 不 學。 敢。 故古之教者皆以忠信 今之無 知苟忠信非,將所謂 而 文無 孝且 行、不 弟 子弟從之, 者,以 孝 語 不 爲

與 固 理,亦豈有二哉 非 忠信,心實而 吾所 謂不忠信,非全是虚 理不 理不實即是心不實 實 亦 非 忠信 僞。 心不 夫心 實

即是虚偽也。

它乎! 言孝,凡二十章亦無 問 學》之夸文。 陽明孜孜反 學益大。 子得忠信之學;至子思而孟子, 恕即忠之用也。 深信得過,曰:「夫子之道,忠恕 二氏,病亦只在夸也。 恣爲夸誕,全與忠信 西銘》、《皇極經世》等書,可見 孝,皆是忠信意 孔子答游、夏與二孟 蓝 (求,庶 子而後,忠信之學日 習心之蔽,賢者 孔門自顔、閔 ,細思之自見。 幾近實,猶皆惑於《大 非 相 是 反。 觀《通書》、《正蒙》、 元本作「兩孟 此 宋儒之學出 意 也。 示 而 矣。 衰。 而忠 圃 免,况其 下, 故 亦 已 氏。 象 曾 不 矣。」 二氏 信 惟 Ш 曾 惟 之 之 子

嘆,非嘆忠信者之少也,正嘆真好學者之俱作「寡」。也,正嘆真忠信者之少也。吾之孔子之嘆,非嘆好學者之少元本「少」字

學 少 則 也。 于學耳。 忠 故 者 失其 好 今之學者不然,深可 學 爲 則忠者益 忠,信者失其 忠,信者 爲信,是 痛 益信,不 也 所

#### 私説

無私實難。敢問君子亦有私乎?」確曰:或復於陳確子曰:「子嘗教我治私矣。

有

私

\_

君子。 不如 之子,奚爲不可 有 有間 無 敬其兄 弗 私乎哉 其愛 矣。 愛也,然愛其兄之子與鄰之赤子亦 有私何以爲君子?」曰:有私 與 惟君子 國 敬 如是,則 鄉 也 夫君子之于人,無不敬 而 一,愛 人必 後能 雖 故 或 有間矣。 君子之愛天下也,必 必 有 愛己之子又愈于兄 私,彼 不 如其 君子之于人 小 愛家與 人者 所 也, 以 惡 身 爲 必 然 能

> 言也 道私 乎? 治之 身 知 以 不 也 可可 脩身爲本。」此非忘私之言,深于私 能平天下者乎 愛其身而愛之無不 而 諸其身,而必不 平之也 不 知 故曰:「自天子以至于庶 能 也。 齊 家者乎 惟 則 君子 ! 雖 能 欲 君 Ţ 知 至 子欲 以 不 愛其 也 不 不 Œ 能 以 德之身而 心 曰: 身 治 齊、治、 也,惟 以 人, 壹是 國 焉 脩 者 有 身, 齊之 平 吾之 君 乎 之 皆 得 之

之而 之能 乎? 毁 子 鄰 傲 兒鬭 則 則 養 悪 養 私 傷 且子 食必 囅 其 而 肺 其子者乎 然喜; 則 悪 矣。 不肖以 獨不 欲 必 矣。 其 助 助 毁其子, 見 飽 其 終其 傷 之 ? 也,衣 子 夫 鬭 脾 以鬭 愚 然飽 則 身,又可 傷 則 夫 必 長 肺 鄰兒。 艴然怒。 之 婦 其傲 欲 而 丽 其 之 疾 謂之能 ,喜譽一 傷 痛 煖 私 聞 脾 時 也 其 可 人 矣, 子 私 而 不 譽 出 其 其 惡 煖 謂 者 與

子者乎?

者乎? 鬭 則鮮 創 然。 不敢 其食也常奪之,依 ,則反右鄰兒 而 謂 疾患,責其子,不自賢其子,則有 可謂之能私其子者乎? 彼賢父母之能 日 已 進 然。 于德。 其毁之也, 而責其子。 又可不謂之能私 私 也常脱之。 其子者, 又必不敢 聞人譽其 然飽 則 出 不 與鄰 然。 煖 其 謂 所 子 不 見 懲 過 不 必 兒 子

穽焉 其兄弟妻子者也。 彼小人之所謂私其身者,非能愛其身者 私 私 朋友者 也,所謂私其 其兄,貞夫之所以私其婦,亦必有道矣。 其君,賢友之所以 而已矣,而豈若君子之能私 然則孝子之所以私其父,忠臣之所 也; 所謂 君父朋 私 其 賊害之而已矣,擠之於 私 兄弟妻子者,非 友者,非能 其友,恭弟之所 愛其 能 君 父 愛 以 以

> 備也,私之至也。 念,而能推而致之以造乎其極者也。 彼古之所謂仁聖賢人者,皆從自私之一 假,君子之心 而 人,公之至也。 日君子必無私乎哉 小人無私 是故君子之心私而真,小人之心私而 亦 私 可 舜、武之尊富享保 丽 如是,則 篤,小人之心 ! 桀、紂之以天 雖曰 君子 私而 而 有 無 下 而可 子 弗 私

「然。知所以求之,斯知所以治之矣。」求私之不暇而暇私之去乎?」陳子曰:問者躍而起,曰:「吾聞吾子之言,方

### 恕 説書示鍾杓攜

實 限 (未也。 ,手不能執匕箸, 穨然 康熙丙 時 陳子 午八 病 月,山 顫 五年 桂 廢甚,復不自恕, 屢發 矣,足不能 以誘 客,而 踰

紙 蕩 扶 人 其老,不以爲怪 墨 復 而 筆 濡 不 人 勢 山 毫 予 欹 候 恕 而 曲, 也, + 納 也 不 謂 餘 顫 復 手 老 日 「, 花 成 使 人 字, 不 畫 尚 大 容無事 丽 未 字 開。 山 中 日 住 人 作 山 Щ 皆 數 中 恕 + 争 友

遠」, 聖賢 且 丽 「質之曰:「吾守一『恕』字,雖 不 可哉 孟子云『求仁莫近』, 否 鍾子杓 乎?」曰: 攜 乃以 可可。 忽 名 孔 皆是 齊, 子 物物 云 繇 亦 「違 此可 也 屬 余 道 奚 進 書 不 爲 於

不 也。 欲 施 君 其 能 子 於己」,是恕 所 以其 恕 能恕己。 後 恕物矣, 己,能 不 能 欲 所惡, 不 斯 恕 恕 己也 미 蕺 物 미 奪 己; 恕 Щ 謂 乎? 其 己乎?」 先 能 能 所 欲 生 不 恕己矣。 欲, 無 善 日 恕己, 爲 ൬ 己 可 日: 其 惡 謂之恕乎 所 所 惡,人之性 然後能 故 不 不欲 可。 惟 爲, 知 ? 不 恕 無 勿 惟

恕物。」

昔 求 於 其 於 者 雖 往 所 斯 自 恕己之恕也者, 也 不 己之恕也 有 其 恕物。 恕 伊尹 開 子 然 也。 也。 謂 不恕己甚矣,其不 鳳 之 弟, 師 不能者,自賊者 示不 斯 爲 此 吾願 理 更願鍾子毋恕於衰老,俾昏 欲堯、舜君 兄 夫不 恕物 鍾子之所不 又蹇確之所禱 則教學長,斯 確之偏 3者,然 者, 君子之愛人以 弟之所 鍾 被澤, 可乎?」 欲 子毋 然後 後 辭 不 禱 知 民 也,敢以質之躬聖賢之 謂 恕 也 若 而 恕 知 無 日 之 忍恕者,固 而 鳳 於 ; 求 物 恕 己 而 不 德,不 可可。 聖 謂 朋 鋭 師 求者 也 恕 物 抑 推 賢,不 人不 之子 然 友, 物 之恕; 甚 而 以 以 願 也 之 矣。 納 則 能者,賊 之 知 惟 鍾 恕。 姑 미 諸 麗 已多矣。 所 子 君 是 推 眊 知 覺自任 息 得 溝 澤深 子 不 故 毋 復 禱 神 斯 矣。 中 能 恕 明 恕 知 故 有 而

有

所 也 必必 鍾 子 有 勿 以 以 復 確之衰 我 瞶 而 恕 其言之有

僕 説示兩兒。 丙申。 案此篇刊人張楊園

先生《見聞録》。

過 擅 之僕 諭。 加 君子 周 織 僕 弟禀之兄,子禀之父,一聽尊長 自 之,此 犯 自 即 呵怒,從容詳審,灼知其 乎哉 有兄 當 宜 鞭 讀書 家 其 朴 僕 責 勸 職 體 知禮之士,尚 弟之義 謂 分,而 忠之本也。 而父兄在 無 萬物。 之義 如 論 再三不 待父僕 矣。 衣食之計 男, 丽 前 况家 即 於義 改、法當 僕 ''; 亦 多 有 禮 婢 過 在 人乎 女義 父子之義,於父 失,亦且 無 有過 舉, 如 高 我 懲 男婦 是, 施 1 聲 而 固 爲,不 戒, 書 即 男 好 况 切 宜 亦然。 耕 罵 必 無 勿 己 有 僕 得 須 女 知 理 遽 以

> 禮 理 乎? 夫 先 自 處 于 無 禮 , 而 欲 責 人 之

驅 寒 逸 力 須常 及 此 每 一,時 使,焉可忘之! 馳 以 夜 有稽悮。 而 調定 農桑 道 待 守 寓勸懲。 况 人 飢 路,衝冒 人 (僕, 其 本 縱 乎 務,誠 隨讌 課, 客 飲 1 遠役必 俾 寒 使 不 必須 羣 時 暑 遠 恤 不 僕 有 來,務 深 可 蚤 令裹 飢 之 贏 曠 歸, 疲 乖 中 暇 口 長 毋 餱,恃食于外, 然日用之間 必 速 念。 俾 牛馬 人 常 之道 久候。 飽 况 知 弗 敬 其 此 盡 主 畫 推 或 其

之身而 閑 惡,禽獸 僻,不亦善乎! 日 白 人妻。 尤不可褻使女婢,以禮 善 復 不 莫 義女 不能 ·若,未 贖, 自 即 胡 制 女,何 嘗 人各有偶, 미 貧 不 不 痛 慎 ! 一土且 忍亂 心 切 之! 然, 别 今 每 监 日 嫌, 恨 又 吾婢, 何 預 金 至 怪 於 亮 念 遠 之 醜 不 異 淫

虜之性,貴爲人君者哉! 念此,真可

驚怖。

失禮。 與其 心矣。 義; 余謂 習 凡 君 尊大乎! 坐 不察,反視爲平常。 明,而習俗久蔽,儘 可以 臣 哉 而 《僕坐飲,宗人竊非刊本此下有「議」字。 而 命之坐者,體下之仁。 君 不 ? 吾所以 况刊本作「何况 止耳。 自蔽於習俗耳。 察,反視爲 違 况 推 俗 老 深 此類深求之,家庭 而 僕 朝無坐論之臣,儒者便訾其 言至 乎! 從道者,宜 異 有極異常之事, 此 即亦有極平常之事 (常者。 士庶之家,而當妄自 不 者, 敢 主僕奚爲不可 推主僕之分,至 以 坐者,敬上之 無 近有族父,嘗 世人 所不用其 日用之間, 理 而 習 義 之。 同 而 不 而

聾 説

與鼓。 不 以 無 若擊鼓聲、雷聲, 聲,及夫風 不雷 風 嗤其惑者也,而吾曾夷然不以爲意。 雨 吾耳 以非 爲雷,雷爲 是故以無 中 雨 · 嘗 擊 時 | 颼 颼 鼓爲擊鼓,擊鼓爲非 作, 風 當 不雷。 雨爲 其 則 聞 雷與 吾 若 有 不 風 雖三尺童子未有 鼓 風 知 雨 雨,有 ,則曾 也。 聲、 大 風 又 不 擊 風 嘗 聞 雨 爲 雷 聞 雨

聲? 焉。 者哉 至 而 П ,吾以 死 學不知道,俗學迷心, 若夫心,身之主也,主聾,夫安往 而 嗟 1 外蔽於俗,内蔽於欲,昏昏墨墨,曾 不覺。 乎 聾于耳,猶有治聾之道: 目爲耳,心誠求之,將或得 1 是 治之之道尚其 聾丁耳者且然,况聾 雖 破 萬 遜 心 卷,聾將 人以 於問學。 + 于 手 加 益  $\overline{\mathcal{H}}$ 爲 心 不

三五

諸 以妄 恶爲 謙 以闖 以 其 法 可 耳 古 公爲 否者 ,曷得而 口 以 「爲戾時 曾不 茸 取爲廉; (忠謀,以怙不肖爲包含, 是 「爲寬; 忘身爲 故 私 ,皆吾耳 以 辨 可 以 非爲 ,以倍道爲能權; 諸 與之言也。 以忿争爲剛 賢 以俗爲禮,以 慷 中之風 是,以是 爲 慨 不 故與心聾者辨 以 肖, 以 遺 雨 爲 蓋 雷 物 正,以讇僞 非 詭 鼓 爲 彼之所 不 以 以苛細爲 ; 爲 也 自 肖爲賢; 大愚 以 圓。 全 理 私 謂 雖 爲公, 爲智, 爲 猶 以 與 是 雖 以 黨 恭 與 辨 非 百

### 揣摩説

王 事 則 孰 鍾、王 能 蘇 季子「揣摩」二字, 逃 有 矣,詩摩李、杜 心者之揣 摩 乎 則 可 李、杜 哉 謂 極 妙。 矣,文摩 書 摩 天下 鍾

> 喻 失 者之揣 韓 可 顧 所揣 矣。 者之揣 柳 使 豈 則 摩 摩 移 獨 韓 爲 此 物 摩 縱 何 情 朝 柳 心 横家之 如 情, 矣。 于 鄉 耳 道, 莫 原之揣 學 所 不 雖 者 雖 神 農 絶 之心 坐 明 摩 乎 I 加 默 世 1 商 至 情, 成,不言而 賈, 無 故 於聖人, 微 鄙 夫 莫 不 夫 貨 不 皆 患 殖

學 徒 治 兼 要皆道心之分也,豈有異哉 至 易 湯、文、武 心而 日 春 地 收 昔 並 益 秋 則 夫 得 、戰國一 皆然。 耳 者 學心至。 取 下,學日益 乘 揣 堯、舜 奕 以 間 秋 摩民 立 M 而 民 而 大中至正 鼓 少異矣,故不得 揣 心至三代而少異矣,學心 要之此,三心者,一心也 心 心 龐 其 摩 鴻鵠 而 於是 説。 道 民 心 雖 之極 心 學者不 申、 得, 而 一, 固 道 商 技之士,莫 自 不 心 、老、佛之 已愚矣。 察,遂欲 是 深 孟 精, 求之。 뻾 揣 禹

免雜耳。 漢唐而後,不乏名賢,大抵不得富貴矣。孔、孟之徒,不宜知反出必不得富貴矣。孔、孟之徒,不宜知反出必不得富貴矣。孔、孟之徒,不宜知反出能成名,况聖學乎! 秦惟一心富貴,故卒

H 欲合知行,然諄諄 敝晉之清言, 癡禪之空悟乎? 年來,學士大夫復相與揣摩格致之説, 又立爲《大學》之教,一旦出《戴記》而 論》、《孟》之上,於是知行遂分。 捕 ,其所以揣摩者失其道也。 風捉影,尚 至於有宋,學者 傳之後學,益復荒 口黜躬,浮文失實,是何 言致 庶幾近古。 良 唐。 知 猶 非揣 未 陽明子 而程、 摩之不 而 離 尊 五 朱 之 致 雖 異 終 百

明王之道,固若合符節。而《大學》之説何由《易》、《詩》、《書》以揣摩伏羲以來聖帝學者由《論》、《孟》以揣摩孔、孟之道,

籍之教,可文奸言。」不其然哉! 爲《大學衍義》,益爲割裂。昔人有云:「六又類取六經子史之言之近於八條者,輯之爲乎來哉? 支離虚誕,誣道已甚。後儒

齊在其 矣。 字字鋪張,語語分裂,學者驚於其大,豔 中,言身而家國天下在其中,言治 字,去道千里。 其博,而過奉之,亦足悲矣。 故言知 聖人言學,絶 中。 M 故其道要約 行在其 觀之《論》、《孟 不鋪張一字。 (中,言) 而易操。《大學》 行  $\approx$ 而 既 平 知 鋪 張 圃 在 可 于 脩 睹 其

故 容以 學,徒欺 雖 則瑩然有餘元本注云: 「亦未必。」考躬行 公樂 虚 小,大也,其未當,雖大,小也。 自大也,惟其當 夫君子之學,固 而惡實 人耳。 務大 後 儒 圃 惟 加 不容以 不 無 已矣。 根 切 白 實求道之心, 是 荷當 小 以 也,亦不 語 舍是言 於理, 理 則 解

或 乎 而 未 未 慊 鴻鵠之蔽 足。 元本此下有「乎」字。 恢 其 歟 量 若可 以 孩 提 包 神 豊 聖 非 ; 求 耳 諸 奕 秋 心

也; 志,不 者之揣 行、内外、動静、體 知 如是,富貴利達不之彼,將安之乎? 無不於是。 道 苟當於是,雖 今之求富貴 顧其它,夢 摩 孔、 荷違 孟 于是, 利達者, 獨 寐 有惡名,勿之避也。 用、顯微、未發、已發, 異 惟是,食 是焉,故終其 雖 則不然。 有美名,弗 飲 惟 是,合 專 身 之 揣 而 心 不 趨 學 塺 知 致 而

#### 不信醫説

效亦 病 素」六字,此 鮮 確 生平不 悔 悮。 輕 陳 往 服 子 年 醫 藥,嘗謹 腹 訣 下 也 生 守「大 以 小 此 疽 病 雖 餓 以 無 外 小 谏

> 然,使 説。 潰 能 稍 病 自信 出 更, 亦少費旬日矣。 故 示 夫醫之理則信有之, 變傷 稍 世果有 友朋,故 何耳。豈陳子之獨不信醫哉 服 寒, 藥 未 遂 友朋 本 自 斷 陽 因著《 信之醫, 食 間多 毒 絶 而 藥, 獨 藥食誤》一篇 有 陰 無 陳 治 而 即 如 子 之, 兩 陳 不信 醫之先 病 子 既 皆 亦 醫之 平 未 信 稍 雖 復

乎? 方,百 絡 尚 先 證 借治者,有治之以不治者,又有證異 齊,有宜專治者,有宜 脈 同 未能無小誤 後、緩急之施,非 治異者,是至 理之變,陰陽、寒熱、表裏、虚實之不 今夫以人命之至重,病之至不一,經 雖使洞 不失一,而 見五 也。 或當 臟之盧、扁、倉公切脈定 不 神明默 况以下學而 可 其急遽 兼治者,有宜旁治與 執 也。 成,烏能 荷 斯 主張人病, 且 其 之時 與 〈治同、 標 於此 本、

桀然 ? 白信, 故 日 : 百不一 世有能不自信之醫 疑,豈 非 天 下 「,則 大 陳 可 子 怖 亦 事

耶

自信 子深信之。 獨多此自信耳。 然,以仲木之病,彼 子大疑之。 之甚, 吾友陸 圃 往 子 而 仲 繼 同 麗 木 陸子主張仲木之病者 確之武 京,稍 卒 雖 死 不 能 原 自 自 不自信者,故 看吴仲 信 信 者 猶 之手。 死耳。 木 病 陳 雖 則 陸 顧

子,謂 解 語 余謂 醫 難。」雲間李見 難。」卓甫韙余言,醫亦 之。 也 日 卓 昔韓卓甫嘗誇余:「某某 張尹 「求陳子之信醫非難,求醫之真 雖 甫:「生死 然,陳子之信李子, 來 陳 石以 人非 子 醫隱 不信醫 日 難,而 進。 於 者 龍 死,吾生之。 則 不 今更爲 也 山 固 死 9 名 生 不 故 惟 人 並 自 轉 爲 以 陸 信 此

#### 鑒

外,當 所 藥 素食,或但食 也 知 劑,罕不誤 吾向持不服 可 屢矣。 隨證 者。 糜粥 ൬ 治之。 謂惟 藥戒,謂 既 ,以俟病之自 以 此 腫 此 毒 妄根之先 自 大病 或 戒 П 不食, 藥, 又 退。 時 以 中者, 小 以 輕 證 在 投 戒 病

供 爲 劇,誤服 瘡 而 命,而 ,纔如栗子,然微覺 我揀《活命飲》方,贖服之。 盡 平, 今年十月 體 然體 草 熱 汁 拘 H 初 蓋,又 痛 夜 轉 五 《熱,不 一六間, 甚。 圍 腫 痛 以 能 白芙蓉 吾 起 至 腹 坐。 兒草草 初 下 葉,兩 七八,漸 起一 語 翼 未 小 能 兒 日

之來看,云: 土醫章 姓者, 「易易耳,明 治諸毒 日 頗 即 有 起步矣。」吾 成 效, 急 呼

忍,《 二晚。 出 訝 漸 此 卧,竟夕不 日 活 即 其 服 命 體 「藥至矣。」吾 活 言 木 然體 熱 即 明日 飲》 痛 命 何 出 復 飲》其 誇 未?! 覺 猶 少 不 十三 而 毒 熱 也 止。 痛 痛 如 兒揀 脱 晚,又 彌 而 又謂 先 謂 予 然乎矣」。 甚 毒 用 今晚 何? 方, 熱 翼 蟾 繼 隆 兒: 鬚 轉 急 服 用 不 起 丸 側 往 而 煎 意 矣。 再 五 今 更 村 毒 劑 服 粒 可 苦 店 出 時 服 爲 而 贖 服 云 不 覺 爲 毒 遂 我 氣 + 安 可 揀 服 不 云

父近 散》也 疽 于 患 何 至彼 + 補 與諸醫研 思 托。」 + · 日 即 耶 四 云 回 ? 日 予信 書 宜 起 硤僧 究 三 云 「 用 矣」。 加 之, 甚 藥 葠 至,外 悉 四 蓋 須 子 劑 多 圃 以 猶遲之,謂 時 科 用 叔 即 沂 未 專 又 葠, 古方《托 思 可 家 喜 叔 凡 得 博 也 母 毒 毒 覽方 不 書 頫 裹 已 謂 年 問 妨 削 出 書 患 過 族 盡 無

> 論 名 驗, 也 故 不 復 疑 其 言 此 妄 根 之 繼 中

斂,血 兒 子 遽 揀 瘡 必 此 不 退 斂。 十月 五 又 固 日 瘍 口 有 草草 : 復沿 遂連 已 科 與 熱 日 斯 廿 凡 疑之,謂翼兒「爲我 我 也 兒 而 用 潰 未 用 宜得 證 一,宜 揀 毒 能詳 葠芪之 托 四 合 痛 讀 盡 用 間 之。 削 者。 愈 出, 至 四 揀 之藥, 候 劇 背 藥四 物 也。 也 又三 近 0 湯 疽 轉 所 已 至十 謂 條 五. 加 四 側 服 不下 揀 連 下 宜 劑 而 愈 藥 瘍 翹、 即 艱 肉 凡 月 科諸 一 二 十 斂, 殊 滿 Ш 兩 初 不 肉 古 H. 栀 而 H 方論 效」。 平。 謂 赤 連 而 四 劑。 子 不 兒 日 埶

近 思 叔 無 何, 云 此 是 虚 時 熱 己 有 子 停 亦 滯 无 體 以 發 辭 之,而 寒 熱 心

未定。 弗謂 能 寒。 瘧 始 退 無 腫 潰 言,諸 起 可 肉 越 者 坐矣。 絶粒 追 卒不服 然 兩 余日 子 也 藥 今當 日 + 或 誤 而 H 間 食粥 云「内 藥 也 「熱者, , 而 外 以 日 而 勿 又 熱 五日 内 兩 有 兩 藥 發 退, 疾 熱 病 餘 愈 食 III] 寒 俱 始 内 自 毒, 熱。 也 始飯 之。一 愈 熱 退,瘡潰 示 0 故發 不 相 毒 鄔 越 食素 退, 久不 涉, 天 日 熱」, 則 亦 全 而 往 五 斂, 解 云 類 悔 論 熱 日 竟 傷 不 已 且 殊 是 而

時 四 驗 是 初開,三也; 色,後變紫, 也; 之 火證 寒 又 往 所以 連 向 自 泄 證 五 不 知 兩 忧 不 ·夢泄 一也 藥誤 夜 大便乾結 宜 日 毒盛 痛 補 丽 ; 者, 體 也。 夜反 瘡 蓋 不  $\Box$ 肼 所以 凡 加 減 熱 連 毒 月每 倦 氣 泄 也; 宜 知 甚 四 瘡 盛 火 補 五 五 口 證 , 如 日 夜 仍 肉 吾 毒 深 熱 傷 飯 解 歷 腫 寒 鍋 赤 全

皆未 真 諸 者。 此 H 於 平,凡言語 智 以 食 後 益 毒 制 「是腎經」,張 病 停 稍 略 親 張 ; 相 益 加 IE. 抑 徒以 中 不相 隔 勤 沿 合。 愛 進 知 解 肌 毒 又 後又多服温 之言: 肉 彌 遂變 子 肉 每 在 未 潰不已。 瘡 勸 初起 全 甚。 食, 上下, 當 臍 木 可 飲 口 消 也。 以 是 下 盡 傷 能 非 石 遂 食, 少加 時 諸 以 四 臞 寒。 力却。 渠 事之甚悖者,家 斂 既 或 停 勸 惟 人謀 無 寸, 補,不 然 云 又予以 害益 誤 滋 隔 患其 請 骨 以 名 是「 顛 味,予 偏 服 之後, 醫、 勝 此 立 腫 又久卧, 趾 飲食素清 知 凉 肝 過之。 多,不 左 也 矣。 毒 勸 出 知信 變 樂 經上, 五 亦自 耳 罷 否 加 通 遏 分。 然 藥 餐 患其 人 以以 食 按 藥 巫 非 而 利 火毒 以 絶 者 姑 信 難 之 吾 害 絶 硤 以 而 致 出 食, 少, 化 醫 息 經 皆 輩 僧 難 之 亦 毒 病 火 深 相 以 愚 竟 之 云 饋 中 治 旬 非 生 其 圃

二四四

病乎? 至, 當理,今始 戒,今如何?」 藥。」「藥 見 方 余 7 則 病 月 悟 何 甚 予笑而謝之,心 以 + 加 委 尚 悔 日 頓 未能 之。 後 日 起? 朱 外 韞 病 藥 兄 斯 且 以其言爲 乎 兄 向 ? 然, 自 持 况 語 不 日 未 内 藥 溪

附記

謝 内 疾 養 亦 生治病法也。」 乎? 未嘗藥,疾 祝玄嶽 無之,但 何 先生年 以 病 毎自 每 即 不 不 八十外,罕疾患,患 愈。 藥 食, 而 人問先生。「有 病已始食。 愈 也?」先 生 此

爾

耶

去 氣 説

哉言酒 爲然 「酸 上下 望 古文,其 至者,無茶氣者也。 『否。』 『太苦耳?』曰:『否。』 『三者皆無之, H 佳故劣之。 味自佳,論者何反劣之?」 何故言敗耶?』曰:『但滿 而 于 耶?』曰:『否。』『然 也。 知之矣,有氣故也。 甕邊 友言: 也,其所爲 工者吾未嘗 非 大呼 故酒之至者,無 昔錫山 惟 徑 茶酒 Ш İ 名 龍井 : 士 有一 爲然也,今之時 吾吾 此龍 不欲嘔也 所 茶 紳 爲 酒 亦 况學道者復 則 善知 口 酒 井、松蘿之所以 敗 老 確 無 是酒氣也。」善 氣者 甜 矣 善作酒, 日 甚 耳? 識 味 非 也; 文、詩、 惟 惟 松 茶之 티 : 必 詩文 問 安得 忽 香 蘿 皆 味 香

乎 至矣!! 日 且. 惟 如 !! 又曰: 『上天之載,無 "『君子之所不可及者,其惟人之所不見 不 善養氣,則無之。 ? 曰 可得 孟 子 「所惡 而言,况目 曰 . -于 吾 善 故孟子曰「難言」。 氣者,爲其 口 養 '得而 吾浩然之氣。」 見之乎! 有習氣 聲 無 臭。」 也。 何 故 口

#### 古農、説

禽獸者,農焉而已矣。 失古風,而勞苦十倍於古。人之所以異于 季俗澆僞,胥爲禽獸,惟農人勤樸,未

者,比 其寬。 之。 官賦十二,民怨其暴,私賦十五 古之爲農者官賦之,今之爲農者 屋然 晝 夜 也。 力作,以 탱 非 所 得完 謂 篤 田 于仁義 主 之 租 者 民 爲 私 乎 快 樂 賦

> 收 之虧 取 十 農莫敢怨,何其愿 且 之類,名十五 而 田 也,况 吾謂 不 石焉,故 弗遑顧 遇 **赔**,船夫僕役 及數斗,而 極 私 豐之 可望十五 也。 賦 E 十五 + 侕 年,畝 故曰:勞苦十倍於古。 實 五. 田 哉! 之蠶 乎 , 十六矣。 ,而去斛頭脚米、斛 主 猶 穫 ! 一必 率不 約 食,不翅十七八,而 若 欲 故 言之 取 夫 雖 過二石 加以 盈,是五 瘠 至鬻妻賣子, 耳 H 屋 儉歲,畝 基 吾 場 而 手 田 鄉 賦 米 主 圃 中

然也 必 留 胥 爲 也 禽獸 是故三代 愛民 此 天 而 所 者 以還,頻 特鍾之元 必 類猶 王 一,雖 未 遇大亂,有生之倫 盡 氣 日 滅絕者,農之所 也。 君 德, 故虐 亦天道 民 者

者

往

往

郵

書

招

之,

盬

以

美

官

弗

願

也

元

# 乾初先生文集卷十二

海寧陳確著 族玄孫敬璋編校

老友許元五小傳

傳

學 遂 數 淮 淮 舉 娱 陽 陽 即 木 許 情 最 嘗 得志, 愛 元 Ш 撥 五 子: 元 水, 歷 名丕 五 轉 有 長 滿挂選矣,諸故 人太學,再試 浮 福 幼慧,有文聲。 元 雲富 ,先賢淮陽公仲 功, 名 貴 丕 之 視 意。 南 人 闡 游 次 在 往 罷 元 子 府 當 在 歸 庠, 五 也 路 太

元

五

雖

生

圃

宦

遊

一, 無

點裘

馬習

氣

謁 以 益 山 功 ,雖諸公有意欲交之,謝 佐 川 好 此樂伯子之通,而服仲子之介。 之勝。 以家産 游 當 偏謁 元 然 游 Ŧi. 淮陽諸故人,藉其貲以 勌 淡 圃 然。 貲 隨 于 勿 諸 竭,或更不 與通 公間 無所 之 ,

世 温 以 用 圖 宛 自仲之受東垞,而 **垞、西垞也。** 餘樹,竹千竿,喬松數十株,茆宇 安 恭學 轉 教子;山 精 其 得 卷曲,有重房邃宇之勢。 形 ,亦園亭之清 淮陽公故所稱 此 道 以 人 爲法式、蓋 有野蔌,可以娱賓。 賓鮮 ? 西垞 此等乃 俗 以屬伯子,而 東垞之業日新: 勝 駕 兩坨 者也。 費省而 仙 彈琴賦 先生。 人耳。 案 功多,材 詩。 好事者往 子更象賢, 東垞 有 兩垞 遺 雖 有 余嘗謂 書 陋 者,東 屬 劣 梅 仲。 往 然 可 百

清 性 白 淡 吏子 泊 儉 而 約 田 廬 稍 粗 要 給 歲 不不 人 以 至假 爲 貸 出 亦 以 以 故 此 雖

得益全其高節,不仰面諸貴人。

以三 其 游 復 違 稍 俗 貧 益 稍 ,分衣衣之,分食食之,無 媚 困 復 窘 ,或時 邑邑 嘗 振 兩幼姪累元五。 被 鰓 有妄費,故尚平之願 一 子 盗 而 鰓 , 遭 憂 死,兩姪 一女,嫁娶之事 不足。 反 噬 ,家中落。 亦先後夭折, 元五 伯子元 倦 竭 色。 心 畢 功卒 後數 力 微 而 經 煢 家 以 不 歲 然 能 紀 好

光 死。 好意 元 元 年七月 致失血之疾, 五 素羸 生 初 以 , 遭家多故, 又遭世 萬 二,僅得年四十六歲 曆 庚子十二月朔, 奄奄不復起, 亂 以 卒 悶 至 以 悶 弘 于 無

八十 十五 九 元五之先 歲 歲 祖 元 敬 世 功 所 一,皆眉一 亦 封 五十八歲。 翁 壽 : 七 十七七 其曾祖 歲, 而 淮 求 元 陽 吾 五. 獨 先

> + 世 絀 怪 不 五 意 之壽,每 也 何 其 而 哉 言竟成惡 死 下 次 往 減 元 子公寧 功兄 讖。 紀,至吾兄 弟 而 居 + 元 平 功長 四 戯 弟 而 言, 子公 當 死 謂 何 一梁三 尤 如 吾

佛 間 于 二十三歲以往皆餘生 死 兀 生 五 氏之跌化者,何其 ,家人方喜其有起色,少 死 日 忽生, 唁者大驚異。 然元五方二十三歲時, 去 矣 留 ,已徧訃宗戚 死之日 適 猶 也。 也 ,宗戚之唁畢 故元五嘗 曳杖 故雖 頃 曾一 即 逍 病,不 坐 遥 病 而 調調 于 至 而 堂 戚 吾 戚 自 加

然 謝 不 與 余 俗 能 興 亦 相 山 弈 元 未 居 Ŧi. L 而 敗。 , 頗 少 喜 下 年 觀 不 飲 昔東坡 讀 人弈,今元 寂 可 寞。 至 之暇,頗 數 不 性 斗。 能 醇 五 飲 謹 嗜 皆 晚 面 年 飲 能 喜 遇 之, 好 與 飲 事 弈, 人 漸 故 求 飲 雖 適

言 者 中 遺 + 五 陽 公以 雖 盧 四 事 不 年 篤交友,然落落寡所合,惟 後 龍 鶩 如 上, 韓 乃 詭 子 羣 頗 異 日, 服 詳 由, 博 其 于家 而 名 其忘 識 中表 高 量 乘,不 形 董爾立 始 友 鄉 若 也。 里 具 悶 師 載 、虎 與余交,二 世 悶 法 略 系 林 焉 無 自 載 李 口 元 其 淮 喜

者 諸 乎 五 以 揜 疏 金 俗 相 大家之致飾於兒女簪 之賢而 懶 ,皆立盡。 1 元 習不 之必 禮 陳 五 類 元 一之美。 子 之厚 余,終落落 五 不 能 曰 : 察 没 可 哉 儉,猶未 豊 也 未 甚 循 而 非 矣 余並 蓋 而 侈 年, 然 不 哉,習俗之移人。 於 父 俗之 元 稍 免不節之嗟,况 論 而 它 母 變其 五 之者 衣間 羣 之愛其 事 積 晚 盗 亦 怒 者,無 前 年 欲 大 可 於天,而 節 雖 使 起。 子女亦 類 憂 天 曾 慮 推 貧 凡 世 下 何 千 以 云 知 足 昔 + 性 愚 萬 元

> 者 兀 功 均 以 無 好 忝 游 淮 賈 陽 之家聲 其 家 産 亦 超 然 塵 垢 之 外

#### 韻絃老人傳

聲色 其言 韻 余獨 陳 禪 也 陽 近 生 老人,即心 蕳 世 子 事 先 絃 間 佛 儒 禪 老 心 愈 生 未 韻 老益 以 數奇 喜老人,樂與老人游。 甚精 矣。 絃者 者 所 嘗 爲 争言 題, 不 一昔所 思老 幼敏 不 細 不 累 老人 篤 第,踰 而 然。 禪 丽 日 人。 好之。 稱 老 ', 其 慧 有本 所 也 翩 人 然余 好 居 壯 每 翩 儒 者 學, 末 老 樓 歲 之言 嘗 即 美 兩 韻 名 人 工 其 必 與 厭 少 人 絃 年,亦 禪 亦 數 爲 余 雖 爲 棄 樓 嘗數 其 文,有 心 過 論 者,老人未 争 道 中 表 切, 韻 辨 獨 愈 不 月不 嘗 叔 移 喜 絃 同 工 聲 喜 游 老 許 學 调 見 而 意 僧 淮 而

聖 之 嘗 反 謂 人 終 不 有 始 深 平 言 交之, 1 服 陳 子 君 歡 之 子 相 和 得 於 而 後 儒 不 或 同。」豈老人與 而 心 非 薄 毁 其 禪 爲 者 余 先 顧

年 之,家 餘 者,輕信 篤 之; 父子,曾 困 再 事 視 三乏者, 夫 貸于人,必 娶,不取 異 王 幼孤之分業,任 婦之愛,鰥 父 祖 老 惜以 産 干 之兄 母,生養 人 無 人 不 分給予之,兄 性 謁 貸 之 妾。 勿 以 弟猶 孝 長 不 人, 力 善 聲 俟貸 友, 吏,不 周 睦 四 志,死繼 色 不足亦時貸于人, 而 兄 也 于 五 臨 而 弟,有 重 人之責。 一勞怨 年 族 蚤 之。 一
計
訟
人
,
亦 疑 矣,雖 御 前 弟 喪父, 志 羣僕 人之不 信 綜 未 之 其 , 于 理 善 鄉 無 幼 爲 爲諸 邁 友,族 終 黨 而 子 人忠 孤 善。 然若 諄 鮮 誦 完歸之。 終 者 絶 生 然 諄 法 兄 撫 身 誠 不 其 家 友 教 不 弟。 之。 之 其 誨 有 長 成

> 若 世 人 之形 許 訟 禪 而 其 心 廉 俗 者 慈 祥 蓋 性 近 于 禪

> > 非

祭,間 之爲 試 者 卅 家 油 迎 怦 距 以 其 削 鷄子、 ,終日 一,而 ,好游,以 然 其 爲 所 數 髮 扉 懼 與 爲 年 僧久矣 舉焉, 弘 老 稍 一歸,歸 往 僧 光 俗 客 肉 言 人 蒸 而 其 · 從 元 來 無 食 數 來 人之我 飯 老 歸 己 年 Щ 而 初 觔, 辭 必 之 鍋 ·, 適 人 水 純 數 迕 數 世 志 甚 E 以 Ш 必 爲家。 乎 色。 日 今 止 日 /感時 也。 不 索也。 甘,若 病 中 ,不于家, 能 爲 視之淡 察, 祭畢 之 少 僧。 稱 食 然 事 聞 僧 時 見其 其所居 其 性 `,于十月 自老人 即 僧 Ш 善啖 老人 字。 然若 菜。 成 至 出 尨 于 山 傫 者。 然 吠 中 一、必于 。 嘗 游 Ш 生平 獨 菜 即 未 不 聲, 僧 朔 樓 衣 春 故 欣 如 削 可 更 數千, 告 悪 秋 老 下 然 是 不 食 心 使 髪 廟 歲 墓 前 盡 出 童 用 怦 П

老人爲儒者也。

憶 數 謝 喜 和 余 事 地 爲 衰 時 時 兩 無 |醉歌 之。 乎 世。 見 治 坐 人 而 羸 竟起,聯 而 一十年 老 平之業 歌 也 和 西 然 惘 老 夫以 嘗 時 人 畢 歌 湖 不 然 人 前 橋 故 之 此 數 紛 如 復 形 而 善歌 袂 上下 孟 陳 斷 可 知 沓 似 醉 在 若 百 取 以 子 橋 秋 老 嘩 歌 醉 人 游 人。 槁 歸,旁若 諸 素 , 老 心之望, 而 人 囂 同 者 夢 者 其 木, 倔 余少年亦 夙 追 聲 皆 于 中 數 人 懷 强 余 ·, 復 歸 念 發 柳 稱 止 百 月明 予之,今且 7,不喜 無 命于 亦 往 善, 橋 歌 人, 杭 何 肅 人者。 憂 蹟 之下,然聞 如 暇 余兩 丽 號 然 亂 空門, 禪 水, 忽 余 論 拱 俗 知 嘗 3 曾幾 忽 老 音 吹 不 投 人 聽 士 病 未 朽 自 如 勿 大 洞 人 死 之 與 無 以 層 顔 何 爲 踰 余 夫 簫 猶

自老人之曾祖御史愚齋公而下,其祖

字 傳 宗之仲子世昌爲子。 文學 居 黄 爾 雖多病,然尚善 又盛德之後,而老 立 山之東。 醇 一, 不 宇 公、 知今名,蓋 父 余作傳之日,老 孝 廉 飯 夢 老 人 削 微 卒 人 髪 公, 無 姓 後 子,以 董,名纘 人 必 至 年 更名 老 五 次房大 人 + 皆 有 世

偃 者。 背, 係 左 之以 息 供坐客茗譚 中 梅 于 丽 韻 樓 老 老 韻 此 絃 龕 面 人 絃 在 非 佛 竹 以 有 樵 旁 其 疏 遠 泉 固 好 游 兩 其 Щ 蔬 喬 也。 之志, 之下, 意 小 松 笥 間, 余 云。 蔭 粗 其 欲 遭 給 即 若 上, 其 置 亂 老 老 久 無 清 人 可 居 所 人卧 流 先 以 此, 往 忘 墓 逩 其 暫 老

死 時 慨 者 然 忽暈 數 日 丙 人 戌之夏, 仆 作 向 於地, 傳, 者 余固 陳 使 移 向 子 不 時 患 死 己 而 瘧 而 死 復 疾, 不 乎 醒 醒 ? 六 是 月 醒 余 使 初 嘗 而 此 欲 陳 七 死 子 辰

而並及未死之老人。」遂强起爲之傳,

### 祝子開美傳

義。 此 也。 識 開 士 潳 ",始識 奕 余 開 美與余爲世昆弟行。 開美 兩 開 美。 府 祝 君 人定交之始矣 美 開 開美, 崇禎 亦 美 時 時 名 年 余先大 辛 時 弱 淵 見意治,謂 竊歸告其尊人, 未冬,開美束 冠 0 父理 其 而 先 余齒更二十有八, 然余年及壯 川公門下士也, 君 子 開 大 美 書 理 非 假 稱陳子之 寺評 世 館 尚 俗 于 未 + 東 故 事

生,繇 學,●開 八 歲 時,士奕 開美幼即 錢 美 塘 耻之,益揣 邑庠 公當 能自立志,與常兒異。 以 癸酉 爲 摩 開 舉 舉 美 于 子業,卒 納 鄉, 貲 人名 然猶 棄 非 于 方 太 七 其 學 太

> 禮 益 間 志 竭 也。 而 力 龍 開 供 自後 山 美 事 風 連 ,喪禮之盛爲諸家最 開美之父母 俗,諸大家 遘三喪。 開 皆實 相 美 総 性 于 即 孝, 喪 世 禮 哀 五 毁 六 過 年

旁田 **坐**于 之有 甚 得 喜任 以 振 稱 白 故 知 力,費不 旁田 皆諸 曹 嘗 俠好氣,爲仇家所 財 蓋 爲富人,富甲于諸姓。 家嘗 士奕公家素封。方士奕公年 湖 恣 所 于 曹 執 從 ·翅萬 中 曹湖 曹 所 來 事 落,後 有 湖 開 者之所 金 者, 故 開 美又性不 諸 率 美 更折節 曹所 發揮, 悉 以 搆,陷大獄。 是 重 聚 致 價 爲 不問 愛 生開 順 富 得 恭 財 之。 居 儉,家 其 美 而 故 也。 、晚,不 少時 出 好 久之 曹 諸 其 湖

- 「事」,原脱,據《海昌叢載》及《祝子遺書》補。
- □「入」,原脱,據《海昌叢載》及《祝子遺書》補。

嘗以 疲吾 癸 在 拜 之。」故士奕府君之死九年矣,然從雲 日: 類 「子學道者, 未 衰 誦 如 「某非一 數十 絰 形 此 八 余 嘗 時 月 日 以 與 金 初 夜,①欷歔 不 雖諸僧 酬吾父母 開 而 乞 七 審 美 雲棲 未 也 屬 游 審 爲之泣 然 士 西 哀 僧 佛事之妄耶?」 奕 嘗 雖 湖 慟 設水陸 府 以 知 聲 下。 入雲棲 君 爲 無 之忌 咽 益 苟 懺。 其至性 不 可 恒 能 縻 日 余 無 時 轉, 吾 開 棲 過 辭 開 崇 財 美 人 僧 美 如 爲 禎

美又 兄 困 故,又昏嫁繁,益 自 美 略略 乃 弟衆多 開 兄弟 更蕭 以 美爲之,禮皆從 不 其 愛惜 五 然 肥 析 爲 人、姊 美予諸 遺 其 貧 産、析 財 士。 瞻宗 妹 弟, 先 厚。 四 然性 世 彌 族 人,昏嫁 而 之 多 自 貧 以 淡 積 開 而 窮, 泊 其 己 美之連 産 瘠自 之事 其 大 急士之乏 彌 (自奉 耗 薄。 大大 子 遭 開 開 大 半 恒 又

> 勸 所 事 亦 諸 以 良 , 好 以 於善,相 僕。 必 弟 約 先 無德化之教故至此。 有 役財, 後 過 自 益 責 戒 開 競 性 而 美 無復犯者。 兢 不 後 立自 於 甘下人者,並 責 禮 人。 . 責 痛 躬 故 節 其 諸 哭 、羣僕 教子 儉 跪 弟皆感 益 爲 家 中 婦 諸 自 廟 有素 僕 戢 泣 弟 自 婢 先 喜 競 傷

言,周 試 事 山 曰 加 責 人開 0 陰劉念 無 之曰: 于 癸未春,隨 甚 何哉?」曰: 所 時 口言者, 不 諱。 開 臺 便, 「前日 美始 先 明 因 生 計 日日 開 執 事 掌院 之舉, 「意 北 美 贄 撃 切 上。 獨 劉 去之。 責 事 氣 具 得微 先 乎? 下 疏 正 值 生,先生 部 力 身 周 舉 有 議 争 聲名 過? 朝 率 宜 畏 屬 興 罷 進 指 乎? 周 柄 開 開 好 南 切 或 美 當 直 美 宫 無

❶ 「僧」,原脱,據《海昌叢載》及《祝子遺書》補

聞 開 共 舟 美 ,於是更益 憮 南 然請 還 朝 益 務 夕 爲 講 先 闇 論 生 然之學 迺 開 更 教 美 以 得 遠 日 且 聞 大 所 者 未

余謂 之暇 然,無 病 伽 患 欲 于 疾 細 門、若耶之間 瘧 從 患 自 西 越 秦 歸 開 余 是年 識 山 神 所 頗 而 望 美 同 之, 爲 披 開 記 有 秋, 來 歸 一可 登, 最 靡 美 憶 無 事 ,或日 半月, 高 若 登 無 以 開 Ш 不 余性 登. 畢 勤 故 美 字 雖 水 否 開 能 余嘗 學 與 而 越 遺 美 支 惰, 多 憊 而 九 余 人 者。 又 思 心 開 甚 日 逡 好 同 而 患 美 游 癡 巡 開 事 余 登 體 赗 是 者 約 以 頑 美 過 劉 秦 較 血 夕 若 先 鮮 勤 先 耳 望 弱 症 生 能 孩 即 生 開 辭 有 命 登之。 子 論 於 美 或 惘 得 先 望 牛 即 固 道 雲 鮮 惘 必 曰

生 龃 開 時 美 宜 亦 興 黨 周 敗,天子 者 復 遣 方 騎 怒 逮 黨 開 美 , 疑 開 劉 美 先

> 月,入 業 三 間 奉 請 絶 時 不 二月遷刑牢 而  $\overline{H}$ 輟 謝 月 詔 命 至 郡 裾 病 李 出 于 ,怡然若 諸 甚, 好 行 詔 勿願 然開 天子 當 開 賊 義 獄 聞 美 事 之 犯 信 也 即 ,誦《 出 美皆謝 士 京 示 競 訊 即 顧 之, 師 高 然 知身在 慷 醵 毛 搒 諸 其 無 開 慨 聲 金 詩 卻 掠 分 義 義 就 息 美 》,讀 之, 加 毫 備 士 全 道 以 甚 贐 爲 卒 至, 可 無 吾 , 悪 贈 妻子 詩 分 憐之 以 周 中 所受。 舉 者 俸 諸 是月十 ,病更以 易 對 號 犒 色 義 風  $\leq$ 易 無 慟 士 聲畫 官 見 甲 卷 失詞 欲 未 校; 八 雲 眉 申 愈。 夜 H 卒 爲 湧

開 以 慟 京 美 無 欲 **党留** 立 絶。 死 + 福 九日 而 藩 視 吴忠節 吾固 尚 忠節 京 有江 當 師 公磊 含殮 破, 死」, 東 齋先 天 岸 持 稍 子 地 其 屬 生 死 喪 以 口 勸 社 延 歸 後 開 稷 視 事 美 開 息 歸 義 于 美 而 留 是 號 無 미

恚 何 皿 北 血 師 之疾 H 南 復劇 0 朝 廷 無 北 伐 之志 開 美 益

余謂曰 謂 忍之,則忠孝兩 日 浙,所至愚民 余日 也 Z 西 :「子言是 時 「事 開 五月十二,留京潰, 美 如 翕然劫守令降附。 方 盡矣。」開美額余言。 此,安歸 也。 謀 改葬其 然爾 乎? 母 生母 尚暴露 北 此 某畢 開 師 有 美 長 日 一、盍少 聞 命 驅 之 至 而

也。 敬 先生所示手書,與某居平 二,招余對 氣 以 益静、志 遺 吾 開 美 兄。」余收 死, 雖 榻前 益 無 病甚,不 專,於道 長 一, 出 物, 淚受藏之。 惟 廢學。 **顔** 匣 此 有 見 不 - 侍先 得 屬 能 自言「吾 力。 曰 : 忘 生 一時所記 此 懼失之, 六月 皆 病 念 劉 中

士 歸 之,交籍滿 然開 開 美 美卒獨繆 晚年,喜博交士,士亦多其 天下。 重余,謂余言 其所交盡 海 往 内 往 知 名之 有 所

> 之有 駁 魏 其 Œ 所 之 使 敝 善灌 吾 乎 不 夫, 悖 至 于 道 死 而 餘 不 子 自 唯 悟 唯 豈 耳 非 開 此 美 如

《家 鷩 與《 開 小 數 竣 聞 往 吾義 ()開美 美 臣 解之, 葬所。 日 而 (焚巾衫》)之卒章,慨然 禮》,以 忽有 祝某 作《歸 非 閏六月 必 之曰:「此失之激。」及讀 氣 强 死」,及痛革 所 柩 初 起 布 詩 不 初二,日 」,戒後 五 不慊于心,告 素 絶 稽 × 葬 殮。 如 顙  $\sim$ 役 歸 線, 母 謝 竣 勿 囑 自 得 諸 稱 遂 至 》、《歸 切 題 改 孝 初 手 廟焚 弟 惡 日 其 葬, 廉 六 帨 及 旌 俗 禁》, 子 開 其 自 執 嗟乎 日一 又 喪 其《 美 巾 縊 時 事 前數1 明 葬 大 者 死 病 歸 草 概 悉 諸 歸 不 月, 余 開 遵 先 弟 能 報

<sup>▼</sup>文「北師」之「北」同。

美 恒 日 明 生 美 升明、晉明。 真 好 ?高」! 品 於 此 取某氏,生四子: 升明、晉明殤。三女。 見之。」 他 人不 乾 識 明 也

道 後 而 相 如 陰 孳 万 有 無 譽 劉 逝 議 孳, 以 夙因。 斯 先 陳 仰 子曰 限 焉 生之爲 其究 非 天 制 其 俯 至以 誤與 地 歸之淡易。 開 胸 人。 美 余之固 氣 夫奚 1 往 磊 因 時 開 落 事 愧 美始 也 感 嘗 1 如 焚冠與衫,守正 而 憤 數 不 于 雖 不 ( ) 卒游 爲 可 祝 見 稍 余稱 子開 拒,益 濫 世。 其門, 于 道 財 與 用 Ш

### 我旋兄傳

兄,不予師者 師 余兄弟四 伯 仲 皆 <del>前</del> 余 家 余之憚 師 貧  $\equiv$ 力 不 三兄者,乃甚 兄 能 則 從 嘗 師 同 予 嘗 于 師 以 伯 伯 兄

者。」下 之游 爲 能 謂 竟置三等,三兄 熟誦之。 也。 肅 謝,三兄乃代爲請 嘗 規 色,不妄人一文,不苟言笑, 仲。三兄在 事 史,歸之醇 言, 余日 使 然 加 ,非當於理者也,有 以言忤族達者, 無 其 感 人自 起 其 折矩,踽 關 如 :「吾始不言,懼傷弟 帷 謝。 係,士 門 其爲 奉 警 發 人一 者 雅 約 余兄 動。 憤 蓋言不 既畏 亦 踽 券, 以 文始蒼茫尚 于 自 類 滋 每 弟 其 誠 以 日 五 其 不 解。 有意 學道者。 不 教 中 煩 一:「未 經諸 命中之伎,無何 快。 無 威 以介懷,而 · 最 多 道 加 後 嚴 督過 愚 號端 士, 者 理 子 智遠 同 蓋 有 氣,後益 固 而 足,詞和 類 余少 無 牀 歲 之,余怒 冠 如 謹 我 心,然若昔 亦樂 如 近,得 試 不手 夜卧,從 衣 ,生平不二 是 旋 此 三兄謂 整潔, 年任 三等, 乎?」 而 博 其 纂録 歲 而 以 欺 簡 不 故 氣 余 所 爲 經 兄 容 周 易 + 于

耗 渦 力 而 矣 學 也 死 而 又適  $\equiv$ 兄 絀 不 體 殊 快意, 素 不 清 能 平。 得牙鮮 既 好 此 學 亦 疾, 深 凡 思 湧 事 血 心 認 血 真 止 之 少

鐄 龍 生三子: 己巳七月初 ,爲贅壻于賈; 三兄生萬 諸 生, 長 錫世, 我 六 層丁 旋, 日, 次遺腹子鉉,聘查氏 邑諸 其 西 享 字 九月廿七日,死 · 年 三 也。 生,娶贊 十三歲。 娶舊 Ш 鹽 沈; 名祥 崇禎 次

以二子 皆自 成。 之,使若不覺 事 績 供吾 畢 而 至兄 至于 謂 嫂沈,性 幼,勉 已 勿 母 死 今十 無 如 時, 擔 甚。 腆 其 至 起供 八 一孝,兄 嫂年 洗 石之貯; 出 年 丽 必 于 兄喪 矣, 以 未三十,窮 艱 潔 死 其 難 不 必 事。 號 然嫂 者。 餘 誠 言 慟 教子, 勞 兄故 暈 沈 和 吾 餓 仆 此 日 顔 婦 貧 守 者 子 夜 色 尤 與 士,喪 屢 節 勤 以 所 兩 而 有 紡 親 難 嫂 進

> 死 以 知 疾 再 後 子 共 幼始 拜 + 憐 户 謹 敬 傳。 未 之 年, 從 丙 而 死 戌 吾 爲 歲 嫂 恨 六 謂 何 月十九 忍誇貞 此 婦 日,弟 節 常 也。」 方

羲爲作墓誌銘,叙次最詳。 敬璋案:沈孺人以苦節著,姚江黄棃洲先生宗

### 婦王氏傳

兄弟 女。 + 適 某 某妻 也。 槐心公,吾祖 之年而二十二矣, 槐 王 心公久擇 氏 海 姑之自出 鹽 故文 ,壻,愆 隱 學 期 與 王 歲 而 先 槐 府 不 而 心 嫁, 公 日 故 表

陳 歲 即 無半 分爨,止受米六石。 兩家皆極貧 歲 之食。 吾 自 王 昏 來, 時 ; 吾父 無 上 供 盈尺之帛 父 母 母 已 酒 適

與婢 食,非 供其 肯稱貸。 米雖至少而恒給,即 取 下 諸 養僕 爲常,不足異也 泛困。 此,吾 竊 蠶事旁午,所謂六石者弗動 啖糠粥、 婢,外給 每 弗與 吾出外,吾父母食於諸 每冬春之月,則 豆 吾讀 知 糟 也。 不給,寧縮口待之,不 飯,或並 書,薪油筆紙之費 婦能 晝夜力作, 日 以 食,即 布易米 也。 兄,則 如 皆 故 是 m 以

常有 與知 慕勢而矜貧老。 以絲布之餘買田,積至數十餘畝,吾亦 之,旨者必以奉吾父母,可謂忠實 吾妻之善也。 事之,吾三兄 食,有美食,盡以奉吾父母,酒 口 也。 其事吾父母,不可 怨; 性安樸陋,不好飾,亦不暇飾,不 善怒,故多病。 蚤 然恒多言而善怒。 死,諸孤 吾季父無子 謂孝; 姪皆厚撫之。 吾德薄,弗能 而貧,婦常 然 酸 未嘗 多言,故 者 而 後 私 此 食 善 弗 作 戀 漸

> 家 + 化 + 世,甚仁慧,十歲 女,適董世琮文學。 女,次禾,方七 石 也,竟致鼓疾以死。 一。以本年四 一日,死於順治庚寅三月三日,得 橋 西五百步先塋之穆。三子: 歲 月廿 而 可 母 殤; 六日己酉,祔 死 生於萬曆庚子 丽 次翼,娶沈羽 不 · 知 哀 也 葬 長 Ē 年 於 伯 沈 澂 月 五

附婦 喪 約璋案:原本在《俗誤》後,今附録于此

以便參考事實。

著之。 報也 循敝 之。 以不德,致殃於婦,俾中年 俗,以背昔賢之訓,以辱吾婦,亦 惟兹喪葬之禮 吾婦一生勤苦,未獲享一日之安。 兼欲遺吾後之人,永爲家法, 竊欲率由 棄 前 去,痛無 洪典,不 故 所 敢 以 以 因 報

一、不用銃手。

二五五五

一、不用鼓樂人。

一、不用僧尼道士演作非法。

一、不立七七名色。

一、不用楮錠,不受楮錠。

一、衾衣宜皆用布,用舊所常服。今

皆以絹,以新縫。

此爲例 用。 一好房, 板 上二物,所以從厚者 油 縫 ,姑以 光 用 棺宜用三梬杉木,今用 用 此酬之。 漆 黑 麫 漆,不用朱, 油 ,以吾婦在日,未嘗穿 吾則仍用布衣衾、杉木棺,不以 灰, 亦 可 用 粗 朱 細 僭 一 好 灰 雙 也 樗 布 衣,住 柏 皆 以

喪禮 不 功之服者 可 純 本 不 用 送殮,宗 俱 我 宜 法 用 不 也 酒 得 肉,以 親 用 至 留 酒 於親 酒 肉 此 飯 日 屬 諸姪皆  $\equiv$ 尊 子 幼 腥 姪 不 兩 知 有 齊 素。 禮 期

者

,當不以吾説

爲

非。

白布。疏者或量折銀,貧故也。一、卑幼有服者,宜皆分麻,今省以

省。 厚於從也。 戚 更貧乏,當概從省約 之,亦不敢不稍盡。 飯,不用酒,舟從用酒。 ,先聖固言之矣。 但吾忝在卑屬,又僦居僻遠,辱吾宗親 弔客,遠者宜皆留 古棺 以 衣附身,稍宜從厚,其 未 吾 始 承親 非 禮 知假 吾非 |酒飯; 與 貸 奢 ()勉能 寧 薄 儉 卒事 於 儼 餘 相 與 然 似 主 知 易 臨 宜 素 而 若 噬 弔 從

且 敢復拘忌年月,非不慎 一就 居 、吾兄弟 年滿,遷 徙 葬 次 無 時 己 也。 勢不 定, 婦 能 喪 宜 久停,不 速 葬。

而 非 亦 固 於不 慢 切 解 客 切切 勿 也 開 肖某 勿引 **甲客** 中 門, 辱 拜 到 相 見母 門, 以 知之深者 重吾罪。 煩 在不敢 諸 姪 開 固 即 人於 喪之意, 辭 非 尊 勿 前 屬 獲,

禮 變故 只 親 昔,吾其 志,尤深望之。 方方日 能 用 知 以 清 于 來,吾於親 親 香 盃之奠,傷 吾 敢 夜 知 「婦生平,自 一炷,小 以 抱 間 死 愧 徧 婦 累 况 致 知吉 吾婦 燭 此 物 人 奉 哉 意 力之艱,百倍 凶之事 心。 極 對, 儉,萬不敢費 俾 拜 有 有 終不倍吾 子,往 惠 過 愛我者 情者 多 往 矣。 失

### 韓卓甫傳

爲儒, 道 益 怙 某某在永樂間 一,有 神。 即即 韓子 爲醫,多 然皆不 隱君子之風 卓甫,名德琪,居 離 奇 至卓甫 爲 乎 中 御 醫。 醫, 能 又 + 卓 數 生死人,里中 有名當 傳 甫十 世 澉 而 城。 世 無 爲 三歲 他 I 其 業 以 而 詩 始 , 是 失 醫 學 祖 或

> 道,能 賈。 奇之。 丁 之學益進。 年,而先生之德常有 少 塾之席未暖 磊 從卓甫學射,兩 兔,蕩乎無復繩 園,始. 年 齋先生以卓甫善弓馬,聘之去,使教 賈三 射。 面稱吾過,吾甚敬 然亦時能殺人,卓甫懼,棄 知 年, 久之,卓甫之伎 成 又 賈 人 八之學。 撿。 去 未有成。 本 而學武,習弓馬,養 盡 崇禎戊寅之歲從余於 以 折 卓甫從余學書, ,勉而 師卓甫,於是 而愛之。 然卓甫性樸野 未必 爲 足 鄉 明年, 以 醫 塾 成 師 鷹 而 余 爲 少 旲 近 鄉 逐

時爲 醫 某 多 於吳穉 秘,有世所未睹者,俾 來,既得 居無 某, **詁釋之,醫稍** 先 攜 何, 所。 博 百 吴之羣公子善病,多 聞 穉 其 避 先非 (方論, 稍 澉 進。 城 醫,而 -得博觀 而卓甫 以 甲 不 家多 申 習水 之 · 而 又嘗 醫 亂 四 穉 江 學醫 先 方 , 之 右 時 書

之。 耳。」 往 治 卓 諸 宜 之,方曰: 其 治 篤 不 病 如 陰陽交攻,邪 摇手,如 診之,問 其言 甫 藥 V 張 家 時 有 加 一投以 之, 歸 日 故 又一 視之,曰: 固 不效,方曰: 效 鎮 盛夏,方視 棄之。 江 者 有 其家 使 則 「喜甚。」卓甫 女某 蓋 熟視 附子 方 「傷 熟 取 所憑者。 卓 其 某 回 学 日 人 寒熱 卓 甫 家遠客,不給於 良 理 號 姐 「脉,治也, 帳 :「此向 内 三日 久, 中 甫在旁,微疑之,方過 時 傷 之, 「不治矣。」其家以 或 圃 退,不 湯, 從 醫 寒, 其家大 張 日 不 曰 請 日 立起。 : 得 熱 中 某 喜食冷浴 付 教 無 宜復 已 迎 出 吾 而 其 固 事 焉。 暑」,投 懼 , 必 退, 有 證 僕 矣。」 亂 其 帷 也 於 大駭 藥 曰 不 亟 家 而 如 帳,女 ), 此 家 在 冷否?」 已 婢 召 方言 以 治矣。」 時 固 此 家 人,此 持 方 中 某 而 反 香 醫 已 病 是 果 此 視 異 寒 薷 目 病 無 口

> 夢 所 謝 安 中 即 若 失。 方 爲 醒 蚊 而 日 嘗 所 盡 苦,故 而 以 以 遂 手 百 起 病 作 口 雖 驅 其 聽 稍 蚊 家 卓 退, 以 勢 甫 是 耳 圃 ; 非 卓 大 神 服 甫 思 亂 恍 卓甫, 亦 也 忽 竟 故

之所 若 殺 子 求 花 寐 桁 不 而 嗟乎 其 喜卓 是! 人者 活 以 彌 不 日 至 求 必 知 於是卓甫 T. 數死 甫之 其 不 也 也。 也。 幸也 而 子 是 能 理 心 自謂 能 一見時 卓 子之 何言哉 生 使 彌 ,某藥已 者,卓 -甫瞿 生 私 于 卓 下 能不 死 是卓 術, 自 甫 師 每 然 喜。 人,喜其 自 甫 必 能 殺 去今醫幾何 遇 而 甫 此 曲 今之醫者未 輒 不殺 人,此 病 退。 之名 生之。 益 意下之。 難 日 能 多 人。」陳 治, 自是,卓 其 藉 造 以 讀 所 輒 今年 黄 甚 桁 書 然 終 以 下 ൬ 有 Ш 訪 然 夜 甫 遽 至 時 殺 告 能 吾 云 不 陳

事 見 師 異 老 時 以 物 母 進 遑遑懷惟恐殺人之心,精 于道矣。 m 撫諸 遷 敬 弟 其身以敬人命,豈 卓甫勉之哉 毋 盤于游, 毋 荒 勤 惟 于 桁 醫 弈, 業 以

可

業云。 交,忘形骸。 或日 卓甫,其家 酷 似 麄 其祖 眉 甚貧, 巨 某 眼 遺 而不知愛 像 黝 ), 知 然 而鬍,貌 其能 財 克 類 振 與 前 武

#### 附 韓 学 `别傳

翼敬

之通 湖 里。 甚 鼻 庸豎孩童無不愛而 諸 ,黝如 繩 介 友 晚 檢 韓 ",鞲 鷹 乃 子 人最其所麗 也。 折 卓 否 甫, 節 善恢谐, 不 紲 ,樂與正 諱德 犬, 頗 卓 慕之焉。 益 基,同 當 者也 以 甫 士伍 其 蓋 馳 抵掌 「堪」。 聘 無 蚤失父,不 其間 自 不 龍 譚笑, 豪 樷 與之交 山 質 於 鬚 性 閶 即 澉 齃

> 於卓 敬 歡 也 甫 時 效 謂 其 卓 規切,諸 甫 之樂 子 易 亦 可 無不 親 直 共 諒 樂 交 口

甫 弟,己無私 囊 中所 中年 卓甫代居武原之澉城,世業醫。 圃 醫益 焉。 上以 工,醫亦盛行 爲母 甘 旨 奉 於 餘 時。 以 散 其藥 卓

嗤 之曰:「子勿言。 必 益 無 甚,貧不能具 飲之,慮病起 於 餘 日 其病矣。● 取 者,其能以 又博厚好施。 「子以重劑飲若僕,若僕 償焉 而 藥,卓 其 且 吾取償焉,計 吾以 何忍矣!」 售若直耶?」卓 此僕方病,聞吾以 甫 吴子裒仲一 若僕之貧 私 以 鄉人有緩急 葠 無 飲 甚 聊 家僕 甫 身之外 之。 也 將 則 重 戒 病 劑 病 而 或

0 上「病」字,疑行。

二五九

其名而 而不 徵之,鄉 於卓甫,卓甫 錢 財 膚 」因率其弟 末 勉爲之也 於財,類發 人怒 也 而 且 每 響。 顧 ௱ 應之而 謝 以 於 卓甫 過焉。 失 性之自然,非 不 鄉 責期 切責其 里 其急人之困 一歡 乎? 弟 其弟 慕於 日 舛 或

子某。 競者 矣。 約 其 生 年三十六。 平,可 謂 誠 無子,後 心合義, 其 坦 (弟之 率 無

#### 祝 古 菴 傳

不 先 而 而 生之擇 能 古 有 菴 富 行 古菴,許淮陽先生之愛壻也。 獨 者。 一古菴,古菴亦必不求 貧。 壻 故 ,耻言膏粱子,必 以淮 淮 陽先 陽 先 生之壻 生宦游二十餘 欲 三,皆素士, 富於先生。 得 當淮 士之貧 年, 陽

> 蓋 陽 而 先 必 而 生先不 求 能 富 富 古 於淮陽,又何以爲古菴哉 一卷,不 能 自 富,安能富 可 以爲淮 陽矣。 壻 -使 故 使 古 菴 淮

六〇

善圍棋 貧樂道 以 遺 欲 而 而 稿 故 使 得古菴者 知爲長者。 古 古菴 ,古菴所居, 以 , 泊 如 ,妙譚論。 自娛樂,而 菴 言之, 爲人,孝友 也。 工書,能詩,不屑舉子業,安 則 河 即 日 事 南 又 手 以 肅恭,動 北 娓 其 也,雖人所習聞者, 録古文辭及淮陽之 諸 娓,使 所樂樂其子。 季 皆 有 惠連 一 坐 矩獲,●望 盡 無 傾。 又

子。 强 年,古菴體 者皆先後殀, 夫貧之與病相戾也,貧之與多子女又 往淮陽公二壻,皆 最弱,多病 而少病者獨 ,淮陽深憂之。 體 强 善 無恙,且 啖, 法 多男 當 今體 長

<sup>0</sup> 「有」,惜本作「而」。

退,非 以 相 据 三,昏嫁之事,日不 身殉 戾 口茶,而 也,使 知道者而 之。 不 今古: 古菴 知 能爾乎 道 之貧 菴 者 暇 有 處 (日甚, 給。 男子子五、女子 此 又綢繆堂構,手 則幽 而 古菴之病 煩 懣, 子 日 丽

進 德 日 之傳古菴者不吾欺 言耳。」古 而 耳。」後古菴顧 平之愛,其何 乘,有一善弗 無 吾言 謝 日 非過弔,因請曰:「萃與宗父天 古菴 益 日 庚寅之春,余有婦 H 何 :「吾言何足以重古菴,古菴能 進,善日 起, 足 能 菴 重吾言。 以 日 人必日 敢遺 以 又 重 益增,人必曰:『信也 不朽之?」余 以 而 何 焉,而家大人 也,而 無非之言爲言,余 翁 , 以 又使 一快 也?」曰:「 喪,辱古菴之 于兄弟 又有 無 也 非 ,古菴之有子 辭 未盡 兑 能 而 辱 弟 孫 使 重 先 之學 謝 也。」 秉 ),陳子 長 生 古 又 重 而 脩 故 生 H 蓄 吾 辭 翁 君

> 其 子 年 量 也 ·嘗謬 所私禱於古菴父子者如 ,仁人必有 也。」故 人稱 爲 日 無 莫 非 逆 後 無 師, 焉。 之言 非 兄弟能 而 故 今年 不 吾 敢質言之, 重古菴 此 欺 辱古菴 也 而 而 來 蓋 正 師 又 余 未 述 昔 吾 可

#### 查醉白傳

爲 再 厚 醉 娶 謀之戾 德 白後 而 好 嗟 乎 無 施 也者 妻, 也 1 而 無 且 以 年, 無 醉 而卒無後 後 白 生 月 月 之 於 盛 素 以 材 封 豈 猶 博 非 子 而 學 之衆, 天哉 無 而 財 無 有 遇 宜 娶 抑

愛之。 先生爲之賦《大樹》之篇。 長子也。 醉 蚤慧,未弱冠,游黌 白 姓 始,太學公獨 查,名繼 昌,太學鳳 有此子 序 已 同 面 夫 衢 益 里 公之 志 婦 許 淮 絶 勃 陽 適 憐

感憤 有 年 愁 自 喜 肓 白 竊 不可 矣乎 自 以 展 無 廣 將 宛 肆 致 悼 至 交 死 轉 聊,遑遑 力 以 激 游 此 1 悲 復 於 固 屢 抵 傷 歌, (爲,悔 雖 詩 稱 掌 甚 急士之窮。 士所 其天 死 若 貸。 古 不 口 有 生有 窶 文 得 能 志 無及矣。 和 以不可不學 詞 責貨 自 人 聖賢之學, 而 命, 子。 持, 性 卒 恒 而 太 而醉白之死,若 慷 困 而 睥 學 又連 不 慨 醉 於 腉 能 每 道 白 諸 耐 世 喪其 持 輕 應, 安得 病 也。 生。 之 之, 錢 己 則 爲 佳 財, 中 不 既 愈 方 復 科 益 醉 亦 窮 得 膏 長 以 名

宗封 幼弟 屬 持之,賴以 太學公置 妻之 ,亦幾 此子 始醉白以終鮮 ,欲待此 次子某,宜 一簉室 獲 幾 全,而 不 , 所 -舉矣。 丽 以 兄 醉白竟夭死 瞑 爲 開 弟, 日日 後者 醉白夫妻復多方 解 與繼室 其 也。 母 吾 無 萬 雖至微 病 陸 氏 後。 中 謀 拳 卒 護 牛 爲

> 言 古 勿 顧 以 聞 絶 由 來幾 痛 我 之 有 萬 身 耳 千 推 年 所 而 矣, 不 E 忍聞, 之, 忽 至 嗣 於我 而 續 不 太 而絶之。」 絶 學 者 夫婦 自 其 盤

爲父 人 逝。 果 而 有 書 重 後 且 生子 一、代醉 者,正 古 往 立。 子, 所親公議之。 母 孝子之懼 死後十 醉 也。 則 爲 白 白 今日 醉 持 雖 而 則當 餘 白 喪, 無 愾 年,而 無 之子 耳。 子, 然言 或 日 後 則 不能 人者,非: 而 曰:「不然。 醉 醉白之所 也, 倘 太學公 有 日 白 今 執 又何 : 弟 之 白 喪。 徒 將 事 心 而 爲 文 成 夫 以 滋 惡 其 不 其身已也 童 婦 拳 鳳 友 痛 口 爲 而 拳 衢 己 乾 同 立 娶, 欲立 遂 立 固 後 時 平 初 不 娶 已 移 道 承 俱

目 前 之 嗟 乎 所 宜 立 忘 與 嫡 當 長 日 之賢 死 者所 遺 承 拳拳 重之大, 屬 意之

人,而 之果有後乎,無後乎,吾不得而知之矣。 或男或女渺 求 諸 數 茫不 年後 可知之小 或 十數 年 弱弟之子,醉白 後 或 有 或 無

## 文學陳彬予子季雝合傳

自 業,來從 生。 略,懃懃邀予作傳。 受知於邑 忠謹木訥,又過羽君,而文才亦盛。弱冠, 予之幼子季雝,固望 訥 長 人言。」季雝 子羽君。 口 ,同黨無及之者。 傳, 越明年,子野去官,而 吾生平未嘗識彬予,惟得交彬予公之 八子游。 能 君林 傳 肅 其爲人,博學,工文章,忠謹 而 然退 子 嘗手 翁之行者在子之身,不在 野 予謂 而 先 甲 ,録其 知爲羽君之弟。 生。 申之冬,而 季雕 尊君 季 是年, 雝 「而翁 彬予公行 亦 補邑諸 得見 棄 之行 舉 子 其 彬 木

> 貧 季雠哀傷忿恚,致嘔血,遂卧 利其增營也,見季雝之在墓,則 而 插爲工人先,固已勞苦疲憊矣。 (,則奪其妻子之衣食以 益 其土。 辛卯冬,以祖 羽君兄弟故 墓 爲 水 貧 所 鳩 士, 疾不起。 嗌 J. 獨署 而 號 而 日 於 親 族 季 季 兄 操 雝 人不 畚 尤

悲夫! 或間 壬辰 故强起 E 日至,至是已連月不至,予固已疑之。 先是,季雝每數過吾廬言道,或月至, 月,予造其 已羸然骨見 廬 矣。 而 訪 1焉,則不 不數月而 季雝以予 竟死,

篇、《徵子野 本、《子野殉 書《三異人集》二本,《 :「嗟乎 吾哭季 至 彬予公之《行略》 雝 難詩》若干首、《祭子野文》 遺 痛哉 歸 文啓》一篇。 丽 檢季 林 此孝子之志也。 子 雝 野 則 之遺 每 先 益 展 生 爲泣 一詩 墨, 讀,不忍 集》 有 予 細

忍終汲諸!

財。」 溪 孝 年 篤 力耶,吾之力即 三,安能 ), 相 即 即 友, 行 君子也。 鄉里以 按 居 好 人泮。 (略,彬) 無 無 父 猶 猶 喪 此感化, 予公同 ?」彬予曰:「 盡 盛才 少貧,至十九歲 兄力, 或謂 哀 ,事母盡 力學,終 ||彬子 無兄弟争者。 我 猶 贅 財 姓 吾 一而 敬, 耶 於 諱 何 , 吾之財 始 友 不 兄弟各 .猶 文焕 於伯 遇。 讀 乎 書 肫 有 即 天 氏 兄 猶 子 懷 性 肫 踰

累 金 幾 還 脱 所 承 陷 非 知 源 獨 獄 貧不 同 終不問 彬 氣 予 然 能 爲 也 承 償 假 源 所 有 則 知 内 彬 衣 弟 子 物 許 自 承 典二 貿 源 絲 + 贖 以 衣 餘 役

彬子 雖曾質 辭 不 無償 獨 於人, 婣 戚 心不 然 日謂 田 也。 兩賣 願 彬予曰 歸 有 彼 必 故 , 願 訟 人 於官 吾 周 卒 某 歸 有 訟 之 負 田 於 子 六 + 官 + 畝

> 厚 子 則 德 負 不 尚 我 直 多,不能 我 有 在 何 矣 忍 悉載 負 即 子 我 也 得 田 周 泣 子 而 必 去 獲 罪 其 他 寧

素履敦實皆此 人 日 勿 於人。」乃往賣 六金,至期 繁,用常不給。 與 較。 又性含弘 惟勤 日 日 課 類 絲 能 也 : 其諸 王 忍 「吾雖 至將 江 詬 涇, 子, 辱,有 没之歲 老憊,終不 遂 皆有令名。 得 以 疾 勢 以 以 陵 糧 歸 能 者 嫁 失 事 其 約 取 終

亂 男 朝 女。 禎 無 女共 庚辰 璜 ,屬其子讀 声。 繼 寢 次 許 疾二 八 年 人。 和 氏,生三子: 生萬曆己卯 + 鳴 + 書,守禮 爲 月 日 即 而 而 九 翁 季 卒。 日。 者 雝 年 法 長 四 不 飛 皆 元 毋 臨 月十 鳴 亦 預 没, 配 文 難 即 人 學。 一六日 張 知 事。 羽 氏 世 了, 生 一 四 卒 此 將 次 外 大

季雝言貌不踰中人,而制行高潔。其

别人物,攢額多不快。 色; 悪 過 各 窮 處 不 出見 人者。 未 然吾言,卒以善恚傷其生。 有 與 傲 必 人相 志 然 世俗之士,望望若將凂之。 盡 竟 顧 獨守狹,不能安俗。 是也。」予持 反: 實行 不知功名 人 何 見吾父子, 如 予謂 耳 富 論 貴 夙 季雝:「無庸。 爲 出 如 未 何物, 是,而 哀哉 即 每 必 喜 與予 盡 形 季 此 履 非 論 信 雝 亦 顔

有

士

獨

而

固

好

其遺 季雝 其伯 死 成 以 歸 也 仲皆 之。 牘之在我者 嗚 每 季雝, 呼 其 見 賢 我翼 1 尊君彬 年止二十七。 必涕泣引罪, 而 此乃伯仲之責矣。 篤 見 友 ,則俟其 其 予公死 于, 分毋 漫 必 十三 藏, 丽 能 孤之長而知學 終負 撫 致有 孤, 年, 教 此 其 散 甫三歲。 尚 痛 孤 軼 也 以 也 以 有 也

> 以 因 起 歲 諱迩者令我邑,賞其 君子遊,遂易以 以 爲 事 ,補邑弟子員。 叙其 贄見之儀 季 死, 雝 知 季雝 姓 遇。 陳 焉 諱 爲 今字。 始謁 詩歌誄文,激 未幾, 和 鳴,舊字羽 文, 家君子 莆 子 拔 田 野 在 林 ·, 因 先 前 子 聖、從 揚忠烈, 一録其 生 列 野 歸 先 文 閩 是 生 家

不交 縷 能 不 爲 休 縱 季 語。 雏 譚 ,其於所 高 貌 論。 不 勝衣,行步踽踽, 不可意者 然當所可 「則瞠 ,意者 目 口 亦復縷 訥,不 直視

教諭 就 林譯,即 未帶歸。 見義敢爲。 公族 後 人。 有族人某按州 子野 爲 我 先生舊 邑司 訓 志 有 順 詩 終 治四 稿 任 年

歸

季

雝

訪

知

刻

板

所

在

酷

暑

中

徒

步

走

將

刻

有

二六五

費。 就 其 致 土 也 五 丁,其伯司 謂 築 疾,遂以 + 廓然以平, 生急于 悲夫!」 余曰:「是吾弟之所 石 里 其 先 負 兄 不以 義 世 歸 引 不 墓 之, 奕然 類 起。 余 煩羣 爲 如 至 并 水 此 以 其 死 子 所 集 新,洒 後 先 姓。 剥 貲 而 數 世 蝕 以 經營 不 日 役 墓 然 助 量 季 余哭 竣, 攬 道 其 其 也。 雝 涕 前 力 道 因 躬 沾襟, 吾弟 則 弔 里 以 困 自 之 死 見 畢 憊 負

政。 林子 竟莫之及 也,故移其所不 世 吾家 俗 野 自 土 季雝在 變 君子云。 先生不 輒 也 革 嚬 以 日 則感 蹙 來, 置。 獲終事于子野先 似 間 子野先 豈 令海 不 月 謂予家君子 獨 可 必 昌 季 爲 生令我邑 者 雝 論 過 余, + 説 陳 餘 生 爲 生 獨 每 一,有 者 而 近 語 噴 之 已 惠 以 啨 及 而

也。

嗚

呼

難矣。

## 黄山道士韓養元師弟傳

慰 平。 傳 今聞 翛 自 死 意 曉 子 操 欲傳之。 有故豪 未 · 而 然 爲 其 脱 數言以哭之,猝然 養元之意,又 亦 惟 其 盧 欣 意指,故未 貧 於 吾 殮 去夏竟死矣,又文以哭之,略 十 困 養 久 危 龍 然 丽 自革代後,别十許年,未得 於詩 年 韓 元 客江湖, 困 欲 其 而歌 前 子 最 得 徒尊覺又死。 嘗 酒,自以 有 顧 與吾習, 之。 聲 敢 痛 儗 子 爲 振 間 其 作 有 傳。 澉 無 林 未 師 游諸貴人之門,復 一豪公子, 曉兵 何, 樾,有足多者,故嘗 城 得 弟 聞 卓甫先已 韓 韓 間 欲作《三 之相繼 養元 子 機,有先 卓 傳 以以 既 甫 竟 此 恨 死 旅  $\equiv$ 每 以 韓 盡 爲 久 也, 于 見 養 一晤。 韓 隱 未 去 傳 其 作 越, 元。 冬 于 得 牛 不

心。 食吾言而 爲之,傳曰 而 今年 遂 秋 無 以 冬間 見養元 余 亦 於地 病 下 且 困, 乃 嘗 强 起 恐 終 而

真將 甚 者 予 將 此 甚 祠 軍 洽。 軍 市 赫 祠 聞 之香火 兩 可 口 者。 速毁 軍之 之 垞 速 數數 而 吾自弱冠游 見其香火甚盛。 先 遣 悲之, 孙 久之,因 十里 亦不 諸 靈 也。」 也。 生所簡,實忠謹 1 巫 也。 寔爲之,欲以 日 内 衰 已 ト自 如 |微詰 非 病 兩坨 而 於是遂峻絶 如 將軍之靈 人, 此遂不復言將軍,而 知 將 果將 間, 養 無 土人言將軍 軍 元 時嶺上新 無他, 不 祠 徼 實守 軍之靈 來 事 惠 乎,則守 諸 祀 ,養元亦 於吾祠,非 與之言, 是祠,爲 巫 將 乎 ト之言 之 建 軍 祠 靈 周 則 亦 將 之 將 卣 斯 爽

命

矣。

盡 以 其 養元 所 性恭 歲 儉,甘勤 草 祠 宇 苦,略能治生産 繕 垣 墻 益 增 置 前 則

> 雀 於是數年以來,偷兒胠 如 肴 窮欲留宿,養元 祠 醉 君 後 是 角 子, 楹 中,養元每 也 之 以 一<del>,</del> 土 酣 非 八爲常。 嶺祠 争, 樂之。 木之功 養元飲 時 當 爲 時 南 人以是疑 人, 客或忘歸, 即 無 煮茗、設 北 見告, 欣然爲之下 虚 即 孔 日。 道 人飲之,未 篋 而 其贏 果 往 又性 養 至連 俠 餌 來 元 客 共 供客。 行 - 榻,益 好 探 遂 日 嘗 人必 客, 生覬 丸 夜 疲 不 不 於 鼠 陳 或 頹 樂 去, 覦 奔 親 牙 酒 憩 然 途

謹 不 司 爲 無 弟子,甚 習 之,中截 相 静脩計 已 得 先是, 時, 而 能 往 愿 迺 養元 門 温 來 加 另 而 悉 然 户 枕 慧 草 焉 以 儒 既益厭 濤 祠 學 者氣 祠 西 書 羲卧之間,守望 尊覺 事 小 書 象。 委他 土人之祭 閣 T. 向 自 從 徒 師 學 之稍 養 弟子並 與 詩 元 其 腥 詩 爲 穢 徒 耐 相 Ţ, 以 黄 尊 熏 俗 助 咸 冠 醇 覺 炙

之教 枕 雖 濤 主 元 師 固 事 己 亦 閩 心 深賴之。 僧 薄黄冠 慈津 矣 而 己 養 而 元 尊 弗之禁, 覺 忽 慕 則 西 方 知

覺 死 其 祝髮皈空 世 禪 師 謹 多 所 理 弟 而 方 尊覺既 以 稱 數年 尊 慈 此 順 孝 覺始得 一門,斷 津雖 益 適之,服 子 歸, 從 相 之 懽 慈 素 而 事 酒 專 洽 津 慈 稱 茹 親 事 勤 倍 徧 津 禪 蔬 養 至 游 卧 或 宿 於 臞 死, 元, 海 病 無 初 而 然 上 枕 以 哀 而 老 諸 濤 過 勞備 養 病 老僧狀矣。 名 尊 元 之。 恣 山 一亦已 至。 覺 睢 慈 潛 事 久 津 尊 之 雖 心

之。 者 以 衰 弗 又 年 費二 食。 幼 師 去年, 歲 弟 宜 多外 白 服 並 Mi 又改 金 著 養 勤 侮, 以 短 元 苦 造 外,手 衣, 身 年 祠 事 財 Ė 西 身 非 並 閣,擬 在 先 無 囏 困 諸 五 現 者 矣。 役。 + 錢 弗 並 外, 皆 任 龕 尊 尊 梓 習 覺 脱 覺 食 潼 空 勞 非 雖 尤 小 蚤 自 爲 壽 酸

> 之所 弟 年, 忘其 鞠 患 忘 前 元 知 而 疾,猶 病 遽 子在,幸勿以增念。」養元遂 躬 其 瘰 而 病 以 趨 老,貧忘其貧,病 癧 而 不 以 勤 勞,此 故故 命, 近 能 侍 後 遭 思 於道也。忘 言 猶 事。 慈 閣 道 養 若 津 成 妙 凡 陰 元 尊 無 而 瘧 兩 甘 師 覺 養 恙 方 日 淡 弟 虚 元 云 養 也 志 而 貧 泊 之所 乏 遂 元 其 俱 而 「師 已 養 不 疾 故 逝。 病,此養元 以 費,忘老 甚 起。 元 亟 體 自 速 呼尊 瞑。 之時 嗟 去,諸 素 其 尊覺 而 羸 乎 死 尊覺 皆 覺 加 也 尊 師 事 侍 至 又 不 弟 覺 向 老 退 有 榻 養

之。 此 移之學道 不 知之土木, 知,反謂 也 嗟乎 夫 脩 -造塔院, 此 必 爲 以 最 有大過人者,而 功 二子 是 德 近 塑 專 恒 世 神 不 — 之 第 像, 惜 竭 疲 孽 心,堅忍之力, 借 身 有 障 乎其溺 命 用 以 而 而 奉 争 愚 於 爲 者 無

展騒 色。 户 夢得、孫幼安、老僧曇雲並先後 子,登層戀,瞰大江,循覽竟日,飲 招宴同 各賦詩數章以見志,欲以豁諸子之愁思, 主人養元師弟又繼死,能 愁吟,或憂室家, 養元爲 士之逸興,斯固 憶 人,歲不絶。 丙戌之春, 阨 煮蔬 設 醴 或 養元之用 曾幾 江 招 嘆 之争未决,吾 不悲乎 覊 何 致 旅, 時, 諸 心也。 死 多 隱 1 而 酣,分韻 淪 不 同 脯 聊 輩 嶺 自 會 此 之 閣 祝 數 閉

元,不忘其初云。 養元祝髮後,又號道謙。稱道士養

### 蔡養吾子傳

彌親。故道義之士,交之亦惟恐不及,交多畏而遠之,然與之交,率初終一節,老而養吾子疏中直氣,不能容人之過,士

道益 其 每 譚 鋒 復廣。 及義憤 ,然絕不肯一干竭。 事 少嘗鋭意功名之學,時輩皆避 ,輒髮上指 冠 雅 以 氣 節 自喜

爲 從之。 姑 失 人詣 皆默默 之,吾寧無全家。 好 不畏强禦,多類此。 列,姑循 大聲數之曰:「公言民害,本 日十數報,而養吾子不色怖。 民 寬之; 色,確 語。 1 請命,惟養吾子 崇禎壬午間 一紳,不時出見,養吾即 且 亡何,當事者婪重賄,欲致辟首 也 後竟爲諸要紳所賣 亦再三 吾 例 而養吾之氣益 加 非 告, 有 以 一勸 求 遺 ,墨吏稔惡,諸奸益 固知不足與言。」同 止,謂: 於 我。 首先 確 紳陽 ൬ 竊 不知 紳 蒞 不 盛,聲益厲。 此中 弗聞 以 自 一,同 盟 自 量, 來,以 , 諸 而 從 人不足深較, 了,徐出 憶営集諸 盟幾不 耻,反 紳 坐上發怒, 嘗 土 事 亦 出 而 而 免於 慢 大 漫爲 生平 坐 爲 亦 翕 皆 煽 然 斯 紳 我 紳 同

快。 吾之志益 難 明年春,屬諸 死,而養吾子不色喜。 生言,褫墨令婪,當事 又未幾, 械 堅,婁 成 矣,會 正人主計,最號公嚴,卒用 而 訊 當 有多士之助; 不 事 絀 令及 亦 ,彼終怵 中考功 所 詣 去,時 吾 紳 惟 義 皆 確 而 論 與 止 養 諸 良 稱

子閣 及畝 中。 也。 給 到 生多引 削 衣 有 辟 市 門 籍, 冠,惟養吾與我兄子補庵竟以歲 ,嘗父耡 養吾即 自是之後,養吾子憤時變之日 訢 退 講 世 中 訢 士 考,然皆呈學乞休。 絶俗之志。 頌 人 論 如 退 皆笑 韙 也。 聲 於前,子灌於後。 耕 之。 琅 佛 亦 而 然 山之陰,治一 兄 時 出 指之,養吾子亦 會申、 子,即 寬 環 衣 堵 籜 酉 中 養 之難 故 冠 畢 吾及 雖 桑, 事 游 事 館 諸 呕, 廣 試 猶 門 瓢 則 不 父 市 不 + 不 優 屢 儒 慨

> 莫逆。 言 尤 皆裒然能 養吾以古學教其二子,今鳳師、豹臣之學, 多。 陳、 龍 蔡。 祝子 山 世 素心之交, 先友祝子 其 死 家。 國 變,拳拳以二 其它及門之士,所成 之 指 與 不 勝 吾二 屈 人交, 孤子爲托 而 世 尤 儒 就 稱 多

憂憤 子極直,能容我之過; 之學,循循 以 往之氣, 傷 其所作詩文,率如其人,蒼蒼莽莽 急許子; 中,致膏盲之疾,不能 克己,時多悔 而不肯俯 極 病,能 就 極 赴 時 貧,能蠲五 過之言。 友 格 生之難 復起。 晚 尤 然 十 好 金 養 竟 義 以 之 吾 多 理

死 獨 更之困,在 笑 不 語 生各有定命, 豈能久俟。 能俟二子於四十里之内乎?」養 已, 臨 死之夕,猶 而 武原 忽捫 未歸,其 腹 自 負 言欲 杖 消 鄰 死 子 摇 屈其指曰:「吾 於門, 日 時 二子 即 與 病甚 語謂 以 鄰 子

可 時,●就瞑,不爽分刻。 酌 從俗,但 以丁未二月十四日生以亥時,今適 日,當亦以 不謂之近道者哉! 行之。」此 |依陳子《家 是時死,不可復俟 外,無 約》可 語及 嗚 也。 呼! 私 矣。 亟呼 若養 從 容 喪 遇 陳 吾 至 禮 子 我 亥 來 勿 生

畢 陳、蔡,蓋 危者數矣。 歎 養吾死踰月, 日 不徒 「嗟乎! 卒賴 氣 斷 類之合,雖天之賦形,若 而老友陳確 金之利而 壬午之役,吾二人 士往往 爲之傳。 瀕 並 傳 稱 於

> 廓, 而 容,刻 哉! 子,兩人常笑而 嘆陳子之勞,不若蔡子之逸矣。」 之學既遠不及蔡子,而伯蜚、仲邇之 或一之。 不甚間遠,又未知死 温惠,又皆遠過吾子,確豈敢望蔡 相僭溢。 吾猶 期就 今養吾死,而吾亦老病龍鍾,死 世當呼確爲蔡子,呼蔡 豈天實均畀我二人! 龌 瞑 齪 否 塵網 □應焉。皆二子一孫,莫 也。 ,鹿鹿未能少休,又 時能如蔡子之笑語 且 蔡子已遠 然 子爲 翔 君 確 孝謹 乎 父子 養 期 寥 當 陳 從

### 附蔡伯蜚傳

異故齊

子也。先生與予父交,終始以道義相規蔡子伯蜚,名自沖,養吾先生之長

- ❶ 「時」,原闕,依文義補。
- ② 「生」,原作「朱」,據惜本改。

謂 也。 讀 其 切 失,其胸 焉 弟 其父子 口 也 之變,擲 仲 伯蜚外 環堵 法 必 然 邇 尚 中介 盛 先 蓬 亦亦 繼 儒 同 氣 貌 華、敦 生 述之間,殊 冠 然 不 叱 其 雅 循 事 不苟 之, 躬 出 謹 尚 倫慕古,充然 舉子業,隨 耕 處 言辭 節 雖 , 猶 佛 亦 概, 觸 墩 同 得 夫 忤 少委 恂 之 剛 先 恂 於 陰 先 柔 其 生 曲 生 損 惟 有 伯 父 也 自 益 恐 不 耕 以 遇 申 之 有 所 自 Ħ 顧

夜 均 教 分 無 ,細楷纂録 之學,意若不欲以邨學究終其身者 1,克有 不輟 私 力田 去 焉。 予家二十里 之暇 成 每於 尤 約 材, 熟 與 十有 課 脯 司 其 授 脩 馬 耐 弟 餘 餘 所  $\wedge$ 遥 出 卷,慨 通 閒 外 鑑 篝燈 公諸 課蒙,受其 歲 然 必 類 有 讀 父 四 别 母 事 五 經

> 伯蜚 以 家大 也 其 耿 倦 詞 過 未 先 相 旨 即 耿 世之好,遂愛忘其醜 其 人 家大 然伯蜚 好 如 殷 躭 達 有 無 謂 教。 然。 研 旦不寐。 間 人間 所 之何 伯 亦猶 失,一 伯蜚 不愧養吾先生子,翼未 退 畫 ? 有 與 必 吾益 所 見之後,得 予 手 家大人之與養吾先生 謂 顧 論 論 録 復 吾 友,吾之於 述 列 成 稱 彌 耶 帙 今古, 道 月 翼 不 不 快 懶 再 置 見陳子, 不 · 往 心 伯 省 口 請 如 復 能 畫 事 正 抑

之,而 辛 既 遐 恨之怒之, 不 艱 丑. 年 必 以 也 如養吾先 然 心 未 後 歟 伯 思 即 荒 1 畫 又苦, 改。 無 於 伯 饉洊告,又困 頃 生 蜚生平, 世 嗚 一發揚 刻 病 俗 呼 去 咯 士, 1 蹈 諸 血,卒 每 厲之形於外, 懷。 此 又 于 事 其 名 踐 ·於丁 過 予 所 所 更, 於刻 時 以 不 未 規 境 堪 不 厲 之 遇 能 而 IE

人亦皆相繼死。嗚呼! 禍亦奇矣!死,去養吾先生之喪未五六年也。其内冬,年止三十四。越三年庚戌,仲邇亦

其孝 朗。 以居。 궇 静 細 仲邇· 友 仲邇 一望之,蒼蒼莽莽,久與處,又覺其 蔡氏之不絶 炕 學問之益,雖 無 名自 直 後,伯蜚 一,俱不 泂,❶釐 如綫 忝養吾先生之家 不 止一子,依其祖 心賴此 顔 及伯蜚之精 皓齒,眉目 而 己。 勤 風 母 軒

蜚不 者不 日: 乎 假 其爲吾傳。 毋忘吾言。」予笑曰:「子誤矣。 如 ! 頃 以 必死,而 伯 陳子曰:予今日而竟成《伯蜚傳》 予滋痛矣! 畫 傳 一病幾死,恨不 先 陳子,而 今幸不死,得見子 陳子死 不病 陳 者 猶憶 了,陳子亦 一未死之伯 未必 子 獨 即 伯蚩在 不死。 以 見吾 傳 伯 後死,子 陳 日,過予 天下 安見 畫 子, 乎 伯 ? 病 也 囇

> 呼! 畫 子 也。 雖 之義,如是焉已乎 耳。 也。」今伯蜚死六年矣,言 然,伯蜚固自 養吾先生死,家君子亦爲 吾父子與蔡氏 方憂其不能 「有其 1 自 父子交, 可傳, 痛哉 傳,烏 初 不 朋 能 不 可 之 傳 待 友終始 以 傳 於 不 子 踐 ? 嗚 陳

### 俞母徐碩人傳

皆閩 侯。 德不 時 祖 龍 察斯民之疾苦而人告之。 前林 人,孳 衰。蓋明季之令吾邑者,前後 淵公,有大功於吾邑,邑人至今 吾及俞元脩 爲靖宇先 孳愛民。 古所 生,後林 龍 稱 淵公 篤 行 遇 爲 侯亦 君 子 前 子 野 林 樂聞之, 有 也 侯,時 先 兩 頌 林 其 其

● 「泂」,原作「浻」,依《蔡養吾二子名字説》改。

凡 去 龍 邑人 昭公好也 淵公所 思 其 欲 興, 德 必 祠 興; 愐 祀 所欲革 之, 加 必必 配 以 革 龍 侯

不 喜。 生費 先 師 間 元 同 令其 髫 미 風 爾 苟 脩 生,布 孫 金 館 日 好 時余館於許,始 與許先 (成之。 躍 於 孫 晴 亦 ,即元脩也。 毎議 維時搢紳 敦 行其 挾 和 淵 安 丁, 篤樂善似 衣 數 定 先 予之愿,相 龍 朝暮 德,故 生 則 故 篇 生之外孫 淵挈 則 拍 龍 之勤 龍 求 見。 龍 浮 淵 淵 正 比 其祖 天 髫孫, 淵 而 公, 公益 求民莫者, 錫 識 元脩弱冠,工 予 得 公 許 談 也。 爾 兩 一,而 元 既 開 益 世 先 得 攜 脩。 佳 人 樂 甚。 陳 事,許先 故元 生 行 敏學、工文章 斗 孫。」 獨 其端 元 其 呕 酒 靈 後又與元 深 元 脩 稱 志於賢 龍 脩之言 過 泉 相 之 脩 賞 文,則時 淵 生 許 而 東 得 誠 我 公色 許 西 日 亟 同 令。 似 業 脩 許 行 : 垞 而 先 生 每

之。 其 死 之年 外 未 祖 纔 諸 幾 四十耳 舅。 遭 世變, 然 氣 促 元 脩 而 悒 蚤 肥,予 悒 不 得 嘗 志 私 以 心

未 房産,及二子婚學之費,共計千六七百 嫂之稱未亡人,二十五 之,終其天 近 孤 俞 賦 幼 贖之,曰:「皆吾家世業,不 虚 女哭于後, 里胥之侵欺,窮民賠折 居 役 歲。 者 厭。元脩之從祖,老 得 嫂 之艱 之宦 免 止 以 配徐氏,遺二孱 假令僅 於 六 産 弱 饑 煩,十倍往 月。 年。 俞嫂 畝 寒, 嫠承三世之孤 得保先業,俾 百,怙 其 一女,止三 猶 日 絶 幾幾 夜躬繲續,支吾公私 業, 常, 勢 孤。 + 年以 圃 責 難 厚 加以 年 其 大 無 貼 之,况又倍 歲。 價 緒 田 忍棄也。」 子,俞 無失墜, 來,中間 價 買 虐 兒 而未償。 者 之,已 者, 蓋 令之重 啼 當 止 嫂 再 于 五 是 令諸 自 奉 賣 價 徵 歲 前 時 者 而 養 而 無

然猶 皆自俞嫂十指間 如、老僕 不 · 有 其 張四之力不及此。」嗚呼 功,臨 筋 殁謂其子曰: 血 所積,不亦偉 非 1 阚 哉 可 舅 謂

掃 由、求之旨。 衡 漢回曰: 善,退讓 墓之遠葬浙東者遭 此大事,而今已矣,二子其無怠。」又以 人善任,而完如之不 瓊海,故獨稱其弟之功。 耿及内弟徐完 三世之喪未舉爲恨,曰: 叙吾友祖 ,屬二子毋忘之。 蓋 元脩易 爾勇於義,當知退守。」得孔 積德,以毋 爾性仁慈,尚 陳確聞之曰:「是可傳也。」 孫之德,以付其二子, 簣 如 (時, 前 貽吾憂爲孝。 諄諄教二子以守 · 負所 劍耿 以 亂二十餘 後 少 「少假吾年, 托 <u>-</u> 十 事 振 亦可見 托 作。」謂 也 年 其 年,不 又拳 元 來 母 謂 脩之 俾 門 適 舅 次 得 私 長 當 拳 進 Ē 遠 金 子 故 7 子 好 祖 以 知 宦 越 退 展 劍

同齒而長,以兄事之,故得嫂碩人云。之。二子與吾□交,皆有文行。元脩與予

### 補鮑節婦傳

也。言發于心,不違其誠。 世。言發于心,不違其誠。 是本末大略可記也。」獻蓋,先民之君子死,余遺之詩,踰三年而爲傳,忘其事,然所爲節婦也,忘其氏。獻蓋言:「節婦之人,余遺之詩,雖之子之妻,

雅,宜如獻蓋。 群,自爲諸生,凡試輒居一二,不爲第三我,自爲諸生,凡試輒居一二,不爲第三我,自爲諸生,凡試輒居一二,不爲第三

昏,卅而始爲娶妻某,賢而孝,事余二人,獻蓋又言曰:「家貧,不能早爲兒子

子,晝 者 間 師 座 死 不 何 敬 虹 盞盛湯 미 者之道。 向 不來,家人益 奈何 所 以以 死 也,而 起 圃 移文于當 而 弦 治 哭 也, 娶 夜 咽學宫。 是不 失和 事 至,則 油 張 未嘗 踊 妻之二年,兒子病。 家 豫 哭畢 未 線 目 無節 人 爲 救 事 知 事 縊 嚼 寐 而言 疑之。 無 治 而 `,議 始 死 諸 凡 同 盞 哭 其夫如之。 油 知 去, 矣。 終, 生 吞 日 日 欲 者。 線七條,以 盡 如孺 咸 之,喉破 而 家人微疑之; 請 跡 所以 然 以 鷩 聞 殮。」言畢, 圃 出 節 于 子 救得 圃 湯來。」救 啓其 事 治 天子,表 婦之本末 義之,言于 凡盡所 生一 病 湯 血 其 甦。 油 者之道 户 藥, 湧, 妻 線 孫 涕 節 去頃 噴 則 以 人 己 者 知 縊 大 婦 侍 哭 知 流 以 事 己 MIL 可 居 師 略 病 其 之 以 之 夫 如 磁 無 死 速 無 四

> 豈 書 歟 閨 耳。 死 年 中 少,名節耳,非少人也。 四 少日 猶 成 年, 晤 1 中之少婦 其老婦 天之報善人 名, 于 及 天下 知其遭 哉 旅 見之。 顯揚 館 事 又 感獻 累翁, 按 未 死。 其 家 天 母 可 不 别本復句 之 如 節 知 今所與共老者止 蓋 造,數月之内其子死 非 報 之篤 此 光 孤 獻 無 獻 乎 以死 兒 大 蓋 誠。 蓋 其 尚 修 門 在 殉其夫, 然 誠 豊 再 異 今 天 守 少 晤 雖 義 于崇 一幼 日 獻 日 下 之 哉 者 不 藎 讀 報 以 所 媳 禎 眼 孫

獻蓋家新安,館于金陵。余于崇禎元

# 乾初先生文集卷十三

海寧陳確著 族玄孫敬璋編校

### 祭祝開美文有序

月五 儀 琪,既先後來 同學弟陳確、制社 將絶,又解之。 相 與致祭於祝世兄之靈 日午時 嗚 呼 自 吾友祝開美以弘 視殮,殮後六日, 縊,其弟 至次日子時氣 弟蔡宸襄、 解之。 而 制 確 復以 光元年閏 盡 戌時 爲 社 死。 文 蔬 姪 又縊 以 果 功 查 之 告 服 嗣 六

鞭辟 疏得 罪 朏 胡 聞 飢 貪墨,衆忌日 生不 憮 南歸,講學 ,兄焉憤怒,疏 微 然,請 近 辰, 惡佞好直, ●嫉惡若仇,賢 有 裹,窮奥析微。 開 疵 益祗祗。 遭 美,生禀粹質,孝親悌弟,誠心 ? 「深,遂 論道,終日 世 意 頗 争甚 氣聲 側。 罹 師 力。 不 曰「吾學闇然是祈, 惟 羣 邪 名,未離 測。 不 日孜孜,廢寐忘 既 違。 滿 獎 朝,老成 師 忠良,亦 師 客 如 曰:「子 私 弟,獲 l'。 兄 響 廢

寢 返 、侍師 五五 寤。 癸未之秋,予亦 十 雲門、若耶,時 坐。 ·朝莫。 訓 言必 共訂 書, 東 T 一縦 秋,期無 渡,假館 兄 勤予 步 出出 惰 攸 蕺 製, 訪 , 計 Ш 名山 相 何 同 兄 意 往

■ 「惡」上,惜本空四字,疑有脱文。

二七七

吾兄、頻遭大故、

哭,攀 Ш 代之,省府 疾 頭 時 一涉江 未 惟 ,兄安若故,無怨無尤 季 自兄 瘳 止 醵 冬, 莫 西 聞 金 拘 由 雨 還,嘔 信 相周。 留 雪綢 官吏勿覺,來 慷 五郡 慨 血 繆 兄無一受,行邁悠悠。 如 前 義 厲 流 途 士,千百雲浮,踰 倅 自 不家撲 聒 緹騎 投。 耳,冷 搜。 之出 妻 風 季 兒 劈 慟 兄 又

六旬 深山,手卷不釋 三十,骨碎 乘 日。 甲申 亂, 倖脱 淫泆《 正月, 詔獄 肉 飛 囚 抗抗 毛詩》,沈 桎 有詔 詞 于人,一 無 赦之,逡巡 失, 研《周 暨遷 桚 雙 易》, 未出 刑 夾, 牢 如 重 謂 笞 坐 共

歸 烈 未 聞 如 焚 遭 容 纍 時 熔槁 纍 不 何 賊 競,糜 以 問問 臣 未 兄 死 哀 爛 北 ? 哀 崩 事 吾 分,三 師 絶 君 在 7,兄心 口 五. 月之變,亘 雲。 不 道 如 冒 割 險 惟 時 來 如

> 覆 涕 日 流 不 謂 臧」,謂 「賊 未 討 一徒 庶 激 幾 矯 中 聿 興 使吾 克 綏 師 元 老」。 歸 與

賦

蚤」。

葬,未. 心 金 執 非 經。 乙酉 ,堪此百 ト佳 誉。 兄時 春 城,縞 骨 勤 正 立,舊 學 再 衣 神 同 素 疲,憤 吾 疾 食, 兄, 蕺 日 增。 血 時 淚 氣 山 孰 時 盈 之麓 使之 傾 一<del>,</del>兼 移 然 問 母 業

言 役 義 爲 戒言 留 日 二,弟過兄居,問弟 以竣,諸 「若此 强 何 0 繋。 虧 時 無 弟 起 百萬 事, 何夏五,虜 作允 日 自 請 持 「兄母,改葬 懼 亦孝且忠, 詎不 髡 釐 與 兄 鉗 子 一,再 閏 聞 ,吾黨焉 辭。 月 騎突至,舊 知, 縊 時 初二,實 事,直 而 遽 有 古 逝 起 期 避 哲 · 咸宜 ,前言不欺 自 云「不支」。兄 既 有言,見義 葬 京 縊 令慈, 淪 葬 兄 之家 而死 陷, 兄頷 前 月 新 初 介於 廿 兄 弟 皇 必

之緩死,弟實使之。

世 俟 向 編 ,蹈義恐後 豈久? 嗚呼 年,問知與 開美,介石之守。 優 游 否」。 日 考終, 「心所安,不 亦云 順 疾 可 受, 在 以 膏肓, 胡不 荷 能 莫 寓

常可 敢 弟 昆 不 倫 盡 噫予 言。 况 先祖 兄 同 渡 子猶子,兄死猶 示 江 ,受業師 師 令尊, 門, 揆 存, 誼 弟 凡 考序 與 所 兄 與 友 爲 知 9 非 世

臣 亂 而 ,没爲明鬼。 死 靡 有 嗚 己。 真 呼 吾 耶 師, 否 吾 師 耶,兄知之 予 山 吾 生惘 陰夫子,聞之道 友,循 然,曷究厥 節 矣。 安 理 不 止 ,存爲明 弔昊天, 路 絶 粒

勿 旌 分縷陳,屏棄俗 克 力 兄之將死、歸 遵, 草莽臣 復 謂 \_\_; 禮 弟 弟 言 約》諄諄,一 而 竊 式 贊 易之,謂「明學人」。 先 助 民。 殷 勤 切 猶 虞諸 喪葬,條 自 題 季, 銘

**並揚死節,不泯其真,義安與否,告** 

予

惟神。

言,精 諸 以 淚 録,留待兄子,長 則 續 彌 成之? 子,不授 篤 鳴 楷端 尚享! 3 呼 開 仲 淑 終 美 並 日 叔,弟之懦 日 百 壽 愧 成 師 年, 命 蹙。 付 手 胡 奚云 札,彙藏 讀 促 俟 庸,乃 1 天 胡 不 稍 能 足 兄 悉 一櫝。 凉, 季 不 見屬 悲 少予 焚 細 香 詞 不 書 遺 格 學 畢 何 窮

## 祭許元五文有序

信 錫 七 宜 帖 月 匍 待, 嗚 本 初 匐 ·云次 呼, 往 遂 哭 日 吾 卯 之, 日 至, 友 時 戌 許 先 次 而 時 元 殮 不 日 斂 蚤, 予 五 及 故 · 而 也。 尸 主 同 喪 痛 哀 者 其 以 悼 哉 弘 甥 以 不 熱 己 婿 光 暑 俞 元 不 蓋 年 禹

也? 拜即 附 縱 宜 五 + 迺 日 之靈。 一, 横 便 復 無 日 四 人人持 操筆 年 過余者 反。 發 奠後三日 里 從 之老 中 舟 其詞 爲 往 元 擾 伯 以以 當 文,並 友 五 而 亂 兄 日 得 聞 焚告 有知 來 至 知 毋 虜 匆 前 奠 不 虜 疑 匆 破 我 己之言以 所 及 飽 故 海 未 東 製《 盃 颺 人 暇 寧 廜 面 悼 之喑嘿抑至 就 去,人情 主 訣 生 亡 人 告。 一詞。 事 平 乎 詩 許 倉 交 1 芫 **>** 會 稍 皇, 游 奠之 五. 虜 殮 首, 定, 中 此 後 兀 騎

池 勁 亭,故 潳 儀 元 注 竹 之 爾 型 與 膺。 勝, 嗚 枕 奇松怪 梅 濤 豈 呼 林 近 兄能 昔賢,兩 相 無令子,弓冶 即 莫 對 淮齋故址也。 藤 大之,於拓 與 鑿 京 干 池 垞 株 種 先 萬 Ш 是 生,高 荷 于 於更, 蔬 樹 結結 承,伯 茸 粗 偃 耆亭。 龕 風 給 蹇憑陵 供僧 於易淮 主 峻 節 西 尊 元注 老 白 嘱, 酒 常 袁 梅 東 欓 耆

> 潔,寵 曷 棋 布 盈 審辱 袍, 枰 3 諧 詎 利莫攖,抗 心 易公卿 優 適 達 游 意 未 雲 佳 泉 可 心 節 慕 無 塵 良 窮奚足 逐 外, 朋 無 屏 誉 殘 慮茆 輕 燈 遭 書 衡 世衰末 卷 兄之高 角 清 畫

嬰! 哉 茂館 謂當· 飢 子 禮 且 年長余,兄 \*, 以 稱 昏,居然尚 自 甥。 煎 壽 情。 幼習醇謹、老 嘗 成 終餘齡。」 烹。 考, 謂 令名,温 吾私 不狂 弟言: 髯 期 與 平,宜 尚 耋 一室,另設釜 人 不 斯志未 青,指 云 恭 「老將 無 愿 彌 并, 學 可 求,於 粹 道 及 庶 獲, 示 何 退 精。 一, 不 時, 幾 白 寧,懷 爲 胡 世 中 髪, 僅 里, 嘯 隕 中 遽 持 無 行。 傲 家 幽 年, 躬 争 老夫與妻, 新 ,悠哉 林 征 接 鬻子, 葆 二 莖, 錮 -: 坰 善 物, 疾 誨 亦 悠 遂 兄 嫁 爾

梁奠楹 嗚 ,哲人云亡,劇 呼兄疾,弟 知 其 盗 萌 縦 横 辛 未 兄 之 遭 歲 反 噬

荒 疾 亨 室 家 扳 羸 動 年,復罹 遂 業中零, 望 尫 ,點寇爰乘。 亂 Ţ 心、堪此 成。 勿及 頻 孀, 天 仍。 之夢夢, 百 門單户弱,身獨 孤 能 棘 售 繼 苦 今年夏 不 荆 悼 伶 悲 雖 ? 母 勿 仃 兩 鳴 家 喪, 五 聰 姪 翩 深 1 翩 勿 盛 夭 憂 Ш 地 折 明 長 德 心 支撑,况 坼 日 伯伯 惸惸。 逝 之後,云 冤 天 亦 亦 崩 煩 肅 數 乎比 驚 痛 游 肅 羣 豈 兄之 雲 割 冥, 胡 方 謂 兄兄 歲 擾 不 暮

懲。 擔 是 深 其 古道 其 愧 儔 繩 竭 恒 "掉痛 愚 薄 誰 而 憶 從 豈 誠 德 何 子 興? 若 弱 以 於兄 日 曷 堪 冠,和 婿 如 勝 不 之, 復 蘭 莫增。 謂 1 聲 不 遣 蘭胡足馨? 天壤 小嚶 嚶 ; 如 負 執 夢 材 經, 失既 具 英? 如 翹 越廿 癡 此 在 쾖 心 前 如 寥 林 四 日 盟 曾曾 寥 醉 有 木 年 薄 ,莫改 未 不 今喪 拙 醒。 斯

> 其 爲 奪 去,心 虜 腹 誄 時 贏 先蓋棺,面 書,一 易 貞, 詞 能 人城,民 3 吾兄,一 復不 未 皇天 不傾? 不留 魂 成。 漸 師 詞百縈,知己之言, 自 不惠,莫 月之内,凶 停? 清 人奔竄,余 慚 訣 奠後 友,來 七月初 擅 未 濡 能? 墨 數 故人 題 我能 薦 補 銘 日 [ 告 疊] 蔬羹。 文, 詢 哀哀 心 旌 負兹 矜。 聞 亦怦,一 以告兄 彼 計 層 殮後 神其 良友,余辠 甫 游 匍 道 來 0 瞍 匐 (來聽。 偵 路 伻 我 五 靈 盃 兄 祝 譁 日 淚 庭 子, ,從兄 幾 然,言 觕 既 和 酹 何 遽 颺 實 胡 有 淚

# 送許元五葬文辛卯

泉 革 不 招 嗟 我 可 乎 人 復 1 Ш 見, 我 屬 能 以 十 不 大 悲 四 事 哉 年 , 之 1 中 老 心藏之,未 憶 友, 昔 兄 遂 疾 錮 將 重

子若 道 慎 之,亦可含笑人地下矣。 舞懷新、 兄知之乎? 一,敦行 也 H 姪, 酹 敢 今定 忘。 **莜茂** 彌 厲 盃 以 而 嗚呼 間 某 嗣 内孫 於 日 子 皆昔所 枕 遲 時 二人,外 而子而壻 濤 疑 下 之莊 尚享 未 窆, 七 睹者。 年 爾 孫 以 ,皆恂 始 故 申 决, 人 吾 永 確 兄 蓋 日 恂 别。 知 雀 學 率 其

# 祭山陰劉先生文丙戌五月

守,胡 間 厚 之别 竊 縣之民,劫守令降附。 澤 意 猶 是 所 嗚 訛吾 馬 竟 呼 休 時 横 爲永 吾 吾 養之百姓,何 師 驅 師 師 率 所 訣 1 必 義 乎 至 死, 旅 何 1 人 西 意 而 自 心 孰 伐 去 傳 以 崩 去 年 者。 非 聞 年 潰 Ė 祖 旦至 不一,六七 浙 五 宗 已 月 月 漸 朝 <u>一</u>十 此! 東、 知 來 長 吾 深 西 江 不 師 月 確 日 郡

> 老母 死 東 途 信 何 不 殊 避 母母 不 食 疑 禽熠 而下, 猶 死。 視含殮 ,則力又 老爲 半, 乎 道路之言 累,棄 四 東 葬 世親 不 望 不 號 能 而 預 因 頓, 丁共三十一 渡 無 執 江 不 真 循 紼,人間 训,誠 至今,遂 月 知 日 所 所 未忍。 爲。 有 口,若攜 癡 踰 此 情 弟 年歲。 迷 家 戈 自 滿

有 麾 師 日 閏 不 口 之 能 迫 田 月 不 友 得 門 編 廬 而 初 鳴 强起再 名行 已者 一, 僞 呼 墻 忝 死 外 所 官所 姑 伍 矣! 耶 生甚 吾 縊 ? 師 未深絶之也 轄 爲 而 矣。 輸輸 豈 國 淵 死 死 矣! 憐 家 固 租 師 効 確 獨 病 納税不異順 其 分 母 確 且 同 以 寸之勞; 老 懦 死 學 確 荷 不 爲非 祝 亦 活, 能 憤 淵 民, 死 又 情 人 奴 亦 愧 1 亦 而 氛 又 以

之日 淺,年 鳴 呼 ė 確 踰 之 于 强 登 仕 師 ,學未及乎童蒙,日 門 最 後, 得 吾 師

尚饗!

訂數 方期 地 用之間 坼 年 與 執友見背, 淵 游,究千秋之業,而時移事 舉步滋 雲門、若耶之中,朝 疚, 明師云殂,宇宙茫茫, 聖賢之道, 窅 夕 乎 違,天崩 未 函 聞。 向

誰

語

吾師如於 有踰 者哉 及 困 德義之訓,百未遵行,仁賢之望,莫慰萬 有無已之施,窶士 去必腆贐 樽榼之攜,居必有廪庖之繼,來必潔饗食, 經旬累日, Ш 二、解 躬说,市 而 亢 嗚呼吾師 吟、軒名。 子。 白 父, 吾師 方贍 遺。 脯 而確之事 孜孜不倦, 窮奥析微。 之聖,無愧 沽 家遠路迂,牲不及婦亨,酌不 給,至者樂如 9 雖四壁蕭條,吾師多絶 五雲、廣福之間,講道論經, 視淵 酒 靡涓埃之答。 ,不潔不誠,神其毋怒, 吾師 猶 子,視確 孔、姬",弟確之頑 未盡豪 歸之安。 猶淵,淵 又何 末 游必 也 . 况於 糧之 盛 一德 有 蕺 事

#### 

外。 則 辭,則未 誦 死 走,動踰旬日,而獨 百 也。 吾 讀之地, 八年之内,將 行路,確 嗚呼! 不 雖巧言飾 知 聞 日 亂 獨 裹足不前, 若確者, 豈復有人 非 師 世 詞,終何以自解,生之大辠, 遂 人,而胡至是 葬吾不知處 母之暇,亦未嘗不東西 無 於 師生。 山陰只尺之路,夙 判若異域,邈若 以母老爲辭 1 生 理哉 爲 若以亂 師 弟, 天 昔 奔 爲 没 師

賊 据 不可言。 ,皆瀕於死亡,幸復苟活。 靡 寧。 生之遭遇,固 自 加以婦病連年,每至沈篤,終於 變故 以 極 後 危 困,而學業荒落, 兩 遭 危 病 香 一嫁,拮 再遇 至 [X]

席 家計 瑣,不能 溘 人廢, 一負吾師、 喪 , 婦 在 經 没 不問,而徒然勞憊,終 庚 ,下慚吾友。 之後、勉爲 史不理,學道之心,轉 寅之三月。 料理 生之大辠,二也 生 夙 頭雖 以 亦無益 下 疏 至 益麤 頑 米 鹽 不 戾 館 委 省

項背 可 江 絡 則 脩之士 蕃昌克承二父之志,皆夙 或 强 敢失墜。 觀 數 以 繹 轉 有 力之士,尚不乏於吾黨 相 東 不 相 西泠諸子爲之鼓吹,而鴛湖之秀, 生固 庶幾 望。 所 ,學古慕道,發揚夫子之明教者 私 絶,斯文領 桐 淑,無不兢兢 已至愚極駑,不任驅策,而 省過之會,莫不 在多有。 近 風 鄉張履祥、素履樸實、澉 則更有龍 流 未泯,振 袖,必有 遠者 於《證 山 所 興 示 服 諸子,與確兄 其人。 奉教。 有 能 或舊 膺 人社 悉 日 道 數,武 訓 在 又聞 丽 約 自 門 斐 水 或 聰 餘 墻 名 然 子 且 亦 吴 婁 林 好 图 明

> 除。 教 心 ,錫以和平。 潛 伏 而 確 或 復優 客 氣 游, 生之大辠,三也 用 不自 事 自 振 拔,不 非 大 力, 能 莫 官 暢 克 剗 師

猶可 憐 使 辠之萬 其大啓我後,俾不迷失。 力,競者使恬,浮者使實。 而 許之! 鼓舞而 惟吾夫子之道,廣大神化,雖 一乎 變化之,俾得 1 號泣 哀籲,惟夫子之仁慈 晚蓋 闇 雖 者 mi 使 確之頑 少逭吾三 通 死 懦 猶 生。 者

# 告山陰先生文乙未

能信, 之靈 確 之,不遑敢 爲 斯懼 明 習  $\sim$ 明 葬 解 我 寧。 幽 書》非 相 師, 憤 縈。 嗟 填 雖 古,《 膺。 如之人,否塞 死 矧 猶 越 大學》 生 至聖大賢,千秋孔 後 世 我 非 呼 蠱 經,確 一晦冥, 我 惑奚 號 莫我 勝 在 也 天

吾矜 明。 終 屏 師 禮》,學歸正誠,格致非 是聖學,遽 上 雒、閩, 曾,赫赫 宋之英,疇 仰其 之 厚 確之誣罔,是殛 宣聖,下質朱、程,是耶非 德,永 頡 更。 大啓我 靈爽,確 頏 底廓清,若大路然,既康且 孔 何當衆 非賢,日 世 庭, 後, 敢妄攖 其 雖越千 馨。 咻,遂閉 如 是懲,如其未謬,寧 升月 寐 始,誕妄悉屏。 敢 斯 載 恒 陳 粤程、朱子,有 醒。 堅 告詞 靡 城 偶 耶,昭然甚 葬 異 焉 依 親 薄 激 師 平。 承 切 周 弗 同

### 告先府君文

嗚呼!「身體髮膚,受之父母,不敢之儀,致祭于明顯考,某公府君之靈曰:維歲丙戌七月朔,不孝男確薄以牲醴

夕斬。 體 後,吏詗不薙髮者至軍 去秋新令: 不薙髮者 毀傷」,此言自 體 則辱親, 童 虧 時 習聞 體 以 辱 門, 違 親 之。 朝 制 又 至 何 故 論 朝 斬 薙 以 斬 髮 爲 令發 則 夕 虧 1

皋。 遂 無益 故 必 確 不 至於今獲全。近聞不薙髪 確 殺 亦 同 死,而大僇辱之,終亦 其 即 皋 如是 無 於 或曰: 思變計從俗也。 而 憤 也,而 忝 時,正憂不得 終薙髮,則名垢身辱 而自殺,而已無 以 所生哉 「子未 爲義,恐又非昔賢之所許 吾猶將 可以 死 擇乎未甚僇辱者。 恃 而髮非確之髮,父母 所, 薙乎?」曰 此 解於虧 不免 盟 而見執者,法 膩 也 以 而 於雜 而 不 吾 體 勿 薙 確 志 辱親之 髪。 薙 髪 不 也。 死 故 得 夫 生 未

二八六

所 遺 之髪 也 不 敢 自 擅 0 敬 齋 1 日 請 命

於 顯 考 而 迺 從 事乎

或曰: 「盍先死之?」「母在 不忍也。」

愧矣。 也。」凡 有間。」 萬 然號於人 不 虜 爾 而 幸而 也。 見 然則子前又何以不畏殺?」 可 殺, 與 無 卒 曰:『吾髪未 以 且吾昔之所爲不畏死 則 見 晦 故 是非 獲 迹 而 而 而 先 人 被殺,而吾 全生者,無 自 子之獲已 薙,爾 殺, 以 執 棄 心 於官 不 者, 也,義 吾 亦 至 日 母 非 미 也 加 者 殺之 揚 以 不 荷 微 得 倘 無 揚

其 然乎,其不 然乎? 謹告。

#### 告先 府 君 文

確 敢 昭 維 告於 歲 丁 顯 亥 考 四 府 月 君之靈 朔 越 有 日 五 日 嗚 呼 孝 男 父

> 敢告。 先聖 乎! 之生 以 期 後年 髪 竊 名。 已至此,悼 逡巡向異類乞活,犬馬 下,于今六世,爲國 没世。 齿 日 儒 號,因 我, 之廟,隨呈本學,求削儒 ,益復遷延,爲疚滋深。 日 今年春,學廪又已開 生 革命以來,即思告退 衰, 之號, 四 悲夫! 恨 罔 + 循 未 何 極 四 知 之 年 如 舉,謂 神 男之不肖, 恩 於 ! 名 之爲恫 ,終身 兹矣。 儒。 家自 歲 猶 試 支, 戀 司 遂 以不忍寫 不 舊 截髮毀冠, 日 德 久 籍, 訓 將 M 無 到 主, 不 矣。 地 歲 終爲 1 梅 由 坼天崩 加 而 出 日 試 將 報 進 是 公而 農 告 自 弘 未 况 以 光 於 夫 有 除 人 事 加

0 敢自 惜 本作 自 敢。

# 補生日告先影文

報 非 五 神 鑒孔 遺 萬 旬 體 確 以 明,不敢望宥 之 追念劬勞,不 ? 冥頑, 深 其 恩。 復 向辜 不 嗚 自 呼 勝 教育,志業 愛, -愴 感! 以 此 貽 未 所 死 未 潔 之身, 生之羞。 滋 就 奄及 牲

## 哭表姪丁大赤文

赤死, 月十 誣大赤者 何 此未必真,吾子胡遽耳?」余曰:「 以 知其 一日死 鳴 余悲 呼 死 1 咽至不能 耶 此言大奇,當不妄也。」既 吾大赤 余時 ? 死後 館洄 (其未) 出 四 塘, 五日 可 語。 且 死 未 也,而 來言者 人有來言大 ·知其 誰 竟 病, 以 曰 以 ൬ 死 又 是 知

> 其果死, 而 東,撫汝棺 迺 與 而哭之。 爾 友徐 高 其辭 伯 洎 日 兒子 翼 同 鼓 舟

者之必永年兮,胡斯理之難卜!循循於規矩兮,異乎後生者之浮薄。謂厚婚,文與人而皆樸,行

**筆** 燭 洎 兮,戒未明 之加勉兮, 尤殷 六七子之嘐嘐兮,志遠古而 吾與汝 而先出。 忽文成 憶昔西園 與 而畢 而 諸子就而分火兮,咸咿 概 痛 之雅集兮,家樸 姪 **集** 勤乎篇章。 飲兮,吾念此 兮,又俞、查之 聞卓甫之雲板兮, 計 翱翔 如 菴 五藝之間 昨 雁 與 ; 日 唔 維 仲 行 ·吾 子 子 襄 偂 搆 此 奮 秉

歸 旦夕之不保兮,悲同 秋、天先 **茫乎置理亂於不聞** 何運會之愆忒兮,驚天地之崩 雖吾 奪吾 亦 無 禹 樂有 錫 兮,今子又忽 此生兮, 人之化 ,惟子與 離。 念 親 禹 焉 老 去 錫 隤。 歲 其 爲 而 之 安 得 難

計 逝; 地 1 今并不整遺吾子兮,何天道之昧昧 固 念吾子 知 非 之寡 死 之爲 兄 難 弟兮, 但 置 仲 此 多 生 才 者 而 於 蚤 何

之頓乏兮,而母不言 死兮,知其目猶未 適寇虐之不遏兮,至一 痛 爾 母 之敏 瞑 勤 而 兮,羡家 哽 歲 哽。 而 五 道之 竟煩 逞。 整 憂 悼 衣 而 整 食 溘

竟死兮,又遺之以穉子與弱妻。 杯醪以遺年兮,恃吾子之怡之。汝不念而念爾父之老病兮,髮皤皤而蚤衰。須

見 痛 必 老人之多哀兮,方哭爾母之未已。 相 阚 持 祖母八十有三兮,兩 而 擁涕兮,今又大聲而 目盲 哭子。 而 身痿。 吾 每

卒歲 在 而 見背 見爾 吾父 凡 祖 姊 此 母 弟共 數者,子寧不傷于心兮,竟 如見吾父兮,今哀哀其 七人兮,獨 爾 祖母 之 何 纹 尚 以

> 豫兮; 殆也。 兮。 謂 也 嗚 1 嗚 姑留 呼 吾何 呼 而 1 不 此 以告爾祖 悲 死 餘 生若旦暮兮,可不 者 又 年 無 不 ·兮,以 以 可 母 爲 復 與爾父兮,不 視 情 生 爾 兮, 兮, 孤 然 子 徒 懼 與 吾 悲 敷 寡 悲 憂 亦 其 而 奚

#### 祭 婦 文

香 三日 未 而 暇 哭之。 矣,人 、哭子, 吾婦 以 即哭 事稍定,又是月之望,遂 其詞曰 庚寅三月三日死, 子 而 未暇 文也 人事 今死 蚤 忽 起

子,貧 不 吾 爲學,不敢以 知 嗟乎! 而懶 吾 遂積 不 知 愈 優勞而 吾累子,吾累 家累吾學。 累 吾有子女,子爲吾衣食,吾 子。 有 此病 吾實不學,子 也 吾 子 有 ļ 父母,子 吾 謬 以 以 貧 爲 我

嘗 即 畝 有 吾知之,而 食,誰則知之? ,皆子之遺, 女甫嫁,有子甫昏, 棄去,能不悲 見,徒 亦 有言: 吾實 虚 語 可以不 乎 知之, 豈惟 糟 耳。 糠之妻。」糟 子 可 加 人不知之,且 糟, 於 以 吾 少息 糟 可 敢 以不 於 志 糠 子 耶 有薄 糠, 郭 糠 不 日 耶 欲 用 加 田 子 使 數 飲 何

退,又 禮所 此 聞 我 病 既 七 子 拜 耶 將 不 一字,衰 違,我 不許。 汝從; 懺 死 子 急耳 病 又 將 斷誦 聾, 勸 老之狀,百端並 夙 又囑 子病,每勸我買妾,我 死,欲我請 有 我 與 經,我皆不 蚤 頭 我 取 暈 於死 對 腰 後 語, 女姑於 挫 後 妻,我不欲 如 之疾,今腰 從。 人 起,其奚 木 隔 作 榻 重 非 不買, 墻 我 道 前 取。 場,五 子 念 能 T 病 佛, 子 非 及 不 甫

嗚呼! 八十四歲之老母,何人供

茫,未知終極。 養 之孤苦,子死而竟不念耶 多憂,多憂 七 年 一之幼 吾 示 子之劬勞,吾生不 敢,無 子, 何 憂 則 看 ! 視 何 嗚呼 ? 能 ,尚享 ·敢忘; 謂 前 路 吾 1 茫 毋

# 補爲董女告阿母文

也 異 我 性醴,告所 死 之命,亦勿 而 三十有五 於是 一,父言禮 行之,父言非義, 心 吾父不許。 哉 維 庚寅年四月初六日己丑 日 丁,蓋俗? 請 以 也,故 敢 惟 僧衆禮 不 義 違 死母之言,不可 用 所謂 之從 也。 從父言而 母言之故 《梁 雖 雖 五七之辰 圃 生 己。 然, E 拒 懺 兒豈 不 之。 母  $\approx$ 禮 棄 也 言 去去 以 今母 敢 懺 也; 而 報 以 母 母 義, 罔 言俗 之日 生 生 嘗 敢 極 父 命 薦 死 雖

嗚呼! 母以兒等三人,勤苦半世,蠶

織 即 病 悠悠蒼天,長恨何 日之安; 無 死,皆以兒等故 兒 之勞等上 安者哉 ൬ 女。 遂 見 女嫁 嗚 背。 呼 婢 然 男婚, 1 丽 鳴 也 衣 寫,嗚 嫁 不 呼 食 能 女 之悪 而 如 1 則 不及 婚 此 呼 母 男,而 等 1 養兒女, 贵 是吾母 待 下 尚 不 婢 一日之養。 能 不 獲 之 誠 棄 漸 病 偷 不 勞 積 如 之 成 而

## 告捍沙廟土地文

狀 弗 而 又 坐 容 勒 當 視 而 拔 其 先室王 棄 其 耶 之也 也。 狀 則 死 以 神留吾狀以爲憑,而告之於天 相 氏 久矣,又焉用 今病者已死, 爲 與 病 後 持 篤 拔 酒 之日,諸子某某等不 地 食以 某 則是 拔 竊 保 非之。 於神, 神之不准吾 夫 而 使 廟 保 忍

諺云:「一字入公門,千牛不能拔。」故

之事 受人 不 拔 吏受: 誣 神 則 風 在 問 禱 雨 之, 乎 此 何 曾墨官贓吏之不如,又可 保,後 與 廟者 賄 之, 之不時則禳之, 1 是非,不 蓋土地之所司者,年穀豐 則 (焉? 故 而 則 朝 歲 拔 廷 神 則 又 始而 之, 得 享之。 保 又 置 以 圃 則 云過 兼 酒 曲 祈之,歲 罪之。 官 直 食 司 若夫 海蝕沙岸,侵民廬舍, 得 陂 細 前 矣, 而 塘 故 獨 又將 故 罪 疾 終 堆 圃 以 弗 之。 病 舍, 而 拔 以爲神乎 飲 歉之事。 敢 拔之,不 死 報之,水旱 之,若兒 食 **捍禦風** 官受 也 生之事 細 故 今 賄 愈 其 神 戯 輕 而

於文 之説 動天 以飽 其腹者 尤 威,不聞當時 有之,然而《金 雖 曰 爲 穆 不 ト之禮 自 經。 污 又告 污 此 一古人一 縢》之書,傳 神 皆 而拔之也。 愚 獲罪 不 民 廢,禱 貪 滋 欲 大 之再 爾 拔 託 世 上 保 於 不 下, 狀 敢 神

雷同,以爲神羞。敬告。

### 公奠許元忠文

整遺,俾是模範! 而無疾病,溘焉一旦。嗚呼! 人之云亡,古今同嘆。胡弗

笏衰 第。 堯、舜 山 公詩文 不樂,未嘗忘死。聆公言笑,如 磊 三閭大夫,長沙太傅 春雲,聲如曉鐘,凌厲奮發,老 遲 胸 情,不可 朝。 鳴 而百六之運,適焉是遭,操刀 君民, 迴 如如 呼 故 懷 泣 里 抱 如 一, 澆 如 公之篤學,天性 取 未 訴 世,管樂自 花 展, 如寄,學富 峙 睠 風 竹,窮 懷故 散 雲飄。 」期,指 君 數奇, 經課 所 襄 而 僞如誤; 鍾 彌 小縣。 子, 畫 回永慕 牢落 垂老 雄 天 忽 氣 地。 讀 家 若 忽 磊 搢

爾其窮愁著書,廢日失時,上究千載,

自 首 下 意,夫豈在酒;歌以當哭,飲亦含詬。 夕,好鳥 未澆,二豎先守,百年同心,一日分手。 得, 攬 來 斗 雄、左思。 兹 酒 嗚呼,實 白 鉤 篇 深 探 朋讌集,賭 若夫 淵 賾, 明、 佳 抉 太白 節 奥 搜 建 時, 圍 奇 而 , 棋 花 醉 窮 嘯 晨 年 翁 塊 之 歌 磊 月 皓

哲人其萎,民庶 蕭 子遠歸,轊木素備,必慎必誠, 林皋,不聞 直,易簀從容,不及家事,唯詠《王風》。 天若啓之,以 ,容庵畫 嗚呼! 揜,書卷塵高。 吟聲,陰風暮號。 人誰不死,未有如 報 孔 善類。 悼。 Ш 亭 我 寂 來 嗟乎痛哉 自 寂 無 公,生平 · 雲 愧 Щ 無 木 即 蕭 爾 游 勁

不震驚,况我 或交令子,或辱世誼。 元忠是易簣之夕。 皇天示災,十月之朔,日 親 某等或 知。 是月 站金 敢 ,朔,適. 日 蘭 庸 有日食之異, 有 或託 庸 食之。 古 肺 學是 腑 愐

薄 遽 志 亦某等之悲。 墜 道 了,侑以 呱 未 俳解 呱 成 弱 知死 咸 穉 赫 資 然神魂,其來 知 黯 砥 黯 生,傷弔 礪 靈 胡 輀 天 咸宜 大 不 辛 弔 思 之悲 , 敬 典 陳 型

### 偕 姪祭徐季嘗文

勝 所 飽 稱 生兮。 兮。 鳴 呼 ·吾兄,守廉 兄無 何 間 愧 何 然,垂令名兮; 作,游育冥兮。 貞兮! 君 子 雖 固 飢 窮,昔 而 死

嚶兮; 至 精 書 1登兮。 兮。 嗟兄之學,晷無停兮; 如 癡 未 如騃,失寢 及 胡 兮。 四 生 一十,髮 不 辰 與 兮; 星星兮; 喪 亂 自髫迄壯 仍 極 兮 終不 深 研 ! 爾 幾, 日 負 樫 咿

獨 醒 兮; 卷 而 布衣蔬食,有餘榮兮。 懷 之, 道 固 應 兮。 逍 遥 脩 篁覆 林 端 歌 四

方,吾焉征

樂 梅 狂 呼,驕步兵兮。 欹 楹 友聲兮。 兮; 月 明 左持大螯,右 在 天 影 交横 巨 兮。 觥 兮, 兄 痛 時 飲 最

從來? 肱兮。 爲 常 貴 紹 安 槁木形兮, 文寧兮! ,名峥峥 俗 我 泰然,莫我攖兮。 扃 兮; 後 浹 兄之晚年, 所 日 養不逮存,哀惸惸兮。 人, 理虧 輕兮。 城耶 累旬, 兮,學先生計,庶 晨炊 留 盈兮。 其 蔬 市 稱 爲 或 如 贏 耶 足 食,手 向平兮。 勿 人 斷,浩無 兮。 兄之無 忍以爲勇,墨爲明兮。 推 勝 跡 駡, 兮。 何 屏 經 以 **灬縈兮。** 兮。 營兮。 物 欲 阜成兮。 胡然 退 報 之情 之? 潔且 而 白 碌 I首著 寂 道之 諸 兮。 一清兮。 碌, 然 竭 子 所 所 股 克 蓬 心

樽 T 寧兮。 酒 傾 張子來 兮。 期 遷, 我 何 秋間 圖 展 斯 兄甥兮。 語 顧 茅 終 衡 無 兮; 情 承 之 言笑 兮 所 鍾 永 病

奄忽,乘雲軿兮

番凋零兮! 鬻崩兮;如日如月,升而恒兮。奚而先我,增兮。宜眷于天,獲脩龄兮;如南山壽,不

靈兮。 兮。 有子 歆吾誠兮! 之洄塘,羞杯羹兮; 夢,竊自驚兮。 哭摧膺兮。 矜兮? **橄世**,曾受經兮,隨我 有酒一勺,菜一莖兮,以奠以 吾之寡昧, 物 屬纊拳拳,及老朋兮; 雖 視殮 無腆, 無一 伯也腹貞,尤痛兄兮。 而歸,心怦怦兮,疑醉疑 德惟馨兮。 能兮; 羸老龍鍾,艱遠 兄何愛之,相繆 而 西,奉過 兄其來 聞言哀感 獻,兄之 行兮。 臨 欲 庭

祭葉四母舅文大兄命作。 辛卯九月二十七日。

復不福其子與孫。 既及身之未竟兮,疆兮,胡履運之邅迍! 既及身之未竟兮,氏之六龍兮,咸踔越乎等倫。謂錫嘏之無聞,蔚神宗之盛時兮,歲己卯之一人,誕荀聞,蔚神宗之盛時兮,歲己卯之一人,誕荀

奚仗! 子而勿終兮,至一再而 之克抗。 志愈老而 蹇兮,離黍禾其 志業之鬱滯兮,遽中道 吾伯舅之令德兮,允斯 益壯 忽相 隨 彌 子 望 爾昭 而 奄 始 而 吾仲 之敏給兮, 逝兮,貌 殞喪。 鬯,又煢煢其衰 文之宗匠 舅之邁往兮, 子仲舅 稺 孫 之 知弓裘 3 之 悼

也?遺諸孤之孱尫兮,惟吾舅之閔鬻也。既伯仲之蚤背兮,又何羣季之殀促

道之昧昧兮,奪吾舅之乃速也! 祈一人之壽考兮,謂百年猶未足也。胡天

賢; 茫析 舅 淑 繁多兮,吾奚卜其 痌 哀兮,宜有心之共憐。 炳子之受田 三歲而 貞 源 居其三 固詢謀之愈同兮,亦倫序之罔愆。 一分,曾未幾 薪之誰荷! 也 嗟吾舅之集蓼兮,遘閔凶於童孺 失恃兮,十三歲而失怙。 也。 幸爲後之夙 一分, 誠仁王之所閔 而 懼 告計 不 歲 四窮民之無告兮,而 給乎 年 1 簡兮,謂惟 方踰艾 粥 翳獨 饘 兮,矧宗 而 娶鳳林之 余甥之慟 紛食指 再 炳爲 鰥 戚 甫 之 嗟 淑 之 吾

擅 故 自 亦娱志 勵 乎鍾、張。 物兮,將 於幼孤兮,至衰老 惟 於篇 吾舅之明德兮, 取攜之如券,忽遭亂 章。 吾衰年之甥舅兮,時棋 詩直追夫鮑、 而 歷 靡 多 倦 艱 而 庾 而乞休兮, 謂 图 兮,書 科名 怨; 酒之 克 夙 吾

> 疴之勿臧。 兮,慰夙夜之所望,何遂成夫永訣兮,遽沈 之不厭兮,尤母心之最康。 意 相 流 羊。 連 而 憶 **靡**盡 今年之三月兮, 兮,紛白髮之翱翔。 攜 庶往來之數數 花 下 之 知 舅

乎吾 遠 乎渭陽; 吾父母之所慰。 兮,共均安之休祉; 之一線兮,慘孤 惟 瓜 堂兮,僅數楹之未圮;賸瘠畝之無多兮,復 親之拳拳兮,謂吾來非 分其 匍 長壻之英達兮,又諸孫之濟濟。念外家 爾 匐 承母命而 八十五之老姊兮,率我踰耆之小子, 餘幾 而將奠兮,哭吾舅而 祈共 視顛 隮 相 痛 危 爾 我 責某等之切切兮,爾奚忍 而 心兮,抒悃誠之數行。 如 厥 莫救兮,置吾言之若忘。 同 寧惟妥吾弟之靈兮, 卵累; 祖 孤兮,慎清門之舉止 得 之兄弟兮,夫奚分 己。 宜扶持之益 不 能 痛吾弟之肯 起。 告懿 力

兮,與天地而 斯 事 臨 之 今,默 有 濟 人分,其 人長。 啓 佑 夫 敢 羣 憚 良。 乎 趨 永百 蹌 ł 世之宗祊 知 吾 舅

### 哭孫幼安文

貴 哉 至愚 男 獨 即 瓢 死 也,而追咎其出 ·, 而 列則 以爲 而 顯 屢 1 出 壽考,便以 榮之無 空 極陋之見,烏 今之議者必 幼安一 於幼安又 向 不然。 以 而 使 終 馴 幼安於道 其 加 致 出 (身, 而 夫 貴 于 「,日:「惜乎其多 何 爲 而 以 以 官 幼 如 足 幼安安 馴 幼安之客 幼 安, 元本 無 以 致貴官,積 積 吾 安之死 聞,雖 不 定 曾 則 財 作 賢 虚 「有」。 不 知 鉅 此 人 雖 萬 以 抗 死 出矣。 無 君子之品 対距 客 幼安重 也? 此 志不出 多男 而 子 死 耳 未 加 無子, 萬, 此 惜 而 有 知 也 富 簞 杰 量 真 子 多 其 確

而亦無損于幼安也。又何尤乎!

呼 也。 品 正 出 而 而 有 義 終 幼 品 1 在 ,意大不怡。 一之間 一,吾知 安 也; 焉之志。 吾知幼安有 向 미 者變革 遽 痛 而終至於不 也。 死, 也夫! 其 席未煖而 徒使吾言之不信于人。 -之初; 幼安終 既 故 所 而 幼 以 以 安之削 幼 得 非富貴之人,使幼 爲 賦 家 安 已 幼安 歸來,不待言也。 貧 嘗 而 母 削 (者,而 髮 出 老,彊 一、尤非 皈 髪 空 皈 不 門, 空門, 顔 在 所 嗚 安 非 平 願

者。 率 黨莫之或 也 口 不 茎 知 變節于當官 則幼 材, 也 其抑心下志,忠事 幼安之天性孝友,孜孜好學,有 如 安雖 速,而 則 將 幼 不及焉 安 死 可 畏 雖 知 義 圃 也; 出 其 隱約,終始一貫。 儕 而 其 所 幼安文章 輩, 其 將終 不 所 死 切 不 無 者 切 出 所 固 氣 偲 者 遇 誼 在 偲 過 固 而 也 其 在 吾 獎 人 返

### 幼安何恨!

死 安 漫 切 介,而 焉 爲 然 以 耻 吾 以 不能 幼 悲 耻 安 世 嗟 人 不 之 之 乎 士 遺憾 出 之 1 不 爲耻 論 于俗 必 此 不,不 耻 夫 議之悖 且 不 知 吾 以 自 本 所 幼安之出 末 知 也 以 其 致 丽 可 痛 徒 耻 于 相 丽 幼 澽 切 而

# 哭吴子仲木文丙申二月朔日

前 道 方 如 加 將 冬 壯 已 死 葬 弗 無 嗚 年 能 開 望 及 呼 而 不 , 抑 美, 死 惟 悲 夫 以 何 今 日 多 慘 春 有 仲 材 與 望 殯 木 好 嗚 仲 于 之 學 呼 木,天 同 孝 某 而 人, 而 無 死 死 、之奪 知 圃 力善若 蚤 仁 以 一衰,於 我 賢 仲 良 凋 不 木 友, 斯 及 之

死 嗟 平 死 復 孰 何 無 憾 死 1 ? 顧 忠 先 節 生不 先 生 可 死 以 不

> 仲 之 能 善 死 者 過 木 , 仲 死 滋懼 矣。 固 人 木 哉 以 不 嗟 」,其然乎, 毁 可 死,世 乎 圃 以 1 同人或云「仲 死 人不 而 其不 孰 竟 無 毁亦 以 然乎 死? 毁 皆 死 木 死 死 殆 而 死 生 何 亦 命 則 獨 賢 也 者 毁 爲

其 懷,而 所以 前。 數 子 傷 蓋 於三十 日 或 幼 之 適 日 用 繑 亦 難矣。 與 常 也 死 仲 要之,於死生之際何等耶? 而 從容 在吾 此 木 有 不 五 行 過 在 同。 年纔三十有 之。 年之後, 嗟乎 語 儒 孝 俗士不 釋氏, 笑,元本作「笑語. 則 友敦篤 惟 仲 子 1 殊 是 木雖 懼 有未能忘情者。 欲 本 ·勝可 生死元本作「死生」。 亦 學 生 之懿德, \_\_\_ 或 者之于 死, 五 切 母 憐之態,而 死 耳。 有 脱 夫 於 人 餘馨矣, 離 灑  $\equiv$ 仲 而 而 曾 在堂, 然 + 世 反 木 安命, 死 兄 賢 不 五 人 或 稱 之際, 同, 臨 妻 足 奚 年 者 或 其 舍 致 哀 去 又 死 少 之 何 死 而

來 予言否? 具論之。 順 適之達 惟 仲 情 木 則 生平樂受 失 吾 仲 木 盡言 遠 丁,其 矣, 是 亦 尚 以 聞 又

#### 祭吴仲-木文

祭于 山 杳 世、枚、煌世 嗣 友 , 吴仲 其詞 琪、祝 人蔡遵、朱天麒、 丙 申二月十二日,同 日 木社 流瀟、許 並 兄之靈 全 兒翼等, 可, 祝沇 <del>,</del> 而 泊確 學弟 以 確 許 之 醴羞之儀, 又爲文以 奫 諸 陳 確,從 子 查 樂 檝 世 致 哭

仲 忍 弟 四 木 舍之而 首 與 嗚呼 年 稱 以 海 長 來 内 同 , 仲木 往 諸名賢 吾 乎 向 黨之好學者,獨 1 與 往,若 某 交甚懽 嗚 呼 交, 洎某 奉 1 師 而 傅, 之諸 時 四 以 而 不 年 仲 仲 貧 遺 以 木 木 交, 某。 前 何 兄

> 没 其後 交甚 Щ 不 矣,吾輩優游,且 之疾,改過之勇,奔軼絶塵,俾某 復驗,是可 諸子撫掌 而惰者存,周 者,則 懽 而 亦不遺諸 惟此三四 稱嘆,謂 也 公《無逸》「克壽」之言, 自處何等乎? 名賢。 仲 年 木 來之學。 將遂爲 然 Mij 仲 聖 等 某 何 意 賢 皆 木 嘗 勤 遷 中 與 膛 遂 者 龍 平

痛

見齒 日 争之,而仲木之哀毁益甚。 毁,皆惴 喪,是一篇大文字。」去春同 大文字。」余日 木之過。」然而古之君子有 日 者,有 奚獨 仲木夙 忠節先生年 惴 仲木 五. 如 馬 H 工詩占 以 有不 圃 言有進 過, 不 至 勝 - 譜》是: 食者,有 則 于死生, 文詞, 喪之憂, 古之大賢 焉 者 仲 時 人皆 泣 水 人 木 軰 命 漿 惟 聞 仲 平 血 者固 曰 : 莫 也 不 某  $\equiv$ 仲 木 生 木 之 及。 年 人 亦 篇 之過 居 口 未 此 屢 母 调 嘗 仲 書 絶

自懽 抑。 生死 矣,吾言過矣! 美、玄趾以爲之友,父子伯姪懽若平生,元 我輩有生之苦,無生之樂。子之死,誠 而 言笑晏晏,略無憂戚也。 殆無過此。 本作「素」。伯載接侯,更奏塤篪,天下之樂, 然乎? 子在 嗚呼 慰,其重傷母 一理,生死 亦死者之痛也,奚其樂? 地 否乎? 宜仲 下,有山 此乾坤何等時也,亂 一心,雖生者之戚,而元本作 斯豈吾仲木之心 木之元本此下有「臨死」二字。 夫人之心與羣季之心, 陰先生以 嗟乎! 爲之 仲木之勉 離 乎哉 吾言過 煙矣。 師, 開 樂

# 哭徐敬輿孝子文 癸巳

無異 呼號天下之爲子者,而莫之或應也 是,既而追痛無已,則嘗爲之著《喪實》,以 喪,而飲酒也,食肉也,室家之歡宴也,欲 不謂之禽獸,可乎? 於禽 嗚呼 潤 也, 心失 非 禮 日 某昔之居父喪 教衰, 圃 然 矣。 圃 斯 執 人 一之絶 親 也 之 如

也。 而猶 而 夙稱學道知禮之士,亦鮮能 者,而世俗之士鮮能 之死已九年矣,而猶未復寢與 以至是,則重痛吾師之以 愧焉,欲敬拜二子而納交焉,不可得也 未 於山 於錢塘得二徐子焉,居母 復 陰,得劉世兄 寢 與 膳也。 行之。 此禮 伯繩 饑餓 行之。 非惟 之常,無絶 子焉,去 膳也 喪,幾大祥, ൬ 然也, 吾故 死 焉 吾 問 聞 奇 故 何 師

之清 則 納 在 則 而 、皆鍾、張之古法也 張子 溝 交 窮 華者 也,愈不可 壑者也。 浩 尹來先示 浩 也。 然 而 吾見而 因 以 適, 其文以 我 已也 ; 以 廪廪然 喜馬 誦 所 酬 求 其 欲 之書。 其 而 書之文, 嚴, (人,則 敬 拜 而 視 則曹 志 踽 其 子 不 踽 書 忘 魏 而 然

言焉 之士 Ħ. 愧,喜者益 畏,其温 沉 我 ), 其 稍 與吾之子若姪世 自 而 禮 去秋之仲,則二子儼 才 且 待我 焉 異 立數晨 肆 下 於世俗之士故 ,二子不 也 喜 以 也。 將 可 敏 夕 親 ,其思静以 而未已焉。 得益 與二子久要焉,白首焉 脱 好焉,而 則吾昔之所 衰 親其 面 也。 然 見 道 遠, 未 則見 過 範 有 我 亦 其 焉, 耐 窮 其 屬 不 爲 方 教 也 有 愧 氣 以 介 聆 Ž, 剛 幼 者 其 世 也 益 微 子 以 以 俗 口

孝先 而 曾幾何 去。 時 天 之 而 所 敬 以 輿 生 竟 敬 棄 輿, 我 去, 如 是 且 竟 而 己 棄

> 吾之 手與 乎 呼 呼 也。 死 我 ? ! 法 日 1 不 焉, 目,未若吾之臆 爲之奈何 敬 可痛 可 能 敬 輿 痛 而 以 (之所 輿 世 也 何 之 臆 1 1 ! 憂 勝 以交我, 病 学 乎 方敬 麗 不 病 日 京者 · 起 也 輿之病 -矣,吾 0 如 「不然。 而 敬 是 敬 敬 奥? 痢 而 輿 師 輿 也, 已 吾 麗 而 竟 雖 乎? 未 京 尹 麗 已 死 之言 見 來 京之 有 嗚 使 嗚

若此 已矣。 玉 自 先之不遺 喪,去年冬又 未 奠,母 愛以 成 也 吾者,亦不遺餘 孝先兄 愛 1 胡天之所 子 其弟若姪,所 餘力之若此 則吾又遑知非 流 弟 離 有敬輿之喪。 幼 以 抓 動 遭白 厄 力 未 也 我孝 焉,其 以 幾 1 眼。 仰 天 遘 先 之所 則吾孝 承 可 亂 鳴 不 前 乎 也 呼! 播 遺 年 天 以 遷 有 之 餘 先 玉 所 其 敬 母 厥 成 力 孝 之 之 重 輿 居

今年春二月,自山陰歸,始得同昊子

寿先之意,不能不益亟矣。嗚呼! 則友朋之不足恃,亦已甚矣。則吾所以責 則友朋之不足恃,亦已甚矣。則吾所以責 則友朋之不足恃,亦已甚矣。則吾所以責 所之不足恃,亦已甚矣。則吾所以責 解。 对 要解之食給

# 乾初先生文集卷十四

節

烈,於幽

貞

之德

略

而

不

宣

吾

甚

恨

之。

海寧陳確著 族玄孫敬璋編校

**杂** 文二

## 祭查母朱碩人文

窮鳥 道 道彌厲,女窮 雖 公,功名不過伊、吕 有 然,使生孔 能 嗟 不 累 乎 可 乎 同 年 1 士固 而 語者 顔 然 行益 於盛 有 窮 ,無絶奇者。 遇 至。 每 也, 王之世, 不遇,况 見世 顧其人何如耳, 而 信無無 所 位 以處 婦 故 識 不 士 人 ,喜揚 過三 第之 一窮則 乎 ļ

> 甚矣! 蹈 道。 咏,其誰曰不宜? 至若 夫女子不天,遭履 萬非烈女之所能忍者,又曰 生憂苦,無烈女赫赫之聲,而 加 嗟乎 中庸 不可能者也。 此吾夫子所以致嘆於白 厄難, 艱 其亦 貞備德之婦,畢 時引義,千秋嘆 一此恒 檢其行 不 德,不足 知 事 輕 刃 可 重

母 然,以新以 之愛,而 子婦者乎 利不言,括囊無譽,是爲難 心計手營: 五婚二嫁, 黽 上,諸子恭義率德於下。 循婦之職而兼脩子之道 之上 今且無 不 又有父之嚴。 ? 愧 拓,不出户 論 舅姑,中不 非徒不愧 世俗, 即 庭、細大 書 愧 是以 而 ;其俯育也,有母 勉 且 耳 己。 傳所載, 夫子,下 過 而外 二人悦 畢 禮;堂構 其 舉。 内之事, 上事也, 有若 不 豫於 愧 而 奕 查

獲 口【 荼苦,然夫子愉 如 也 厄 而 知 壽 夫子 我 知 而 來 日也。 考, 母 可 而 嗟 而 已病 知 平 之 終 事 非吾母之賜 未 也 甚 夫子益恭 也。 豈不劬勞,然夫子逸矣。 可 乎? 知 事 矣。 人皆爲母 也 不 耐 哉 相 夫子 可 方 母 知 曾 夫子益 查 雖善 故 憂之, 曰 而 母 夷 曰 可 未 然 . 病 知 勤 結 若 人事 乎, 了, 四 褵 也 不 「胡 之時 天 不 豈 --我 而 天 無 年 厅 道 口

冠 玉 慨 其 南 爲 亦 未可 蚤 後 立 母 之才之學 而 世 先搏羊角 慶 而 及 傫 知 日 吾母之教諸 皆 也 然 ; 也 未 病 「天之報 而 獲 廢 雅之 顯 尚 圃 也; 遲 懿 上 潛光 也。 可 子 我 二宜之粹質 第也 而 母,若此 計日待也。」乃 故 隱 皆有 日 ; 耀 令名 ,二宋之 天道 典之 其不 雄 也 直 爽 文 可 知 風 以 乎 而 躬 又 而 舉 弱 慷

> 之待 是 矣,諸 等能 運 諸 之 厭 可 子矣。 一,則天 謂 所 之 以 靡 不悲諸子之悲乎! 以 丽 藨 語 康 子 常, 溘 蓘 教 云 其 雖 病 尚享 焉 諸 不 不 而 父 敢 仙 怠者矣。 是 子,與諸子所以 積 미 之 忘 逝,諸子能 藨 知 勤 心 吾母之教 是 之終 前 而 蓘 終 大慰 而吾母卒不能 必 必 無 有 有 1 鳴 不 不 死 穫 豐 呼! 悲 承吾母之教, 可 必 母 也 年 知 乎 且 之 -。」言 也, 今吾 勤 母 靈 是 豐 道 雖 雖 而 某 在 母 年 如 不 歲

## 祭查母朱碩人文

老 以 敗 氏 行 來,未之有改 檢 寶儉、《易》嘉安節,家國天下,同條 嗚 呼 而 孔、 俗 冉 , 慎 士 論 苦 此者昌 不 治,先富 知道 ,失此者 一,羞 于教,自 語 錢 財 唐 共 虞 故

貫,安可忽乎!

也。 後者 密,克贊於門内者,又烏 净致理,有合太上之道,而吾母之綜 今以太學公之優游無 文王之無憂,但言述作,不及壺 夫千金之家,久 三,而太學公獨 往 憲先 生之 貽 能 而 爲,而家 不 大其業。 可没 固 治,則 云 也? 贍 日 誅 德,蓋其 給 ^ 起, 負 中 然 盈 庸》 理 雖 人 門。 精 略 清 稱 爲

年 如 即 母 康 孫之秀,玉立於庭,家 間 是 世未 樂於後。 宜 者 康 聞 遘百凶毒,幽 耶 之福報之理 幾 强 久 而母 迺者英來兄弟,頡 視,坐享無 吁 嗟 即 奄逝,豐於功 憂成 ,積憂勞於前者, 吾母 門餘慶,方 疾,以至於此 涯之福 遭世 何何 衰 頏 而 亂 來 雲路,諸 嗇 太學 近近 未 也。 必 於 Ė, 報 + 公 獲

吾民。我太學公輸家之半,尚猶未厭。屬歲之壬午,貪尹煽虐,借名欽件,蔓抄

受創 喪, 伯 哀 歲 劫不 鼎 能容居,伯仲與季,分而 弱嫠哀哀,母 號,二豎遂守,豈不悲哉 革 子雷奮, 無 ·已,卒 - , 寇虐 寧宇。 ,母子驚 慟暈 ·焚其 仆 羣 未 今年夏,又有 哀 魂,奔竄 心如擣。 遏,毒螫之加 兇斂手,家以 舍。 踰 華 西依 杞。 城 來 邑。 爲三,蕩 遷 鳳林,聖 季子之喪, 盗 於母 稍 於我,夫子 又 塵 安。 家 不 市 一儀蚤 析 湫 戒 爲 而 险,不 英 離 甚 白 載 首 來 殞 剽 經

聞訃 心。 久辱 罪 將 圃 風 也 某 俶 游 夫!! 不能 子 嗚呼 世 裝 , 嘆悼曰:「是吾之罪也夫! 七月之杪,我從子某 北 , 誼 四 痛 力止,使英來遂負終天之恨。 上,深以 嗟 千 孰 哉 乎 里 非 1 ļ 猶 厥 子,聞 豈 母 居 知 惟 病 未奠,靈 耶 確 爲 言 西 未 一人之疾,某等 疑 哀感,痛 來候母, 知 ? 殷 露 勤 逆旅 是吾之 悠 間 悠 結 英來 某 蒼 朔 於

天,長恨何窮! 嗚呼! 尚享!

焉

耳

人孰

無死,

貴

死

無所恨

焉

耳

;

## **隷查母許碩人文**

嚴 吉。」久矣夫,家道之貴嚴。 父母之謂 君 孔 ,而母德之第以慈著,非 子之係《家人》曰 也。」其九三日 : : 「家人有 家人嗚 故雖母 其至者也 嗃 嚴 亦 君焉 悔 得 稱 厲

之家 死 教 君 母 其 侕 蚤 則 子。 背 雖 弗 相夫子其皇君,以 惟 死 廢 ,諸孤藐然,未知 碩 是故 也。 人之適查 而 弗 母道之貴於有家也如 有 廢 母 也; 之勤 也, 遭家不 有 勤起其家。 而 母之嚴,其皇君 所成立,母 向 者惺 造、業中落 列則以 及其皇 玄先 是 嚴 雖 生

> 焉。 婭 慎 人有 灼 曰: 丈兄弟之德日 日 理 也。 知其人之賢不肖, ,遠方之賢者,至 益 查 夙 《傳》 焉。 光大 氏 碩 欲其子以色養,不欲其禄養, 既 人 興 也。 夙 曰 夜 衰之緒 : 奉 寐 潔 兩 能 無 益脩,守日 酒 · 持 潳 如是乎? 忝 醪 而 先 뻬 爾所 數 如 以 生之教 石丈兄弟之交日益 世 娱 歸 生。」石 孤 也。 賓, 益 與子 撑 固 而四姓之姻 不出户 克 之門户 也。 ,偕隱 丈兄弟有 恭 婦  $\sim$ 加 詩 庭, ´, 而 事

之不 行 息 碩人之喪也,家錫 勿行 改 諸 嗟乎 陋 子 可復行 爲之左提 ,非《家禮》之所 俗之觀,而式於先王之禮教者,自 •! 於後世 俗 流 丽 失 姪 右 也 爲 挈 世 非 非 止勿 相 之,非《家禮》之所 敗 壞, 欲 日 止 爾、 矣。 而 使吾 先 住 頃 王 一浮、公 一之禮 吾 鄉 得 聞

他

人,碩人是

矣。

人孰

無

生,貴

生有

所

益

巾

幗

者矣,

則

亦必

有

巾

幗

加

丈夫者

矣。

非

嗚

呼

類

何

常常

之

有

有

鬚

眉

丽

哭韓卓甫文

知親 何 自 丈之病之甚,克自勉於禮焉。 之哀,饘粥之食,煢煢焉,皇皇焉,雖 碩 限乎 人之喪 石丈兄弟之居喪始也。 喪存 始 乎 也 自致,而 進 而 不忍自 求之石丈兄弟,哭 有子如此,母復 夷於禽獸者 使吾黨之士 以 泣

以 諸 廣 爾 俗焉,抑亦未可 情,而不甘同於行路人之衎衎酒 後,士之志於復古者,不幸而至於大故, 乎 之孝, 以碩人之喪儀爲準,人子之欲自盡其 子之賢,而後能行先王之禮。 石丈兄弟之居 是故 不 有母之嚴, 更 無 知之事 窮 喪爲準。 乎 丽 1 也。 後有諸子之賢; 加 或翕然遂成 則 母之教 石 自今日 丈兄弟 食者, 不 益 錫 禮 哀 得 以 有

> 見。 所,而我與卓甫 吾之攻之也,兩人以此稱 言攻吾之過,卓 深以去卓甫 日退,是則卓甫 卓甫則業醫 嗚 呼 ! 爲 吾之 病 甫 各 初 也 ,醫名日起, 知 東西 亦 不以去我爲憂,而 卓 復 歸, 甫 不 相得。甫一 自 也, 歸 掩 我學道,道 以 不 其 數數 卓 過 甫 二年 我 肯 得 而 乃 相

醫名則日起,而 則 每 不生之,又廢寢 而 若 治病必廢寢 嘆曰:「古稱 既 非吾生之,不責其報, 夫病之不死者、卓甫雖 而 尋卓甫醫名之所由 食而求所以 好仁之愚,卓甫其 食而 卓甫已數 求其 致 所以 生之。 其不生,則若吾 嘔 不 起,則謂 血 不生也 廢 是乎! 。某聞之 食寢, 其生之, 卓甫

凡業 矣。 不爲 呼! 之去我而東故 此 不 身,與以病 吾負卓甫矣! 去又何等乎? 死 言之,卓甫 卓甫之業者,而皆未之告,亦以卓 吾嘗欲以 功,而徒 吾之攻卓甫,不若卓甫之攻吾勇 病之死 者 以 雖 殉 者,卓甫 是言告卓甫,且欲告同 也。 其 我 雖然,以 廢 則 圃 身殉,卓 寢食於生死之病, 卓 而 殺人之身,二者 卓 甫 雖 甫竟以 我 廢 固愚矣,而 殉病 寢食,固 甫殆 是死! 者 不得 而 死。 乏 殺 志 爲 圃 也 相 其 甫 故 之 嗚 知 兩 由

子; 於從 者。 不 矣。 卓甫雖尚有母,卓甫之母則弟之母也 以累諸 若 某 吾聞 義 夫 固嘗 愐 卓 卓 卓 有勸葬之言,亦以 甫 父羣弟,卓甫若預 甫 甫 甚 雖 自 貧, 無子, 此 去年 亦 弟 可 獨 之 無 舉 子 所 見卓 知  $\dot{\equiv}$ 則 恨 今日 世之喪, 卓 於 甫之勇 之死 甫 地 之

> 聞 使我一旦失此直諒之友,不得元本有「復」字。 矣,在子若弟元本有「者」字。 命 吾過 不 可留 ,斯則某之所深恨焉耳矣。 0 俯 仰 何 愧 1 此 勉之而 亦 非 卓 已矣。 甫 之恨

# 送祝開美葬管山祭文

皤故人,永隔幽明,能不悲夫!嗚呼開美,管山尺土,終埋良友,使皤

害,但 哉! 山 克遵,弟不能力争,致暴骨十年,卒分葬 吾、二陶 罪 嗚呼 不 復何言哉 也。 미 嘗 ! 出 問 確 遺言 就 弟 之 有 云 闇懦,負兄 勿令諸子得習舉業 司 何 兄遺言袝 試 弟謂 耳。 習舉 竟用弟言, 葬, 實 多,復 業 而 似 後 亦 人 何 兼 弗 此 無

<sup>■「</sup>命」上,原有「已」字,據惜本删

褰裳 所 不 而 來 負 舉 免 必 無 兄 爲 之失,罪二 且 業, 成,弗克率先 者 革 流俗之人,罪三矣。 而 不能 心 兄 之 而 悉數。 也 仲 弟 令子令弟 不 子 確 能 恒 嗚 復 防 明 呼! 過 於 遂 自 自 偕 未 欲 若 兹 登 暴 然 出 確 棄,老 大 ,使 試 而 道 外 曾 雖 其 猶 大 確 有 將

陰先 死 辭 衆之罪。 爲 人 諸 者 弟 皆 生,立 以 賢 精 也 今年六月,又妄作《大學辨》 若猶 别 爲 毋 此孔 是 罪。 俾 賜 有 非。 世 妣 愚夫之 門鳴鼓之義,於兄所 迷, 兄之明知 譴, 若確言 使 以 聖學: 正 得,其 無 誣 雖 復大明於 罔 知 死猶 妄作、 ,其上告 亦 大 生, 一篇 謗 啓 必 世,兄 古 必 我 不 我 後 能 惑 能 Ш 同

敢 天 諸 兄 昔 同 在 人 師 祖 門,任 奠 之 誠 道 附 甚 勇, 竭 愚 今豊 衷 並 志 之! 辨 書

要! 尚至!數篇,焚靈輔之側。明明開美,勉垂

昭

鑒

尚

享

## 哭吴子裒仲文

故 也。 死 日,始得從同人往哭之,哽塞 歸 , 加 + 而屬之以文。 ᆜ 先 四日 亥正 仲氏 戊 月 即 申 初 於 Ŧī. 而 其 是 日 先仲氏死矣。 解 H T 發 日 西, 病 不 吾 某 能 友 未 出 旲 又 能 一語 裒 越 往 哭 仲

猶

自

列

於

人類乎

1

今年正 殮之 又 年 氏 親 之疾 以 獲 而 百,而 交澉 孰 友 確 八發,未 朋 月, 幼學於伯 疏 爲 湖 裒 先 兄 無 , 諸吴子相 伯氏 仲 盈 弟。 何, 亦 旬 仲, 之疾 丙 以 而 友朋 申 毁 則以兄弟爲 仲 發 正 氏 死 規 兄 月,仲 又死 也 越 弟 死之 月 而 而 木 日 日 師 何 相 以 伯 兄 知 而 友。 親 氏 毁 其 先 死 死。 仲 孰 友 則 晚

奇痛也。 朋死喪之哀相隨而至之彌速也! 此確之

汝典之妻之喪,前季容之母之喪不旬月, 季 也 此吴之奇痛 容之母之喪,前裒仲之母之喪不一月, ,將期而 仲木之哭母也, 死。 也 兄弟 死 期 孝,既 而 死。 若合符節 裒仲之哭 , 而 母

其 年 嚴介之性 又確之奇痛 喪,半年 而 仲木 韓卓甫之死 死 略同,其 圃 也 裒 鄔行素之死也, 裒仲 仲又死。 也,仲木爲經紀其 相 隨 而 死 裒仲、行素兩 也 亦彌速。 爲經 喪,踰 紀 此

故 有 憂我益 一子之言元本作「意」。 辨學之言,二子規之,不遺 確 恒 之四子者,皆澉之良 至 樂就之。 · 憂我益 至二吴子,愛我 至,則 入於骨髓,然卒不 規 也 我 一,而 餘 尤 勤 力。 切。 尤 攻 深 我 確 確 過 敢 則 感 比

僞從,則確之所憂又有大於二子者。

惟能明 已矣! 敢遽 明其 《氣情才辨》、《侮聖言》諸篇。 以 則吾今日之哭裒仲也 諸子與 不明久 裒仲其已許我乎,否乎? 言,已而示確詩,有「古學賴重明」之句, 吾仲· 謂 未 去年二月,行素、哀仲偕過確,確 吾言,必能終行吾言。 矣 之心 盡 龍 木、裒仲之明睿,必終鑒 以吾仲木、裒仲之賢而力於善,不 ! 者,著於篇 Ш 得也。 諸子,恒有然其説者,然亦 確幸 竊 外此,皆 聞 至 ,豈徒哭哀仲已哉 Щ 萬餘言。 嗟乎! 陰之餘 望 裒仲 而今已矣! 知 圃 之,而 教, 卻走耳。 惟 默 古學之 因 確 然 正 未 今 申 則 無 以

仲 同 不 危身,以 木、 人,皆能 惟季容、汝典明於孝友之大義,而 裒 仲 勉輔 如仲木、裒仲之賢而力於善,不 雖 死 仲 猶 木、裒仲之所未 不 死 也。 而 確 速,則 之二三 毁

豈 以 曰 憂 吾 仲 子 無 之 朋 木、 不 友 裒 佑 矣 仲皆 於 哉 天 不 也 死 豈 焉 而 憂 益 無 亦 勵 兄 可 其 弟 也 行 矣 哉 則 則 確 雖

## 哭 伯 兄 文丙申

嗚

呼

痛

哉

曾 今日 伯 痛 而 四 自 更 不 兄 體 何 革 ,當欲冀 獲 於 鳴 今 命 確 如 受 呼 殘 1 哉 以 確 兼 來, 其 有 一日之成,以 半 日 父師之恩,維 父母 確 矣, 之養,而 既自 生 痛 棄,兄 我 何 竟 四 如 圖 人, 溘 持 亦 哉 涓 焉 教 連 1 如 埃 養, 長 歲 身 嗚 之 逝 刖 之 以 呼 報 也 病 至 有

確 確 則 未 不 能 伯 恭 兄 盡 從, 愛 加 確 確 兄 愛 凡 尤 彌 請 倍 篤。 於兄,兄靡 常 等。 今雖 兄 欲 有 勿 復聞 詔 俯 於 聽 伯 者。 確 兄

> 之命 如 也 1 而 聽 從 之 恐 後 也 , 不 口 復 及 痛

> > 何

事 也 迫 費 免 今兄死,確 中 目 (之兆) 而 任任 0 有 事 9 視 而至今未能卒業也 兄病 過 爾 兄屬 確 檝 勿之恤 禮之 無 世 圃 中 纊 坐 不 濡 孤之貧 吾 前十 費 欲自譜 視。」 也; 能 遲, 死 以 相 餘 不能 元本作 日 確 貽 困 諸 日, 年, 不 不能 兄 孤 無 遠。 吸 確 憂 嘗 歸」。 痛 聊 以 襄 應, 候 也 從 何 口 仲 大事,扶 外 兄榻 ; 如 授 禮 而 兄 將 役 不 確,編 也 從 心 俟 館 内 能 前 1 儉 不 於 之 憂 柩 助 敢 冬 之 兄 次 勞 而 先 月 張 交 未 其 助 蚆

稀 也 蓬 以 兄 泌 而 以 之通 嗚 也 遂奪之膝 呼! 兄之孝, 以 智 兄 鴻 以 之 略, 兄 而 下 曠 之 也 不 而 適, 獲 不 學, 豈 終 獲 而 圃 事 亂 少 厄 不 吾 試 離 以 獲 母 云 以 七 事 甫 年 第 之 及 而 也 古 老 疾

於 下 棄 去 躬,俾永康强 逮 以 ·否乎? 九 地 養吾母 也 十歲之老母 下 避 則 乎 其 雖 禍 死之日 兄之篤孝,生死一心,其純 以 乎 確之不孝,其 毋 以以 ? 貽 與仲兄與 默助 猶 伯兄無窮之恨於重 兄 之 生之年 仲兄與 多 才 確 又能克從仲兄 也 能 確色養 而 事 往 , 事 鬼 之不 泉之 吾父 佑 神 母 寧

吾兄 之觴 月 遽 不代仲木死!」無 之喪,確哭,兄亦哭,曰: 及待,今死無恨矣。」已而 死 而 哭兄 也。 嗚呼! 而 ,兄色喜日 天降之割 後 是 能 能 確始哭吾兄, 何 句 慶 成聲矣,未 今年元 以哭之。 弔 也,奪 「甚善。 相 何兄 隨 日,豫爲吾母 吾友之不足,而 加 之 病遂 兄 能 「吾病 不能 確有友生吴 速 吾久病,當 其 成 介聞 句 也 劇,未踰 成聲 也; 1 之乎 良苦, 確 進 于 也 其不 之 奈 九 月 仲 恐 五 又 奪 不 而 何 木 秩 不 日

聞之乎? 嗚呼!

## 哭 仲 兄 文已亥

重違 皆許 兄 於他,率穨放無成,負兩 於靈泉 以 確自 二人色養,時 兄弟四人,既各有所就,不遑 有成。 年 Щ **中** 五 • 二十又從仲兄於審 二十後確 ,從仲兄於祝, 疚於心。 兄實深 始 違 無 兩 何, 兄 十九 一時 Щ 教 崇 之 聚 從伯 禎 餬 陰 ; 己 又 口

會 申、 兩 酉之難 兄之才, 確 亦 從 數 兩 兄 困 並 場 棄 屋 舉 未 字 有 業 所 遇。 游

所

成

願

也

而

兩

兄

又

期

以

遠

大,久之

已

絶意榮進,兩

兄勉之,姑出竊一

衿,非

其

父之喪。

詩書誤

人,百

死

奚贖

確

自

此

巳七月,遽有叔兄之喪,明年九月又

有

吾

仲兄 床褥 養母。 兄忽棄確長逝乎 猶吾子耳 承驩計 確亦感兄意,自楊遷 止 不若兄子,不能替力,使我每不得閒 何得云未老? 願蚤自休息。」又云:「吾子 口 餘 拮据,碌 者六 愛確 我兄弟二人,吾固 未 ,兄爲 七年, · 贵 , 尤倍 幾,伯兄遘疾,元本作「痰疾」。 碌未有寧 非 色喜。 命 恒昔。 丙申三月,忽焉見背。 耶 居,聚樂曾幾 陸,求近母兄,爲朝夕 然 衰 每云:「母 確 雖 病,弟年亦望六, 甫 然,毋徒自苦。」 遷 未踰 年近 何 年,手 7,弟子 日 不 一, 而 則 離

之? 姊與 矣。 歲 慰 朝 惟 繇 虔筮,遇鼎之蠱。 確三人若 兄 無何, 吾母 連 象卒踐,何其 歲 痰 五. 困 嗽 瘧 鼎立 日 不 ,去冬差 加 時 , 而 兄 痛 發,兄 病,又 確愕然曰:「止兄、 也 折 强 足之凶,將 弟 飯 九 生 竊 確 日 時苦不 憂念之。 而 私 誰 兄 心 得 任 甚 逝

> 自 可 得 閒 乎! ,至此亦 雖 欲 不 不替力,又豈 . 得 不 閒 煌 可 雖 得乎! 欲 替 力, 豈

母、母 祖 得之兄之子與孫,力學有成,以善繼 終事百年之老母,以卒兄志也 祖乃父之志之事。 負吾兄之教,猶冀以失之於身者,庶 安可優游 人之列,孝事之禮,雖不逮父、祖,猶逮 母,雖不逮父、祖 父兄 也,惟勤 相繼 復 如 惟 見背,老母 前 儉, 日? 確 猶 惟 亦不 恭惟順,以孝事母 建父、 復 孫已 弱嫂,事益不支, 敢不愛其身,以 祖也。 婚 將 述 在 確既 幾 成 乃 將 祖

毁。 言 節已哉 言 甫 ,竊自恕 彌 「弟年過五 月, 又老母 確始服伯兄之喪,蔬食百 而 也。 吾母每 在也,宜自愛。」今兄喪, 十,亦多病; 鳴 呼 以 爲言,又念兄昔 確負兄,寧惟 禮,五 日。 + 兄 蔬 此 作 日之 不 致 食 色

得!」言訖 不 徐,並合法 呕 寧惟此 若 趨 至, 仲 母 一節已哉! 邇 也 日 淚下。 度, 手按吾 吾它 病 饐 須 日 呼 嗚 臾 胸,一 嘗 嗚呼 確 呼 饐 饐 摩 1 愈。 仲 背 1 手 確之不逮兄,又 痛哉! 摸背,輕 從 久之, 日 念今安 囱 隙 望 口 重 兒 復 疾

也。 侑之以此文。 家約》,敬俟之明 痛兄不 今春寒食, 得與祭,分 嗚呼! 尚 年,以 脩先塋之祭, 尚 兄前 臠 獻 日 于 未 未 靈 敢 甚 座 許 遽 而 故 從

## 哭老友董立翁文丙申

教 釋 而 弗辭 非非 而 實 於我立翁竟之於釋 苏 儒 空 爲 也, 逃 空,故巍 於空 而 以 而 實 巍 非 爲 而 真空 空。 丽 罔 不 與。 者 以 反 耶 實 耶 釋 1 氏 故 夫 其 則 艱 以 大 儒 形

> 空爲 其 爲 故 而 元本作「宜 功 倫 不 也。 反 彝 空, 也 有 而 此 可 其 儒 廢 實 知之審矣,而 釋 也 亦 之異,是 • 不 不 能 能 盡 盡 非 空 空, 曷其終之於釋 邪正之分,兄 故 以 厲 空 民 爲 圃 以

於釋? 信 於釋 且異 語,而 矣。 諸 之於釋! 之交,剖心 而奚釋之攻! 身。 友 (也,又 八時年 若猶 確居平每 獨 則 果有 故微 確 不 力尚 有 何 又世 忍舍 所 相信,不翅若親弟兄,而 以 愧 尤哉 辭 謂 一戒同 可 善於 於 往 爲御史公之大宗而 自 反 我 以 釋 復,時 求 文 此 人勿 有 釋乎 乎, 之學 翁,以三十餘 絶 子 則將 亦 而 妄攻釋,惟當 口 則釋不 疏,而 有 無 不 之, 自治之不 子 敢 ·, 而 與釋 · 待 誠 偂 終 年 辨 不 何 何 無子, 足以 忍棄 忍棄 争 棄之 忘 反 而 形 求 伏

今兄無子而有子,而又甚賢於吾子。

翁,以 兄 俗 終莫敢茶毗 不 股 又 兄 敢不以 肱 ,則兄子思 約 以確平生素無欺 釋 聖 兄方 ≫諄 學 而 Ē 非 諄 病 所 一對,而 吾兄者, 釋,孝友篤 東 甚 欲 謂 故 深 外 逃 戒思 也。 以 父 空 兄之言故也 則 爲 母 而 行 終不敢 東且勿以 而 懼 之 非 ,不苟取予, 兄 , 身 真 遺 病 空者 書 而 不 竟 徇 其説呈 問 以吾説 不 茶 矣。 確 起 毗 足 呈 之 獨 以 亦 而 確

今其 約 焉 羣 從 衰 (或者 若 絰 不 致 夫 克 者之過 意 相 與 奉 良 爾 行 深 奢 也 子以 未 寧 則 盡 儉 確 力行 以 聖 每 遺 屬 古 人之教,三 兄憂, 羣從祗遵遺 人 、之禮 則 而 確 復 等 非 令。 歸 與 斬

我 遂 梅 已 杖 清 ],茫茫· 遲 桂 嗟 馥 乎 П 之宵 何 泉 傷哉 能 路,相 已已 松 1 閣 見 溪 三十餘 聲, 何 於 ... 我 兩 <del>\</del> 年 霽 翁 雪 東 之交,自 樓 深之日, 雖 明 死 此 猶

> 忘前 鳴 無 復 或 宜 禽 生,龕化之辨,以終不 尚 聞 深鑒。 린 呼 潤 有 己 人之愛,則三十 者 時,而 確 乎 兄 子 而 之愚鈍 1 後 兄之 抑 猶 己 時 所 子, 所以 默 乎 佑 餘 以 有 1 忽 教不肖確者終 其 報 年 知 棄 則 愚 兄愛於萬 之交,自此 以 兒 没 告令子,苟 於釋之志, 俾 協 終 者 不 遂 乎 墮 不 者, 兄 於 復 可 不

公奠董爾立文元注:仲兄主祭

至仁 母 之喪,累日哭, 有 變,不失大常。 同 加 一肫肫, 聞 方執 確 之 他 友,生 彌 脩 日 綸 確 德 嘗 以 姻 館 於 深爲感動 死 驗於兄,何 族 兄 躬, 靡 家,兄有友人虞 間 必 ; 黨兄弟,如 厚 , 曰:「此其 植 其 德之厚, 其 報 姑 耶 雖 一父 德 古 有 兄 未 小

哭友 之愛乎! 之 甚 加 喪,累月 親 未 若 廣其宗,此吾黨諸子愈以 暱者,而 斯之哀者 、哭,則 然吾兄積學 哀至 可 也 一於此 謂 而 親 !」今年 而 况 暱 未顯 肺 矣。 腑 爲 -春,我 其 之 雖 痛 (身,積 親 然, 者 也 骨 未 伯 德 肉 有 氏

難營 啻兄 之不能 之窮 者 如 公而 者 報 桴 鼓。 也。 ,無它故焉,唯 兄 己有,不善如己過,卒之至 救 事 下 者,竟如彼 ,必不己窮者也 夫周王多男,本於惠鮮之澤。 兄 盡 故兄之羣從,蒸蒸孝 呵 四世之子若弟之家事身事,皆 孤穉者撫 知, 安全之,未若德者嚴教督之。 生平敦施 知之不能悉數。 兄之以 成之,不足周之,疾痛 榮獨,日 9 恤 人之困,必不己 也。 友,光 不暇 誠之動,應如 而 至若兄御 天之所 給, 於吾 故急 某 以 善 史 遺 困 人 患 不

掌憶兄拈語坐右,有曰:「天之厄我·

姊 没 人 然,如既霜 姊,我族 如 亦 絶 人,其何 监 氏 痛 不 或有所 加 我克, 使 而 卒不 婿,負才久病,遽 無 祖 我 如 不得已焉矣。 愜 能 哉 母也,斬焉在疾,四十有餘 不忍竟讀 之木,無一榮枝。 孤 志 寡 我、 我, 則兄之逃禪 鰥 女甥,甫嫁 人定 我、獨我, 又不 復 亦 夭 惟 可 折。 圃 天之報施 勝 此。 天定 雖性 寡,毒 天。」 親 兄 固 近之, 串 甚 其 止 可 年, 善 子 勝

翼大宗於無窮者,不盡 厚 無 我數姓通家之子若弟 窮 禍之也 知天之醖 其 不 窮,洎兄之羣從欲  $\boxtimes$ 然吾聞之: 天之福 且 一,將甚 矜 在 圃 釀 思 降之罸 蓄 其 東 積,欲 (窮困 與 思 也。 以 而 東 以 欲 在 報 集之祉 淫人,非福之也 之 厚善人之報 則天之禍 伯 以 思東與思東之後 後 父伯 報 乎哉 父執 也。 兄 善人 之德 之德 吾 於 又 則 **;**非 鳥 於 無 凡

乎哉 夫又 口 必之於兄,而 則 吾 所 謂 雖 有 又 小 何疑 變, 不 於蒼蒼之天 失大常者,

## 哭鄔行素文戊戌

矣哉

月 之衰慵,復何堪此 亦 年間,而 ,仲木 無幾人。而甲午六月,卓甫 澉固多賢,然澉城 連奪 死 ,今年七月,行素又死。 吾澉友,又皆在壯盛之年,確 離索耶 彈 丸,確 死; 所得交者 不四 丙 申正

素。 則卓 確 及 之學,行素亦未釋舉業,確實未 時 時 甫爲之介。 後數年,遭 崇禎己 過 確 而 有 行 卯 所 素 春,始交行素於邵 亂 論 然確 去 流 述,確 子 離,雖骨肉之親, 家 時 四 行己無狀,爲干 以 十里 是得益 獨 有 灣 悉仲木 以 未 山 能 進 或 中, 行 忘 禄

> 甚 兄 之野,風 行 素退而與其子力耕 ,嘗資衣 弟 之賢。 雨不蔽,行素恬然居之。 食於 而 行 藥籠 素 之貧 中。 養母 日甚, 確 ,葺一茅於北 謂 其 不 介 如 亦 Ш 日

間。 其 過 其 以 不 人 已 不 未 爲 語 胸 不戒 聞 其 可者,真 善者 閫 家。 故吾黨之愛友朋無若行素之肫 聖教久湮,士鮮 素死,吾同志 中,多所不可, 其居家,孝 及 聲,似闃無 而 輒 且 具。 其家人與客,止間一破壁,竟日 不可 摇 少俟之耳。 首,莫一當行 每 , 友雍 也。 歸 何 人者,而朝 無論 與 以 實學,吾姑 雖 肅 翼兒 不負行素乎? 確 ,確所未及。 世俗, 行 亦不謂 素 素意。 語 夕供客饔飱 則 而 即吾同 取 嘆之。 時 可, 其 留 蓋 切 其 胸 確 嘗 臆 確 所 數 顧 而

之,而季雝卒憤憤致疾,未三十 昔吾 友 陳 季 雝 疾 惡 太甚, 確 而 每 死 見 開 吾

其意。 痛 뻬 慮 行 哉 朱鰛 者。 素之養, 禾兒録 斯 今年夏 書 從 未 則 澉 去, 陽明答劉 進 來, 久 於 圃 固言行 不 和 行 過 平 素 確 内 矣, 之 則 素病。 重書寄 宜若 信 心 至 竊 確 無 之,以 然 知 季 疑 不 其 雝 之。 中 亦 廣 之

累 志 所 仲 其 去 不 又莫有若仲木之急死友者,是可 貧,甚於卓甫,累更重於卓甫,而 不 亦可 能 人一, 家,其 其 不 書云「吾友生平介然之性,不 能 所 周 往 乎 年卓甫 行 不 口 而 母 미 謂 素之家,雖周之非行素之欲 妻 又 以 深 得至 爲 余故 成 死 知 也 行 其 IIII 行 因 素之所 於今無 貧 所 素者。 一哭行 甚, 미 素 則 則 甚 凍 今諸 而 喜 仲 餒 固 并 以 非 木 同 欲 諸子力之 以告我同 愧 力 吾 今 酬 志縱 以 同 行 疾 也 行 身 志 素 經 前 後 裒 之 紀 力 中

#### 祭 上 壽 祝 伯母 文

之辰 祝 母 不 十有五 慶 知涕之何 ,至歡慰 即即 八十之明 嗚 呼 伯 皆不 1 母 也。 從 大殮 伯 也。 年 可 吾 母 之 謂 母母 之日,確聞 即 壽 不 壽 吾 幸 九 母 竟 矣。 十有三, 之 止 九 此 伯母之訃 乃吾母 + 平 伯 壺 小 母 觴 憶 祥 面 相 伯

也。 老, 通 家 母未嘗不在堂 古之君子,有詠《蓼莪》而 嗟乎 至誼,死 喪 伯 期 母 日之 猶 「, 以 吾 相 猶 母 感 子 觸 也 遇 平 之, 隕 確 涕者,况 莫 每 吾 過 遠 眉

公幹冢孫子久之喪。 以 積 盛 學,而終身不 材 嗚 呼 而 遭 亂 自 · 禄 母 相 之夫 繼 伯仲子光侯、夢 殀 母之哀苦荼痛 子 折 土 又前 瞻 先 年 生 有 得 以 殆 季 又 純 皆 未 德

且質之行素

吾 弟 闕,有以慰二老人之心,其壽 性 舐犢之愛, 有 而 合符節。 母 固 '',亦 也 天不吾佑,故 然。 喪 ൬ 時 猶 向 竊恨吾母辛勤鞠 確 ൬ 不 兄子之壯 既 使吾 伯 能 蚤 母 미 追 失 兩家 之聖 痛 痛 怙 也。 長 於 天 伯 善,尤篤 者。 兩家之父兄與子 仲 親 故 育於確等,既 叔 晏 不惟 天 或更不 (然,倫 氏 倫 慈 並 之痛 痛 惠 後 止 此 伯 序 先 母 此 若 無 天 名 見

怠矣。 事 鄉 勸 眉 之日,正子疾 喪之憂。 , 以 黨 老之虚受,獲 其 節 稱 確 慰 自 哀 孝 伯 順 而 去 感 母 吾眉老 秋 變, 焉 平 方 以 養其 Ħ 至 困 來 其 惓 之 再 亦 衰 更 無 惓 至 時。 復 愛 窮之身,戚 之 0 病 善 日 意 確 日 病 惜 也 幸 故 迫 聞 時, 賴 不 其 母 幾 勝 禮 母 亟 有 何 疾 之 悼 兼 襄 將 不 可 靈 痛 至, 大 或 勝 亟

> 尚 確 蓋 扶 此 亟 憐 幾 享 等 服之故 酹 其 乾 以 四旬 疾 奠 確 餱 痛 也 等 之 H 從奠哭者之後 沐 而 罪 久 矣。 驕 猶 何 愆 縱 子之愛, 辭 皆 其 而 哉 以 過 遽 確 也 棄 於 一 人 抑伯 有 疾 而 伯 日 之也 白屬 病 母 矣, 母 之 猶 困 纊 其不以 一必矣。 喪, 母 未 至 也 能 於 宜

# 祭陸伯母裘太孺人文

淹 母,且 奚 偕 龍 加 可 忽至 諸 有 山 追 母 子 維歲辛丑秋七月之杪, 龍山 以 馳 也! 喪, 季秋,又來告乙酉之葬 慰陸子。」而 諸子皆驚相告曰:「以景宣 將 百 毋 里,執 過 毁 久苦旱涸,奔哭無路, ! 紼 祖 吾 奠 同 我 而 伯 矣,然後 告罪焉 其 母: 呕 之計 之孝 往 哭 復 迺 至

等 慈 遯 節,至於今靡 以 後 於 冀 耳 死 本 吾 以 更 ,然無 無 母,諸子雖 後 而 是 而 窮 母之所以 然 嗟 與伯 無若母 交之之深,尤在景宣謝 益 也 乎 平 景宣之賢,實裨益 若 <del>一,</del> 加 幸交景 母 子 遽捐棄 自乙 欲行其志,亦何可 家之皆賢有材者。 確 家之衆盛 悔。 及 教景宣諸子者,並 等 諸 官 之得 變故 酉 子 ,得附猶子 乎 之夏,母 仲子之子 者 交 以來,同 景 我。 亦姑 宣 社 之義。 實 要之,豈 得耶 事、慎 、許仲 人 高 以淑 在 向 自 偕 亦 非 喪 覆 多 濦 蓋 參 子 某 其 亂 交 等 意 引 之 游 某 猶 無 短 以

色喜 或 時 諸 之 吉 子 痛 日 孫 母 謂 前 既 纏 則 可 耻 高 綿 諸 以 言禄 無 樂 堂之上,觴詠 子孫之才尤足以 己。 遐 養,益 年。 比 乎 喜 晚 以 何 並 樂 古 年,尤滋端 進,母亦 發之。 人之學 去 悲 留 顧 敦 每 之 佳 厲

> 告警,資 愛女之喪,而 絶 自 人多懷,遂 吉 恒 理 陽 先 儲 往 生 進閔 蕩 歲 中 然 孫 又 身 XI ° 壻孫 ,生人之 重 不 毁 痛 禄 女, 殀殤相 裘太公之喪,隨又 何 而 艱 如 後 也 , 投 大 遺 行 総 略 之 痛 攸 慟 老 既

孝,而 幾至 誠 與 蓋 嘆 耶! 恙。」 中。 、裘太 景 附 亦 而 一毀身。 某等 已 直 母 宣之孝,能 尤怪景宣之診 壽 前 不 而 母之疾如是。 之教  $\equiv$ 能 不過耆; 年, 果 每 74 復 夫割 + 母嘗 然。 聞 然 起 金 母 耳 其 破 凡 得 疾 股 如是者數矣,今竟不 景宣之善醫 母 家 多附 。 日 昔我 非孝,景宣豈不 歟 母,多精思,處方 服 活母。 嗟 數 3 乎 「有景 疾,附 母之籲吉 + ! 附 今聞 加加 以 加 宣在 適涌貴 後起。 伯 以 又 格 陽 母 知之, 甚 之 夫 輒 天之 口 必 子 深 藥 至 無 奇

雖然,使景宣爲之效,吾尤不願景宮

無 不居。 諫,來 哭矣,我景宣其 母 如 官 而 無 窮者,又豈以生死易心哉 者並 之靈 愧 吾母之所以 窮 此 古人之學 爲 (猶可 父 某等方將與景宣益 告我母。 乎? 能 母 奉 追。 欲 母 禮 啓佑諸 生子之 而 我景 教 重自愛 五十不 尚 止 也 享 宣 乃 子 心 人 其 所 致毁。 愈 子 並 又 以 進求其遠大,期 欲 可 無 以 終 節之士,君 故敢 過 窮 生 淑 母 今 且 某等 親 毁 之教 以 往 之 以 告景 於 近 心 既 恫 也。 子 無 卒 弦 不 固

## 龍山告先師友文

道 竊 然,况兹世 德仁義 禄 位 嗟乎 理學、性 乃 1 苸 至 凡 ! 功 物 故 名 命之精微 有 小 可 真 人 竊 即 以 有 氣 竊 前 僞 節 財 叫 物 無 此 竊 不 自 君 可 與 子 古 夫 以

> 道 久假 乎 之,亦足悲矣 或 乞 有 1 還真 人清明平旦之間, 不 獨 歸 此 之 未 烏 死 知 H 之良心, 非 有 而 ? 日 從此滋 時 復 晝 隱 何 萬 隱 真 鍾 培 發 僞 時 長 現 之 或 於 可 奪 庶 行 辨

嗟 善 知,只是能 字,即孟子之苦心。 復行,是 云:「有不善未嘗不知,是良知; 又争竊「良知」以去,奈何哉 乎 改 Ţ 陽明先生無 過之學, 所謂 舍遷 致 改過。」吾 良 知。」 與 知 而 改, 只 當 可如 此 時 丽 王門真 是 友祝子嘗向同 有 乃言未 又何 何, 能 以 知 故專言「良知」二 知之致乎 先 血 過 脱 致 1 脈 ; 知 口 所 劉 知之 爲 謂 蘿 先 人言遷 而 言者。 未 學 致 石 生 良 亦 嘗 有

病 口 知 在 此 某 不 近 老 兩 字工 亦 實。 絶 一夫,正 乃 口 不 日 敢言 學 未易 老 學,但 實, 凑泊 愈 自 覺 則 痛 不 吾同 省 老 實。 痛

學,走 本, 者 不 陷 將 競之氣,固 承 謂 有 也 中 師 日 復乘 認 爲 阱。 遂 友。 老實矣。 1 良 而 或 圃 矣。 莫 有 可 如言 亦 作不得, 無 温 亦 危乎危乎 之。 謂 即 未 以 恭 欲 有 則 須極 老實 也。 其 節 是 其 盡 過 推 而 與 乎 所 儉, 致 所 與 即「言所當言」 某 而 乎? 力湔除,而鄙固 居 此 無 ! 綫 良 不 不 廣之,凡學者 同 寡言 也。 今之世, 及,皆非老 欲 知 出乎中庸 非 病 古人所以 必也言所當言 否? 老 者 慎 孟 如 實 動 子 又 斯 退 也 四四 敢 日一 惡 尤 戰 而 藏 實 即 偷 字, 以 即 無 是 兢 可 已 誠 切浮夸囂 人 懦之病 質 言 老實之 爲 退 以 矣。 乎 乎罟擭 亦 不 之 其 藏 深 斯 可 未 其 勿 先 或 所 張 不 蓮 易 所 學 口

## 哭爰立姪文甲辰

數 今不 理 耶 測 信 嗚 耶 有 呼 此 何 事 我 敦 也 爰 善 立之死,已二旬矣, 豈天命已定,不可 勿 倦 而 終 不 口 吾 口口 以 天 至

汝 信 矣 以 後 喪,今秋汝 而 病 一,而 事 以 長子之温 也 四 汝婦之樸勤 自 + 内 知 始 又以 汝 非 有 吾謂: 之可 不 甫 惟 七 起 ? 身殉 長 日 汝 恃 文 病 不 子之 妄 柔愿,法不當 者 馴 信 之乎 雖 而 耳 兩 惟 默 汝 竟 汝言 殤, 日 死 不 汝 ? 法 此 吾 病 起 也, 信矣, 不 自 兩 始 必 也 固 宜 知 自 吾 不 殀 已 殤 不 前 見 面 而 汝果 死 圃 疑 起 而 年 汝哭 吾 天 竟殀 天 竟殤 汝 皆 終 亡 遽 何 道 婦之 殤 奪 撥 也; 不 所 何 矣。 也。 之 汝 據 卧 置

病 而 哀 知 勸 汝 病 少 遽 自 不 解 起乎 而 卒不 少 解 固 知 汝 必

幼 師 爲之父,有汝 忍 日 今三子一女,復 外外 離 慰汝地下也 苦以 昔翔 析 内 視 夾 光之死, 撫 此 輔 孱 遥 庶 姊以 孤 遥,其 誰 幾 已極 依 爲之母, 亦 有 賴 賴 何 成 慘 ? 汝 時 毒; 時 有 而 雖 有 所 東 爲之左右 然猶 汝 有 成 西 友 汝兄弟 就 分 公以爲 有弱 隷 以 也 之 以 嫠 童

信 畫、 畫、 孫 然 矣。 有 之 惟 成 欲 欲 汝 所 而 師 爾 爾 病 孫 密 友,是我 以 長 必 否也 中 孫 中 孝於爾 諸父之言是聽,率 不 成,則 惟 惓 負 ? 密 與汝 惓 汝。 異 孫 父,是伯 者 H 年 惟 妹 吾密 伯季之所 者,一 長, 兩 此 孫其 弟皆 畫 差 而 變至 欲 禮 有 已 果 有 以 質 寡 爾之 能 矣。 所賴 惠 過 道 性 於 不 循 是 猶 所 負 知 以 可 以 密 伯 伯 成 望 循

> 乎 與 意 兄 ? 也 弟 者 孫 也。 密密 孫 汝 庶 可 其 瞑 無 目 忘 交 於 臨 九 泉 殁 之 T 寧之 下 否

乎? 者 不幸 之以 不欲 欲 非 里 有 八 且 委之而去乎? 而 黨 事 月之喪,我欲 以 汝 况 日 而 勿 後 待汝參定也。」里人之哭汝者曰:「 汝遂溘死,誤我 ,痛哭諫 鳥 三子一女之不 我 有 漸,可矣。」吾勉 諸 「友 之 事 周 乎 事 未 老 也。」 屬 待 ! 朋 了 且 汝 汝 之義 我 事 止。 病 加 拯 宗人之哭汝者曰 老 待汝以了者 改 而 者 况 汝亦 濟 且 先葬 汝 非 暇 乎 我一 也。 而 病 反 恤 1 大事。汝 汝 泣 從 而 先 懼 弗敦; 家之内之人乎 告我 良 汝,遂因 面 而 深之,諸兄 我 日 友 今 遑 何 暮 死 日 懿 復 問 限 婣戚之情, 乎 之不 : 獨 : 戚之 其 何 循至今。 我 無 事 而 望 他 保 子 哭汝 遺 宗 須 平 平 汝 己 吾 皆 族 亥 恨

茫茫天道,固如是乎! 嗚呼! 痛哉!

## 哭長翁叔父文丙左

之 稱諸 間,而兒子翼已從床 爲 司 乎 先 相 之 馬 朝 1 感,一 霽 叔之才,且 公督之甚 露 鳴 前 呼 顔歡 月廿五 不 1 至此 及 笑,宛 確 待 嚴, 乎 夜,夢從諸 老 好學甚,幸無 叔 ! 病 忽怒不 若平 之 龍 頭傳叔父凶 大可 歸 鍾 生。 可解, 異 叔 歲 而 也 它 父 月 正 叔 」虞,司 會文,叔 彌 竟 確從 反 問 進 先 側 鷩 我 常 馬 旁 幽 懼 疑 甚 明 公 祖 逝

其形 還 共 路,未嘗 相 唱酬 期 骸,示之肝 憶 確之愚戅,落落寡儔,惟 許。 靡 示 間 還 革 顧 命 固《白雪》調 膈 駑 以 蹇 後 雖絶塵之姿已 加 更 以 極 鞭 高 策,每 綢 非 叔 繆 父 下 城 先 當 里 以 所 驅 鄉 年 能 往 秋 王 略

> 命 早 中,此 叔 來 諸 茫,永無見期,長恨 叔 車,若信陵之於毛、薛,未可 知 屬 客游,厚弟遠 行 日 知叔 育 附 心,雖 生,因 出出 父竟留 乾 也 和 如 候 初 從 爲 而 輕 徒 隔 起 動 王 病 最 何 時 重確 以 滯 蒙節 世。 居, 寂 事, 告 密。 無 中途, Ш 省,並 退,初 殊 一字致 兼 之一言, 萬 川 叔 取 迨亥、 感,而 趣 非 父遽 遼 謂 何 終 未 非 歸 得 越,音 我」。 如? 子 不 相 轅、叔 口 彼 好 르 疑其 確 感 及 知 此 高 年 雖 無 發 間 歸 間 嗚 (有遐 一致,猶之乎 病 知 父或立 而 性 之相 以 久 必必 呼! 由 確 也。 叔父 情 死,白 疏 附 心 自 力 知 致 變 而 更 以 疾 痛 謂 + 首茫 色告 貴 + 脩 哉 襄 承 老 仲 餘 前 於 叔 數 襄 年 相 年

兄弟 真 而 一固宛然 鳴 死 呼 之非 一堂。 人生 生乎 實 既死 夢, 疇 昔之 者形魄,不死 吾 又 夜, 烏 知 吾 夢 叔 者神 父子 之 非

之泯 樸 直行 及泉相見,真 叔,又各自痛 信,各賦詩志喜,何意又成 倖吾叔之歸,更追前 樸叔與某等亦皆僻處孤村,白首無聊,日 風其 明 ,要自不能已已耳。 翁大叔 ,况吾叔之文章 亂 有變乎! ,庶幡然言歸,共相維 也。 間 得徼祖宗之靈,若吾叔之質 嘗 (轉 也。 與 眼 而今已矣,無可復望矣。 確嘆宗法之陵夷, 確衰 間 氣 誼 事。 好。 烏乎 ,决不隨 病 假形傷泣 故去夏聞吾 日增,駐世非遠, 翼,以固宗盟, 虚 願 泯 ! 没 ,安知非 既 丽 者 相 叔 民 耶 維 澆 冀 痛 歸 心 彝

# 補悼錢厚菴文癸卯十月六日

嗚呼! 以確與先生相慕之誠,而不

及生相見,豈非天哉!

確之知先生也,以許大辛。大辛津津

言先 竊幸 先生 痛 子 不 云:「先生神氣 云百日之内未可以有行也,復不果。 確 先生又以疾沮。 出 幽 優疾 忘 何 亦 見,再宿 養 如 以 吾 奉教之尚 於確之心也。 病,欲走候屢矣,又以確新受鍼 生之德, 也 困,出門之日少。 事至禾, 吅 而 先生之廬,而 退。 有不 有日 清 竟交臂失之。 臘月之望,先生至 其明年四月,南 旺 能 會 也,而 一,偶 忘 確 於 得 連 辛 先 先 一歲 痰 心  $\dot{\mathbb{H}}$ 生 者 生竟以是終, 疾,當漸 有 今年 偶 春,當同 數端 兄母之喪, 湖之會, 伏枕,未 一郡居, 灸,醫 秋 大辛 亦 , 聞 蔡 遂

不隨 之狀 行 今年正六十,少先 也 殊不 一、屢欲 ,當不久與先 聞 先生亦 足 枉 觀。 顧 誤 面 聽 生相 未 今新 生八歲,頭 友 果。 人言,謂 見。 得 然乎,否 偏 先 廢 須 生其 確 疾,手 盡白、 有 耶 無 畸 ? 足 衰 以 之 老 確 不

## 及見僕爲恨也一

然是 沖 師 事 雖 、巢端 死 性,以日進於高 况 父 無 先 有 生 恨 是 明 體 商 子, 以 受歸 隱以 惟 爲之舅,左提右 吾知 令子 全,見於大辛考終之 明無疑 爲之兄, 其 蚤 必不 年失 也 張 負 怙 挈 考 先 惸 ,必必 夫 生 惸 以 之 能長 可 爲之 志之 念。 養

德,種 德 盛德之及如 日 漸 「異哉 漬 去年於禾寓 種可述,且 於 僮 僕 此 錢 者 乎 <u>.</u>! 先 尚 見考夫之館役 所 生之僮, 如 見與 」頃大 此,况 俗 辛 絶遠。 來 式 有 穀之似 言二僮之馴 君子之 將 命温 先 生之 平 風 謹,

依 生 一痛 ? 被 然喬 爲 確 之者 所 斯 嶽 世 以 之高 非 斯 咨 一物。 民 嗟 仰之者非 於 痛 未 也。 見 日 者 去 一人; ൬ 年十月, 亦非 逝 士 廣 止 蒙 庶 爲 JII 先 焉 先 之

三子

何

患

焉

子 計 矣,爲 生茶 ',并以 出 布 所 欲 之惠 告先 封 面 視 致 以以 生 故故 之, 也 拙 不 踰 書 覺 嗚 年 《孝經》 泫然。 未 呼 達。 **>** 爲 今聞 敢 報 敬 先 納之令 絾 生之 封 久

### 哭亡僕願忠文

收 渭 鳴 良。 固 爾 東 爾 來 呼 竟死,吾事遂 畝 陽 止 地 此 數 力田 之 嗚 已乎 石 呼 故 畝,結茅 年,家中 痛 一十畝, 哉 惟 不 1 痛 爾 忍 不 連 吾 哉 之勤 親 内 棄 之不 復 稼,以 遭大旱,困 外 爾 濟 小 爾之自葉 ·德而 矣乎 遂 吾 大皆 終我老農 以 以 天 於行 爾 安 爾 奪其 故 爾 夫 來 爾之生命, 之願 欲 水,猶 妻 也 惟 輔乎 而 以 闢 爾 之 吾 歲 而 漊

自爾之死,家中人稱爾善不容口;出

置 榮,而人莫之哀者,衆矣。 步 以視彼王公貴人之死,何如 來此止二年,何德 也。 田 皆言未脱 間 嗟乎 遇 里鄰 世 父 而 固 涕隨之。 老 於 子 有王公貴人生極 鄰 弟,皆 里而 以爾一介賤僕 也 宜吾之痛爾 使至是哉! 稱 爾 善 不 顯 容 不

之,不令爾憂地下 爾,爾其飲之。 爾 子爾女吾撫之, 鳴 呼 我 育負 也。 爾 妻子 爾。 阚 性 爾 頑劣,吾多方貸 妻吾擇 嗜酒,一杯酹 配之,

墓誌銘

# 查氏石家漾三世合葬誌

嗟乎! 族葬之興廢,古今之大利害

之勢。 三世 蓋 俗 係 可 漾者,啓土合葬存宇公而 做《周禮》族葬於其所居後數十 之伯女也,遂能篤信先生之教,脩行古法 則 有 者也,而心竊竊然非議之, 痛 何 昏 彼 詆 士 日 焉 以 葬師之説行 意 昏 ",又何一 矯俗 一哉? 醉夢者詎易醒,而病狂者詎 之 如 爲後世法矣。 加 葬師之説,予時猶 ,豈不重哉 醒 醉 而查子石丈之母許碩人,兩垞先生 四世,而 者 夢也,病狂者也。 予向 不 而 耳。 可以 病 者 狂 五 則族葬之禮 又閱十許 從 世,以至世 者 合葬也! 予悲三代以 何日 兩 未 垞 下 離乎醉夢 先 之瘳也? 謂迂 年 嗟乎此醉夢 ·共三 生游, 廢,此不兩存 而 賢 世 後之民, 僅 而僻者耳, 世 哉 苟 武名石 易瘳 然覺悟 有 與 即 碩 尺地 也 聞 病 贵 則 自 其 盡 1

石家漾之葬,肇自崇禎龍飛之年,葬

葬。 既 穆 惺 虚 已 杳 而 而 玄先 位 畢 死 惺 其 死 存 矣 今 年 玄 昭 宇 1 而 計 公 先 <del>,</del>而 生 以 惺 合 五 洎 洎 生 某 先 玄 月 葬 配 配 與 月 袝 先 存 董 徐 董 圃 某 其 生 宇 碩 碩 許 碩 日 皇 與 公 人 人 碩 人 葬 君 董 徐 於 於 相 人 于 于 碩 碩 昭 祖 又棄 繼 是, 穆。 人 人 位 位 下 之年 尚 ,孫其 圃 吾 存 世 又 無 三世之 宇 石 ·, 其 恙 歷 皆 丈 皇 公之子 兩 也 己 皇 兄 君 甲, 合 弟 則 君 於

從 吾 父 放 最 以 病 交 故 浪 深, 請 ,未嘗不 與與 且 形骸之外; 石 亦不 洎 丈 死 爾 陳 吾 子 祖 確 呼 猶 廢諧 伯 惺 乃 曰 查 拳 父 玄 始 伯 拳 謔 「微子 吾父 凝 先 踽 爾 也 菴 許 生 踽 祖 最 先 言 叔 然 爾 嗟 號 生 爾 吾固 也 奉 乎 外 醇 並 外 其 祖 謹 以 嘗 祖 稔 兩 文 痛哉 , 對 則 世 垞 知 酒 一之行 斗 余 先 之。 自 查 酒 生 小 交 调 吾 昔 述

也。」侯 者 演 悦 寺 世之非笑。 也。 徐 樓 館 知 過 神 每 覘 某 尤 E . 古 爲 則 于 有 貧 其 歌 侯 蚤 敏 術 間 至 邑 慧 誰 館 ,貧者貴,貴者亦無救于貧,故 人一二軼 뻾 愈 志 於侯 非 屏 查 貧 斂 工, 「有事 城之安國 退之有 從 形 必 鬪 常之目 材 與 伯 容 執 交, 雞 者 之 而 益 時 富 與 謝 蹋 卷端 徒 查 放 所 查 相 也 事 許 酒 去。 云, 懼 踘 伯 屬 課 伯 ,遂定子 步猝 寺, 後 叔 坐,侯 諸 以 弱 感 所 富 否 亦 其 其 耳 兩 戯 冠 快 [?]\_查 恩 以 圃 不 恃 朝 臨 熱 風 人 許 其 則 應 去 應 至 材 受 夕 杳 女之婚 骨 居 叔 胸 有 侯之 則 則 日 而 廢 督 知 伯 伯 尤 夷 貧 中 之,知己 恣 並 不 弛學 作 闕。 課 於 所 近 曠 之憤 覘 起 給 所 邑 兩人 色, ~<del>,</del> 益 舞 之, 覘 亦 也, 皆 每 已 侯 兩 而 有 愈 勤 三則 侯 初 此 凡青 不 或 相 爲 而 日 材 陳 巧。 頃 富 時 慕 類 未 侯 智 至

## 交白首無間然。」

型 聲 震 鄉 於向 國 及 見 所 而 兩 傳 杳 先生 聞 伯 不 雖 一時, 類 病 許 廢 叔 猶 固 屼 忨 然 直 先 自 軰 愛, 典

聲 子。 之,而 分 績 所 堪 之夫婦,上承孤緒,下衍 碩 、之厚 、 之 空 伎 内 之 以 人 則視外嬖之子如己子, 惺 勤 雜 以 事 順 安之若固 而 查母 先 碩 也。 玄先生所以禮碩人者 閨 坐 查 盡 無 ,娱心悦耳之事,喧填 生 人之賢,而 伯 寂然,衣資 以 之處此 以 坤 者益 母 加矣,後嗣之繁昌 供 之 董 夫 無《終風》之怨, 至。 (象》日 碩人之行,尤非 極 子 難 之揮霍 荡然,益 不見答于惺 惺玄先生賓 矣。 厚厚 無 碩 德 惺 窮, 佐以 愈 圃 玄先 有 載 人 不 雖 亦 疏 圃 物 恬 絶 客 玄先生, 以 恒 三,若 然 晝 視 天 以 生 而 盈 實 情 若 夜 碩 好 如 而 堂 夕 佑 檘 外 吾 碩 所 己

> 於 傫 盎 大 紛 晏然,墳木蔚然,孝友 是教是育;三世之窀 亦 甫 于 〈畢舉。 查 然者 然,非它人,皆碩人之以 沓之務,碩 奔 稍 + 一不薄矣。 命 其 拓 餘 ,惟碩 皇 以 載 今石丈兄 君 死,許 無 圃 夫 何, 人是奉; 人是理。 中 婦婦 碩 適 廢 獨 人獨受承之。 有 之 弟 濬 能 産 之風 穸, 雖 諸孤之藐 卒之内 河 皆貧 以 稍 碩 之 勤 稍 也。 蒸然,書詩之澤 人是營,公私 役, 苦 1 復 外 居 哉,然堂 振 碩人之功 然者,碩 其皇 兩大 咸 之, 起 秩 衰 人 君 頹 者 疲 細

脩。 當諸 嘗之武 啜 軼 麥 不 某 糜 伯 自 可考,大抵 惺玄先 原,期 即 官某、公從 叔 兄 命啜 弟 一人於某 生 蟬 糜, 皆 而 弟 聯 有 已謝 上 也 鵲 隱 爲 起 具 德。 去 存字公,其行 所,不至 時,獨 冠 · 竟 故世嘗言, 服 不一 拜 能 迨 謁,公方 送。 扃 罶 户 事 潛 盡 又 而

以,幾及禍,人謂尾生復出。即此二事,可返,幾及禍,人謂尾生復出。即此二事,可

至如惺玄父子之天性孝友,能急想見公之爲人。

不暇 曆 貧 義 身不倦。 姑 窮 田 有 庚寅之饑 ,若夫與子,分食食之,分居居之, 勸遺不絶,皆好行德自 給。 之弊,使人有實惠。 足多者。 敬養 而其皇君之殷殷念從父藴 救 外祖徐公,爲之築室; 族 惺玄先 人敬□公之貧;設 生 其 若此等事,皆 迎 性 養 世 適 楊 庵之 終 賑 之 人之 法 其 釐 貧 H 萬

計 姑 吾 有 云。 以 ,慈德著於再世。 烈丈夫之遺 紿 王父孩時,善病瀕死,育於徐 身代, 匪獨 董碩人之甘貧習勞, 大 父,得 存字公父子祖孫 憂吾大 風。 與 大 母之不 徐太碩 石丈子 母 有 身。 宜 間,尤世有 而卻千 人之孝,稱於 當涕泣言:「自 於 嗚 大 太碩 呼 金之饋 父 人,至 彻 閫 其 傷 而 德

哉! 非吾徐太碩人,吾家無炊火矣。」

弟 乃 所 之察也。 而 所 之澤,豈有量 不 以 可 以 起 陳 有 見者其先世之德也。 其 確 謂夫惺玄先生之廢 其 業 氏 家 日 也 也 乎 嗟乎 董 ! 碩 故 可 可 人之不 不 見者: 有 勉 以 哉 許碩 其 有 然 也 (業者 其 前 則 家 人之功, 石 世 者,或 或或 立 丈兄 或 未 乃

豈非 公而 先 生之世, 生 天 上,爲高隱養虚 自存宇公而上,爲貢 四 郭 勢 世 必 皆 無 獨 子,而 子。 公。自養虚公至惺 不惟 卒 有子,且又多 上 然 一鳳嚴 也, 於惺 公, 玄先 鳳 玄 嚴

安徙 李徙 公;一愚公 雪坡公而 橋李。 袁 自 花; 養 虚 又上二世,爲千十 而 代 公 有 上,至始遷,爲 上 丽 聞 爲 上, 人,詳在家乘,不具述。 福 爲 建 大 按 理 察司 均寶公, 提領公, 寺 左 僉事 卿 雪 由 由 愚 坡

 之銘,其詞曰:
 以□□年□月□日合葬穆位、禮也。爰系
 生□□年□月□日,卒□□年□月□日,
 穆, 配許碩人, 淮陽太守許同生先生長女,
 皇,以□□年□月□日葬石家漾祖塋之
 一子,即其皇君,諱□,字文則,號其
 之昭。
日,皆以□□年□月□日合葬石家漾祖塋
女,生□□年□月□日,卒□□年□月□
□□年□月□日,配董碩人,孝廉董雲臺
 惺玄,爲邑庠生,生□□年□月□日,卒
 子一,即惺玄先生,諱□,字□□,號
 合葬石家漾新阡。
 卒□□年□月□日,皆以□□年□月□日
 人,邑諸生諱至言女,生□□年□月□日,
 年□月□日,卒□□年□月□日,配徐碩
 存宇公諱□,字□□,號存宇,生□□

禮,以式子孫,百千億年,青于白雲。而窀。誰能行之? 惟許碩人。我學周陰陽之義,前宅後墳,既聚而居,亦聚

執着

更張

无恒

自欺

欺 人

不

可治乎?

欲以一

味湯起之,曰敬。

痼

疾 種

種

與

我

周

旋

不

舍,將終

雖然,未易瘳也,則亦不敬而已矣。

# 乾初先生文集卷十五

海寧陳確著

族玄孫敬璋編校

銘

箴

坐

**箴** 癸巳

龍 杖 

年之中,歷諸苦艱。 潛逸,言歸故山。 夏,我病子 乃蒙賜環。 敚復還。 怪 顔,俯躬若敬,傾蓋交歡。 己卯二月,遇子邵灣,昂首縮 中歸季寧,以有頸瘢,棄捐數歲, , 閒, 虜 又折 爾股,癸未秋間。 抄 我於子薄,子則我敦,八 盗 誓不遺子,終老盤桓 动,兩 遇 宗老悦之,幾 [X] 殘,投水 項,奇形 迄乎今

炯,有過自知, ,愧死奚裨! 知 而 列 不 之坐隅, 改,謂之

自

欺。

非愚則狂

良

心 炯

常目在之,日減一 焉,庶弗終迷。 忽略

多言 自是 浮 自 動 炫 妄用 忿怒

鄙吝

督怠 踞慢 依違

營求

遺忘

閒

廢

妄

想

#### 界 方 銘

爲祝鳳 惟休勿休, 友恭肅,家國之儀。 戒之戒之,勿隨俗 師 世 **」姪篆。** 以劭 前 德。 學乃有反,高明柔克。 庚寅陽月,乾初道 薄, 勿爲兒嬉。 人陳確 孝

#### 攢

## 自題小影 癸巳

哉! 儀,反求諸身,念兹在兹。 不正其形,而影之嗤! 生胡爲? 吾方憂子,子則嘻嘻。 聖人之道,夫婦與 予豈有 欺! 言一 知。 慎 爾出 動,咸 五. + 話 象曰: 惟 無 敬爾 聞, 爾 師。 吁 威 爾

#### 頌

# 藤如意頌庚子

若夫體 形略似. 可悉誇。 未諧,指天畫地,嘿喻 短 昏,常用 書背加。 續長,或鉤 客詰: 枕 陳子曰:古人之命此,則吾未之知 濤 癢 如意,陳子因 摩揩。 命之曰. 齋 則爬, 僮 醉起拄案,倦坐支腮。 「如意以何用也?」 中 或搓。 有 手所不及,摘果攀 如意,亦未云乖訛也。 枯 頑則撾。 藤尺許, 而 客意有未達,吾言有 胸懷。 成之。 揮毫 棄 其用孔多,未 塵 腕着 灰 老眼 花 中, 也。 時 補 觀 其

#### 

欲,私

不勝公;

展兮

君子,

和

而

不

同。

不

同

之同,是爲大同;

無

成之成,乃

爲

大成

相

得有合,無往不利;

人和之功,以参天地。

## 眼鏡 頌祭卯

者使徑。 人,感言匪罄。 人性。 實多,惟斯之正 西 昏者使昭, 國之寶, 明德遠矣,日月 ,開物成務,聿追 萬曆中年 日 眩者使定; 惟 斯 鏡,巧 ', 利 與 瑪 奪 微者使著, 並 始 天 前聖。 聘,伎 工 惠 我 妙 巧 老 益 潦

#### 骨 牌 頌

截,其 以 師 羲畫,以教天下。 象,八卦爰殊。 成 成小,物 刻,誰 千古奇文、《河圖》、《雒書》, 成 其 敗,疇 各 曰 不然! 有則, 因 能 死 而 懸 生有 重之,以成變化,遂 安 决 委心 用 ! 命,富貴在天,先 智 任運,四分 巧? 大以 成大,小 理 兩 以 儀 有 制 半 四

解

#### 侮辱解

作《侮辱》三篇以解之。可謂知侮矣。而今之人或未之察也,矣,又曰「夫人必自侮而後人侮之」,孟子曰「不仁則辱」,可謂知辱

謂 辱 太上躬耕, 皇皇得 其 君 次 非 う賣 義 1, 而 未可 貴 謂 命 賤 再命, 矧可

辱不可悔。

謂辱。内函謹封,賓館鞠躬,干求請託,其囚服公庭,身膺三木,苟非其皋,吾弗

詞

辱

靡

窮。

**怨嬰詞**癸巳

熾。 之如 制 兮,遂靡 淹 暑與秋 而 撫 1 兩 紛爬 抱兮, 月 沸。 痛 既 而 而 吾 外 遠 未退; 未瘳兮,又繼之以 惟斯 搔 孫 蚧 失 而 之 而 其 竊 弗 之爲 藐 不 待晚 至。 入吾指 儀 能 嬰 度兮,亦 4分,胡 自 少挫兮,未 嗟 浴之若渴 已兮, 臂, 孫 殤 瘧 旋孳息于周 疥 内 加 雖 鬼 癘。 消 一分,喜 疥 踰 强 之 其 壽 時 力 爲 吾 氣 兮, 其 而 朝 憐 厲 志 奚 身 之 復 沐 歷

> 得 隕 兮,又遺之以 與 詎 涕 血之俱匱。 安坐兮,夜未嘗一 癬 憂兮,展 斯害。 心 脈 脈 假 我 黯 而 寐。 生之 膚色之慘瘁兮,脂 誰 尤兮,溯 悼衰老之日 重 累 西 日 曾 風 迫 不 而

**弔** 哀 詞甲午。 爲吴子仲木。

啼 兮, 子兮,吾不忍見之。 曾 但聞其聲兮,不聞 嗟我 不 踰 仲 時。 木兮, 哭 痛 向 何如之! 其詞。 故 人兮, 嗟 若 1 遽 嬰 敚 孰 兒 爾 非 之 母

兮,亦勉思遺體之當惜。 之多病兮,又春寒之尚 四 畫 夜不絶聲兮,憯水漿之未入。 痛髹木之不 逮兮, 慄; 而 死 竟袒 與 乎 跣 來 念 而 日 弗 爾 3 哭 顧

爾昆弟之克相兮,一衷之乎《家禮》。

禮之兼至兮,斯昔賢之所韙。 得 人子兮,展羣 辭 盡 兮,惟低 湔 夫 末 失 士之儀軌 徊 兮, 留之不 庸 荷 悦 能 己。 乎 里 吾遂 嗟 耳 1 無 孰 能 哀 非 誊 與

也 失 在 疑其言兮,蓋今始 也。 滋 也 Ì 吾更感爾渭陽之言兮, 惟戒 嗟我仲木兮,痛 宣聖猶 《禮》曰 懼 之 唏 無 敬 其何 間 知。 爲 須 有兮,詎吾儕之易 如何其 上兮哀次之。」 臾 勉 兮, 惟古訓 日 亦 貴 庶 始終之 兮,念兹 乎 吾 其 力 能 初 图

引

## **税茂堂次集小引**丙戌

得詩 粤自 四 + 莫 春 篇 厥 而 興 自 初 集 四 月 以 期 來 + 同 日 星

> 昔,疑 遠 注: 雖 面 無 纏,自夏徂秋,支筇伏枕,生人之趣,愁慘 咸 散 樂正 青山 旋 歡 軫季康之患。 白 余股爲盗 布 日 沉夢之微 載及 ,傾心白社 自慚乎傷足,沈猶 之内, 帆 近所傷, 無 新凉,眷游 恙, 劇 而 醒,未免悲 欲爾、二 無 漏 一,每亦 盗 何,患 雲横, 人久 雅 舊館,悵 一時之樂 病 與 俱 長 不 被 傷,還 人共 皮 嗟 修掠。 戒 囊 太 乎 撫 而 也。 尚 相 叔 負 芻,元 今 加 病 慰 之 而 欲 維 之 予 對 爾 追

夜 次 遊 用 各情志之所宣。 ),元注: 集 風 弁 住什 雷 秋吟伊始,聲 之 頃 者同 興,權 連 石渠、夢得諸 云耳 朝 志 雹 輿 有 于 雨,悼嘆 + ・
壊
哪 春 兄 此 旬 咏 兩三 矣。 之約,翹 唧之蛩 方 月 不 酣 雖 前 己, 即 瑕 風 約 首 咏 聊 瑜 登 斷 待 歌 高 之 綴微言 嚶 九 繼之。 互 嚶之 日 加 見,  $\overline{f_1}$ 

#### 投 太 府 劉公揭

復究 之天意,推之人事,似尚有未可知者,是以 M 火,無甚于今。 每日告火,災變相 同日被災者,聞尚 而 論之。 惟 杭 城之變,無大於火,數年來之 頃 自 尋,可 有數處。 昭 慶 云至矣。 失火,殿廡 自後城 然生考 燼 中又 灰,

昏見 也。 周 是 蓋 心 制 而 于戌 者天之大 火 是以季春心昏見 竊聞上古燧人之世,察辰心而 每 太 歲 而 盛 仲 納 春 火。 火, 是 1,命司 以 而辰 卯又爲心之明堂,心至 仲 于 春 烜 與 辰 禁 氏 戌 而 火,戒其 以木鐸脩 者,火之二墓 出 火,季秋心 出 盛 火禁 火。 也。

> 大風。 也。 風。 甚 節,則與史書所載適相合矣。 火,故曰火之始也。今二月二十五 于國中。 無,寧信其有,此天意之未可知者 大、東風小,其勢 衛、陳、鄭皆火。」夫周之五 日,其火作乎!」。戊寅風甚,壬午大甚,宋、 矣。 融風,東北 梓慎曰:「是爲融 又清明已過,名爲二月,實 左傳》:「夏五月,心始昏見 由是觀之,火之宜 風也,東方屬木,木能 稍緩,或可無慮。 風,火之始也。 月,即今之三月 防,莫斯 幸是日 也 已 日 然與信 三月 丙 北 丙 時 爲 風

理,彝酒冒色,漁利 **弔災,君子是以** 恬不知怪,且 有 頑,皆足召殃。 天災。 往 時過昭 而杭 又 城 慶,竊見寺僧 知陳許之先亡。 甚 今皆驗矣。 風 焉。 俗, 無 窮,謂 夫陳 士女 一潑横 不 淫 然生觀之, 非 救 侈 有 今城内 少,吏民 火,許 無 復 不 尚 必 刁

初先生文集卷十五

乎? 湖 其 軍 可 實 謂 樓 民 舫 利 弔災乎? 豪 遇 之, 選 室 有 大 伎徵歌 火家畏劫, 火 發 家 此 飲 即 人 書 酒 事 乘 甚 之未 機 食 夜 於畏燒,可 不 肉 搶 可知者 輟, 擄 頑 名爲 無 不 異 知 也 謂 省 救 平 救 時 火, 火 西

宗 火, 又 生 産 或 除 災,方許 屠 士大夫渝心 人 撥 事 杜 又 火 悔 師 禁沽, 政 患 謂 船 躬 然 禍 八情 明 ()城下 防 先 外, 生 宜 0 白易 開 洶 限 微之一事 竊 傳 節 而 懼, 戒 其 以 易行,以謹 謂 戒 儉, 蘇 餘 曉, 之人, 期 慮有 各門,時 天 榜示錢塘、湧 此 惕 大 日 宜 意 ,或半月, 也 小,一不許 厲 伍 微 稍 奸 方 脩 渺 列 慝 知 民 時 啓閉 省 未 登 乘 俊改。 變 乎 城 期 時 ŧ 敢 或 金 嚴 開 謹 竊 在 深論, 兩 以 伏乞 又 發。 必 敕 鎖 備 月, 門 頻 兼之太 遵。 市 綸 船户 奸 明 絶 故 至 日 肆 也 火 諭 於 子 報 此 天 斷

> 貧者賣 宗師 皆言 心 繁 求。 曾 衛 將 長 已 亦 俱 而 十家俱 世 調 慰 幾 運 不 杰 又 糧 甚之。 字 停者 越 糧 船 旗 矣。 諭 躬 何 而 長 + 兒 民之所忍言與 長 ,遵法先兑,糧里 臨 生 糧 時 軍 鬻妻, 又有 破矣。 矣。 + 年,而 不 之驕 推 兑所,設法 長 歲 而 堪 之 生 日 衛 豈 富富 所 : 聞 横 累及周 輪,何 哀哀窮黎 官 郡 故 知 陳 之 無 者 旗 旗 者。 不 且 異 倒 推之全浙 軍 越十 軍 均平,軍 輪 惜 駭 往 親 囊 每 增 寧人 而 浮 耆弱,歡呼 歲 析 亦 且 年 文 年, 費 必 懼 産,立時 而 運 名 家 自 而 皆盡 民 曾父母 圃 兑, 色,法 破 多 長 推之天下, 海 前 悦 誠 方 安 則 誠 者 寧之民 服 可 ·動天。 貧窶 勒 倉 不 外 謂 册 爲 來, 豊 得 苛 太 滿 苦 右 艱

「禍」, 惜本作「悟」。

官 運 間 然 時 金 與某 獲 事 其 生 一千餘 如 押 向 且 常 此,天下焉得太平乎? 同 運 往 旗 例 兩。 衛 頗 海 軍 金 煩 鹽 支 且 苦 即 遇 兑, 又後某,止以 百 否 以此金營謀 兩,今其 渠云: 果 指 若 揮官 艱 繁, 利 某 與與 押運二次 廿倍 得 往 誠 生 先 年 爲 有 矣。 曾一 出 舊 可 衛 念 獲 押 牛

苦 之膏血,恣貪弁之營 約,又十倍于太宗 挨後兑者,朋 式 如 是已足也。 ,其費不貲,而 ,已不啻數倍祖宗之 夫祖宗立 比 法, 豈不念官軍 今太宗師 爲奸, 止於九升七合者 師 賄 所 <del>月</del> 捏 制 限 準 額 端 不 情 圃 數 掯 爲 立法 諸衛 運 矣。 寒心 詐 米 名 均 哉 吸 官 以 征 爲 良 軍 定 爲 途 1 遵 程 費 勞 民 延

無 民 以 以充 行 要其弊,實 其 私 奸 旗 由 故 軍 保 保 不 家 家 得 指 保 不 官 使 家 勒 旗 指 詐 軍 縱 驕 科 則 横 不 派 敢 則 窮

> 於他 賜 然倘 得妄 警百。 例。 逞其 血 於今爲甚。 訪,擒其尤惡者數 上 認。 陳 号 况 生 衛 得 乎 太 右 支 ,伏懇詳 稍 邊嚴敕運船 宗 ? 表 節 衛 寬 裹 伏 師 既 萬 此 額 肆 懇 之 遵 分之 實 尤 外 毒 **\$** 敕 施 法 事 誅 可 先 行 爲 理 <del>---</del>, 求。 官 嚴 敏 行 一之易 兑, 害 軍 即 刑 幹 于 多 明 照 懲 則 窮 吏 右 年, 曉 知 右 治 餘 民 至 者 衛 空言 衛 察 衛 受 庶 長 m 出 其 自 安 幾 故 不 兑 無 流 分 舉 倉 可 敢 口 益 弊 之 毋 循 瀝 密 行

投 當 當 事 揭 事 揭《癸卯 葬 埋 H 記 事 是 八 月 日 初 始 屬 五 稿 日 庚 子 擬

惟 天 降 揭 爲 下 懇 民 恩 作 捄 之 拯 君 愚 師 俗 故 以 明 蘇 主 民 勤 困 民 即 所

民 利 也 以 困 害 敬 之最大且 天 一日葬 斯 賢 埋之無 民 臣 之 勤 亟 利 民 者二端 制 害 即 也 爲 所 利 以 害 忠 主 而 水 己。 利 上 之 之不 生 一敢 人 講 陳 無

築之 嘉 年, 言 洩 不 利 流 講 得 湖 事 I. 於 廳 田 離 無 功 矣,欲 使 。 司 宜 次 之不脩 自 水 滿 歲 豈 所 道 順 利 有 非 諭 惟 不 故 俾 治 無 旱, 水 當 杭 民 爲 之日 天 高 雖 + 以 歲 郡 之無 利 民 歲 地 無 日 高 至 八 不 設 道 講 之 患 天 鄉 講 年 此 官 杭嘗 所 乾 誉 X 時 大旱, 尤 平 既 昔 不 饑 無 縣 田 與 卑不 極 1 明 患 居其 及, 專掌 時 有 地 不 危 旱, 太 浙 水利 不 勢 至 裁 病 苦 可 名, 祖 . 講 水 湖 省 實 康 得 潦 成 使 利 財 宜 嘗 衙 制 窮 熙 今數 輔 也 康 賦 之, 民 責 患 大 元 茂 相 務 府 其 潦 洊 哉 首 年 + 豈 及 在 才 必 有 實 饑 推 藉 王 爲 濬 非 水

開治,萬難再緩。

之時, 與 療 盛 達 道 雖 翅 民 易 在 更不醫 미 治 樂 索 情 畏 一日久 一,猶 故 . ! 難 民 成 于 之之人。 難 議 亦 也 勢 有 事 口 猶 治 枯 易 者 丽 支 病 危 小 非 畏 荷 死 魚之肆矣。 必 終 急, 吾 深, 疾 不 失 難, 難 E : 棄 亡 然 病 其 易 决 禹 之 何 立 也。 况 道, 不 之治 之 日 非 以 也 至。 往 及 今 形 數 血 雖 異 ? 時 辟之人 時 愚民 泂 不不 水 此? 易 + 氣 初 歲 醫 方 工久 亦 就 劑 病 2治,恃 行 歲 在 不 今 難 衰 不 時 身, 開 若 所 所 可 東 ; 效 止 曠 病 治 無 與 更 荷 南 方 其 事 之 遷 證 慮 得 談 待 然 當 水 血 事 始 其 延 百 澤 得 何 利 亦 劑 少 道 出 之 不 强 容 其 口 何 可 通 丽

海 寧 城 生 東 海 人 寧 也 人 , 請 也 專 請 言 專 言 城 東之 海 寧 水 之 利 水 利 上 泂 又

者 開 日 後 里 峽 城 相 直 則 海 -寧 塘 塘 塘 傳 不 亦 許 石 北 城 通 自 暇 開 不 涸 四 東 杭 至 哌 海 日 開 前 郭 時 濬 追 , 至 城 寧 浮江 通者已六七十 峽 塘最 之 經 可 先 論 里 店 袁 城 開 石 新 河 後 + 花 東 近 塘 日 塘 下河三塘須 里,曰 淺,最先涸 深淺之次第 河壩,古之運 五 至 而 峽石塘。 三年 最深闊 亦 + 支 黄 自 里, 河 灣 間 郭 海 隨 六 年 店 日 遲 河 寧 之。 後塘 又袁 矣。 + 塘 袁 從 底 通 + 稍 鹽 里 花 盡 袁 花 自 日 下 , 俟 口 河 塘 稍 花 生 日 亦 塘 水 郭 知 河 也 塵矣 深 者 捍 涸 退 矣。 少 店 則 自 海 方 遲 謂 北 東 自 父 海 塘 口 捍 則 前 海 老 五. 至 盛

都 里 里 支  $\exists$ 日 倪 河 生 戚 之水 又 姬 家 海 堰 堰 寧之廿七 利 又 又 西 西 生 所 里 都 里 居 曰 人 日 陸 湯 凰 也 詩 嬱 家 出 現 垷 塊 專 言 今 又 又 皆 西 西 廿 名

> 堰 皆由 受其 有 海 支 海 也 就 上 運 水 存 委,並録呈上 書》,言海 之以 河 數 下 寧 可 下 薪 而 而 言 + 捍 害 推之全 河 捍 河者,順 米 分 實 E 萬 者。 就 海 平 海 推之東 豊 以 寧、 下 塘 飢 上 1 塘 知 規 浙, 開 民 河 泂 塞, 夫 桐 之 桐 蓋 水 者 E 鄉 則 地 胥 則 鄉 諸 卑者 先 日 地 通 也 張 懷樂 諸 形 易 鄉 截 勢 之 則 堰 石 履 由由 垷 爲 水 高 濬 利 上 暫 門 鄉 祥 道 土 力,逆之則 可 之以 下, 受 河之源, 日 城 民 通 矣。 而 盡 有《 其 縣 東 貪 有不 垷 貽 復 利 通下 推之 水 寒 致 無 由 其 時 利 利 石 故 得 水 皆 生一 故 窮 河 之利 :; 城 難 病 門 愚 竭 之 不 所 西 爲 宜 害 分 有 友 都 民 則 以 高 而 功 皆 之 原 由 沿 者 者 偷 爲 先 開 堤

責 一之産 愚 户 生 竊 産 計 户 開 責之 河 I 佃 費 户 别 若 無 措 通 處 里 計 勢 田

其 冬開 畝 但 慐 長 不 照 支 派 數 有 丈 百 而 而 畝 長 就 共 待 河 不 怨 利 外 而 + 畝 工 若 過三二 十丈。 生矣。 多 邊 鳩 除 極 不 無 丈, 派 乃爲 短 干 過 而 而 矣 工 來 河 督之。 廣 情 亦 畝 集矣。 年 短 畝 田 公普。 按 狹之不均,有不翅 也 有 工 邊 故 狹 海 百 夏 除 地之丈尺 Î 畫 哉 實 寧 須 至不 河 畝 租 租 通計 除 從 . 者。 總 其 河 經 之法 **無** 派 租 故 大 河 計 盈 法 每 河 逸 兩岸車 畝 約 夏 工 丈,有 起水之田 丈 每 人任其勞, 每 則 者太 以 每 租 如  $\equiv$ 里之内之田,合同 里 不 河 費 則 責 河一 者 四 秋 過 不 不 逸, 勞 水 畝 工 里 開 工 调 四 待 即 數 逸 田 少 勞者 里,不 至數十 則 而 田 五 徵 + 則 爲 及 除 而我獨 均 而 足 除 四 工 而 住居 倍 南 來冬之 矣 廣 矣,五 太 冬 百 足 過 牌 支河 東 長 者 租 勞, 畝 受 之 之 至 若 桑

> 苦賠 大荒 也 不 之 役 著 I 艱 後 租 不 過 事 佃 爲 勞 約 課 之年, 爲 ·, 無 户, **�**, 雖 糧 畝 除 蓋 况 民 佣 損 此 責 租 功 亦猶 聽 無 貧 可 租 四升 取 户 成 民 人 推 虚 無 現 不 歲 何 委,故 公家之役業户 粒 自 役 二斗 糧 ,若業户 苦賠 稔, 説 之 租 便。 之 怨,計 雖 而 永 面 量 租 辭 酬 富 賠 無 已,大工 給 現 費 户 糧者 工 水 飯 無 故 發 亦 早 雖 米, 便 也。 業 難 薄 償百 之災,業 減 利 于 成 户 猝 民 四 害尚 然業 皆其 矣。 此 無 辦 之 一, 已 者。 何 措 樂 分 惲 户 何 户 費 回 扣 從 之 不 内 如 視 明 之 除 而 每

渠 **\$** 勤 田 農 必 即 每 稔 彼 貪 遇 上 其 愚 取 水 以 民 河 美 乾 所 所畏者, 土 車 土 争 以 戽 疆 先 益 之水 田 挑 桑 目 得 掘 前 必 田 新 深。 之 雖 故 土 勞 不 上 蓋 困 農 奉 耳 下 糞 所 開 以 而 嘗 擴 佃 泂 之 見 洄

矣。 適 生 植 使 畏難苟安,惰民之偷 加 人 倍 故 收上農之利,實以 雖 勞 不恤 風 即 ,不可長 益 就 之,非 目 前 也 而 厲 論 之

號,各 並 乞嚴行各屬相 時 功 舉,有不如令者,以法隨之,警一懲百, 不 之安,而遺百年之利,誠 須時 惟 有分責,一遇 天 而 臺 集矣。 至仁 度 大勇,斷 地 水 勢,豫定 涸 · 汉 然 規 萬 刻 必 世 興 行,不顧 程,立册編 工,諸、 時 也。

者,不可不亟加 力,仰給 爲寒心。 州 大旱,彼獲 府 抑 歸、烏一帶低田 生居 東南,民 鑿卑 大稔,一 高鄉,所言皆疏 增 之意 足 高 日 也 則税易供,留 ,功宜 ,堤防漸圮,近幸連 患水, 胥爲 兼 瀹之事。 舉。 巨浸 心 或 或 家 聞 財 歲 可 湖

曰土。故孟子稱諸侯之實,首列土地,誠生又聞天地之大德曰生,生人之大寶

之無 不足上 其塋封 舉 不 同穴。 田,壞 是數 若 食 以 億人之食也。 重之也。 敢復 也。 夫 葬者,不啻百家,歲廢千畝,是敚千人之 上,腴田 饑 桑 口之糧也。 每葬一棺,必博求良産,動 族葬之古制,使人父子祖孫曾 馴 開廣 業 麻 ,不可得也。 萬。 今中 致百 瓜果之田,歲出一二十金以上, 出四五 可爲大痛。 者,或至一二十畝,農民 由今之道,無變今之俗, 田 年,便廢 大邑,田 今葬師 石以上,是一夫之食也 畝,歲 今一邑之中, 數 不 鼓其妖説 出米、麥、豆三石 過 十萬畝矣, 白 萬,小 ,輕破 廢 拱 數畝 是敚 終歲 邑尚 欲 手, 民

穆置 白 食之地 棺。 穴 先王之制,不以死傷生,故死 不惟省地之法宜然,而 地地 而 葬。 盡 斯 周 咋 禮 族 計 葬 不 畝 限 之 世 生同 墳 一數,子 居者 必 便 孫 擇 미 葬 死 不

及 里。 今 禍 敚 畝 阻 乎 生 顧 同 孽 窮 葬,或隔越 口 死 子 哀 身 乏,賣 荒 終 妖 民 萬 1 墳 由 ,謀葬, 業 矜。 流 民之業,破傷 乖 理, 師 己 : 烈于 穢 甚 和 實 不 ,仁人孝子莫克 妄言禍 作 落 離 滿 妻鬻子 有 則 天 成 古惟 不 此 而 目 數 理 則 葬 廣 焉 福 雖 祥, 略 里 先 人 者 生, 萬 子 誉 有 有罪者不得人 福, 不 情 故 以 孫 死 福 屬 不 莫 或 故 罪 皇 之 隔 凡 每 滅 何 足 加 地, 大 毛 隔 九 土 人處 至 白 别 遷 惜 絶 賠 恤 數 離 于 世 自主 葬 屢 天 違 百 糧 + 裹 是, 同 其 其 親 萬 師 葬 墳 世 逆 廢 里,或至 之 居 如 親 無 屢 先 天 天 塋 尚 靡 惟 貽 不 親 輒 久 遷 古 罰 既 累 可 易 然 心 何 人 圖 必 貽 全 棄 稱 之 之 必 從 ,異端之 世之害, 廣 乎 厚 福 不 天 顛 地 不 兆 義 之, 道 ? 重 利 之 子 下 此 若 容 越 可 非 也 輩 聞 良 蒼 險 云 道 同 干

生之害何!

葬 即 近 戒 序 而 葬,不 斯 無 Ш 唤 穴爲 民 葬 惟 舊 蒙業矣。 山 天 墳 凝 得 始祖, 臺 可 紊越。 愚 平 神 袝 陽 嚴 明 祔 其下 勒令 爲 洞 葬 如 限 徹 是,庶 舊 點 豫 制 墳 素 定 定 不 不不 昭 族 燭 生 許 奸 業 穆 葬 許 出 妄, 之 位 不 更 次 法 造 致 明 新 盡 世 以 彰 墳 廢 世 告 初

露。 獾 蟻 罅 深 不 于 久 安。 己 葬 垤 隙 則 動 師 兔 每 葬 必 遭 漸 見 葬法 之説 實 實, 固 開 且 颠 風 宜 礦 發。 以 培 之善, 謂 氣 ন্ত 合, 内 飽 摧 土 固 深 子 尤 棺 蟲 殘 高 且 無 則 孫 外 不不 宜 潤 葬, 不 過 有 熟 用 深, 此 容水,不 出 乞 名 水 視 灰 荷 數 者。 人 須 雖 土 無 年, 掘 爲 人 實 爲 可 今世俗 葬 虚 築 地 蛇 便 淺 如 陷; 葬, 之, 丈 實 獵 何 坍 以 日 淺 皆 不 深 外。 掘 縱 惑 則 留

子 水 大 禍 相 立 免 變 雖 小,事中 申 爲 者,惟 滄 仍 也 時 西 桑,墳 先骸 收 伯 憲 理易 莫之懲 之澤 揜 實 **令**, 深 則 計 壟 則 明,曾不 而 痛 枯骨 雖 長久,可不是務 泉 棺 侵毀,雖 改。 懲 深 骸 下之骨 淺葬, 葬 何 殘 此 覺 無 以 毁,冤 皆習俗之迷, 明 悟 水, 加 尚可 使愚俗爲 德之後,有必不 兹 空則 况 痛 獲全。 乎? 盛 曷 雖 伸 必 淺 之一變。 有 風 乞天 葬 衰 水 猶 覆 臺 孝 能 之 世 有 轍

之民 將 恭 就 廢 心 陳 猶 木, 遇 歌 惟 風 天臺之明 此 事 如 不 Ŀ 皆 遠 思 此 宜 兼 帝 關 被 無 困 尚 行 好 ,九土胥效,豈 斁 係 苦, 有 生, 德, 而 生 則 陳 况 已 民 道 惟 而 請 百 天 大 贊 有 萬 臺 故 然 天 生老 懷莫告,不惟 生 一嘿體 不不 地 竊 民之疾 獨 自 病 敢 功 東 上 念 龍 不 同 海 帝 鍾, 半 痛 苦 數 稷 好 負 生 體 乎 行 + 切 禹 之 天 偏 將 里 上 1

> 皋。 嚴 某 某 臺 雖 一,亦 威。 雖 謹 死 老 自負 倘 席 之 病 稿 不 日 其 不 待 遺 猶 心 敢 命 愚者之一得, 矣。 倖 生之年。 以 逃斧 陳。 故 鉞 敢 力 如 以 見 疾 其言之非 明 之 具 正妄言之 施 揭 干 則 瀆

呈詞

### 呈學請削籍詞

牆 遭 赴 者安;實不愧於名,故持之而 至 石 之糧 **兼** 貢 愚 病 科之試。 廢 極 呈 靡 ,惰慢不恭,貪 爲懇思 ,手不習制舉之書;幸遇賓 洒 『廪餼。 之質 然 除 聞之:食必稱 當衰 猶 籍 序 以 老多 列 頑 全 已 附 愚劣事 病 甚。 增之上,歲 之年 其事 久。 貪 固 斯斯 興,足不 今某蹇 久 切 忝 某 叨 官 以

衣 惰 師 門 亦 敬 之 當 讓賢者之路 敗 褫 類 ,允聖世 兼 之迁 戅 一之廢 性 成, 過 乞還 累 山 野 積 真

厚 安全實多 仁之浩。 否 人息,相忘帝力之宏; 智愚 之天恩。 伏惟師臺無私 原 小感 庶 不齊之物性 怨申學憲,永削 衾 佩 魂 何 之無 量 秉鑑 即 愧 ; 以以 夏誦春弦 則 尤 栽 儒 德愛人。 衰 培傾 籍 病 之 亦亦 覆 俾 所 咏 出 蓋 均 宜 王 至

疏

# 衆議建吴磊菴先生祠疏

流 然 涕 流 者 涕 嗚 者 乎 呼 乎 1 有 士 有 途 有 見 聞 讀 先 先 先 生 生 生 一之歸 之 之 遺 所 櫬 文 以 而 死 而 不 不 而 泫 泫 不 然 然 泫

> 生之盛 容。 生 之之心,而 惟 流 而 猶 巷 痛 涕 皇 之甚, 者 嗚 誦 呼 平 皇 德, ,士大夫之所 ? ! 然 祠 先 思之 負辠 人之度量 生之高 有 而祀之於是 之 深 引 必 則 慝, 無 欷 風 相 必 人 嘘 若 越,不 愚 有 不 心 而 雖 夫婦之所 可 以 者 竊 死 寄 己 甚 丽 嘆 而 也。 其 遠 後 者, 無 痛 哉 可 震 以 夫 之 而 驚 先 先 自 思 夫

者 之 歸 逃 從 爲 不 猶 而 又 林, 前 不不 賊 死 就 而 愧 一,什伯 者。 爲之,其情 司 惟 什 畏 走 更 其 敗 伯 伯 死 有 虜 世 有 以 復 矣。 矣。 矣。 誉 而 教 不 死 逃 復 走 死 衰 不 與與 不幸 不 故 寇 與 狀 圃 死 從 死 人 者, 官,晏然 又 從 不 而 加 心 賊 何 而 愧 賊 又 從 喪,荷 遇 究 可 而 者, 什 而 賊 詰 難 歸 逃 歸 高 伯 是 不 歸, 賊 耶 反 歸 矣 爵 以 靦 能 敗 先 去 厚 而 有 顔 死 而 從 畏 不 禄 死 生 雖 士 歸 之去 之 而 無 君 賊 死 死 死 慚 復 所 子 歸 而 而 而

身名 賊 乎羣心之共憤,而 人者,又什伯矣。 不鑒前人之爲, 而 歸,復爲 俱全,遭會 大官,與幸而 丽 際 思先生之愈深 所 人情益幻,世變益繁,宜 遇,赫然爲 爲之不肖又有過于前 不在生死之列, 中興之臣, 也 復

忠 欲乎? 聖賢,死 天下後世,羣思其 者,是其身 也,戰國之天下未能治 也,春秋之天 祀之,先生其歆之乎? 而 祠之者,何也 先 臣 生不 心之所以不 嗚呼! 烈士,死 然卒無 ∭ 死,則先生之心不安; 雖 祠之者,皆不 或 死,而 於 下未 ? 破 以 不 死,安與不安而 人之 君亡 辭天 德 口 能 其 復爲,而 而 心皆有所歉然者也。 治 所 而死。 ,大仇未復,雖 下後世之思其 豈惟先生,凡古之 祠之, 豈其 欲 而 以 死。 也。 不死 義 與夫古來之 先生 孟子之賢 不 孔子之聖 己。 心 能 心之所 德 死 國 而 復 祠 牛 破 已 而 而 而

> 祀 所欲也;當衆人欲建 死 志 建 不能强之不死。 乎? ,皆以求乎心之所安而已。 ,非衆之所欲 典未備,則衆人之心尤不安。故先 先生行 也,當先生之欲 先生之志,衆人 則衆議建祠,亦非 而先生又能 死, 行 强之 衆 先 而 使不 人之 生之 生之

奚俟 共謀 所 人。 所 生 患不治 不 欲 桑 稽 安,知所不安而 嗟乎! 擇 梓之 建之意如 余言之贅乎 西泠有祠奕然,既 也 地祀 ,故爲分簿以記之,而 里 先皇帝之變,吾浙之死事 之。 ,未有專祠, 使天下之人,有心而 此 1 義 皆思所以安之,天 聲 竊恐好義者之多 使湖 唱,遐 於是邑之士大 Ш 并告以 邇 生色,而 響應, 皆 者 下 知 而 夫 先 所 無 又

答問

### 金剛會問

不宜死 知 忽,駸駸乎 義,急士之窮而 何 其 以 遽 所 吾 而 友祝夢得之死,吾驚往哭之,而不 死 以 ? 也 何以遽死? 如 其 春草之方怒生而未竟,法皆 夢 貌 忘己之窮,其詩文雄 得 厚而 小 我 神清,其人慷 歲,又未有子, 慨 古超 好

會,朝 而 何以 金剛 或曰: 呶 遽死 經》, 呶 不 非惟然也,近更好善 輟, 與宗人之好 夢得實始之,益不 善者日爲 IIII 皈釋氏, 金剛經 宜 死,

某俯首嘆曰:嗟乎,惜哉! 此吾夢得

不嚴 厚恤 儉勤 教子 今夢 壯 之所 所 者 之,農亦有農之經,商賈亦有商賈之經,以 匡 即 其 夢得之教不 養父母,子之經也,恭事兄長,弟之經也, 而 知己過,不 捄 爲 年 也 謂 日 逃之空門,背天理,滅人倫, 書,孰 [其衣食,主父之經也,緩急相 讀 一,有之,必老 門 者,親親友友之經 經 得 以 爲之,豈非《傳》之所 ,治家之經 經言皆善乎, 死 書爲善,以 也 死,而諸 内之經 也。 言 非反經 衰。 經,常. 人 昔吾未見 過 也 也 夫釋氏皆父母所生之子, 君子之在金 圃 一,涉 ,嚴緝家人,勿令生事 也。 然彼之所謂 害道 身先之,父兄之經 垂 謙 世 死 也; 以 吾之所 之言,亦 一之經 者 有 牧 雝 謂 身,仁 儒 也。 剛 雝 耄 也。 而 吾無暇責; 謂 經,非吾之 會者,猶守 肅 及 圃 誦 無 能 經者,孝 周,維持 肅 由 者 夢 經 暇辨。 及物 ,不寬 此 乎 得 念 也。 推 以 佛

有經 于儒。 釋。 至 於吾儒之道 不然,雖日 星 無 一醫相 憾 馬。 竄而 不恒之羞,❶或承之羞矣。 于心,其爲《金剛》也多矣! 荷 之釋,未必真 ١, 夜誦之,何益! 能 猶 與夫百工技藝之人,莫不 守 有所未盡 而 勿 失於吾之所謂經者, 能 焉,而 釋 今諸君子 也, 又竄 而 已 ,或者 若其 自 而 各 之 畔

釋。 也。 之子,偶能 經」、《性理》、《 華》諸大部 經,然既號爲釋氏,必能 秦漢以來之文,而後謂之真儒。 也。 猶之爲 儒者 猶之《大學》、《中 且 雖聖人之言同歸一致,一經 所 门,则 謂《 誦習《大學》、《中庸》,便囂 藏 儒者,必能徧 諸 金 經,識 通 儒必笑之矣。今諸君子之 剛 鑑 經》者,不過 》、《左》、《國》、子、史及 其指 庸》者,不 編誦 歸, 讀 丽 《楞嚴》、《 四 後謂 佛 借有 過 書」、「 可 書 儒 之真 之 然 通 書之 市 五 自 法 衆 人

呶呶于是經也,又得無爲諸釋子所笑乎!

子? 氏 也哉 然。 百言, 子,有父子然後有君臣,有君臣 然乎,否乎? 下。」從夫子之教,所以生生不 而 生子,無亦《金剛經》之力歟 佛以空爲教者也。 切空之, 苟從其教 或 夢得之有子,非 而大指不離乎空。 日 吾夫子之教曰: 往夢得苦無子,今雖 誦《金剛》之力也。 ,人道絶矣,何能 念金 「有夫婦 誦 剛 圃 息 得子, 經》雖 死,不數月 然後 然後 也。 余日 數 豈 有 有 而 干 生 佛 E 父 空

于諸君子之是會也 生之好,因於或 祝之諸君子 人之嘆 在 金 ,敬書以問 剛 夢得,而 會者,皆與 不 能 余 有 無 疑 平

■ 「之羞」,似當作「其德」,按《周易•恒》:「不恒其德

### 答龕化疑問丙申

董思東以其父龕化之約爲疑,遺書而

問

陳子。

矣,死 故有 聽 而 銷鑠之,使不留毫髮乎? 隆其養; 死亦 之心,則千秋無窮: 矣,吾子之及此也,是孝之大者也。 者之心,則百 而或裸焉,或 之乎? 屬其子勿復進膳,須餓 形 夫人有生必有死,死終化爲朽壤,此 陳子曰: 則無累矣,奚惡此僅存之皮骨,而立 之累, 則親 年 火焉,亦 非 欲其無窮也,故 微子之問,吾固 命之不能盡從,亦可推矣。 同 獨 盡: 死 生欲其 也。 無 生 不 可 而 今惡生形之累, 夫 無 可 死 也 生 爲之固其藏 窮也,故爲之 耳。 也。 死 將争之。 形 可 之累 人子其 由 也, 由 孝 多 子 達 死 善

> 朽。 生惡 當死不死,便是怖死,所謂私意,所謂愚妄也。」 賢知之過,又欲反之,生期速死, 銅 耳,復何是非高下之可言哉 子觀之,二家之見,悉屬 年之軀, 自然之理, 云:「忠臣死忠,孝子死孝,正是自然之理 固 死, 不知欲 宜見笑于達人,設戒于來 死 生 欲 鮮 何 遲 容私 求 百 欲 東 年 速,俱 之 意 海 之神 骸。 于其 違 自 私 間 死 丽 意, 然之理 愚 1 欲 非 夫 同 故 元本 祀 錮 罔 速死 死 歸 也 生 南 此下 期 鮮 愚 之謂 由 山 妄 君 速 丽 樂 百 注

循理之至也 之所難 備,皆視吾力之厚薄 生則有飲食宫室之奉 不求速朽,斯則情 若夫不怖死 爲,亦無 靳 ,亦不求 順自 于力之所 以 ,死則有衣衾棺 爲 然,聖王之教。 速死 隆 優 殺 爲, <del>,</del>不 不辭朽,亦 誠 强 模之 適 以 故 力

今惡死者之不速化而加火焉,是無異

不悔 水 也。 生者 忍,而 也, 此 賤 子 憂生者之不 乎 中 夷 死 孰 平哉 同 燒 者 虜 而 况 不可 確嘗 皋。 之道 死 也 加 吾 彼 親 刃。 佛 親 忍 是 爲 明 曾 速 固 氏 乎 以 之痛 禁 而 死 然, 1 何異 雖 生 獨 昭 按 而 以 曾暴 心 其 死 于 律 然, 加 于 無 死 疾 無 , 刃 焚 生 燒 而 首 者 人之弗忍, 其 足 也。 爲 燒 氓 生 加 心 怪 而 之蚩 親 教, 親 火,是 曾 况讀書 也 尸 ? 蓋 亦 路 , 蚩 生 與 是 貴 未 嗟 人 而 之 死 屢 抛 可 乎 聞 知 生 况 禮 犯 棄 忍 老 勿 而 1 干

之,此 之親 而 尚 毁也 乎 留 于 五 毒痛之至,法外之刑,而 ? 其 刑 不 之 孝, 骸以存仁 身也者, 慘 而 而 謂 不 又以不 爲 及 父母 也。 人 于 子 孝遺 之遺 火。 者得 焚尸 親 揚 蓋 體 而 以 ,是邀二 雖 毁 灰 也 施 殺 諸 間 且 于 其 凶 非 有 既 己 行 極

> 熟 殺 故 也 之也」,可乎哉 視 欲 0 雖 而 死 不 人焚之,無異 而 使在 救, 而 旁 日 者 此 于己焚之。 攢 刃 父母之意, 丽 殺 之, 今父 而 且 非 其 母 吾 子 無

古人 之所 禮 忍化 孝 有 也。 聞 命 而 何 也。」 皋? 死 子 有 人 1 、遇大事 以 子 以 觀父母之必 我父母, 禮 葬 樊遲 然則終何以 納親 無 爲違,而 之以 子 則 預 知 問 從 ', 必 焉 于 有父 無 禮,祭之以 父, 乃所 道 有相。 違 違之孝 不 雖 命 爲 解 無 之所以 忍化 以 違 孝,不 而已, 違 禮 從 之,是 凡 子曰: 約之辠?」曰 則 王父母 親 禮。」 禮 爲不 相 聞 從 也 。 皆 相 知 一是烏 以 相 則 違 違 有 相 奚違 從 生事 者主 之也,子 禮 所 也! 知 我 以 베 之以 之 爲 之不 不 與 全 且 違 吾

## 答有意問己亥

「有意是私」耳。單重無意,又是彼教魔頭。者,但吾遽以非道責之,彼必不服,故只云苟畔於道,雖無意不可也。佛氏直是畔道或云:子誅釋氏,以「有意」二字盡之或云:子誅釋氏,以「有意」二字盡之

# 乾初先生文集卷十六

海寧陳確著 族玄孫敬璋編校

柬帖

東 同 志元本作《粘薄翠山齋二紙》,下同

也 儒 言之不置,自今思之悉是辠過。 呵出,且反求其所以異于出者。倘名雖 慎莫攻釋,且 ,而於人 名雖 吾黨于儒釋之辨,出處之界,每 爲 倫 處 反求其所以異乎釋者; 事 而于浮情客氣未盡湔除 物往往 脱 略,是與于禪 吾勸 津 慎 諸 是 者 莫 津 君

與于出者也,能无懼乎!

固 爲異端之首,而 必西方哉」,痛斯言也至人於骨髓。夫倍 暴伐暴,以蠻 愆過日積,又豈 于道,時時皆合于道! 於道之爲異端,則吾輩生平豈能事事皆合 一言之妄,一行之錯,真異端之尤者。而 宜矣。 吾讀《從吾道人集》,至「異端多矣,奚 夷攻蠻夷,其負固而不服也, 止 孜孜釋氏之攻,是無異以 一言一行而已哉! 凡吾儕一念之私, 躬

東同志

以 此 無 用 爲順,即是自足,見以 更言格致,正是禪 處 吾輩今日學問,斷 也。 蓋 心有精 和 粗 子 不外家 爲逆, 蒲 而 境 團 即 庭 無 上 是 日 順 工 自是。 逆,見 一夫,了 用,舍

于 所 端端 謂 倫 膏 不 育 事 越此,又何 之疾 物 用 不 此 可 水 性 療 磨 命之可言乎 治 功 矣。 夫 他 學 者 日 經 且 世 耐 之 心

情 之 幸 嗟 雖 每 來,則 諸 客 念 平 虞 陽 君 氣 1 廷精一之旨,幾 今學者相 爲一洗之,此千 明 絶 牽 恒 子「知 學之 纏 脱 略 不 聚言格致之學, 以 休 難 行 爲 合 明, 何言 無 高 \_\_ 載一時也 或徇 所 以 之説 行 過之。 從 相戾之遠也 來 俗以自苦,浮 ,爲之憮 非 窮極 及 至 微 H 事 然。 矣。 妙 物

### 粘視茂堂

者 度 盡 吾 吾 身 學 如 心 是 吾 者 + 不 力 日 何 已,工夫 而 者 用 爲 功 爲 之。 夫, 第 漸有 須 爲之而 要 相 事 就 其 緒 未 緩 畢 曾幹 急 時 又 而 使吾 及 得 爲 其 之。 心 次 即

> 之? 若 乎 死 士 泰 有 ? 只 不 而 然, 餘 志 是 已 地 果 如 有 也,蓋 喪 抛 盡 欲 雖 其 古 却 心力爲之乎? 爾 死 元」者,正 語 不 今 日 無 有 死, 忘其所以 恨 云 所 有 志 段 急, 何 謂 胸 土 意 此 有 無 他人可 不 次 也。 義, 憾 忘 過 然 于 在 葬 而 彼非 後 7類推 死者 溝 夫 親 此 壑 子 不 矣 牛 也 事 稱 勇 綽

#### 示 友 帖

具 知 致 中 殮 石 灰 近 八月廿三日, 後 其法甚善,吾輩 來 二百觔 則 行 致 弔 葬 率 以 具, 甪 桐 開 此 如 鄉 美之未 禮 紙 宜 張考夫來 倣 錠 弔尸 無 而 葬 行之。 益 則致含 也。 之物, 弔 祝 謂 開 不 吾 美, 用 相

致

此, 便是 企聖賢一 路上人, 要當觸 類 旁通

之所能爲與吾情之必 之,則凡吾輩之所以 將之,必有其道矣。 行之,反 此等饋 以 遺 爲 ,最是天 過 况至親 處親 情耳。 不可已者 理 戚 乎 上 鄉 推 事 理,度 此 而 0 意 特 黽 吾 勉 而 今 人 力 以 廣

受也。

枚舉。 省 數 極 金 厚,最可 ,以赴窮親友之急,不其綽然耶 或數十金,浮文妄費,如 居常見董昭逸兄弟於貧親 人苟能 '師法。 于 此等無益之費,事 今人家無故 此等類 會 死 喪; 客 致 不 事 賻 裁 可 損 贈

貴,終 親 筯 即即 友之急難 自喪亂以後,人民大困,兼以 爲愴 日不舉火之家,往往 而,尚何忍侈無窮之費, 乎 1 而 有。 頻 而 每 年 志 窮 舉 米

張、董 樂告我同 蓋 网 虚 兄 文日 志知之。 事 ,皆是實 盛 一, 則 使吾輩 實 意 意 , 有 漸 舉 衰。 事 裨 能 禮 若前 教 事 者 所 如 故 述

#### 寄 諸 同 志癸巳九月廿七日

秀才、 笑耶 味反 賢者之視吾輩,不猶吾輩之視 笑,一言一動,了 絶于大舜者也 特等之文,而 者歸、胡諸君子復生,則雖今之所謂 知一二等者之復羣然而笑己也。 我自不覺耳。 《求,但 吾輩於道,未窺一二,便覺世士 方指 此孟 摘 知 子 己 亦 五六等之文以爲笑樂, 念此,使人驚怖。 所以 之 盡 無是 可 可 笑矣。 深致恫 涕, 處。 而 則 何 學問 于鄉 暇 又 辟 知 世 安 人,而 無 然 人之 如 知 + 窮, 之 超 使 而 彼  $\equiv$ 耶 等 等 可 可 向 不 ?

### 寄諸同志

改,良 飲 自 有 夫 自 俗 食,事事 立之法,在于不自恕。 非 世 議 俗 吾 人 可 非 之 觀 輩之絶 嘆 議 實耳。 之, 也 有過,一 ,曾何足恤 則 意 以 而 苟 進 爲 恬 知 取 然不 奇, 本 恤 , 所可 之, 必 體 是 ·知愧 有 道 則 極 恤 莫若 非 未 尋 耻 者 議 切, 常 不不 「、恐未 之者。 自 事 日 知 立 懲 用 免 而

文, 家 異, 如 如 于 世 且 圃 以 而 俗乎, 又 諸子試反之平日 圖 爲所 儘 吾 細 進取 有 輩 推 非 無異 或 不 之, 議 其 如世俗 不 孰 乎? 所 如 心 不 反 世 日 處。 文 有 俗 何 不 如 身 嘿 宜 所 人能 尚 世 嘿 用, ? 行己,果 多 俗 也 發 謂 而 1 積 憤 能 世 吾 輩 此 讀 有 俗 勤 非 數 或 書 儉 惟 以 作 作 無 異

何足恤,吾不敢也。

乎? 所約 前 佳 也。 明 此 要之,病痛 因 自 有 耳。 尚 自 責 晤,所言亹亹,但知責人,吾所以深不 此 大辛 事,便不可爲子,不可 立 不 不 通天大過? 如 能背後 宜 暇, 失 大辛久負欺父之辜,不 不自恕之説, 深自怨艾,何 時 能 人人自有,不 而 無 發話 日 何 乎? 不 以 足之時乎? 以此 人無過當乎? 責 人之 丽 能 足自責 以 又 獨大辛,各須悟爲 必 久 詳 爲 紋 從 爲 大 且 便 銀 事 人。 能 知 辛 細 不暇責 而 學 改 暢言之。 不能 償 今雖 也 無 道 人 IE 折 而 則 金 取 故 説 伯 即 尚

### 寄諸同志

一人身上,自有一人當爲之事。看得

要緊 之,雖 孝孰 思當 信 不宜 辠人,自不 當 無 當 急救 孰 相 爲 大馬 干。 復 悉專注 舉會糾 便 而 與。 徒 須 今 如 敢朝夕即安。 呼 各 白 乃 于 欲 朋 過,徒 朋 自 身 仍 此 爾 講 尋 友 他 上 逍遥 葬 學, 頭 不 惟 事 事 事 以 空言過 有 虚文, 自 未舉 急 悉 此 此 河 急 在 如 事 事 • , 爲 緩。 從 絶 如 既 )日,於· 爲 爲 之。 無實效, 游 知 不 重 重 且自分 其 察者, 宴 , 精 而 本 不 會 非 力 身 神 爲 便 不 諫 不 决 爲 絁 意 所

### 寄諸同志

獨 善學 心 之功 所 敝 者 諸 過 不 要 喜怒 皆 在 在 隋 從 去 欲 哀 處 私 樂,本 念起, 弭 禁 今 無 而 各 人 欲 在 自 動 即 閒 有 念 無 居 中 無 慎 過 , 則 不 獨 爲 是 以 私 以 慎

> 私 日 心 至 毁 也 以 心 譽 觀 處 無 之, 爲 轉 不 便 移。 立 多 辨 偏 凡 駁。 此皆成心未 視 即 其姓 如 文 名 字 則 破 妍 必 嗤 私 以 平 平

必白 然 因 實 最 日 不爲苦。 番堅忍,力痛除之, 史 難 後 其 事 下,不 紀 謂之能 不 諸子既當以 亦由 過 相會 足 即 處爲救治, 用 力不堅也。 總 改過 此 氣 佐 虚 推 象, 文 之,凡事皆 人道 慎 始習 也 月 獨 自 有 務 爲 耳。 覺 吾 性 不 使 知 1 勉强,久 每 情 其 同 病 飲 然 尤 飯 乃 各 舊 根 食 矣。 須 習 所 妙。 有 初 小 時 漸 勿 在 不 進 事 時驗之 復見 同 節 不 數 須 用

### 寄諸同志

讀書事大。今人一言一動,無有是

三五五

深心 有 危 處 用 非今之所爲文章 不足學也。 過 治 只 讀書, 差 亂 緣 惘 無 不 然 自覺自家 曾 適 不 讀 不 覺 書 可 也。 也。 0 不是。 能 若今之文章,委屬 反 讀 讀 是 書人 書 則 不 乃 讀 自 動 能 成 書 有 處 人, 雖 窒 文 世 章 碍。 無 安

## 黏 客 座 甲午元旦

恩同 所 再,至于三,至于徵色發聲 傾 漸 告。 望仁人 懲改,又自以 生我矣。 確 其 夙 以 君子, 閔 或下愚之性,終 疏 謹禱 頑 當 局之 其 猥 無 積 罪 迷,未若 知,以 過, 迷 而 不 不 確 衰 悟,則 舍予焉,真 過 旁 老 差,面 觀 知 之鏡。 悔, 至 欲 于 相

### 補東近思叔丙申

易,但 去取。 首 叔《多男篇》,洎 壽 想須名手,亦無俟此戔戔者爲 ,附正大方。 壽者爲更佳。 凡壽詩固 病 不佳 人無 耳。 寐, 以 輒 病 確兄弟三篇,俱 數 餘 切 妄 詩 已 於壽者爲佳,尤 篇 擬 寢 如 亦屬 壽 魯叔《白首篇 酣, 屏 通 便不 詩,共得十 也 套 似 能 惟 不 以 復作。 高 可 切 移 吾 於 明

話。 然 可 故 丞 一公勤 不 在 也 復 太 而 但諸詩皆述目前 次篇 苦邊 夫 求 人 工 尤 身 疆 失之太率, 叔 上,似亦不 段 如 以 公案,似 盛事 爲 非 以 可 獨 宜, 欲自任其咎, 爲 少 確 不 竟 此 詩 合時 從 最詳 段古 删 宜。 削 中

悠之口 相爲 列 數篇之後,直如 十年,所以不 摭浮言,不足以光此 肺 爲恨,吾叔 餘再俟面盡 腑,必能直抒至情,發揚盛美,宜勝悠 鼓發,必有餘什,奚藉 確於太夫人實有私感,藏之中 萬 萬也。 何 辭 不試一 破 且聞子厚兄弟亦皆能手, 縷縷,然終以 竹耳。 盛舉,故 揮毫? 以 他 人? 吾叔之材 未能達 欲吾叔 思緒既 且 心 更慮 其 恐 垂 出 捃 兼 萬

傳》: 旻永字子强,俶真公元暉孫,海鹽庠生。補書 示子强弟 癸卯八月二十三日。璋案:《家

久未 書。 又將暮矣,勉圖 能 會余有老疾,方就醫 癸卯之夏,子强弟遺我一箋,屬作行 捉 筆。 子强 所以 屢書來索,不應。 慰子强者。顧念子强 硤 山 , 歸 而 創 今秋 甚,

> 强? 又老 少年工書,駸駸人古人之室,而 名人墨蹟極富,子强既 人之法,宜吾書之日遜子强也 病 况子强之先數世,皆稱 偃 蹇,筆力日退,其 得家學,益參以古 書聖,家 何 余書素拙 足 以 慰子 藏

者也。 既 賢之家 學淵脩,我叔父太學公之恬心儉德,皆澆 亭又善言之曰:「不以人欲害其天德之剛, 俗之儀型。 强者,無以過之矣,况余之老朽乎! 則自强而不息矣。」真能自强,則舉天下之 書已也。《易》曰:「君子以自强 名,而不止以書名。若我叔祖 無 以 然吾夙企子强之家學淵源 法,則我之不逮子强,又將不 慰子强,斯言也,或乃所以慰子 子强其進而學之,益參以 翰林 雖嘗 不息。」考 公之博 古聖 止 擅 吾書 强 於 書

# 辭 慶 生 帖 癸卯九月初四日

平生 君子 望 言。 漏 慶生。 生之非義,愈可知矣。 故 貞 食 劬勞之辰,更爲宴樂!」此真學者之言 魯此。 (觀 憤不欲生之義。 無理,莫此之甚。 無 吾聞 有云:「哀哀父母,生我 吾春 君子樂成之 皆已見察,猶恐 夫以天子之尊,四 已 今以賤貧之萌 他 而汝納言甲申三月之變,盛 初 長, 君子成 尚不忍言壽 惟 予 也 汝納唯 不 人之美,不成人之惡。 謂 慶 1 子 僕屢 既 未 生一 唯。 元注: 庶,而 以 能 海 不 况 之 形 徧 欲 事,庶幾近 以 今敢言 劬 浮,故 言 富 肆 生 汝 爲 勞。 納微言及此之 一稱其 議, ,且不忍 然爲之, 義 友 復 想 則 奈 生 慷 今 明 申 乎 也 何 日 慨 言 吾 愚 此 德 以 1 慶 不

## 補辭族正帖 甲辰元日

識 預 能 不 任 妻子。」其又能以偏僻之性,羸 日 德, 始,凡有族議, 驅 人 人事,上負祖宗,下 正 間 族? 馳,拜 確 一二子婦,莫肯率教。 老病 羞耻者也。 孟子有言:「身不 告祖 支離 祠, 日日 勿復 敢因 敬 月 慚族 相 辭 彌 殘 聞。 族 其 疾,瀝 黨 一,有 Ę 行道,不行 不 乎 嗟 ? 乎! 能 病之身,强 個告 心 自甲 無 正 所謂 辭。 力,不 確之 辰 不 於 元

### 書示仲兒

動 誕 多不 者, 端 望 莊 循 而 静 禮 知 慎 ,吾甚憂之。 爲 者, 草 望 野 加 市 知 井 爲 况年 人。 學人; 漸長大,今 汝 慢 舉 止 易 輕

「無不敬」,盡之矣。 「無不敬」,盡之矣。 「無不敬」,盡之矣。 「無不敬」,盡之矣。 以母則者順,敬于夫婦則曰「敬之」。 敬于父母則孝順,敬于夫婦則 以令,敬于一切世俗則無辱, 以一句,敬于兄弟則友愛,敬于朋友則麗益, 以成昬,可不戒哉! 今更名汝曰「翼」,字

其 將爲君 矣。汝欲爲小人耶? 之人,時時見得自己是。 子,能戒懼而已矣;其言小人,無忌憚而 、朝夕省之,毋忽。 能敬之人,時時見得自己不是,不敬 子 耶? 미 不 於吾言加之意哉 吾無所復責于汝。 故《 中 庸 **>** 言 君

# **示 仲 兒**癸卯六月十日

吾嘗以細心克己教汝兄,於汝尤切。

自甘不肖者,直無可如何耳! 賢不肖之攸分,克己不克己之間而已。惟 大克大賢,小克小賢,全不克是愚不肖。

肖之歸而已。 不 過是 克己。不克己,又由 之屢屢,毫不見改。 嘗復行。」今學者萬萬不及顔子,而自謂 夫子稱之曰:「有不善未嘗不知, 夫子惟以此爲教,顏子惟以此爲學。 月異,到底有受用處。不然,則終于愚 粗放之習、恭嘿深思、搜求已過、 善,非下愚 己,不遷貮是克,乃 以顏子純粹之姿,宜無己之可克。 而何? 汝自墮落,於我何有哉! 心不細。 大病只一自是,不肯 凡汝生平過惡, 所 以 而今能 爲 自然 好 知之未 學也。 怒與 吾言 日 變 乃 不 新 無

#### 三ナ

### 書示兩兒康子

肖 以 華, 盡 習氣之最不易變者,設戒 然,雖學 意思,便是學 不 禾能奉行一字否? 只「慎言語 於我 孝,尚 筆代 者,以 只驗 讀 何 書 口 類推之。 成 何 而 有 不 揚 等 學 哉 節 服膺 能 名,非 力進 於 問之可言 飲 身體 日 充耳, 食 吾衰 步 用 力行, 吾 六字,吾嘗 處, 動 不用父言,便是 好 則 病 乎? 静 吾便 也。 數 惟 氣 間 便 條 虚 爾之以。 是 今 吾素 有 一,不能 如 自諄諄 不 左 姑 開 曾 分敬 摘 顔。 不 多言, 致 讀 賢不 喜 忤 有未 而 戒 書。 慎 逆 等 不 浮

胸 勿 凡 中 輕 聽言須詳審, 信 自 有 輕 是 諾 非, ,易喜易 毋恍 勿遽與人辨駁 惚致 怒。 思 别 事

> 勿 鹵 莽粗 凡 作 疏 事 有 須 從 初 容 鮮 細 終。 密, 事 事 有 條 理

勿 動 于浮氣,好名徇 雖 自 行 書 籍 善 事 衣 服 須 以 椹 情 至 酌 量 白 勿留 物 力,稱情當 諾不 無小大, 行 理, 悉

須收整停當,並時戒内人。

上帳,最是敗德,不可學也。 錢財出人,纖悉登記明白。

吾

[素懶

求 稍覺 方是真能立志者 人 出 切勿容易借債。 極 于輕滑,非 是 無敝 之道 愛 0 我 吾 兒 者。 每 能 承 寧 親 以 我 縮 知 緩急, 己,毋 爲 戒,

事 他 也。 事 有 客 雖 吾 在坐,翼 不 在 前 兒不得參 亦然。 論 此 詩 未 文 是 及 兒 議

戯耳」。志學之士聞此言,有不惕然者,戲,至他處亦然。陶士行云,「此牧猪奴戲,至是過舊居,不許與諸孫着棋及諸

非

夫也

它日 時, 病 不 悉除, 立 忽成老大。 志 始思吾言,何可及也 禾兒即日要立志。年十七矣,此 向 更不待吾言之贅 E 更待 終身大事,須 何 · 時 ? 1 矣。 能立志 自打算。 少 壯 則 幾 諸 時

## 婦喪中示翼兒庚寅

事 家 母死矣! 今尤當 ,。」我不之許。 而 暇 母 爲 脩 病中,嘗謂我云:「吾平時爲子作 加 吾思吾生平未嘗敢作不好事 行 母慎之,即 一本作:「吾不許,亦不辭。」今而 吾死,子宜爲我多 是 爲 而 母 作 好 作 事 好

> 所爲好 代爾作好事耶? 績 能善御僕婢。」克勤克儉,男不失學,女不失 母,善撫幼弟,一本此下有云:「敬待諸親知賓客,下 喪、盡哀盡 如其不然,一本作「未能」。 更不解何以作好事。 以 毋貽 事,無 禮,苫寢蔬 而母泉下之憂,其爲好事多矣。 過 于此。 但願吾兒吾媳,善居 食,以報三年之愛。 彼酒 又 能 肉僧道,安能 爲 我敬養 祖

曾子 萬一 故 乎?」聖賢之言,真足使 乎!]子曰:「予也有三年之愛於其 悔 無 每至忌月, 輒斷 之辠。 及。 曰:「人未 吾昔年居 孟子曰 兒宜 父 有 : 重 喪 腥食,猶自以未能少 「惟 自 以爲 無禮 致 送 人百省。 一, 至 者 戒,失今不慎,後 死 也, 可以當大事。」 一今以 必 爲 也 深 父 親 痛 解 母 喪

息。但是發於哀痛之本心,自然而然乎?近見吾兒居喪無大悖禮處,乃是好消

不誠 事,一 情!」吾素出 春日: 吾 抑 甘,聞樂不樂,居處不安,而 思哀,哀可 孝思,欲 是爾之僕婢也。 生教汝、昏汝、辛苦百倍他人。 能 未 心」故 能 ,亦人禽之别也。 盡禮不盡禮,人禽之别 切皆而 「自吾」 無 稍 勉强 瘠 知 盡一日之養,豈 非 母 矣。 母 外,又家貧乏僮婢,外 乎? 難 圃 宛其死矣! 躬之,乳汝,衣 以 不得 苟如是, 情 季孫曰:「勉 兒試 居 吾 瘠 情, 吾鳥 미 則 無 也。 爲 得乎? 體察之。 子他日 自然食旨 待於勉 難 非 食汝,請 盡 圃 而 禮 乎 樂 爲 母也 内之 之誠 强 用 以 雖 E 瘠 者 有 先 吾 此 不 子 則

### 示 兒 帖丁未

爲,勿以惡小而爲之。」子曰:「三人行,必善乎昭烈之詔子曰:「勿以善小而不

有我師焉。]又多乎哉!

此。 無聲。 炮,蓋昉諸此也 禎丙子,來遷於楊,獨鄰老 之,至自中其手,手爲之裂,猶不 世俗 自此遂絶不 心竊善之,謂 於 新歲争放紙 放炮,雖 無 益 昏 炮, 有 楊連 喪 損 吾 大事 之 少 城 事 知 皆 家 時 改 無 示 寂 亦 過 用 然 於 好

疚,因 先人忌月不用酒肉。 矣,實本之仲長兄,非自吾家始 吾家喪禮 妻,不用浮屠,羣以爲非,而予獨心善之。 忌月,非禮也。 也。」吾輒愀然。 癸未八月,從祝子開 而忌月者積十八年。 不 用 浮 開美曰:「追補 念昔居先 屠, 自母 吾謂古人有忌日, 美 人之喪,猥 兄 表兄丁仲長 東遊, 加 也 下凡 喪禮 見 之 多 其 違 闕 於 無

後用菜。予習之三十餘年,甚有味。蓋三老僧曇雲嘗謂我:飯須連進三口,然

于 口 曇雲者。 而 後 雖 終飯 然 吾 不 竊 用 觀曇雲之自爲 菜 可 矣。 此 我 飯 所 未 獨 必 得

能

常

守

此

法

也

此 皆 遂 舉 不 耳 不 廢 順 着 治 圍 弈 棋 壬 + 亦 辰 吴 四五年。 未是。」 仲木 嘗云: 今老病無 此言或 爲 象 予 聊 Ш 也 間 陽 或 自 明

此 云 書 戯 爲 致 凡稿 宗貴 「精圏文稿甚俗 規。 甲午冬,以 不 自 作 復 此 壽 敢 絶不 詩, 辨 自 學稿質沈子朗斯,●朗 多夸 復妄諛壽 加 氣 卷 毗 且乖虚受之理。」 點。 之詞 丙 申 吴裒 秋, 仲 病 一自 委 中 斯

美 四 私 Ŧi. 憂之。 夏不忍 予少時 善善 棄 余 1遺 聞 也 物,當 遂 稍 夏 自 收 遺 輯 四 至 Ŧī. 扇 扇 開 用

生先 生 一當見 耻 惡 衣 食,吾以 藩 司 深 兩 耻 人 以 美 同 衣 籍 食。 相 昔許 同

> 然。 結。 手自 不 儕 也 袴 揭 耳,前此未嘗不 布 士 一,貲頗 慎 猶 。」遂相大笑, 衣 亦 敝 平 錫山 亦 問其故,曰:「與久習,不忍棄去。」 折 袴 舊 幸不 疊 多三 1 布 示 饒 高 許 也 給,每 爲 雖 余 聲 日 四 此 時 極 亦 野 : 勤 + 敝 老 甫 羣 吾 見 揭 先 折 年 折 所 弱 下 必 示 生 也 生平 者, 絀。 穿 冠 無 之, 極 痕 但病 聞 不咋 一破布 整 宛 不着 雖 曰:「吾 潔, 然。 此 不能 舌。 絹 言, 衣 衣,甚 每 洄 袴 解衣, 食, 不 手自 歸 似 塘 告 多 時 徐 更 余 必 吾 懸 道 爽 敝 可

須 至 (曳忘。 痛之言。 語云:「上山 去冬,以迫於時 先人嘗書此 禽虎易,開 十字 勢、勉 口 於壁 告人難。」此 割 截此 一,吾未 嘗

<sup>▼</sup>文同。 下文同。 下文同。 「朗斯」,似當作「朗思」,朗思,沈昀字,《文集》屢見。

遂 如 致 此 大 困 9 雖 悔 何 追 1 先訓 之不 미 違

生平 言,凛凛聽受,尚 舉 言 大 能 而 子女,皆不言 恒 與 此 猶 屢 ,故不敢苟同。 勝 、時賢 詔 於人言無 我,而每事予智自用,能無價乎! 等者, 爾 吾先人德盛 了, 又 不 相 聽 何 蓋 左。 汝 有 而 以 所 曹 喻 於凡衆之言? 白 事 此要别 違 意 此 亦 首 無 拒,惟辨學、辨性諸 豊 今吾 所 豈 無 微 而輩所 真 可否,嘗 成 有 而 德 聖 所 况 可 固 智 及邪 見,又關 忽。 汝等才質 耶 不 不 吾 迨 ? 吾於 所 煩 前 詔 係 於 以 吾 未 父 告 重 瑣

葬頗 爲 改 至 葬 痛 Ţ 西 悉 凡 兒曹 事 生平 自 ,始著《深葬説》; 不可 以 有能 知 無 自 而 復 謂 成吾志者 不 遺 已知。 改, 理,然一 惟 又格 ,此大孝也 此一大事,至今 吾自 未 於愚 知 淺 庚 寅 迷,未能 葬 之害。 來,論

> 之,觸 莫 蔡子 人 人 得 心 事 於格致者 事 欲 銘 審 理 不 取 皆 作 如 矣。 養 勸 有 心 時 妾 明 凡 類 理。 吾 退 鏡 者,筆 吾 聽 度 者 而 吾以 言 步 勸 務 數 之 再娶,母 長之,庶可 正 法 苟吾意 勿 空, 矣, 擇 謂 不 算,然後 爲 要訣 娶。 善 此也。 而 乃 能 當吾之年, 竟不 心 須 能 在 悉 吾雖 也。 尤切。 以 先 一娶,便 照 書。 得 其它擇善 果。 寡過矣。 物 絶 吾所 心 宜 去 兒曹 善 以 惟 自 處吾之世,凡 蓋 吾 潘、 以 此亦今之士 勸娶之言爲 兩 潘 往 己 能 欲先正 端之言 私 圃 蔡,然嘗 子 年 神 從 去 喪 意 而 病、 使 觸 明

又

不及兄,而 吾 病 酷 飲 類 食更減 伯 兄, 且 殆 難 不 復 敢望兄之久病 愈 又天 大哉 之。 之訓 父爲 卿兄 十不 皓 謂 之 况 烈之言不行 切於後人,朱、均自不省耳。 而 感 當 堯、舜獨 帝言 弟爲 水速 能 動。 爲 日 奉帝言,豈當有歸命之辱邪? 然,雖至愚之父,其心亦莫不然。 體 :「勿以善小而不爲 殀,吾年踰六十, 愈乎 人情 此 -念耳。」真至情之言,每 疏 兩言、雖馴至聖賢不難。 于其子,而 可 其子,不知堯、舜之愛子, 孰不望子孫之賢? 直 接 每 危微之傳矣。 愛昭烈遺 行於天下萬世 何所復恨 ,勿以惡小 使禪不聽 言, 讀 謂 ? 非 史, 人 惟 是昭 惟 昭 而 也。 烈 黄 賢 爲 更 Ŧ. 爲

劇。 厚。 五. 年間 病顫 病 吾今年 者 事 爲 不 已六年,去冬始不安寝,兹 然 繼。 解 六 何 衣 + 可 縱 有 得邪 侍 久 四,天之與我 病 病 ? 者 如 無 伯 生 兄,亦 交 死 睫, 極平常事 不 不 日 爲 過 進 春 之 加 不 四

> 行 貽 將 以 去 昭 烈二言。 汝。 家業 極 微, 無 可 貽 後 人者,故

爲 除。 惡。 懼 魄 浮,忽略微細,故爲三復昭烈之言。 皆有爲善之姿與爲善之心,但自是之病 大。蓋小者猶不可忽,况大事乎! 肖,總只此 爲,小小害道,自謂 而 曰:「小人以小善爲無益 二字種禍最 小心 無 ,庶幾寡過 不可解。」每讀《易》至此,未嘗不驚魂 故古之君子,克勤 傷 是己則非 小善小惡, 膽 而 墮 弗去也,故惡 「無妨」二字,不知不覺,積 地 毒。 也 人,種 最易 今之自暴自棄,下愚 二子毋易吾言,戒 無 毒 忽略。 妨。 積 小物,非 非 而 圃 弗爲也,以 小。 不 不可 凡 知 人 此 又氣質 是 掩, 日 務 「無 《易》 用 皋大 二子 小 成 小 妨 粗 云 遺 動 恐

慎小之道,悉數之,雖優優三千,未能

意 雖 慎 蚩 己 終 蚩 物 躬上聖而逢熙世, ,猶多錯誤,况 ,日夕觀省,必有裨益 讓人,苟全性 罔知 舉 其 畏 大 懼耳。 指,不過言 命,何獨下士 一不 吾《 何 慎, 獨 行 雜言》 事 不 兩 然? 處 何 端。 亂 미 亦 言 世之法, 惟氓之 略本此 慎 之又又 克

求人極難,戒之,戒之! 要祭昏嫁,悉以《家約》從事,寧不及, 要

好辨 多録 于 異,論性、《大學》與諸儒異。要爲不失孔、 亦 孟之旨,聖人復起,不易吾言。 生平筆札紛紛,了無足取。 世 是慎言中事 者 哉 副 吾生不辰,懷抱未展,遂同草 本,以待後學。 切 勿多 予不得已也。」其他詩文,無 輯,以誤 汝兄弟尤輕着 孟子不云乎:「予豈 後 人。 惟論 筆 當勤 少作詩 葬與世俗 , 所宜 木 收 俱 輯 腐 益 切

> 豈惟 奈之何. 有 括三千三百之旨,并可括千聖萬賢之旨, 可 戒 悉以 不 昭 浮 止 勿慎 此意推之。 烈二言哉 於 文害道,古誌之矣。 害道 者。 《禮》曰:「無不敬。」三字可 一字一句,身 書不盡言,有未及者, 又今 家 日 攸 所 係, 慮

# 乾初先生文集卷十七

海寧 陳確著 族 玄孫 敬璋編校

書 後

#### 柳 集後辛卯

生焉。 言,言不盡意。 此! 藴生,天下之能事亦畢矣。」故曰:「書不盡 至吴道子,天下之能事畢矣,能 東坡謂詩至杜工部,書至顔魯公, 吾亦嘗曰:「古文至韓、柳,時文至黄 有味乎其言之,非坡公何足 泂 . ] 洛書,述者踰千萬年, 事 畢而 以 畫 與 衰

> 也。故文不可無意,意太盡則不厚,不可 不振,何耶? 漢、魏以來,尚有足觀,中唐以後,遂 知已大失淳龎之意矣。」 《詩》三百篇,有意 夫其所以 盛也,乃其所以 無意, 可 歌

可

靡

靡

衰

附

可與論文矣。

嗚呼!

豈惟文哉!

無法,法太備則不古。

知此者可

以

爲文,

在此。 在此。 才,或時勝韓,而其所以不如韓者,亦正 快, 殆過于李; 杜律閎整,古詩叙事愷切,淋漓 柳文益矜峭奇古,而辨難攻擊之 而其所以不如李者,或 痛

闡繹未盡。而後人爲文,務 極 雄 快,不

尚

# 書祝開美師門問答後

共 惴 祝 札,次詩,次 H 亂 書 招 又 三日 後爲序。 惴 避亂 子,與祝 忿 懼 余 二十五 及 寇 過 所 弘 ൬ 有散 光 葆 氛 畢 論 友 雖 葉 光居 日 元 著 事 人 軼 子 雜 殘 迫,自 年 也 欲 徐聖儀家,因 奉 首初 闕 以 論 夏, ", 出 教之誠 多 筆 先 遭 分不免,於前 余 見問答語 所 其 秃 整 亂 匣 友 未 手 老 圃 未 見屬 祝 備 札及詩,以 大 艸 書之。 暇 子 攜此 略 圃 次 皆劉 録 開 不 先 具 出 美 六月 别 能 + 于 生 從 叙 病 一之惠 簡 工 先 是。 年 事 月 + 次 且 楷 月 篇 生 初 九, 劇 手 教 先 零 爲 凡 手 計 四

疏 ,皆廢其 嗚 呼 稿 不 先 存 生 立 于 朝 五 前 經、 後 諸子百家 所 上 不 下 百 無

> 者 義 小 僅 所 展 不 耶 爲 股 見者 ,洋洋千 叩之小 精 及 1 究 蓋 退 皆 而 應。 先 萬 識 息 有 言。 生之學如 之」,「學 所 確嘗 齋 論 每 述, 侍坐,竊 則 畫 而 終 莫 洪 而 肯 不 日 鐘 坐 厭 不 聞 論 大叩之大 誨 刊 聞 論 至昏 聲。 辨今古精 行 人不倦」 夜 真 此 應 其

獨 矣。 所 名,今依吴氏定本改從今諱 璋 小道」三字無。 札 案 隱 能 多 論藥 曉。 Z 公更名在丁亥,而 忍苟活,皇皇未 本作「亦足以見先生之學,無所不 一酉之春, 理 雖 今先生與開 ,具 小 道 精 開 晰 美 是 亦 編 知 渡 俱 可 録 所 美 江 以 一本作「己」。 于 税 之酉, ൬ 俱 見 駕 病, 死 先 也 故 或 該 生 故 元本多 難 治矣」,「 之 先 悲 非 世 生 夫 而 書 斑 手 確 舊

## 書周選古印譜後

乃是 亦 各所見之異 人濫用名章,余不甚是之,人亦以怪 不 珍藏家所用耳 作二章,章 自更名以後,亦絶不用名章。 輕 確 著 少 好作 姓 也。 氏 - 篆, 未; 極 法 古人翰墨,不惟 爲 極 成 雅 古,竟置不 圃 觀。 罷,罷三十餘 其 有 復 圖 無 選古嘗 用。 圖 一余,亦 記 年

淡者,鮮矣。 供衆人之好,豈肯自 字,選古深然之。 亦吾之所欲亟見也。以亟欲 起衰之志,孳孳向 見才之間。 顧象 刻 日 古今人之不相 魏、晉書法,筆 廣,篆學日衰,選古慨然有 夫才美者,人之所共好, 余言篆學。 留 . 餘 ? 丁筆藏鋒 及, 自見之才,求 如 余進 是 E 一「淡 在 而 迨 見才 能 亚 爲

> 以 也。 唐、宋,悉 極,化爲平淡。」選古知 進于道矣。 然則淡豈 節 皆 而 偏 今人 易言 露 之 学 李、杜 哉 陶 此 者, 語 雖 則 云: 工 豈惟篆學, 又未 詩 神 必 要 奇之 是 爲 陶 可 不

## 青劬節朱母狀後

争而 恐增 難 ; 歸。 藐孤子羸然多病,弛之懼妨學,急之又 無 劇 以二十歲之少婦 人言 墮其家業,則 則立 劬 節 孤 1 難;孤 + 又難 九 稱 死 歸 未亡 立 朱, 後,立 人 歲 也 餘 而 則 而 無争 立 失 所 節

於孤 即 至於立後,則人皆易也,之往 文 ,然壽 孤 確 難 曰:以吾母之貞淑,立節 矣,二十八年中, 殀 命也,母亦惟 母 人 事 往 之心 任 之 固 杰 情 m ,幾盡 裕 棄 已耳。 耳。

後。 争。 悔 後 踰 戚 動 宜 色,宗祊晏然, 而 已 次,不 俟者俟之,守正 族 貽 立 後,文之以 豈 無 争 後 而 惟 論 如 則 悔 棄 率 婦 後 是 所 ·莫能 孤,言不 又 人, 争 者 而 何 古 之 蓋 未 律言 雖 免。 其裕 人 業與 達 當 後 丈 皆 惑浮 權 者 先 ,制之以 獨吾 夫 也 耻 爲 指 必 之 爲 議 所争之 争, 轍 朱 權 後 顧 宜 母 有 略 官 後 率 府 定 不 力 立 甘 業 而 人 者 者 宿 , 不 ,公之以 之 當 皆 同 怨,不 文 及 者 動 而 盡 争 之, 身 爲 亦 靡 而

母 於 生 子 有 立 之 節 孫 則 爲 業 狀 已 也 何 且 也 若 人 足 母 所 」。」其言 信情 是 夫 有 爲 鳥 )則 存 勤 乎 日 庸 爲 苦不 ? 逾 婦婦 别 似 夫,夫死 難 蓋 論 失 遑, 德 非 輕 之貞 善 以 爲 然 重 乎 則爲: 其子 碩 振 一,顧 一、之矢 我族父孚敬先 興 非 其子孫。 之節 孫, 其 死 家 爲 業 靡它。 尤 舅 不 能 難

> 等者。 卒 告。 時 才之辠 遭 家者 又 蜂 無 不 者皆能 爲 益 能 家 是 起, 恨 得 何 安危定 言 增 如 不 多 無 有 况 釁 時 難 立 江 諒之,日: 大 絀 也。」然於 論矣, 乎 幾 婦 孽 業 ) 計 心 于 豈 ? ? 則 萌 人者, 尤 傾 漏 時 惟 無 母 風 生, 難之語,不 即賢 勢, 彼 舟,東 家 婦 可 之所 既 賢 不 「人各 豈易 而 人, 波不驚,不惟 如 致 多故 肖 喆 有 鼠 何 覆 養,有賢 補 雖 恭 材 而 牙 爲 其 有 材 信 西 者 丈 博 承 世 雀 力 幸 家 智 塞 然 夫 前 弈 復 哉 角 有 適 者 無 哉 之 業 於 飲 彌 大 不 遇 無 所 又 有矣。 烈 之終 克 酒 幸,非 縫 亂 用之, 世 失 往 且 丈 光 以 故 不 亂 夫 母 往 盗 蕩 前 不 業 暇 見 之 其 數 能 識 或 其 業 賊 亦

與 向 朱 確 母 言 確 近 同 朱 歲 13: 其 亦 事 勉 依 甚 立家業亦 姊氏 悉。 蓋 姊 吾 同 素 姊 厚 所 故 朱母 喜 遭 之 , 時 不 母 幸 锦

事 不 母 聞 而 也 即 竊 孚叔 誤。」 私 論 之。 自言:「有 此若爲確言之,故感於叔之狀 事聞之碩 人即 無

母 得 張 而 미 之不 爲 然 與 與 豈 俗 其 又 求 日 天之篤於朱門, 婦 道 旌 顧,皆少嫠, 若 異哉,母家之多 表, 也 1 夫霍 其 志 Щ 較 公之不 卓有 抑 然,後先輝 母 貞 之德 志 補鄉 節 行 也。 有 賢, 映, 與 以 又未 劬 母 其 風 節 之 相 娣

## **害潘烈婦碑文後**

寢 櫬 同 血 居 未 書 問 表 日 確 歸 + 故 兄 所 年 沈 也 親 願 前 方 終 過 憲,爲其  $\equiv$ 血 何業?」「業布米。」「 年 硤 書 山 木 者 一,訪 飲 何 父遠 酒 人 所 也? 客 親 不 死 食 見紙 E 肉 日 事, : 無 不 屏 余 旅 内 L

> 賈,而 參察 廉 精 中 婦 儒 其 好學矣。 昏 夙 一,即方憲之女弟。 勤 平。 遂 嫁之,皆以 負 , 因 志行,即 慎密 其 時 方憲 貧 益 H 確曰:「異 時 無 以 以以 學豈 用,益 有 其書, 豈米賈哉?」曰 乃 以 其 禮。 以 振起其家業。 爲 餘 沈 惟 養,棄 賈 孝 知 舉 方 哉 學。 而等人又亟 養母 方憲 嗚呼 憲。 業之工 1 而業賈。」于 , 勤 若方憲者, 不 今之儒 嘗 獨 竊 撫 既 有以 已哉 志行 從 稱 爲 教 者 : 硤 諸 其 死 也 向向 篤 皆 真 父 賈 之 是 弟 實 今 以 法 盡 叫 長 確 妹 固 之 烈 學 償 謂 能 老 業 胸 而

古風 贵 三代 無 此 理 有 以 自存, 一,必不 欲 一 醵 以後,學不切實,好爲節烈之行,寖 然吾以爲烈婦之死,非 葬 之 論 死 党 而 辨 有 碑 然 其 周之者? 之, 使 非 烈 會未 丽 婦 傳 忍 就 記之,詩 E 死 白 也 首 立 使烈 孤 而 確 死 歌 窮 婦 嘗 失 亦 餓 知 怪

子故 死 方 故 好 伯 者 云: 屏 ? 憲 異 <del>前</del> 在 以 因 方 自 然 夫 士 烈婦之死 憲 表 代 速 不 烈 此 往 其 烈 而 但 死 殉 婦 往 心? 下 之 讀 婦 舍 死, 亦 之 與 此 禮 從 士 天 而 然 忍 所 無 而 惟 併書之以進方憲 下 不 以 死 愧 子 恐 而 何 ,其 書 之死 彼。 足矣,何 不 終 繇 屏 是 好 足 知 甚 而 非 名。」 則 矣, 烈 |矣,人 不悔 必 難 確 婦? 悲 何 刺 易 何 者 夫 必 心 皆 繇 血 也 什 語 殉 知 書

喫腥 中 市 楊園先生《見聞録》: 潘 ,皆服其 氏,夫死,畢 不内寢」九字於起居之所,守之不變。 不欺。 斂事 性篤 海 慟哭七日 孝,父母没 寧沈方憲,本舊族,貿易 一而卒, 刺刺 血 人稱 書 示不 其 其 殉 妹 飲 節 適 酒 硤 里 石 不

## 書山陰語抄後丙申

歲壬辰二月,確與澉湖吴蕃同受先生

之以 所 生 竟 逡 最 遺 或 意 而 之 巡 謂 以 集 卒 且 中 任 俟 語 毁 書 未 已 而 我 删 以 異 書 歸 録 死, 有 未 膏 潤 而 日 肓 成 年 廢、廢 矣 敢 H 不遂前 ,可夫? 也。 乎 譜 已 者,另寫 也。 書 之 而 1 成帙 而 圃 事 確 每欲書者 復 無 志, 今年正 嘗 矣, 一本,奉 而 已 書 致 丽 確 而 書 而 則 確 亦 未 月二十 又 伯 數矣, 且 復 妄 成 廢 爲 繩 收 欲 何 者, 之 私 忍 理 輯 謂 五 而 書, 而 而 前 獨 蕃 師 輒 日 復 姑 昔 輯 語 嘗 而 書 止 之 蕃 先 有

坐此 暨《 非 也 筆 抄 不 闕 也 中庸》喜怒哀樂已 肖 先 然, 或 確 生 愚 非 曰:「先生言《大學》心、 何 之 者 嘗 疑 也。」 謂 言 必 先 與 有 生之言,疑 確 「愚 識 蓋 圃 語 以 有 未 好自 中膏 所 識 發之旨 《學》、《 心 自 用,盡 肓 疑 封 其 焉,而 甚 意、 故 天下 明 庸 詳, 知 自 黴 **>** 之言 用。 矣。 未 而 物, 敢 私

以往既死之神聖賢人而復生之,而何 先生之教。 然則 子病 先生『慎 將 終 獨二二字,能 不 可 藥 乎?」曰 起 千 有 百 於 恃 載

### 書拓扇後丙申

一豎子

當復 予以 疲 知 拓之,塗以 忽復五年,道士死且二年矣,而此扇猶存。 辰 吾生還 乏,贈予此 五月,蓋 故 可支四五 予昔年用一油扇,直二分五釐,至壬 人之賜,不忍毁 須 柿水,較 四 幾 年 扇,價直與前 扇 年。 · 矣。 耶 嗚 昔加固 黄 呼 Ш 棄,更用 Ţ 道 扇等。 上韓 十 倘 年 不 高 養元 遂遺 至今夏, 一扇,不 句 麗 嫌 其 紙

祝 美子 予昔性 謂 善遺 非 吉相」,深用 忘,嘗 \_\_\_ 日 爲戒。 遺 數 扇。 今懲前 先 友

弊,輒復過之。但亦不能無故而棄之耳

# 書朱正思卹約後戊戌

愧 當以 欲 也。 之事,皆諸子之事矣。」諸子曰:「諾。」 矣,曰:「館來雲之事,未易言也 之。翠薄之館來雲,確 也。 不食其言。此龍山諸子館來雲之公案也 欲行之,則來雲之老、病、死與夫既死 爰立欲行之, 乎? 爾 來雲爲言。 考夫 往 諸子之初意也 確 故今者行素之喪,當以卓甫爲言,不 者 生 然考夫、正 與 平 同 鮮 仲 確 之壽忠節夫人,確 彝兄 執 '考夫之序及此,諸子能 因 持 丽 思之言, ,又可負乎? 弟欲行 丽 從之。 以 多詭 爲非義 隨, 之, 然 固 猶 此 確 確 也 以 然 確 諸 因 而 固言之 、欲爾、 爲 裒仲、 使考 之 後亦 以 子 圃 非 必 後 過 從

爲 俾 期 與 夫、 後 與 裒仲之責 不 Œ 然 卹 無食言之誚 思之序 也。 之事 某惶 丁,與 而 之 誰 諸子姑 恐 約 責 想諸 書 不 乎 失之空言 ? 子 稱 今且 亦不 情 量 毋遽 甚 力 者 以 而 言 又 確之言 爲之, 卹 非 之 確

### 社約

# 南湖寶綸閣社約辛卯

夫譽 窮 雖 哉 哲 仁 İ 安能 悪 非同人之敢苛, 吾 厚之道 僕嘗 而 聞 者是養惡 俗 無 君 有云: 尚 過 隱 子 標 惡 不 榜 聞 「吾甚 揚 黨, 也 實 過 善, 誠 0 黨 長 而 不 朋 恕 未 是 浮 改, 忍 友 于 聞 小 僞 棄 俗 養 譽 非 人。 同 人 惡, 吾 惡 吾 而 爲 甚 長 友 自 于行 苛 善 耻 誰 此 非 于 也 之。 聖 安 望 路 同

> 耳 非 議 o 敢 之 若 前 夫 于 朋 後 忍毀諸 是爲 友 有 调 背 毁 不 面 尤 正 傷 之 厚 于 道 前 夫 而 譽 私

忘 番 欺 損 爠 何 使 聚首。 德 ,進之以 益 人 啻生死 驚 日 也 先師《證 月如 怖 倘 願 而 深造 馳 聖 不 肉 我 人 骨 以 同 社 轉 相 某 亦 也 約 眼 人 會 無 ())具在 1 時 之 晤甚 知 間 時 某 如 省察,本 敬 各 其 即 · 非 難,幸勿 拜 賜 非 成 予小 以受,不 大 人, 衰 教 老, 之 則 子 虚 念之 則 以 所 是 此 敢 又 無 能

## 南湖義社約 吳

貴慎之於始 之,不得已 吾甚畏作 也 也 銀 既 會,尤 會 擇 法 其 蛇 畏 蜕 作 首會。 不 申 從 之 新 以 今而 名 約 惡 爲

之指

也。

詣

也

不

辭

會

勝

不

赴者

良

時

估

近

監

致

致

金

致

日

, 罰

故

而

辭

監

焉,

僉

日

石丈

可,

無

所

于

委

也

會

金

不

前

,孰宜後,吾烏

知

之,闡

之

所

擬

也。

立

之

其

施也

息

止

\_\_\_

分,輕

利

而

重

誼

也

孰

宜

0

也。

其器:

愆期

五

星

留留

佐

後

會

酒

資

無

愆期

,會日

不辭

席,

違

則有罸,監者之

所

治

視之,以 地,適杖 金則必 之選, 必二至之日,不 倍之。 「, 先 尤 外 監 于會 諄 日,會友則不必日,乾 違 履 告 交 近首致首 集 先 諄 約 者,罰 也。 故 直會,不 知 + 有 於《證· 必 焉 己 不受焉, 日 面 必終日,究性 也。 單 不 規 勿 待啟 過 箋 煩 欺 無彼 社約》者 必 雖 啟 是 爾 一使也。 非吾 卑幼得 有 也。 之, 也 也。 此 述 也。 黨之士 足 焉, 吾先-命之理 初之紀也。 愆期 會所必 盡 遠 色與 以 會友 兩 邇 合 過 觀 夫 兑, 也。 也。 也。 澤 惟 所 而 願

我

同

人同相永矢之也。

# 乾初先生文集卷十八

若

相

報,方術固

未可

妄試乃

爾耶

患

此

殊

不

能

自

忍。

此

事

之偶

然者

而

迹

海寧陳確著 族玄孫敬璋編校

雜

著

符止人瘧自瘧丙戌

立 效 術 復試之,立效。 效。 聞 日瘧發矣。 不爲,二十餘年矣。 吾幼時善爲符,止人瘧輒效。 吾術求治,爲符二紙,黏 相 傳 誦 吾 以 又鄰 亦十四 爲奇。 婢二人患瘧,萬方 今年吾女患瘧,姑 五年無瘧患,今驟 而吾忽於六月 病者背, 後薄 初 亦 不 其

> 既違 吾自 理,一 神醫 相 六月十二日記 致 集中有云「瘧癘三秋孰可忍,寒熱 戰 瘧 了賢哲 宜 耶 ,彼豈皆無病而 」,則子美固 昔杜子美自誇「吾詩能已人 乘 瘧 1 除,得勢而榮,功成晏如。 豈 嘆 但 儒 以 吁。 者 能 善瘧 先利 自 符 死者? 不 不 也。 後鈍, 發,又 宜 元里公、倉 輕 故曰 試 豈 奚智奚 幼 八瘧」, 以 : 術 能 萬 百 耳。 日 然 符 愚 物 公 時 命 之 稱 交 其 反 1

不開戒而瘧發

吾前已憂亂,戒牲食。自五月念五遇

受 耳 臂 傷 復 不 不 復 余 盗 助 E 風 開 能 東 拈 爲 被 左 不 負 妻子 答。 虐 寒 重 此 理 化 西 股 戒 子 不不 深 馳 傷 或 厚 惟 而 尚質之明達者。 湧 牽去, 有之, 傷 味。 矣。 ,妻帑勸 節 不 傷 血升 而 聽 勞。 食 寒 夫血 前 瘧 許 吾言,徒 坐 然吾寧爲 之 而 既 作,半 ···, 則 我 風 次 何待 效 受傷 虚 姑 露 日 也 傷 血 開 對 1 中 月 自 虚 勞 戒, 客 此 而 而 一二食頃 苦 今止 ጠ M 風 語 後 而 又 老 少 又受風 故 與 即 即 止 不 賊 於 助 妻 食 一竟夜 爲 體 瘧者 惡 以 猶 更繼 蓋 彼 虚 風 滋 咎 此 掣 是 則 發 味 暇 余 其 我 日 瘧 此 相 必 夜

### 陳先 生 癸巳

先 生 年 八 七 月 + 廿 餘 日 時 晤 出 金 講 公 學。 路 言 公路 東 陽 曾 陳 預 正 道

> 路 之耳。 席 獨 分 講《其爲 孩 亭、陽明之學皆是 衝 語,有 見 遠 陳 如 年 先 激 同 미 生 亦 席 人也》章,言「 能 問 謂要言 所 可 皆 往 念 則 居, 老 七十餘。 答, 從 略 成 之游, 有 不 亦 鄉 煩 不 未 須 不 必 皆 犯 眉 遜 過 餘不 姑 又云: 化, 紛 F 皓 順 記 數 争, 然, 盡 處 于 無 犯」字不 記 要 此 即 即 盗 相 Ш (身體 是。 1 對 中多 恨 又 肅 有 時 力 言 是 是 然 考 危 李 H 無

### 記 夢 癸巳

澹 將 語 欲 醒 云 及 覺 時 時 + 月 所 勵 而 具 學,不 哦, 志 初 余 其  $\equiv$ 秣 僅 題, 夜 于 而 忍 長 自 不 其 夢 途,望 志。 棄 辭 作 於 亦 吾 衰 不 賦 崅 生 老 能 嵫 蓋 平 復 m 而 極不 極 憶 策 己 經 駕 其 誉 大 此 意 慘

録》 深, <u>云</u> 賦 也 中及予 愛者忘 忽 「天下無直友, 庶未忘求 此 我 前 醜。」 記「 益之心,故並記之。 殊 愛我 此 庶 不 幾 亦 可 者之言」一 櫽 求 解 僧 括 口 又 Щ 夢 陰 憎 段 作 先 語 牛 攻 詩 意 語 我

#### 過舊居

者 以 己。 諸 此 則 無 咸 懲 異 何 心 在 即 吾縱 即 平 小 故 夏 而 攝 如 弗 時,於心安乎?」曰 己。 日 有 人者也。 去 間 不 禁? 今日亢旱不 過 重 能 道 舊 心 笞 爲 者, 居 所 且 守禮之君子 省母 不安 枷 今 子 禮 官 日 赤 義 雨, 者 府 日 適 以 禁 必 中, 養 : 而 遇 道 示 屠,道 弗 ,復不 軰 君 會 不 法 子, 爲 飲 飲, 必 安。」「不 之 如如 酒 予問 吾諸 能 嚴 遇 而 食 是 又 市 刑 爲 肉 間 罰 安 守 如 肉 而 子

> 之 禮 克 己 所 畏 禁 立誠之學。」 法 之小 者,事無大 人乎 ? 小 0 咸 推 兢 此 兢 類 不 廣 苟 凡 即 禮 法

### 雜 記甲午

者;雖 食之。 主 其 病 嘗 死 夫 善善 對 獨能 之 精 吾潮· 諸子姪言,如永芳者,非 吾 飲 其 每 役,其 甥 粗 斷 食 粗者,夫未 食必 生姪 並 董 酒 而 盡 八 肉 妻 不 家 以 即即 公家 三年。 往 能 精 婢春女,贅 忍 往 力 者供 食畢,未 僕 餓 代 作, 永 不 其 之役 夫, 芳, 其 敢 事 妻 夫 復 嘗 而 菩 病 性 湯 敢 爲 自 作 父 師 然 嗜 之 食 四 食 食。 亦 乎 時 飲 勤 謹 其 有 也 怒 食, 夫有 至 織 黄 駡 或 粗 以 氣 吾 母

● 「守禮」。二字疑行。

免于 其 彌 事 夫之騃者 瓶 妻 病 有 忠敬,无幾微怨恨之生于心。 夫 凍 無 餘 回言。 餒 + 粟,身衣完整, ,則色然怒。 餘年 而 湯 諸家僕之强力 矣, 迄未能 四 身無 而 一能,且 妻 成 未 生 有 嘗 育, 幹 久 人有笑其 有 病 者 加 德 奉之 每 色。 未 獨

貴賤 僕 加 婢之不若矣。 不 能 哉 嗟 乎 文 1 1 志 吾輩 堅忍, 夫人之賢不 讀聖賢書, 略無以自異 · 肖, 自 謂 又 于 稍 豈 流 知 論 俗,真 禮 男 女

《禮 竟日 忌日之祭,必 》所謂終身之喪,非乎? 不 又嘗憶査慶生言:「吾里有 怡,如是終其身。」恨 宿 戒,素服 涕 洟, 未 悉其 牲 一農 醪 人,每 名 忠 氏

大 書 聖大賢 道 此 者 僕 耶 高 自 1 婢,與慶生所 期許, 今之讀 而 書學 深 訕 道 云 流 者 者, 俗之所爲。 贵 無 嘗 不 以 讀

> 惡知 者。 類 ~,不可 學道之士而反 鳴 流 呼 俗 '勝數, • 中 文 有其 有遠 往 爲 往 名 流 非 有 而 俗 讀 天 之所 無 書學道之 資 其 合道 訕 實, 誚 又何 耶 所 如 怪 能 此 等 讀 及

又癸卯日記。六月二十六日偶書

備 過 梗, 凡 落 行 者,亦有習左右 能先後。 不爲用,夫復 事 一二,餘皆 于世耶 不虞,不亦可乎 右股 更用 盡如此,豈惟 吾自去秋右肩病風,累及臂指 他 足 今右獨受病,左 **丛** 亦 備 吾雖 何 然。 莫 尤 書,自是左 員 能 ! ! 加 具三十二齒,致用 嘗 身哉 如 己。 吾向 然 思 也 网 古 今用力 雖 然 右 足 驕 人 固 無 勞 左 均 有習 、恙,豈 無 佚 而 勞之義, 者 可 自 軼之,今 左 Ë 至 奈 均, 右 者 能 一今爲 何 以 莫 不 單 射 衰

女三四 矣。 學,已館 並 向 于 不 未 此吾之所以 澄 天 能 閑 吾 歲 兒 宜 者,蓋 内 妻 食于外,不奉晨 家 事 便 極 頗 聞 及 曉 願 習 口 慧 人意,五 勤 窮苦而 其 知 適人,又頗 + 儉 姊妹 矣。 歲 已 無怨者也 皆勝是。 歲 丽 反己安命 夕 先 殤 即 ; 我 以 禾 殤 死 能 翼 極 + 兒 長 則 稱 頑 有 吾 以 女 梗 近 之 四 遣 在 兩 漸 所 餘 媳 家 年 觀 知

### 西路 庵僧乙未

今 年 熱甚,老 也。」予問 云 自 安, 秋 西 老衲 路 生平 衲 嘗 :「何故?」 庵 無 病 中 僧 狀 戒 煩 暑 安 規 醜 解 而 静 態 躁 衣 寡 曰 種 跣 時 誉, 予 : 「頃中 種 放 足 不不 過 頗 扇扇 倒 有 而 可 古 地 元 候 孔 爲 蹋 一德風 子 後 居 之。 坐, 七 數 + 味 + 猶 道 僧 H

容 條 矣。 寺 菴 耶 卧 也 前 老 因 寂 鄰人夫婦,子女數 成 復 而 不 來 收 納 驕 終 且 雖 ?」老僧 無 踰 俎 得竟夕安卧。 口 可稍 元注: 之老 拾乎 凉。 帳。 惰 日欺人,漫言參禪學道,不 病 小 矩 謂 頓 尚 ,悔無及矣。 較俗 衲聞 我 息 我 稍 爾 ? 有 八月初三日 此 也。 七十 家 云:「昨 自 廊下,我 夕, 蚊, 種習 嗟 此 乃 居 安 言 乎 尚 乃 凉 其人喜出望外 夫 放 時 吾謂 氣 ! 大 敗 敞, 至 出 口 有施主過 同 不 開 疑 余云:「師 矩 此 周子 居 贵 海 此 慚 予 然 得 門 奈 亦 不 非 家 且 老 謂 納之,謂 每 和 安 無 一草舍,甚窄, 歸, 平 何 遇 僧 亦 無 蔣書升 寢 害。 我 訪 日 ! 暑 殊 者 其 承 亦 ,因云:" 養 蚊 明發, 熱 彼 患 知不覺 僧 余 妻 有 可 施 何言之痛 俞 壞 我 熱 胡 (母子 因 云 謂 漢回 長 即 主 造 云 謝 凳 嘆 雖 不 母 好 思 養 憩 畏 有 子 學 可 歸 此 爾 帷 不 夜 從 師

記 昔四條 戊戌

季父雖 問: 法 爲 確 兄弟已相 實無 非 出 ,得力甚多。 爾出 也。 聞 確 所 + 性 詬 聞 自後 . 許 好 詈 粗 也。 聞季父母 如 歲 戾 語 中 無 時, 初,乃始竊自喜昔日之隱 然自 甚 論家族間,即處世 吾 實 不 以 父 無 能 云何?」 面 與 他 堪 欺 季 其親 不數 父 入侍 確徐應曰: 小 ,益恨之。 H 致 多用 吾父母 鬩 吾 牆 此 未 父

卷,更不 及道試 旋兄同就童子 案, 確十六七 叔氏先 出 快。 伯 售 確 氏 試 歲 口,確 懼 索卷 縣 時,小有文名, 無 爲之狂喜,亦不成 府 觀 所容,至不 皆僭 甚喜, 居前 - 成寐。 己觀 與叔氏 ,甚愧之。 叔 寐 及 氏 我

> 輒不勝牢騷之感,大喪其厥初矣。 此亦孩心之未汩者。後數年,屢試不

有

溝

于祖

墓之前

者,而

吾叔

氏

遽

死。

爲 或曰:「年方利乎? + 兄弟若弗聞者,而 人皆以溝爲罪,而 奇貨 年, 先人之兆域卜矣,有殯于其前 前殯者又告月日將 也,而確兄弟弗之問 聽之殯 確之家無言焉 時 日 以 無 也。 其 沖 犯 母 葬 乎?」確 喪來殯。 先人之 者,以

**僮 來 魁**戊戌

言,亦忌月。 之喪,不能卒于禮,故以 行之。吾問其所以 ,皆忌月,所以補喪禮之失也。 禮 有忌 日,無忌月,自亡友祝 於是某之諸子錫、枚, 泫然 月 日 補 「淵昔居二人 之。 開 確 並 美始 感其

三八一

乾初先生文集卷十八

所

源

寰

亦

收

養

于家,

與

諸

弟

體

從

吾每 之色也。 所 婢 講 禮 笑之,曰: 食,必以 主家春秋時祭,必有 也 齊酒肉合之于弟,以共祭焉, 論之益,每遇其父母亡月,即 之憾,不 至其 每 董 思 祭其 積平日 主家,來魁 東之家僮 「是欲學陳乾 知 詩 父 所得 書,無 母。 來魁,幼失 · 犒物, 奉 其 酒 理 我 初 姊 肉之齊,不敢 義之悦 者。」 加 甫 竊買 謹 十許歲, 僮 父母, 斷 歲無闕者。 楮錠,並 心 其 亦 酒 家皆竊 无羞沮 無 肉, 先 亦 朋 無 以 董 嘗 其 虧 游

僮 姓 徐, 其先爲 董之世

#### 瀛 寰己亥

無 長,昏娶衣食,皆 、間言。 又一 寰,業篦 從弟,幼 瀛 剃。 寰 是 養于 兄 給。 弟 他 四 兄 姓, 弟 不 瀛 妯 得 寰 娌 其 最 皆

> 父老 是可 不歸也。」篦剃于業爲最賤,有如 家 ,踰三日, 敬也 其從父,吾家老門 無 子, 瀛 瀛 寰 寰 必登候之,日 奉 養 甚 眷 謹 呕 稱 從 「何久 瀛寰之賢 父 此篤 或 行之 羈 過

此

外

#### 爾 旋 講 師 扇 頭 ᆸ 亥

衲 吾 意 非 所 心爲之, 乎? 存 要只 願 與 道 而 尊 不 素 吾鰥 高 亦 宿 離 明 即 位 日 欲 居食淡,於世無 是 而 細 用 行,非 私 切 欲 雖 也 空之,所謂 矣。 飲 有 食 意爲之也。 男女, 有 意 求,宛然 無意 賢 無 知之過, 非 之間 苟有 一老 道 之

# 補書蔡伯蜚便面癸卯三月二十二日

美忠節公遺言云:「貴不如賤,富不如 禁,生不如死。」當時聞此語爲之酸鼻。今 思之,直是講太平話。居今之世,安得復 思之,直是講太平話。居今之世,安得復 完,生不如死。」當時聞此語爲之酸鼻。今 新人耳。余亦嘗云「巧不如拙,勇不如怯, 紫不如訥,博雅能文不若目不識丁」,而亦 非不如訥,博雅能文不若目不識丁」,而亦 未可盡恃也。

> 天心之不可知,不亦遠乎? 是也。語云:「天定勝人,人定亦能勝天。」 是者,吾心之天是也。苟吾心之天定, 則貧賤患難,疾病死喪,皆安之若素矣,何 則貧賤患難,疾病死喪,皆安之若素矣,何 是之,吾心之天是也。 所謂天人

# 補書錢氏孤便面甲辰三月二日

字尋之,有餘矣。 工夫到 之事,無 好學,即孔子所謂 志,即孔子所謂志學也。行之不已,便是 此發個願,决要依此八字做工夫,便是 信、親愛、學文」八字,終身行之不盡 老,猶當奉而行之,况弟子乎?「孝弟、謹 弟子入則孝,非徒爲弟子言。 踰 此 者,欲尋孔、顔樂處,從此 時 習也。 極至 天下可悦 處,即 吾輩 미 文 八 雖

子共勉之 踰 蒙養即聖功 矩 境 聖 門 豊 初 惟 無 幼 第二層工 學 一然哉 願 夫, 與諸 故 弟  $\Box$ 

#### 作八股之法

若存 非 杜 輩之心,即非先輩。辟作詩家必欲句句 不古 俛 出 萬古之胸,抒一己之得,則自 真王 一,定非真杜 就 也 時 作 一摹時文之心,即 而古,非時文而 文之恒 八 何者? 爲梏于古而己之才性 股之法, 矩,和 辟臨 能 池家必欲筆筆是王,定 時 養 熟 文,非 非時 心性,體 知古 文, 存一摹 文之妙 先 然不今而 輩 認 而 題旨,開 境 先 輩。 今, 不 是 先 丽

之文,有正人之文,有邪人之文。彼惟不吾觀古之傳文,有學人之文,有才人

能 惟文之求,宜其爲之而愈拙也 文人學士哉 作《論語》、《孟子》,亦何以 衰。 自 傾 . 揜 今使 動當世之諸侯王。 蓋,故 仲 能 尼、子 各 學者不 極 輿 其 而 才 能反求諸其心,而 爲《戦 之 又使蘇 所 折 至 服 國 秦、張 千百代之 策 而 傳 儀 必 世 而 不

#### 筮葬

之象 辭言亨, 復于重坤之下,是昔葬 己亥歲九月十五 也。 三筮仍 望日之筮, 二筮但去上圈 筮 而首云「出 吾惟 改 舊 深先塋之葬。 懼 制 可謂受命 歲 日 ,易以石板。NM歸妹之需 癸 久棺 人無 西筮 地 壞 疾」, 如 上,今復葬 不不 響。 III 復象 是告我 ||||中孚之蒙 口 復 復 卦 舉 地 棺 陽 桂 下

之日 也。 道」者,改葬 尚 者 動 而 反 曰「天行」,曰「見天地之心」,所以 五棺,今合母兄 同 不一辭 後 好 順 葬者皆獲安固 「利有: 亨 囚字外方象棺,内 剛 舉 謂 也 謂 動 舉 而 攸 動 木之堅好 无 足 又繼之曰 反 往」,以 礙 順 也。 復之 乎天理 爲七,皆同 也 而 不 斷 道 故《大彖》又申言「 遺 剛 一朋 Z 其 气當乎 也。 他 反 象 來 必 患也。 則 葬 人。 無咎」,言 「七日」者, 可 亨, 於 人 行 、「反復 1 下 同穴已 謂 也。 贊 也 也 反 佑 後 于 卦 剛 德 有 其 棺 來 下 我 故 終

指 可 卷 明 子孫之心 從,今細 葬 石 法 板之非 歸 妹 悔 爻辭 之 思「孚」字義,於葬 宜。 凶,不 如 而 有 是 言 中孚上下 也。 可 孚攣如」, 問 謂 可 之真孚。 禮》 知 ·實而 0 稱 我 需 一必 法 始 險 中 今拘 無 以 誠 在 虚 爲 取 必 象 上, 吉 世 發 蓋 而 亦

> 俗 子 孿之見不合大道 孫破 宇宙 此 而 拘 敝 可解,乃 耳 也 信心 是孿 不若信 如 之孚耳 理 欲 謂 拘

試舉 平地 得 尺 速 盗 目 八土,難 朽 中 而 發,諸不可知之慘變, ',棺以 目數 已屢 舉 淺 其一 葬之害,瞭然明白。 然之道也。 保 見矣。 十里中,近若唐、宋、元之墳 内者尚忍言哉 百 乎? 年 墳」,數十世之後, 又高 即 露 無論秦、漢 只是獸穴 則 今且 氣 語 不 日 固 無 以 「既 霖 日 言潮 丽 上, 攤 夷 歸 棺 一,尚 吾 爲 必

其 切 地 理之利 懇 不 F 至,吾志决矣。 可 則 或 害,既 知, 直 日 . 無 此 不 雖 孝子 較 可 在 然 知矣。 地下,亦 誠 無 諸子試細思之。 信之道 疑,以言乎筮辭, 防 有 其 也 不 口 口 以言 知 知 者。」 而 姑 乎 然 聽

石板恐其墜,木板恐其朽,甎圈法本

之又 好 法 後 隧,先懸 非 以 只 深 盡 甎 惡 甎 可 卷 棺 其 圈之罪 矣。 之, 中 以 俾 空 城 灰 無 也 門 而 沙 空 橋 淺 實 隙 梁 露 築 皆 耳 中 則 隆 兩 用 今 甎 得 如 吾 築之。 矣。 卷 卷 者 雖 而 葬 深 而 不

#### 還葬

其子 伶之忘 安 事 抑 收 捐 五 魄 葬耶 畝 施 亦哲者之要論 某往 之道遠矣。 彼 東 春 西 !]諒 中 坡 生不忘 · 秋享 粤, 佛 謂 返 粤中 寺。 萬 哉 伏波 祀 里 形。 斯 無 嗟 非 諸 收 也 言 願 闕 乎 丈 不 其 義 者 馬 夫 骨 知 士 吾 革 將 禮 即 孝 歸 友 非 裹 + 其 故 葬 董 惟 死 年 之, 紫 親 屍 達 絶 F. 還 矣。 冒 士之 也 ,所 域 置 耳 葬 於 置 驅 祭 今年 遐 繼 祭 田 馳 猶 何 志 Ħ + 王 須 劉

#### 親家

話 况 不 前 往 可 後 遂成不解之怨。 彼 來傳言,有 輕 凡 新 出 此 親家 語 多 言 有 增 雖 不 致累子 無 如 極 可 減,每有 意 相 不 處。 知, 懼哉 女。 至行禮及成昏之 此 無意中 慎之,慎之, 極 可 平 不懼 常事 一句閑 最

#### 吴 茱 萸

化, 也 歲 氣 不 十日日 撒 略俟火氣散 壞, 此 霜 鹽 取 後 法云得之雪川 香 少 出, 採 許, 氣 茱 去其 異 俟作 萸子, ,將茱 常 蒂 羹 以以 吾 每 ,須更問之。 萸 時 鄉 乘 清 觔 研 每 半 水 用 用, 磨 浸 熱 石 作 甚 之,過 投 灰 腾 便, 灰 觔 中, 許 미 出 非 怒 灰 水

## 乾初先生别集卷一

海寧陳確著 族玄孫

敬

璋編

校

辰夏雜言

小引

世,而吾子惟酒之工 至 輒 如 曰 洞 此 妙。 「昔孔子之聖,依 乎! 見人五藏,猶未能悉起七十子之疾而 吾 去 客飲而 夏醫 然吾聞孔、孟之言以醫天下 甘之,曰:「異哉 郭 酒 抑 病立方,故問同答異 今夏醫許 末已。 酒,並 盍醫人?」 醫酒,伎 應 萬 手

> 愧死 治 服 俾人費! 息。 南。 + 以 腸 不能自醫,而遑人之醫乎 藥 飲 康安之。 論》未能行之於親、《瞽言》諸 俗之鍼石;《瞽言》續集諸書,尤醫學之指 曰 放故 耳。 餘 攻去夙疾,所 許 四勿古「物」字。 熱,奮筆 我也。 合梓之以壽世 且兹 條。 酒 也 唯,唯。 外 而 冉、閔、南宫、庶勿藥有喜。 何 此,並 客 無 矧予之德言,豈足聽 艸數行 時, 僕《家約》未能行之於子、《 有意 其量,甫沾 抑子之《家約》、《葬論》,並 未有 而謀兹事乎 謂 湯而效,一貫之旨,則 爲我 黏門壁間, 自醫未能 一,可乎?」客言及此 瘳 焉,繇莫 一訂之否乎?」 屑 ! 輒 • 者,輯之得 穨 朝 甲辰之夏, 集,物 夕觀 聞 然醉,醉 客休矣,毋 肯 依 省, 議 且 方 獨 顔 直 葬 未 末 客 欲 既 吾 服 子 參 兀 軱

#### 不 亂 説凡六條

廣 無 亂説」三字,亦非容易。 能行之者,是亂 皆亂説也; 言雖極 己議人,是亂說也; 也;道聽而 序者,是 妄,即是聖人。 ,蓋非止以 俗指妄言者爲 亂 説 塗説,是亂説 無爲有 也,浮游不着 説 也。 亂說, 切實當理,而能言之不 凡非 也。 學者能 充之盡 極 也; 凡言之雜 此「亂」字 切 事者,是 在野言朝,忘 實當理之言, 承當得「不 ,即是至誠 所 亂 亂 包 而 説 甚 無

説之恐後,則其人之浮躁淺露 安望其德之成乎 道路之言,多虚 謊,夫子 道聽塗説,不 何以 一少實, 深 過 絶之 今皆習而不察,每聞 傳 一味喜談樂道 曰「德之棄」? 述道路之言,未 概 可 見矣, 而 傳 蓋 莫説· 思省。 也,至於己過,寂 體,吾只言其 事,猶恐未真,况 所 以

綴,雖 之,惜之。 凡言所不當言皆是。 不必言、不可 而力持之,能改此一過,於學便有根 云:「立誠自不妄語始。」妄語 事, 凡言事,且莫論真假,就使極真,多有 即 所 稱 謂 某謂即此一事,便是無志於學。 志 引鑿鑿,居之不疑,甚或 學之士,時 言者,况 所當言, 傳 聞乎 吾願學者時時 非 言自 復 真 乎! 不 總之,語 無 非 免 專指 多。 吾 經 更 基 説謊 默 省 温 目 甚 加 之 有 痛

陰先生亦云:「心放自多言始,多言自言人 己,至子貢方人,則 某嘗於坐默聽友生譁囂之言,大概是説 人,則言自省。」董子此言,可 董蘿石曰:「省言甚難。 夫子答 不 曰:「夫吾且不 聞 顔 淵 提 一字。 問 仁,惟 今得 此 謂 一法,只 教 意 暇。」山 極 之 最

造

無過克己;省言之法,只莫説人。」長短始。」今擬書一聯自勗云:「求仁之方,

預,而娓娓言之不已,斯真不解其所謂也。預。即言之,或面言之,猶幸其人能改,今預。即言之,或面言之,猶幸其人能改,今明言人過,亦復於人何預。人己兩無所不完,可言之,猶幸其人能改,今不完,云:「但攻吾過,與議人

爲直。無隱而未當理,即不直在我矣。言。不知君子之言以當理爲直,不以無隱凡直氣人多以直自喜,或致輕易出

### 聞 過凡九條

愚! 分曉。 是吾賊 先 學者若 儒 而 此 云: 兩 情 透不 「訟吾過者是 言者,亦從 往 過 往 此 喜 關, 諛 來之 又 而 吾 恶 何須言學 師 規 炯 諛吾善者 鑒 豊 非 煞 大 甚

> 者 又飾 E 及 也 復絶少。 而 始快 非 古道云亡,人習閹 拒 乎? 諫, 幸有之矣,奚翅空谷足 後誰 维 JII 告我? 潰防, 媚,求其 載胥及 將并 直 斷 溺 言 此跫 音。 面 何 嗟

假而疑其真,謂之非愚,可乎? 人說我好是假,說不好是真。吾信其

不快; 規 寡過之君子所 均之爲吾藥石耳。 反以爲仇,真老人之所不能 ,於憎我之口謂 同爲指 憎我者必無 斥吾過,而於愛我之口 願 聞 之謗。 諱,言輒 况愛我者 丽 無從,顧 其實强· 解也 盡 多 情。 不 匿 以 非 生分别, 此 爲 謂 雖言 正 欲 之 而

怒 何 等公道 衛武之賢,箴及暬御 吾輩 此 何 有過,雖使僕隸下人皆得 迺動云 能 理 也? 堯、 許 舜之聖,不 汝説」,甚 我何人斯,當如 至 開 廢 反 加

作 許 口 色者 働 狠 哭 愎 也 矣,又 平 何 或 有 F 於 . 僕 有 輩 聞 父 耶 兄 ? 師 言至此, 友之言 真 而

所謂愚不肖,只是自是,所謂賢人君

子,只是不自是。

位 + 或 分 傳 乎 親 述有誤,尚 他 1 人 切, 况 有過,或 雖 反 聖人,亦不能 絶 津 口 無 津 不 喜言 心 欲言, 偶 失,或出不得 無 至自 豈 :過乎 真 過 至聖人 1 自 知,宜 已 地

終 與 所 獨 知 但 幾 幾 不 喜 有 知 謂 知 造 聞 過 學 仲 有 耶 之未 精 吾 舜, 待 不 由 - 1 過 喜 善者, 人告,還屬 除 其 嘗 執 乎? 聞 是 擇 復行,工 中 過,令名 自 謂 善 之境矣,必 未若顔子 非 知 之 險 至善耳 自 智, 夫 無 着。 改。 更 窮,真 絶 如此 深 有 ·, 此 非 顔 使莫之告,將 細 不善未嘗 子 時 曠 方可 豈 也。 之學, 軰 世 他 所 高 謂 顔子 及。 賢 所 已

> 所 聲 後 好 謂 學。 喻 其 下 最下 次 愚不 故 察 知 文過 移 言 過 者 觀 之 遂非,怒人議 色 也 法, 又其次 泰 上 視 己,乃 徴 無 色 形 發 孔 子之 聲 聽 無 而

亦 是過 道 止 無 過 中, 之學,談何容易 過一 分 即 是 過 不 及 分

治 怒凡七條

於 平 之,皆極 物 是 本 日 何 無 小 民 之氣所干。 П 未 社 所 語 吾 其見之褊 謂 清 小 無 輩 平 未 關 處 不 極 平 乎! ,所嬰吾怒者,值 今日 齊, 人 常常 從 生 何 也! 或 古 世 是 有 來 足 間 禮 蓋 何 是 介 又 數 吾 况 意 可 此 不 輩 自 怒 小 等 平 ? 未 既 謂 世 得 事 不 所 周 一界,况 息 恁 不 固 過 不 平, 心 事 或 時 勝 小 野 其 忿 時 是 在 小 處 實 有 怒 財 或 今 不

我亦人 之道 間 此 過」六個字,遂千古推 顔 漕 游 猶 耶 卑,必不 君 以 者 尊自責, 自是自卑之己,故 子 横 牀 横 子耶 故 無過之君子望他人,天下安得 只只 未 1 一,即懲 終身學 逆 琴 逆,至虞帝家庭,更 免 學者毋 易怒。 故 有二病 也; 决 爲 絶不 日 敢 時 未 鄉 「躬自 則不勝其怒矣。 忿之道 時 自 舜爲法於天下,可傳於後世,吾 舜,單 至 自菲 人也」,是「躬自 見 自 以聖賢之道自責,既 是。天下豈有自是 一舜,只 分毫 卑 厚而 自是, 薄 則尊人, 也。 成 可 先儒 忿 須自責,何 就 薄責 爲 孟子曰「舜,人也, 怒。 無 得 好 自 云「克己可 處去,而 不不 學。 於人」, 以 故學 卑 厚」註 况德未至 庸 0 遷 克己 用 皆 衆 者 是己 怒, 之聖 怒 固 舜只優 自 脚。 不 首 無 以 是 不 遠 甘 過 居 須 則 貮 世 賢 怨 自 之 自 非 而

> 怒, 時,但持之既久,當漸近自 者 怒,切莫輕發,姑忍 急治良 忍一二日, 畫 向 方,莫若 無 舜、 其 顔 氣 涵 着。 自 「忍」字。 養 平。 然 小者忍 或 雖 日 凡 時 一二時, 强 遇 不 制 事 能 有 無

可

大

於此。 我 我 見 曰 讀 何 妾,而况 雖賢者常不 於妻子僕婢尤易加怒,以 是失之於易 大 必 故 書 處 説 賓 |人儘 不 也 正治莫若一「敬」字。如 毋 使 今如有 起「怒」字 敢 於 不 卑 容易明白 加 妻子乎 敬。」《孝 民 免怒詈。 也 則 怒者 如 父母 勢 承 惟敬 易 大祭。」用 經 夙 師 相 然時 則 所 長, 克治之功,尤當致謹 加, 日: 無 敬 其卑於我而 語 習 雖 不 此 事 心若 則 復 免 前 矣。 日 不 故 不 忿 出出 心 所 敢 也 此, 堪 不及 凡 怒 説 失 人情 遇 者, 道 習於 於 更 門 禮 我 理 臣 只 如

發 念 縱 發之前 口 念 撲 不足 也 一「忿」字, 煞如 思 八滅,此 子 舉 難」。 惜 力 日 事 : 自 皆 吾 時 克治,後豈 蓋忿怒之發,如 并 親 不 朝 自己 亦 敢 之忿,忘 此 不 忘 作主 利 念乎 親, 害 復 可 不 其 當 有 1 得。 身 不致 燎 救 畏 人子 以 乎 原 口 若非 及 之火,不 畏 輕 荷 其 故 於 吾 於 親 舉 身 未

怒乎 罪 於 吾 我 失 得 静言思之,不覺失笑也 罪 自 他 在 人,真是切 一人,何 預 吾 骨之恨。 事 而 當 人 代 或 爲 得

怒决 或 先 亦莫是私怒否?」 日 生 家,私怒只 不可 日 薛 所 河 謂 有,公怒决 東二十年治一「怒」字 見 怒 得 爲 亦 治 不 不去,便是他 同 日 己。」或 了, 有 不 示 可 公怒, 然。 無。 日 公怒 有 如宗 過 在 ネ 私 人 族中 去。 怒。 爲天下 處 家 ·有 私 確 劉

孝弟 兄弟 化,固 不 宜 則常 事 父母 分 也。 從 高曾以 他兄弟,舜 攸賴,豈 務令悛改。 皆一己之屬 之 苦 容 在 孝 ,則代 若 輕 卑 不 理 以 兄弟者 不 心 有虐我 爲極 -幼,當· 調 所 情 重 下 友, 解 以 可 -者乎 劑 遇 恕 而 能 妙。 爲 只 欺 必 俾 常 理 非 善處之,勿輕 妻子 佐 一,勿問 勿 則 孤 謝 作 力 之心 震 使 遣 外 鬬 不 傷 暴 無 請 過 何 勤 驚 人,即 僕婢 爲孝 幸有之, 如 若能 和 寡 痛 諸 家之中名義 服, 趺 可 我 ? 三 曰 等 氣 即 尊 癢 也。」或 足 者 弟。 父母 無 事 在 入! 先 曲 長 而 賢 己 宗 易 在 自 事 圃 則 安 兑 痛 者 彼 一,雖 黨羣 若 隄 彼, 動 當 公言之, 何 曰:「有 得 弟 爲 言 使 以 防,潛 如 凛 氣 痛 默 自 ; 象 父母 之矣。」 亦 曲 善 從間 然 哭 在 然 引 當 欲 消 在 在 外 陳 兄 咎 凌 弭 權 父 謨 方 况 曰 内, 戒 尤 我 有 或 口 則 其 雖 同

也,直謂之不孝不弟可也。」 佐鬭者,俗之所謂賢子弟,吾之所謂家賊

事,爲之適所以害之也。 之心愈切,愈 之屈己,乃所以爲之也。 雖爲宗戚 不 朋 得 友,亦屬己 一毫 意氣。 惟 私 百 邊 方調 意 事 氣 0 解 最 爲 之 僨 勸

### 名 利凡七條

然今之人猶馳騖而不返,何也?戒,亦止惡其害道,豈知受禍之毒如此!「名利」二字,昔山陰先生嘗諄諄致

始非 者未始非 義之和」。 今之所謂 害。 君子疾没世 名利 利 闇 聖 然之道 一人何 利又與害相 耳 0 | 當 而 義 本遠 名 絶 本 口 不稱」,又曰 與 於名, 不言名利 反 利 相 而 反 而 好 未 利 而 始 者未 利 但 好 不 者 非 義

> 之間 以身 日章 其孰能救之! • 此理 徇 而 的然之道,本近 己。 名 昭 以身徇 然,從來不 猶莫之悟, 羣然如撲火之蛾, 利, 又不 爽。 於名, 止 况 丽 在 今之人 未 利 始 害 章亡 直 不 是 日

謂之不行險也。 不享福禄,然處非 處之泰然,不可 君子 何嘗 不 謂之不 罹 其據,雖久而 患 難, 居易也。 然 順 受其 不敗,不 小人何 Œ 故 嘗 口

長。學者能臻此境,終身受用不盡。《中庸》卒章,歸之闇然潛伏,其味深

名之比。况立有宋仁厚之朝 知,忠愛之誠,皎如白日,大非後 坡公負 不 世 出 之才,遭 网 宫 事 世 特 不諱之 僞 達 才僞 之

名之 詩 投 而 紛紛 網 句 不 策 羅 Ē 真 可居 問 妄作,前 盈 可 搜 廷,公道 如 哀 摘 此。 也 車 無 屢覆 遺,終 吾不 昭 著,猶 ,後莫之鑒 知今人 身 負 不 罪 爲 更 以 時 相 何 死 所 所 率 容 恃 才 而

今世 聞 不聞 極 鋒芒圭 之中,而莫之辟」者也,况 庸》所云「人皆曰 之死,盆成之才殺之也。 成 別 験 括 大道,故 乎 號。 無 之 道者尚多,安得 或謂: ,不甚可畏乎? 用 所 角 之人 然彼 露露 謂 自 士不可不 恃才妄作, 聰 孟 耳。 一毫不得,一露 自 明 子言之,則小耳。 予智,驅 視,直是 强 「小有才」三字,元 幹者,由 聞道, 人 余 動 人 日: 惟其 而 大 觸 而 居今之世 觀孟子之 納 然。 有才 禍 僕 殺 諸 小有才而 即 機。 觀 之! 一罟擭 但齊 之, 是 豈 古之大 Œ 殺 乎 是 都 陷 臣 論 日 盆  $\sim$ 小 愚 是 之 1 阱 中 成 未 盆

吾師乎!.巧若拙,大辨若訥,大勇若怯者,吾師乎!

## 雨 牕 漫 筆凡十一條

字,真陷人阬阱, 不 母 不 獨 犯手。 兑 獨 不 處家庭,處他 是之兄弟」,真見 弟之間 朱 康 流 日 便 「天下無不是之父母, 已 其毒甚深, 泰 人亦 然,何不 到 爾。 之言。 吾 自 可 非大智, 無 知 處 不是」 此 之有 則 亦 希 四 父 無

向 舜之所 甚 何 事 誰 者。 未 難 告語 之 善,仍 無不是之父母, 惟其 有 以 常 唯 須 不違 於 有 非 幾 田 呼 道 諫。 道, 而 '號旻天而已矣。 悦 號 又不 只對人子言。 親 使 泣 此 舜 者也。 逆親 當 又 日 與於 ,是以 單 此 要悦 種 若處它 不孝之 心 難 耳。

之有過而 過,皆是一己之過。 父 母母 不 有 省,將不己之責而 過, 皆是人子之過 誰之父母兄弟,而 誰 責 乎 兄 弟 使 有

亦直 以 E 人之過 遂不 事 父 得。 母 乎? 固 直遂 當 幾 即是過。 諫 ,即於兄弟 己先 朋 有 過 友 間 何

之而異, 不人,只是誠 過有 切不可 小大,有 有 未 數,須積 至也 緩 急。 誠 諫之之法, 以 動之。 諫 亦 隨 有

乎? 復是 是 得 於兄 通 决 者 無 是其所是。 智者之所 弟以 是, 元 自是之理。 曰: 「天下無不是之父母」,斯言 兩 未 下,無 是非 始 是 無 實 則 况 何嘗 不是 也 窮, 不皆然,不幾於全 充類至 無論 不在 乎 不 謨蓋 不 1 義之盡,雖所謂 得是其 天 ·是則 大逆,當 蓋 下 甲 萬 通 既 所非 世 至矣。 是非, 一無是 時 避 旧 ", 並 絶 在 不 就 Z 至 不 我 非 至

> 下, 人必 安貼 聞 不 而 已矣。 有 失兄弟之好,胸 知謨 執; <del>而</del> 是 非。 屑屑争是非 蓋 都君之弟, 謨蓋 知殺人必執之法,然後 不較之義,然後可 象 曰 思 次 君 爲 何 乎 等 舜 ? 不 日 和 較 平,家 予 處 天子之父,殺 治 家 公私之間 庭 可治 族 仍 何 藹 等 天 然

寬展,臨事纔有把握。 學者常將舜、象事設身處地,胸中便

歸 者:將骨肉 諧 破,則父母兄弟之間 奸,略不指破,則象之耻 之待象,正 蒸乂之功,至此方得 M 已矣。 古人耻 是 爲仇,終身不解 吁 獨 耻 爲 1 君子 獨 可 爲 畏 .; ', 則 君子 哉 共爲 心還在,可徐 决 何 苦 裂有 君子。 如 同 心 ? 爲 不 愚 曰 : 謨 若 可 不 · 肖之 收 勝 蓋 若 説 克 舜

掩蓋,一味將順,於家庭謂之惡養天倫,於君子之愛人以德,不以姑息。 只一味

是 之心 化之, 心,固 治 事 與 宜 欲 鄭 事 仍 言與事之當言者,聖人豈肯輕易 不 他 固 日 ,萬 一,與 庫 生 伯 須 然 云 人 聖 人人禽 爲 其弟 0 之不幸,然 處 幾諫」,况自父母 IE 亦 無不 萬不 無 處 無 人 計 心 亦 謂 心 則知 須 日 叔 胸 積 淵 無 何 之 可説, 是之父母 臾 不 段 舜 中 復 慮,欲殺 兩 成 「又 舜之待象,不拘不 異 志 在 事 無 之, 人心 人 自 鄭 亦 父 何 正 事 之惡。 説 正 妙 伯 不 舜 母 以以 難 相 事,較 其弟; 便 欲假 ,只對 有 意 之 無 弟 焉」之意 天 以下 壞 權 感化父母 又 身上, 心, 壤 驕 事, 幸 若白 此 度。 有 乎 人子 京 虞帝 以 而 爲 焚蓋 舜 細 城 感 若 欲 舜、 不 感化父母 黑。 之不 緃 思 言, 處 太 弟之 化 同。 感 但 放 遇 二之變, 之自 象 心積 叔 觀 父 動 调 時 動 如 遇 較, 善 之可 舜 事 母 合 使 謨 乎? 而 它 終 得。 慮 之 弟 吾 吏 事 爲 弟 戀 絶 機 团

此,則 毫不 見矣。 裕。 歸 殺 不 和 未 又 子吾兄,真 絀,宜大 君之言, 人之謀,始 逆 在 敬 大 化,未必 如此,吾輩 露 親 既 機 克諧蒸乂之後 心 其 其父母 命,不 悠 免於難,并 完 括 相 故 見父母之辭 則益 廪 不 聖 仇 或 然床琴,不 復 故 浚 墮 藉 怨,而 行 多 人 未 弟思之,必 委之以 舜 井 奸 也。 此 此 行 知, 於 謀,舜 曖 前 不義之 舜 孝 此 及焚蓋 由 昧 想 事 色,必益 激 日呼天 友之 臣 贵 事 之 之 前 是 之處 不 庶 不 且 計 無 忿 遂 功。 此 無 愈 知 曰 之後,情 大 益 ; 號怨之態 耳 固 顯 間 此 : 其 中 加 及聞 感 已 已 按 如 神 又 後 見 有 舜之 和 此, 革 悟 焚 如 通 象 此 綽 敬 殺 鬱 蓋 面 此 見 吾 并 不 弟 相 口 陶 有 機 愈 事 革 猶 率 勢 吾 如 餘 想 加 可 思

尚 世 其 國法尊,一切權宜苟且之術,無所用之,爲 以窮事勢之變。 此等處,正高於周公使管叔一着也。孟子 瞽瞍居宫禁之内, 豈容有殺人之事乎 之言,特因 人,舜豈不知先事預防! 但舜决不使父有殺 殺 道 有疏漏。象在有庫之遠,●猶不得暴民, 一人,然後負逃,雖能曲全,亦已遲矣。 人心計不淺。 《桃應章》問答最好,最有關係文字, 桃應之設問 使後王知此, 學者須 人之事也。 加 舜之大智,不應 據 、善理 理以答之,所 則天倫重, 瞽瞍之爲 會。 若 聽 Ť

三九七

### 書辰夏雜言後

客閱之,稱善良久,笑睨某曰:「莫又犯亂說自是之病否?」某起謝曰:「然,正確之所謂不能自醫者也。」客又愀然言:「吾儕不幸遭荒亂,惟是克勤克儉,百倍前人,猶懼弗及。修身治家之要,宜無亟於此,而子遺之,何也?」曰:「非敢遺也。竊聞之張元岵先生:『有勤儉而不孝友者,未聞之張元岵先生:『有勤儉而不孝友者,未聞之張元岵先生:『有勤儉而不孝友者,未聞之張元岵先生:『有勤儉而不孝友者,未計談五人,猶懼,而子遺之,何也?」曰:「非敢遺也。竊計談音人,猶懼,因之,稱善良久,笑睨某曰:「莫又犯亂說自是之病否?」某起謝曰:「莫又犯亂說自是之病否?」某起謝曰:「莫又犯亂說自是之病否?」某起謝曰:「莫又犯亂說自是之病否?」其起謝曰:「莫又犯亂說自是之病否?」其起謝曰:「莫又犯亂說自是之病否?」其起謝曰:「莫又犯亂說自是之病否?」其起謝曰:「莫又

辨

海寧陳確著 族玄孫敬璋編校

損也。 王之令典在,非確之愚所 者,以類推之。若以禮,則自有先聖 者著於篇,使學者知所戒焉。 古之君子所不敢出也。今略條 非禮之禮,懵俗恬不知怪,而學 得自增 有未盡 其 甚

三九九

#### 四〇〇

#### 婚 嫁 第

幣 聘之用 黄 白 非 禮 也 衡 量 豐 薄 如 市

賈 然,非之非 者也。

禮有讓無争。

雖 富 且 貴,幣踰十 焉, 非 禮 也。 士 庶之家,

釵 釧 用 金 飾 以 珠 玉, 皆 非 禮 也 幣 聘之

有 回 盤 非 禮 也。 嫁女備物, 非禮 也。 又

誨盗之尤。

迎

而

衒之,非之非

者也。

送女,非禮也。母送之,尤非 -禮也。

《春秋》廢親迎之禮,故 有送。 今兼 用

之,甚無謂

與 舅姑並坐主婚,非之非者也。

謂 翁 則 與 舅 姆 則與 姑。

主婚 非禮也。

> 謂 雖 舅 姑, 亦 無 主 婚禮

拜 天 地 亦亦 非 禮 也

不 婚 而 初 日,非禮 入門,設香案拜,可 也 華筵方丈,宴新 也 翁,

宴

或又倍之,及舉優,非之非者也 綽 卓,非

非 禮也。 禮

也。

饋

遺之煩數,

非禮

也。

廢

産

婚

嫁,

#### 喪 葬 第 | 唁弔附

棺不素具,非禮也。 棺衣之致飾,非 禮

也。

油 自天子至庶人,各有 各 有 限 制 衣衾 亦然。 所宜。 古 朱 人 木 黑漆 殮 以

時服,即 用 生 時常服之衣,最得 禮 意。

至 數丈,非之非 者 也。

饌奠,非禮

也

其

甚

者

華

筵方丈,又甚者

禮 ,既葬始祭,設几 筵。

鼓銃佛事之飾耳目,非禮也。五服之親分

孝布,非禮也。

餘,而 何居? 至親 有 五 喪, 有 服 義 服者各自 之親 當當 各効 有 極 製。 所有 貧 不能 若喪家力有 而 自製者, 反 費之,

量分一二則可。

成服之奠拜,非禮也。

禮,成服,尊幼各相向哭,無拜奠死者

之禮,亦無拜主服之禮。

婦女代哭,非禮也。

《家禮》有代哭。蓋初喪哀甚,人子哭

葬而卒哭止代哭者,則哭有常時矣,無常時,每更代相哭,不絶聲也。既

非替代之代可知。哭豈可僞代

者耶

裸浴,非禮也。

禮,侍者抗衾而浴。

禮 非 孤 也 ,,,, 也 禮 閉 也。 而 靈 其 己。 接煞,遣煞,及七七之説 甚者舉優 謝 慰,非 備書衆子孫 禮 ,非之非者也 也。 於柬,如家譜然, 以 酒 饌 娱 ,皆非禮 非

自喪家不飲酒食肉始。

送程、折程、回帛、折帛、折席,及犒舟從之

類,皆非禮也。

者,量送之;若主人亦貧,則已。客,益無謂。貧士遠弔,力不能東帛是弔禮,反致弔客,且致無

停柩,非禮也。

已! 凡古禮之宜恪遵如此。停于寢,懼有水火不時之災,抱恨何禮,三日而殯,蓋殮之日即殯矣。露

弛葬、在三月之外。擇葬、圖度風水。遠葬,出紀己! 凡古禮之宜恪遵如此。

皆非禮也。不以日,以夜,非禮也。

見星而行者,惟罪人與奔親之喪。故

具

舟

服

之

以 雖 人之親 日 遇 以 日 夜 店 食 殊乖 患 必 故 止柩。 也。 慎 《重意。 今俗行 君子行禮,不 柩及 《葬,不 以

不避雨雪,非禮也。

拘忌時日,冒雨雪行喪。

也。 隧 葬 ,皆非禮 不族、不序、不坎、不 並詳《葬經》註 也 環築穴城,樹竹雜木,非 破 産 而 深、不 葬,非禮 實、 也。 不 懸 棺 禮 而

廢先業 事之不可繼 廟 非 人子之葬其親也。 也。 今廢 加 後 者, 産, 能 襄 皆禮之所不出也。 不 事 將 是 喪不 憂 爲 無 親之自葬 祭乎? 慮居,爲 無 莫

可推矣。

大於父母

之喪,而

猶

重

廢

先業,則

餘

送殮之用紙錠、非禮也。

所 有 資 有 致之。 於 公含殮 者,如 送米即 綿 送飯 布 米 意。 之 類, 飯 多 各 隨 則

致盛祭,非禮也。

明

末舉人,殉節

明

桐鄉縣學

生,稱

楊

康

先

生。

開

美諱淵,

海

寧人

致

石

灰

石

極

有

理。

璋案:

考夫諱履祥。

虚

費耳。

吾友張

考夫

送

祝

開

美之喪,

數尺,米數升,皆有

實

用

遠

勝

紙

錠

之

易敗,不若送米之有益於

喪

家。

雖

布

乎! 最 不 嫁女送殮,俗 可 踰 恨。 五, 諸 庶 親 使 羞 亦然。 折 不 有 其 踰 敲 半助 士牲 牲 門 羹 喪 飯 不 家,不亦 踰三,大夫 費 每 不 兩 貲, 得

及舟從之類,皆非禮也。 受席、謂折席。 受程

帛

祭祀第三齋供附

主皆南面,非禮也。

#### 昭穆爲妥。

卡奇·D。 发子之系, 丰豊·D。 不以時, 非禮也。以祭神之餕祭先, 非之

非者也。支子之祭,非禮也。

祭從宗子。

墓祭,非禮也。

春秋掃拜,歸祭于廟,禮也。

中元之施食,尤非禮也。禱賽,非禮也。

祭梓潼、關帝,及朔望獻佛之類,皆非禮

也。設齋供僧,縱婦女人廟燒香,非之非

愚俗有一齋費百金以上者。

者

也

#### 宴飲第四

羅列,非禮也。

大夫自己 貧 七至不 五 能 簋 具 以 上,士 脱 粟, 復 自 奚  $\equiv$ 論 簋 簋 以 數 上 乎 若

菽水療飢,仁者必樂享之,備物

奚爲

觴 優 而 言 雜 政 飲 進,非 煩 苛, 非 禮 之 1 也 非 畫 者 夜,皆非禮 舟從 也。 飯 友朋 不 也。 及時,不飽,皆 時 集,不言學 甚者 至 娼

非禮也。

敬主及使。

#### 衣服第五

素士衣羅穀,非禮也。爲下褻衣,尤非

禮也。

袴。」 許 舊 性 破 矣, 布 極 淮 許 儉 陽 袴 終不忍 亦出 樸 先 示 生 許 示之 兩 見 日 棄 -, 人 某 日 之。 傷 布 某 風 政 「某 平 俗 從 , 其 之弊 生 袴 者 同 不 皆 不 出出 籍 惟 會 相 友 布, 著 顧 所 也 著 咋 紬 且

舌。 明進士,官淮安知府。 無以對此老。」 璋案: 行,即衣食之細,不可不謹。 先生歸, 語 確 日 許公諱令典,字同生,前 : 學 者 不然, 設 誠 幾 制

飾 非禮也。 及嬰孺及僕婢,尤非禮也。 女衣之不合,非之非者也 衣袵不合,

續 袵 鉤邊、古制也。 今女衫 四 邊皆

開、怪甚。

之非者也。 衣裳之短露,甚 見其 襪結,女衣亦然,尤非

短無見膚。

領皆純素,非禮也

領緣 皆爲之,不祥莫大。 用白,謂 之純 素,孤子之衣。今

#### 慶 賀 第 六拜繼附

慶生,非禮也。

劬勞之辰,更爲宴樂,仁人君子之所

隱也。

衿一舉之榮而言賀,非禮 也

受賀者爲無 耻,賀者爲不敬,謂

相

期

待之薄也。

彌月拏週之饗客,非禮 也。

即 慶生之權 輿。 老猶 不可, 况 嬰兒

ļ

乎 命,亦 且受賀享客,費己費人,傷 非父母愛育嬰兒、保祈福 佑之 殘 物

意也。

者也。 責禮於外家,若貢額之不可闕, 非 之非

嫁事甫畢,生育紛然,每遇此等,若點

有人心乎? 且所求又是種種無益之一解户女,更不諒,反誅求無已,可謂

事,决宜删之。

不禁,非禮也。 三姑六婆,出入廝役之賤,非之非者也。 三姑六婆,出入繼拜父母,非禮也。繼及神佛及漁婆賣婆

# 乾初先生别集卷三

海寧陳確著 族玄孫敬璋編校

### 叢桂堂家約

### 叢柱堂家約序

者也。 之所當守,而後二言,抑亦今日之所宜致 格難行。 以貨財爲禮。」曰: 國無道,君子耻盈禮焉。」前兩言者,固吾家 《記》曰 予兄弟近與 亦莫之行耳,豈真難 禮 不下庶人。」曰 同 國奢則示之以 志發明素位之學, 行哉 : 一儉。」 貧 者 子路 日 格 思

推也。 詩「盤 亦得 具肉 之恒 即爲不類,衆共黜之。 先人之志,具爲 惟予家,蓋易簡 家無大於父母,事無大於養生送死,而 斂手足形,還葬 也。」子曰:「 也,權於接賓客之禮,而 故權於事父母之禮, 以素位行之,又何况於子女之愛,教 主大勞費。 有典衣買 速飽; 規者乎! `,艸蔬脱粟,應時出饟,主既不費,而 傷 一雅市 然則家豈復有 哉 肉 貧 遠 君子於斯三主,當何去從? 有慚不敢言飯,使客忍飢而 晡 也 嗓菽 無 而 約,以 客午至,宜飯。 而 兼味」,得素位之理 時始具,客即得 無槨,稱其財 飲 生無以爲養,死無以 天下之理得 水、盡 而所以撫卑幼 遺 難 子孫。 所以待親暱者愈 行之禮乎哉! 其歡,斯之謂 ,斯之謂禮。」 矣。 主人貧 有渝約者, 肉 而 於是本 者 矣。 養 久 口 不 婚 猶 去, 爲 飢 杜 禮 客 能 推 嫁 口 미

勿 聽 先 樂 兒 養 寄 乎 人嘗云「養 女始生, 其 福 拜 1 啼 彌 月 父 號 未 何 母 周 離 喜 未 毋 及 歲 勤 小兒寧饑 乳, 兒 知 神 勿 其 抱 女之生 佛 勿 能 受 持 與 賣 人 長 毋 肉 婆、漁婆之類 賀, 育 乃 輕 飽, 食 與 所 賤 勿 及 否, 以 寧 開 衆 糕

生

以

爲

宴

兄互

相

師

教。

吾伯兄幼嘗從

吾父游,

吾

與

果

之

類。

兩

弟

幼

從

伯

兄游

~,季

確

又

幼

從予

游,

此

子

喜

筵。

凡

詞

取

明

理

達

意

而

止

毋

令習爲浮華

不

根

之

詩

文,俟其

文義

會

通

漸

有

種

躍

然

欲

自

且

一令流覽史傳

以

裕

養

本

源

勿

亟

開

筆

作

見之意,

然

後

迎

其

機

而

道

之,

亦

易

就

也

E

當

惜

物

文,養成

虚誕。

貧

不能

具

脩脯

則

伯

叔

父

就 塾

切

戒

忠 以 實 爲之 爲 六 七 師 本, 歲 加 先 以 讀 上 須 書 教 漸 習字次之。 以 有 循 知 禮 識 節 擇 經書 知 端 孝 重 敬, 既 鄉 敦 塾

初先生别

集卷三

冠 舉 行 略 《家禮 》爲之。

闕。

如

可

婚

聘 積 德 有 禮、 貧 士之家、 T. 質 織 者 爲

四 [〇七 安

全

之也。

静

默

恭勤,

惟

令習

織

紉

烹調

之事

勿工

績

~,尤當

繡

,及通文墨。

寒

毋

)媛,寧

家

法

也

子弟

患

無

志

何

患

無資!

教女,

者,可 孫 附 藉 他 非 用 布 季 金 上 吾父婚,倉猝不成 亦 禮 綾 確 日 記 以 以 質 外 紵 起 聘 也 六 於 釵 足爲 也 産 此, 禮 王父以歸,吾父藉 釧 家 於王,亦 若在 爲 此 皆 釵 禮。 質産,尤 以 禮 幣 則 大明士庶禮 銀 明 也。 質 茶 廿 不 不 産 不 産 果之費, 金 成 得 廢之産,非 不 貧 雖 非 幣,質田 以 用 土 可廢之意 非 禮 内,不 幣 金 稱 也 禮 也。 質 此 雖 情 起家。 猶 幣 有 量 聘 田 八畝 備 然 而 非 勝 不 力,不 之 力, 六 物 子 吾 畝 用 過 廢 附 欲 吾父 而 誰 錫 王 産, 季 聘 黄 四 從 父 我 過 釵 歸 棉 爲 折 故 亦 爲 不 子 #

> 然。 之。 之, 方 寧 脈 至 昆 迎 常常 一婿 留 弟 盒 미 賢 ',若祖 家。 作 始 則 不 通 愚 奩 之道 主 自 另 雖 乃 産 人 檝 有 致 父分 可 可 雖 也。 力, 女, 贈 見。 也 極 産 不 後 即 貧 不 不受聘 踰 各 照 可 必 授 雖 奩 單 有 以 **奩**産,若 贏 免 單。 贏 次 分 不 外 金 産 輪 任 叫 貸 凡 不 助 0 且皆 廢 嫁 辦 不 此 産 女, П 物 親 婚 續 賠 盤 送 置者 諸 家 喪 以 女 亦 不 血 助 父

#### 

梳 脚 面 梳 小 鋪 衣 爐 杌 卓 陳 盆 匣 厨 頭 二條 張 副 個 個 個 口 琴凳 床 布 燈 鏡 衣 衣 架 箱 帳 衣 臺 箱 襲 座 條 個 隻 П 床 紬 燭 大 銅 面 火 架 幔 衣 千 杌 箱 鏡 頭 二條 襲 對 座 面 隻

嫁

不

慕

財勢,不

 $\dot{+}$ 

年不

字。

必

千

年

而

婿

又

馬

用質

了以襲浮文

族

葬,深葬,實

葬

並

詳

確

《 葬

説

8

不信

門簾一條 麵桶一隻 脚桶一隻

右費共約卅金。有力者視此,無力者

行喪。

葬

師

不

拘

年

月

日

時。

不

香,

不

雨

雪

任減之,更無限制。

棺須預製,美惡稱家爲之,切勿高大,

周身而止。衣用生時所常服時服。不用

僧道吹銃,不接遣煞,不立七七名色。不

間設醴。不折席,不送程帛及舟從。不設設酒肉,惟高年遠客,間設一二味,及隆寒

孝,不閉靈,不停喪。

葬

盛奠,

力

辭

親

友

《盛奠。

不

用紙錠。

不

謝

喪

祭

祭止二時。支子不祭,祭從宗子。

墓祭,春秋掃拜,歸祭于寢。祧主之墓,拜而不祭。

不

不

祭非鬼。如佛、梓橦壽亭及華光之類。

**讌** 

雖燕新親,勿踰五簋。常會不踰三

不舉優,不沉湎。

雜約

官糧不違限 不與人争財産 不興

四〇九

姑六婆 訟 之力 毋 失 不 不 一時 貮 訟 負 權 不 人 不 不 令人 輕 貸 量 求 收 勝 門 僮 不 不 僕 盡 窮 不 婦 婢 親 追 輕 女 友 貸 人 不 之 貸 不 人 人 情 褻 寺 使 不 不 門 婢 刻 輕 不 女 盡 收 貸 農 於 僮 佃 桑 僕 租

講,宜 錯 者, 木 葬 用 舜 類 約 所 一所謂 推之, 中 易惑,故 ௱ 之道,得 即 最 空 孝 聞 四 吾子弟自幼 談 友 切 之已 則 精 友 Ŧī. 性 敦 要 無 之 梬, 力 肫 命,故 事 睦,家之本 之 在 非 熟。 理 肫 無 但 道 學 \_\_\_ 於 致 過 盡 終 義矣。 讀 惟 介不 也 斯 戒。 棺 其 心 夫 書, 而 槨 身 料 取予 非 寓。 而 教。 吾子弟 經 尹 不 理 俗 禮 史 貧 耕 知 ·, 只 之禮, 儒 有 所 吾 家 雖 道 莘 罔 未 載 能 約 四 用 是分毫 野 盡 識 率  $\equiv$ 最 樂 獨 即 師 者, 梬 金 由 如 舍 愚 不 友 堯、 無 杉 喪 以 俗 斯 所 及 H

> 之心, 旁篩 百 可 庸 貧 有 謂 朽,雖塋封高敞,致 上 而 而 不 分毫 無 家 有 制 杉 金以易朽木。 亦 慎 棺 産 或 既 禮 細 足爲 亦復 哉 寶不 之益 業者,必鬻身 天 乎 而 土,實築之, 下 深葬者。 固 何憾 否乎? 安 口 如 虚 危 礻 實之間 是。 力不能 及 慎 理 欺 壙 永 飾 富 哉 亂 聖 而 必 己 虚 巨 貴 無 之機,亦 學術之 具槨 教衰息 口 鬻 欺 萬 則 之家, 水 也。 産 其 人,於所 容水,葬淺 蟻之患,於 後 深 實 先王因 可 于 邪 倉猝買 坎 不 襄 斯 競 正 而 及 生 事 决 虚 判 葬 亦 向 則 矣。 材, 矣, 名 棺 彼 曾 速 所

# 乾初先生别集卷四

海寧陳確著 族玄孫敬璋編校

補新婦 譜敬璋案: 王晫《檀几叢書》載是譜,接陸

## 圻《新婦譜》後,作新婦譜

補

跋

陸子新婦譜後

焉。 則略而弗講; 父母之膏血以奉之,猶若未足,至 夫,皆『做得起』三字實基之禍焉。」 《詩》 嫁雖 余怪世之嫁女者不從禮 靡乎,飾鉛刀以實玉,亦 刺 牝鷄之晨、《春秋》 非惟弗講而 已,反教之 而從俗 悪 婦婦 失 於 , 0 竭 痛 其 升木 乘 女 其 德 矣 本

> 城,麗京言:「吾頃嫁女,牽犬而 哉,吾麗京子之言也! 去冬,晤麗 苟知其意,則忠孝油然 宜蚤讀之。 請卒讀之,作而嘆曰:「至哉子言! 然請讀,甫畢《做得起》一節,文已快極。 意更補一二則,續貂尾 弟友譜》,奚不可!」此非獨確之言也,凡麗 婦,即舊婦,宜亟讀之。 會麗京有事欲别,不容竟讀,即 京之友之言也。於是確亦不自揣,竊以己 「大意已盡於此。」余心知麗京意,然未 新婦譜》一册。子謂我嫁女何如?」余欣 日忘我麗京之所謂《新婦譜》也 今年正月,有山陰之役,便道 豈惟婦女,即男子,宜共讀之。 ,附不朽焉。 而 豈惟爲婦,即幼女, 生。 雖 袖 外,惟 日 過麗京, 去,曰: 此《子臣 京 豈惟新 於邑 遺 能 以

●「禮」,惜本作「理」。

**絶尼 姑**《叢書》作「尼人」

尼人。 見怪。 還,不 件 事 字。 輩 要義。《叢書》此 概絶之。 恭順 蹤 《叢書》作「節」。 隨之而人,不 迹 三姑六婆,必不可使入門,尤當痛 無異 雖有 且或以 ,惟此 漸 蓋 疏 同之嫌,然 真 容一真尼而諸僞尼亦 家 一節《叢書》作 嚴見憚、《叢書》此 脩尼人、《叢書》作「真修者」 好事 有「也」字。 風 可却矣。 清楚, 也。 新 婦 雖 亦 事」。 荷 賢 或 此 是 素 新 肅 有「使」字。 孝 固執,亦 嘗 婦 閨 《叢書》無此 素 與 門 人門 著 姑 第 此 往 絶 不 事 亦

不看劇

新婦切不可入廟游山,及街上一切走

爲 世 《叢書》作「敢以勸凡爲婦女者」。 宴喜《叢書》作「喜宴」。 言,若主家者雖有喜宴不得聚優。」 之!」女笑 曰:「吾《叢書》作 日 婦禮不當預席,或 云:「在主家者自須豫絶此等。」内 馬、走索、賽會等戲,俱 節,差足免俗,更《叢書》作「復」。 所 解, 歸 謂 寧,笑謂 期 戲 必 文 獲 而 者 退。 父 命 日 「而父」。 何 丽 : 「吾年 敢 後已。 辭 如。」《叢書》此三字無。 偶舉 以 以疾,或 不 爲 素不能教女, 原 可 優觴、叢 凡 近三十,終不 確有女既嫁, 外 注云: 出 爲婦 僅 以 看。 隔 「此單爲新 中 何用 女者 書》 饋 即 簾 此 求 惟 無 家 勸 下 知 此 暇 確 知 新 有 婦 注

聽言

言某人説新婦不好,即《叢書》作「便當」。反求婢女傳言,往往失真,切不可聽。若

妹姑 説 雖 事 及他人不好《叢書》作「如言及人不好」。 當《叢書》作「須」。 耳且不忍聞,况口 「古人」。云:「聞人過失,如聞父母之名。」 邊」二字。 論 而 至言人閨 戒,勿令妄言,以啓搬鬭之漸。 姑 完,須徐徐 亦不得助 真假,置若罔 速改之,勿加忿怒。 嫂 及 娣 諸 婢女言之,●則須《叢書》作「便當」。 閫 姒 尊長言之、《叢書》無「之」字。 間 事《叢書》作「言及人家閨闘事」。 順一語,默受而已。 云恐傳 塞耳。 相 聞。 聚 可得《叢書 閑 若自己《叢書》此下有 聞 雖如 論 若言他人 未 傳 真」,此 祚 《叢書》此字無。 説 「顯」。 流言,若 古《叢 不 厚道 俟其 及閨 言乎 好, 書 也。 亦 》作 「身 人 姊 尤 無 闁 Ť 痛

之。 加 若小事 叫 婢 僕 責、《叢書》作「怒」。 相 」, 雖 訴 。《叢書》有 有 曲直,須云「此何足較 須徐察其實 「切」字。 不 可 而 偏 諭 聽 解

> 子也。 袒。 家主聞之,反 言,不動 冤,只是不管。《叢書》作「亦只莫管」。 理 理,使從實禀 不得多言、《叢書》作「毋多言」。 斷,不可 若訴出《叢書》無此字。 如 從中有 Щ ,胸中却自有分曉,此女中 公 取 姑 責 所 丈 不 大理 左右。《叢書》作「從中 便」。 公家僕婢 之,須 若大事 倘 《叢書》作 聽 凡 不 雖 聞 可不 果 外 ·君 負 廂 偏

# **勸夫 孝**《叢書》在「責僕婢」一條後

心。 恃 盡 一孝道」。 《叢書》作「勿恃」。 古云《叢書》作「語云」。 新 婦不惟自己要力行孝道、《叢書》作 尤要《叢書》作「當」。 父母之愛而 「孝衰於妻子」,此 勸 夫 稍弛孝敬之 盡孝,不 要 口

●「婢」、《檀几叢書》作「婦」。

字。 公姑 語 《叢書》作「繇」。婦之不德,致使吾夫有二心於 悦《叢書》作「快」。 乃見新婦之賢。 身,俾夫之孝德 丈夫改過盡 《叢書》作「已」。 極《叢書》作「言絶」。 要使丈夫蹤 ,非獨丈夫之罪 門, 以 孝《叢書》作「盡孝改過」。 此 事 更《叢書》作「倍」。 便當脱簪待罪,曰:「此緣 跡 若丈夫小 《叢書》作「以 常密於父母 미 也。」必使 痛。● ,有違· 《叢書 勸夫孝」。 《叢書》作「令」。 言,公姑不 篤於往時 而 影此下 而後止。 疏 有「今」 於己 爲 第

# 夫妻相禮按此條《叢書》不載

上,皆雙禮,皆婦先之。 每晨必相禮。夫自遠出歸,由隔宿以

## 和 妯 娌按《叢書》無「和」字

者也。 孝,觸公姑之怒者也。 叔 到 大伯大娘賢孝,得公姑之歡者 有争執,此不達之甚也。大人胸中如天 之恩稍《叢書》作「微」。 者有之。 以。 嬸 般,有何偏 《叢書》作「往」。 嬸,必是小叔嬸嬸賢孝,得公姑之歡 妯娌之不 兄弟一 娣姒之間 薄於己夫與己,必是己夫妻不 此最《叢書》作「極」。 氣, 見! 和,固 夫家,第一 自自 必 無 若厚於大伯大娘, 私 有厚薄,便生嫉忌, 非 異 自 「薄於己夫」以下 心, 利 要和 端,大約 致 往 可 往 也。 傷 妯 恨 娌 事 兄 因《叢書》作 厚 以 弟 也 一段 於小 必是 公 之 賢 地 便 姑 和 今

<sup>■「</sup>此語極可痛」、《檀几叢書》作「此言極可痛心」。

書》無。 和 要好」六字。 己 因 公姑或《叢書》此字無。 姊妹,此最爲《叢書》作 如 美受惡。」大 與大娘嬸 治」四字。 一,則當 而 《叢書》作「常」。 「時」。 不 正 平 深 當 娘 嬸。 有 務 久之自 致 自 自 嬸 使 不 有 抑 《叢書》云: 反, 嬸 娣 若 堪 没言。 損。 姒 然 弗聞、《叢書》此下有 叢書》云: 負 相 之間 感 有 罪 加, 「則可謂 與 化 回 引慝 「凡百分物, 若公姑獨 我 嗔作喜之時,不 情 好 味 如 《叢書 , 如 或 物, 順 改 吉祥善事 妯 《叢書》 過 受, 娌 》此下有 讓多受寡 則 厚 中。 自 一只 再 己 聞 》作 新 是 悪 倘 夫 自 同。 陪 讓 推 與 口 庶 《叢 相 面

## 待婢妾

妾,或 或 公姑 新 飾 婦 年老 婢 成 進 婚 急欲 之。 後 數 即 得 年 己 孫 無 既 須 子, 有子, 及蚤 或 丈 勸 而 夫不 丈夫 丈 夫 耐 或 取

> 更欲 防 須 母 妬 力之人,當《叢 (厚、《叢 不不 其 在 七出 置 出 可 妾, 謂 書》作 之條 無 以 謹 預 書》作「自當」。 廣 優」。 飭 稍 我 生 閨 形辭 《叢書》作 育, 門, 夫喜 無 色,便不成人矣。 稍 口口。 亦喜,情 非 歡 有 爲 差 欣 新 事 順 池 婦 受 也 同 責 代 姊妹。 恩禮 勞 歸 但 替 主 須

### 抱子

啼哭 達 矣。 過 云 飲 衣 胎 於 用 有 愛惜。 節 滯 可 稀 小 凡 若要小兒安,常帶三分飢 日 日 兒 布, 」,不須惜之。 也。 生養子女,固不可 初 不 寧 生,勿勤 愛惜太過 醫云「小 過三次,夜至 薄 毋 厚, 抱持,裹而置之, 《叢書 見頓 乃 則愛之適所 所 》作 足 不愛惜, 雞 以 啼哭,所 無 將 與 安之也。 鳴 須憐惜」。 寒。」 飲 以 亦 聽其 害之 蓋 以 不 次。 語 乳 官 미

珠 物 提 爲 須 此 飽 殺之。 帽帽 家 暖 哂 耶 月 切 看, 習 誨 不 反 團 盗, 矣。 可 生 《叢書》作「從簡」。 父命之禮 元 令着 繡衣裹溺 疾 氣 滿 病 月 與後 身。 拏 此 如是 週 易 稍 天斲 無 曉 論 即 止矣,受賀饗客 男子生三月鬌, 明 也 喪 非 是 理 者 慶 從 者 珠 不 生張 樸之道 ,必不當 帽 同 繡 本 衣 + 何 並 隨 等 分 女 丽

# **責 僕 婢**按《叢書》在「聽言」條後

只忍 之。 字。 貸 法 一,勿以 汝,下次 不可自 倘公姑丈夫 耐 凡 僕 去,須云「爾等 前告不聽,而 婢雖 莫再 加 鞭 有 扑,必禀公姑丈夫,請 必 犯。 大過當責、《叢書》此 《叢書》作「决」。 擅 罪 若 自笞責 實 再 難 犯, 饒 也 不肯責 家 亦 《叢 只 主 下 有「萬 用 法 書 介亦 治 此 外

> 書》此 婦 作 便 下。 愈尊 擅 四字無 自 責 重 自 治 矣。 然 也 \_\_\_ 畏 立 蓋 服 威 凡 不 事 如 必 持之以 此 鞭 扑 則 然 體 IE 不 後 羣 褻, 口 小 以 而 叢 書 新 養

## 失物

尤不 搜索。 辭。若公家僕 着 萬 非」字上 不可 書 一有失, 可妄指 凡物自當 搜出 有「招」字。 「深思 猜 此 人 而 則 切 及 自 婢 謹 喪 每 戒 增添 輕 己 也。 及 守, 其 因 不 聽 他 廉 失 防 閒 能 人言, 家 耻,搜不 物,反惹是 閑 氣 謹 人衆、《叢 有法 守之過, 此不可不 輒 出 至 勿 則 僕 書 非 令失 业 Ħ. 彼 婢 , 《叢 深 房 只 反 字 戒 所 書 無 忍 有 中

要做 者有 先 内 家 勝 書 力 日 爲 中 時 計 往 [人婦 新 道 外 即 暇 之事 婦 之。 事 則 日落 勤 時 往 裕 他日受代當 貪 嬾! 務 儉 難 雖 暇 尤 以 則 並, 《叢書》此有「乃」字。 新 語云「家貧 變矣。 裕 要講 並須及蚤趕《叢書》作「趲」。 易 時 《叢書》「以」字無。 好閒 國之經 婦 須 爲 不 後 無 究 細 勝 功。 時 多 戒 預 家之人,故 心 内 則 之! 費妄 每見 外 綜 亦治家之經也 思賢 顧之憂,并學業亦 先 忙 事 理 之勞之」,爲 促。 用, ,寬 人家丈夫姿禀絶 戒之! 其 妻」,此至言 治家之本, 而 養成 妻好佚妄用 須 忙 呵 今 預 不 日 促 、習勤 習 弛,方合 房 凡家 則 完。 氣 治 中 難 爲 無 儉。 也 讀 裹 異 廢 事 《叢 爲 蓋

> 大病 之需 分,甘 切 切新 勿妄用 也 淡泊 隨 奇 文。 美 手 家 喜 用 好 雖 布 盡 之物,若 富 素。 凡 厚, 俗 物 語 見 常 須 不 所 世 要 留 干 謂 間 贏 安 我 眼 珍 餘 **《叢** 實 事,方是 書》作 前 以 錦 花 待 繒, 不 守 , 有 及 時 此

## 有料理有收拾

識

見

婦婦

者爲 謂 便 婦 理 是 正 一,縱 勤 有 自 收 如 拾 讀 無 得 儉 凡 己 使 物 書 之。 心 料 中 窮 極 要有 人只 E 理 最 學 勤 做 之 蓋 間 吃 極 讀 法, 收 凡 出 緊 儉, 死 拾, 事 雖 工 惟 亦非 書 虚 其 如 夫。 凡 用 1 心 日 實 事 意 言 訪 無 用 深 與 苟 要 説 求, 飲 用 **《** 叢 不 無 有 口 處 食 盡,皆 勤 收 料 只 書 》作 也 拾 管 理 不 煮 要 「深 儉 没 粥 在 但 此 詳 同 煮 新 料 所 又

四七

初先生别集

卷

《叢書》此有「人」字。作文,愈造愈妙,更 作家,俱臻上乘矣。 止 原自無窮,而可鹵莽滅裂乎? 至,亦自有精細工夫。 飯,至庸至易,愚不肖咸與知能,苟求 新婦惟能不自是而處處用 况進而 上之,道 心,則 亦如 做 無底 讀 其 書 理

## 乾初先生别集卷五

海寧陳確著 族玄孫

敬璋編校

先世遺事紀略

節而紀之,以俟博聞者更考正焉。 有休德,而闕焉罔載,心竊隱之。雄自幼穉,入侍家庭,出從父執,獲聞先自幼穉,入侍家庭,出從父執,獲聞先世一二遺事,則拱而聽之,勿敢忘。確並詳大傳,奕世不泯,自高祖而下,代並詳大傳,奕世不泯,自高祖梅崗公而上,

高 祖 裕 號 梅 梅岡 岡 公敬 廪 貢 璋 生 案 授 養 江 南 閒 吴江 公長 縣 子,諱中 訓 導 事 益 詳《家 字 守

仕 復, 凰 仲 霍 授河南固始縣訓導。 先是,公父養閒公實始倡學,教諸子弟, 心 世 名,亦後公生,璋案: 羣季,雖公諸 公才最盛,年最長,鋭然以古學自任,率先 邱縣知 有 岡 季若雙 傳 , 字 性爲 守 稱 公案:公諱中節,字守安,嘉靖壬午舉人,官江 公高 名聲,皆淑 初 縣。 其 渠 選 敏惠亢直,少有遠志。 主, 才博學,工詩古文, 洎 貢 公、 父 從 屬 官 案 弟 中,若蕙溪公之敏 無 文 江 公學居多。 南 冽 不師學公者。 公諱中孚,字守信。 日 蕙溪公諱緒,字士延,歲貢生 霍 泉公,案: 數千言,其 Щ 縣 知 縣 ൬ 尤 柳莊公長子 其學以 于是公之 公僅 並 邃 正 正 大 學 遜 德舉人。 概 理 成 有 以 學。 也。 存 選 而 高 而 中 南

> 世矣。 力哉 韓負 此 歡。 動。 時諸父昆 自遷祖來,六世至公,始以文 幼師學公。 戊戌進士,官順天府尹,吏部左侍郎。 父南竹公,案:公諱經,字士綸。 成化丙午,卒嘉 貢 薄 司 公嘗 韓 訓 才不 時 韓 陰資 雖 吴江 開 也。 雅敬公,實 聘 季 覊,喜市 之者, 公所 其 卒 查京 四 遂奕奕競 靖己亥。 市 明 于 陶 緊誰 兆 飲,而深 韓 飲,而 官, 成 近 太 生 相 甚衆。 爽,至 ]1] 年 之力哉! 史 不 枘鑿 公性 五 公案 德之。 應 盡 + 以 龍授 其才, 一, 獨 於今,簪 學 「端方, 公之妹壻, 嗟 有 豪 公諱秉彝 開 乎 公亦 四 與 氣 諸子 荒 ! 繄 公公 時 相 非 案 誰 一之諸 纓 吾 論 圃 不 浹 禮 經。 公 之 累 家 弗 惜 以 甚 自 靖 生

曾祖鳴梧公璋案:梅岡公次子,諱公廷,字曰臚,

號鳴梧,邑庠生,事詳《家傳》。

快故 拓 猪 大夫、宮保、禮部尚 庠生,以子與郊貴,贈吏科給事 從父風 喜 此自喜,命飲 公常饌,亦 未 頭 首 數 不問家 嘗 與 時又苦役累 饅 飲 也。 + 人 公德 山公案:公諱中漸,字守進,先八世祖 飲 頭 也 枚。 等物 所 性 必立 人産。 親 雖 它 每 至 無 啖之 出 書。 皆 物 厚, 盡之後歡 虚 知之, 飲, 赴 稱 於 事詳《家傳》。 疏 雖 日 而 所親之宴,必先於家 是,不 是 盡 財 其 0 後出 數 好 先 中, 每 性 斗,猪 然罷。 一盛設 義 世 如 時 相 曾 ,恐出飲 一之重 是即 近 孫之遴貴,贈 風 顧 並 習,如 以 首 獨 亦習 公亦益 以 産 待, 弗 喜 豪 而 快, 個 飲 也。 欲 使 公之 或 飲 或 光 盡 然 若 落 踰 不 市 益 以 饅 郡 禄

> 兒 歸,公即待于衢 遼緩之,即怒。 之色養,又時 公曾不以屑 去之爲 歸 矣」,必 快,聞 意 相 時 有 持痛 也 以 順 售 路,見飲 適其 故,未中 即 晚年,受我 飲 喜。 極 意。 酣 友 -身而 雖 輒 每 有 然後放之去 邀之,曰「 理 王 售 遺 川 父 矣, 産略 公自 理 ]]] 圃 吾 館 公 稍

如

是以爲常

身 脱 前 題 山 病諸,而况于小人乎!! 人焉。甚矣,心德之難全 聖人論仁,時或有 貌 之,冠 府 導,府怒,命卒攝之而 爲「君子而不仁」節 故偉, 索 公才甚高,初 公嘗赴省試,遇大府 人僕。 衣 不 于是冠 府 備,借同 疑 其 不及 試 間 非 童子,即 于君子 至. 舍 諸 額,衣不及膝,遽 以 去,倉皇 生 今誦 生,欲試之。 出 也 爲 冠 有 1 所 衣 領 其 先 而 一欲 隨 君 服 批 絶 破 輩 子 之。 僕 道。 人 望 承 典 、 見 其 于 攔 刑 云 猶 公 詞 府 其 小 試

嘗云。 辭 以 慚 又應聲,府 曰 遲 教之也。」府出 即 公應 願 授僕 久亦 聞 聲 教。 起敬。 出 和數言,公即 賦 之, 時 其諸 直 不意,未能 公拱手 府 夜訊 不 稱 ·羈 善。 即 類 駁 日 8 此。 某字未 指案 即 使 願大 賦 更 原注: 上 、又不 賦 安。 府亦 燭 並 使 吾父 能 府 有 賦

祖 理 川 公璋案:鳴梧公長子,諱侯佐,字維相

號理川,邑廪生,事詳《家傳》。

學知名,邑俊髦多出 公剛 直 有 才略,絶 其門。 口 不 原 注 道 人陰 見 世 事, 績

徑 不 趨,不 公居常必 談 閨 E 閩, 衣 冠,不 不 附 跛 有 立, 勢。 不 原 倚 注 坐,不 吾父

公好學工文,試輒命中。某年歲試,

嘗云、

起,諸 山 歲 盡 此,能更知三人之前後乎?」三人又前言之。」發卷 此下又有一段云: 者怒,謂:「何笑也?」三人前言其情。 不 部 耳 日 兩祝公三人,于是三人者 公之仲子也。 時 右侍郎。 劉 如 先示等第,而 社 ,從仲氏學 所 公第 各出 生皆面 擬,學使者亦 祝仁 試 一,案:公諱 于 卷 祝 無 山 「學使者又問:「而三人即 相質,公自謂 晉武 呼諸 人 公第三。 色。 一叔家。 以 喜 生 (幽,萬 而笑。 唱 面 晉 相 將 發 無 曆 武 視 畢, 落, 叔 丙 必 何 元注:確十六七 當云。 微 戌進士,仕 第 止 自 笑。 學 餘 自 使 晉 謂 學使 等 1武,仁 公及 者 謂 原 宜 至 唱 某 祝 本 居 I

公。 也。」 日 已 揭 公謂 蔡唯 某年, 榜 李某會元矣。」公笑謂 外 唯 子子 蔡 間 ·, 笑 曦 行 無 陽 M 勉 知 出。 孝 之, 者 廉 時 然 赴 蔡 尚 會 禮 下 子 未 部 元 第 有 試 必 毋 來 小 李 戲 來 詞, 録 我」。 廷 辭 遽 雖 機 于

蔡謝曰:「不敢。」公蓋閱李行稿而决知之。

者』。 野公諱祖莘,號涵衡,邑庠生,南竹公曾孫也 矣。」凌眙然 耳,吾子第二, 祖笑迎本作「迎謂」。 作「前」。 第二矣。」 及索觀,曰:「吾固知其卷必佳,此第一,汝 吾父科試 一。」已而 蘇 原注: 有學役凌老頭者,皇遽 明 日 出 溪先生來 : ,吾祖索卷觀之,喜曰 堰西三叔,族祖樂野公也。 無 日,吾祖方婆娑檀 「須 以 堰 應。 呕 西 日: 提浙學, 索堰 三叔第一, 原本作「凌失色日 「汝來報吾子 西三叔文觀之。 有 自 樹 神 已早知 墳 西 明 來 中,一本 璋案: 一誰 之譽。 科 必 來 之 吾 舉 樂 報

吾祖 父笑謂 字 有家者』節,試 師孟 謂之曰 某年,吾父與伯父凝菴公案:公諱 ,郡增生,理川 吾父曰:「鳥 :「今科首題,必「丘 擬爲之。」兄弟 公長子也。 有兩 論 同 題 赴 唯 而 省 也 미 試,臨 圃 必之一 聞 出 有 醇 行, 伯 伯 或

嘗言。 璋案:赤之公諱謀永,字訏謨,凝菴公長子。得此題,悔無及矣。原注:以上三事,我從兄亦之節者!」吾父亦謂然。遂不復措意。已果

不以時 此。 並得 以 畏匿,即毁扉發壁,破 昏,猶不離 旦,吾父兄弟出修節事於宗人家,宗 不 原注: 吾母云。 罪,不 能自立,致不爲宗人所禮。」于是 吾祖教 出 迎。 夏楚, 以 子過 歲 歸 詢 旦假夏 嚴,吾父與伯父雖 少不當意, 知之,即 釜 電,以 **一**楚也。 大怒,謂 即 爲常。 怒撻 其 嚴 皆 或 某 厲 兄 爾 弟 或 歲 已 等 時 如

見, 撻 藝,不容緩頃 不已,雖在 必相揖 吾祖 吾父與伯父每試 端 如 莊 賓 客坐,不少忍俟。 刻。 好 禮,閨門修 至論策文,微失旨, 出 吾 祖 飭 原注: 立 一使 與 背 祖 吾父云。 母 即 誦 每 試

吾祖性慷慨好客,每自教席間歸,原本

作 庭 厨 一每 自 吾祖 外 歸 出 祖 吾祖 則家畜爲之一空矣。 母 每 母 好 先使人 畜 鷄 八人市 鶩之類 備 物, 喔 飭 咿 盈 庖

零。 吾叔 外 號慎菴、即乾初公之季父也 11: 必告董 迅菴,配董見所先生女。 多子女累,益不贍。 盡 父之外父也,案: 府 畝七分矣。 父田 吾王 耳 王父 然自恃必第,亦 而 一父承 以 稍 後 初 贏 叔 産 年 案 僧之。 母 曾 稍 而吾父與 理川公第三子 來歸 理川公第四子,諱偀伯,字季傑 王 益 豐於財。 父積弛之後,産 未 振 東山 償産且 果 免不節之嗟。 起,復産至 伯 盡 董 諱 父季父各受産 反 見所 盡,曰:「此吾 王父每 震伯 吾 産。 字上 翁,我 七 有急, 叔 廢 十 故 晚 奮 叔 獨 殆 號 年 畝

而吾王父時名遠過外王父,雖外王父亦謂志》:葉公諱霑,字仁字,萬曆己卯舉人。同社相得,王父與外王父葉潤一作「淳」。宇公案《州

觀者 昏益 易稱, 袖 父親送之,蕭然曾 自 能爲吾父舉昏,會外王 己。 强之人,僅能成禮 王父素稱忘形交,固 未嫁之女何以 必先 念 出 一,不知 哑。 而外王父先發解,王父貧 閒 我 趣 獨 語 傷」也。 媒 不得 一女長,諸子皆幼 所 藉 氏 藉。 之。 來 出 已,議 議 常恐 理本作 外王 無 王父素剛,不能 昏 無 以吾父暫贅 屢 既 幣之將。 一父徧 "佐。 母 間言,而 矣 雋 陳 王 王 而 跡 饋 脱 病 嫁 父未 及之, 益甚,益 事 甚,外王 女, 有 諸親 外 于葉, 堪 乎 不虞 有 王 則 ? 謝 父 即 知 以 禮 吾 父 與 拂 來 Ŧ. 而 趣 不 應 不

念脱 外 揭 以 爲禮。 榜 王父聽 後 昏未 不 舉, 擇 幾,即 時 人 吉迎我 則 言, 王父與伯 益 趣 遭 無 父母。 外 色,遂决于 吾 父 王 父方共省 母 母 既 之 歸 又 喪。 揭 原 E 試 本 榜 畢 居 父 作 前 己 議 貧 無 而。 何, 日 無

望。 乎 迎 而 王 父發怒,謂 一父 外 歸, Ţ 此 吾母 必不吾受,即 王父怒未 厥 而 明 莫夜趣媒氏告期于外王父。 來歸, 了,王父 唤工 解,竟受不 蕭 人且須先一二日,况 勉 然至無 指 備 所 鷄 歸 豚 以 禮 之禮 辭。 飯 爲 從者 **犒勞之費**。 以 王父大失 迎, 其 謂 迎 外 婦 王 外 窮

之以 母 祖 以以 公葬 建宗 今檀樹 此。 吾 原注: 祠 曾 墳西宗祠 焉。 祖 父 以上數節 母母 吾祖之不及身葬曾 而 基,故吾 俱吾母云。 爲宗人所 祖 地也 持 祖 因 父 奪 吾

木

如

卒 于庠三 天生其 吾祖 餘 以 才 年。 績 學 而故厄之至此,痛哉 試試 貢單已出矣,竟不及待 輒 冠 軍 獨 艱 第, 而 廪

> 父 覺 菴 公璋案: 理 川公次子,諱 穎 伯 師

號

覺菴,邑庠

生。

事

詳

《家傳

後數 待 人 二季脩 糧,爾父受爾王父命, 穀于外,僅 兩 至爾父,貧 所 八錢, 此 不知所之,銀米俱烏 紿 日 舉 吾母嘗 , , 使 金二 火, 知二 同 得 困 出 而 云 兩。 僮 黠 脩 市買米。 益 黠 逃 自 者 者 金 甚。 伯父 所, 率 竟 四 爾曾 爾父二十四 而 兩。 誘 命僮效能 有矣。 又重 亦 王父 逃一 去。 王父來 命僮 是年 一購 | 恐二 舉 僮 進 以 夏,爾 家 Mi 至 能 歸 家 皇皇, 僮 歲 攫 館 持 H 幼 其 先 家 始 黠 金 落 金 者 方 爲 支 館 絶

種  $\blacksquare$ 絶貴。 四 畝 是年,吾脱 0 吾 以 典 初 收 銀 僕 簪 沈 買 兩 種穀及 糴 夫妻故 四 畝 農 種 具, 也。 至 用 種 年饑, 銀 屋 西

半 外 吾 無 錈 不完,盗 彌 爲 納 使 無 于 田 之櫃 歸 僕 歲 行 月 爾 王 何 角 如 水。 婢 脩 何 父絶憐 三叔父舉 讓 甫 爾 車 金資 其 矣。 盡 之耳。 以 叔 下 冬, 代耕者 人 取 母 五 種 П 之。 比 之,使僕衆來代耕,又旱甚 裹 櫃 竟 收 斗 而 用 香,欲借 至 餱 于 製、梁 歸 懸 田 沈 又弗 弗 處 來,行 寧,房 是 干 角  $\equiv$ 能 兩 暑, 叔 梁 穀 繼,本作 疫 穀 繼 爾 八,爲 須 父 三石, 及 水 也,則 死, 錢, 中 伯 水 竟 母 虚 二空釜 明 我 母 典 給給 遂 日 甚 無 年 以 悉以 房 復 金 昏 人, 二石 外 之 水 未 病 于 須 去,終歲 力竭 僅 王 爾父下 四 種 甚 臾 我 應 父 壁 暨 五 房 矣 盡 也 本 又 爾 時 斗 困

百 方 敝 便 爾父二 衣 道 典 人 盡 + 看, 矣。 五 爾 歲 父 爾 大 以 外 病 Ŧ 無 幾 父 衣 來 不 不 起。 送 能 風 出 醫 Ш 見 公 禱

之望絶

苧衣, 下, 也 我 久之,至 亦幾 衣之而 不 能 河 出 仰 東布 見, 視 外 店 沈 王 敬 父廉 溪家借 之, 淚 得 數 白

皆 丈, 餅 也 麥盡 類 買 此 嘗欲 雖爾 餅麥等物 爲 親 畜 父 鄰借散,絹 初年,亦第 猪,猪 置 于家。 未買 終 知 棄典 而 後 讀 先 、書、未 亦 中。 典 竟 我 不畜 諸 白 更 所營 家 絹 事

過 父 周 典 所 蕭 仕 四 也。 衣 恤 破 畝 然 珥 七 五 無 自吾 E 繼之。 7分原: 爾 我 吾 辦 年 母 父館 性 晝 矣。 至 蚤 終謝 注 不 夜 一背,後 而 爾 能 食 釜 勤 謂 家三月, 不 外 先指 于 求 竈 織 復出 皆 外,一作「他」。 王 人 母 紡 撥 亦 遇 父 我 以 某 我 即 雖舉于 自 田 佐 不以言 雖 未 不仁 推 作 食,不 嘗 自 始 又 鄉,未 勉 實授 食, 前 于 略 時 逮 出 也。 爾 指 後 爲 不 嘗 共 率 外 則 授 肯 爾 外, 出 盡 祖 田 王

父年 無 絡 僅 父 給 中 自 就 父 成 即即 不 血 紅 海 金 廳 也 四 而 先 弱,皆 也 辱 間 未 起 時 前 寡 如 籼 我 兒 爲 禮 幾, 扶 計 拮 注 爾 廳 作 刀 E 女之 不隨 以 萬 去 う命で 据 父 今 及 桅, 飯, 即 味,客皆甘之。 首 房 唇 分 不 牆 至 誉 H 爾 須 任 遭 桅 無 事 節 年 爾 若 内 門 四 伯 爲 臾 爾 分 折 喪 僕,隆冬,良 兄 紛 損 四 赤 川二 側 + 之, 父先 間 祖 親 事 弟, 金 然 豆,豆 屋 九 舟 耳 13 焉 且不 迨 進, 矣。 不 共二十 歲,始自 一般,叔 幾 以三四 爾 之 遠 四 覆父,爲 , 喪,四 父 又併 原 腐 不不 下 + 海 爾 獨 注 居豈易易哉 父居 用 左 家 中 自 五 間 若 勝之。 房 得 謂 出 白 右 六百 苦。 故 遇 約 方之客至 雖 而 並 海  $\equiv$ 于外, 水 桅 大 無 各 輩 費 自 衣 買 四 煮 金 房 所 風 江 74 賓 立 食 之 二百 房 木 私 俗 壁 矣。 傷 從 親 爾 無 構 粗 貪 季 居 破 等 與 畝 祠 母 歉

故

屋

阚

多

父 皆食于 會 辛 嫁,亦 之 耳。 所 于 錫 而 病 ·苦力 茅家 共 西, 贏 孫 我。 不 ",分授 知 兄 果, 既 咸 浜 哀 作 見,寧 弟 惟 殫 勞兼 所 原 俾 構 瘁 爾 而 致 本作 兒 忘之 矣。 軰 父 無 至,若一子者。 居于 至 0 之 范家灣」。 耶 又間 絲 今未 雖 辦。 西, 毫 1 至 旁 以 凉 恩 田 有 末年,又欲 入之 餘 葬王 薄 勤 力沛若 寧 力置 鞠 皆 父母 利 葬 居, 育 曾 吾 瘠 有餘 此 爲 于 此 頭 王 四 H 爲 宗 父 爾 爾 爾 百 晷

受 難 爲 養 口 力者。 田 煩 之,况吾父,又何 知 矣,以 費 多 確 , 日 然 又 今兒 = 益 吾父受田至少,又吾兄弟多,教 且 「兒至今未有 以 五 年 + 繕  $\overline{H}$ 歉 而 居 + 乎 居 田 有 成 一等 + -矣 五 居 兒 畝 `欲構 則 兒 有 兒之不肖 奇 女及半, 居 宜 易 尚

鼻

油

蒸

出

餘

居

先是,爾  $\pm$ 母 之喪 葬 有 日 矣, 爾 叔 父

耶 ? 吾言 葬。 每倍死者之約,誅求無已,父皆曲從之,故吾母 古 語 此 勸 事 吾謂 言, 圃 也。 原 必謂 後 注 謂 若 弛 爾 吾 葬日 以 爾父以葬日 父 之。 叔父 Œ 論,則吾父持之爲 在 妨己, 踰 叔 時,兄弟 疑 旬 有 而 爾 殺弟, 無間。 妨 叔 父 父 即 謂 雖百 是, 死 叔 弛 無 父 燗 期 之, 殁 端端 吾 有感 使 何 母 而 不 口 害。」 固 勸 而 叔 欲 用 解 阻 嘗 1

食之。 也。 害彼耳, 而 室中無一有, 此受苦,是奚 云 『陳女産,必立 人食我 女,溺之,至今爲 母竟使僮 吾 遂恨 平 堅欲溺 鷄。 生 絶 翅 無 獨 又我 長壽空手來候,又自 漚沫 負 之。 謂 擬一 一使 吾父 心事,惟 父在杭 恨。 人候之!, 者,育之何 血量不能 鷄 母生我, 爲 惟 使, 産後之需 時 於 貧 謂 二十四 人歸 起,使 爲 困 長 當 既 徒 大 有 起 囑 歲 祖 尚 臨 自 作 所 後 房 害 如 食 遺 母 産 顧 産

> 甚,原 蓋 婢 吾豈忍乎哉 綵 口 首 繡 本 閉 溺 下 有「明 目 之, 而 置 後 日二二字。 淺 溺 水 之, 中 弗 强 能 起 夜 視 拒 不 也。 門 死 自 嗟 溺 我 怒

者皆 冷也。 迎, 歸, 緼 吾 妹 富 聚笑樂,我 曰 "『陳姑性不語笑者也。』沈姨尤 敝 贵 議 每 驩 未 一歸, 羣 厠 極 昏皆在吾父鄉 有常分邪 被 至 吾姊弟 其間 何意後 窮 餘 里 困 潤。 一許, 默 娣 亦 然 九 姒皆華侈 而 生 輒 不 即 手 人, 我 者皆去世,而 聞 習爲 以 紉 猶 獨 舉後 榜 爲 自若。 不 我 聲, 常,後 愧 相 至 並 長, 也 先 失所。 則 彼 先 極 羣 亦 獨 羣 我 許 不之知 勢厚 婢 不 娣 我 獨 昏 富厚, 脩 數 覺 以 姒 存 之選。 蕭 諸 其 + 短 時 然 貧 炎 出 則 弟 富 相 每

戚友有小争訟,輒爲分之,皆幡然釋;有急「爾父性宏直,能急人之困。每鄉黨

父 者 之遥 倦 難 耶?』父每笑不 也 輒 輒 一親 誉 恒 弛 雖 辭 救之,皆 友之憂 己 家 舟 事, 有 車 答。 必不可 之費,徒 急之 固 立 當 解。 弗 分之,顧 已之事 恤 行 雖 往 也。 省 返 路 以 獨 不 吾 百 急之, 不 嘗 能 五 自 謂 兼 + 愛 爾 誉 弗 里

其諸 隲 故 汎 然若 戚 初 論 友 皆 爾父器量 事 無 皆 謂 理 事 服 未 ,亦然。」 者。 必 其 能 優裕,臨 然,本作 然 規 有 略 知 爾爾 事 徐定, 人 未嘗 之鑒,其 後 終 無 見 不 無 其 驗者, 敗 張 所 謀, 評

畫 有 地 卒 咫, 角 平 得 吾 腹背 闊 父 其 形 原 廣 凝 似 顡 本又 挺 方 (有「五 面 端 員 視 岳 矩 相 頂 朝 步, 百 四字。 趾 顧 原原 瞻非 本 身長七尺 作 凡, 豐 頤

善 也 確 侍 侍 吾 飲, 父, 未 嘗 殁 見 身, 其 未嘗 醉 聞 父飲 其言人之不 量故弘

> 父必 經 謂 譁 妄甚 然 原 不 醒,又連 坐客皆沉 本無 勤 時不 吾父威容 hal 初 止 一,必 危 之, 飲 介亦未 飲者 之也 時 坐 進 順 則 醉,父惺 竟 丽 未 巨 始 徐 「或浹 ·德度 席。 受。 甌 嘗 怒 引 雖 辭。 一,時 沾 而 確 亦 旬 雖 然。 坐客嘗 메 少 唇 終 飲,亦未 畫 臨 或舉 之也, 不 而 未 莫 坐客 起 知 己 嘗 及 , 相 觴 檢, 主 或 或 譁 或 若 営倦 政 人 逃 父 辭 亦嘗 父居常 微 弗 以 見吾 也 笑 默 罰 或 勝 附 案: 之, 假 而 然 飲 父 見 談 衆 此 有 獨 雖 而 亦 條

楚,雖 父待 容謂 惟叙家人之情,絶 也 父曰: 確 確 吾祖 叫 兄 責之言, 待 弟 見 吾 至 讀 父洎 寬。 書不 熟《 未 不 吾 通 熟《 始 確 問 伯 鑑 館 及 性 叔 **>** 聞 于 程 理》、《 否 父皆 之 外 課 ? 也 歲 至 確 通 即 嚴 時 鑑 謝 無 歸 未 H 論 而 吾 能 從 則 夏

莞爾 生平 且 譴 能 而 死 成 所 語 讀 我 誦 譮 之。 也。 矣。」生 何 不 書 失 確之怠棄先命 因授確《性理集要》一書 ? 平督責之言,僅 字。 吾於《 即 性 失 理 ·, 類 × 字, 此 ^ 聞 通 阚 此 鑑 祖 > 確 猶 向 至

資 行 病 時 中 及 家 夜, 云: 確 廿三日潮决,衝平野二十餘里,漂没 不 吾父氣 淹 罹 水 ,攜老抱 兄弟皆在 海 「舟在 中,水 + 此 一舟, 崇禎戊辰,吾父年六十五 審 水大至。 災,濕 金 還 體 僱 某沙中 及 並 幼 能 正 館 肩 薪 勞 受 人 强 遷 席, 璋案:《州志》: 異常, 頸。 本作 兒 工 本共 ,可 奠衣米 至 輩 不之知 先是,吾父嘗 以 佳 彼 幾 百 脇 人力 時 起 更以 金 撩 舟,竟 人畜 奉 嘗 也。 而 崇禎元年 起 收 養。 云 外。 愈。 也 廬舍無 器 獨 七月 不可 物,竟 患脇 吾 舟 是 吾 爾 戊 吾父復 算。 辰七 當 父 廿 母 日 痛 詭 夜 在 長 多 江 時 月

> 視 喪,滋不 不復起,痛哉 何 毋 既 以 横 快。 我 有 此 口 又 腹 水 明 禍 故 年,六 竭 明 年, 十七歲, 時 又 之 遭 物 而 我 力 旋 也 病 兄 之 竟 無

以 而 無 側,自夏徂秋,無 而 沈姨 報之。」言訖 己。 德 覺菴公卒于崇禎庚午九月十九日,年六十七 不 父病時,我 一夕,謂 酬, 亦 隨 惟 下 沈 淚 世, 姨 確 伯 下,若 遇 仲氏 曰:「吾生平於 絶 語 吾家厚, 無 及後 有 皆 後 所 赴 事 悲夫! 待 省 居 惟 試 于 遠 優 確 親 獨 會未 游 案:《家 輩 知 確 俟 間 也 有 命 侍

悉記 述者 惟 孫 則 吾 淚 時 先下 り則 母 時 鳴 尚 時 呼 顧 靡 請 然 時 1 謔 月 於 斯言, 向 終 確父蚤背,嘉言善行,不能 不 我 確 不 聞 言 伯 敢 也。 少 仲, 不 衣 時 記 繹 每 勤 思 食, 欲 苦 欲 筆 而 事 無 使 加 詳記之。 志 我 如 記 烝 子 之, 若 籼 所

四

#### 四三

吾

目若

不

瞽

൬

實

無

見

也

而

五

六

年

矣

而

## 乾初先生别集卷六

海寧陳確著 族玄孫敬璋編校

ジュニュー 日 み

瞽

言

瞽 言 序

兩月 婦 赫 人奚以知吾之非聲乎! 矣,人奚以 然兩目, 而 7而復 子 耳 赫 聾, 聰, 知吾之不 然 而 非 固 人亦 兩 不 「瞽矣。 目 赫 無以知吾之不 厂, 而 下「不聰」、「不瞽」皆做 - 聾! 然 奚以 昔確四十七 兩 耳 元注: 瞽?.\_ 也 不聲者, 聾 聰 日: 歲 則 也。 此 聾 己 而 也 今 迨 聾 煛 確

舍二者無復狂

藥

乎?

有

瞽也。 輟 彌 世皆切切然莫不以吾言之瞽。 吾又何敢不以『瞽言』自命乎?」 门咸 甚。 惟 且吾 圃 西鏡之恃耳,人又無以知吾之不 猶 日 既瞽矣,吾言葬,言《大學》,則 屑 屑 著《葬 論 人瞽吾言 大學辨》不

者,未 狂 人同 之; 以 切之争而已矣。」 而 莫不飲者,一 人争東西白黑 藥 醒 東爲西, 久 耳,又安必 游混沌之天。 「《瞽言》 飲則 一人亦弗能 矣,予向 白 瞭 人獨 爲黑,他 然 則 也 其 亦 奚 東 弗 嘗 忍而終飲之,於是 弗飲,而 西 一國皆以 以 今《葬書》、《大學》之爲 終飲 飲之而 白黑之辨,飲之 集?」「 顛倒皆類 乎 爲 日 狂 1 或 狂 切 者也, 有 亦姑 是。 切 뻬 飲 然 相 則 爲 與 國 狂 今暫 耻 與 笑 必 切 國 國 藥

478

然醉人而不自覺也,故滋辨之亟。」 然醉人而不自覺也,故滋辨之亟。」 太醉人而不自覺也,故滋辨之亟。」 《大學》之靡 是之。然猶飲者半,不飲者半,飲之而狂者 以之而狂者

## 近 言 集有小序

言 聞 下 而 弗 後 惟 近 聖賢 世之必 集 賢 而 (者見 也 己。 者 爲 多 言 其 聖賢者 能 近 遠 不 , 不 矣 棄 肖 則 也 近 者 ), 故 言 何 見 吾 吾 以 不 集 其 以 固 近 知 近 天 吾 吾

道 權 何 或 處 極 日 停當 『從心 不不 問停當之説 理 取 亦 諸 自 文 踰 無 章 時 無 \_ ; 所欲 過 矩 也 不停 曰: 是 、妙處, 境 不 停當 界。 當 踰 取 曰:「即 矩』。 無 之於吾 窮 故 過 無 E 神 是 從 不 理 知 停當; 停當 心不 「先正其 心。 道 化 之正者」、「於 又 吾心 瑜,正吾 何 學 即 心」,故 是 道 加 停 平 人 口 心 ? 妙 與

人欲不必過爲遏絶,人欲正當處,即

理 不 時 節 心 或 朝 欲 天 君 人 之害 家 庸 人 從 贵 義 子 不 必 理 欲 之 能 將 小 必 也 人 獨 白 禍 分 無 欲 人 無 天 欲 非 出 始 小 别 理 别 人 中 如 之,聖人獨 人 矣 烈矣, 富 辨 欲 太 體 人 之所欲 自 貴 ",要能 嚴 欲 驗 太嚴,使 要使 福 使 有宋諸 判 天 自 澤 然 理 東 小 乎? 使 不欲 分 漢諸 欲 小 則 人 儒 作 漸 之所 欲 無 人 人欲 之乎? 始 雖 變爲 君 兩 躲 悉 無 也 富 件 子 欲 閃 站 化 即 始 貴 君 也 也 處 爲 脚 天 子。 學者只 福 也。 一, 而 理矣 處 天 澤 雖 忠 理 聖 天 聖 身 之 老 而

天 理 中 君 亦 子 有 中 亦 人 欲,學道 有 小人,秉 者 不 政 可 者不 不 知 可 不 知

遇 衰 亂 或 手 亦有 饒 多 敗 亦亦 事 要 有 敗 人無敗 局,要無敗著 謀 聖 人

爲 惟 聖 語 人 云 有 「聖人 死 地 无 耳 死 地 彼愚人者,又 者」, 妄 也 安 確 所 獨 得 以

之死,與天地同不朽。 死地哉! 故愚人之死,與草木同腐,聖人

流 上 欲 會 窮 人豈 爲聖賢 [得,只作尋常 而 要死就死。」當時習 至 吴仲木云:「吾先忠節嘗 一於此, 盡 者 不 肖,要只是不能 何 可不懼哉 得 憤 不 激 發如許 語 聞 聽 過 此二言,卻未 第,不 志 言言 願。 由今思之, 能死,遂 要 今世路 窮 理 就

烏能 此 過 甚哉,吴子之好學也 之心,此等過端,又隨之而 沾沾自喜之心,有不忘之心,有欲求 、竪某 贵 ,此 即 非 體驗及此 病 善亦是過 病 木 畫 自 却 Ė 好; 除。 亦是 又學,又誇示 乎 學者 如 也 ! 學 生 書者, 過 1 意 然故無 如 端端 某 也 自非 極 時 初學 至矣。」 某字 害, 爲 多 有 篤 某善, 此 時 志求道 不 但 興會,方 某字好。 輒 確 進 但 善不 人 即 调 日 知知 8 有 是

> 得未 之心。 善不已 指。 肯 鄙 進學喜 以以 去 善 學。 但覺得某字某字尚 喻學人善不自善之心,固 故曰:「學然後知不足。」諺云「童 不了 ,則喜不勝喜,必 ,方可與言書矣。 學 之不 ,尚書不 已, 升惱 丽 且欲然,反 字之好者 未 學道 不了」,此 盡 者 善 自曲 亦 而 已不 生不 己。 然 肖 言 巾 甚 足 勝 生 進 覺

已矣。 仁。 學 知過之謂智,改過之謂 者 無 遽 言 仁,先 爲 其 勇, 智 無過 勇 者 之 謂 而

言 聰 自 者 拒 知 必 明才智之人。惟自以 吾 諫,自以 下 不可人,故 得 好問好察,改過不吝之謂 而 愚者必 爲是之謂 見之矣,所爲 不自愚。 曰 不 下 移」。 愚。 爲 下愚者必自 聰 上 故 嗚 明 智者, 上 上 呼 才 智者 知 智 1 ; 竟 下 故 以 飾 必 忠 非 爲 何 愚

言 而 刻 怒憎我者之言,何也 愛我 必 者之言恕, 當皇。 今人 恕故 及 匿 喜 非 愛我者之言 ; 憎我者之

也 壞,甚 公。 誤 否,而 事身體 言 先 以 江 太 心 小 實 爲 以 河, 、虚,不著一物,惟 一。」確補之曰: 文 心,於聖人之學,細加搜 長此 而若將 八爲虚 心 個 學者但言虚心,不若先言立 吴仲木曰:「吾謂 一有以 惟 則 ,于聖人之學,非 力行,見善 主 、善矣。 人言之唯 心, 意 不已,將 有不 詭 則大 隨 必爲聖人,必不 苟漫 所謂 然 爲 唯,此 害事矣。且人心 者。」 必 來 無 善是 遷, 竟 無 虚 執 彭仲 適 是 著, 主 心 全是 取 徒 知 亦 張 客 何 剔 謀: 過 志 以 如大舜 有辨。 ."物? ",不 至, 浮 爲 須從 之 兩 必 『學莫若 氣 辨 未 改。 而 鄉 可 一心,吾 故 學 之若 有 竟 爲 是 果 而 終言 渦 確 能 13 其 桁 世 非 次 得 之 虚 心 决 如 竊 虚 儒 説 口

> 其 於危 睹 仲 周 心 未 虚 云 地 不 理 無 論語》之「終 7.恐懼 或 公豈 到 必 過 位 而 心 深 因 出 微 能 相 處 已矣。」放心 而 惟 祈 憶 轉 也只是心粗。」旨哉是言 即 精一 欺 小。 類,而「小」字較有持循。 於 赴 此 駁 仲 不 從 義 我 此 文 IE 木 是放心。 聞」,嗚 無 之學分 故曰 哉 與? 必,故心之小 王 之 食 调 ,小心翼翼。」文王 語 . 不 求 不 則 「學問之道 違」,《 確 呼 偶 毫 是 有 故 仲 1 於 此 見 體 過 日 謀之所 學 及 貼 心 中 至矣。 不 者 此 茫 全 未 庸》之「戒 顔子 至 必 遂 放 然 杰 無 至 爲 虚 出 他 未 心小 蓋 書 未 即 而 善不 不 我 在外, 求 知 以 到 小 是 然者, 師 所 則 貽 心 其 虚 4 慎 詩 止 也 從 倘 所 放 者 與 析 不

聖 ,習於俗 聖凡之分,學 面 日 凡 與 俗 學 而 爲己, 己。 俗 習 爲 於 學 人。 而 事 H

事 事 日: 而 「俗而 循 人聖,獨不當避愁苦而就悅樂耶 徇 欲 理爲己,所謂 學 時習之,不亦苦乎 爲 而 時 人,所謂 習之, 不 學 俗 亦 而 而 悦 時習之」者 一人縱 時 乎 習之者 不 確 也。 知 亦 也 超 子 凡 事

指點,人却不醒,只自尋苦趣,奈何哉!易」,曰「行險」,曰「自驅罟擭陷阱」,着處《中庸》曰「君子無人不自得」,曰「居

之百 其極 不深 棄,下愚不移者耶 難,而 思 見過 輒 而 内訟,嘗嘆絶于大聖之世,以 稱 蘧寡未能 云「吾無甚過」,豈非 美乎 ! ,顔復不遠。 今人於學,未及蘧、 所謂自 子又 何 是 暴 顔 得 知

言精 盡 若夫堯、舜以來,至於孔、顔,雖 同 彼上古之所謂神聖者,則 要之惟兢 時中之學者 兢 寡過之意 ,祗欺人耳 爲 多。 其 吾 學 不 舍 或 敢 此 未 知 能 而

> 爲 君子,其孰能 衆 所惑, 至 虚 以 勇 觀 之! 而不 理 至 爲 勇以 俗所 决機。 焼者, 非 夫 慎 虚 獨 而 之 不

復,不 義 窮理。 後 通 抵 窮 有等級先後。 古人特變文成 盡性至命。」陽明子云:「必仁極仁,義 也,虚實之間而已矣。 理即 至 也。 而 「窮」、「極」、「盡」、「至」等字只 命 《易》以詣極爲 亦遠 後可謂窮仁義之理。」語皆精 二者相去, 是 ,則不通矣。 故窮理、盡 盡理。 哉! 若云窮理然後盡 句,學者須 性即 古今學 性、至命 何翅天壤? 窮理,今學者以 理 明道云:「只窮 也 術 是 以 一,窮即 不 意 並 同 性,盡性然 到 逆之,乃可 求 盡 之學,非 是一義。 非 古 切。 講 也 理 有 學 明 之 蓋 極 便 他 爲

求爲賢人而不求爲聖人,此秦、漢以來學者張爲子嘗云:「學者求知人而不求知天,

大蔽。」不知正是張子蔽處。知人之盡,即大廠。」不知正是張子蔽處。知人之盡,即是聖人,非有二也。之大蔽也。

聖。曰:未能爲庸,焉能爲聖。或問天。曰:未知人,焉知天。又問

命,正 學, 否 則 前 盡 日 功夫,此學 説 求 前 何益之有乎 則無論 學者 日 西 如 吾 轉 方 佛 性 高高 吾言雖粗 説 子 極 者 所遭之幸與不幸,皆自 談性 亦 轉 樂 尋 實 無 1 幻, 於 本 (受用 不 命,吾只與同志言素位 或曰:如子言學,却粗俗 此 來 盡 俗, 水底撈月, 身既 面 矣。 處。 如草蔬麥飯,卻 目 苟吾素 化之後,皆是白 於父母未 今舍素 愈撈愈遠, 位 位 有 生之 言 之 切 性 學 實 口 之

言 學,亦不外 十二字,確近日所欲請事 而 盡 明之,則存乎人。 也。 主忠信,好問察,謹 此 諸 子 嗚呼 豈 有 獨知,行素 者也。 ! 意 乎? 學固 要所 未 若 位,此 夫 謂 口 以 神 聖

古之學者爲己,亦爲人。今之學者不爲人,亦不爲己。古之學者非不爲人也, 是人亦所以爲己也。元注:善天下,師百世,皆了爲人亦所以爲己也。元注:善天下,師百世,皆了以所以爲己也。元注:善天下,師百世,皆不以 八也, 一人也, 一人。今之學者不以曰:不爲人,亦不爲己。

元注"自知謂知己過,顏子而下,罕見其人。 君子不患人之不己知,患不自知也。

不知,無不改,以幾于無可改,非聖而何!學問之道无他,惟時時知過改過。無

謂

腎

乎

下

此,更

無

學問之可言矣。

然

高

明

故

聞

而

能

喜,勇

决

) 故喜

而

能

改,可不

路

粗

浮

本

色,然子路卻

具

高

明

勇决之姿。

未

知

如

子

路之過,必

待

人告,此正

是

子

積,人莫敢言,真下愚不移矣。或問: 知之未嘗復行,幾于 上之,若顏子之不遠復,有不善未嘗 則如世俗之惡 常情之上,何反不若顔子? 改,此大賢 已,皆 則喜,猶 之 過 脩 非 者能 聞己 無 而 他 聖矣。 實非過,或若無 心 以 過,終至於過惡 人 之。 爲 亢 上獨 得 注: 賢者之事。 次之,亦若子 知 至子路之喜, 即 而 步工夫, 是放 曰 己自 心 示 聖賢 顔子 過 知 下 非 H 知 或 mi 學,仲 若 也 地 者 懼 所 則 虚 復。」復既 未 爲子路 也哉 音 嘗 小求 乎 不 位,只是心粗。」謂 未能 其 知 其 不知,又是 尼 放心之功也 所 而 至, 而 至于 難,爲 不聞 不遠,則顔子之去聖亦不遠矣。 改之? 下誠未易見,獨 雖聖人 則 無 放 顔子 不 加 能 曰:戒慎乎其所 不能

·善,是

心

放

處

有

不

善

故

曰

顔子

未

到

聖

自

知

m

自

改

矣。

戒

不

恐

其

未

能

至

于無

不

善

故

更難。

吾何

以

知

人

之

不放處。

故

E

「不遠

性之無假於學者,真愚賊人之言也 之學,性之也,故 千古稱 好 《學者, 其 好學 無 過 比 堯、舜。 恒 人 加摯。 但堯、 舜

於得

過

m

不

白覺,甚

至衆

人皆知之

而

我

尚

顔子

何

足

以

(當之!

外此

則

心

粗

氣

浮

易

之。

自

知

自

事

出

一于不

得

實

有

過

,或

偶

失

之過

甚

微,或似

更出

只自

知

自

1改,好

之,

路

人告之以

過

患 同 其俗, ,要皆是 勤 讀 而 書, 讀 好 書者 勤 事 作家,二 不 惟 病 能 其浮。 學 者雖 道 則 有 且 作 雅 吾 未 俗 家 者 之 聞 不 真

無

過。

如

顔

子之

以

好學許之,豈

能學道者而反致敗家廢讀者也。

H 就 所 不 夫 家 不 雖 家 而 . 爲 者 始學 緒。 日立 易 勤 從 口 且 目 者而 得 此 求 學 不 向 新 無 道 惟學道者則 道者之所成就,則直 矣。 識 志,奮脩于孝弟忠信,事事 未 則 要作家 舍 過 求其 ,則 嘗 得 1 其 富 家 讀 蓋 之,不需 今日 所急者 厚, 所 勤 書 非 無擔石 難 讀 然 便是聖賢路 從 者 不 得 書 並 新 而 時 然。 + 者, 則 須 圖 日 要 數 何 欲不謂之賢者 窮 向 無 其 年 讀 也 然 年 所 過 書 可 未 I 而 上 爲 緩 博 皓首之 嘗 夫,皆 人常 人。 向 學道 者, 賢 雅 無 未 爲 愧 果 爲 勤 茫 棄 嘗 聖, 勞。 其 彼 則 無 作 而 今

學 好 7學道 道 讀 書 - 然,則 富 X 人益 E 好 鮮 不可 學道 有 能 不學道 不不 保 其 讀 身者。 書 不然 益 則 貧 不 鮮 士 可 有 IF. 不

能

保其

富

者

爲 勞之本。 推舍之本 身不 腸 可 使 不 佚 可 使 也 俗 但 也 須 愛 但 惜 須 愛 精 惜 神 財 爲 勤

大也。 攘 易,要占便宜 詞; 自 即 之,所謂 荷 謂 有「又占買楊 返照,此等字便 奪 刻 不 謂公道,必將 筋 所謂 虚 節 而 薄 世 者,有 何 俗嘖嘖 之 心 在 公道,即 體 轉 行 人謂 察, 語 所 梅」之語 即 稱 此 • 謂 有 流 市 誇, 得 所 自 我 大 便 毒 儈 便宜 不公道者存 公道 是 謂 宜 有 之别名 無 不敢 之寫 便 者 此 所 릲 遗遗 宜, 有 言 則 謂 出 照 彼 雖 在 未 所 即 試 也 口 失 小 行 所 必 謂 攘 以 其間 矣。 便宜 者,有 公道 謂 公道 道 奪 隨 可 筋 之 常 以 眼 節 嘗 况 非 所 招 覷 略 交 喻

算算人,善算算妻子,不善算算父母兄弟。全無算計可乎? 曰:善算算身,不善

從理 處 Ŧi. 我 曠 寧 土,此 先 收 時 便 賓昏喪祭,循禮而不循 而 + 宜 不 全, 毋 與 ·從欲。 後 地 口 此 時, 算 體 乃吾之所謂 也。 此 之資,人用 以公道 與天算也 農桑之利 爲未公道 在 俗; + 行筋節 全,我 人 日 有 收 ,失便宜 曠 用飲 者 + 人, 用 巾 食, 五 無

子有 得出 也。 智 调 贵 三月不 届 學《易》,可以 山 改 惟 知 ,改過之謂 以 聖人人 三言 命之年 過 不善未嘗 聖人有 余嘗作《知仁 無大過」, 違 中 真 疏 0 前 品 消 苦 世 丽 勇, 無 自 息 又 不 儒 已,舉千聖 無過之學,談 大過矣。」夫以 加加 子 知,直從千兢 知, 無 謂 勇三言疏》,謂知過之謂 餘 日 以 不 「惟 知之未嘗 . 韋 子 知、 「假我數 非 編 聖人 無 心 全 法,皆 無 不改之謂仁。 絶 何 無 萬 復 天縱之聖, 知 容 年, 之 過」者,妄 業 勤 改 行, 易 盡 中 五 乃是 僅 磨 此 + 終 以 知 顔 錬

> 肖 不 改 僅 無 招 肯 過 口 顔 狀 招 子 日 何 也,可 月 認。 克 曲 至 復 乎 豈 焉 ? 工 憐 知不 耳。 夫, 今 可 人 那 憐 然 招 能 己 則 説 至 過 學 不遷貳 着 ,聖仁 IE. 自 已自寫 己 者,舍克 過失,便 地 位 故

己非 持之。 讓 者 心 非。 學 反 居 非,甚者至執 (水諸) 身於極品 有是 之謂 非 ,循物之恕。 固 人 或 八者也。 味依違 己。 下之,則一 非,凡言學者 事 非,已是亦 也 有是 是者,盡 此真絶 愚 非 非 兩 至於物我之間,有 者 爲是 孟 미 鄉一 不 凡當 己之忠; 子曰:「行有不 非, ,乃孟 頂占 可哀也哉 知, 不 則 미 國 家之中, 乃 地 泰 子所 不 者 沾 位之言,非 後 然 知。 不 沾 無 不 云 可 與 執 事 無 亦 皆 何 不 得者,皆 人 有 是 矣。 是 己之是 須 知 争 非 公 僅 非 斷 是 聖 先 然

## 乾初先生别集卷七

海寧陳確著 族玄孫敬璋編校

瞽 言二

佛 道

多奉 之詔 慈發 然 界不過 則 佛 願 納 西 佛 所 教, 樸 方 一二千里,使者嘗至其 種 兒國 不 盡 然男 爲 在 滅,安 (欲度盡衆生者,且不 一古所 天 女生育,與 上 〈得尚 謂 近 佛 在 有 國 印 人 它 者 度 類 國 國。 之 也, 哉 無 中 能 或 去 異 度其 俗 雲 即 則 南 大 雖 不

> 然 絶,有 凡 也。 國 亦 西 屬 或 王 善王、闡 也。 無 一、輔 西 百 况吾國 番 蓋 不 餘 其國大抵皆信佛。 教 勅 又曰五 印 風 奉 種 化 封 闡教諸 俗率相 土 浮 乎 灌 王、正覺 寺 一、信度、 圖 ! 頂國師、 信 簇 法, 度,即 爲 王。 蓋 類。 多 大乘 西 身 或 國 天有五 圃 熾盛佛寶國 毒 奉 今河 古身毒 西洋 法 亦不惟印 新 口 初 王、如來大寶 湟、 回 職 頭,皆音 印 國 南東海諸夷, 教、蓋夷 貢 洮、岷 亦 土 絡絡 師,及 國 土爲然, 日 之轉 間 繹 新 故 俗 費 法 羌 不 頭 云

之所 夷者 可。 教者,夷狄之所以 何 人 以 也。 非 今不 孟子 爲 僧 獨 夫 ? 中 日 : 夷 國 誦 雖 「吾聞 狄, 習周 也。 日 即 中 爲夷狄 公、仲尼之道 尊 用夏變夷者 吾 華 奉佛、 中 即 國 是 也。 亦 回 佛國 何 而今天下, 回、天主 1,未聞 處 者, 奚 無 中 變於 爲 寺? 不 或

耳, 準。 竟 或 書 而 夜 作 何 倫紀之, 何怪焉, 今中國之奉佛,正 更不卧 如 夜 哉 息 忽如 自 湎 何怪焉 蓋 然之理。 耳 酒之徒 陰陽消 長, 如 俾 有 然 病 聖 人 畫 時 與 E 病 運 作 一醉人之 作, 則 之常,辟之 夜 恒 盡 何 晝卧, 書 斯 可 卧 憑 人

無聖 豈 有 自 道 漢 无 也 王 至今千數百 或曰: 聖王 亦 故 宜 也 誠 哉 則必形。 或 ? 日 年 確 ٠, 日 盗 而 其 亦有道。 佛 盗賊亦 教 惟 未嘗熄。 實 有是 未當熄, 則謂: 道 中 佛之 惟 間 故

### 侮魔

矣; 此 侮 秀才而 魔 人 未有 也 不 侮 於 中 是 我之心, 童 曰 侮 生 斯 圃 我 至 不 先 矣; 進, 有 人侮之見, 作 曰 侮 官 斯 而 至 不

> 吾過 我則 侮 矣。 大, 我 日 由 者 蓬 侮 是 居 是 斯至矣; 侮 而 吾 高 與 師 卧 我 也, 絶 相 閣 依, 其 未 老 敬 見 加 終 有 拜 罷 其 侮 而 歸 身 受之, 我者。 不 日 得 侮 免焉。 以 斯 果 思 有 至

## 附雨牕漫筆寄吴仲木兄弟

惟 禾。 兄寄書適至。 耳,於君兄弟定 固 窮 窮 論》, 鬼, 千 瀰 里故 作 瀰 肉 《侮 梅 袒 人移 魔 庭 來 雨 如 數 降 新 漲 劄 何? 篇代之。 水 有 村 至 侮 上 一,元注 河 罈 魔 笑 癡 過 倚 元 時 絶 注 越 南 只 靦 友 愁 仲 牕 顔 劉 木 伯 驚 看 不 屬 纙 俚 去 插 構 世

## **僮**智

坐言有僮而騃者,使持二錢人市,曰

四四

哉 也。 亦 云: 有 錢 悟 必 買 孰 1,復歸 陳 鹽 不至大困 甎錢 使制 子 買 E 鹽 不 用 問 買 買瓦」者 者人 孰 其 智 油 矣。 主 哉 買 人有童 曰: 此 油 僮 受 僮 者 一吾 非 ? 1 錢 即 子 竟 向 加 夫何笑? 之操, 此 者 往 舉 童子之智乎 迺 中 坐 失問 則 皆 道 雖 諺 失 而 貧 笑 若 所 此

### 眊 矚

之。 陳 子 蚊之遺者, 盡 使 怪其 子 撲之矣,无 童 猶 子 陳 又唯 疑 疾 矚 子之卧 也 其未 而 É 而 撲之。 問:「 人 遺 盡 盡 踰 帷 撲 蚊 也, 矣。」「 破 猶 之矣,果 瞬 唯 而 自 有 而 面 多 遺 卧 出 雖 人, 蚊 蚊 而 然, 無 日 踰 乎?」曰 徐 目 遺 姑 瞬 察之, 晷 蚊 猶 爲 而 不 也 我 有 出 能 見 更 見, 矖 已 則 陳

> 瞽 崖 里,而· 數 心 目 起 者 者 未 蚊 非 朝之患,知 而 安行 0 之 篤 眊 撲之,又撲十 未始 遺者,彼 于五十之老也 往 也。 往 肆 有顛踣之虞; 而 皆 今有盲者乞食於 戒 行 有目之人。 與不知戒之異 固 而 數蚊 無 不知忌, 切 然再 而 層之 後 則 故 世之沈 人而 盡 患 也 明 終 路 者 日 而 不 故 淵 日 或 設 能 驅 童 子之 未 行 戒 蚊 見 而 之 免 則 墮 數

## 勝蔽

心; 先見之。 二人遠甚。 旁 有二 觀 雖 人 拙 人 弈 故 者 以 當 而 爲 灼 局 慮 能, 於虚公之見,故凡 雖 子 工 求 丽 與 未 圃 之 定, 蔽 對 于 其 求 則 旁 以 勝 不 觀 之 利 及 者

害心慮 事 則 慮 彌 周 而 去 道 彌 遠。 小 數 且

然,况家國天下之事乎

知 之慮弈,非不切于陳子之驅 蔽之者。 也,利害心憧,而是非之衡眩矣。 愛人不若愛己, 慮勝之蔽,則於事也其庶幾矣。 者籌己之事 故雖使愚者籌它人之事鮮不當, 故能 操陳子驅蚊之誠,而 鮮或當。 而明智之士慮反不及愚 若是者 蚊 也, 何 耶 故二人 又 而 無 雖 猶 下 有 非 使

至

至哉 心。 日遠。 知公己之所以爲己,則爲己 師 又 Ш 言 日 陰先生日: : ! 常將一 夫公己者,乃 「學者必 己作 世 日 間 有 所 真 切 公共之物。」 以 切 而去蔽 爲 爲 己也。 己之 也

> 善 頀

護矣。 之,謂始叔 叔曰:「我則安能 哉 斯言 始升叔 日 之僕 : 若 是 漢 護 與 與我 哀 彼? 友 之 某 有故,善護之。」 於董 須彼 有 故, 賢, 善自護耳。」 友 可 見 謂 而 始 善 憐

近 世

男 是至 有 十九子焉? 日 . 疑 「禮與?」柱 雙繼 焉, 近 無 世 或 而 有 絶者, 荷 欲 無子 繼 是則 有 而 浮曰: 所 而 未 無 問 兄弟之子均爲後者, 止 子者更多子與?」問 人無 也 焉。 一吾 子,是 安 昔者文王 或問 知禮? 查 必將 柱 生 抑 浮 有 九 白 亦 子 於

者愕而退。

得爲 哉 又攘臂而争之者哉 己也,或亦有不得已焉者,而猶見擯于禮 將,亡國之大夫與爲人後者不入,其餘皆 人後者之久不得與於人列也! 人後爲恨 讀《禮》至「 古人之以爲 也 矍 !」元本: 此之謂失其本心。 人後 相」而 爲 夫夫也,非 矍相之射曰:「賁 日 : 耻 而今人 嗟 養若 人。」若是 徒 乎, 樂爲 此 以 有 人後 子爲 軍 况 是 夫

#### 富人

之者曰 近思 觔 嘆者曰: 買 而 觔 叔 有富 加 給二 觔 見其 則 奈 人而貧者,善買物, 其能 何 **觔之直**,賣者靡 (能,吾) 何? 未 以 也。 也 能 如 進 以 曰:「吾向 吾之能 是, 買 于 彼?」 圃 觔 何 有 而 而 以 日 嘗買 者 進 退。 日 見其不 買 於 貧 《彼者。」 彼 旁 楊 也 觔。 有 梅 以 能 買 嘆

> 然吾 日 貧 也 觔之直矣。」 雖 與!! 不 能 也 止 嘆者 費 曰 觔之直 然。 彼 斯 雖 其 能 所 以 已

生 計元本作「春日示二子」,下同

安貧 烏得 乎 耶 勤 心。 余日 儕 嘆 畝 儉 ! ,蕭然貧士矣,書來,甚 1 亦 曰:「賢 《者,貧 有通 吴裒 不 安貧,即是計 既 故 便 「不然。 日 學者之爲 而 非 病, 仲 拙 日: 哉吴子! 士之素 素 讓 乎 生計 位 生計之拙 「安貧自是學者 1 還 而 生計 繼 也。 日 行 安貧 又於安貧之外求 拙,正 産 安能 安貧樂道, 亦安 不勤 故 ,即本於不安貧之 安之。 百 勤,安 貧 自 復 不儉,便是 餘 得 無 而 本 元 大辛 已 而 可 事 貧 本 又 矣 無 如 作 生計, 故 何。」 怨 何 聞 但 儉。 安 不 求 + 而

貧

## 井田田

學者先 易,正 自私 尤 俟命」等語,可 但 能 放 忘貧者矣。 要怨天尤人。貧 實、極安穩 素位」者是。 自 吾 地 下 自 謀 位 所 井 不 是 身家 「, 則 田 謂 圃 得 利之學 不 既 須 謀 工夫。 忘 貧 今學者 此 人代之謀者 廢、民無 而 生 亦 貧。 即 見 後 玩下文「正己不求 相 一,全與 不 及 是 素位中自 反。 可 此學不 實 期 漫 國 素 忘 恒産,謀生之事,亦全 學 忘 言 世 與 位 即 而 到 人一 天下 二, 而 「吾能忘貧」,不 而 木 而 - 講, 便 不 得 自 有 越《 行 可 可忘,正 不 忘 種 極 謂之學乎? 惡有一身不 求 中 所 矣,斯 誉 不 平 人,居 謂 庸》 自得, 營逐逐, 常、 學也 己 極 所 不 真 謂 知 怨 易 能 居 便 切

忘貧之久,終自有不能忘貧處也

## 素行

塾,而 也,而 子 事 有十 作賊乎? 願 八斗五升。又三十分八 食。」「其不計 六口,然邱子 獨操奚道 不能 外 至 升 庶人,皆 石之粟,則十二分十石之粟,而 陳子曰: 待 即 無 八合, 館 食 是行 所 一而 桐鄉 邱 於塾館之穀。 求 能 子。 不溢 口 之制, 于人。 險 當 《周官》量人 至是?」考夫曰:「邱 張考夫稱 守之。 圃 徼倖耳。 則邱子謂 計 絲 食奈何?」 歲食恒不 確 粒 彼 斗五 日 也 其 某 謂 爲 不 今年 友邱 年 出 能 不 升之粟, 邱 賢 某 守 之法 能 曰 計 子 哉 現 塾 季 法 者 歲 口 粟 产 心 主 邱 丽 貧 自 而 有 爲 月 如 家 子 將 即 計 石 訟 天 給 歲 有 + 能 鄉 日

其 以 將 哉 耳, 合。 論 乎?」曰: 它年求大節不奪之士,非它人,必邱子也 子,而邱子 食,僅能不死,亦終不求于人。」確 而吾考夫 邱子 諸 自 何 行 遂 凡半 父 文 以待之? 事,往往 《周官》之法所不能行者, 用 能耕乎?」 邱 者,毋使六 前 ·瞻伯'、 亦 歲 「不能。」它日 能行之。 法 可謂 而 與前賢合,亦樂交考夫。 給 邱 考夫 亦賢者也、未嘗讀書、其言 食, 日 善取友矣。」確謂考夫: 子 П 况貧 :「不能。」「其 之館 日 之命 盍 粥 爲 邱 未至邱 復, \_ 得 邱 子 餐, 終 子言,更謀 弛 亦 制 塾館之業, 宜 復 餐 子 于塾館 曰: 子 無 家 者 能之 升 過 哉 之 所 難 七 邱

### 王政

孟子游齊、梁,屢言王政。及滕文慨

有力者 皆以 亂 然 行 困 士 而 心。 傷 耳。 世 願 井田故至此。 爲然, 治 儒 民生之日 孟 夫不正 謂 其孰能持之? 難 子 雖確 復 · 贊 其本,而 行 之, 蹙, 向 亦 于 . | 者《産 莫 追 大 周 惟 能 抵 徒禁之於末, 秦 禍 皆 難 固 論》之述,深 以 始,則 不 之也。 知吾言之適 後 離 井 識 又 田 自 以 時 之 雖 遭 務 不 惟 法 者 賢 厭 世 取 不

秦以 謂 無若 井田行,安用是戔戔者哉 而 罔 不不 社 悟 後 ∭ 能三年之喪 東陽生 已耳 倉, 不可復行者,真竪儒之見,蔽 儒 者 以 宜 井田 而 呕 想,小 修 勢不可 之。 功之察」者 嗟 復, 捄荒 乃向者謂周、 乎 於私 此 善 也 政

亂 自 相 治 天降 百 也 民,而 謀 人 於 謀 上 其 作之君 則 家 與 謀 以 天 於 子 治民,而 下 爲 則 謀 萬 其 非待 不 民

萬 心,以隆 不一, 而 亂 堯 何 、舜之治,舍井 ... 已 乎 ? 有 田 王 惡 者 起 先 一,君 孟 臣

子之言,百王不易之道也

焉 ! 半之。 有之。 其能 相 時 懸 不言食 絶,田 方艱 而 經理 給 故民 而 民 諸 不加 仁固 浮 ? 之, 食足,不言兵而兵足,惟井 田 而 於田 相 諸 日: 廣 患 無踰井田 準,而 ,而民 州 無 不能 尚多不墾之田,得賢君 耕 則 民 生日 王政于是行 土 ,則半之,不能,又 ,而古今之勢,已甚 力 不患 繁,一夫百 愈 出 無 耕 m 矣。 地 何 田 畝, 也。 爲 患 雖

### 改量

均平,所從來久矣,雖至愚之民,能遵而守聖王制世,必謹權量,公私出入,劃然

收 以平量取之,猶懼不給,而苛濫相 之,何必待之賢人君 之怪。及乎兑漕完櫃,雖 租 斛 也,輒相譁然怨之,何其無恕心者 一有加 故 某自癸未年冬,始改 規然 加袁花市斛石三升,以 也。 也。 一斛,甚者加二,農 既 而思之, 啚斛之稍 訪之他啚,有加二、 子 哉 有 租 斛 奇 爲 IIII 贏,未 人最 近 租 較 承 鸁 準 俗 糧 耶 了, 恬 加三 本 至 富 市 不 1 · 圖 斛 宜 加 即

者,啚 倉 異同 糧 花 侯 者,非也。今年冬,始託一表弟 各鎮市斛市等,皆同 斛,官平也。 稍同袁花市斛矣。 斛,亦將取 斛兑。 蒞 斛 寧, 石二升。 始改增各 確家 償于佃 雖 近袁花 今杭 往 户耶? 年 市 而袁花 海 州 市 鎮 ,遂以袁花 寧 河 河 米 斛等。 長安、郭店、 斛 行 市斛 於是又填 斛兑,並 河 尚餘 平 覓 自頃 斛 · 皆 硤 爲 秦 古 先 市 平 同 硤 板 官 朝 邑 斛 袁 山

習 斛 信 待 擬 類 再 市 循 遷改 也 俗 格 之 于 舊習者乎 自 之錮 致 不 明 又欲 尚 恐 而 復 年 出 明 人,而 後 用 更 未 以質之同 人,悉宜 年 者 知 製 離 哉 更製之不果,故 之。 月 學者氣質之不易變, 取 攘 爲 平量, 夫 志,得毋 五 而 租 糧 十步之智。 + 斛 ·數年 米 依 而 古 從 未 有 啚 以 官 得 先 冒 斛 來, 賣 書 予之因 以 不 米 皆 此 此 得 此 雖 爲 此 豈 從 見 則

### 聖學

孔、孟 即 者是之, 分, 如 是 孟 聖學異學之分,邪 加 與 、告之辨 世 後 非 公,學者 衰 而 道 른 性 微 無 一,决 邪 是 真 非 説 無 是非,是者 與 之辨 並 兩 正 是之理,亦 作 丽 '',庸 何 己。 容 可 非之,非 淆 邪 長 决 IE 耶 圖 之 無 1

> 然之性 是矣。 之爲聖書,確甚 特 性 之性,未若 然之性,孟 性 也 而 兩 可 原 ; 告子生之謂性,是言氣質之性,氣 兩 言,隱然躋 非 乎? 是 有善有不 之 「但告子只説 前 理。 ,本然之性, 己。 且 張、程子之説 子 宋 告于孔,有是 以孔子言相 亦 此説之至怪者也,而學者 善,告子之説 儒 懼焉 説 言 得本然之性,遺却 原無 得氣質之性 孟 子 爲 不 道 告 近,是指 全。」又 善,孟子 亦是也。」 性 非孟之意,非 善 兩 遺 之説 氣質之 是 非 却 氣 則 謂 質 本 之 是 本

皋矣; 已 不 以 一有言。 荷 其 一宗 倍 立言, 往年當作《性説》 彼倍孔、孟 于 述 諸子 孔 孟 子 孟 大 ,道性 而訾之。 若 有 者不愈有 關 可 善 民 以 並《氣情才辨》等篇 具 夫倍 彝 俟 有 物 皋 百 至 教 平? 于 世 意 者,而 諸 · 告子 子, 古聖 後 學者 不 洵 得 賢 有

於性,豈 情 知 之言,諸子發明殆 氣質之性,真 了, 横 才有不善, 争 無 非 已,使 萬 即 助 世 皋 是 紂 天下之爲 盡 性 爲 人 一,何其 邪? 虐者, 辠益甚 有 不 酷 善 諸 不 也 Œ 子 善 又 皆 告子意 紛 焉 得 紛 諉 之 中 氣

實學。 非 善者,要之,性體 真 是 爲 天下將無棄人; 相 知 復 未 善耳。 孟子後一人, 咻,千古 行矣。 起,不能易也。 知性善。 然孟子非空空道箇性善,實欲胥天 然孟子、陽明 若 一轍,真 但 故陽明子 知 言知行合一,則天下始 而學者又攻之不止,羣愚 與 性 知行之體 .善 可 非然,則 非 恨 姑爲是言以 而 亟合知 也 又不 ! 性 原 言性善, 力於善,即 非 自 行 性 如 而一之, 誘 一<del>,</del>知 此 人 聖 爲 下 則

之性,全墮佛、老。 諸儒言氣質之性,既 如 性 通 本 荀 極 于無 · 告, 一等語 論 本 體

> 體 善所 質 皆 此 以 自 有 證性 未 指 宋 不 氣 善善 儒 自 具 本 質之殊 一**,** 而 無不善。 之前,謂 本。 體 ,聖學遂大泯喪,人心世道之禍,從 振捄也 言, 另懸 孟子能受否? 耶? 尤 静 諸子反之, 昌言氣情 是性之本體,爲孟子道 罔 虚 孟 世 一之甚 子明言氣 境莫可名言者 者。 援儒 情 性 才皆 豈 才皆 有 於 實 形 本 性

嘗 易 言 良 也 子 明 終 。」。」故 致 知 道 無 復 不 一二爲俗人言也 性 益 可 行 故 良 愚以 善蓋 明, 知之未嘗 也。 山 知 則 者 陰先生謂:「有不善未嘗 知 爲 知 顔子 始 如 行合矣,則 行 性 此,故曰「盡 可與 理不 復 有 不 合 行, 不善未嘗不知,知之 道 削, 則 是致 性善。」嗟 性 則孟 孟 無 良 其 子 性 知。 心 不善矣。 子性善之教 者 善之教 乎! 不知,是 故可 知其 孟 龃 性 未

始

不

可

知性

不復言 孔 子 ·孳爲 始 孟之意也 孔 和 子言「 善, 性 盤 託 雖 只 出 性 廪 不 相近」,善 言 廪 既 性, 慎習, 經 孔、 圃 之 孳 性 孟 意 孳 在 指 已見, 其 爲 點 中 善 學 矣,此 而已。 者 至 可 孟

者 妙 相 終 自 極 何 至 決 在? 忘 誣 日 也。 知 遷善改過工夫,全不見 切即 紛 也 性 無 今學者皆空口 善 言, 争, 孟子本知性 恐自 謂 各 性 總 此 人 謂 無 最 無 去 不善,亦恐未是實見,不若 知 是 着 性,非 落。 盡 反 於 言性,人人 本 心 盡 於善。 謂 之言,解 心,正爲時人言 孟 性 得 子之所 有 力 自 盡 不 紛息争之 所 善 謂 心於善, 謂 謂 知 固 知 性 性, 性 是 性 善

> 性 性 然 擴 辭 之,能盡羞惡之心,然後 後 ,吾必謂之知 讓 ,吾豈謂之知性者 而 知 是非之心,莫不皆然。 充之是也。 惻 隱 吾性之無不 之 心 人 性,苟不充之,雖 皆 荷 仁。 有 能 之, 充之, 知吾性之無不義。 羞惡之心人皆有 能 故 盡 雖 所 惻 E 隱 謂 未 自 之 盡 嘗 謂 心, 心, 知 知

498

# 乾初先生别集卷八

取者。

且使盗者復有倖勝之心,故不可也。」

曰:「佛之爲異端審矣,然其言亦有足

君子不以人廢言,若之何與盜詞

同

棄

平?

雖

盗言

而善,君子猶取之,况

海寧陳確著

瞽 言三

糧 障

矣,而又試聽之,且屢聽之,是徒亂人意、 未有定焉故也。 之,盗之詞亦不能不詳聽之,以良盜之案 曰:「有獄于此,良盗 未 也。」「不習則 或問 陳 確 曰:「子習内 案既已大定矣,且久已定 何以 相質也,良之詞既聽 知其 非 典 mi 乎?」曰 黜之?

族玄孫敬璋編校

佛耶?」

端,而又取其言,是佛之爲異端未審也。 矣。今佛言滿天下,是行釋 抑猶是行釋言釋者耶? 子既審佛之爲異 而言非盗也。若猶爲盗言,雖善,勿聽之 曰:「盗言善,君子誠取之,取其人盗 而言儒者耶,

是嘗習内典之禍也。

記 紳 吾友指此語未善,宜改之。確曰:「此伯繩 深黜之,而惟儒言之習。他日 陰,讀《劉先生年譜》,至『臨 實之言,何害!!確心知吾友未善之旨, 有薙髮應聘者,先生太息,反側不安」, 「昔者吾友嘗習之矣,既而知其非,則 絶之頃,聞 與 確 游 鄉 山

24 五三

昔君子 亦未 也 也 也 山 欲 有喜樂而 反 容言笑 」, 雖 者釋氏 側 俟 雖 及 之旨 言 哭 [怒哀 反 所 申 譚 其 側 丽 死 難 辨 所 于 不 樂中 道 不 死 生之説微有 ,然某竊以 兹 以 當 安, 不 後 亦 始 而 有 節 輟 吾 救 亦 無 睹 怒 之謂 不 友 無 正 也 不 哀 病 之, 不 可 爲賢者之過 耶 和 毁 以中之也,是未 及 某 可 也 且 而 家 則 ; 何 也: 吾 死 曳 故 以 以 人 友 笑 惟 杖 於 爲 事 與 無 其 消 而 羣 死 生 也 季 時 谣 死 時 死 此 是 從 某 獨 善 古 而 口 可

皆 欲 也 朱 經 言無 謂 ,崇聖言 旁求諸二氏,久之無 非 非 氏 惟 極 惟 之 程、朱 ,言主静 吾 ៣ 説 友 排 過 爲 爲 佛 高, 然 老, 然 ,皆禪 也。 彌 也 不亦 所得 近 宋、 障 理 雖 偉 也 然後 明諸. 周 則 亚 子 某云: 猶 Ţ 大 之言 歸 是 然 儒, 禪 無 無 障 始

> 無 欲 障 人 者 安可 欲 也 能 顓 作 絶 在 聖, 欲 乎 耳 可 此, 作 二氏之學所以 加 佛 周 耳 子 未之察, 要之, 大 佛 故 繆 亦 日 于 鳥 聖 禪 能

裹」, 善 識 則 學。 極 字 妄」,曰『 所樂何事』, 下,終難 静 于 教 無 端倪」, ,善矣。 4 **ぶ悪」** 無」, Ħ 字 學者 門人問力行之要, 朱子 有 『活潑潑 較 既 凑 所 曰『須 日 周 日 以 泊 無 謂 뻬 向 一才 写妄 日 子 半 所向 伊 『觀 便 静 彌 日 地 日 先 説 ]1] 心 是 粗 静 字 明 亦 性 未 每 略 又無所 欲 日 發 坐, 照 便 稍 見 去 綽 EI: 닌 前 個 一禪 偏 常常 人 提 半 日 不 氣 心, 静 見,便 日 惺 撕』, 彌 見 日 不 「無 象』, 是性」, 坐, 惺 近 有 若 讀 静 矣。 日 日 所 是 易 妄 書。 坐。」 輒 非 曰 一在 日 見 無 以 無 嘆 日 日 顔 便 照 性 其 朱 極 腔 全 其 敬 是 放 體 察 而 無 通 子 子 善

嘗習内典而階之厲也。嗟乎! 佛教之溺太極』,如此等語,未可悉數,皆禪障也,皆

',曾何

...

而

已

哉

時 也。 姑 用 事。 作 教。 斃 曾子自深 死 無 死 所當受乎,不當受乎? 爲二 失 之,其可 主張。』堯夫曰: 生之説備矣,而 而 其 妄用之乎? 易簀 堯夫 則未斃 當受而受,可 遑遑必易之爲快 季路問 爲 也。 固 疾 于聖學, 以用 是 圃 哌 正,然曾子于季孫之賜, 死,子曰: 一,伊 故 苟 也 而 易 可 儒者 ĴΙ 用 『無可主張。』斯言最善。 用 而 必 之 以不正乎? 是 過 Щ 之乎,其必 程、朱獨取其易實 也 可 則 猶未免浸 『未知生,焉 也? 之,曰: 用, 其 不惟受之,而 也,終 伊 當受 則 川 如 胡 晦 不易之,亦 而 爲 不 淫 願 是 「得 菴之言 先 疾 미 미 佛 知 又 爲禮 以 用 生 呕 死。 用 氏 IF. 又 嘗 之 之 者 生 而 而

恐皆未離乎昔者吾友之爲見也。

習也。 嗟乎 未脱 緇 宋、 惟 痛 先生言: 『諸公素叩禪 人不獨 而 哉 其 明 舊 有 1 師 故佛 况 諸 内 行 言 口 磨 如 大 履, 一典,而 取, 不 教之惑 某之戔戔者乎! 儒 磷,湼不 欲舍 故 非 ,至吾友之賢 况 惑 即 人不 短 内 吾 人 典 録 緇,惟 彌 子 關, 之 止 長, 有 深, 詖 雖 死 山 以 聖人爲 而 生, 聞 邪 皆 取 故 成 禍 者 大道之要, 猶 之説 懼 凡書之惑 其至是。」 世滋 哉 未 Mi 然。 乎? 免 勿 湟 自 敢 劉

能 往 書問之,答曰: 好 迹安從 辨 年嘗見伊 聰 其 游酢從二 明 同 出 異。 哉 ĬI 率 不然,難 云: 『佛書所説,世儒 要知 程學,後更 類此 「吾之所攻 此 事 以 此 須 口舌争也 學術 學禪,吕 親 者 日 至 亦未深考。 迹 雜 此 \_ \_ 居 也。」然 地, 世 議 以 方

廬其 萬 底 H 二世之禍本也。」有王者作,必用斯言矣。」 煩 居 卓哉韓子之言曰 而 ,明先王之道以道之,所以 禪 學之禍所以 :『人其 日甚 人,火其 日 絶天下 無 定

# 性解上

甚。 性善之説,與《易》繼善成性之説故也 説 自 孔、孟之心迄諸儒 此 ,未盡蠲告子之惑。 故某嘗云: 大定,學者 孔 子 日 性 孔子之旨,得孟 可 相 而 不復 近 Ξ, 轉晦,皆由 孟 至於諸儒 語 子 性 ,又道 矣。 子 未 倘 荀、 性 加 解 善 益 恍 韓 孟 明 子 彌 之

輩 有 善之意。 更無 功于孔 子言相近,本從善邊説 處 孟子 門最大。 躲 閃 更斬 然 後 要之,即本孔子之意言 截言之,使自暴自 相近之説益 即即 孟 爲 子 無弊, 棄 道 性

> 者也。 之耳。 者。 故嘗諄諄教人存心,求放心,充無欲 也」之一言,是孟子道性善本 之可爲,又何待辨哉? 若此其盡心,則性 何,如舜而已之類,不一言而足。 及人之老幼,誦堯之言,行堯之行,憂之 忍,有所不爲,達之于其所 之心,無穿窬之心,有所不忍,達之于其 性,不藝植,不耘耔,何以知其 無不善,于擴充盡才後見之也。如 何 然孟子卻說 以知之? 一善復 曰 : 「 得有根據,非 何疑 故曰:非脱空肚 盡 爲,老老 其 哉哉 種 心 者 之美 脱 學者 而 幼 蓋 知 空 五 堯、 害人 耶 穀 其 肚 幼 如 之 性 舜 果 所 性

夢説 對 即聖人之道 下 也。 《易》「繼善 知人之偏 陰一陽之道,天道也,易道 也。 而言, 成 道不離 性」, 뻾 皆 解 陰 體 者深求 陽,故知不離 道之全 之,幾 功, 也 IE

陽之謂

道

」,即《中

·庸》中

節之

和

天

下

-之達

仁,仁不能

離知,中焉

൬

己。

故

E -

陰

賢以 言之。 世 皆得分過于 道 故性 下 言 心 無 一也。 其 所 不 天; 辭 虚 小 罪 孟 言其實 其敢 則 于 恍 子實言之,而諸 己。二説 惚 久 則 易 置 遁, 而 親 之相 勿 切 彼 講 不 下 去, 誣,自 愚 家 皆 關 者 係 虚 大 流

心,而 端也。」雖然,未 偏 道 天賦之全,而所 也 月. 有 事,成之,即 繼之之功,即《中庸》「成己仁也,成 繼之者,繼此 反身而 居仁由 一,性之德 惻 無 也 而 念非 性。 隱 粹然至善矣。 時 隨 繼 出 義」、「 誠一、「 故曰 惻 之, 也 靡 有 隱, 窮 中 差 惡 陰 即 之謂 有事 萬 性或 焉 無 和 言體道之全功。 可 須 物 斯 念非 位 以 有 如 臾 勿忘」者,繼之之功, 咸備」者,成之之候 幾 爲 陽之道也,則剛柔不 育之能。 辭 日 善矣。 向非 不 羞惡、 乎滅矣。 讓 善 : 離, 「惻隱之心,仁之 也。 成之, 有是非之心焉。 成之者,成此 辭 戒 在 從 讓、是非之 懼 則 故 孟子, 而繼之, 慎 無 日 獨 物 以 則 之 成 知 見

由是觀之,則仁者見之謂之仁,即不

蔽矣。 勤 天 則 命也。 孔 此 命 也。 之,一也。自一命再 子之性全,敬肆 之性之有美惡,必不然矣。 離 善惡,必不 漏 而 矣、蓋非 人而尊天。 、孟之言性 孟子盡心知性之旨也 也,猶吾自命之耳,故 矣。 指下位之士 後嘉穀之性全,怠勤異 指 自有恒以至善人、君子、聖人,皆天 日 一然矣。 節之士, 嚴 一本天 而 祗 離人尊天,不 天 殊 前 敬, 亦 人爵君命之,天爵 功, 而 無由 命 日 圃 而 責 而曰 君 以 後 曰 日 (人,諸) 見 天之 之命 至九命,皆君 君 . 涵養 生民 也。 惟 寵 穫, 所 誣 家之言性 命止于此 止 以 日 之性 熟 是故 而 隆 于此, 文 人, 日 而 一**,** 雖 命 并誣 天 之 後 麰 藨 也。 君 命 有 則 命 君 麥 萘

幾 去告子所見,不甚相遠,諸子言雖 日 孟 加 子 而 所 後, 謂 剛 性學 柔善惡, H 淆。 氣 至 質 于 義 濂 人人殊, 理 一之説 洛 庶

> 孟 語。 至云后 知 學,何以大别于二氏哉 要之不離 其言 之旨 嗟 纔 乎 何 之 説 1 由 愈 性 一家 復明 世 悖。 便已不 近 流 是,而告子 于天下 愈 知 下, 我 是性」, 罪 論 哉! 杞憂 我 益 獨 更不 怪 擅宗 其 日深,不自 幻 ൬ 敬 解 , 我 吾儒之 風 以 是 孔 何 聽

#### 性 解 下

不可 性情 孔子贊乾道曰:「各正性命」,又曰「利 庸》之言性者解《易》,未若以《易》解《易》。 道 親 陰 切 以氣化言,而 也」,皆以 或 之旨, 問 陽之道 繼 則 善 氣 來,猶乾道之各正 得 成 化言。 謂是道體之全功矣乎? 矣。 性 以 「繼善成性」, 工 顧 夫言, 以  $\sim$ 孟 也。 視學者 子 **∀**, ≪ 何爲 承 貞 者 中

全。 各 贵可 始、流 也,而必于仁 物之性之全。 之時,性非 性,不當智出老農下也。 種,必待受霜之後,以 藏,乃見性情之實。」此其解也。今老農收 之成物 有性也,謂 貞」之下乎? 又何不曰「元亨者性情也」,而必係之「利 成成 Œ 此物 物之成以氣,人之成以學,人物之性, 性 同 性命」, 形 哉 ,又何疑乎 也 ,言天之生物 然。 理 不 性 也,可 物成然後 而必係之「乾道變化」之下? 三至義 具 且《大彖》何不言「萬物資 至是始足耳。 請 非 孩提 也,而 爲子 元始 盡 以 少 見 也 推 以《易》解《易》。 必于各正 爲 時 性 長之時,性非不 生人之性之全。 人 無 非 是故資始、 正,人成然後 各正、葆合、言天 、理矣。 :經霜 性 注:「收 而 、葆合見 收 則 君 穀 藏 子 流 斂 性 時 始 性 良 語 不 資 形 歸 生

> 出 所 非 形 成 善成性之功之彰彰者乎 葆合,非即聖人之各正、葆合乎 無體元之聖人也。 非教養成就能有加于生民之性,而非教養 木之性,而非滋培長養,則草木之性不全。 者,聖人之功 庶民皆天之所生,然教養成就以全其 \`,非即聖人之資始、流 就 生 人 庶物,萬國咸寧。」此乾元之大,尤不 道 ,然滋培長 非 ,則生民之性不全。 惟 然也。 今夫 也。 養以全其性者,人之功也 一 草 一 各正、葆合,雖曰天道 非 吾鳥知乾道之資始、流 滋培長養能 木, 形, 故亟 誰 乾道之各正、 係之曰:「首 不 日 有 此天之 加 圃 于 况 性 口

之盡 庸 如 》言「中 人物 是, 故曰:天地民物,皆吾性 方可 和 贊天地,皆指性之全體 位 以 育」,又言「至 語 性。 故 一誠 曰 分 盡 「成之者 内 性 事 言。 丽 性 中 極

道,以 之説 道 乎息矣。 經文言忍性、養 也 子真深于《易》者。 之言,無非《易》也 也 也。 即 復 丽 天道。 天 成己仁 成之也 孟子言心 道 于 蓋 斯 也, 性、盡性、成 者,誠之也; 人道 乎見 故 性 成 孟子不言《易》,孟 ,篇篇皆是 物 不 矣,故 知 脩,而 也 性 誠之也 日 一,皆責 性 天 性 此 之德 道 也。 意 ]者,人 重 亦 也 子 幾 孟 X

若 又 知 其 夫 没 或曰 必 善惡之不齊 耶 滅 羊 「繼善 善 舌 判 成 性 性 有 然 不 嬰 之旨 善 孺 昭 叔 則 于 虎 聞 前 之生, 命 册 矣

堯 適 正 君 彰 如 而 舜 悖 其 有 日 親 象 父 子, 鄙 攘 耳 哉若言 羊 凡 豈 何 此形 日不教,卒 必 證 傲 之 據 象 何 告子 , ? 孟 爲 ? 子 丹 無 固云「以 豊 不 朱、商 未 能 足 改于 知之! 賣 均 堯 直 其 係 爲

> 己。 子 又 善, 深 咸 使 禦之? 不 德 何 一肖,若 道 立 錮 叔 與 悔 似 Œ 性 一言,務 向 不 虎 其 焉」,不亦冤 皆 爲 善 使 肖之路? 惡 聞 肯 性 叔 1,何不 象、虎 普天下無 言, , 使賢 改 成, 虎 斯 行 早 覆 口 而 率德 曉 宗, 者 自 耳 實 軰 人 若 甚 益 0 祓 非 一不善 偶 意也 言之, 矣 曰「皆天 胡 勸 濯 直 然 符 哉 于善, 乃 旦夕 也 必 向 旁 人,孟 直 母 不 之所 引 間 朱 是 孟 之言 而 至 事 曲 子 大 不肖 子 均 此 證 限 道 不 誰 何 自 得 性 者 故 以 君 假 能 甘

意,以 遠 賊 不 人人堯、舜可 謂 者 善。 而 孔 人不 爲善人之性 不爲 言,即 子言「性 能 矣,此孟子之旨也。 非 則 孟 賊 相 不 子 固 近 能 道 一善,雖 也。 性 亦 使 善之意。 正 皆 謂 惡人之性, 爲 盡 己 善不 心 不 爲善 舜不 能 孟 善 則 亦 子 之 好 之 雖 自 相 無

異? 舜。 善而 奸,象之善端,于斯畢現。 義,卒爲賢主,倘終不悔,便 舜、象之分,豈絶相遠 好傲,便是象;象不好傲而 不責心而責性,不罪己 太甲 哉 而罪天,天與 與與 顛 好善,便 朱、 覆 蒸 X 均 不 何 日 是

遷

話,使 痛 白 人人生 非本性、皆有不善、另有性善之本 强分个天地之性、氣質之性,謂氣情 也 和,學者靡然宗之,如 荀、楊 一而静」以上, 奚翅 醒 語 何 性,已是下愚不 處 置 喙 西來幻指 通 其 國皆醉,共説 間? 移。 噫 宋 體 儒 才皆 唱 在 又 미 醉

#### 氣 情 才 辨

言謂 之充周而言謂之氣, 氣、 之情,由性之運 情、才,豈 性 也,推本言之曰 有二 哉 用 而已矣。 而 天命,推廣言之 言謂之才,由 由性 一之流 露 性 而

日

事,喃

喃

不了,

自

謂

無

錯,

卻

何止于

也

性

不任受也。

與孟子争性善,直是醉

剛,直 善,而有不善者,由不 天之降才而殊也。」曰:「其爲 則可以爲善矣。」曰:「是豈人之情也哉?」 之説,即孔子之旨也。 無惡,故氣、情、才亦有善 無惡,故人性亦 情、才與氣,皆性之良 曰:「若夫爲不善,非才之罪 性之善不可見,分見于氣、情、才。 養無害,則 有善 塞乎天地。」是知 而 能 ·能直 故曰 無惡。 也。 而 一一一万 無 養而 氣 也。」曰:「非 天命 惡 人性 也,至 若其情 害之也。 有 此 有 善 大 善 孟 子 至 而

惑乎? 孟子而 皆知其 善者, 日 平旦之氣 固 、解矣。 知 未始 道 者,何得 不 使 則 在 孟 也 雖 告亡之後, 子 輕 而 凡讀《孟 非 變易 知道也者則可 其 説 圃 子》者, 以 其所 相誑 爲

把截 有 言 思 就 爲 天,畔孔、孟而 何 不在禹 之甚矣。 轉 邪 氣 徑,爲下 使其説皆當, 不 · 善 説者立 卸 、情、才有不 且孟 使 下者。 ·, 則 罪氣質,益分咎 自暴自 子兢兢 ·愚得 性之有不善,不待 一幟 宋儒 黨荀、告,爲萬 也, 自 要 棄 不敢言 · 善 便 于 而 既 性 耳。 輩 非 可乎? 不 教 才情 有 無 敢 性有不善,並 他 奚 間 嗚 可 意,直 呼! 補 藉 萬不通之論 性 無 言矣。 ? 有不善,奈 口 情、才、 論 其 祇 誣 欲 所 是陰 多 謂 亦 人誣 四 不 開 氣 路 勿 敢 功

告子之説似中正,然大有便于愚不

之可 中 無 此 肖, 而 又何以明性之善耶? 于氣,故皆有善不善。」不知舍情才之善, 性,以謝孟子。 融,不若孟子之直捷耳。 善可知,有不善則遠矣。 ·分出: 己。 偏,與孔子之旨脗合。 聖學異學之別 孟子之説似偏執,然大不便于愚不 言耶? 後儒無 氣質之性,以 又曰 識,罔欲調 不 也。 既 知 謝 離 發 然 皆矛盾之説也 告子; 卻 謂 孟子之説,實至 停孟、告之間 但孔子卻說 子言相 氣質, 要其指 之情」,曰「才出 分出 復何本 歸 近 本體之 則 得 則 就就 肖。 體 渾 IE

亦不 「有自幼而善, 曰「人生氣禀,●理有善惡」, 程子 可不謂之性」,將告子 百 「性即氣,氣即性」,是矣, 有自幼不善,善固 情 何耶 事 ·, 和 是 ? (性,惡 盤 丽 曰 託 又

其才 倍蓰 然者 子,則 性 獨 預? 不移 則 斯言當矣。 言相遠之中,又有此二者不相移易, 也。 上 注 出 可 之性 智 一,反 蒙惡聲耶 性 I, 雖遠 與下 則 字 解 以 于不善,下愚習于不善,必不移于 無算之説, 謂夫習成 與 孟子之言,果悖于孔子矣。子曰「惟 相 故陽明子 ,便滯。 之者 氣質之性言之,謂「相近之中,又有 有 也。」是固 孔子合矣。告子之言, 近」句,並 下 愚不移」,承上章而言,蓋言 可移。 日 愚之不移」,不 丽 ? :「是蓋言生 M 又曰 程 謂「是不 吾未 卻 不 然 子 與 以 此夫子之旨 矣。 二語 變者:上知習于善,必 于「不 之前 氣 性 質 其 肯 何 冤 性 當之, 聞 預 之謂 移 移 哉 益 則 ? , 也 支 1 非 字 也 無 乎 性 且于 果合于 是告子 質 不 中, 即即 故程、 ? 不 氣 所 可 添 自 朱 移 孟 才 何 謂 習 孔 何 子 非 朱 以 氣

> 子 美惡 以 一定,非習 誣 性 一,程子 所 更以 能 移 誣 者」。 才,其乖 子本言習,朱 謬 如 此

情、才、氣質乎 極 以 奚爲者也 孔、孟之言,若合符節 也 我 無不善,昭 分曉,奚患 一非不能 .,斯仁至矣。」此「欲」字兼 未見力不足者。」力非 不可與言, 子 曰:「有能 然甚 也。」曰: 無 不足 且子既 ? 與桀、跖 明。 有 日 不不 以 爲 故 用 相 屬 孟 才 面 分過者 能 其 耶 遠 之自暴自棄, 諸 子 盡 力於仁 屬 ? 才情言, 亦 儒樂相違 其 習,孟 前 日: 日: 才 者 矣 重 子 不 其 我 也 乎 以 異, 既 ? 爲 欲 誺 已

以 而 不善,乃可 氣、情、才言之,氣、情、 惻隱、羞惡、辭 况才、情、氣質 中庸》以喜怒哀 知也。 讓、 乎 孟 是 子 樂明 才皆 非 曰「形色天 氣、情、才而 明 性 善善 性 之中 之善, 一,而 和 性 性 云 皆 之 也 孟 非 就 無 子

佛、 也。 于 無 性 無 老 即 則 彼 而不 佛 所 自 程子 之 謂 以 自知 所 性 爲 謂 爲 「才説 識 斯 竟 空 得 是 矣。 賊性之大者 本 何 性便 然之性, 故張 物 ? 不是」, 子 非 謂 丽 老 其 性 已 之 供 流 所 诵 干 狀 極 爲

性 又烏 是 得 收 必 也。 之嘗言也 養 欲 ,便是蒲 而 而 性 視聽 冥 思之 所睹性之本體 今夫心之有思, 不 盡 禪 而 思慮 能 乎? ·, 杜 團 心 睿 E 而 鰓 盡 了, 視 語 聰 故 才即 明,以 而 踐 聽 此宋儒之言,孔、孟 者乎? 睿智,以 形 耳目之有視聽 之能 是 即 求 盡 是 耳目之本體 聰 性 要識 復 求 明 非 性,養 心之本 (者,才 有二也 本 者,氣 體之 氣 安安 也。 未 即

之。 不善 諸 且告子止 以 子 盡 猶 削 以 其 説 爲 輔 未 足 性有不善,孟子猶 丽 紛 性 紛 益 指 孤 情、才、 危 無 所 深 恃 闢

> 學識 猶 雖 善 孟子則第曰「善養」, 氣質,是變化 未 之 伐 「變化習氣」, 張子謂「學先變化 也 計 更出孔、孟之上,則吾有所不 樹 清請 者, 也 先 甚 衷于孔、孟之言 伐 吾 矣,諸 不 其 性 可 枝, 也, 曰「無 曰「變化氣質」。 氣質」,亦 子 而 是杞柳 之巧 本 隨 暴」耳。 之, 于 之説 不是。 滅 此 敢知 使諸 性 也 司 但 馬 巾 儒 在 可 翦

## **莱禀清濁説**

善之旨,有 而 人氣禀清濁,果 盡 誣 蔣 諸 書升曰:「子言性,深得 功於天下 有 什伯 後 世 千萬 甚 大。 者, 孟 子 然 子 又 驗 勉 安得 之吾 人爲

性 善 乏 某 義 乎 ? 氣 氣 清 清 濁 者 無 誠 不 有 善 不 同 氣 濁 則 者 何 亦 乖

中,當 善惡 惡 多 拙 者,非聰 無 何善何惡,而 魯柴 耶 呐 輕險之流; 不 ? <del>,</del>不 善。 之謂乎? 由 愚 明才智之謂 通甚矣。 有不 當由 氣 清 미 遲鈍 · 善 夷考其是 以 氣 可 斯 乃 此 拙 濁 謂 乎? 是習 誣 固 , 呐者 游 游、夏 歸 宋 性 夏 |哉! 耳。 ,反多 人之蔽 聰 氣濁者,非 性 多 明 若 善, 文,端 材 觀于聖門, 重厚之器 以 也 辨者 參 清 柴 木 遲 氣 濁 - ,或 性 屢 鈡 清 分

善歟?」善「然則氣清者反不善,而氣濁者反

于樸 于浮 濁,習于 習使然 不 慎 者 也。 亦 濁者 也,於 日 善則善,習 非 厚,習 習 也。 安 性 相 陋 清者恃慧 遠 何 于 而 有 浮 守 于 哉 者 約 悪 語,子 日 則惡 ! ,故常習 而 薄。 故 外 只 矣,故習 無 馳,故常 欲人慎習 善惡之分, 于樸。 論氣清 示 口 習 習 氣

> 慎 斷 説,故孟子不得已 古今人千蹊 有 習 氣禀清濁之説,愚其能已于言哉! 後來紛 則 可 以 紛之論矣。 萬徑 復 性 皆括 矣,斯立言之旨 而有言。 此 不意 習 又有告子之三 又不意宋人 相 遠二一 也 語 然 復 口 更

之説 耶 可 庸 雖 禀之有清 愚與柔 也 1 可 。」、某 乎 書升快然曰:  $\wedge$ 謂 中 ! 善 日 ,必明必强。」非 庸》有云:『人一 濁 愚 語 也, 柔 善。 性 且 矣。 又烏知清 然,况 「異乎所 如 是 强 即 己百,人十己千 言 濁之無 明者 聞。 吾子慎習 性 雖終 吾固 哉 歸 H 復 善 疑 惡 中 性 氣

四六五

# 乾初先生别集卷九

皆

知

之

即

行

· , 行

無

不

知,

即

陽

明

子

可不

爲

知

行

已

迥

分

爲二

故

耳。

使

世

之學者

果

知

性

善

何

益

?

故

陽

明

子

又

欲

合

知

行

正

海寧陳確著 族玄孫敬璋編校

言四

原教

甚; 告、 是 更 爲 欲 無 此 後儒之説,更極 言 孟 不 爲 唤 善 子 楊 善, 醒 道 各 之, 性 是 若但 即 一善,正 所 俾 孟 見 知 项 子 支離 反 性 銖 |爲天 可不 於 善善 銖 善耳。 下多 言性 而 但 較 不 孟 量, 能 不善人,故 善 子 使舉天下 爲 道 矣。 可 善 性 謂 荀 雖 愚

> 子之未 異; 所 夫「 不 如 立言之旨,而 知 明白 謂 所謂 性 「知先 行合 非 愚 凡聖賢 有大證 甚 . 曉 知, 行 也 易, 而 有 後」,「知 立 知行 苟習其 無 不 待 據,不妄 教 善, 後 愚知皆知之, 無先 人之喋 非 行 膚 是 氣 有 自 後 陋 才情 大 矣。 兩 之説 是。 喋 個 關 平? 詎 有 學者不 係, · 羣 孟 其 不 咻 子、 不 善. 爲 此 無 荷 吾 説 陽 己。 之 爲 明 岢 與 維

其 毫 誘 而 性 不 無 人於爲 之 能 蓋 可 無 者。 疑 孟 不 善 子 善 今 道 惟 而 也 人 無 其 性 只 其 善 爲 實者 夫 是不肯 善 初 徐 非 而 行 謬 者 無 爲 性 爲 一,豈人 不 善、未 善 能 是 自 言, 是 所 有 此 實 以 以 爲 不 能 知 善 姑

以以 能 而 人 善者,皆 ? ,將能好犯上作 一,其 雖 之爲 欺」, 不 欺 違 辭 所 孝 可 則忠矣,無 道 日 不 誣 也; 弟乎? 善 可 不 爲 自 我 乎? 遠矣,性 棄 也 皆 而 不 其 日一吾 能 徐 亂 不 旨 所 與 行 争 乎? 能 哉 口 人 争, 善 其 之 則 示 能 不好犯 故 可 和 類 能 嗚 也。 也; 矣。 也。 孟 而 不 而 呼 子 强 争 辭 ൬ 上,不好作 不 今如 之言。 内 爲 日 能 日 忠 今之 其 叫 孝弟, 而 吾 乎 我 欲 不 爲 ? 外 不 可 欺 故 猶 教 故 不 子 性 孟 先 亦

能

能

不

哉

凡

我 也。 至矣。」曰:「有能 焉 未 見 故 夫仁 而 孔 也 力 不 者,心 子 足者。」此 知 恒易言之,曰: 德之全, 之性 一日 無 用 則 異故 而 其 可 聖 「我欲仁, 力於仁 以 由 功 知 之 禮 極 性 . 矣 義 智之 乎 斯 無 粹 ? 者 不

太

息者

也

能

自

而

誣

天

下

真

可

謂

痛

哭

流

涕

長

亂

將

和

故

無

之言 之五 人强 察耳。 無以 孟子 矣。 恕 諄 性 故 見 穀,雖云 其美。 雖 强 諄 善 人 教 然 但 更 爲善。 有 人擴 ,性善矣,尤 知 此 美種,然不 直 孟 孟 充,教 捷 子 如 子 之言 痛 此類,不一言而 盡 快 人動、忍、存、 心 不 於 性 耕植,不耘 知 口 孟 性 以 子 之旨 而 不勉 者, 不 也。 知 養, 耨 足。 也 孔

才、情 之 説 情之善, 體莫著于斯矣。 儒 四端之心,是皆 了才説 輒 求 氣、行道 子 本 求 即 蓋 孟 言 之恍惚 體,不知非 性 以 子言性 性 説 明 乞人之心與夫孩 體, 便 壞 性 無 甚 切實 必 之無不善。 一、必言 蓋 不 何 指 云「人 Τ. ·是性 孟 有 其 可 夫 子分 之鄉。 工夫 切 據 則 矣」, 生 者。 實 本 明指 而 而 少赤子之心、 미 體 如 丽 則 静 宋 據 即 所云 宋儒 何 所 出 以 儒 者 欲 由 謂 上 將 求 平 見 必 性 不 而 す、 氣 體 欲 日 ? 宋

痛哭流 各侈 孔 是 痛 哭流涕長太息者也 何 孟之言, 然 物 涕 自 以 長 又何 其 嘆息者 世 説 誣 有陽明之言乎 直駕 民 也。 孔、 無 若 嗚 孟之上, 此 呼 之 1 甚 且 此 此 者 不 尤 尤 有 山 猶 可

# 子曰性相近也 二章

乎? 於不 近者 聖」,是也。 其 也 也,皆善者也。 可移也。 (所以有善有不善之相遠者,習也,非性 ,故習不 移,而 性 聖人辨性習之殊,所 夫子 也 可 ·若 曰 書》 善固 相遠者習也 性 不 固未始不 稱 烏 · 慎 : 人之性 可 有善不 「聖罔念作 也。 自矜,而 習 相 相 善之相遠者乎 以 雖 不善 遠矣,雖然, 近也,焉 扶 狂 而已,本相 相 性 行,狂 遠 固 也。 之極, 克 可 自 山 念 蓋 作 猶 ? 至 沂 誣 相

> 其習善 斯 者 不 善,必不移於善。 乎 而 上 相 之甚者。 亦智,不移則智者益智,愚者益 智習於善,必不 ? 不移,故下愚歸 近者也 若夫 而 不移,故上智稱焉,唯其習不 習 故習不可不慎 成 而 蓋移之,則智者亦愚,愚 不 移於不善; 焉。 變者 習之相遠 也,而性 唯 下愚習於不 智 下 又 則未 愚。 愚 有 耳 若 善 有 唯

之性 也 離 質之性也,孟子所言,本然之性也,本 本 扎 ,是告子之説 如 無 此。 子。 夫子之言性如 不 夫有 善 後儒 而氣質之性有善有不善: 妄 善有不善,是 也。 生分 此。 如是 别, 抑孟 言 謂 性 相 孔 子道 可可 遠 子 所 性善, 不 非 言, 相 支 近 實 氣

人豈 大抵 有 二性乎! 孔、孟 而 二之,自宋儒 後, 鮮 不 以 習 始。 爲 性 既 分

电學

皆見其 悖。 性 本 云「小人之中庸也,小人 爲二,不惟二之,且三之矣。 體與氣質爲二,又分氣質之性與義理 彼自以調 偏,而張、程氏獨見其 停 孟、 告 而 而无忌憚也」。 得 其 若謂孔、 全, 中 尤 抑 極 子 孟 之 所 狂

#### 性 習 層

斯雅

智于一曲馬 歸于正即是

移于惡即非 肾善不材爲 性

恳

留于能異爲 反于常即是

習惡不移爲 移干善限長

下愚

性 習 圖 詠

足恃? 淵矣。王云「不肯移」,斯言有至理。 詣。 勿及,爲惡 間,聖狂 途,堯跖 萬里 性近 惟上 真 本 雖 如一 (忽爾。 日 密 云遥 無 智下愚,執 邇 家, 己。 習遠 偶 旦 惡 岐 没身不移易,上 身 胡 如 南 道 可 心 萬 堅 自 北 即 里。 轅 棄? 是, 石 比 轉 燕 當 其 爲 善 移 越 下 儒 善 亦 未 隨 分 安 念 天 所

子 日 . 性 相 近 也 皆 善 者 也。 習 相 遠

也。」始有善不善之分

善不移爲上智,習惡不移爲下愚。 言相遠之中,又有不移 子曰 : 唯上 者。 智 與下愚不移。」蓋言習 習善 爲智。習不善爲 此智愚上下之所由 愚。 也。 漝 分

陽 明 子 日 • 「只是不肯移,非不 可 移

别

也。

遂 竟 成 誰 啓 訛 紛 紛 奚 所 止 1 千 秋 孔 孟 心 滅 没

# 侮 聖 言

不 未 故 知 遷,知 知 陽 性 一、此言 明 善 孟 矣 子 子 過 道 欲 不 IE. 若 合知 性 改 爲 善善 不 7,雖悟. 道性善下 爲 行, 惟 善 欲 以 知 行 雖 爲 人 鞭策 合 爲 知 知 善。 性 而 也。 善 不 何益 爲 行, 若見 何 善 只 益 是 善 則

得 身 是 個 極 爲 不 考 如只憑 個 妨 痛 陽 明 切 濟 孝 亦 固 得 只是 子 意 凡 甚 之 見 理 事 「會得 視 會 翻 個。 駁 聖 無 只 賢 是 此旨 形 真 若 言 閑 是侮 聽 不 語 話 即 會此 無 並 聖言 説 聲, 陽 須 知 自 明之言, 也 始 默 行 體 有 即 是 實 之 説 兩

今學者紛

紛

必欲説

一性

有

不

善,

氣

情

善, 笑矣。 如 甚 才 鑿 有 也 知 不 行 即 善 合 顧 灼 知 不 見 先 知 知 得 行 自 行 性 後 反 並 無 之身心 進 知 不 行 善 知 是 行 氣 兩 力 無 情 個 先 才 後, 無 固 言 何 不 可

# 無欲作聖辨

常 處 本 無 即 縱 儒 之可言矣。 只言 奈 耳。 即 無 道 人 つ之 所 天理, 德 陳 天 何 飲 之 寡 確 儒 理 食 攸 欲 欲 曰 者 也 天 他 男女皆 . 亦 耳 歸 理 而 周 日 即 向 正 亦 子無欲之教 致 聖 聖 而 無 從 云 佛 義 人 友 人 耳 人 人 氏 之心 人 之所 理 書 欲 欲 哉 所 云 中 切 從 無 欲 則 不不 ·見,人 空之, 出 異 也 確 亦 功功 常 禪 絶 嘗 聖人能 並 欲 而 欲 名 無 謂 故 之心 禪 非 恰 人 叫 富 天 吾 難 貴 理 16 好

處 也, 難 深知之。 寡 亦 教,是將 分欲難; 有 雖然不禪,不可得矣。 邪正之分,端 何必又尋題目,多爲異端立幟 舍吾儒之所 素食 是知 學者只從孔、孟 非難,節食難。」確 異端 在 偷 于 難,而從異端 爲其易,聖學 此。 其言無極主静 之言儘 而 周 每自體驗 子 乎? 有 之所 以 勉 從 爲 無 易 人 其 文

者也。 豈 也。 以 君子,於忠孝廉節之事,一 抑性,若老、莊之徒,不及於欲者也。 加 生,止有過不及之分,更無有 生 難 미 不反,若貪愚之俗,過于欲 機之自然 以 耳。 聖人只是一中,不絶 又曰: 欲即是人心生意 頑懦之夫,鞭之不起,不及於欲 誣中國之聖人哉 無 欲 而 作聖,以 不容已者,欲 作 欲,亦不從欲,是 西 往 Ш 方 也 ,百善皆從 而深,過 陰 者 無 聖 之分。 先 也 而 人 其 生日 則 一于欲 賢 割 無 可 者 此 渦 人 情 流

不及者,理也。」斯百世不易之論也。

### 學 解

言學? 者,不 脩 博 訓 必 始 躬仁義。 之學,則 學,深可 乎 疑 弈 非 雖 **须** ŧ 學, 學未 何異? 讀 破 痛也。 萬 何當 必問,曾芻蕘之勿遺 窮經史,搜百家言,君子之學, 而 書 始 仁義脩,雖聾瞽不失爲君子;不 卷,不失爲 未 , 廢 懵 ; 以 可 而今之士者,但知以讀 讀 舉子之學,則 不能 謂學。 書, 多讀 而 讀 小小人。 書, 不 書爲 讀 止 書 猶 讀 士果志學,則 攻 慮哉 而 一,而况煌 懵。 書; 時 不 藝 知 惡 讀 學 可 非 煌 博 書 書 然 則 未 以 古 爲 與 +

曰「習其事也」,其言學審矣。凡書之言學善夫朱子之釋學,曰「效也,覺也」,又

者,皆可以推之矣。

以 求 如 乎 之 行 力行詮 今 往 讀 以此見前輩 鄉 「學」字:「思不如學」,猶云「知不 前輩黄 雖 學 道 貞 雖工時文,不苟附會。 者 父「終 或 未 日 解 不 此, 食 節 不 文 已

耶 ? 讀 所 卻 嘗 云 逆,不一其 事」、《中庸》之「須 爲 工夫,各 平 通。 處,子臣弟友,不一其職, 生。 之法,然乎,否 至 禪和 無 相 大 打 論 有 使吾儒效之,則不 舜 傳要訣,以半日 坐參 八境,而: 攸 非 子受施 耕 爲 宜 禪 田 學之要,即 而 貧 號 臾 半 主 欲 八苦者 與? 泣 勿 H 一供 限 離 誦 加 定半 養, 静 恒 ^ 經 」, 讀 衡 以 居 孟子》之「必 坐半日讀 成樣矣。 終 量 Ħ 所遇,貧 看 陶 什 日 書 語 静 事 漁 七。 即,静 無 坐,半 理,亦 録 廪 學人 井 日 富 便了 一事。 書 之 未 H 用 順 坐 有 爲

> 日 古推爲 事 耶 靡 勿 學宗。 躬 親 讀 况 吾 書 静 儕 坐, 小 諒 所 何 未 敢 遑 優 游 圃 廢 千

功, 坐。 忘之學,庶其無 暇則讀 要之,皆 吾 願 學者素位 書 無 講 大繆于此乎 義,倦 失 素 而行 位 或 中 散 毋 事 步 0 弛 行歌 意者 IE 己 自 有 以 當 得 事 静 之 勿

### 學譜

問陽 也。 朱註 亦似專求諸外了。」「弟子人則孝 去人欲,存天理。 信,泛愛衆 明 「君子· 「文爲禮樂射御 子 「先儒以學爲效先覺之所爲 日 食 而 無 學 親 若日 求 圃 書數之文」,則學文亦是行 仁,行有 效先覺之所爲 , 飽, 居 時習之,不 無 餘 求安,敏 力 ', 出 ,如何?」 ,只説 亦 則 説 則 得學中 以學 乎。」子 弟 日 於 非讀 事 文。 謹 「學以 事, 而 而

其道。」 惑,五十而 不貳過。」「古之學者爲己。」「君子學以致 慎於言,就有道而正焉,可謂 心所欲不踰矩。」「有顔回者好學,不遷怒, 吾十有 五 而 知天命,六十而耳順,七十而從 志 於學,三十而 立,四 好學 十而 也 己。」 不

雖曰未學,吾必謂之學矣。」 力,事君能致其身,與朋友交,言而有信,子夏曰:「賢賢易色,事父母能竭其

濂溪曰:「學顔子之學。」

又曰:「學以鞭辟近裏,切己而已。」 伊川曰:「學以正其心,養其性而已。」

子厚教學者以知禮成性,變化氣質

爲先

晦菴曰:「爲學工夫,不在日用之外。」

學只是切己反求,改過遷善。」劉先生曰:「直象山曰:「學先辨志。」又嘗自言:「所

如此端的。」

只是致良知。」從吾道人曰:「所謂良知,只是能知陽明曰:「學莫先於立志。」又曰:「學教夫司:「學莫先義利之辨。」

過,所謂致良知只是能改過。」

貴闇 學之要,只在慎 得,不爲我有。」又曰:「學 亦如鬻去家産,偶復 知謂知過。 過,是學者獨步工夫。」 處求益。」又曰:「學貴自得師。」又曰:「學 領受,俱是 人、不爲 (脩,聲塵一些不露。)又曰:「遷善改 劉先 禽獸 又曰:「無心外之學。」又曰:「聖 生 回 日: 護 之志。 禽獸 獨。」又曰:「學須有 「學莫先於自知。」 苟不辨 從 機 此 穽。 經過,雖 務 此 遜 即良心乍呈, 志, 志下人,隨 眼眼 則 確 决 講 云 認 説 爲 自

四七三

作 動 静 聖之功。」 ,皆所謂 開 美 曰 學。」又 自 朝 至 日 暮 遷 飲 善 食 改 起 過 居 學者 語 默

吴裒仲言:「近日所學,惟事事不輕放

渦

一考夫云。

## 與劉伯繩書

增,是 書 春 批 性 弟 非 又合之周 回 卻 情,其消 體 妄者,故深信而 導窾之功。 去 何語 猶 年譜》事 及 秋 爲 讀 晤 (子和之言,周得之成 息往 耶 不失中策。 尊 西 ? 教,乃 泠陸景先,云 復之機,默自 齊放 不然,且 使我 喜之,釋然若 謂 馳念無 下,澄懷 先 不 屏 惟 生 棄藥 兄 云: 無 體 己。 静 減 夫, 體 驗 . 積 餌 治 養, 己 病 而 以 並 並 疴 可 漸 疾 以 爲 徐 亦 之 H. 満 佳 待 不 去 必 收 有 有

> 若權 浮僞 貴體 譜》, 庸 行 雖 孝 言最可味。 效 身付之,如託 工 焉; 古亦無之。 之其所而辟」 孰 善 欲 醫 殺 ,治之以 事,而 之攻 大馬 在 衡之不爽,方爲 便 ,爲必可已之事,舍此 不 人者,且十居 是惡 兄分上,爲 日增,不 械 不治, 强 非 今之醫 百端, 以 記六尺 又 能不殺人 焉 可 好 力之所不能爲,便 善 耳。 便 得矣。 八九。 八於莽、 也 必不可已之 以 而 家 是 知 臟 耳 小學者。 舜 能 人者,百 目 腑 操,遺 格有 輯《 吾乃輕以 役 身之緩 復 生人者 又何 遺 多 其 今學者皆是 苗手 無 事 體 憧 内 事 書》,訂《年 在 急 憧 行 是 乎? 應之賊, 千 段 不貲 焉 之心, 殆,不 輕 浮 一今日 無 重 乏 雖 而 斯

辨》並《侮聖言》篇奉 百 事 遺 弟三四 忘。 月 六月 間 以以 寄 子 母 正,而 和 病 書, 經營,神 不 又 自 録《氣 知 志 其 忽忽 複。

先 甚。 未 所 者,已蒙批 耄及之狀, 此 相 新 日 自 得 生 述 對。 用 好 狂 奇之議也! 者 悖 至古 ,焚告先生, 弟所言皆是老實 之靈立 加 不 先 無 無 爲,而 生之 小學,而弟之心 知之某於門墻之内 徒 示之詳 于 時 託之空言也云 斯 殛死, 靈 謂 弟嘗欲一登古 一洋洋 使確 可 弟之愚懦 如此 見。 以 話 有分毫立異之心 懲 滿 滋 不 欲 則 敗 天 溷 意 而 無 類。 我 耳 地 矣 静 敢 春 時 同 小學,盡 乎 攝 出 鳥 其 初 不 志 即弟之身 此乎? 寄 有 又 與 日 不 能 先 所 朗 體 稍 安 謂 之 容 生 攜 彌 思 願 知

此 費 體 目 自 有 或 倘 亦 因 深 至 欲 亦 以 尊 于 意 祛 吾 爲 教 千 非 病 兄 無 慮之 肫 强 當 之 推 切 辨 此 , 即 不 也 助 類 , 付之祝 敢 諄 云 諄 自 餘 耳。 徹 外 向 幅 融 前 所 知 暇 略 蔽 己 具, 時 切 疏 言之, 略 勿 光 所 極 復 細 爲 見 作 又 寓 如 1 詞

> 願 總毋留意 或俟 道 體 必必 康 於心 復 後, 可 終 也 賜 之 教 亦 所 甚

敢 此 大 病 質 抵 一节能 吾兄 言之,知 詳 味 前 工 切 後 夫 實 不 手 ()猶未 以 反 教 爲 求 罪 尚 離 則 也 多 語 自 言 影 無 響 文 此 字間 剽 矣。 竊 恃 之 説 有

質,指 隱 耶 得 指 相 之謂何? 釋 「人只有氣質 反 性 一性 遽 遠, ? 丽 羞惡、辭 中之 謂之善」,此蔽於習聞 思之,故云耳 來教謂「止 習 相 陽 以 明 近 習 氣 氣 亦 説 亦勿思之甚矣。 爲 讓、是非 句,今云「萬 言。 云: 之性」,謂 性 F 就 宋儒 性 何 也。 氣質言, 性 中 即 翅 之善端 之所 宋儒 是 之 千 氣 有 氣。」 氣 里 質 習 便 大抵 誤 不 既 亦 1 在 見 萬 更 齊 如 認 以 無不 氣 有 何 先 是 者 兄 氣 而 上 不 有 生 則 所 質 未 則 善者 見, 齊 不 習 之 嘗 所 雖 謂 相 善 自 惻 謂 氣 性 安 近 日

此等處 發,真 子 也。 孟 性 力 氣 文,既以氣質屬性, 不 情言才言氣,皆是言性,分之 屢 蓋指習氣言,即 氣 泛提 後 即 能 氣 質 、駁此 是 也。 爲 性 無 弟 是千秋 即 則 誣 極 宋 即 來學,任臆 非 實 義 語 易 性,是明助告子攻孟子,不敢 儒 氣, 也。 未 理 故故 分曉, 解 知己。 嘗 氣即 後爲爲 矣, 不當以「氣質之性」四 亦 有 宋儒之言, 無 性 氣 尚 胡 ௱ 何得 拈 以不善誣情才,兄 質 不 説 」,是也 宋 復 出。 可 即 是可是可 何 儒 又以不善誣之? 義 猶 茫然,前 疑 處 蓋 3 理 于 處 無 孟 痛 圃 之説 云 氣 爲告 子言 其 미 恨 分。 性 質 耳。 所 無 子 字成 心言 耶 因 即 以 孔、 既 不 程 誣 洗 言 兄 玾 ?

蔽 語 於習 爲 道 來 教 而 性 以 善 不思之故 弟引 1本旨, 孟 圃 子 也 不 「存心」、「求 言性 性 即 善之 是體 體 放 善善 此 心 即 是 亦 等

> 書》「 耶 ? 是性 便 莫 實孕 經傳, 體 性 以 旦人 本之詞,猶言人身則必本之親生云耳。 本體言,學此誣之甚也。❸ 之大惑也 往 菲 體 動 成隔 豊非 親 0 育時,此親生之身,而 維皇降衷」、《中庸》「天命之性」皆 人生而 較 即 此 既 則 生之身,何嘗指 佛 屬氣質,非 宋 騎 云 礙 所謂 静 氏 儒  $\wedge$ 驢 道 樂記 以 之説 從 宋儒 覓 上不 性 佛 性善」, 驢 》「人生而静,天之性 圃 氏 惟誤以 乎 更 本體 容説 容説,才説性 脱 1 加玄幻 此 又云「不 胎 乎? 者,恰好 皇降、天命 本 爲 來 此 少而 者。 本 爲言本體 體」二字不 矣。 體 以 壯 言性 兄謂 一,便已 詞 而老、 此 在 而 害意, 特 言 過 何 善 也 故故 ^ 其 指 之 見 處 不 此 亦 商 推

<sup>□ 「</sup>言」下,惜本作「必」。□ 「亦」,惜本作「必」。

<sup>「</sup>此」,惜本無。

體 氣」, 者。 求 體 何 本 不 則 不 皆有之心,皆指 忍人之心」,●乍見孺子之心, 則 孟 性 乎? 止 語 雖 者 在 絶 在 善是性之本體。 足 相 而 後儒 本 用 則 必 憑 也 于人生而 下 也 П 欲 近」,則近 流 不 雖牿亡之後而吾性之本 本之,此 懸 學 是禪 行乞之徒,而吾性 則 言 曰「乞人不屑,行 工 者 空 不 口 亦何時 本 想 夫 惟 意 宗。 静之時 是性之本體 體 始 个「人生而 時 大 遂 本 本 有 爲 時 怪 其 體 而 圃 何處 體言也。 着 存 異 性 書 此本 也。 無 而 落。 察 學 大 事 言 侕 無 淵 此 半 體 如 非 道之 静」之時, 非 之本 IE 今不思切 本 心 源 固 曰「人皆有不 是 孟子道性善, 天 本 弟 以 日  $\wedge$ 無 本體 命 體 體。 即 人 平 所 後 荀 體 至 時 之言 弗 亦 欲 子 時 皇 四 亦 不 受」, 子 ×, 所 降 日 端 實 未 亟 時 未 在 之 之 辨 曾 是 始 性 反

> 豈 所 天 心 知性。」奈何言性? 性」、「盡 心 性之全體。 盡 自 而 穆 無 所 謂 命 説 者 未 然 裨 復 謂 才之功,仁無不仁,義無不 知 達,偏而 學 非 非 知 ,吾心之靈 益」者也。 有工夫乎? 赤子之心、孩提之愛,稍長之敬,亦 而 即 性 後 其 泛指 心 得之,亦只在 一之體 實實 知 性 故曰「成之者性也」, 造化 性二 也 以 未全,未可語性之全體 段,愈求 明毫 無 吾 事」,已 心 論 知 先生云「繼善成性 節文義,朱子云:「盡 宋 未間 繼 密體之日 人生而 名 儒 善 而 理 既 .發,未一 愈 成 衡量,於坐 語 不 遠矣。 性 静之時 義 解 道 用, 爲工 可言性 前 破。 曰「盡 繼 極 後 正 夫, 心由 指 黝 下 善 擴 尊 心 可 必 外 成 其 語 則 充 萌 即 然 教 毫 於

<sup>□ 「</sup>不忍人之心」、「人」字原脱、依《孟子·公孫丑上

體 化 成 本 雖 心 或 體 始 性 謂 事 謂 説 究,二 爲 也 不 戒 繼 體 落 虚 無 慎 善 道 虚 説 無 T. 恐 成 之功 之是 夫 懼 窅 性 若謂 邈 亦 是 是 非 , 使 責 無 本 本 是 邪 成 體 本 體 皇 IE 體 人 從 降之本體,泛指 亦 心,字字着實, 矣。 亦 不 何 得 得 辨 處 今弟 自明 體 猶 蓋 矣 陽 以 T. 繼 夫 明 造 性 即 細 善 云

夫。 判 粗 理 誠 淺 處 不 吾 大關 足以 不不 佛 佛 卻 儒 氏言 氏 敢 只曉 可 喜 係 知之,亦 不 持 雖 言 吾 力 循 得 精 未 辨 儒 有 深 生 也 與二 不 人 生 欲 之 卻 生 以 前 氏 知 無 後 而 之教 之也。 静 把 大未 既 捉 之 死 死 虚 體 之 之 此 吾 實 後 前 弟 尤 通 儒 是 之 的 的 言 蔽 性 愚 道 相 雖 T.

以 粗 爲 粗 精 來 不 教謂 微 口口 之功 該 精 I 無 微 夫 過 可 有 無 合 精 欲 題 主 粗 顯 微 静 不 顯 觀 口 9 未 精 合 發 微 田 氣 該

先 嘗 偏 終 欲 此 養 象 理 有 所 主 也 爲 人 易 自 自自 爲 生 居 禪 無 静 歸 平 欲 也 深 何 居 聖 中 之 闢 朱子 敬 涵 原 以 是 是 其 則 敬 而 言 者, 見 養 即 聖 爲 孟 心 濂 雜 存 周 其 誣 初 乎 敬」字。 是存 章 兄 弟 子 溪 禪 養 人 學, 也 子 無 路 由 乃 欲 之 罪 喫 日 以 過 察 察 先 弟 養 緊 教 則 以 正 「生機之自 後,競 微識 不 周 識 生 未 此 當 爲 門, 亦 至「 之言乎? 及者, 端 可 亦 一嘗 端 子 千 嘗 處 既 亦 倪 欲 非 倪 以 對 無 言 而 古 蔽 知 以 之謂 即 等 朱 開 有 前,不言 欲 理 無 作聖之旨 于 其 爲 是 項 然 子 美 也。 欲 二字, 習 非 禪 理 善 而 固以「 不不 言 之 蓋 矣。 丽 ៣ 而 不 觀 兄 之。 天 無 無 不 弟 容已 無 闢 多 未 佛 未有 則 理 以 居 思 欲 所 俱 之 見 静 欲 弟 發 皆 氏 爲 無 敬 之 又 得 闢 也 字 存 故 從 此 何 易 之 無 欲 氣 之

中之理,不 粟是財中之理,不 誘時主之言,卻正是近情之言。 恐不遠之,若仇 心不窮,生生之機,全恃有 好貨,文王、武 立教,非 中之妙用 無 後 有 即 適 而 淫 有 非 生, 兄 成名,亦 舍生 不 而 道 所指 所 傷 非 禪 不 欲 罐然; 理 奚 是 處之 取 而 酒 也 耳。 遷怒 何? 王皆好勇, 爲 色中之理,不 義 君 色財 理。 之 義 不 子 君子 如 是氣 所 미 亦 理 五 不 氣 ? 推 欲 所 則 倫 爲 四 之 也 富 欲 中之理, 何嘗 悉 此 太 固 酒 字,二 凡 貴 也 所 王 辭 是 是 困 情 欲 孟 欲 好 九 是 而 所 兩 克者 耶 ? 義。 飲食, 真 生,日 之學也。 合。 求清静, 無 欲者 言寡 克其 故 非

莫不:

-皆然。

相

,而

後

欲

也

不

去

欲

相

參

而

故

無

欲

兄 又 引 克 己 寡 欲之訓 以 爲 證 皆 不

故

日

無

儒

者

亦

云

爾

乎?

種

一,佛則

空之,萬

物皆吾同愛,

老則

遺之,

周

子

以

無

與

推

子曲

色,公劉

百之

雖

指

爲

道

酒

概

謝

絶,但

氏

惟

禽分别 所云 「將以求吾所大欲」 詐耳。二氏乃多欲之甚者 小人,理勝欲爲君子,絀欲從理,儒 切空之,以至于無, ,勝之之辭,非 無生,妄莫大焉,欲 處,不 曰「爲 教 無欲之欲,更狡 世俗 非禮之己,而真己自在,安 ,除是死 欲 人 敢不力辨 則 廢 流 仁 非 飲 而 由 人。 無 食 不反, 滅之之詞。 己, 欲 兩 也 也 此 口 病正 于 莫 尤 曰「欲 者 以 知 克 卻 吾學 有 加 至 相 己 何云 猶 焉。 欲 累 于縱 等,要是 亦 與 欲 離 易》 非 者 勝 異 無 正 而 塵 克 欲 至 齊 理 可 無 日 其 宣 氏 己 爲 ? 欲 節

是言 人 專 耶 以 來 教又罪弟謂「書不必 讀 1 書 學 [爲學 譜 具 流 在 毒 無 可 己, 覆 讀」,弟 故 視 不 也 得 何 但 敢 世 痛 爲

子亦 嘗以 子路 蓋 意 子 以 切 坐」之説尤誕 論 路 爲 習 誣 語 讀 讀 之言 不 俗 學之蔽,故子 使子羔之本 孔 不斥其非, 書 書 所 欲 移 門 謂 爲 一爲學, 人, 亦 而 與之深辨, 明 學與 兄 學」一語 未 以 ,更不待辨 自 乃 嘗 讀 昔 而 引 好學者 意, 錯,但 而 書 路 E 子 並 但 亦 爲 然,必 口 因 路 其 罪 悪 非 學, 立 出 論 意 以 其 夫 何 破。 使宰斥言之, 미 土 則 審 當 佞 子 必 時 苴 見。 時 思之。 耳 何 不 讀 至「半 遁 聖 欲 亦 口门 書 詞 試 有 訓 夫 使 訓 則 歷 子 日 耶 羔 以 而 也 孔 之 静 舉 夫 讀 ? 何 非

弟謂 所 鹵 位位 未 莽 及 誠 粗 來教 中 者。 身 浮 庸 謂 之病 之學, 學 堯、 一只 問 在 舜之揖 莫 而 誠 不 精 猶 身 誠 于 病 素 讓 不 鹵 ,湯、武之征 素 位 莽 素」字 則 做 粗 有 工 浮 ', 此 之, 夫, 者 乎 鳥 未 他 書 ? 有 免

> 之學。 者 高 是 致 得 成 子 不 周 寧 肯 此。 臣 談 誠 矣。 何 公之制 切 性 弟友,字字 身。 有 位非素,何 所謂 實 知得 素 命, 此 體 位 精 禮 病 故 素位 驗 慎 微 是 作 也 鹵 獨 于 戒 細 樂 者 着 莽 日 徹,是明善; 素 密 懼 「,慎 孔 實,順 用 粗 非 君 孰 子 浮 事 此 道 子 過 之 爲之間 耳 逆 實 雖 筀 此 所 常 下 欲 削 乎 行 行 謂 變, 手 得 離 素以 致 薄 皆 用 之, 素位 良 處 學 素 是 功 知 誠 者 不 處 位 素 徹 身 口 惟 現 位 而

執 故 擇 素 亦 口 位 明 善 得 説 善 手 必 兄 而 素其位 爲 又謂 學 亦 固 由 工 誠 問 執 正 夫 身 己 「誠身指本 之 圃 ?;莫全 非 中 反 者 行」,已將 I 水」 事 也 夫。 一,猶 于 非 説 个體言。 此 有 故 謂 益 矣。 全章之旨 先後 誠 非 支 非 身 1 離 也。 素 必 功 夫 夫; 位 由 誠 可 曰 之者, 明善, 語 擇 乎 道 ? 日

之外, 字 功也。 不 願外,即 盡 反 乎? 求 願 · 下 非 節 謂 是 素位 工 不 即 素位非工夫,又從何着落一「行」 夫 過 不 是 矣。 求 之外, 反 俟 人, 覆 命。 素 申 又有所謂 素位 位 明 素位 素 而 而 位 行 不 之義 即 行, 願 IE 是正 外, 即是居易 己 耳。 故 反求之 失 素 即 位

段, 慎。 惑 者,要未 寡欲、 則似略有所見,非 弟於 兄看 子路 書 書率多拘蔽,如引皇降、天命、 能十之一二耳。 義 7,亦鳥 等 語 敢 俱 荷 云 未 然者,願一 盡 得 通 E 如 解,不 前 所 思之。 所 確 疏 然 미 克 不 數 不

耳,下 之愚 密處」,若欲 之言,直勘到此 昧 兄終教又惠然進弟 學工 萬 夫, 只 不 弟 敢 兼 心此性、吾命吾天、至微 當 是 收 嘉 秦位 佛 命。 氏 以「虚 上 耳,然且 弟 則 截工 心 只 理 言 是 一會古 夫。 下 ൬ 學 不 弟 人 至

> 登高 「履,德之基也。」曰:「灑掃應對進 説 孔 行 E 可 該 達 子,猶 况 ,則學問 工夫。」 粗 必自卑」,以合之詩 敢 粗 希 日 不可該 「下學而 工夫 上 達 似 乎! 精之旨正 必 E 由 達 後 粗 人「切 儒 而 材 一相反。 精 智 "; 與 磋琢 遠 萬 退, 必 吾兄精 故 萬 磨」之 自 即 日 不 是 及

然 之 恐 將 性 勘,要豈 必 又 者之所 理? 如 先 猶 抑 · 而 命」之語,弟 自 未 此 仲 兄前答仲木書,有「舍倫常 復 離 越城發足,烏有先 木之過 燥 若只 何 得 何 **满**,雖 乎 疑 爲 其 聞 、據圖 於 真 忠 見之蔽也。 而 甚 斯道 見 仲木 弟之愚,亦 服 進弟之不及耶? 「披索, 耶 卓 乎? ? 而 識 欺 推 見京 不 天 覽 之 如兄欲 今所 得 肖弟 命 凡 斯 師 竊 事,莫 盡 精 H 以 ıllı, 微, 至 乎? 教 何 用 後 雖 京 今學 不 煩 發 弟 更 師 程 豈. 皆 推 者 無

之 紙 力 E E 正 耳。 如 一誇言所誤 在 京 下 孔 師 ·學也 子 二字, 五 ,吾道幸甚 + 願 而 人 兄 知 人 命 益 知之,只 致 0 力 似 7於庸 不 如 未 是, 毋 嘗 徒 其 得 至 爲

論。 先 不 謂 多 未 出 師 口。 切 發之説 者 實 蓋《大學》斷 弟 於先 也也 此 不 誣 又 亦猶 雖 弟 外然 生,無言 極 陽 遂 精 是僞 寸血. 明 欲 純 之 以 不悦, 然 書,而《中 誠 説 發 弟 所 格 明《大學》之教 意 致, 惟 必欲瀝之先 欲 誠 合知 庸》所言 且 意 存 行 己 而 發 聖 尚 則 不 可

惟 陽 誤,先生所不欲遺之後 其異同之甚與 之意,然兄於先生集 明 簡 云 明 末 切 幅見示《 「凡刻占人文字,要 實爲貴。」又曰:「有愛惜文詞之 泛然酬 遺 書 、既已 1》事, 應 人者,亦 者可 最 有 得 所 在 去 慎 删 皆可 發 則 削 重 明 偶 不自 矣。 闕 此 筆 也 之 夫 專

> 遺 之 乎 弟 勿 願 萬 心 最 體 疾 嘗 世 且 便 之 欲 稍 切要矣。 絶 行 病。」分毫 非 動 殆 意 矩 於《素位 删 乎 其 矱 斯 述手 乎 心, 事。 千萬 未循 弟 章 段。」 俟康 至 數千 何 珍重 增 理 弟 미 况 强 所 不 先 言 便 後終教 語 辨,尤 慎 中 失 生之言 云: 素 無 之未 當 位 然 素疾 如 高 元 尤 本 兄 此 色, 庋之, 晚 病 千 病 也。 體 况 秋 語 行

# 答朱康流書

近 之役,忽忽 情 詳 切 拙 理,中 教 藁 歸 未 及 如 又 兩 以 答。 徐 辱 醇 分 書 飲 其 教 歸 人,不 合與 而 適 齋 與 覺 不 心 欲 自 盡 爾 一合者, 復, 醉 有 無 半 邏 何 而 不

● 「命」上,惜本有「天」字,宜從

多見其 之大 非 能 才、氣之説,誠非弟之愚之所敢望。 智皆知其妄,兄獨不以爲罪,而反 今日之所 復 徐 有 不知量 世所 言 宜 學問 爲 耳。 言。 孔 之事 孟奉之者 况弟之所 言之非 , 誠 非 其 攻 弟 乎 人 者, 與 - 1 所 許其 宜 非 又間 此 其 言 無 代 尤

惟《中 者,而 之耳 間 不 慎 直貫下, 情、氣質 本於天, 一、三節 推 獨之功,故又終之以脩 ,故隨繼之以率性之道,尤 ·聽目 本天命」,尤 至云「情、才、氣之善,必有自來,不 庸 况 非 而 則 E 》言天命, 才、情、 視,手持足行,何 是,而 若 詳 知 言脩道之功, 《樂記》 所 氣 謂 無 洞 質 仍 俟 天命之性,即 識性要之言。 分天 乎! 深求之玄穆之鄉矣。 不 離 道 與 乎日 莫非受之于天 四 知 之教。 人而 不 才、情、氣之 節又指喜怒 用 可 二之也 不越才、 雖 三語 倫 忘 常之 戒 斯 得 懼

玄極 者莫 性天。 懼 言 講 其 也, 不 以 哀 善理會,見《中庸》首言天命之性 知之者,實以身盡之至之之謂 之聖,五十始知天命,子貢之賢,終 可 可 一是猶 謂 乎? 日 慎 樂 可 位 人 ,孟子曰 之知性 先 謂 生 用 渺 以 獨 天 何若是其難哉 之盡 雖 則 而 戒 知 地 明之,分 適 懼,調 静之性 性 京師者,不登程 虞 無 育萬 知 盡 性 知 廷 以 命矣。 至命; 命 之精 其 物, 致中 節 明 也。 知天,終 心 是言 喜怒之功,則又置 非 一,幾 者,知其 故《易》曰「成之者 和 非 蓋 位 5 盡性 感 性 彼其 非 天 物 日 m 無 本 地 致 説 自謂 至 性 而 中 以 所謂 育 中和 也 鬼 命,則 過之, 也。 動 和 説夢 之 已至 萬 便 聞 身 世 心 物 謂 至 儒 之 不 亦 則 非 而 孔 , 考 學 聞 性 戒 而 子 未 則 無 窮 不

尊教又取《樂記》「人生而静」之語,即

者,何 遠 時若 孝。 然 心 讓 降」四字,終日 腹 親 司 只 少 而《樂記》則異 只言孩提之愛, 之則 人也 夙 子身上何益 而 而 、是非之心,與夫乞人行道、不 而 生 維 若 稱 己 壯 觀之,恐 何受氣、若何受形、 己 興 以 而 矣。 「咬定 不 耳。 夜 而 皇降」正 異 降 老 天在焉 口 寐 此 衷」 是 其 親 亦莫 見不明白; 無 乎 是。 本民 懸 實 17 生」二字,終日呆想受胎 之 稍長之敬, 忝 • 兄 也, 孕 若 想「人生而 非 非 所 義 蓋 所 性 育 孟子之言 是則 此親 今人咬定 雖 高時, 生 一于皇降 謂 推 則 是 如此 本言之則 示不 雖 僞 便是體受歸 生之身。 愚 此 感 見 惻隱、羞惡、 矣。 過 静以 未 親生之身, 物 凝况 ,猶本人身干 得 推 「天命」、「皇 性 敢 而 明 是乃 屑不受之 本 則 以 雖 可, 白 動之心, 爲 上 言之」, 爲 不 所謂 體 要於 剖 全之 然 mi 之 段 母

説,纔 功,而 命之性 子 謂 遠之何? 問 旨 質之性之分矣。 於 言之則可,推 天 欲也。」已將天 「人生而 未至,必須 是五 乎? 命 所 父 惻 母母 皇 謂 説 離 隱、 有 降 未 生 百 静,天 然愛親 性 人功亦 加 之 一之謂 生 年 羞 故程 擴充。 一, 便 前 體 毫 來,學者皆 語、辭 而 之性 與 末耶? 也 是 性 已不是 敬 子曰 遠之則 更無 其言本 人 也 是 長 何 要 讓、 判 也; 也 猶 天 雖 嘗 然分作 其 是非之心,● 性 是 有 不可。 命 知 感於 言 然之性 性 而 故外 玄渺 矣。 至義盡 氣質 有 圃 孔 而 由 本 未全 物 兩 《樂 静 天 故 不 孟 之性 此 然之性、 橛 ,則佛氏 而 以 命 容 日 · 豈 之性學, 其 非 記 一, 必 動 上不 亦 則 説 誤 尝云 則 性 推 推 無 於 性 須 之 也 氣 容 之 天 學 所 本 奥 而

❶ 「羞惡」上,原衍一「醉」字,據文意删

吾未 于 尤 近是指 宋儒紛然言才、情、氣之不善,且誣子言相 非才之罪也」,曰「不爲 乃若其情, 盡其心者,知 是不 .至矣」,曰「有 爲 見 怪 力不 復明于後世矣。 氣質之性而言,以二孟子于孔子, 絶 0 足者」, 則可以爲善矣,若夫爲不善, 此 其性 等繆 能 日 是性 也」,是性 論 I 用 其 也,非不能 子曰 近 某 )斷案。 安能 力於仁 善 我欲仁,斯 斷 嘿 孟 案。 也」,曰 一矣 乎, 嘿 子 而 而

性, 是以性、命爲二也。 命 非 不推本言之,則 尊教 有究極推本之分也 又云「不 究極言之, 無 弟 以 則 謂 盡 性 盡 性 而 則 即 至 無 所 命 以 以 至 則 盡

踐 履,略於討論 履 乎 又云弟詳於 若夫略 則 弟 人倫,略於天道 于天道,非略之也,不 何能詳於人倫 言詳 而 於 詳 敢 踐 于

離,斷 致,非 弟非 以爲 子偏云無欲 云主 路 復也,不亦悲 致之學,大率 波荆棘, 在家裏,雖 蠢之人,必 上達豈禪學哉? 云 程 無極、《易》 以 稿 禪學也。又云:「以格致 又云「以上達 乎不 墮於佛氏之空寂,必流 格致 子倒 不容 孟云寡欲 聰 能 口 爲不足事 本爛 乎 類 云 問 也。 故云禪學。 明强記之人,將兩京 不訪,但 ! 此 一動 訊,必能到京。 熟,終 、《禮》云「欲不可 譬如亂後 無下學而 《繫詞》云有 静 截, 此古學之所以 走在路上 也,第未 不 亦何益 推 失其時」, 何可 與 而至京師 上達者, 禪 爲末學之支 爲不足 與無 正 極 學,不 1 若終 雖 脩 求 縱 周 終 後 +-至 周 丽 一三省 事。」 不 儒 愚 可 子 先 乃 一,周 子 H 不 偏 偏 所 願 可 格 風 格 坐 極

外之言相溷? 不偏執,終少流弊。 略。兄言非不和平,恐未免流弊,弟言非 子立言,務正其大端,則其細末自不容不 父母果無不是,兄弟果無獨不是耶? 無不是之父母,亦無獨不是之兄弟」者,豈 高明,伏惟駁正。 必不可曰「人子是」,則父母之無不是,信 理之言又何 「弟是」,則兄弟之獨無不是,又信矣。 君 在兄必不可曰「兄是」,在弟必不可曰 容詭託 推 此,則凡二氏與形家 耶? 愚見如此,敢終質之 猶兄集云「天下 但 近

共見,有心者共知。

吾終不忍

薄

待斯人,

言矣乎

!

顧其言之是非曲直

,則有目者

且莫悦于二子之言,又况肯降心于確之所

所言滋非得已,而學者之蔽于習俗久矣,

負慚于二子遠甚。

語曰:「無徵不信。」雖

確遭時又不及二子,而躬行之闕,

尤

《王荆公祠堂記》、《經德堂記》,沾沾示學者 知行合一之理,有功於天下後世甚大,與孟 所論,則似有大于是者。 極」,理甚正,顧於學亦無大關 已焉者。今觀其文,《祠記》未能無偏,「辨無 知之,若惟恐其言之不見知于世,當有不得 昔象山嘗自喜其文,如「辨無極」二書、 陽明言格致,發明 係。 而 余之

子道性善同功,後有作者,勿可易矣。

聖,且不能不聽知我罪我于後之人,而 而 如確之迂愚者哉 謂天下之大終莫有諒予心者。 孔 子大 况

世教者若干篇,附《瞽言》之末,以正于世 於是自論葬、辨學外,輯其説之有 關

之有意斯文者。

四八七

多

,有與實。

故

日

「以能問于不能,

以

#### 乾 初先生别集卷十

海 寧 陳 確著 族 玄孫 敬璋 編 校

顔

子好學

解

講

義

或 問問 顔子之好學何 如 ?

不違不惰者,皆反己 善與勞。 過,故雖怒不遷 見己之過,故 日 顔子之好學,反己而已矣。 忘其善與勞,故不知己之能 不 也。 貮 也。 常 一向 見己之過,故 已矣。反己, 反己,故不見 忘 故 人 所 之 其 與 謂

> 者 無 미 也 間 也 也。 時 則亡。」蓋弟子之反己者,未有若彼之儷 謂勤矣。 ,善下也,反己之學然也。 于寡,有 脯 勿省 若 雖然,未若顔子之至也。 也,無 無,實若 事 而 虚。」 勿省也,故曰:「今 非 曾氏之三省, 顏子之爲 彼故

者何 此 子 事,至相反也,而欲比 舜之所以爲好學,反 及者也。 曰:「有爲者亦若是。」吾不知其所 曰:「無 顔 何人也, 子所以 指 吾嘗聞 於舜之事親知之。 也 爲 夫舜之所以爲舜,好學 圃 有爲者亦若是。」夫 舉賢與? 顔 爲好學之至,而非常賢之 治 子之言矣,日 者,其舜也與?」而 己 放凶 而 而已矣。 同之,何也? 夫舜之事親 : 與? 「舜何· 舜 而 於 與 嗟 謂 顔 己 人也, 之 矣; 何 所 乎 有爲 子 口 <del>一,</del> 可 子 能 之 固 知 1

之親

之

未

喻

于

道

而

舜

猶

B

此

吾

之

罪

必

蒸

义

焉

而

後

敢

即

安

然

則

瞽

瞍

底

夫

順

親者

使

殺親

心

之喻

于

道

也。

夫

以

頑

嚚

舜

又

E

未

也

不

順

乎

親

不

可

以

爲

子

舜之

得

親

至

難

忧

得

親

焉

可

以

止矣,

丽

頑駡

之

親

而

又逢其

悪

也,尚忍言哉

故

誻

臣

之意之所 之不我愛,於我 濱,器用 澤,水 然且年三十而 矣。 人。 媚子 父母弟勿之愛也。 其 베 給矣; 販 舜 即 之爲 向 父 族 于 以 母 而 不 之 敢 歷 弟 舜 逢迎之, 非 鮮 何哉」,雖舜亦 而 也 山 圃 于負夏,遠方之珍 者 求得親 不能有 , 曰:「不 已矣。 孝 畢 五 之所 雖 陳 穀 頑 之美者備 于 然 其室,獨 易易 宜父母 敢 嚚 前 得 則 可 耳。 出 矣 必 乎 雖 無疚 喜。 也。 親 日 弟 惟 專 味 陶 矣 不 父 然 之 父 于 心 咸 且 干 以 此 母 斯 母 我 口 致 致 漁 河 故 豫 格 不 故 企 明 日 一二爲俗人言也 得 焉 致 . 日 顔 此 而 「惟我 :「一日克己復禮,天下 之學,而 者,皆反求諸己,其身正 天 子之所謂 而 而

愛,而

志以

養

矣。

于雷

謂

至

下

化

又

何足言

哉

1

所

謂

明

物

己

矣;

察

倫

者,察

此

而

己

矣

此

真

未能者, 意在

斯

歟

1

意

在

斯

歟

有爲者,反己

之云

也。

行

有

而天下歸之,

歸

仁

. 焉。 .

故

止至善之極功。

顔

子之

所

言矣。

以爲

故 由 天 者 禽 反之善者也。 下, 獸 此 凡 猶 奚 至无幾矣, 言之,雖 道之未至于舜焉者 君子 與于 可 擇 傳 哉 曰:「此亦妄人 于 薄之甚者 1 三代之聖 後世,我猶 雖 而况其下此者乎 于 然, 禽 也 以 騰 觀 人,其 又 也 「, 皆鄉 未 故 于 何 己 免 日 舜, 難 : 矣, 所 爲 「舜 焉 人之類 以 則 鄉 如 異 爲 爲 人 此 於 也。」 法 斯 此 則 也。 鄉 于 自 于

四 八九 與

(爾有

是夫。」嗟乎

是故

未

易

先游 簞 幸,而 也,乃 子、富有天下 必 不 復 瓢 即至于 暇 陃 聖門, 樂者,謂惡之不復 或曰: 其 而 帝舜之大不 巷而不改其樂矣。 何樂爲? 所 舜 以 而瞽瞍不畏帝法,斯 信若子 而 有 而不足以 舜之遇適不若顔 此 樂 言,則 陳子曰 幸 也。 也。 有愛耶 解 顔 憂,則 蓋 知 且 子 惟其能爲此 顔子之學, 舜 子 方終 調調 之貴 子。 知 固 憂 顔 顔 身憂之 爲天 之不 子之 子之 顔 路

故曰 然 悪 加 曰:「自以爲是,而 E 1 則 也,斯善言堯、舜之道之至者也 或曰: 堯、 是何 「堯、舜 舜 言哉 然 之道 猶 則 病。」猶 舜 惟 不可與人堯、舜之道。」 舜之道,即堯之道也 進 不 于 自 病者,反己之無 堯 是 矣 面 乎? 르, 而 曰: 故 何 時

或曰: 顔子之好學,與孔子之好學,亦

有 未 以 有 以異也 異乎 ? 前 曰 : 况親受業者乎 雖 堯、舜 以 來, 至 于 孔

## 學而第一疏略

以卒 離此 明。 以求之,切磋以精之,知人然後能正有道, 慨也。蓋内而省諸身,更外而徵諸國,皆不 知學仁必先孝弟,不當務外,巧令之所以致 信爲本,觀 弟始矣。 是言學一小結、《威重》章又提忠信爲主,取 友改過爲功,尤切要示人之語。 所謂 ,終於立身,和不 孝事 忠信敬 凡聖賢之書,雖 君子雖無所不學,要必以 時習之學,决自學爲 下數 温 愛也,而况弟 良恭儉,以 章 미 分章 見。 可過,言行 爲 子乎 截 旨 學 句 哉 鵠。 ! 人子、學 務 圃 慎終 無 《賢賢》章 本之言 意 孝,中 失,敏慎 孝弟 自 無改, 爲 相 於 忠 發 人

如是,庶可謂孳孳篤學君子矣。可以不知人」,而又何不已知之足愠乎?仁,而大厲吾學也。故《中庸》曰「思事親不不失親而友勝己,然後能信交來遠,翼孝輔

大舜之五十猶慕,可謂能時習矣。 大舜之五十猶慕,可謂能時習矣。 若問,知好色則慕少艾,有妻子則慕妻子, 仕母,知好色則慕少艾,有妻子則慕妻子, 仕母,知好色則慕少艾,有妻子則慕妻子, 仕野,知好色則慕少艾,有妻子則慕妻子, 世界之一,如以,便須加學習之功。人少則慕父大舜之五十猶慕, 可謂能時習矣。

學慮之知能 悖逆反是性乎? 智,何嘗有孝弟」,甚誤。 謂「仁是性,孝弟是 之實,事親是也,義之實,從兄是也」,分明 此等皆是程子言性大錯處也。 程子曰「論性 反不是性,更指 則以仁爲孝弟之本」,而 孩提知 用,性中止有仁義 孝弟而非性,將 愛,少長知敬,不 何者爲性? 孟子曰「仁 禮

是孝弟爲仁義禮智之本矣。

## 懷德章疏

賣哉 足爲人所懷者,亦慎防之,毋徒爲小人所 浮慕也。 之小人,更不勝詭 名聲,以干寵利,非是,則去之惟恐 土之懷。 懷土之小人,猶不失樸陋之習, 君子懷德,不遠千里,小人惟 小人亦時依附有德,不過欲藉 然君子之懷德,實心切儀 匿之情。 有德君子,其 戀 刑, 懷 不 戀 惠 速 其 非

## 學易章疏

之也。不然,以夫子之聖,於書何所不讀,學《易》謂欲得《易》之理於身,非誦習

言乎 待 道 是 而 學 即即 也 况 以 渾 寡 然 周 身是易 過 則 之 者,道 道 舊 道 豈 文 , 猶 乎 易 固 無 言 不 窮, 敢 乎 夫 自 子 雖 謂 ė 聖 ^ 已能 渾 易 不 身 豈 荷 是 而 易 自 天 必

# 聖人吾不得而見之矣章

爲 學 故 致 抑 ,本於有 盈 可久,於有 意 揚 恒。二 約 聖人、 焉 感 嘆之間,致思有恒之意 爲泰 此 而 恒, 君子、善人有 讀 夫子 恒 者 加 雖 一奚難 痛 或 欲 有恒之道,存乎務實。 切 未之知 恒 馬 唤 得 醒 恒,得 乎? 人 若夫無爲有 也 處 於卒 見不得見 故 故聖人 日 : 章二 之 虚 難 實

可 礻 學者 務 實。 惟 今之學 無 意 爲 者, 善 果 亦 欲 有 爲 意 善人, 爲 善 行 愈 不

> 情 從 也 欲 會 必 事 窮 孫 而 之 終 心 則 厚 ', 然 而 行,故 劣,勢則然也 生理; 馬薄所 變, 欲 顧 于 則 往 父 每 厚 遂 終 爲 往 强以 母,婚 于 之以 善 鶩 與 傷孝 不 親 外 不 悪 當 力 知。 終, 好 薄。 嫁 鄰。 所 薄 慈之實,違久要之義; 高 則 矣。 不 而 無 蓋 欲 虧 能 莫肯 善 弗 一始焉 祖 厚 「不恒之羞」,非其 質 非 厚 于子 父之傳業 其 切 産虚 也, 厚 (善,故 實 所不 女, 循 則 貸 理 交 無 喪 而 必 睃 際 弗 力 葬 素 子 不 善 宴 則 位

之前 禮 從 誅 義行,其於善,雖 重 う貧 冉 持賢弟子之槨; 井,微生傷于乞鄰,輕脱 喪。 求之聚斂, 是以訾端木 者 | 絀禮從 參 觀 力 而 圃 之貨 終身焉 得 復 進 則務實之理 中道, 非 殖 夷之之厚 其予 可 而 舊館 故 也。 秉; 重 富 闢 一得,素 葬,安子 人之駿, 鳥 者 宰 其 有 絀 子 博 夫不 俗 昧 位 施 之 從 阃 于 而

學 所 恒 而 夫 聖 樂 其德者乎 徒 聞 爲 君子 不 而 高 肖 ? 者 明家 者 發 雖 所 也。 或 然,斯言 共 多未 倘 喜 不蒙 悟。 亦 也 吾言之不 賢者之深察, 孔 固 子之嘆 流 俗 人 幸 之 爲

# 以能問於不能以多問於寡説

皆切 昔大舜 者 勝多,焉能 又奚問 而 足 所 不 而 實 益 以 知 已 顔子 之好 之問 異于 馬 矣, 故 我, 之問 -問 故 而 無 尋 問 古聖賢、 雖 不 豈 間 常常 好 彼 皆 牧 姑 可 萬 察, 雖 豎皆 不 切 示 萬 如 亦如 之學,皆切 知 問。 問 謙 也 非 而 我 也 下 切己, 是。 不 益 苟 云 間 能 切 哉 其 此 何 雖 于 就 實之學 1 切 况 古聖賢之 多 己, 其 于 我 同 所 無 雖 身 志 雖 益 知 間 寡 能 心

能 恃 某 哉 不問 里數 所 己。 求 跡 幾十百人。 認 日 之教弟 何 而 以以 ,此幾 乎 下 及 能 可以 未 日 口 1 知者 乎 處還須 + 多 1 者 問 明 雖 如 多問 則 ? 我之 里 適京 也 于 此 白 也 使 自 + 時 卻 示 我者 而遺彼也, 親 不 于 起程至京,凡吾所 身 百 尚 此幾十百 何 時 是 過 所 師 之鞠 E 能 寡之説 須 人之胸 暇 疑 我 者 數 閲 而問 到京, 時 再問 訪問 復 足 里 者 走 子也,不能 時 聚之室。 數千 較 底 數 之, 時 亦 也, 也 此 + 最 人之足,必 量 ; 而 程 問 是 必 雖 里之境界,然 顔 切要之路, 里之程 于 某 切 而 問 無 非 經 子 能 必 問 衙 何 三人 時 問 過 孔 我之原 以 門、 至京 否 能 程 故 置之 不不 數次 途 子 多 能 無 與 也 同 某 莫 H 問 寡 多 我 知 必 彼 師 懷 問問 行 委, 衚 H 之轍 之 不 于 之 猶 如 已 此 土 而 走, 也 循、 不 足 恐 間 容 後 然 師 必 數 必 歷

問,乃所以爲善學孔子也。 有我師,不賢識小,子焉不學! 顔子之

#### 書 後

終日 愚 不若 流 答云:「 古學俗學之别也。 亦 往,自有方法。 兩京十三省路程稿子記 而 極 適 書 何 ,如欲格孝之理,須先 今人之學皆是坐在家裏問路者 來云: 親 坐在家裏,雖 京 益 蠢之人,必 篇 至其 中 師,風 風 以 波 「格致之不 古人之學, 適 荆 處。 波荆棘,不容不細 京 棘 故走 能 師 傳聞 相 問 極 弟欲 爲 度 在 訊 聰 説 可不先,辟 而 미 皆 京 得 明强記之人,將 者 具極 先 必 ,畏,徒 行, 師路 走 倒 为 因 正 到 本 修 在 果 其要 京 近 Ŀ, 爛熟, 阻 路 决 于 訪 師。 日 如 行 孝之 意 "。」某 格 H 雖 朱 亂 期 間 若 致 竟 前 此 至 後 康

> 格 耳。 自以 矣。 於田 是而 心, 此 而 肯自恕,自無所 者,只是不曾辦得大舜一 故曰:『思之思之,鬼神將通之。」今人子 正是舜格致憤悱之時,雖天必來啓發之 先格 出 ,敢質之高明者。」 與孝之所已知者,既 父母 號泣,不可以爲 心苟自恕,何 爲孝而不肯格致,與雖格致 舜之底豫,皆是一 有 未 致,恐不 兄弟 通, 那 許多不是處 · 曾 不用 得 格 所 不 其 人,不可 致 不 格 極 可 得 點孝心之靈 致 竭 副篤 矣。 自己 力 1 也。 荷 以爲子處 行之矣, 吾心 如大舜之 今未正 至之 不是,先 鄙 而 見 孝思 必 未至 通。 如 如

## 我猶未免爲鄉人也

鄉人而君子之,胡久不自覺也? 夫

也,可不察乎?君子之與鄉人相去遠甚,而烏知其實未免

苟其 之庸 者,異 于 也 而 而 外 鄉 獨 名異 於其 庸者 ,其得免于 人之甚 今夫天下 (于鄉 舜之可 中竊 哉 丽 人也,果且有 一者矣。 實不 傳 盡 竊 鄉 可 然 鄉 異 法 人 故君 自名之曰 人 者,至無幾 庶 也, 人也,古 免 異 夫 子之 子? 于 鳥 · 今 盡 君子 鄉 可 所 矣, 不 以 無 鄉 蚤 異 而 則 異 固 自 乎 于人 况 自 已 也 我 舜 審 與

也; H 至危之機。 至于聖人, ); 即 非 即 我之禮 議 自 不可 爲 鄉 以 鄉 人, 爲 謂之仁; 人,無 即 未 則夫吾之仁未至于舜, 非 加 其去鄉 至于 鄉 己之爲 人, 中立之勢。 舜 即 而 人 所 謂之仁,夫亦 鄉 其 而 共見 人 爲 未 益 鄉 遠 學聖 甚 也。 人 于 彌 鄉 至 不 鄉 真 而 ·爲 易 未 至 知 有 未 聖 終

> 仁 謂 之禮,夫 而 己 矣。 亦鄉 禮 未 人之禮 至 舜, 而 即 已矣 不 可 謂 之 禮 即

子,其 憂, 即 之舜 其爲 覺。 與 聲 非 H 横 相 施 去 刺 勿可得矣。 人忘其 莫 逆 横 鄉人焉,不 忘, 不 蓋 悪彌 則幾自 絶 逆不 鄉 人 人,妄人人,禽 夫且 也 人而 也。 隱 爲 遠,去妄 昧 終身入鄉 鄉 於是畢世 横 得 矣。 竊仁 可言也。 ば逆,其 横 人 焉 逆之敵, 嗟 禮之似 人 猶 乎 惡 潤 禽 遁鄉 人之中 非 易窮; 1 可 潤 人 以以 鑒 言也 乎 以 去鄉 不 人之外, 以可 ? · 遠 形 揜其 而 鄉 ; 其 人不遠, 己 雖 法 己 而 媺 垢 欲 不 猶 而 Ή 不 丽 終 自 無 傳 鷽 衆 君 而 而

# 我則異于是無可無不可

聖人不求異,故異,有可有不可,故無

四九五

已矣。 下 與夫隨俗浮沉者等乎 是,無可 可,則不可之,不必 以爲異也。 可 惠、少連 無 不 時 可 無 乎可 不可。」正是 有 而子 可,無 伯 則 夷、叔 則何容心哉! 可之,不必不可; 可。 不 可; 齊 有 故曰: 有 可 餘子亦然,皆 不 有 口 「我則異于 不 惟其 可 無 時 耳 口 乎 時 ; 豊 面 所 柳

于逸 合而 之神 乎? 逸 學伯夷之不可,而 不可奪柳下之所可,柳下亦自以 民,尤非學之善者也。 逸民,非學之善者也。 民,所以兼 足,所 觀之,亦無 學期 而無其迹。 我乃彙逸 自得,無 以 包乎逸民也哉 獨 異 民之全而去其偏,得 分而求之,無 非 于逸 取 復 逸民也。 相 何 昔伯 學一 民,亦惟 師。 疑 于後之君 夷 學逸 逸民,失 蓋 不 一是 不 惟 其 能 民, 求 不 逸 所 以 諸 求 逸 子 失 同 民 其 可 者 異 ; 民 于 善 逸 非 所

# 乾初先生别集卷十一

海寧陳確著 族玄孫敬璋編校

講義二

## 其爲氣也四節

剛 地 也。 餒 體 乎 大 之 自剛 者 氣 雖然,亦不敢不一盡言之也。人得 氣 無 以 也 孟 大 不善, 生,故吾之氣即天地之氣 子若 也 而 天地又得吾直養之氣而 然 貴 曰「浩然之氣」,誠未 不 得 集 其 義 養 丽 而 助之長, 己。 夫 也 易 氣 能 始 至 天 之 無

> 從之餒 者 也。 也 義 者 實 耶 無無 之塞天 也。 故故 理足,故氣充。 非 盈 矣,註. 顧 荷有 義 天 地而已矣。 剛 也。 地 大者氣之體 間 間 謂 焉,則道 氣 無 之 是 與 氣 氣 道 剛大之塞天地 皆 故浩然之氣,無 則 道 義 義,其配 吾 也 義 氣 非吾之有 ,道義者 亦餒,非 也 合 塞 是。 而 氣之 乎 也 安 無 非 天 而 道 理 所 氣 間 地 道

得浩然者乎!

苗 也 人 直 集 也 此 而 ? 者之未始非 助 養 義 吾 餒。 ,揠之而 之得 奈 長,天下皆知宋人之愚, 而 其所以 義襲 非舍則 何? 無害者 於 稿, 故 無 内 有事 也 助,二者必居 也。 宋 間 人之氣本浩然 者 0 人也。 者, 也 ൬ 此告子之失於 然能 弗 何也? 其 Ē 是 苗之 所 弗 者 忘 以 蓋 剛 氣 而 焉 集 有 弗 大 本 不 鮮 助 外 義 間 也, 勃 知 矣。 則 者 者 故 愚 然 所 非 襲 也。 也 生 謂 何 揠

宋 之有 自 揠 天 大 平旦之 善養氣者 地 無 儒 地 暴棄者開 不 可 而謂: 乃所 即 而 以 復蘖者等乎 指 何 抑 不 斯 性 有 氣 孟 有 人無 苗之氣 以 之 恒 設 子 不 猶 而 爲 剛 指 道 ·善誣 然善 此 方便之門也,是不 可自 所 氣生生不窮,豈 善 大,氣之塞天地即 情、才、氣言之。 性 炯 以 有不善也 也。 哉 I者機 善以 戒 情、才,又以 養之者 棄之理,要在 耳。 宋人之喻, 勉 也 故物生容 其實 告亡之後, 人爲善, 誠 苟 未 學者 誣 能 與 善 以 氣 善養之耳 充之,於 大古 故 也 亦 率 揠 有 性 而 是 姑 氣 難 之 性 苗 靡 之 廣 移之 之 爲 之善 尤 然 塞 宋 從 爲 寒 而 不 天 別川

### 配道義解

是 是 L 襲 道 贊 文理甚 長」,即 曰 云 句 然塞天地者, 氣 ,正是 非。 題 節「直 義 浩然之 無此浩 取 ,故又補出「道 配 列則 此 丙 道 明, 義 申 承 因 如 養 集 是 義一, 然 氣 故 謂 「直 此 九 胡 無 虚 義 之 剛 志 節 月 又補 害 惟其 相 氣 功夫,意 養 氣 日 伊: 大 書,註 初 昧 耳, 無 塞天 『集義』,曰 則 四字,已含下 八,過 義』二字, 昧 能 「作文 害 道 故 ?」諸 配 豈 集』字。 地 義 義 日 義與 四 吴 미 矣,又 亦餒 必 節 餒。 字 志 通 友皆首肯 須 謂 節 道 而 「有 耶 伊 遵 『必有 氣之 三節 下 恐 是 相 故 ? 暢 館 註 節又 承。 也。 人 何 事 言 中 所 孟 徒 意。 更 語 之耳。 事』三 前 今反 恐 勿 若 以 求 子 值 耶 浩 助 無 既 拈 臨 其 之

噫

亦大惑矣。

## 文莫敢發揮一字。

## 舜明於庶物一節

之也不 也。 行, 于無所不知,亦惟知之之真 夫人惟行之之力,則始若 舜之於倫物,知之也不易,故其於仁義 而實未嘗不安于行。若是者,一之至 證 一之,斯存之矣。 難。 存之於虞帝, 然則知之即所以行之乎? 可 其惟虞舜乎! 悟 知行之一矣。 無 一則嘗若 所知,而 勉 卒 謂 蓋 于 歸

之察 敢自 以 謂 敦倫、益可謂 爲 已 調 明也 何則? 以 明 爲 已 而 )察也 察,而 其 惟 舜之育物, 明 至矣。 不 也 自 惟 其 罔 不 謂 察 然舜于庶物,不敢自 或遺。 自 明 也 ,故能合天下之明 謂察,故能 罔 可 弗 謂至矣。 舜於人倫,不 杰 合天 明 罔 舜 下 之

> 當者 歉 遺 自舜生而實自舜生之也。由仁義行,非行 舜生之也。 今之共理,愚智之日用,非自舜始之而 有之乎? 則仁義雖非 ,故處物而各當,察罔弗盡,故盡 盡倫 ,義之盡 而 後此者有之乎? 自舜始,而實自舜始之; IIII 無歉者,仁之至也; 也。 前此者無之,後此 仁之至,義之盡,前 夫仁義者, 處 者無之, 物 倫 雖非 此 而 而 自 各 無

誠 詳 之知在行前,而 惟其行之篤,故 也,一之至也。一之,斯存之矣。 如舜之不自明、不自察者也。 如舜之明察; 亦非 則 ,故力行也彌篤 明也; 後之聖人,非無舜之仁義,而未 知之詳,故力行 求 不 知 知舜之行又在 無舜之明察, 行之篤,故求 也 益詳 強 無 故 亦惟 而 知 人 知 明 其 但 未 前 益詳 則 知之 必 必 知 誠 能 能 蓋 舜

義,又不得不獨推之虞舜矣。

五(()()

## 明 察 説

夢。 學,作不思不勉,從容 道 來。 事 語 節,皆是一幅「敬」字圖,况 意 統,具何許 ,談何容易 學者不察,都認 ,絶無頭 存之去之,只分敬肆。 大 舜一 生 腦 神力, 1 一兢業 爲 其明 可 而漫 恨 此 物 僅 中 也! 活抹 節 察 免 道 倫 書 于 虞廷 後 解 皆從 殺,遂使全章 是言性之之 愚。 悪 過, 開百代之 旨 直 學 兢 酒五 是 問 業 説 之 中

之也 舜 義 然追 人之仁; 是開 由 逼 遠,真是不由我 舜 舜 路 於倫物 圃 到 舜之義,非猶夫人之義。 底 精 行,非行仁 人,非遵路 地 萬 分關 位。 不明,不由我 義者 切,愛之也深,而 底人。 故舜之仁,非猶 也。 「由仁義 如 行 不察, 直是 路 行 然, 自 夫 憂

> 若此,安得不流爲下愚不肖乎? 誠 明察根本。 人,語以自反,即艴 「不可爲人」、「不可爲子」,此 其曰「號哭旻天」,曰「如 是 中庸》之「誠 動,日 倒 句 法,精 「雖聖人 今人 則明」、「明 神全 無 遇小拂意, 然 山 在 如 曰「吾無 上 何」,直自暴自棄。 則 窮 明 誠」,正 人 察」二 種志氣, 便 無 不 爾 是」, 所 謂 怨 歸 句 此 天 皆 語 内 也 尤 是 以 日

## 答性教問

明」、「明 性,自其 曰: 或問: 則 奚而 誘于人而 誠」,然則 子 不可。 以 大 言 舜 性 謂 自其得于天而言謂 當 教 之教。要之,性不 可合爲一人乎? 中 庸》 之 誠 之 則

❶ 「位」,借本作「步」。

執,天與人交相用之謂道。

則 鮮 也 之,自然者不可不勉 道,誠之者人道」, 知 合于教,則 曰:「及其成功,一也。」 而言謂之天,自其 知 不 ; 渴 明則誠者, 飢 僞 則 渴 飲 化鮮 明 則 雖 知 則 欲分之,烏 不失矣;教 良能是 渴 誠 亦猶 勉然者 ,誠則明 也 前 是 也。 誠 勉然卒歸自然,故 m 也 則 得 也 不本 言謂之人。 其 明 而 自其自然 日 者 分之? ·
于性 知 一誠 飢則 良 者 知 則 究 者 是 教 天

是故 爲 謂 不思之爲不思, 乎 不 不 不 息,而欲盡 -擇 勉 勉而 非 孔子大聖,自云敏求,造物 其謂 執之中必有從容,從容之中不廢 前 無 思 中者,蓋 不思 非 也 廢 圃 而 無 思勉,以幾至 舜 非 得者,蓋不思 所 不 日 勉之 勉 「孳孳」,非 無所思之謂 前 謂 勉 勉 也 道,豈 無 而 加 無 堯曰「文 爲, 思、 不勉之 也 勉 其 思 晝 也 然 夜 其 而

## 存心章説

等處 謂 此 仁、而 不 熠 破綻處 法,此方是第一 故末章又進以「終身之憂」,而舉大舜爲 不横逆人、妄人人、禽獸人矣。 自反而仁矣,而有禮矣,而忠矣, 自以爲是,而不可與入堯、舜之道」者 如舜,終身焉而已矣,而 」數節 皆 自反而仁、而 尚 陽明子謂「《孟子・存心章》妄人 假 有禮、而 粗, 文氣可 設 觀其終身憂不 之 此 詞 忠,不 語 層學問。 見。 有禮、而 最 非 妙。 若 實 在妄人禽獸 日 語 忠,而 如舜 然 正 : 也。 遑敢横逆人、妄 病 君 見 子 孟 仍 玩「有 則 日 此 存 此 知 則 子 在 也 文 心 妄 正 益 自 前 惟 之所 禽 人禽 所 章 不 惟 反 也 于 得 潤 憂 無 其 而

7 鄉 忠之足言乎? 末節乃是化境 斯言 人情狀,故 直可 熠 以 日 并 平 元注: 當 無理 慟 我 《存 哭矣。 而 相 猶未 矣。 又 心章》前 何 免爲 衡 自 量 數 反 鄉 節 ൬ 人也 文字 己 猶 絶 著 禮 孟 是 理

所 階 學。 乎 便 子善學 干 謂 終身受用 1 舞,皆 若無若 孔 克己之學 不遷不校,豈有 顔。 門 惟 用 學 不 虚,不 顔 此 也。 盡 顔 子 法。 孟 能 ·施不 舜自于 及此, 者, 惟 妄人 人伐, 豈 顔 盍于 子 田 故 禽 善 號旻, 此 子 潤 有 學 形 1 恒 舜 細勘之, 稱 以 禮 相 惟 至 名 其 平 孟 相 好 兩 1

#### 書 後

某 也 日 匪 或 一爲其 善,如子之問 日 : 身, 然 以 則 爲 舜 天 也 又 下 何 也。 以 故 誅 天 故 之 四 害 牛 X 在 聖 平 天 ?

> 至正 不 故 伎 不 蓋 下 後 倆 É 恤 之傲弟不怨:公私 世之所可 斷 雖 至大之心。 斷 耳 岳 「仁者必 己之私 佞 薦 又何 人之黜 之顯 傳 以 口 者, 有 侯 稱 法 不然,直是 乎 勇。」: 必 而 者 仁禮之宗, 哉 誅 之間 後能 耶 使顔 • 毒 于 而 憂天下之公。 子 加 此 已矣。 圃 忍 可 而 身 爲 爲 辱 見聖賢 邦,有 天 蓋 頭 雖 陀 惟 謨

### 盡心章

不 命、性· 求 爲天所命者,非 而 察 使 學 觀 在其 遂謂 蓋 者 大賢詳言盡心之功,而 存 反 中,學者 學 養不二,盡 求諸 不 知 推 幽 性 高之詞 何外 獨 則 之 心之全功 馳 無 地 也,正 哉? 以 焉 學者 明 耳 吾 欲 古 也 合 心 · 而 而 有 可 之 言 謂 時 以 體 之 性 士 反

言性 哉 量 而 世 ; 不知天,則 一猶疑。 者紛紛,言天者亦紛紛 而 吾他 世 日 愈 它日又嘗言性矣, 亦嘗言天矣,曰 疑。 無以見吾性之本原。 嗚 呼 1 其 物 加 百一人 亦 説 必 弗 有 何 思 無 于 則 從 定 是 而 不

已矣。

之宜。 疑 心者, 豈復疑吾性善之説乎哉 行、徹始終工夫。 天地民物之所由賅。 心,不足以 之良,而後知智愚賢否之所以 心 皇 吾之所爲天也,反之吾心與性,而 一然而 生蒸民之天已哉! 性 天下 流極之運,不足以證大同,反乎 對者 而 前 明大備,底乎躬脩之粹, 事 ,非吾之所爲 無盡其心者也,天下而 即下存養不二是重講二股,乃見詳 至 矣。 然 元注:「盡心」二字,是合知 亦 故穹然 事 有 夫 無 合。 미 也,密之存 而 天在 高 如 一端之 而 有 而 何 者 又 盡 本 後 非 何 知 其 心

> 敢任 哉! 窘 周 死 也 不言命,脩身以 不貳,况窮達乎 步 生 同 嗚 存心則存之盡,養性 ,達觀者怠脩。 道 解達,天之所命, 性,不敢任 則豈 呼,至矣 不 同位,舜、 任天者哉 ! 俟 心。 所 知天者 顔 而 不任 弗能 以 同 盡 立 學 而 心 心者,能盡 不 則養之盡, 不 强 不言天,知 命,而豈 以 惟然 也。 同 脩身者 年, 也, 是 任 自 故 且 殀 疑 心 命 則 命 者 者 者 者 雟 不

## 乾 初先生别集卷十二

校

葬

書上

葬

自

序

海寧陳確著 族 玄孫 敬璋編

諸 也 而莫之從也,况某 而 中庸之德, 豈人所不知不能, 所不屑 顔 ! 儒語,多所駁正,理 氏子之喪,門人欲厚葬,夫子數言之 昔孔子嘆: 夫以孔子之聖,七十子之心説誠服, 「中庸之德,民鮮久矣。」夫 之戔戔者哉 極平實,而學者率 吾比 知能 於 望

> 然哉 實 葬綱領。 因 稍許之,要多蚤歲之文,繁冗未及删定。 「及時、族葬、深埋、實築」八字,尤是某 而 益,不 [兹春 怪之,不亦宜乎! 有葬社之役,故復裒正 荷徇 知乎此而推之日用,事事求實 虚名, 即違道 惟論葬諸 不遠矣,豈 書 同 士或 惟 理 而 稍

親 務 時 心之所以亡,而仁孝之道息也 ,何惜虚堂尋尺之地,不使死者稍留, 焉。 速棄之重泉以 葬 由今人言之,則若古人之甚忍於 死 、大事 也,古人 爲快哉 甚 ! 重之,惟 嗟 平 1 恐 此 不 其 而 及

時不 又以 露 矣。 且 也,爲之棺以掩其衣 哀痛之心不忍之至爾 葬之,遑遑然務日遠 也,爲之施 不忍殮,故三日 望其 不生,然後殮之,殮然後 掩之之未 夫孝子之仁其親也,非惟 親之復生也。 絞給以 固 而 而 弗 其親 ,殯之於 後殮。 可 掩之。猶 也。 三日 以 也者。 久也,爲之葬於 始 三日 阼 而 殯之,殯然後 不 不 以 不 未安 忍 烏遠 生,不 之 忍 掩 死 内 葬 其棺。 於心 者 諸 也 之 生 無 ?

> 之弗 焉 墓 也 낈 得 固 掩 掩之。 見 之誠 也 是 予曰 記》 也, 非 日:「 則 也 何 葬者 人子之所 爲其不掩之又 藏 也 不 忍 欲 見

掩

也?

朝 則 同 月而 世 崇禎之戊辰,浮 書之,以著其忘親 賊未討,則不葬。 者,有之,必國有大故焉。 也,待同盟之至也。 及"後此,則以爲 是喪之中庸焉耳。 非 失火,朽骨 一不葬,數十棺不葬 軌之至也。 故先 但於此已也 葬也,待同 王之制, 灰 故雖天子之貴,無踰年 飛 位之至也。 棺 怠 士喪也 非是而 之罪,蓋若是嚴焉。 蔽 前此焉,則 有數十年不葬者,有數 或 而罪之。大夫之必 而終於不可知者。 天子之必七月也 河, 遇 小必 子 水灾,漂 不葬,則《春 或君讐未報,國 諸侯之必 孫 踰 時 莫 月 力有 能 流天 丽 辨 葬 弗 五 所 一,待 月 葬 弗 謂

五〇五

初先生别集卷十二

其 天 、數,謂 人 大 海 非 人子之焚溺其親 更浩 淼 不 知 其 吾 所 往 示 信也 矣。 雖 E

之也 之善 焉,農 之往 故 木 天 耶? 有 不 地 葬 死者所須,不 爨室焉, 擇物。 則 意枯 亦 懸 不 耳,固己。 無 有 來 有 不 謂 則 以 棺 樂之 也 無 瘠美之地之異焉。 之,草木本乎地,非 何 不 善,自爲 米薪之室焉; 浮生之多故,所居則必 有 侕 不善 物 善善 財 則 窆, 豈 圃 也 之材 郭? 耶 又必 能 夫形家之言,謂 場 ? 地之有 盈 焉, 禍福焉 地 不 天 丈,烏 有 有 苟 承 材 猶 客館 無私 非 無 天 猶不能 未 之者 自爲 矣, 施 云 非 聞 焉 覆,故 藉 得 無 人本乎親,故 亦亦 天 斂手足 無 3 哉 枯榮焉, 日 土 地 地 儒 與 猶 無 有 地 有 氣 有 ? 地 是耳 則 雨露之 交游賓客 之, 而 則 不 寢室焉 謂 能 謂 有 形, 不生, 給之。 · 善 於 非 無 禍 無 」, 謂 還 施 福 天 善 地

> 譬植 於磽土,不 况 人 常常 人 乎 稂 生 善,不 莠 於腴 能 使 善 土 爲 人 不 荆 常常 能 棘 生 使爲 也 不 善 草木 嘉 「, 地 禾; 安 且 種 能 梧 爲 梓 而

不無異 地 常 腐 也 也。 一者,生人之地 弱 耳,又何瘠美之異之有哉 或日 非 譬之草木,當其發榮,則 態;及乎黄萎,歸之泥 地 -氣然哉 地能移人,如北 也也。 ?」應之日 吾昔之所言,死 人常强 :「若子之言 土 一,則均 瘠美之地 之朽 者 南 之

良 父之愛其子 也 得 今生父之欲貴其子也,必 愛其子,無 一。」「是何言 氣,則 友,飾華館 曰:「父母之於子,一氣也,故 復能 生死, ,未若生父之能 ,聚羣書,所以牖其子之學者 蔭 其子; 一也 是 何 固 言 氣之相 爲 也。 | 敷? 愛其 之聘名 雖 感,不 雖 然, 子 父 雖 師, 者 則 母 미 死 也 死 之 擇 誣 而

性 惡 爲 則 厚 勿 欲 無 歟 形家之言,曰『吾 愛之,不賢者則不愛也,有常愛惡焉。 歟 足當樗蒲之一擲也。 垣 不愛其所愛,使善子蒙 而 能 之妙 其子 殖 有 富 弗 ? ,而愛其 又能令尋丈尺之朽 ? 而 其骨 育 其 出 至 故 不 是何言歟? 不 也 子 竊 走 也 選 善善 堯、舜之於子,非 宜子之子婦 既 也 笑 ,則勿能育也,雖 不 則 也 所不愛,使不善子 朽 然其子 妒 也; ,則爲之教 外然 其父椎 而反能化頑子使慧,乞子 之妻,博置 穴地 能 而 視詩 且父母之於子 朱、 轉 胸 複 欲其 壤 移 勤 使 頓 均皆不肖 顯 墻 書 忽變 人 足, 宜 教 不 宜 禍 以 生父 子之多男子也 如 禍 儉 子? 愛 遺之 焉 男之嬴 仇 而 易 獲 福 也 ? 無 以 讎 無 休 其 如 也,賢 一,后 夜半 焉, 奈何耳 金 身先之, 口 是 親 有 祉 反 而 · 而 如 夔之 何 是 故 之情 掌 焉 何 者 使 不 ? 踰 理 終

> 家亡 無,不 不能 者 地 雖 天 也 也。 而 桀、紂之爲 身者有之。 仇 善其子。 待智者 鄉黨,争利 故天之所 不亦痛哉 死 而 循 父而 後 異端之害,未有過此之毒 制 形家之言,則地 뻬 知 雖 仇同 必能善其子。 也。 堯、舜之爲生父 氣 而 ,速獄 世莫 之悟, 之所 連禍, 理之所 破 而 争

焉 慎 擇則 委親 殯 餐,雖慎葬必三月。 也。 可 而 葬非 歟 之謂慎矣。 一三月而 非 ?! 日 死 之?」曰: 安能不待歲 骨於非 或曰:「形家妄言禍福,則誣 停 葬宜 喪之謂 : 葬, 所, 慎, 「不可。」「不可則安能 如不 必 「人子之於親 而水浸之, 螘穴之, 生養 誠 月? 也 必 可以三日 慎養非 宜 信 子 慎道 思 慎。 勿之有 日 無之 也,子 廢 而 : 雖 食之謂 『喪三日 勿 慎 甚 悔。」誠 殮 養 又 可 亦 矣。 無 也, 焉 必 勿 擇 無 也, 得 或 慎 而 不

之何 晏然,忘之而已耳,而曰『吾慎大事焉』,誰 故 欺乎?」 除。今之君子,冠服燦然,飲食衎然,言笑 故古之君子,有 事矣, 豈必優游積 之,奚水螘之足患? 也。 可 水 以 之浸 三月 也 脯 故 弗 而 歲之後 虚 葬 弗葬,三年之外 慎之又慎 故 也? 也。 然後 螘之穴也 深 下,再 云 坎 丽 慎 月 服 哉 實 而 畢 不 淺

矣。 暇 煞,不利,利明 日 又見子之鬻田矣,盍姑弛 耳?」或曰:「自子之婦 方夏熱,不宜葬。」或曰:「葬宜 議者猶以 今蠶 ,得袝葬先人之墓。 吾始見子之賣婢矣,多方 庚寅三月三日,吾妻死,四月二十 工 爲 未 太 年。」或 驟 休, 也。 麥 日 秋 或 雖吾謂已後矣, 病 將 曰:「今年癸丁 「葬宜以 ,葬以 而 至 死,子之費 息之?」或 以貸矣,近 時 一從農 臘月,今 使 人之 謂 多 向 六 何 而

墳居· 乎? 無 葬,亦必擇年而 葬者皆有 日 :「子之家,丁口 不至矣,而吾弗能 或之所以爲我謀者悉矣,其愛我 人地乎?」 子素仁于物者,即 月數,弗可易也。 死歟? 繁衆,率 從 也。 必擇月而葬,亦 不自愛,獨 爾 舉 如 事 必 擇 不 無 年 可 妨 害 近

調吉 喪,不 擇月 餘 焉 非 愛物不如吾之自愛也 之費誠多矣,推子之言,不 當祭,必撤 侕 得 有 口,又安 1 祥 婦 而 已也,吾惡惜諸? 脱又 以從貴者之暇。 也,而 喪, 死 敷? 幸 得 奈 以 臨之。 而 無 何 適 獲 欲 古人之 妨 使 之 百 使從 死 年 日 者 今吾縱 , 吾知向煞之説之妄 之 重 僕 而 故君之於臣 不 丁口繁衆,人之所 喪 葬之? 壽,子孫 得葬,不祥 人之 如如 解之曰:「古之 也,雖 不德,抑不 無 暇 死。 乎? 雖 賤 至 也,雖 吾 白 死 者 孰 乏 幸 吾 謂 喪 必 而

所衒 定, 也, 加 其 師 斷 能 不 行 敢 之, 摇 兄弟一心,子姪宣力,不 其 又 舌; 何 疑 豐儉之禮 於物? 均,工人 昭 穆 之位 亦 無

之言, 成矣。 雖然, 哀 無 私 意 痛之心 求福之念,則精神專; 或曰: 無所容,而 亦有 則兄弟 葬爲 同 道 「善哉 死者, 乎?」曰:「有之。 而 和 議論息矣。」 財 1 兄弟 非 力 聚 爲 子之適逢 矣。 生者。 和故不約 精神專,故不 非 爲 爲死 其盛爾 不聽 生者 而 者, 固 矣。 也 則 師 而 則

之地 國 葬 姬 日 地 長沙 「古人之營國邑也,則景度之,龜 一營 則未之聞。是故公劉荒豳 ,故亦未能 洛 則 卑 而 地 濕 1 固 瀍 卒傷賈子。 無 不 擇馬。 澗 必 擇 絳 乎? 若葬, 土 即 深 向 必 厚 m 則 所 擇 相 必 實 謂 陰 正 乎? 一於國 利 生 之, 陽, 者 晉

> 達。 故 有,近 日:「 水 所 不 都之北; 擇,擇近不擇遠,擇吾之所 足考也,其文足 之族葬者,曾元 擇人之所棄者而已,非今之所謂 葬於北 爲 死 也。 者。擇之道近是矣,他非所 奪,不爲耕犂所及。」若由是觀 城郭,不爲道路,不爲 程子曰:『擇 吾 山者於山 則擇不食之地 兆 生 方北 若 域 無 鄉 有 益 首」,三代之達禮 居 于 常,又焉 而 述 無 葬地、當避 則 人, 下, 也。 Ш 於 而葬我焉。」君子 者於 死 無 所 必勿可容焉 弗祔 可 用 居之北。 溝 地之高燥者、 有,不擇 以 擇! 五 池,不 敢 害 E 思: 也, 知 于 ,所謂 也。 擇 也。 成 之幽 爲 使 Y 也。 人之所 記 子 乎 其 勢 以 而 他 **>** 化 高 占 後 圖 H 爲 日

時 也 矣, ,姑立之期焉,以告之於神與 或 當 日:「吾子 擇 乎? 葬 否乎?」 婦婦 雖 日 不 擇 「非 人,以 年月、擇 所 要其 擇 H

簡 中; 擇日 也。 發。」 時 成 稱夏后 秋》書己亥日葬者 又擇二十日 而 乎? 公之葬,不擇 後 也 周 之害 吾强 既 雨 云 氏尚 人尚赤,用 而 耳  $\sim$ 使 春秋》書定公之葬、《 疑 也 大歡悦,不 蓋 蓋 黑,大事 若 吾 之,僕 廠,如 按 雨 始 日時,昭 者 葬書忌用己 日 干 與 用昏; 出。 餘見,擇日乎? 人 期 衆 遂 擇時之效也。 大 而 然可 約 先 大事 病 往 時 日 殷 廠 睹 發 雨甚,勿可 人尚 亥日, 矣。」 檀弓》記 喪 柩 成 廿 事 白 而 五 至 也,擇 用用 而 《 禮 》 雨 始 夜 慕 《春 止 蓋 吾 鄭 H 乃 巾

其 也 之終惑其 哀親之心 也?」曰:「起於 解 · 賢知之士皆終惑之而 以 然則 動 必不勝 説 之, 福 丽 則 禍 不 於葬師 之説 重賄 其 悟 避 也。 之欲 立 何 禍 至,不 自 邀 非 不 賄 起 福之心也 惟 悟 也。 乎? 虞夫 愚 也 夫 彼知 皆 婦 愚 必 一,而 謂 妄者 爲 夫 人子 之 然 婦 夸

> 求 德 之用心,若可以播 者之自誣也,理之所必 櫣 也 親 孫 可 也 天乎,奚 口 不 去,不可同 善地。 艸 妄乎? ,理之所或 ,亦無辭爲 以殺其身而安其親,無 不謂視無形、●聽 也 必受命。」 滄桑弗能變也,如上文辟五 一,虆掩 木之根弗 不 回如 可 則 年 不已,至 夫德 之。 ? 在 有 而 何 能 『大孝』之卒章矣,日 也。 語 故 而 莫 是天之所 越 矣。 人 葬 水弗 無 於 大 也,盗 其 福 而 聲 禮 於孝親。 親 無 推 可 能 獲 者 葬 辭 而 孝 也。 必 弗能 浸 福,仁孝之所 哉 患。 甚 爲之。 利 子之用 而後葬者, 禮 也 怒 其 仁不仁之 人子之於 , 螘弗能 葬不已,必 用 扣 身 而 雖受福 也 推 與 欲 如 百百 漢 其子 禍 今人 大 相 千 愚 感 于

<sup>● 「</sup>用心如是可不謂視無形」,「是可」二字原誤倒,據

辭矣。 孟 矣。 無《書 日 以其名已也, 心始安,而夢寐亦適,奚昧昧 求其理之所有與理之當也而後爲之,則吾 據乎? 非晚年見道之文,又或其及門爲之,曷足 前引不擇地、不擇年月日時諸 何有於朱子 之説 所 惑者。」 「《家禮》,朱子所定也,其論 然朱子,宋大儒也,嘗言之,奈何?」 文成,以示黄山諸子。 》。」所以 它見于集中者,或其 ,所以至今不廢者,惟其是而 君子之行也,雖 ! 苟非 學者必先致知,否則未有 孟子曰:『盡信《書》,不如 耶,雖 日 孔、孟吾猶違之, 用 諸子曰 蚤 細 也! 年 説,情見乎 微之事,必 所論著 葬甚悉。 . 「辨甚 已,非 夫孔、

諸子曰:「唯唯。」又曰:「堯、舜之聖,

之問 不能 也! 善者也,然而非父母、天地、君師之所能 也,君師也,一也,其心皆欲子、臣、弟之爲 能爲之累焉,舜、禹是已。 是已。我而聖人,則聖人矣,雖有凶父,不 不肖矣,雖有聖父,不能爲之庇焉,朱、均 天,故曰 也。堯、舜之所以爲堯、舜,即天之所以 不傳舜、禹者、非堯、舜之心 舜之愛其子也,亦百於舜、禹也,然 勢而已矣。又曰:天者,理而已矣。 與勢定,雖天其孰能違之? 之自爲之也。 可知也,然而不得不之於舜、禹者,朱、均 母之於子,無弗愛也,况天之於堯、舜之子 ! 違天,天若是定乎?」曰 使其克肖,天之祚之,必百於舜禹焉 非 聖人也。 天定也。天之於斯民 非天意也,理 由 是觀之,我而不肖 故父 :「善哉,吾子 也,勢也。 故 也,理 母母 日 也,天 也,猶父 而不得 猶堯. 天下, 也 爲 地 則 勢

定矣。 天 也 瞽瞍、伯鮌之爲 舜之父不可必得,即幸 鈐記,辟之必擇 地 在 不若 可謂審所擇者矣。」 我 舍 加 我 自擇。 己 而 矣。 求 父萬 克、舜  $\Rightarrow$ 諸 我之心定,即天之心 中庸 天 萬矣,夫 以爲吾父, 地, 而得之,而 **>** 日 日 必黄 何益 擇 善 道, 無 而 已不 論 固 故 地 堯 岩 擇 亦 執 必

#### 與同社書

告。 説, 惟 不 煩囂,故不爲耳。 盈缶之孚,而 留 宣 尤夙所痛 所以 某迂 神垂省 , 揆之久要, 遲之 愚之性,不 有騰 心, 歲 不 時 既 口 每 能 又以 之消 欲 未 通 無 積 敢 時 恨 示, 爲忠告之誠 其 俗 即 ,輒復率言之, 愚 '', 至 達者 足 悃 相 一於 感,祇 猶 以 葬 終鬱 師 懼 相 益 啓 之 無

有能 猶得 之? 空言, 策 故 刻。 於 雖 有 之若此之必也? 明 庸 農 乖,信妖人之僞書, 師之庸者,但 法未可 通 非 人 而 畝 醫 以 聖醫 善 事 正 則 誠 弟 一二。至於葬師,雖 是爲非, 醫之道險矣,然十人爲醫,得 無預 醫 必 爲 業 謂 慤 殺 其後者。 口 固 不 差能 吾 也。 人 隨 洞陰 事 而 未 得 輩 、無算。 施 實。 與臣言依忠,與子言依孝 有不及, 若夫 미 己, 自 隔 不 補 輕言。 陽 絶天 此百 讀 殺 救, 醫 醫 蓋 而 、葬師之聖者,僅足比 廢 書 今之醫 人,次 1 居 則 即 盡 族 談 倫 千 無或 星 生 次 葬 之 心 忠 何者? 有 道 ·萬 則不 相, 雖 計 殺 廣 百千萬 虚 而 《過馬。 億 者,率出 廢 净 在 良 者, 誣,亦皆託 外 猶 中 耕 能 手,事係 法 豈 1 不 而 而 僅 億 地 不 無 何 失 裕 與 操 天 口 中,未 殺 次 一人 以 下 胡 後 星 爲 無 術 宣 下, 醫 亂 罰 者 之 爲 知 庶 相 力

人紀,上干天刑,理之必然,何足深怪!

之,即 殘也。 害民 堪 ? 必欲 論 身不養,必共指爲不祥人矣。今徇葬師 古之園囿,君 之爲暴者, 長 有罪者不得人先人之墓。 如狹小父母之居,自圖安便,棄而之他, 人復起,必不能易。 人子之大戾也。 據 則 者乎? 數 奪其父祖 畝,苟此俗 弟獨以爲《周 此何異暴君污吏之多爲園囿 棄其餘,天之殺之,必不旋踵 必不免二者之誚 辟如造一石 畝 之腴 鄉 可公之於民,今之墳塋,父不 顧古之爲暴者,國 乎? 田 不 有 棄有用爲無 丁,其 數 變,地 禮》族葬,其 飯,可飽 何者? + **坐** 且欲以 師 封 矣。 何 開 今死者何罪,而 以 白 一人之朽骨, 聖王立法, 用 違 師 給 廣 止 者,或 人,一人食 法 阡 親 ? ,生人之大 數十 甚善,聖 而 君, 湾池 矣。 民 即 更 何 疏 至 之 惟 終 以 以 又

> 彼,功罪之相 爲寒心 彌望,率皆沃壤,耕夫拱手, 可公之於子。 知之士,不以死傷生,誠達於分義之至 夫辟 去又 每 萊 \_ 拭 不 任 翅 土 目 猶 什伯千 了, 平 犯 民 原 王 -萬矣。 業 誅 曠 日 野 以 促 故 此 壟 也 樹 明 絜 口

聚族 師 也 于生者, 者無所復須,不過容棺,動静異宜,當倍 宅,小大内外,率容百人,曾不以爲 世不易之常道 者與生者爲類, 誠 ? 《傳》曰:「方以 而居,死亦聚 作 不可不懼 俑 而 無 所 後, 費 也。 死 之地 故天罰 族 者 類 今約 而 與 聚物 更百 死 葬,此陰陽之理 之 者 而計之:十 於 爲 加 以羣分。」 類。 生,此 獨 慘 故 隘 於 何 畝 故 生 葬 縮 死 既 生 百

藥符 謂 無 水, 其 所誤兄者,不 書 蠱 耶 厭咒 ? 苟 詛,諸妖 過 不 此 惟 幾 其 異 種 理 葬 之術,皆 惟 書 其 耳 則 弟 其

之徒 經》 奮 矣。 於大聖人之所 云 其 無 人 水 其 經 譔 書 知之學,非 然 註 1 爲 能 荷 T 不 書 停 鄙 疑 無 璞 驗 葬 疏 葬 更 相 無 其譎 孟子 信 陋, 知 載 争, 博 葬 數 術 慮 謂 璞 而 妄作 其言 聞 地 璞 數 + 有 Ė 謂 丽 〇日「此 詭 不 緣 行 之文賦 宏 也 + : 目 萬言,皆有 地形宜 幻 盡焚天下之葬 出 之, 飾 **「葬者** 者 删 種 藻 共 迂之術 三年, 盡 定 乎 但 成 大大 地不 必 見。 爲 信 者 正 云 書, 箋 有 抵 爲 中 此二事 爲 疏 而 能 久 此君 書 後 謂 此 天 以 賱 尚 其 篇 與 亦 將  $\leq$ 致 璞 此 應 下 璞 詞 其 時 母 云 名 變 書者 天 實 不 爲 之作 也 之大 所 麺 ,要皆卜 行 爾, 發 卜葬,人 先 爲陸」,又爲 如 子 權 作,大 之 事 而 露 之問 也 生 况 無 後 輿。 抑 妄 不 冠。 詳 一所 人 夫 並 · 及 《 書 人 矣 妖 又 遂 弟 壯 以 可 以 筮 未  $\wedge$ 矣。 所 »° 葬 哉 何 葬 笑 以 欲 後 近 前

此志,功不在孟子、昌黎下矣。

遂 形 勝 子 論 月 者立言, 家禮》最爲 世,當· 家言 日 也,理之所無 ,就使孔、孟曾言之,要當與力争。」 蔽其至公之論 時, 至紫陽 有會通之觀,不宜 其 中 何 間 意 可 折 論 可 詳 衷 葬 不 ,不敢違心 見。 引 慎 也。 壽 古 其 皇 -吾儒 論 人 弟嘗 然 葬 葬 書, 觀 뻾 苡一 尚 不 法 有 極 其 511 友前 擇 甚 云 古 爲 末 偏之説 悉,不 地 迁 也 年, 一世 哲, 誕 擇 非 惟 讀 裒 及 好 朱 書 集 賢 年 丽

察之, 當 或 也 馫 了,有 其 準 由 命之有短 得 之 天命,禍 若乃家運 某 則夫人之所謂某善某善者,固 勢 葬 善 益 地 某 長,息胤之有繁耗,或 彰, 則 福之機,何可 善,是宜 之有 則 愈 交 惑 興 口 矣。 、廢,謀 其 而 至于此 譽之,日 今 深論 如 爲 有 之 也。」 人 有 由 必 于 成 欲 亦 就 斯 此 事 敗 未 m

者 矧兹塊然者,復 此 始 俗 誰 論 殊 丽 之愚 遭 猶 也。」就而 盡 日 ,於其子孫之盛 未 不然? ,則善惡 誣 亦未 陋 離 也。 斯 此 , 乃至 始 察之, 人也,有某惡某惡,是宜 惑 及 頓易,雖 丽 盡 其 巾 有 一於此。 馬 誣 失勢 則夫人之所謂某惡 識之士,則 衰,定其 能 也。 分解? 無 百 而 不謂吾兄之明達, 其 聊 先 口 則 人之身, 「,何以 己揜 塋之美惡,其 今從事 又 交 П 自 其 口 而笑。 後 明 築 某 至 而 瘁 惡 而 毁

必 澽 猶之兄之欺 兄 無 偶見,言其可用,豈有 誤 欲 興 必不忍欺 兩 兄 行之,莫若 人 自以 之心,而 家之訟, Ĺ 誠 心質 而 勸 已 則 而古 己。 人合葬袝 不 可 行 能 人 鑒 可不 如 成心, 則 無誤 矣。 某 先 年 愧 葬, 人 而 某 以 幽 何 之事 聞 明,不 欺 者 家 勿輕造 者 ? 某 兄, 欲之, 故 地 吾本 則 知 也 亦 吾

> 之所 蓋 墳 迂愚之心,實有 而 了, 勿 已 前 深憂 也 您,行 安言 而 禍 之 大懼者,正 終 福 所見。 身,兼 如 是,行之 可 不 荷必 以 iŁ 宏後 吾兄一人之身 不吾 期 年, 福 聴, 必 則 似 口 弟 於 以

矣。 稱 此 從,至愚 彼,以妖 保之矣。 周,而葬師錫類之仁,亦宜 達 乎? 之孝,而 使分葬之爲是,則今之孝者皆過 使《周 能 師變法,殃罰之明 今以 其子孫 禮》 辨, 族 曾讀 元聖定制, 葬 亦 猶爲 不 書明道之士而 · 當享 口 必 一福禄綏之,子 福 議 ト世 若此,何 祚 , 則 之 1 武、 宏 年 未 周 去 長 及 孫 何 如

德莫 葬 圖 ? 之法,自今而 加 今觀人家舊墳,往 以 焉 吾兄夙有 利 莫大 後, 聖 當 焉, 師之譽,人之聽 口 往 何 數 一蕪曠。 故 + 棄 世 之 不 倘 造墳 而 得 新 兄 脩 是 必 族

論 辭。 敗 進 百 翹 與 (、某願 切 望 于 張 敬以 吾 俱 弟 元 兄 賜 以 故 岵 所 爲族 詳 既 集《 一身受誤天下之業報 書》 照。 深 葬 族 具 論 之師 餘 葬圖説》并 録 葬 尚 呈 師 也。 容 覽, 之 晤 必 使此 並 盡 不 臆説 前 可 臨 法 所 ", 數篇 爲 書 果 奉 不 不 有 而 勝 葬 及 敢 禍 又

## 與張元岵前輩書

德。」感 篇 歸 饜 善,時蒙 形之愛,恣 奉正。 寓 飫。 思之, 《詩》不 疏 佩 許 之私 道 其 可 不 範, 愚憩, 覺 輒 云 貪 何 汗 録 乎 悉 可 浹。 所 酒 教言,反 云 既既 爲 深 量 坐 ^ 耳 圖 醉 間 1 熱 説 以 費 昌 僕 益 酒 郇 言 并 辱 發 厨, 族 臆 先 既 狂 葬 説 生 飽 遂 言 之 數 忘 以 致

> 聞 間 此 以 愚 族 益 罔 怪 葬,反滋駭笑。 杭 聞 今人一 氓之蚩蚩,安可與 爲 城 識,各 族 某 葬 常 有 所 之 南 有 是 以 惑 禮 冠 常 其 於 得 而 被髮之人,便哄 爲 所 徜徉 葬 粤犬 復 怪 見。 師 脩 世世 者, 論道理 吠雪,蜀犬吠日 行 辟 人 敝 則 如 於 眼 又 於 也 Z 世 孔, 然巷議 羣 習 酉 道 然異之。 俗 七 大 大 率 八 與 有 月 頃 類 庸 裨

未 親 數 靡 未 也 不 不 者 解。 依 見 可 里,或數十里,或至不 可 魄 其 分, 之情,而妄生揀擇,使子父異 1 分, 夫婦分葬,今人亦知其不可。 而 可。 生欲親之,死 則子之子,孫之子, 胡爲父子 先 爲人子者,不能 以 傷 親 而 Ľ, 獨 欲離之,於情 可 可道里,未足 謂 分乎? 之爲 何莫 仰體吾親 孝 m 域, 父 非 夫 於理, 竊 子 父子 以 或 婦 靡 所 安 隔 瞻 既 既

遺蜕, 遠。 愚誣 甚 遽 更,浸成 孝也 生厭 相 之言, 而 之師, 遠 且祖 議 實 斯 者 ,苟其祖安之,其父何 棄,舍此 、築舍。 非 亦 則 或 垒 非 也。 仁 百 Ê 亦 聖 無 人君子所 : 前 地之美惡,實不可 教。 「求 吾見其不 就彼,未能 一得,盡 人所 福之説 惟 慎 是 宜 擇, 預 心營築,水蟻 孝, 用 遠 固 相 今昔之知, .獨 心。 而 勝,徒 水 極 不 未 蟻 癡 以 可 此 見 愚 形求 益 言 其 以 ; 不 自 紛 似 安 所 速 而

吾遵 生 加 以 然 一, 而 意 禮 亦 慎 昭 佾 有 蓋人子之於親, 不 禮 固 穆之位, 限 皆 自 ,子心 制 也 爲 知 不 一者,不 尊 其 亦 無 可 榮其 或 願 可 踰 陷 可不 以 外之求, 越。 親 愛敬之 於 か之 不 非 及, 恨。 故 禮 事 亦 誠 日 而塋封 子 則 必 不 無 又烏 當 欲 미 所 死 各 H 過 高 不 得 葬之 之 私 厚 至 也 歌 所 而

> 禮 之孫 皆 葬 則 得 非 者 不 也,我將使大正其位」,而 安於立 必 有 以 顔 之? 而 可 何 已矣。 子,子 解。 且 所 者雖甚愛其父,欲其父之不立 爲 .则? 祖 也,誰不知之,然父坐則子立矣,爲 止 不 善夫高 然則 父交怒於上 可 路 豈 分定焉 ? 惟 使 今之所爲孝者,皆不孝之尤 景逸先生之言曰 門人爲臣,此 師 於 友 故 此 爲 也。 **前** 미 然 驗 爲子 哉 不暇復 今必曰「是吾父 天 理。」 孫 : 事 今夫坐之 者之罪 顧其祖 而 嗟 夫 門 不 平 子 人 厚 山 何

桑蔭 若夫朽骨人土, 此 之土,一年 地 其 氣 廣 驗 至於屢 以屢 而 矣。 穀 再墾,加 發 發 實繁,一 彼 而 洩 以 即 生,不 氣之説 生 同 以 物 年不 溝 粗 發 承 斷, 耰耘 生 墾 而 誣 尚 氣 死 惑 耔 則 何 彌 之勤 故 氣之云 桑 今夫 甚 穀 論 7,然後 然 盡 桑 驗 耳。 死 之 穀 而

槨,何嫌何忌而人子惑之? 後葬既掩,亦當復完。去舊數武,穿不及當慮其洩乎? 且前葬已開,不嫌其洩,則

言。 濫 既 稼,分離人骨 輕,不足取信,得先生一 告同志,倘 詳究之! 苟吾言不謬,便望大聲疾呼, 禮廢: 此必不兩存之勢。 行,則葬師之説廢;葬師之説行,則族葬之 真」,未嘗不啞然而笑,謂絶是 可。 不可惑,亦不可廢。」此之鄙謬,益不可言。 日 觴,五十笑百,可爲明喻。 葬師 今之議者,得無類此? 不惑,又曰不廢,不廢 每讀《武帝紀》,至「羈縻勿絶,冀 至爲平中之論者,則曰:「葬師之説固 必 有遵行,爲德 無 肉 後, 而 歷 重 有 其 明驗。 劉 言,勝 無 稍爲牽制 也。 量。 即 先生其更 蓋 一幅 惑,義 此 僕 荷 僕 族葬之禮 損 T 人微 反 癡 言 是 地 必 遇 無 傷 致 其 而 萬 兩

行之,必有百世之慶,仁者豈無意乎?

# 乾初先生别集卷十三

海寧陳確著 族玄孫敬璋編校

葬書下

甚次

啓争速獄,家破親離,争地則親友爲仇,争利則兄矣。然愚者惑之,害於財已耳,知者惑之,以枯滅自廢,偏私傷道已耳。罪未至于暴以枯滅自廢,偏私傷道已耳,即者惑之,矣。然愚者惑之,害於財已耳,知者惑之,有人骨,待地不葬,或誤聽屢遷。拆人父母,分葬。人骨,待地不葬,或誤聽屢遷。拆人父母,分葬。

則猶 <sup>弟相惡</sup>。禍若此其甚者也。 緩者,真所謂放 小患,不思去其剥膚者,而隨聲以吠其 者莫之黜,又躬勸爲之戒。 夫樂大禍 者莫之辨。 書之倍叛失理,尤非佛老之書之比,而 人也;而儒者攻之,至不遺餘力焉。 也,誦其書而服其教者,猶時時有賢者之 爲行,則猶然善也;老之以清净無爲爲事, 亦不知類甚矣。 近於治也。 葬書誣矣,葬師 飯 佛老之書,猶賢者之書 流餟 而問 夫佛之以苦空 又甚焉, 無齒决者也, 若葬 而 丽 至 儒 儒 憂

而葬靜爲甚,凡人之言禍福者,皆妖人也,福則同。故凡書之言禍福者,皆妖書也,然則有同焉者乎? 曰:有,其妄言禍

五九

### 族葬五善

之變 永歲 慕 不 攘 不可 葬 主 月。 位 也。 而 了; 則 能 美惡、 前 奪 有 則 有母墓,又 息 之患 舉 不决。 或問 定, 葬 無 無 骨 不 費 争, 費 肉完 厭 矣,族葬則否,三也。 亦未有速决之論也 矣, 師 미 愈 耕地 臨 地 之求,地 故未葬 不需時月。 地 四 煩 聚 他家,茫然無主,或兄弟争利 方其議定,而父母之骨已敗 事 禮禮 主 有繼 也 有 死 俱 愈 攔 也。 加 而 鄰 無 母、生母、 墓 瀆。 先 阻之虞,變故百出 有 有 所 祭 族葬則 知 破其家者有之。 刑傷 擇葬 侔 非 其 無 古也。 父母 則不得不需 則位 大利, 之害,勢家 擇地 庶母之墓, 怨 昭穆 離 也, 不前定, 而 之鬼, 分 不紊 而 葬, 有 紛 葬 推 賣 時 父 然 族 則 有 而 而

> 猶未 不瀆不煩,五也 而 Ŀ 一之,祖 得 每 至 止 寒 一父母、 族葬 食、 + 則數世 曾 月 祖 朔 |父母 子 之墓 姓 以 奔 往 朝 走 丽 + 無 畢 數 不 皆 H

### 利害

於《禮》有國墓邦墓。國墓之葬,雖異地而葬,吾見其害而未見其利也。 按《禮》古無不族葬者,而今之人必擇

智,而 子諸 也 滄桑旦夕者 世 邦墓,則吾之所謂 姓之臣咸得陪葬,故齊 禄 于 侯之祚,皆數 於《禮》有國 嗟乎 常倖今人所謂 朝,慶流 冤 則 有 子 墓 間 孫 族 + 邦墓。 矣。 富 善葬之福之厚之若 葬者也。 世 不 五 厚 何古者 絶,卿 世 國 累 一皆反 世 墓之葬, 然 以 大夫皆 無 而 葬 擇 視 古 於周 葬之 者 今之 雖 斯 天

吾聞之,勞多而德 厚者 流 澤遠,不 然

趙

季明

族葬

圖

記説

者焉 反是。 富 巧 平 其所謂富與貴者,猶未必如古人之遠 不爲也, 况於獨 今人獨受之矣。 某 誣 ! 貴 曲 賢者宜何去從焉, 然 於葬 飾 盡 mi 以 由 吾向 徇 地之美惡,又何 某 葬師之論, 葬之善,若操 其害而 所謂擇 夫同 其 亦可幡然悟矣 葬紛然之害, 利 又 而謂 而 未 券而取焉 有 獨 必同其利 如 焉? 其害,愚 今日 且 之 吾 則 者 大 某 者 即 已 而

無疚 福 爲之,况又盡 古昔之從,心 吾之心以爲苟得盡 川則 而 弗爲 於所生,雖 雖然,利害之説,吾猶 又與 ,則雖欲謂之智,不可得也。 古 辭 志 人 水絶 定 今人之害,而 同 而 聽 同今時 禮 吾富貴之路,猶 之 俗 未 爲 美,無争 之士,循 定之天者 世俗言之也。 其不 可 於 循 知之 焉 欣 世 也 然 惟 而

賤也。 袝,母 嫡庶, 殀。 位。 以例其餘。 妻、 惡其趾之向 宗子之母不合葬,義絶也。 陪葬,廣愛也。 嫁女還家,以殤穴處之,如在室也 不以齒,不期殀 繼 男女異位,法陰 中下之殤,葬祖後,示未成 季明日: 室 以子貴也,降女君,比妻穴退尺許。 以 與夫同 無 年 男子長殤,及殤已娶,皆居成人之 所 丛 尊也。 出,合袝 列 以造塋者爲始祖,子孫 封,示繫一人也。 葬女殤之右。 也。 昭 穆,曾玄而 陽 祖 如 其夫,崇 也。 北 弟先葬,不留兄穴預 不 其 黜 葬後 不還與前夫合,舉貴 墓 一,避 Œ 下 者皆 與改 妾無 也。 人 左右 其 也 嫁, Œ 南 子 不 明 妾 期兄 首, 也 序 猶 貴 從 别 雖

圖 葬 族			
きる 0 0 0 0 F F B F F B F F S F F S F F S F F F F F	東京 森の 森の 森の 森の 森の 第の 第の 第の 第の を から を から を から から から から から から から から から から	北 祖后空三步不葬 (1	京
国 或六步 (	一〇〇〇〇〇四日 第孫序秦于此〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇〇	祖祖祖及昭穆皆北首一向	昭 或空元步 成立元步 四 四 四 四 四 四 四 四 四 四 四 四 四 四 四 四 四 四 四

### 深葬説上

俗名「培土葬」,舉世靡然從之,去葬之道之甚也。始則去深而淺,繼且去淺而浮,古之葬者必深。今謂深則有水,此愚

遠矣。

密。 則無所容水矣。某詳求古人死不欲速朽 則土,虚則水,故葬法無取寬虚,貴狹實, 故人死則爲泉下人,此非所宜 獨以深則有水。夫地中有水,豈曰無之, 於尋常菜醬猶然,而况藏人之道乎 之義,於棺外加椁,又錮 安固,淺露 蓋凡藏物之道,氣固則完,氣洩則 葬者,藏 則傾圮,必然之道。 也。 深則藏,淺則 以以 深土,意 慮也。 彼 露, 愚不知, 深 極 藏 敗, 周 則

死鄭兵,衣帽完好,膚色不變。 比年吾里尖山 化石。又松脂人土千年,化爲珀 喜和暖,可以明其理矣。 積谿沙之中,陰寒之氣結而不化,其堅 石,更不復敗也。 今棺木之取於沙枋者何耶? 外海沙中,坍出 則棺木之性喜陰寒,不 故深山中嘗有松 弘 又澉 ,亦此理。 光元年淹 以其 山下 如 久

以

揜

其

親

者

古

如

是

乎

習

久難

莫

則

氣

洩,

氣

洩

則

遺

骸

速

敗

~,孝子

孫

之所

之,求

乾

於

深

而

亦

不

得

則

更

浮

之。

浮

露

之乾

暖

者,

此

何

理

乎

?

求

乾

而

不

得

則

淺

水以

蔭之,

即

此

意。

而

形

家

論

葬,

欲

取

土

化

理

古

然

矣。

今

殮

法

用

水

銀

又

多

置

盆

流

而

滋

榮,

陰

寒

則

其

死

人之血

肉

凝

丽

不

和

暖

死

欲

其

陰寒。

和

暖

則

生

人

之

ÚI.

脉

其 非 愚俗 何 尤 用告 明

### 深 下

於

祝

陶

齋

中

索

得

枚,玩

視之,

甲

螯

臍

坍

出

古

邨

落

街街

路

并

竈

宛

然,更多石

某

矣。 權 ൬ 利 利 故 害 百 夫 利 君 之 事 一而 多 未 子不 有 寡 害 有 邨 解 白, 利 其 重 而 害 君子 而 無 不 害 不 蔽 者 趨 於 其 惟 利; 君 偏 子 斯 爲 能

皆不

知

爲

何

代

時

物。

凡

雜

木

性

最

易

朽

而

爲

石,

性凉,能

明

目

又有

大

木

横

出

沙

中

海

., 只

是尋

常

蟹

耳,

人寒土

不

能

轉

動

眼

皆

具,

有

硃

砂

香。

按《本

艸》,石

蟹

出

南

土則

完,

出

土

則

敗

人

亦

有

然。

生

人

欲

其

也。

生木

向

陽

則榮,

背

陽

則

凋

斷

木

深

在

深

沙

中

· 反

以

堅久,

蓋

生

死

之

理

不

同

故

性埋 是,且 燥 利 露 也 田 ),盗 故未可 知之。 也 濕之氣弗能 丽 深 深葬之有水,此 弗能 亦未 雖 泉 土 有 下 殫 夫棺 則 必 扣 滄桑之變,或 之 堅 也 無 也 骨 侵 既 久, 水,智者 狐 尚 朽 竹 而 露 兔弗 敗 敗 無 木 淺 或 之 恙 也 而 未 土 夷爲 能 根 宜 也 歲月 棺 能 則 弗 穴 何 以 辭 速 也 平 能 擇 淺 積 内 之害 敗, 土,犁 焉 穿 葬 螘 久 者 也 者 之 此 弗 尚 也 悉 理 蓋 爲 無 能 雨 口 木 反 污 攤 暘 垤 而

葬 説

E

之憂,所謂其愚不可及者也。乎?仁人君子不大寒心於此,而顧惟水

### 六字葬法

蓋 灰 族 鄉 不 全六字葬法,●尤 日 郡 惑 沙 葬, 實, 儉 葬法有 則 形 實築之, 而 曰儉。 深 家言, 必 遠 一時, 葬, 地 六要: 時不出三月,近不出鄉,合謂 擁 鳥 合則 至丈 不 培 有 留 以 以 稽 必近,深則必實,總之, 日 穴 罅 痛 時, 外, 誤 土 隙, 絶 葬 時 而 日 實謂 儉 代 師 高 近,日合,日 謂 爲 葬 而 棺 本。 不 者 不 外椁 ·葬,播 事 ? 虚 故 内 深 文。 欲 越

### 地脈論

徐律之所居之東園,地十畝,花木盛

戲耳。 蠻 何 植 者 水足以間之,何異管窺蠡 深,皆載於土。 不知其幾何道里。 則 未始有間也,而又奚俟其 蒼舒問形家: 地之厚,吾不知其幾何道里, 無無 斯 又爲 來?」曰:「從水底過。」以 環之以池 花 某曰:「 弗 木之芸然者何所滋 之 連 抇 屬 龍脈 可可 池 也。 生而樂之, 不 築 乎?」曰 則吾未之聞,若地 能 於 起自足下,以至九 堰 截 何 以 土 有 相 來乎 測 死 : 間 而 之 而 通 欲 可。二 正其言於某。 ? 其横 榮 謂 智。 葬 塞 焉 兹 四 焉 ? 地 百 直 溝 彼 海 龍 脈,固 一也,益 脈 兒子 夷 今夫 之 澮 其 愚 脈 之 廣 子 師 從

曰:「天施地生,聖人與能,故爲財成「然則財成輔相之謂何?」

輔

也。 以 興 費地傷稼 民民 利,如 ,無過 曆 旧月月 之葬師。 與興 豈形家之謂 河渠之類。 而 非 苡 厲

民

相

「蒙恬築長城,絶地脈,以殺其身,兹

非其驗與?」

窮民 曰:「恬築長城,不惟 力 焉 故 也 而 致 疑 殺 絶 地 其 (身,且· 脈 乎 ? 速 秦

「地脈無絶續,而氣亦無衰旺與?」

滯者 也。 即 達陽之理 之,古之人恒 海 而 朔者然也。 本 於天 枯 同 mi | 瘠鹵 溝 鹹, 本於天,故異陰陽,此 曰:「地之氣本於天,而演於水者也 淫 ,故有升降,此地 斷 近 溢 也。 善 則 河 而 演於水,故 藏之而 致 民 菑 而 於死 慎 居之利 淡。 近 焉。 者 山 已, 大 則 而剛 抵 亦有 蓋 疾,草木之菀枯 奚旺 不 之變於寒暑者 疏 以 然 地 生 達 近 表 之能 氣之限 物 者 水 旺,故旱 形 肥美, 承 而 承? 魄 生 柔 既 於 故 應 然 近 南 竭 雍

智者必擇不食之地而葬之,幽陰之義也。」

### 儉 葬 説

又曰「 疏 貧不能葬」,將可曰「貧 而 反薄於親耳 孟 無財不可以 子「不以天 非 下 爲 儉 傾 悦。 其 家 不能養」耶 親 厚 今藉 葬之 謂 謂 口 不 者 當 也 厚 輒 於 故 

葬是 不能 所爲非,非有道之人所謂 曰:「苟無 豈 也。 有非之者哉!」雖 爲者,吾 夫貧 夫儉 有貧之養,則 矣,斂手 不强 非 薄 足形、還葬、縣 也,禮 爲焉,之謂 貧 有 非也,何病? 所 亦 非之者, 澆俗之 有 不當爲、力 貧之葬, 儉 棺 也。 圃 窆, 子 所 儉

則 m 自 飾 僞 椁 夫 破 、葬之所須、無先 而 家, 下 皆具 苟塗人 文 目, 矣,於人 於椁。 愚竊 未 親 椁 何 解 且 與 印 哉! 如

若 不過二 矣。 植 可 用 固 益 如 道 人 矣,於死者曾有分毫之益 畏,羅 司 第習 竹木 雖儉, 夫 ,且有大損。 山 優 冷喧 稍有 重 不 如 非 則 三金,雖錮 寶 費 陵, 城 而於人子之心甚安,不亦善乎 闐 殉 力者,築灰棺外,多不過 而 根 周 鬱 葬 株 文,而死者之魄已安於磐 不察耳。 人 環,水之所 然 **盗** 耳 盤 擴寬必蓄水,高 松 結,穿壙及棺 賊 固 南山之銅,莫踰其固,於 楸 生心,文石樹 極 貧者負棺 被 癡 淤,動 愚 阡 否 乎? 越 即 無 費千金、虚 則 陌 而 廣 表,傾 所 垒 十石,費 易傾,多 深埋之, 非 觀 高 不 惟 則 至, 壙 石 美 壓 1 無

避五患論

文滋害,智者不爲也

程子謂「擇葬地當避五患:使他日不

奪,不爲耕犂所及」,亦未爲達也。爲道路,不爲城郭,不爲溝池,不爲勢家所

之所 皆可 爲 僅 有。 和 故土已淪夷 百世世守不易之業。 焉。 可 久,世不過三十,然陵夷至幽、平,邠、 避,而 能 如程子 自古及今,雖 一二世,不過數 安。 二陵 踰 所 久棄殽秦,●禹 一級,文墓再世即 越險阻,蕩摇遺魄,亦非 慮,必 明 十世 深 德之後,决無 其近者至不及世, Ш 一止矣。 絶 穴舜 巘 囓 于海, 疑,盗 則 三代惟 子孫 五 患若 葬 見 Ŧ 前 時 岐 周 或

與夫 患 不 道路、城郭皆於泉下 愚意惟 知 所 避。 深 葬,則 蓋陵谷滄桑,雖 勢家奪之、❷耕 無 預 前 獨 知 溝 之聖不 犂 ·及之 渠之

<sup>●「</sup>勢」,借本作「世」。

<sup>572</sup> 

葬 然 立 能 加 非 逆 ,皆將百其患,豈 料,故 揜 夫人之智力所 覆 残 鑿 夫則 池 穿 八喜爲 井, 惟 能 五 時 發 避 而 遇古 視。 也 己 耶 墓 此 至若今之 1 亦 惟 運 1 數 淺 致

規 猶 知 師 規 懼 ,吾未見其可 者,天道 五. 不免,而苟 故君子之所能爲 患之避 也。 一,殷 脩德 也 Ħ. 勤 徇 以 俗 乞靈於險 者,人 俊之, 蹈 彰 事 明 明 愚 也, 之顯 法 無 以守之, 所不 識之葬 禍 猶 可

#### 磚 灰 椁 解惑説

害 關 禍 係 磚 甚 葬 大, 之 與灰葬,所 何 故慕 虚 名 争不 而 令死者受速 . 過 虚 名, 而 朽 利

之

實

乎

具 無 縫 磚 之石椁 葬 零 砌 堅 且 瑕 有 之 空 相 一隙 去遠 加 灰葬 矣 打 疑 者 成 不

> 愚者猶以 堅之石。 也 水 過 之爲見也。 綺,而守故 人煅之而成 京窜 土 以 磚貴 人燒 無 使 土 無 而 者猶 之 土 使 灰, 親 灰 親 而 土 膚 土賤,磚 更用三和 膚之意 成 視 親 爲 磚。 爲 嫌 膚之法,無 條 是 謂 今石 桑 成 何 法築之而 何。 乎 冶 異 灰 1 過 蠶 不 而 本 誠 知 於  $\equiv$ 絲 石 哉 還 和 此 己 磚 也 夏 成 不 成 亦 蟲 離 綾 彌 土 丽 Ш

於此 灰葬 殆,不 徒惜 何恔 畜水穴 以老人之言熟思之。 二者之禍 如之! 則 費 乎 蓋 可言 過漢速 之謂 實 蟲 1 而 也 以 其 兼 能 也 加 親 憂覆 理 於 深 久迷不悟,習俗之移 諸 徇 1,千 易 淺 然 孫 俗 墜; 見, 葬 事 秋之計 荷 半 猶 莫 磚 未忍 淺 功 미 葬 酷 露 倍, 言也; 於 者 速 必 無 中 皆 朽 生 不 以 空。 其親 將 能 死 易 以 不 此 久 兩 親 空 非 免。 至 一則 願 行

葬 經 并圖

注

哉! 書無 反經 之凡爲人子者。 而 詳注焉,並諸 疑乎! 而已矣。 郭 正使果出璞手,决當火之,况 璞《葬經 聖教熄 著《 圖 怪 葬 法,以告天下 經》六 圃 而邪言興, 不 倫, 八十有 豊 後 六言 君子 經 世 僞 也

土必擇高 Ш 人取不食地之意。 爲佳,平陽取高 土,且不宜五穀, 即

古

葬必穴深。

亦須 許方可。 古人葬法,有人土數丈者。 葬者,藏也。 掘 下五六尺,使蓋板去平土二三尺 惟深則固,淺則易致 今縱不能 攤 毁。

> 必 狹 而 實

則以 椁 僅 容棺 灰沙實之,避水之道也 寬而 虚 ,則水聚。 棺 椁 間 處

而平,

便。 明 壓 謂 富貴家則用漆,與 卷 亘以二木,加釘焉,以便舉。 板 一之患 則 必 無好 决宜用之。 棺上必空尺許,能容蟲獸,且有崩 懸棺,用明板。 而隧 石,即用杉板,板如棺 而 進 (棺並 棺, 今俗尚發圈,大繆。 製,較 又 必不能 用油灰布。 石板更輕 厚,横梬 深 也。

而墳。

加封 以識之。

必近 而合,毋遠 一而分。

必求諸己,毋求諸 善,子孫世世祔 死徙毋出鄉,古人良有深意。 ",地盡 而止,勿輕相地 族葬有 五

必不得已而另相地,擇己之所有可矣。

戒之戒之,奚取

虚

文!

量力

而

舉,

而

何

傷

地一也,甲問乙地,乙問甲地,徒滋紛

擾,愚甚。

勿停,

士踰月,天子諸侯大夫皆有月數。

勿遷,

古不脩墓,况輕言遷乎!

勿越,

各循昭穆,毋相凌越。

勿禁。

族衆毋得妄生拘忌,禁遏葬期。

穴城蓄水,

墳外又築羅城,反蓄水,此何故也? 北

方皆無之。


雜木横根。

松檜根直,量樹以爲蔭。他木根横,有

穿壙之患。

旋葬而無椁,稱其財之謂於貧乎!

禮




之意。 板重 然重· 明 之故,人子必能辨之。 板 大難 而崩墜,尤足寒心者也。 用厚 百年之後,即有毁折, 舉。 石獨塊者最固,而不可必得, 今易木板,即占人用 然 難易安危 不若石 木椁

五二九

乾初先生遺集

者且不能治槨,况三和土乎! 實之,如外 則力併而 面 尺,四旁築三寸, 富厚有力者更築三 ',灰、沙各半,洒以少水,故謂 如底法。 固,厚而瑕不若薄 築法。 棺槨 間 可 饺心之道盡 處僅容索, 和 容春杵足矣。 土 爲 底, 而 矣。 亦 堅 厚 三和  $\equiv$ 以 不 也 和 若 以 過 灰 貧 沙 灘 半 土 築



禍 情直 能 乎 孔子 也。 細 口 既 爲 ! 具 土 悦 久 灰 杵實之,去灰沙不遠矣。 無槨之葬,尤宜 行,而力不 爲大夫,葬伯 雖子葬父不能若父葬子者 磚, 誠 至 足傷 愚 因付之一炬,何其忍耶 不 從 人子之心,而 悟,故復 魚,有棺 心 人深,上 ,先聖王 圖 無 此。 槨 一勿之 深 貧者 下 四 土 無 可 况 旁 能 以 財 以 以 貧 戢 不 貽 篩 强 不 徑 1

圖 葬 貧



# 先骸,猶愈于炎炎之中頃時立盡者矣。

### 葬社啓

過 役。 墩 考 確 友 唐、張二子之約於諸 今日 力是恃,非確之衰慵所能 無奉行 夫兄繼之, 蔡養吾兄曾做 更欲 確 吾 **|**友莘墅 不敏 有 廣三君子錫類之孝,而 不謹之誚,則 如 河何 而 兩兄之切 上唐灝 足 葬 行之,而未廣 以 者 如兄 當之! 同 甚 惟 志而 實 多。 始舉 諸 有 勝任 君子左右扶 相敬 益 社 葬 亦 也。 會 者 事之盛 也。 惟 屬 『,爐溪 守之,俾 乎 是 今龍 確 敬 董 張 持 其 佛 無 布 山

半。 之,如兄弟兩人皆 贈,即恐力有 二錢五分。 會 金 每 不 位 其 同 五 與者,各五 法 .; 略 一錢,米 上 中從下,謂下收則上 分上中下三等: 錢。 行等色不足者 中 全,五錢 F 中 下 估 減

> 之微 之。 半發。 改。 謂 半,非有 惟 下 故下發無 異 敢先布其 發下,中 下不從 加也。 唐、張者,其 上發中 而上 中上,下發中上,於全者半之,兼 加 略 雖 如 中 上 全與 此,其 餘 則 有 悉 各從本等之數。 (上, 而 減 如 (詳另 惟 兩 分發 遇 兄之 載 兩 其 約 約 等 則 此 則 吾 無 同 者 法 全

### 葬約

社 兼 無 金 息,功先葬也。 一,罪後 首告宗首,宗首 踰 ,有全,有半,量 唐、張一 年不葬者,况 葬也。 子之約 過 同 五 社 力 皆 五 集同 年, 有 而 年 以 居之。 葬,先 乎 社 雖葬 ? 五 之金,先葬十日 年 力,同社一 會 先收者 爲 月 金 期 告社首 五 不復 錢, 於 不 致 出 有 禮

■「贈」、疑當作「增」。

半 致 加 故 會 葬 也。 家 刀。 惟貧困 後 三罰 事 者不在此例 不戒, 後 事 竟 者 聽 罰 出 環 翠 社 紙 罰 無 刀, 可

葬者有觖望乎 者派償之。 責之同宗。 果有之,同 以 激衆怒,將若 或 日 於貧 社亦有罪焉, 有先 同宗 不 何? 收者 能 不 全約 能 利 應,則 日 於出 者, 則徑 吾 及同 亦 聽 社 社, 然。 必 出 社 丽 社 無 寧 故 若 ·, 而 諸 可 違 先收 先 約 使

葬 其 月 事 也 日 每歲終,社首集宗 於簿 而申告同宗之未 首 登 歲之 葬者之 葬 毋 數 弛 與

從 使 士 民,不 事。 此葬 社 拘 以 會 貧 提 後 富 撕 一,惟 有 葬 聞 無 心 風 信 而 欲 廣 者, 與 錫類, ① 雖 者, 士 圃 推 故 富, 此 不 約 問 勿

# 乾初先生别集卷十四

海寧陳確著

大學辨一

大 學 辨甲午六月三日作

其 之,其傳十章,則曾子之意,而 氏之遺書」,而未始質言孔子。朱子 也。」古書蓋字皆作疑詞。朱子對或人之 曰:「右經 傳十章,非賢傳也。 陳 確 氏 一章,蓋夫子之意,而 曰:《大學》首章,非 程子曰「《大學》,孔 門 聖 人記 曾子 經也 則 之 述

> 無辨! 誤 也。 程、朱之於《大學》,恐亦有惑焉而未之察 先民之言也,故疑之而不敢質,以 問,亦云「無他左驗」,且意其或出於古 作可知。 此游、夏之徒所不道,决非秦以前儒者所 其詞游而無根,其趨罔而終困,支離 奉爲聖經,固已漸倍於程、朱矣。 蓋」字之義。程、朱之説 來 《大學》,其言似聖而其旨實竄於禪, 學,其 苟終信爲孔、曾之書,則誣往聖, 害有莫可終窮者,若之何 如 此,而 雖然 後 虚 自 誕, 直 釋 則 昔

程、朱之賢,而暴其誤可乎?客曰:若此,則程、朱之誤甚矣。以

如日月之經天、《大學》之誤,如雲翳之虧言,程、朱偶惑《大學》之説。程、朱之賢,過也。夫君子未嘗無過,孔子嘗信宰予之曰:君子固可欺。程、朱之誤,君子之

乃大耳。故敢卒辨之。 而終覆之,損程、朱蔽,於程、朱奚損焉! 而終覆之,損程、朱

聖功。 也? 以 也 作小學也云耳。雖然,吾又烏知 即大學也? 「太」。作大學者,疑即 小之有! 大學、小學,僅見《王制》, 也。子言之矣:「下學而上達。」夫學 有成。 一,則 辨曰:首言「大學」云者非 亦終 夫道,一而 古人爲學,自少至老,只是一路,所 此 今迺 也。 於 吾又烏知小學之不更勝大學 有 别之爲大學,而若將 待而 已矣。 已矣。 本 故《易》稱 此,亦 古學之不 知 猶 小學 道 蒙 宋 有所 者 養 之非 何 亦讀 之言 之 口 待 即

變時確」凡七句,此以三言括之,似益 善」者,皆非 其曰「在明 《帝典》自「克明峻德」至「黎 知道 明 者之言也。 (德, 在 親 民, 三言 在 皆 止 民 脱 於 簡 於 胎 至

> 簞瓢 中,至 言 切, 在 也。 《大學》首言「明明」固已倍矣。且古之君 學不言新 古人之學,所以能善因 子,非有所親 明」句下貫一「以」字,便文理燦然, 絶顏子爲小人之學,則可笑矣。故君子之 爲己責者,有以 雖不離乎明, 三「在」字若三事然,則不通矣。 古人之學 詩》、《書》可 大 而 亦 今使推高禹、稷、尹 而大或不見也 陋巷以自樂者,而其道則 善 不自 猶 又 吾 民 即 知 向 而 疏 見,惡其逃於虚焉 其 而未嘗專言明。 在 之論 新民在、言 於民 (倍也。 一夫不被澤 明 親之中,故《 學 也,而· 也,不言大而 乎時勢 爲大人之學,而 新 新民 民 有 爲 即 以 靡 加 丽 推之《易》、 耻 帝 在 民飢 故 莫之有 不同。 新民反不 者, 典 明 也。 而 大見, 又有 德 此 民 此 貶 之 溺 뻾

至善,未易言也;止至善,尤未易言

得

之無

不

能

,不待言

也

脱

他

日又有所爲

而

知

止

則

自

今日

而

後

丽

定、

静、

安、慮、

有

時

時

之

知

止

者

郭?

如

其

然

也

則

今日

有

事

事

之知

止

一時有

時之

知

1

時

時

無

復

知

者

耶

抑

事

有

事

之

知

止,事

隅之可以 ,既欲止而 至善之中 夫學,何 古之君子,亦 息 M 不敢; ... 文 止之也。 之 有至善焉, 知 有 善之已至,尤欲 有學 有善 焉 而《傳》引之,固 固 而 之中 非若 己。 邦 又 善 止 1之未 畿 有 而 善 丘 乎? 有 知 通 知 止

耳。 焉 知 善 是 知 王 也,又非 而 者,豈 業 故 識 也,亦終身焉 視 明 以 而猶懼 可 君子之於學也,終身焉 民 業焉 日 堯、 以 故 如 可 又 臆 傷, 爲 舜 以 有 有 勤 此虚 之神 而 一概 明 失也 望 諮 盡 H 而 道 之 己。 而 之至 懷, 焉 而 一,稍怠肆焉,蔑勿懵矣。 而 審 也 知 而 未之見」。 以示宏廣 察 故今日 善善 也, 猶 焉 清 病 又非 非 而 心 呵 文王之聖焉 吾 E 有 寡 此二 僅 吾之 云 能 今 欲, 爾 素 而 則 日 帝 聰 其 兢 之 知 知 之 兢 明 之 于

言乎?

且.

吾

不

知

其

所

謂

知

止

一者,謂

知

弗知

而

已,

而

何

遽定、静、安、慮、得之可

易

矣,而

止

故

未

有

日

矣。

故

未

至

丽

知

止

如

自

慰日

吾

己

知

所

税

駕

也

知

止

則

知

止

愈

巡矣。

辟適

遠

者

未

啓行,

而

遥

望

一逆旅

以

矣。

故

明、

新、

至善之言,皆末學之夸詞,

僞

士之膚説

也。

而

又曰「知

止」云云者,

則

則

焉,

能

至

也

也。 無 止,必不然也。 ,固已不待其辭之畢矣。 所爲未定,静、安、慮、得者存 是也 焉 是定、静、 知無 則 他 復 日 知 安、慮、得之中, 之知, 必也,其 惟禪學之誕有之, 非 即 《大學》之 一 知 今日 斯 無 之 而 復 旨 所 又 聖學 所 未 紛 知 之 者 謂 難 然 知

五

心 真 所 而 則必天下之大妄人矣,又安所得一 有 如 釋然於天下之事之理之日也 謂 限 傷 猶 , 未 病 而 傲然自信,以 則 見 真 也 猶 病 天 下 ; 所 之 爲吾 謂 理 如 無 無 傷、 哉 遺 窮 知馬 未 旦貫 見, 人之 通 則

然而 之非 之,而 也; 所 下 有 之大也,人猶 日 無 漁 愚 示 不 以 「及其 以不能 能 之 爲 問 知,不害其 知 至爲帝,無非 舜之問察,終身以之,故曰「自耕 又好 甚者 則 焉。」聖人 無 察 無已, 復 至也,雖聖人亦 雖 問 爲 矣。 知 有 確之愚蒙,有 察 能 之日 爲聖人也;以不知爲 則 焉 所 「及其 ,斯不肖之尤者矣。 有 憾。 是雖 , 則 取于人者」。 也,而 不能,不 是 人猶有憾,不 至 大聖人之智, 舜 有不知焉。」聖人 也,雖 以 又 之僞 誰 知其必然也。 害其 欺 使舜 聖 也 乎 爲 人 ? 知,斯 前 害 天 聖 亦 既 夫 稼 故 果 舜 爲 有 地 陥 知

> 獲,而 已,而 也。 知: 夸心而墮實行,必此焉始矣。 至 天 悟,正由斯蔽也,而 矣,然猶 者 地之大 則浮 而遽歆之以定、静、安、慮、得之效,長 也。 奚以誇誕 不 僞 可 知之而 也; 君 滋甚。 以 子之於道 豫 以 爲哉! 已耳,於道 有 期其效。 今即 憾 不可不察也。 爲 所 也, 學之不已,終 無 謂 憾,斯 豫期 亦 浩乎其 知 學 禪家之求 11 其 之 者 誣 不 效 未 真 天 將 有 以 E 知 地 求 之 至 IF

必矣。 之治, 爾 僞,何得云 融 非 尤 乎 非 有 其曰「古之欲明明德於天下」云云 所 知道者之言也。 《大學》紛紛曰「欲」曰「先」,悉 孟子之釋恒 而天下以之平, 爲 聖人之言之甚鄙倍迺 而爲之也, 誠 寧古 言 而家以之齊,而 · 提 古人之慎脩 則固 人之學之多夾 一「本」字 非吾意之 爾乎 其 何 身 所 是 等 國 也 者, 敢 私 以 洒 渾

非自成 也,欲 多兼 者 身 未 主 即 謂 日 誠 故《大學》之所 可 而 格、致? 心不當 ··「實其心之所發。」心之所發者,欲 也。 以吾· 川則 而 脩、 脩 不更言正、脩、齊、治、平,而 不實也, 只 在 至「正 者 誠 内外言。 是所 脩也、欲齊、治、平也。 未 存 心致之、吾心格之乎? 非 意, ,樂莫大焉 己而已也,所以 復言誠 齊 夫心 心公恕,夫後能 脩 心 謂 而 即 治平焉 也。 誠 何 二以往,益 是不 爲誠者非 《中庸》言誠身,不言誠意 之與 者非 以 意。 加 謂之誠乎? 」,並兼 者 誠。 所 意, 既 誠,所謂 了則是 謂 先誠、 成 加 朱子之 誠 固 致 物言。 知己 物 舛謬。 也。 若 知 心之所發猶 E 也」,又曰「反 正者 而苟有未正 此 格 之過, 心者 故 凡言誠 分别 解 是故 其二乎? 何得 物者 既 非 日 誠 言 1,身之 Œ 若 又先 知 言 誠 意 者 非 誠 E 物 所 此 者 虚

> 况能 之情。 視 思 孰從而定之? 不正,必且以未致爲已致,未格爲已格,又 求之正心, 之情,故齊、治、平之可以一貫 倒持太阿,授人以 而 而 已矣。 弗見,聽 致知格物云 知己之過,故脩之而 而欲 而 《傳》不云 徐 不 爾乎? 聞, 俟之格致之後,正 柄」,鮮不殆矣。 食 丽 乎:「心不在焉 嗚 不 無 呼 · 知 其 也。 勿 至 味。」 其 今 亦 心 所 不 知 先 勿 而 謂 物

知正 學》之序如彼,而曾不 養,養知莫善於寡欲」,非正 敬」,又曰「未有致知 而 内」是也。 窮理。」至哉 無不格。 心之先於格致矣。 正」亦可釋「敬」、《易》「君子敬 心惟敬,故致 山 師言 陰先 生 뻾 程 日 疑其罔 不 子 又 知 在 亦 「主敬之外, 日 圃 敬者」, 心 二致 曰「人道 無 乎? 則 不致, 知 固 則 存 非 而《 莫若 更 格 以 固 確 乎 大 所 無 物 直

始 則 聖人之道 致 所 而 有勿合也。 愈不可合。 不各變其説。 斷 良 能 已 不可合於聖人之道,則諸儒之言,固 斷 矣。 知 解 也, 矣。 不可合。 也 Ш 故 不可合於《大學》之解,而 而有弗合者,徒以《大學》之故 無 陰先生之言慎獨 各變其説,而 程子之言主敬也,陽明之言 欲合之而不可合,則不得 勿合也,而 以之説《大學》 於《大學》之 也 一也,皆 又 未 無

理同 不 先 雖 也,不可益也。」今獨格致之説,言人人殊 也 生 同 ·備也,求其言之可以確然俟聖人而 以朱子之尊信程子,而《補傳》之不能 一稱 也。」 象 於程子已 孟子曰:「心之所同然者,理 :「前後言格致者七十有二家,説 山 吾友張考夫氏曰:「惟理不可 曰:「千百世之聖人,此 如 此 矣,况後 儒乎 心同, 1 也 不 Щ 惑 損 義 非 陰 無 此

脩者 不可 疑。 學》行則聖道不明, 之聖人之道,則無不合,合之《大學》之説 者,吾未之見。」何則? 争,非好辨 必由于此。 之意,若曰「行之非艱,知之惟艱」。玩「知 只在「致知」、「知止」等字,竟是 不求其合,猶之合儒于佛于老,而曰「三教 萬世之久而 則必無合。豈惟諸儒之必無合,將歷 止」四節文氣,不其然 無不合」也。夫合則無不合矣,而 書》有之:「知之非艱,行之惟艱。」《大學》 雖曰 以 ,並是裝排不根之言。其精思所注 蓋《大學》言知不言行,必 理求 親 也 故《大學》廢 民,曰 焉 終莫之合也。 故 也。 齊、治、平,若 關 係儒教甚鉅,不敢不 是故 乎? 則 惟《大學》之誣 聖道 莫之合而 以諸 聖學 空寂 爲 且 自明、《大 儒之言合 之不 禪 誣已 内 之學。 外 學 千秋 又 莫 甚 交 無 而

其 賢傳之非賢,不待言矣。 削之矣,曾聖經 升云:「使我學子作時文若此,猶惡其蕪 靡之習,聖言無是也。 「本亂」一節,文勢亦同。 至 複説「物格」一節,詞益支蔓,蔣 而 然乎?」予甚 知聖經之非聖,則 此並是後儒 一韙其 語 靡 書 而

本乎? 本乎?

可知; 餘年 《大學》者絕未有一言竊附孔、曾,而 外,皆非曾子之言可知。 有《戴記》,至於宋千有 余則有本矣。《大學》兩引夫子之言,則 一人焉。 於止」、「聽訟」兩節 ·中無 日 一引曾子之言,則自「十目」一節 : 程子之聖是書也,亦有本乎? 謂非孔、曾之書焉者, 一學人焉,吾不信也。 而外,皆非夫子之言 餘 由是觀之, 年 間 亦 謂 而自 是 絶 千 雖 未 自 作 自 有 漢 M 抑

> 謂 中,又絶未有一人謂 朱二子表章《大學》以來,至於今五 于前事矣,而又奚本之足據乎 也。嗟乎! 是五 百餘 年 學者之信耳 無 非 非孔、曾之書焉 學人焉,吾益 加 不信心,已見 百 者,0 不 餘 年

曾者 辨而 明 者 幸得 其言非,雖賢者之言,其能 使其言是,雖愚夫之言,其能 先 而 後 親 正之,况如《大學》之説之甚倍于孔 生之言致良知 故君子之聽言也,不惟其 而欲使確 叫 承孔、曾之教,而 而 確 終信 則 安敢 也 丽 一**,** 山 以 不疑,則確無人心 於心 自 不疑? 陰先生之言 昧 有未 不 人,惟 也? 聽? 安 向使 猶 其言。 故 陽 確 使

五三九

<sup>「</sup>使其言是」至「不聽」十三字,原重,今删。脱,今據北京大學圖書館藏拜經樓《大學辨》鈔本補。「謂是千有餘年」至「謂非孔曾之書焉者」五十字,原

之而 又敢 道,不苟爲異,亦不苟爲同, 子 其 黜之,不爲畔孔子。程、朱表章《大學》,後 舜皆誅之,不爲畔堯;《春秋》善五伯,孟子 也 非吾一人之心,理非吾 已,亦勿敢信諸心,信諸理而已。 作也慎,知其 人駁之, 豈爲 故水火非相戾也, 吾學之所得而 懼 が敬 以以 以 以俟之知道者, 無可救, 以吾之説爲必無疑于天下後世哉 疏「格致」 没世已矣。 不 叛程、朱哉 弗 救《大學》之敝焉云耳 字 而非以 如黜之而 而 咈也已。 相 而確之罪已莫逭矣。 疏「格致」 濟 一人之理 也。 已矣。 而惟 使程、朱而 吾信諸 堯 也, 雖然, 用 中之從。 也,吾其 學 四 前 者言 皆 心 凶 以 而 可 救

# **書大學辨後**戊戌

朱,光復孔、孟,出學人於重圍之内,收良 遺編,不意褊心,漸 後死云耳。 心於久錮之餘,庶無 庸》於《戴記》,删 家有老親, 未遑遠駕,將 成 性理之支言,琢 忝於所生,差有辭 臆 見 竊 事 欲還 之暇 磨程 《學》、 偶 於 及

## 答格致誠正問

而統誠於身焉耳。分意于心,則支甚矣, 曰:吾之先正於誠也,蓋欲合意於心,

學莫 於道 安所 於格 先 夫 格 志 故 足 平 而 之盤,鍼 學問 誠 誠 于 志 以 後 有 致之異, 先 信相 德 於富貴, 移 有 取 致 於 功 是 五 之 聖賢之學問 正 則 名, E 到 E 云 而 摇 去 則 乎? 耳。 心 志 頭 遠 所 而 則 不定,雖盤 正 則 志于道德者,功名不足以 芝 學 於學」,志於聖人之學也。 則所 格 甚 吾 所 心 舛 一大公案也 故曰: 問問 故學莫先定志,志爲 所 心之異焉也。 爲 甚 格 何 , 致皆道德邊事矣。 格 所 指 矣。 而 可言。 待 所致皆富貴邊事矣; 致 Œ 南之鍼 志于功名者,富 星燦然,度分刻 辨 、皆功 爲 此《大學》之蔽 平 格物 ? 先端趨 名邊 格 若 故子曰 致 致 万 事矣,志 知 向 乃 IE 聖賢 ,猶言 移之。 此 貴不 畫 辨 先 心 っ 吾 日 也 後 此 非 又 方 之

口 不 格 至 夫 致 格 也 致 壯 I 不 夫,直與學相終始。 可 不 格 致 也 老不 미 幼 不

> 之始 脩 也。 爲 格 日 帝 致 無舍我」。 而 事 也。 ,未之有 而一旦截 争求徹 乎? 奈 何 悟 舜之好 改 提作 古人之事 爲 雖欲 /始事, 武公之好學 問 截 不 自自 . 禪 格致 勢 工 不 夫, 不 耕 如 得 可 \*,耄 稼 mi 此,其 得 不 陶 謂 期 矣。 姑 漁 是 不 無 大 以 至 學 躬 窮

於此 殊 唯 無 使 心 近。 並 如 而 朱 聖 僅 脩 進 ; 窮 之後,正 教學相 賢 加 夫朱子豈以 子之説 在 身之後, 至朱子之所 故 先 之 格 云 知 然 後 物 無 須 長 乎? 之間 呼 致 窮 、未 格 加 則 知 行行 致。 非 夫子 曾子 之後, 有 唯 謂 不知曾子之唯 在 如 亦 窮 皆 道 格 環 唯一 無 盡 爲 雖 則 物 日 無 窮 呼之 虚 猶 致 端 學者用 쫆 貫之呼 設 貫,而 是 知之後者 行 然 矣。 後, 故 浮 無 足 情浮 窮 功 無 若 實 去 貫 理 貴 可 在 禪 知 有 乃 有 知 也。 識 也。 復 既 愈 行 萬 正 類 彌

也哉! 教;而曾子一唯之後,無可復學矣。豈理

所欲 身如 之功 矣 見。 忘學乎哉 思 七 + 相 矣,未可謂 有 干 化,不煩 前 然猶 不 宜 前 日 深於思者矣! 不惑,未可謂知 夫以子之天縱, 故忘食忘憂,不知老至之懷,則 踰 後 不 三十 焉 矩矣,誠之至矣。 欲 越 思 知之至 耳矣。 數年 與 索矣, 圃 理相化,不煩 始 可 也 誰謂 耳 立耳,未免于惑 也 ; 了, 不治之治有深 加 順 至六十而後心 ; 以好學之勤 誠 不踰之後 矣,知之至 五十而知天命, 正之效 夫惡知不 克治矣,從 日 而 於 矣 也 夕 遂 終 治 思 與 格 之 其 者 即 可 心 至 理 四 致 知

乎? IE 乎 ? 今由 孰 爲 IE 夫子之言觀 知 心之先格 止之年,孰 致乎 之,正 爲 定静之 格致之先 先 誠 乎, 候 乎 誠 正 ? 心 先

> 《大學》之序,直無一 當 定 在 物」,少須 前 静 謂 命、不惑者, 向一, 在 .嬰抱時,豈得爲大人之學? 安 不 乎 而 志學之前 惑 ? 如 則定乃是志學之日 知 得 程 命 否乎 十數年工 子 又有 爲 謂 格致 知 ? 今 止 在 朱子 乎, 語不悖矣。 格 日 又 夫,則格致之 致之外 格 否 當 注 乎? 乎? 謂 在 物, 定定 志 者 學 謂 而 明 則 爲 耶 功 知 所 日 知 立 心 ? 竟 止 謂 格 爲 止 有 當 之 定 與 知 又 所

經 序 獨 先 而 後之次,宜不 取 固 升諸 無 夫以子之自叙,宜若可信矣, 作者之戾,抑亦述者之闇 名氏之書 四 書之首,則《大學》之 誣 而 矣。 表章之, 顧 曾 以 爲 不 得 足憑 其爲 畔 爲 學之 聖 學 離 而

### 答唯問

彌近乎? 然」之境矣。朱子之言何病,而謂其去禪朱解一貫之道,今忽解得,亦是「一旦豁或問:曾子之唯,雖在正脩之後,然向

然貫 吾言 言固 喟 者 於夫子之言, 豁 可 乎? 然 然之嘆, 固 通 無 有 曰:子既 猶 病 所不悦」,日 則必以 者, 豈直 子曰「吾與回言終日 有 矣。 未 夫 盡 夫固 後 知唯在正脩之後,則朱子 顔 且 也 知 子之喟爲一旦茫然矣, 子 無時 日 向 語之而 以 而 之 曾子之唯,爲「一旦 圃 已哉! 所灼 不 唯 不惰」, 不違」,曰 然見 也 而 爲 終 則 所 是 之 謂 顔 於 之 道 以 豁 而

道體本無窮盡,故須臾不可忘戒懼。

何等語 欲從 敢知。 之所 惟死 語。 猶病 之學 粗 學,又遠出堯、舜、 無 而 須 見之聖而易及者乎? 領東不 無 盡 後,吾知免夫!」蓋謂 末 曾子 能 謂 不 而後免耳,非 文王之望道未 知 到 口 若猶未 予 由 ? 及 亦 忘戒 知 末後,已 此,故 之境界,尚 非 而吾心之全體大用無 無 耳,病 禪 盡。 懼 也,將 門 稱 即即 謂能免於過咎也。 見得到 今日 文王之上,則吾 之所謂了 孰 「三月不違」。 見,皆是爲 是聖學。 終 甚 未 加 其 焉 叫 「於衆物 戰兢之無時 顧 此,故 得 身望彌 可 悟, 少之乎? 或 加 孔 日 前聖 者 之表 况猶 即《中 門 不 堯、舜 高 有 朱 惟 明」,是 彌堅, 可已, 子之 病 所不 故道 傳 裹 顔 而 庸》 之 未 神

### 辨迹補

聖經者。 朱子 惟 背 説 之言也 之言可知。」又曰:「自漢有《戴記》至於宋千 子之言,則自『於止』、『聽訟』二段文外,皆非 理之言 五百餘年間,真儒 夫子之言可知,自『十目』 一 迹,則惟 聖經 伊 亦 ĬII 則《大學》之非確然聖經 謂 確 獨 ,故疑之而 云 也 以 與 已 臆 韓子《原道》引其文,亦 迹 友 一、「《大學》兩引夫子之言, 溢 爲 顧 則 人 他左驗」,意其 簡 孔 理 顯 書 牘 氏遺書,而未敢質言孔子。 然 細 辨 輩 不 非 難 同 ^ 敢質,以 出,絶未有以《大學》爲 大學》, 聖 明, 學 經 尚 迹粗 也, 節外,皆非曾子 未 或出古昔先 自 可 嘗 深 易 以 釋 知矣。」蓋 止稱《傳 有 曉 見。 理 「蓋」字 迹、 則 引曾 其 確 純 理 之 民 之 辨 辨 平

> 致 宋 有 仁宗 美其稱,非 好 者 特 下 簡 必 有 中 有 實 甚焉 庸 也。 》、《大學》篇 學者 輒 相 賜 增 兩 加 新 附 第

嘗 子懼 贊。 擅能 《大學》之膚繆可比? 乎 斯 或 致 顯 孟 曰 孔子懼,作《春秋》。 子 ? 二及所 :「知我者惟《春秋》,罪我者惟《春秋》」, 詞 其 擬之介 據 İ 。」孔、孟之言《春秋 其 志 故夫子曰:「其 家,至於《春 確 春 迹,非 圃 既 良苦矣。 「《詩》亡,然後《春秋》作。」 秋 謂《大學》也。 甫之廢《春秋》,意者 友人之深愛不肖者 深 影正 憂其 聖無疑,故每不 王事之書,大 故 説之近 秋》 日: 義 《春秋》作 筆 則 商《詩》、偃《禮》,並 》,不 削 禪 非 丘 吾 之間 惟《 竊 志 乖 自 ·, 動 非 取之矣。」故 義 春 在 順 量 違 而 稱 凛然, 秋 游、 足 色 度 IE 春 亂 又 情之論 相 學, 日 夏 爲 秋 臣 而 戒 然 莫 賊 又

甚明。 失情 哉! 《投壺》之後,當有 成 學問之學也,當讀「泰」。 學》,未失六經之一也。 漢 五 語》、《孝經》,朱子猶疑其僞,學者不 下《中庸》數等。 朱子之説爲非,况《大學》之顯 可 ·分? 書 志 儒之作《大學》。 實。 學之言 且駮歸《戴記》,猶是以《大學》還《大 固已悖矣。 而吾友至比之《春秋》,過矣。  $\sim$ 傳 而 稱 云, 十 古人置其篇於《深 宋儒 見。 五 亦 而《大學》文絶浮 謂 人 《大學》來 又 大 弟 而 補《 後 學, 子 遽例以廢經, 儒 所 小 然 罔 隸 學 例 非 之學, 歷 識 夫 聖 附 誕 衣 敢 昭 子 即 經 以 然 會 更 同

矣乎」;

曰「學《詩》乎,學《禮》乎」;

日

興

何莫學夫《詩》」,曰「女爲《周南》、《召

樂》於二十篇之中皆三致意焉。

曰「小子

南

年,五十學《易》」; 曰「吾自衛反魯,

於《詩》,立於《禮》,成於《樂》」;

日

假我

數

然後

也

即

其

所嘗

删定《易》、《詩》、《

書》、

禮

懼 甫 亦 ,不敢自居, 同 未 罪 敢 故 遽 而 日《大學辨》爲 共誅之也,某則 自 誣 若 服 以 謂 迹 明 當 則 理之書, 與 以 占 廢《春 朱子之進 有 印 則吾 1秋》之· 言言 者 猶 慚

達 ,又曰「蒙以 大學」字最 養 不 正 經 聖 功 子 也」,惡 日 下 學 小 大之 而 H

提

撕

者

耶

?

如

樊遲之徒,

於

仁.

智

之

説

似

而

於格致之説

則

獨有冥

(契者)

耶

曉

然篤

信而

力行之者,猶再三疑

問

不

未足以語

此

乎?

抑諸賢己皆默

喻

而

無

俟

不及《大學》,何也?

豈孔、孟諸弟之

)
賢

如

然《中庸》二字,夫子亦每

言之,

而

獨

世儒皆言是子思所作,吾亦未知其真

而

絕不及《大學》,何也?

即《

中

庸》一書,

僞

何

樂》正」。

「子所雅言、《詩》、《

書》、執禮

僅 也; 爲 本可 然。 與 章 謂 而 是 確 而 失於過信 介 争之於其末,其争殆未可息矣。 信古本,愈不 間 何耶 吾 甫 孔 也 削 耳。 又 其 之 雖 曾 以 廢 傳 分章 之書, 蓋 也。 孔 真 陽 以 子 昔 明 經 而 則有 爲《戴記》之雜文, 陽 其言甚直 可也。 之信古本, 正 則 補 明 同 分 傳, 子 之,非故 章 尊信: 故 律 亦 確 而 不争之於其本 無 而 去 古 補 去朱 於 不 反 程 本《 傳 可 今 以 固 則 朱 子 大 日 也 加 不 信 之分 學 所 亦 信 以 古 可 見 云 古

### 翠薄山房帖

操,亦 如 書 耳。 此解之。 僕 有 近 而 摩 楊 作《大學辨 頂 君子之於天下 墨偏 放 踵 之,且 亦 爲之之勇 同志皆 皆失之有意 ·, 有 切 顧 毛 隱 於 不 一, 故 義 拔 之 何 故

世之非 後」,説 致之解 之胞 疑。 截 楊、墨 歸。 讀《 况《大學》之意,只 之説,是誘 躬脩,争求了悟。 以 謂 子 而已,雖自千載而上,千載而 爲 声。 也。 以 「皆 西銘》,以爲吾儒之量 陽明不直攻《大學》,而 學之始 若一本於公明正大之心, 爲 與者? 陽 起於自 不知 非不 雖 格 議,彼何 異 致 端 明 諄諄 天下 事。 功夫, 以 甚 之争格致,並 孔子 私 有 E 劉 言 所 而 自 意 截 Ш 前 禪 爲 如朱子「一旦豁 利。 歸 自 之作《春秋 知 爲 爲之, 陰 也,亦 ൬ 與 《大學》故 重 行 始 先 學 然哉? 知 合 事 旨哉是言 生 即 盡 相 一孳孳 止 ,勢不得 不 又 於一民 但 與 終 下 仁之甚者矣。 以 必  $\forall$ 與 則 自 始, 在 ·,又孰 汲汲,不 烏 朱 爲 孟 知 贵 私 然 乎 胞 也 語 異 必 子 不 子 行 直 自 貫 物 勘 學 之 争 盡 非 無 不 如 利  $\wedge$ 與 通 破 大 先 無 口 有 顧 辨 此 吾 日

學》紛紛言先言後,有 至今未息。 (大學》之勢,而終 嗚呼 1 以説 此亦陽明之過 目 勝 共 陽 見 明子,故 、朱子 也 反 其 得 辨 憑

也! 諸子 徒爲 誤 與誤 《大學》之說,而精求其是非? 夷 得出頭。有作《大學》者,又有表章《大學》 恨學者,用其私智,將聖學重重遮蓋着,不 生我之意,不亦卓然大丈夫之事與 漠然置之,真是无痛 者,俾後學之心顛 一届。 耶,相駮正 是遑遑 之誤 郭,相 不此之憂, 聖人之道, 既憂之,則 予閔此,不翅如 扶 圃 無 朔之。 之;有疑耶 憂諸子之悠悠歲 益 若 而 之憂,此吾所以不尤 胡 倒 大路然,未 不各以吾身吾心 憂《大學辨 庶幾 回 癢人,莫可療治矣。 痌 惑 相辨 癏之在身。 夙夜以 垂五 嘗不 晰 月, 百年,靡 使吾言果  $\leq$ 無 之, 胡 · 明。 無 負 此 其 體 無 所 甸 E 天 疑 察 惑 而 有 所 華 短 而

長者之爲戾更深且大也。

之所 態。 也。 程、朱于五百年之後,而 世,而既 事父之禮焉,必也。 學》則敬進其辨,不用 心,聖賢之心也,程、朱之行事,聖賢之事 信則言之,疑則闕之,是則承之,非 無 然,如清天白日,可以 何嫌何忌,而當自生阻畏乎? 窮 使程、朱而在、吾當拜而事之,其言《大 共由 夫道者,千聖百 土 不宜有 君 失所 [共知,而非一人之所得而 子 處 以 所 世 事程、朱之道 掩 當 覆 吾不幸不生程、朱之 王所共之道,天下萬世 磊磊 £ 游 則隨之以 不敬進其辨乎 移,以自 質之前 落落, 矣,又敢 知,下 痛哭,如子 蓋程、朱之 使 同 則違之。 此 小 私 人之 昭之 心 也。 皎

諱。 而 吾 黨皆熟 程、朱偶 人非堯、舜,安能 視 爲《大學》所誤 而 莫敢 無 三匡 過 救,則 因 過非君子所 自誤誤 非 程、朱

我者進而自憂,以憂天下後世,幸甚。之功臣,毋爲程、朱之罪人,亟易其所以憂之過,而吾黨之過也。吾願諸子爲程、朱

### 乾 初先生 别 集卷十五

海寧陳確 著

大 學 辨二

### 答查石丈書

則將 勿思 正 用 必 急答,故答書將 見 心之苦 長躁競之風; 石 而 嗟 已矣。 我 丈之優 石 至 丈, 惠 於 甸 游 如 華 無 此 寄長 遣 終不答,則似乎外甸 所 之書,不 也 而 用 1 復停之。 心而待我薄耳, 然由僕 可不答,而 愛我之厚 蓋 觀之, 不答, 華 不 亦 而

黨以 而 鄙 ,終當報之,不敢以欺我 嗟乎! 忠敬待朋友之義矣。 夷之,若將日 五六百 此 年來,大道陸沈,言 何必答」,又大 石丈也 甸華必 來

非

吾

索

復

沸 繼 下 志 無 於骨髓,幸而天啓愚衷,毅然辨《大學》之 知 之家,分崩離 蕩平之路。 决非聖經,爲孔、曾雪累世之冤,爲後學開 而 之以 後 行 者 識 其 於《大學》之解,終落落難合。 世之計。 相 ,憂讒畏譏,苟倖一日之安,而不 ,山陰之言一貫,皆有光復聖道之功 抽其薪」,此 駮 痛哭者也。 正之; 聖人復起,不易吾言。 析,孰執其咎乎! 此 無 僕之所以 探本之論 誤  $\wedge$ 大學辨》果誤耶 耶 相鼓翼之。 撫膺摧 也。 僕痛此 姚江之合 語 胸 而 日止 不亦 顧 我 吾 而 學 黨 口 又 天

0 耳」,惜本作「而」。

五四 九

其必 前 前 미 磊 何 行者,雖有石 切於身計者 非之關于世教者孰 泣請,以求必獲其志,亦可謂 丈乃徒爲 以以 立 磊 其言之固 不行者,雖 落 行,乾子其 君子之行止,論是非,不論利害,論 阻其 一危 落,皆不失爲聖人之徒歟 論 依 行,乾子 以 而 回 誰 丈數十輩 懼之于後,且欲 有 陋 兩 淺 行之乎? 也 石 可之言,設美言以 誰 丈數 大孰 其勿行之乎? 深。 痛 小,而 + 今爲義之决 哭陳請 輩 則 痛 愚 夫義之决 要之以 不 哭 論 而 Î 於前 闇 陳 諛 嗚 利 之於 請 不 呼 集 害之 于 而 於 可 衆 是 不 勸 石 1

乎? 爲之 也。 之心也。 夫何 吾以《大學辨》求駮正於同人者, 人有 走 礙 駮未當而又駮之,●亦至誠 呼 能白之者,則呼號頓息 號, 辟之有父兄之冤,而 以求白 於 人, 山 不 矣。 謂 之心 子 至 即 弟 一誠 誠

> 乎? 説 呼號 號 前 諭 不然,而爲之反覆開諭 即即 亦 後 以 者 暫止矣。 乖異,又過朱子。 明 而謂僕之呼號能 朱子之説,此僕所素稔其未然者,而 其 又何時 不冤,而 今既 m 已也? 又益之冤,則 不 能 遂已乎? 此 以以 白,又 非 今甸 明其不冤 所 謂 不 華 夫 能 益之冤 駮 奔 反 ĪĒ. 走 則 覆 之 而 開 呼

焉 東 之。 年 西,决然其殊徑 孔子「述而不作,信而 , 迎絶 故 爲 夫白之與黑,燦然其殊色矣。 也。 西, 足下疑僕不能信古而果於自用, 未有聖之者也。 則瞽者 《大學》之在《戴 不 也。 · 敢 今詔瞽 不 好古」爲言,請 · 信 而 程子 記 1者以 何 **>** 則 ? 鑿空 垂 白 東之與 爲 一以 千 無 益 乃 爲 餘 引 目

<sup>●「</sup>又」,惜本作「有」。

❷ 「一千」,原誤作「二十」,今據文義改。

記》而 孔氏之書,既 此 學》之舊,而反以 而 朱子又變易程子之文,又爲之補傳, 無 何異瞽者之論東西黑白乎? 所 升諸四書之首,而反 改作。 又疑其有錯簡 僕欲黜還《戴記》以 爲不能信述, 以爲能 而大變其文, 而妄改作。 述 仍《大 出 而 信 戴

易《連 作 引删《詩》,《書》,定《禮》、《樂》,贊《周易》, 脩《春秋》,皆傳先生之舊,而 無所不信,無所 述,信其所當信,好其所當好 禮》、《樂》僅存先進,而 書》斷自唐、虞,則古人所謂 則 ·勝削 剬 且石丈以爲子之於古,但述其所 山》、《歸藏》之類並見屏棄,《春秋》 固 削 然矣。 吾 三代之文, 不 不述,無所 然古詩三千,删 知石丈所欲見處於述古 羞蒙君子之稱; 從 不 删 乎? ·好者 者 未嘗有 墳、典之書, 益 者十九, 乎? 不少: 抑 :所改 於古 古 當 註

> 之列者,當 石丈之明智而未見及此 而效孔子之述古,必 大學》,世士猶 何 途之從 共 譁 爲天下之大僇矣。 也? 之。 也 ? 設僕一 今以《大學》還 旦不 贵

呼! 嘗錯。 其源, 《大學》固 後,此益 朱子争格致之解! 知行合一之説,决可 浮議,非 與《春秋》不同。 疑者,奈何不直辨《大學》之非聖經而 亦何至如韓 《春秋》記 陽明子尚 mj 錯在《大學》,不在朱子。 石丈乃欲我姑俟之十年之後。 薪 所當惜。 惟 明言先後, 助 欲清 子之言。 沸之説 載 如此,他又何望哉 且聖教之絶續 時 其流,流安可 毎恨 事 ௱ 朱子之解格 與孟子道 《大學辨》論 也,勢必 陽明子謂 以 古 陽 宜 明子 有所隱 不息 性善同 攸 得清 夫不 知 致 之賢聖, 係,即 理之書, 矣。 行 諱 無 耶 務 本 徒 功 無 先 未 然 清 鳴 ? 與

五 五

雖

而

矣。 聞 俟之千年,何益 敦 悟,而十年之後 後之視今,亦猶 過矣! 於誣 孔、 曾 ? Mi 學者蔽於習俗,狃 即無不悟者乎? 今之視昔。 不 敢 議 程、朱 豈有 所 一於見 今不 從 過 來

討 無恨。 説 直 禪學,格、致、誠之不可 《大學》還《戴記》,至平之事也。 幸 也。 論 《大學》之非 ·勿罪。 羽 使僕得訂定此 斯事非筆札可了,還欲與諸子 便 ,先附此。 聖 經,至公之論 書,以 先於正 知所素愛,不 俟後聖, 心,至 知止之爲 也 一當之 嫌 面 雖 以 過 相 死

### 答吴仲木書

也。至言及弟答成夫書後語,更荷厚愛。讀考兄書,見友朋相愛之至,弟不若

耳,過矣。 然弟則尚嫌其言之未盡,而兄反指爲逆

荷能 前疑 胸 者,非敢自是其言也 懷, 盡釋矣。 反 弟每以「《大學》非聖經」向知己言之 以 覆開 求至當,以 諭,使蒙愚之心一 開 ,正欲與諸 我 專 固 朝豁 之 同 臆 人各盡 見耳。 然 則

則《曲 其義理有 故 君子何易繇言也 之秘,已萬非《大學》之支離所能及矣。 遂足以 也 弟所訾於《大學》者,正以 置禮》開 豁 而考兄但曰:「今大小《戴記》俱 第之 可以 口「無不敬」三字, 蒙 相並 蔽 乎? 否?」此泛然一語,何 若 以 便已抉虞廷 其 義 絶 理 無 水之, 義 ௱ 理

而皆棄之。其所信彌深,其所棄彌速,而矣,信陽明之説者踰年,信己之説者踰月,弟於《大學》信程、朱之説者四十餘年

又答吴仲木書

苟 終 前 兄 是 禽 賢 無 以 諸君子之林乎 熠 ,則是無忌憚之尤,是横逆,是妄人, 灼然之見, 爲《大學》非聖經。 而 已耳,而尚 而喜新 -敢 自列 立異,欲 豈得 於吾仲木、考 已而 自 争 然哉 ,勝於

覺 節之必爲禪學,既則於《大學》全篇無 至 心 其至當者。 加 矣。統俟《大學辨》成,以質之高明。 也,不可益 不敢固執己見,以爲必無可更也 者 已矣。 此,萬勿以逆耳爲嫌也 「古之欲明」全節之支離 而 弟始疑於《大學》,自格致之説 後 可。 善乎考兄之言曰:「惟 也。」信諸此而 若理有可信而 弟 亦 少 有人心者,决不狠愎 己。 固 既 違之,必 願吾兄 而覺「知 理 一,惟 不 既 其 然終 無 深 미 不 正 思 當 疑 損 而

> 潦 矣,而兄直漫然置之,非弟之所賴 釋之罪人。 失爲可欺之君子;而孔、曾之誣,至育爲 深辨者、程、朱一時之誤。 辨者,孔、曾五百年之誣; 身,而弟所憂者,乃在千秋 至,不及此。 憂,兄又切 倒頹放,甚 弟人山 切然爲弟憂之,固 二害之相去,已不可同 即 然兄所憂者,止不肖弟一人之 無 病腹,將已旬日,尚未平復, 狀 也。 弟《大學辨》正 夫程、朱之誤,不 而兄所必不欲弟 英萬 世。 知 也 非 弟所 年 相 愛之 有 而 呕 一欲 語

誠 純駮,亦凡有人心者所得 之所得而 有 未當,兄何不明白示之,爲 夫道者,天下古今之所共 私 也。 論説則有是非 而 剖 由,非 ,義理 别 別程、 也,弟言 則 朱説 有

之所 矣。 猶 以 不 殷 且 字,而 後,鮮 爲習 囿 勤 蹶 於習 請 然 以 而 徒 教 起 氣 是,弟説 克 忽已陰中其 之本 所轉。 而 爲 而 自 未之察平 此 拜 免。 私 意 之所以 憂過 退 乎 此二字中 今道 而 1 毒 計之言 自 學家 非 而 弟觀 悔 不 ,若 黑 白 其言之 人甚 覺 口 古來學人, 則 口欲 矣。 深,孔、 豈 然 狂 破除 兄得 弟 所 且 弟 孟 此 悖 毋 無 以 亦

置 量 程、朱於父則 滯 孫 而 乘,不知其文之似 父誤信之,以爲 理,而 一,深冒 之功, 其文之關係 爲明其是非 今有人嘗引其祖之言以 惟 不 而於父復不失爲 . 諱 欲 少 使之同 則 而黜之, 向 疏 此 知 又萬 祖 吾父之文 己 擬 而 寒蟬之默 一寫之。 孔、 則 實 於家乘。 幹 於 有 曾 蠱 祖 悖 於 也,而收之 爲 之孝。 於 固 祖 圃 文者, 圃 故 有 祖 已, 則 略 開 竊 也 較 今擬 則 不 不 冤 而 親 其 何 爲 自 釋 其

以從命也!

循序的 序,而 弟 平工 《大學》則 有今人之言萬不及前 且 IE 格 寡 齊、治、平 致 先生之言 而 論 過 致之後,又有誠意工夫,誠 之説 心工 忍 君子之聽 《辨》中 以 出 夫耶? 加 至 駕 先生云然者,蓋以 一責弟 未能 前後 此 工夫。」今人以循序求《大學》, 夫。 出 故 與 Ė 云:「《大學》是 其 言也 是 者,先生之《 行 豈正心之後,又 發 朱子之取《大學》正 弟 異 E, 不 也 明 違 所 能 一,惟當 事 一二,但不 一、未審 欲 絶 語 發 所 儀 明 尤 人者,亦有狂夫之言 日 分不 别 型 師 痛 格、致、誠、正 人譜》也。 奉 適 其 切 説 貫 爲 從。 可 得 純 有 意之後, 的 程 否 前 而 祖 脩、齊、治、 而 弟 式 血 其 又 而 後 未能 師 欲 真 脈 以 最 忽 至 際 己。 説 不 非 又有 有其 於 故 爲 後 脩 耳。 故 説 格 以 新 如 是

縱言. 敢以 萬 而 前人之已言固 之上也。 聖人擇焉者。 不敢言,學者直無 此 如 此。 而 遂不復 若概以「駕出」二字遏制之, 總 欲 不 請 申辨 ·必言, 非以狂夫之遂能 教,非 可 也哉 開 而 求自直也。 口 其 「處矣。 ! 所未言者, 恃愛, 輒 駕乎 弟又 則 聖 何 復 又

何 考兄書 時 1 亢 早 有到 悵恨 兩 者 月 無 乎? 雨 己。 有 東望不 日。 Щ 陰之使 弔韓之期, 勝懸切 有 日 乎? 邈焉

### 答沈朗思書

終未 愚 弟 自 迷之意 非 非 有 木 愛弟之篤 比 得 日 石 得 敢不 加 接 然竊反覆《大學》,求其 即 而 吾兄十七日 夙 吾兄之所以 憂世之深者,胡能 夜深思,仰 書,感 勤 承 勤 所 深 誨 以 及 弟者 五. 義 啓牖 此 理, 内。

恐猶未察於弟之所論也。

案也。 日二 《大學》之旨索然矣。 深造之功也; 固不費絲豪氣力,慮亦是空思索,未有力行 行之惟艱」,自古言之。 義, 則决非 知止,則亦不得不淺言定、静、安、慮、得,而 慮、得之效。而兄則欲淺言知 無窮期,淺言知 以《大學》先格致而 爲禪學無疑」,此一篇之綱 止之説,不攻自破。 弟《大學辨》曰 知止」而學已無餘事矣,此《大學》之供 後又遽進而求之格致,皆爲知止 淺言知止 何遽至於能得乎? 止,則未宜即 歸重知 將深言知止,則白 《大學》言知不言行,必 미 觀下文物格知至之 定、静、安悉屬止 知。 止焉故 也。 夫「知之非艱 有定、静、安、 止者。 何以知之? 《大學》蓋 也。 淺言 夫知 首 功, 起 而

●「知至」,原作「致知」,依文義改。

義矣。 之爲 歸 已 義 不兼言作用 空寂之學者,益以 本」之言之亦爲 惟「脩身爲本」一言,最爲切實,然已大悖 文誠、正、脩、齊、治、平之言之皆爲虚設也。 前之歸 節文氣 〕無餘 耳。 於 虚 虚 故讀《大學》之全文,而又知 設 無 物 重 事 絶 寂 也; 矣 似 格 知 滅而已矣、《大學》之謂也 ,聽其言,若且體 ,又《大學》之供 止,而知上文明、親、至善之言 而 知 以其後之歸重格致 知至者 止」節。 虚設也。 此也。 又若 知 彼二氏之學,何 弟謂《大學》竟是 止 案 也 日 用 也。 兼 而又知 故「物 格 得 「脩身 故 致 者, 以 而 格 要 嘗 前 E 爲 其 學

主。 亦 當先求之誠 爲之,故云然耳。 何 敢 凡格、致、脩、齊、治、 弟欲 以 先 IE 意。 心 Œ 爲 心 夫謂 甚易 於格致,以心爲一身之 圃 兄則 也 E 心 以 平之事,皆吾心 謂 爲 爲 甚 正 Œ 難 心 甚 心 則 甚 難 可

易,難 尤難 易於 矣。 先 化矣,惟至誠爲能化也。 若曰:「 脩,齊家而家齊,治國 立、不惑、知命之可言。 臆説也。 下平矣。 圃 静,復何難 而物不格,致 肆 思曰 求 前 知無不致矣。 五而 故心 忽,則 於 之 正 川川県 睿,睿作聖」,此其旨 正 誠 心 欲誠其身者,先正其 孟子曰「心之官則思」、《洪範》 如是,則可 粗則 志於學。」志學 意, 耶 心,格致 格致 難,顧學者之用 無 ? 則 知 不 氣 弟 不 難 非惟然 而 浮,復 尤難 可。 則 矣; 格 知 謂 以 物 不 而國治,平天下 敬 之誠矣。 於 如 何言格致? IE 則 也,夫 致 至於耳 而 此正、誠之説 兄言 圃 誠 心 心正 物 也。 矣。 心何 心。」此 詳, Œ 固 無 且 心細 順,從 矣,而 子曰 難 不格 故弟 1脩身 則 如 則 非 亦 耳 易 而 誠 : 弟之 則 則 之意 心 後 致 格 無 加 而 誠 意 吾 也。 心 天 身 知 氣 物 難 俱 意 反

亦誠矣。此又正、誠之説也。據德、依仁、游藝之可言。據之、依之,而又曰:「志於道。」志道,則心正矣,而後有

故 《孟子》七篇皆是「求放心」注脚,試舉一二 子豈欺我哉 唐、虞三代以來,至於濂、洛,至於姚 仁也。《求放心章》曰:「仁,人心,義,人 指 陰,未有易此者 路也。」求放心,所以求仁也, 章,言仁義 章證之,而其 足,較云: 言學耳。 曰皆「求放心」之注脚也。 ,而廢學問之功也哉 先師 . 「《孟子》何以 云「無 而吾兄迺以「求放 也;其二章,言與 餘可 也。 心外之學」,豈 例推 「學問之道無 有七篇?」弟則 矣。 謂 心 豈 民 孟 而 離 義 同 惟 欲 心 子》之一 七 虚 樂也,亦 單 他 語 不 篇 是矣。 江、山 二,孟 提 爲 可 自 以 以 直 未

自《大學》之教行,而學者皆舍坐下工

土 高者竄於佛老虚 言,此弟之所爲痛哭流涕長太息者 衰 夫,争言格致,其卑者流爲訓 息, 則 又 Ŧi 羣 白 相驚 餘 年於此 懼 玄之學,道 危恐,蓄縮 矣。 而 桁 討 通 illi 分崩, 支離之習, 時 莫 也 達 敢 聖教 出 務 之

天下 餘年 謂 無 孟 朱之賢,即不 在 學》之爲聖經絕無證 不待言。 圃 至于孔、孟可以已矣, 書至 程、朱 疑 有 之從,必可以 尊之《論》、《孟》之上,則 也 萬世 絶 證矣。 夫《大學》之崇尚 無證 固 而借 懼 即朱子亦以 無 前 據之《大學》, 而猶以爲未足,而 表章《大學》,而 以 乎其 轉爲程、朱痛者也 守先待後,爲 自 解於昔 多此 據 爲 空 也 可 覺 無 日 而 1 一於《論 知。 喜 他 强 矣。 循 新 一代之大儒 左驗, 此吾所以爲 無端舉二千 經 以 嗟乎 循 立 夫以 爲 誣 異 焉 聖經, 則《 之譏, 聖, 惟 孟 Ť 程、 孔 可 學 固

甚者! 記 則 耳,未爲鑿 沙,猶 非弟之所聞 是 即 而吾黨若羣駭其爲喜新 使《大 以《大學》爲《大學》焉 空 一杜 也 撰之智 學》無 甚 也, 訛 而矧 謬 而 耳 其 ,爲立異, 削 譌 存 歸 謬之 疑 ^ 焉 戴

之,故 其大旨 語曰 呈 故 隋 《大學》首篇二百餘言,豈 而 哌 者,而弟必字字 言之,以明《大學》之必非聖經,故至此 争者 也。 於 先 上,他日同 禪 格致,則馳外 「惡樹者及其枝」,此則弟之蔽也。 弟《大學辨》亦自 敢 惟 惟 則 故 復 於尊教 在 爲 布大意,餘未 辨 嗣教封還之,爲弟 先 畔 之最 格 聖 而駁之,不幾於吹索乎 兩 而荒; 致 無 詳。 節,註 疑。 而 病 歸 暇 其 欲 歸 無 弟《大學辨》 重 數字 悉 煩 兄 重 知 一言之合往 論 碎 知 熟 岸 見意, 惟 「顧諟 · 恐 止 思 則 欲 涉 後 而 之 並 謂 单 反 更 誕 正 耳。 若 明 覆 以 争 所 訓 教 心 1 ൬

命」,●幸勿罪其狂率也

故逡巡 命 亦 敢 者 知 飾 得 也,而 兢 非 諸 , 其 不 而 夫道者. 强 兢 敬 兄 私 無 不 之所 辨 也。 惟 以 嫌 並 敢奉 是之從 拜 無 吝後教。 明 弟敢自謂 一,天下 1 以 疑 幽 命耳。 教 悉 共 無 弟 丽 萬 譴。 是 心 者,則 己。 區區之心,皇天所鑒, 世 詳 非 他日 必 誨 弟之坦白,同 之公,非 之心,非 無 幸 ,不勝禱 未 錯 教之而 勿 有 已 以 以 乎 其 一人之所 人 當,又安 服 切 違 也。 其 軰 拒 而 習 弟 前

### 與劉伯繩書

俱 增 違 伏 晤 審 以 道 來,再易 體 清 安,學 寒燠,懷 識 彌 想之私 進, 跂 足 與 東 時

望,神與偕馳。

説,决 《大學》。 於 行。 可 外 粗 事 致 誠 則 始事,於是學者皆舍坐下工 今日言格致,明日言 而 之功, 則 》,動故其説終落 無 謂 之 謂 有 孤 無 音 警 知 夫先知後行 理,無心外之學」, 破 、聖矣, 口 所 學先 質 發。 寡 末 則自 與 真 聞 自程、朱揭出致知之義爲《大學》 學之 性 和, 孟子道性 可 知。 正 自 闍 先 幼 痛 衆寐 脩, 生 劣, 未 藩 而 比 也 毎 有 籬, 壯 從 而 則 來 落 1 難 云 誠 一善同 而 積 先 必 伏 格致,謂學 難合,良是恨事 造 醒, 陽 先 老 久 有 讀 生之日 而歸 無 於正 明 功,惜 以 原 知 先 心 靡 夫,争求了 其 至 姚 無 知 其 外 生 時 者。 一於誠, 之堂 始 淺,學問之 行, 之 尊 有間,大 行 功 亦 必先 禍 回 合 於 性 心之訓 若 M 奥矣。 厥由 了, 無 心 慎獨, 護《 至 知 乃 究 悟 弟 大 之 後 概 格 於 歸

> 若 與《 以 也 專言慎獨之爲 該格致; 中 烏得云學之始 庸 》之慎 但言格致,不可以 獨 無 事 相 蔽 乎? 近 耳。 所 但言 謂 該 須 慎 慎 臾 獨 獨 勿 離 便 者 口

後 微 止 而 云:「人心之外, 口 惟 儒 説 萬 全是虚誕之見,與聖學 惟 危」二字,直 里。 看 「惟危」二字,便 且《大學》之言格致,惟 危故 壞人心,錯解 精,惟 爲堯兢 更 危 無 是 故 「危」字, 道 千 舜業 心。 , 聖寶 Œ 惟 相 欲 卓 遂 寫 危 符。 反。 知 與 照。 哉 故 咔 聖 虞 師 中 惟 學 先 言 廷 危 而 去 牛 故 開 知 此

則 F 此 載 如 道 舜之大孝, 睹 理 既 使舜 盡 之 他 當 後 無 日 舜 可 先 擬 固 格 已 惟 得 無 有 大 不 夔 孝 孝 慄 精 道 理 神 ௱

❶ 「大學」,原重文,據惜本删。

嘗 子」而 得 惟 父 謂 倫 不謂 舜 之 以 母 亦 到 察 之初 爲 己 是 己。 底 之 有 也 明 只 孟 明 心 察 不 是 如 子 ; 不 是 耶 是,方謂 追 自 緣 知 處 訟 頌 其 有 矣, 緣 聖 不 所 日 德 其 斯 自 謂 之大孝。 「不可爲 不 如 不 察之心 孝 自 孝 此, 而 莫 明之心 在 但 故不 大乎 舜 即 知 當 明 不 己之不 是矣。 · 得 故 物 口 日 爲 不 不 何 察

未 教 所 誣 氏 以 有 子直 若 人 也 ,則是 ,故須 喟 意 顏 然之嘆知之。 顔 口 子 接 子 指 臾不 有 故 者 獨 之 惟 所 子 好 窮 喜 喟 在 危之傳 學」, 嘗 能 盡 學 也 方 志 曰 舜 由 皆 所矣。 戒 道 專 矣。 何 此 堯、舜 懼 一體 得 言之,曾子之 在 再 本 故 侈言貫 由《大學》格 此。 聖人之道 咏 其 無 謂 嘆 窮 猶 之好 何 盡 病 通 於 以 諸 而 此 學。 知 本 ,焉 唯 使 致 之? 可 無 學 固 識 E 可 之 顔 方

> 者 幾 馳 希 鶩不 矣。 返 乎 ? 嗚 呼 1 其 不 流 爲 禪 者

干 乎 胸 耳 不 歲 所 ? 宜 能 月 而 每 具 比 莫 臨 欲 光 獨吾 與 舜 年 克 書 大 繼 顔 古 同 自 之 先 豊 學 黨數子 輩 之心 振 勝 以 生 凌 論 翹 要 尊 泣 夷, 及 輕 切 也, 猶 與 心 44 人 于 未 世 之 事 勉 心 隨 自 俗 訓 强 盡 恕 時 未 亦 力 喪, 遂 非 汩 大 嘗 行, 没 吾 無 不 故 流 異 兄 己 撫 是 而 而 誰 百 膺 此 只 不 優 望 己 摧 返 是 游 世

# 與吴裒仲書

杪 澉 賜 嶺 顧 四 眊 月 何 眼 下 竟 欲 旬 窅 穿。 然 獲 ? 暑 拜 氣 天 兄 大 北 則 盛 山 亦 , 不 之 久 書 絶 審 跡, 道 許 體 東 以 清 瞻 月

己。 孤 適 不 北 氣 解 種疑結,不能去懷。 質 何 》數篇,其狂 山 一正之吾兄。 馴 似 之 歸 弟母子兄弟皆粗遣,惟 ? 築 謹 澉 已 城 尊堂· 足 不不 竣 紹 癖 郭? 大 勝 復 前 人 欣 徽 不減《大學辨》,然不 長夏 起 慰 知 否 居 經 ? 康 無事,又搆得《性 强 誉 吉 健 學 勞 幸一一示之。 否 不 問問 乏, ? 失學 之事 馳念 0 否 聞 , 敢 種 無

悲 呶 中 又 世,决非一人之所 獨獨 何 矣。 好 何足窺孔、孟之萬 嗟乎 미 辨,幾有 能憐 夫以 勝 道者 其 下愚 無 孔、孟 同子輿氏之不得已者,亦 哉 知 加 藥其 1 得 之道,將以公之天下萬 議 ! 私 不 E 狂 審 喆, 病 况 而 吾兄 否乎? 其 如 比 自 弟之愚 年以 於 取 攢 危 來, 刃 困 哂 之 足 呶

惟 賴 蓋 人者剖 人心之靈鈍,各· 豁 變化 之耳。 有 分量,不可 如 弟 前 揜 :致先 也

> 令兄 以正 指。 俱蒙 書 尋 有 常常 心 動 弟自 胸 書 教之耶,抑弟求教之心之尚未 教 小 踰 者,何 筆 示 誤 萬言, 請 札 用「不 輒 教以來,再易寒暑矣,猶 尚 至 不 多 其 久 勝 勝 間 迷 復戾 慚 喪 謬,况 倍 伏, 漏 句 不 内訟 無 循 及 弟 理 壽 道 辨《 無 處, 詩 理 己。 大學》 之妄 乎 誠 宜 Ī 耶 未 弟 不 ? 印 勝 亦

惡是 道之 之而 若 其 全名之計則 緯 絶 前 是 然哉 無關 非之心 天下事 非 憂宗周之覆。 明 于已而實不可已者。 者 有甚關切于己而實 得 晦 士 也 矣, 既 漠 有 雖 然 然, 若 志 聖 鳴 無 未 賢 呼 預 可 之 我 ! 謂 學, 事 可 有 此 嫠 於於 已者, 惻隱 婦 何 而 所 安身 不 視 羞 有 斯 迫 恤

拙《辨》初出時,惟奉沈朗思兄一書,

❶ 「大人」,原誤作「夫人」,據惜本改

者,以 今剖 與伯 吾同 及。 疑 擯 此 自 自 略 持。 詬 絶 事 是 有 不 學數 于 决,何 教 如 之 批 繩 惟今夏拜考兄一書,云:「仲木已 分弟前 固亦已矣。 生齒 告。 同 後 駮 並 X 而 學,尚 《人,獨 國之禁,人門之諱,噤不 四 以示 遂 往數書皆有挾賢 考兄答書謂 逾 弟 弟 十外人,留此一大疑案,不及 斷 邁,不 捧 以 口 後 ,朗思年差少,弟已 來章。 讀 其 以 !!」弟 獨 至 未 爲 此 能 此 極 人乎 悃 諸 有 深 亩 明 悃 所 撫 同 感 所 快 之 成 、挾長之心,故 膺 其言 人 以 愚, 中 <u>寸</u> 傷 書 不 悼, 一踰艾,某 求 隨 駮 至 爲 敢 亦 再 不 悲 一字 各 鄉 去 死 駮 視 能 俗 不

肖 也。 其 惟 夫道 如 言 理之歸 其言是,雖 非 之 是 所 而 雖 共, 已矣。 長 幼 固 且 不肖,不 無 賢,不能 如弟 分于 與 長 能 不 裒 幼 不 絀 仲, 賢 伸 于 亦 不 幼 于 忝 不 長 肖

> 默,無 關 弟,無 爲 弟之愚所深望于吾考兄者。 尚 考兄之年不甚相 有 弟 係 不 倍 ,本心之明,固 夫大道 容 至 長之年 一明此 荷 大,故 可 異同之言,而 阳 挾,昭 意于考兄否也 一所 關 ',况朋 然 每 獨 諄 懸,而考兄之賢 然 不 不 雖君臣 友 諄 容 其 能 乎 後謂 向 明。 以 不 我 自 心 ? 父子師弟之間 之不挾,則 同 若 惟 昧 折 必以 志 不審 以 也 于 聖 痛 又 裒 裒 恭 學 遠 切 况 仲 仲 極 過 弟 順 真 之 又 非 能 喑 于 與

德 言 異,以 狄 其言學,皆不 人存心,王、陸何嘗不教人 7,不亦 行卓卓者,而 語、文學皆優 程、朱、王、陸、皆卓然爲 求 重 大 中, 口 悲 能 則 嘆 登 重 無 並 矣 隔 大聖之堂,况 是 偏。 哉 别之,若 聖 門 學 程、朱 窮理,從 之 者 顔、閔 兩代大儒, IE. 中 口 國 如 何 所 之 劑 四 矣 嘗 其 言之 與 子 不 之 教 夷 至 同

之,使 之隕 忍也 心; 以 異 明《傳習録 夏 亦 己過 始 象 耳。 至其言詞 涕。 從 Ш 若 有聖人 舍姪 矣。 陽 不得 嗚 》略 明之説其流 處借 弟 呼 痛 者 讀 向 與 1 切處,雖弟之頑 之,亦 出 未 於 誰 一,必能 嘗讀 儒者之數乎? Ш 無 集》、從: 確然仁 毒 人 象 之。 心者 比之洪 Ш 許 人君子之用 陽 頓 而 欲 圃 明 水 亦亦 考兄 重 爾 書 猛 擯 借 何 時 是 其 至 陽 絶 爲

處,私 信 濟 皆 切實處,亦 不同,惑亦 大學》爲聖經 以 不疑;至其 况 不 然弟於陽 ر انا، 同 同 亦 誦 爲 甚矣。 多有先 深 聖 同, 深信古本,及説《盡 有 明子,惟 人之言,同 竊 而 未 夫水火, 以 得 今之君 安。 爲 我 不然; 心者。 知 於程、朱 子,必欲 異 行合一」之説 行 用 聖人之行 m 古之君子, 也 其他言學 惟 心章》等 以 面 表 同 爲 爲 章 者 既 深

> 皆確 其 可 其 乎 壬 必 於禪者,亦不可誣 虚 不害其 分癸丁、 三分癸丁、三分壬丙,而確然爲子午向 午,兼三分癸丁或三分壬丙者。 丽 誣也。 確 非 不 論 -丙 通 禪學 得 闢 然聖學之實功, 然聖學,而 即 而 嗚 則人心之蔽塞,聖路之榛蕪,將 弟謂 、爲確 哉 去之,則十分子午矣。 已 呼 三分壬 雖其 也。 而 1 諸 復作 然聖 此《性 確然爲子午向, 儒之學未 今之君子,何 丙,亦 其 如 也。 學 也。 議 地 解 而深奉其 師 論之夾雜,不 故並 而 》、《禪障 不可 之定 雖諸 免雜 後 賢 三分癸丁、 設 誣 向,有 儒 罔 禪 心 並此夾 夾雜 諸 也 丽 識 之夾雜 者,非 之隘 其實 雖 篇 七 能 今諸 或 禪 其 也 兼 學 分 全眡 雜 所 無 或 何 反 之 遺 實 近 儒 不 子 由 由

●「非」,疑當作「爲」。

鳴 察,反以 拳之心,所必 去之,則全 呼 衆實· 爲 乎 好 有口 欲以 大 勝 中 ,以爲立異者,又必有之。 ,亦不能不聽之矣。 忠 至 於諸 正 之聖學矣。 子 者。 而 或者 此 弟 拳

學與 理; 重 益 可 「知之者不 又 不 ,而欲學 侕 致也。 曲 有 弟 野毫釐 但言 不 在 取《大學》致知之説 焉 者 如 《書》曰: 窮理者,未 故也。 盡 好之者。」亦豈真 千里處,故不敢不 廢 格致 故 「知之非 真 必 一之功 能 志 真 學者,必 乎哉 者,非真 製。」子 (志學。 ·亟辨 謂 知 耳 能 之 此 謂 蓋 日 無 聖 . 竆 所 知

皆偏 之事 曰 可 以 身之主,心 正 格 乎 ",必不 心是先端趨 且 致 弟之辨《大學》,亦何莫非 爲學之始事者,亦理 其曰格 可 先 E 則 格 向 致 格致皆正,心 致 功 而 于 大,徹 誠 Œ 是到 心 始徹 者 也。 頭 偏 讀 學問 終,必 亦 書 則 日 理 格 心 窮 也 爲 致 理

> 覺,謂 學 至 理 理 者 獨 治 注 皆 言誠身,不言誠意。 不 考兄必 於誠意者,亦理 辨》求 知已 必必 也。 也。 亦亦 兼 可 ,故誤以《大學》爲聖經; 、平,皆是誠, 朱子以動 先 内 理也。 不可 彸欲 弟 無 外 誠 日《大學》之教 覺已無餘事;惟《大學》單言知 Œ 言 置《大學》於無言,而 餘 于 惟 静分戒懼、 專言 諸兄者,正 事,詳 以 IE 日 本注: 程、 者 下學上· 凡言獨者,皆 也。 誠 心、 觀 朱 于意,必 慎 子「毋意」、《中庸 亦 身、 八獨,亦: 文義,情 日學 理 子 一達,何 近 讀 家、 也 讀 非是。 禪,惟 書 無 不可 國、天 圃 書 窮 止, 無 分 自 弟 日 窮 又深責弟以 理 今日 立 小 動 凡 正、脩、 》、❶《孟子》皆 理 禪 專言 知 之 下, 一見者、 静言; 言 大者 之有 門 亦 事 以《大 誠 單 無 皆 慎 謂 也 者 有 未 亦 亦 止 獨 本

讀 書窮理之學,此何異反鑑 而 索照乎

俟明 動 會 非 道幸甚! 有 斯道將終不明於天下已耶,抑仁者之用心 言申别而 裒仲必 用,真可悲涕。 迥 明達加以克己之功者,鮮或能免。 涉浮詞,又再三之瀆,君子不告。 少,固亦其宜。 教 出 喪亂以來,同 有 尋常萬萬者? 已,理何 超然玄覽者,故復不辭覼縷。 習心習見,是處 而言學之家,縈絆彌深, 扁舟偶 由 蹤 治 跡,倉皇失據,離 終進 訪, 若謄 錮 ൬ 寒温之外, 人,驗之日 惠教之,吾 書遠訊,● 意者, 知 多 鵠 我 自

以

聞

# 乾 初先生别集卷十六

海寧 陳 確著

與

張考夫書

大

不同 子之喪,弟 造候,竟不果,私心 (生至此,未 亦 此 初凉, 不 結 過 滯 五 亦 想道 里, 也。 有殤孫之痛,兼之衰 免 傷懷。 體 期在今冬十一月 開 漸 悵然。 美葬地, 勝。 吾兄 久約祝、 人 定 道 夏,兄既 於 力 堅定, 内,此 管 病 吴 Щ, 日 遭 兩 迫, 兄 去 想 猶 兄

> 所 呕 欲 知 敬 附

情者 厚,而 信前 其 懟 敢舉 道。 繼示 之三日, 竟屬之藁。 傳,尤久而愈疑,每欲著之於篇 以 未釋然,則弟之愚悖, 不爲此。 之人,皆能 視此兩者,疇是疇 則獲戾前賢,不言則久誣聖學。 開 喆 龍 筆 , ,未有許之者也。 聿自去秋,藏之中心,寒暑 其重翳,納之朗 弟之粗戾,懵 不肖弟 非 山諸子,諸子憂之,或病其罔,或懼 丽 日 雖 吾 夕危 弟 辨 奉 兄之淵 之儇 獨 此 有 相 懼,不能即安。 「竟須 於前 圃 非 薄 詆 照 心 弟 ? 佻 誹 首呈仲木,仲木非之。 若是乎諸子皆知 也。 洞 固 獨 削 浮 訓,至於《大學》 何去何從? 識 有 貿 何諸 稿」之命,私 抑 貿 什百千 明 至此乎 然 子之敦誠 章 載徂, 以一 以 寧 於頃六月 指示, 萬 爲 爲言之 ! Œ 于 下愚 久 彼 心 尚 兄 篤 尊 未 經 恒 何 而

之「日 放 前 正 之,雖精一 是不放心之學。 不放心 語道破。 唐、虞至戰國二千餘 曰:「學問之道無他,求其放心而已矣。」自 一所謂 心心則 學問 省」, 求其 則 所 脩 之事 學者用功,斷不外此。 自能格致 謂 執中之學,何以加於是乎? 齊治平 雖 指 格 微 要。 ,誠 致 有 非 非 故 竊 深 非 誠 脩 格 年,聖人相 孟 謂 眇 淺 正,自能 齊治平矣。 致,所 識 子 疏 如 直 孔 所 密 之未 之「時習 窺,然嘗 以 謂 脩齊 傳心法, 由 誠 同, 語 治 斯 正 平 斷 非 要 妄 加 之 誠 並 故 測 進 曾

意」傳 程子、 手。 可言」, 之 山 程子論 亦言慎 劉子之言非《大學》之教也。 與 一陰先 非 程子之説,可謂 離 格致,提 生亦云「舍卻慎 獨, 衆 之 卻是未嘗慎 稱 一「敬」字, 試 後先一 思 獨,更無 格 獨。 致 可 揆。 謂 獨者 誠 雖「 然 格 補 Œ 對 誠 是 致 天

> 物、致 之,今不復具 從此下手, 字,其全神所注 語説 然有忿懥、恐懼、好樂、憂患之不正者存 兼 故凡云誠者,皆兼 脩、 能復舉。 如笨兒識 所爲慎獨之功,竟安 誠,且不知 之言慎獨 動 齊、治、平, 夢。 静言。 知者 其 彼但識處, 字,止認定一 慎獨 何以 那 而《 尤 亦惟 也 得 虚 何 異 矣。 一,亦 大學》專言之意,不 不 誕 欲 于 内 處 · 禪 只 是宜 致 是 在 近 外言、凡云慎獨者、 未識字故也 無 Ī 在此二字。 禪 ? 乎? 其 處,指問 獨, 弟《 者, 誠意之後 知 《大學》前 何 大學 止 在「知 如 時 之 他 是言學,正 非 辨 知 處,便不 所謂 《大學》 而 特 慎 止二 뻾 頗 不 猶 獨 己。 格 語 紛 皆 悉 知

以 在 盡 行前爲證,竊恐未然。 心由於知性,故嘗以 朱子又以《易》、《庸 》、《孟 物格 朱子 解《盡 即 》之言知者俱 是 知性, 一心章》, 知

反求諸 疑乎? 節 性 言之,以見所謂天、命、性皆不越吾身吾心 功,事天立命 也。 也; 之心,而止見吾仁之一,充之,則滿 不肯 心 致 是孟子喫緊示人處,謂學者不知性天,惟當 解性善之説。故孟子曰:「盡其心者,知 是則仁義禮智之性,皆非盡 惻隱之心,而有以見吾仁之全體 曰:「人能充無欲害人之心,而仁不 意,非 也; 即 而 意正 人能充無穿窬之心,而義不可勝用 擴充。 能 是 知其性,則知天矣。」語極 心,即山 知 盡 告子惟不求之心,故外仁義,故 有 與「求放心」 性 心 兩 故不充,則惟乍見時有此 爲説 者。 層。 ,即是知性知天之效。 陰先生「無心外之性」之旨 如人皆有不忍人之心, 存 以弟觀之,則未有不 節節 養不貳,即是 同。 心不能 下二節 一明順。 知,又何 盡 ,可勝 總 即 矣。 腔 子 惻 心 申上 此 反 也。 之 其 皆 故 用 盡 覆 最 不 隱

> 也? 學事 審問 亦猶 而明 學、問、寬、仁,亦烏有先後際之可分乎? 自誤 之外,學者毋徒馳鶩 之功也哉! 要之,篤行之後,又何可一日而廢學問思辨 用其忠,然不敢謂忠孝之已至也 不可以爲 中庸》固言 是 在其中,言明 、慎思、明 父則無 誤人耳。 雖《中庸》之言明誠、擇執 也。 誠 學問 而不誠亦不可 所不 誠 辨,以求其至當者 而 刻明 用其孝,學事 思 又 而誠在其中。 辨,皆是 何 一,一明 于荒忽不可知之域,以 嘗 有 以 則 知 行 爲 誠 行 《大易》之言 君 時 明。 」,是 其言擇執, 而 先後之分 則 功 篤 故 無 知 夫。 故言誠 行之。 又 所 不 須 不 如 明

害辭 局 拘文牽義,必墮支離之習。 **一終方了**,安分前後? 不以 故「知 行」二字,如 辭害志,以意逆志 圍 故 棋 説 知學問思辨之 家 ,是爲得之。 書者不以 轆 轤 刼 文 至

解,則《大易》之學聚問辨,亦可以通之矣。

弟 得 敢 深 辨 知 即 已 無 日 也。 之 釋 騁 先 復 不 而 言 後 狂 杞 惜 躲 詞 言之長 由 ,聖學之不明 臨 剖 是言之,《大學》之知 而 人 千 呼,終無 閃 此學者萬 書,不 之憂, 言萬言, 析 鼓 處 説 如此 使蒙 則 也。 勝 己 愚 而 馳 心豁然 皆出 反 時 世之計,故不 登 仁兄 心 切 必 有愁 之樂 覆辨 益 由 一捲篤 尚 快 則 於 難 國 矣。 勉 嘆 此。 先 請 思 也。 死 以 使 後 教之誠,非 所 何 且 覺 狂 此 俟之没 不然, 者? 以 瞑 其 正 瞽之夫 不 教 目 憂 是不 敢 矣。 世 之 則

# 答張考夫書

仲 木 雖 兄 漸 有 來 歲 起 色, 己 諾 然 裒 足未 仲 之約, 能 履 喜 口 未 慰 之 能 語 極

> 遠 議 中 食 頃 惡 解 丽 今 乎 訊 遂 得 知 飲 雖 亦 亦 深 遂 泯 1 爲 及 所 强 卧 是以 此 , 將 起 以《 狂 致。 病 云 長 無 四 悖, 雖 遺 大學 歎 慚 尚 遺 恙 + 千 爾 而 辱愛如 愧 此 乎 體 餘 委頓 已 秋 ,辨》爲 何 無 日 行 如 無 異 殆,往 吾 背是 窮之恨。 念 前 恨, 桀 兄 此 後 弟之辨《大學 犬 ,猶未 恐 恨 妄 絶 何 吠 投 何 粒 時 而 堯,百 見 日 藥 追 共 已 吾兄又 察, 朝 已 1 餌 露 + 况 ×, 口 弟 不 H 復 弟 他 奚 病 節 望 此

背 千 相 顯 縈。 聖 然 萬 非 世 經 弟 孔 之道 聖經,不必 思《大學 亦 曾 不 紨 五 待 誰 》本 辨 白 辨也 正 餘 也 無 年 0 可 , 之 則 而 辨 以 又 沈 人 理 有 心 冤 以 丽 不 未 易 迹 声 敢 惑 伸 而 則 不 言, 習 後 純 學 平 解 則

■ 「敢」,借本作「可」。

言 乎 是 輩 知 知 知 失之」,知之不足恃,亦已 者」、曰「知及之、仁不能守之、雖得之、必 言行 之:「知之非 者,此迹之顯 可 未 不 言覺,謂 乎 ? 謂 知。 重 出 · 嘗 忍 止 回假 ? 知 而 三節 不 脯 首 絶 引曾子之言,則外此皆非孔、曾之言 一 知 又自春秋歷 定、 張 辨 託 輕 節 未 四 一覺 本。 者 言 孔 節、 静、 日 有 雖 已 二知 知,故 艱,行之惟艱。」古昔聖人皆 然者也。● 曾 不言知, 無 己 五 安、慮、 次節 何 人以《大學 餘 無 節 所 爲 字, 事。 先 緊 迹? 反 餘 日 漢、唐千 後 得 接 覆言格致之當先,謂 事。 而 知 如 詳 無 何爲 知 開 〕明矣。 篇 則 謂 觀 之者 不 惟《大學 , 》爲 中 口言「明 作《大學》者 近道矣」,非 止二二字, 文義 有 能 理? 兩 矣,非 孔 餘 不 引夫 惟佛氏 。 豈 年, 如 曾之書 **>** 明 書》 單 好 真 子 不 重 謂 儒 之 己 有 其 之 重 知 單 重 初

> 旨 信 效 德 禪 下 有 治、平,並 曰 示不 後世 也。 一格致 矣, 之,亦愚甚矣。 格 務 格致 致 神 可 非 圃 程、朱闢 而 得矣。 其 重 之於禪也 誠、 而 m 是夸詞。 説 學已 知 遂 IE 以 乎? 列 禅 以 一、脩、 豔 無 至 此 蓋《大學》只 不 愚 治平 而 餘 IE 知 重 齊、治、 俗 表章《大學》,是 事矣,此《大學》之本 亦 如 上文言 知 者, 者 惑歟 佛 則 乎? 氏 非 平 輕 之 實 新 已 行 是 稱 環 學者從 語 民 重知 無 、言齊、 雖 至 也 驅 量 欲 而 若 天 烏 功 立 而 不

始 學 《大學》之始 分 無 事 則 ? 窮 且 必 弟亦 截 則 有 爲 格 知 事 非 學之 無 致 也 惡言格 行 亦 始 無 謂 加 事 窮, 致 格 究 也,惡夫 致 而 歸 則 自 於 奈 知 與 無 何 行 學 截 以 知 分; 相 爲 格 終始 知 學之 此 致 行 爲

之所大恐也。 日學者之流弊,已可見矣。此昔陽明先生

未行。 今日 亦是 矣。 未之見」,皆是真 止善之功於是焉畢矣。 知止則定、静、安、慮、得無不 大悟境界」, 即 爲 知止乃全乎禪學,即釋 蓋《大學》之意 可 故曰「堯、舜猶病」,曰「文王 知 知 止 可行; 聖學絶 一結案。 實語。 語 無 只重 物 其 此 格 誰欺乎? 難, 也 而《大學》肆 知 而 止,截言格致 則聖人有 氏 知 能 蓋語其易, 致,則 所謂「大 **而** 望 明 道 知 未 親 徹 止 知 則 而

脩之盡處是誠。 之誤,全在以意言誠。 道、志仁之類,那得更在誠後? 曰:「夫聖,誠而已矣,誠則無事矣。」蓋 而 E 、脩是進德工夫,相去遠 又不當先誠 正心,如孔子言志學、志 于正,謂 誠 誠 止在意,即是不 甚。● 是詣 蓋《大學》 極 周子亦 地 位 E

> 誠。 大蔽也。 學》之誤也。 治、平皆是誠,非 誠 身」, 孟 凡言誠者,皆兼 子 宋儒之言誠本 ·曰「反 徒意之而 身 内外言。 丽 誠 已也。 此,此末學之 故《中庸 此《大

齊也 據「正 以 物 聽 主 目 職思慮而 心正則格致皆正,心偏則格致皆偏。 所役。 不 ,雖格物致知,皆以 云乎哉? 此矛盾之説 而不聞,食而不知其味」,而 ,義理之精微 格致矣,然 尤不當後正 心」傳,亦云「心不在焉,視而不見, 故曰 兼掌聰明之官,一不正則反爲耳 :「物交物,則引之而已矣。」 而 心於格致。心爲一身之 ,淵乎其深至也; 非吾心 事 物 心格之,以心致之。 之紛 也。 然, 故學 矧能 雜 誠 然 致 知格 蓋心 其 不

■「遠甚」,惜本作「甚遠」。

之神 也 知 者 欺 致 而 格致 「, 亦 以 E, 其 曲 明 法 誣 事物 (中矣,不言格致可矣。 由 直 是 其 吾 無 孰 矣。 衡 心 異 從 權 誠 圃 稱 故 一衡,義 而 懸 正 五 真 正 不 之! 臣 能 ൬ 理 可 之 反云 Œ 之繩 欺 功, 心 故 以 一吾 以 繩 而 進 輕 脩 誠 絀 心 也 重 身, 設 由 舜 德 格 夫 吾 而 不 格 者 致 可

志,能 能 此 哉 曰 足」,「力」字兼 不足者。」子豈 有 躬 聖人 患 焉 行 能 不 子 謂 用 日 君子,則吾未之有 之 曰:「荷志 用 日 力, 人特患 力,豈 教 用其 君子之道 也。 而 知 不 真 不 力於仁矣乎? 患 行言, 知 子日 ·立志 知 於 格 不 出矣。 四,丘 仁矣,無惡 能 致之難,而 「君子 耳,不 謂 得」。 知 勇力 未 與 「我 ,道者 用力耳, 能 不 識 義 未 能 我 也 易言若 力 未 焉」 見 未 行 也 徙, 我 哉 力 能 見 日 若 力 日 無 此 立

也; 當若 在 者 善 則 知行之難易, 也。 未 彼,此理之純 此 再 改 日 「我非 日 凡 則 日 言知 憂之; 我 既 蓋 生 何 倍 可 有 有 圃 則 覩 默 聖經者二也 不 知之者 略 矣。 識 凡 知 無 學 而 言 孫 誨, 而《大學》之所 作之者 行 好古敏 詞 」, 則 事 又 公 退 如 卿 以 我 然 此 父 求 無 不 兄 此 敢

曾子 不讀 足,必 日 大路,本 至 免,吾未 違,則誕 今弟之所争 于 書者 曰:「夫子之道 此 雖然,荷 堯、舜之道孝弟 讀 乎 嘗 無 書 罔 以 示 他 彌 窮 爲善之路 者 ·嘆息· 迹 謬巧,真是農 著。 理 嗟 理 非 乎 而 也, 而 痛恨於斯言也。 後 何 1 理 能 斯人之易 前 非 忠 也,豈 習 是 與 已矣。」使曾 恕 迹 一、雖弟 俗 於 工 而 也 移 道,是 一商賈, 通 已 人, 惑 理 亦 矣。」 而 哉 耐 是 賢 絶 皆 洂 夫 難 之矣。 孟 者 天 渞 理 可 曉 若 不 子 洮 故 下

者,考 若 皆 此 則 境。 子 斯 弟所 多義 夫 知 惑 而 而 也 然 道 皆 正 窮 其 日 者 如 非 理 神 也 行 夜 精 山 知 知 者 匪 撫 微 則 窮 道 化 烏 淺 心 之旨 鮮 水 也 推胸, 學 乃 得 孝 盡 者 德 所 盡 弟 則 此 忽 盛 能 以 忠 可 而 見奇 宋以 仁 其 力 信 深欲 使曾 索 言 之實, 熟 觀 來學 後 也 爲 與 子 自 有 河 同 者 聽 今之學 臻 志 不 孟 漢 其言 通 知 之 平 子 一洗 弊。 其 妙 而

得。」 見 步 得 後」、「 屋 吾兄云 一,更 到 Ш 前 此 此 陽 能 始 知行並進」,真 謂 明 步 能 見 故又 乎? 知 子 如 屋 見 先於行, 言 外 眼 屋 見此 知知 前 步 欲 外 乎 步 見 一 步 行 步 是 ? 屋 미 ,必 合一、、 宋儒頂 爲 外 欲 能 耳 切 見 步 先 見 喻 Щ 見 Щ 兄 則 門針 前 得 後 能 知 然 必 步 步 見 行 子 須 亦 然 屋 是 則 行 更 無 後 能 内 更 出 行 行 而 先

> 石 欲從 其 後 須 而 而 非《大學》之旨,陽明 日 經 之他,亦禮 如《大學》之終不 陽 知 行 致 古本,繼又欲 明 過 之爲至也, 到 良 子 者 Ш 知一, 謂 前 · Œ 知 失 始 亦强 以 行 求野, 能 直 此 無 見 是 從 爲 也 可 先 山 求其 子 無 石 理 致 後 前 亦  $\wedge$ 經。 可 解 大學》 知 步 奈 説 欲 説 何 0 何之意 曲 而 非 解 何 所 護《大 明 不 真 嘲 由 先生始 謂 得 以 言 耳 合? 行 耳 古 先 學 又 到 ൬ 本 轉 終 其 則 然

喜 夫不 開 以 程、朱學問 大學》爲 新立 弟 五 朱之學,未能 宗《論 百 觀之,何 來 小書云: 異, 年 四 來 大 此 》、《孟 書之 學者 謬 弟 異説 「有本有 誤 所 及其萬 ×, 首, 紛 至 處。 夢。 丽 死 紜 真 宗《 源 而 争 而 直 \_\_\_\_ 、是喜 諸 不 學 辨 爲 是 服 君 學 之 **>**′< 無 至 新 者 子 者所祖 端 本 於表章《大 庸 立 乃 也 無 而 以 異。 ×, 已 源 直 述。 弟 弟 矣。 以 此 於 爲

學 後 不 儒 能 必 無 則 欲 调 又 曲 不 如 爲之護,真 敢 日 不 月 以 之 死 有 是程、朱之罪人耳。 争 薄 之。 蝕 何 蓋 損 從 於 來 明 賢 聖 而

俗 縷 非 論 此 儒 筆 及 要之, 之竟 札 此 紙 還望 所 能 死 願 書不 先 悉 虚 吾兄 儒 也 中 盡言,言 言 體 明 下 恃 認 歲 者,吾道 相 至 萬 知之深 不 Ш 勿 盡 中, 牽 幸 意。 纏習 . 甚 面 又不 相 弟 見 質 雖 問 縱 如 覼

### 答張考夫書

否? 之辱 訣 薄 如 ? 111 愛者 知 暖 弄 小 新 兄 璋 兒 寧 兒 所 之信 口 多 初 神 素 知 啼 生, 審 氣 至 矣 哭, 恐晚 乳 强 Ш 毋 中, 極 不 旺 常 審 須 年 何 Щ 抱 節 ·得子 邇 如 中 持 日 ? 寧 ', 不 道 此 饑 皆 乳 體 是 狂 無 毋 飲 保 清 姑 喜 飽 贍 賜 勝 息 要 足 盛 何 弟

挾長 辨》,云: 教。 其諸 且 幼 昭 雖 弟 歲 典 鳳 述。 而 敢 甸 月 初初 賢,不能 華 新 師 不 重 不 捧 再 肖 不待 差少 爲 肖 父爲 有 豹 之心,故從未 讀 憶 近 致 而 無賢 竊竊 仲 同 來 喪 拜 殤 臣 T 至 不 <sup>/</sup>, 弟 門 人,此 偶之戚,俱是恨事。 書乃云, 季 言, 此 亦 寧 木已矣,道 能 奉 不 不 之賢者所擯 長子, 肯 耳 春 絀 教 與 肖長 亦止 不 感 讀 戊 於 伸 伯 於君子矣, 極 鳳 書 幼 大 於長賢; 繩 弟 辰 已 幼之分。 條 不 涕 師 、疑案, 不 與 義 日 答 前 零, 將 赴 頃 學 肖。 兄,俱 知 書, ,皆是 往 從 絶 F 問 故 交,落 字。 數 學, 諸 急須 乎 何 不當 其 内 敢 不幸犬馬 言 書 各 少 1 遽 進 兄知之否 好 亟 及弟《大 極 當 究 落 年 狂 嗟 踰 於 皆 馳 夫 消 可 頗 於 竟之 舉 理 數 悖 乎 五. 至 有 數 息。 痛 有 理 至 1 踰 理 挾 行 监 雖 也 四 所 請 學 實 雖 賢 惟 惟 汝 口

之氣 然弟 豈 然嘗 故 詰,不勝慚伏。 能 改 偷 肯直 容 有 長 期終不負明教乎 亦不 自 不能 由 數 挾 歲 中達外,弟不自 ? 昧 言及此。 ·敢不深自反,必弟生平一種 不心 耶 即 至 ? 如 論 折于裒仲之學。 弟與裒仲 賢,則 於裒仲猶 比 敢 雖詩文之誤, 不 不 知,而 細 及 忝 自 爾,而 我 搜 兄已 有 考 剔, 倍 夫 本心之明 亦 况 灼 長 遠 力 兄 兩 知之, 之年 甚 微痛 驕 乎? 被 一, 惡 矜 指

止 可。 甚 昧 父兄親戚則既閔其 見 號 無 苦 ,行路見之,皆笑其 一日,殊失 心,非 之 知則 今有一人,忽無故 至《大學辨》實 心故,冤 可,謂當置之不足議 所 、所望。 謂 則 挾也。 解之,病 (凝,又 出 蓋以弟《大學辨》 萬 凝, 而兄藐 狂 不 則 必 掉頭 得 呼 爲 深 己,前數 叫 之揀 求 論之列 竟 然之聽 號 所 去; 方 加 以 合 書 不 狂 則 爲 而 భ 呼 其 知 不 愚 日 略

> 以 之愛者乎 藐 療 貌,意者同 浴治之, 必 路 使之平 人之掉首 復 而 而 後 若未 己。 始忝 今吾 兄 日

説非, 耶 ? 濫 朱不同,其深信《大學》則一 邑人之災」乎? 王 陸、王之學,比之洪水 且弟之辨《大學》於陸、王何 一,而 也 弟之不足教,固 陸、王亦嘗言格致矣 吾兄 則陸、王亦非 深 罪 之, 何其聽之不 豈非 矣。 亦已矣。 猛 所 弟 獸, 此 謂 説 雖 也。 與, 審 行 絶 所 至 何 而 而刑之太 不本陸 言 程、朱之 人之得 又 上累之 語 與 罪 也 程、 及

幸。 是 子 追 時, 戮 轉 雖 陽 Ŧ. 説轉幻, 顔子蚤殀,曾子年最少,質最 以 門言學,誠不 明 孔子之聖,七十二子之賢,然 哉 1 流 古之聖賢,亦各有幸 圃 爲禪者有之,要豈 爲 無 罪。 龍 谿 以 魯,孔 有 可 下 諸 以 不

之假 其 議 直。 見。 耳。 於 王,雖 肖 爲 者、轉相授受、數傳之後、不復 子 子 困 自 Ш 堯、舜之道 之道 者 萬 在 程、朱、陸、王奚 何物矣, 而知 則 而禹子獨 於尊 若其辨學之言,是非 謂 朱、、 象山 竊,果足 如子 其言學不 世儒 晦 亦 王 加 德 行合 闢 菴 况 岌乎 終 格致之説,大抵 夏、 紛 性 于程、朱、陸、王之學,●曾未 無 陽明子乎 必 賢,禹不以 紛 以 一,而 於 一」之言,則固 極 子 若 爲 然 無 累 道 張 疑 少 萬 損 各 堯、舜 書, 問 其 輩, 髮之引 乎 異, 世宗師。 以 學, ! 空寂,皆 辭 ? 其 各竊其 是加 而要其 哉 曲直, 雖 私 堯、舜之 ៣ 多見 皆爲《大 千 1 意 疑 小 百 聖于堯、舜 知 鈞 戅 失其 輕 燕噲、子之 其 世 程、朱、陸、 説 亦 其 所 孔 支 相 不 後皆 之 昭 不 爲 而 子之 回 實 〈學》所 易 離 詆 同者 近 知 理 然 無 者。 也 誹 道 量 睹 似 較 可 曾

> 皆 傳 之 行 晦 但 晦 三,並 本 斷 之後學,則 菴 在 菴 末 則 斷 象 未 有 持之耳 也 Ш 嘗 卓 道 不 然 則 間 當時 尊 亦 無 有 學 德 豊 有 愧 尊 二子 而 可獨 性 所 德 毫釐千里之繆,故 尊 德 性 象 雖 罪象山 謂 而 所 性 Ш 不 道 未 見 之意,此 同 問 嘗 不 哉 而 同 學之意 不 同 道 亦二 也 而 問 立 學 賢 身 在 韫 愐

皆 先後。 行。 輩 畫 善 不得 0 而 而 《大學》明言先後, 孔子 發。 發 命中 此 己 豈 也 言 陽 庸》已分知 本言「性 立徒駕 明 雖 子 孟 有 合知 子道 爲 爲 相 新 而 行,陽明子偏 近」,●孟子 行, 性善,爲 論 發 陽 以以 爲 明 然各 子 知 高 偏言 而 自 出 有 暴 前 不 偏 所 欲 行 自 知 人 言 本 合 者 棄 哉 行 知 性 故 無

<sup>「</sup>學」下, 惜本有「何尤」二字。

<sup>「</sup>近」下,惜本有「習相遠」三字。

必可傳也。

弟嘗 證 言 肯 善 不 以 至 以 Ш 疏 則 誠」,是無 庸》先自下 行必不可爲 也。 ·行 未 誠 其 象 斷 同 ,千古不 爲 調 能 理 由 盡 Ш 斷 功 大 明之言亦 易》言窮 一、未盡 端 ,但以之言學則可,以之説《大學 故合知行之言,亦千古 一之性 盡 陽明子之合知 不 不 陽 性,可 пJ 先後之證 明,不明由不行, 如 明 易 知,知 爲 之性 此 註 者 也。 理 此亦陽 時 見 性,是自誣 脚 盡 因 若 有 誠 不 矣, 不知必不可爲 也。 一性,可見未窮之理不 行 兄詆訾二子之學,故 偏 銖 可 有 行,决 何 日 明之一蔽也。 此 未 以 稱 「道之不 能 「誠 至,即 爲 圃 或 也。 是知 分得? 可 性 寸較之, 其 則明」,「 與 不 傳習之訛 性 故 明一節 · 易 行 孟 行,而 中 有 性 合一 也 子 然 庸 未 則 善之 弟 道 明 》言 盡 之 象 非 故 中 性 則 不 口

然弟亦不能盡爲之諱也。

仲弓 閒焉 身講 徒以 耳。 知。 耳。 矣。 擇善者 問,尤一 馬、樊遲之徒, 道之言。 者之所 無 過 弟嘗 今以 以 乃得 П 明 陸 然真能 而 至 講 爲 於 ,何以異 道云「只窮理,便盡 兄 、王,但 不 向 而 下學 竊 蓋 講 若 格 使 能 也 侕 再, 請 必 物 以 語 明之學,决非 熟 以 以 知 事者 其 而 樊遲 同 擇善之功,宋 並 謂 講 再而 孔門、 此 心講,亦 學 行 所 議 孜孜請教。 ? 而 謂 俱 象 子少 之 自顔 三,講之不 之言仁者,如 輕 學 到 擇, 若學者 山 能熟講, 于 固 、陽明 毋 之, 子、仲一 窮理擇善之 不 而 從 不可 徒以 性 後 同 明 事 自 何 至 之疏 至 口 俗 以 不講, 以 而 弓 耶 心 미 於 一命」, 則 謂 學之 來 責顔 爲是 端 講 ? 而 謂 樊 大可 於 之 儒 外 木、 遲 不 然 功 瑣 窮 最 今 者 而 窮 笑 熟 之 而 以 見 宜 理 無 毋 理 屑 司 可

不 Ш 復遜 明者 志 於 <u>;</u> 而 格 豊 物 象 擇 山 善 之功 陽明 之學哉 此 IF. 自 絶 於 象

<sup>《</sup>存 厚而 六 雖 引聖賢之言, 辨 剖别,亦不 是言,然是子 儒之説,以 年之後,學絕道 率聖賢之言以從己意」,語 古昔先聖賢之言,曾 「學至於不尤人,學之至 責己者當知 籍文奸言者,信 曰「己無一是, 正,將非 心章》意。 薄責於人」、《孟子》、愛人不親 弟 性 絶 誣 聖賢之言之信 能 懶 ,厚省 往聖, 以 天下無皆非之理。」古人 無 如 折 懵 喪,是非無 所 人無 是, 後儒 躬恕物之旨。 有罪矣。 于 援 則 則 未 前 引 反 則 豊 訓 通 也」,即 非, E 徒 其 反 而 可 而 所衷,欲 若士生數 至深 兄謂 無 日 誰 一二,但 無論諸 歟 可 皆 不 孔子 信乎? ? 故下 也。 切。 可 非 無 妄 又 子, 章 之理, 「躬 滅 此 有 第 徒 依 文 千 日 剿 · | |及 大 假 自 日 今 騙 即 有 後 所 百 理

> 没,尚 之不 之乖 舜之 深 獨排 此 習聞,久司學者之命,良知之性,全被 天 危,正同二子,然是 學》之爲聖 之役,諸侯 人之諾諾,果理之必 雖一家非之不 IE 思而 下 守 更言窮理,豈非反鑑索照者乎 後世 衆 顧 訛 道 所 何理之窮 之士 亟 而 ,千秋萬 以 ,則弟决 省 可 不 力争之,武、 經 不期 者也 傳 乎 敢以二子之言爲 已成 ! 而 顧,一 欲 世 而 而 口口 共 冒 若 極重不反之勢,弟之孤 善之擇 會者八百 辨《大學》正 非之公,終難 法 萬 非之亦不 或 不可奪 夫聖賢之淆 者 周 死爲孔、曾 非之不 也 雖 耶 聖,弔 而 者哉 ? 國,孤竹二子 顧 豈 非。 顧 是 此 埋没。 也。 所 7,天下 伐雖 窮 亂 不 論 今《 雪之, 理 미 習見 習見 孟 於 大 非 湮 衆 持

程、朱書,深感厚意。末復深悔少年工夫,去秋辱書,念及小兒學問,教以多讀

徒

謂

多

可

味

既皆 夫子之言, 書 朱之書, 謂 一爲 愧 知 聞 屈 ? ,曾子、子貢皆與 語 若 巾 一貫之言,曾子又告以 程、朱之書,雖 親 之 豈皆聞道者耶? 聞 朝 解 道 也 私 方夫子呼參之時,門 殊 · 而 飲之食之 者 道 幸 聞 炙夫子之盛 聞 及 未 已家弦户 一、心知 今日 之也。 夕死 道 况拾 安。 則 無之而 矣。 不 之義 趨 謂 力行 可 程、朱之牙後 人 而 向 然 孔 **、誦,豈皆聞道者耶?** 兄 非道 猶 之 則可; 聞之,子貢 自 德,又習 於道 子時 踐 自有 莫 正 不 顔 履 豈 不 也 知 宋 敦 得 雨之化,一貫 飲 曾 惟 謂 所 人 况 無 中 篤 附 聞 七 皆 以 食 以 間 者 而 ·葉以 可謂 不 朝 外 其 十子之賢, 貫 之 在, 多 自 世 平 一貫之理, 飲 聞 鮮 教 讀 稱 是道,凡 然 指 不 來, 夕 不 聞 、程、朱 合道 惟 死 宜 食 能 未 道 而 蓋 皆 之 之 者 無 共 口 知 非 所 而

門

聞

旨

論

無

義

而

耶

倡道 盛; 梁過 能著 病。 能 有 司 知 况前輩 然當 其 馬、范、富 且. 共 其 兄無 獨 間 察 行 味 頤 共 是 乎 平 遽易朝 兄 M 則有茂 習 時 1 尚 弟 口、韓、 而 伊 云 程 吃 猶 聞 行 JII 阚 吕 叔 飯 不 子 夕死之言 矣 嘗云「他 著察 况 諸 從 陶 同 而 大君子之爲 喉 淑 志 在今日 不 况 裹 則 多 著 過 也 有 賢 人 不 習 張、 吃 行 談 可 語 矣 飯 不 邵, 扶 爲 習 何 從 亦 而 又 有 極 脊 而 不

茫 所學 取 不 所 舍程 至其 能 乎 於程、朱 云「姑舍是」,「乃 未睹 大朱 所 至,私 小 則 兒 讀 而 無 其 頑 書 、陸、王之書也 論 他 心 涯 惰 往 向 則 孔 岸。 無 往 自幼習 成, 孟 要只是讀 之, 所 而 不 雖 願 家 實不 足 於 四 則學 庭 程、 抑 書 言志 遑 死 副 五 孔 有 朱、陸、 書 經 知 £ 所 則 耳。 註 己 愛 耳 又 一之望 憎 Ŧ 若 孟 不 雖 能 去 子 亦

言 所 也。 不過 就 官 弟 諸 恨 言,蓋已多矣。 怒詈之言,有借題罵人之意 作《困勉齋 直 翼兒之類,不一而足。 知弟《大學辨》之非 丽 事 前 明 他 朱、 何 謂 ,發於至 不 不直 可 就 論 明 書, 而 陸 意 濟于本論,而 理,絶 以 往 兄 白 木 當 微 竊 言 曲 ∭ 往含糊繳繞,旁見 白 一誠,弟、 勉言困 記 H 以 傷 事 説 傷 不 辨學,不 》,亦及「知行合一」之説矣, 傷 於 條 ,皆不 于 回 兄試 敢 薄 懟 「, 亦 薄者 析至 心知之,亦心感之。 勉 旁溢 也。 失厚,非 何 ,則必 耳。 已明 直 自一一憶之,此弟之 救 道 免 也。 弟竊以吾兄之言 一字。 捷 若弟 于不 有 兄 矣。 解 有 學者可 溢 則 朋 如 其 ·於同 側 所 詞 肖弟哉 紆 兄之爲 大發其感憤 友之道 兄 如弟爲 狂 出 以 又 迴 之愛弟 學, 惑 以 非之者 往 汎 如 理 濫之 託 乃 往 此 裒 則 奪 仲 寓 等 不 誨 口 每 必 憂 願

兄毋復蹈之也。

同! 言。 子屢 亦不 者開 考夫者。 之不挾賢長 若必以恭 盡 耶 既 在 以以 耳。 ,以卒久要之義,至懇至 而 若真 德焉, 瀆 思 美、仲木,皆已死, 龍 待世 左手 所懼 之, 三人之心,尚 無 山 凡 益,盍姑已之」。● 諸子,皆以「張先生 順 相 于 俗 有毒,右手 日 ,則又非 暗默, 有 知 數 體 或 不 所 疏 可 故 可。 雖 見, 者, 無 也。 而 品 幸 吾 割 猶 不 忍 日 區之愚所深 異 各 獨 知 同 之,爲 以 + 就 能 同 我 門 無 圃 待 非 往 之言, 相 隱 與 弟 不言,言 數 意 吾良 深 復 通 割 諱 考 始 不 相 者不怨, 夫、 惑 山 况 何 在 悉 望 知 加 友 其 復 害 意 者 其 於 後 哉 圃 甸 淛 説 回 吾 他 謂 不 于 華 而 西

<sup>● 「</sup>盍」上,原衍「曷」字,據惜本刪。

### 答張考夫書

亦 無 而 晤言累日,深愧鈍拙 朗之氣,十倍於弟,及時進學, 自然之候, 曷足怪 論 未 ,至今抱 行 弟 能 别後即 立,踰 虚 受 仁 歉 月 患 兄 而 風 衰病 乎 與季 後復,是以 氣 1 未 殊 相 能 吾兄道養甚腴,清 心兄 尋, 不堪,坐卧 效 日 一得於仁兄, 不克踐 之教,惶懼 何快如之? 新月異,此 皆苦 廿三

嬰兒,嚴 愛弟之誠,明于 迪下愚之意,時或 之時,澄心定氣,反覆 惟 自 恐其 奉手 師 流於異學,陷於非人,此意 之 / 牘歸, 訓 皎 童 隕 日 每 穉 (涕,不 殷 晨 莊 鞭 起 誦 殷 其 櫛 能 然 以 傲辟 沐, 如 已 深 慈 己。 閑 惟 開 母 暇 所 其 之 吾 至 以 無 告 兄 迷 啓 事

> 未有 爾 知感 哉 焉 且 于左右 亦猶兄之愛弟,同 我 列 篤 于 知 於 不 也  $\sim$ 易 心, 動 惟 痛者,真 也。 數, **>** 吾黨之愛弟 理有 仁慈省察。 日 圃 弟雖不 未安,誼 非丈夫矣。 反 中 門一體,敢稍留形骸? 豚 - 孚,豚 魚之不 肖,猶 寧 難終默,故復疏 復 魚吉。」言至 有 ·若乎 戴 然弟之愛兄 過 髮含齒, 于仁 ! 有 誠 兄 論 不 之 靦

亦謂 也。 朋 常交友,一 而 吾輩之所宜云也。 友之義 善道之,不 若 平常交友不能受盡言者 來教有「不 過 非 固 時有小過失,失止在 止 當 ·可則 盡 一人之身, 可則止,以全交」之語, 規 止, 子貢問友,子曰「忠告 亦 不 蓋 如 宜 汎 求 煩 論 M 之聚斂,獲 數、故云 一人之身, 友 云耳。 道 宜 尋 非

■ 「丈」,原脱,依惜本補

初先生別集卷十六

言相 也,雖 失,雖 得、一 非弟 勤 罪 於 與 亦 固 復 也 則 之失、一 公言之而已矣。 (吾兄: 兄 非 求 一,亦無不可 常 ,所争者是 下 止 斯 與兄 折 交 今 賢 良 愚 之 民 時之得 颺 鳴 哉 Ħ 可 士 不肖之流 誨 義 相 鼓 時 拜 則 之事。 君 忧 也。 兩人之私 乎 與 之 口 미 告 子之行。 哉 例 也。 失 非 也。 也。 也。 以 其 弟 者 也 真 鳴 兄之 復 理之未易明 言之而 怙惡不悛,長 乎 引 言之而 其 况 非一人之得、一時之得 僞 言也。 鼓 何 ! 嫌 事 非 道 也 辨 ㎡ 不 所 避 理 義 一人之失、一時之 之 攻 距 顧 今弟之所 疑 之易 得,非止一人之 失, 此千秋之事 深 勿 天下之公言也 慮 狂 豈 交, 而 言 明 者 畏 亦 得 7明者, 勿措 傲 禍 非 尤 亦猶 雖 復 不一自 飾 懼 辨 數 止一人 不 引 非 Ĕ 謗 者 弟 十往 雖 官 不 弟 學 而 以 口

> 之難 得者 學》所 天下, 説 悖 親 説夢。」《大學》俱是説 然,曾兄之明達 者,格致 自誠 者 止 Ι. 上夫,弟 悟 弟 欺 善善 知 何 意 亦就《大學》首章之旨 謂《大學》言知 如 而 旨 之效也。 而 止之效 此,不 是 不 而 往 效 自知 以 下, 正 非 而尚未 驗 惡 也。 亦 行之事 也 心、脩身、 也。 《大學》只説 其 痛哉 誠、正、脩、齊、治、 虚 不 夢,而 察 語 循 誕 乎? 言 耶 <u>云</u> 覽 耳 行 齊家、 定、静、安、慮: 而 書 兄信之,習心 「癡 此 云。 與 義 效驗,並 即 聖 人前 旨 正 首 治 學 兄 爲 國 節 趣 絶 不 日 明、 平 平 不 大 相 可

格 蒲 只 而 在 專 所 格物, ,始參究得出 謂 據《大學》之意,只 節文義,並 格 致之 安得 功 圃 格 尚 來 不 致 須 也 人 亦 禪 重 禪 是 知 和 雖 效 悟 止 子 多究 驗, 乎 數 知 百 得 非 止 輩 出 按 功 之 老 功, 夫。 終 坐

故行 著實 訛 致 格 求,此 之者 之理」,陽明子 年 爲 亦 元 則 復 先生日 於 不能 得 紛 致 胸 矣,曾有定論 不了公案。 姑 之説 正 皆 紜。 義乎?」夫不 矣,於《大學》之説終落落難合; 種 義外之説 而 然兩 種 心 不 「格知誠 Œ 並 益 雖 據三説 反諸其 」者,疑 心 信 湯 先生之言 一詳《大學辨》,此 偏 日二 也 自 而 否 意之爲 也 則 則 从亦非 程、朱 心, 無 乎? 格 反諸 格 ,陽明子辨之審 孟子 歸,卻與《大學》脗合, 蕺 其 則 致皆偏,必 ,於學者實下手工 甚繆之説 本。 不正 Ш 弟 其 至今日 日 朱子 、陽明之言,差有 心, 向 以 「長者義乎,長 不復 j 所云「心 諸子之説 而 歸 惟 Ŧi. 不 窮 也 於 瀆 可 矣。 Œ 百 事物之 致 不若 先 有 其 事 IF. 諸 若 夫 益 格 則 劉 物 餘

容 自 小 嗟 乎 亦 胡 君子之道, 容自大? 焉 惟 可 其 重 當 誣! 而 已 古 苟 不

> 學》以 者。」 察耶? 務實 旦上 當於理, 以爲人者,則 下學 人未有外 則敬 達 圃 而惟悦於名目之夸大,此 來 雖 工 E 脩一言,宜子路之見少矣。 學者之深病也,兄何久 身、 大,只 達 小,大也 د د آ 未有外 心、意、 亦何 在下 3 其 八條 學」。 知、家、國、天下 小大之可言乎? 未 當, 目 而兄之言 而 雖 亦表章《 可以 大, 未 小 爲 脯 日 也。 之 大 故 學 口

· 而 其 物 宜 免 理,意不妄發,心無私 亦 物各 施施 支 不 必 無愆尤,由 得謂 謂之聖人之徒矣。 離 兄曰:「今有人於此,事 諸 妨 姑 得 國 其 之聖人 不暇 而 所 是 君 ; 施 深 臣 其 之 於家而 上下 論。 得謂之聖人之徒 徒 邪,視聽 乎?! 以定, 即 非 父子 不 果 事 中 忻 如 施 兄 言 物 間 然願之, 此 諸 弟 動 物 語 天 夫 俱 能 意 乎 雖 下 中 明 婦 弟 未 禮 其 而 以

者,可 所 説,必 學本。 夫非 吾 占 得 論 矣。」此 而 所言,宜十分親 蓋 之盛,且《大 奚夸大爲 云云 吾 吾兄之設 爲 見 欲 不 至如曾子, 得 有 可 不 求 每 謂 何 日 得 以 者。 IE 此 而 其 况 與 其 非 虚 一今日 ! 即 恢 加 見 愈 實 菲 其 門弟子耳 曾子 而 詞 (學))既 見之矣,得 7,不 而 顔、 之矣,得 下也,亦非 不然,以 薄 耳 爲 大之 格 則 乎? 冉 切,當時 ·荷 氏 非 盈 致 時 向 雖 爲 循 所 也 之學謂 所 約 之甚 實 提 見 死 夫 其 孔 傳 亦明 ௱ 謂 事 見 君子 而 愐 其餘 子 卑之無甚高 名 子 成就, 忠恕之實學也, 子 也。 親 有恒 爲 也 面 所 則 道化之隆,及 矣。 身、 乃 得《大學》之傳 泰 1 者斯 命之、較程、朱 定 子曰 以既 弟 必有 斷 者 心、意 嗟 故 難 子 則 以 斯 口 乎 日 見 乎 且 如吾 八 有 可 論 : 爲不 條 有 矣。」 聖 不 恒 知 也 門 學 兄 恒 無 足 之 爲 人 而

欺乎?家、國、天下一齊俱到者之誕説也,而又誰

聖,後 合 未許 果 果 益 口 掩 陽 意,有不自知 於王氏之學,正 ៣ 一二,正不敢效時賢之各護門 也 自 誦 其 明 爲 一」之説 信 一,言知 之深, 非 者十之三四 豈 以 之熟 冤 尊意諄 無來哲, 者。 枉 教 爲 人 是,則正 而 耳。 行 故 諄 所 自 來 信之深,則 並 其 深 以弟之妄言累歸 是 目 教云弟于王氏 愧誦 種 而兄之言曰: 進 然 ,於陽明之説 信 者 前 傲 口 其 加 不疑 耶 儕 之未 然 未得 也,不當倡 發 ? 輩皆可 ,自以 現者。 必 者, 熟,信之未 弟 王. 不 于 惟 氏 敢 一言 爲是,前 弟子 之書 未許者十之 户,是 陽 自 嗟乎 象 之毫末 獄 知 知 明 以 Ш 於 行 先 視之之 誦 之 爲 深 王 合 之熟 知 則 行 無 者。 説, 是。 耳。 氏, 全 後 行 往

言具 錮 之説。」・夫 知先行後」矣,此 於私 在 雖 意,不復體察耳 聖人復 既 日 知知 矛 起,能易之乎? 行 盾之説 並 進」, 也。 則 必 今陽 學者 不 明 可 之 日

之學; 也 與 復 之,未嘗遜心抑志而 讀 嘗 是 多見其 如弟子 可 之於先 了、乙亦 ,只是 遜 議 Z 以 有 定 辨,方各是其 心 尊教 耳。 先 宗王氏者亦以此 論 抑 可議 之於 師 人 日 以 乎 弟亦 謂弟 志 也 者 願 先 ! 而 耳。 先 爲 ,子弟之於父兄也,故 某 人者 日 奉之以 主, 善乎象 於雒、閩諸書豈云不 師 甲平 : 宗程、朱者,以 也, 説 兄於王 ጠ 爲 心 子弟之於父兄 奉之以爲 操 爲 主 Щ 甲 也。 我 規 議程、朱之學。 而 之答晦 則 見 矩 氏之書,豈 操 日 平心之説, 以 準 我 願某 規 權 繩 菴 見 此 矩 衡 日: 議王 多 以 乙平 如 ·讀,只 也 準 云 見 弟 權 繩 氏 豈 故 其 甲 衡 不 子

> 本旨。 能 旨 然。 行 弟 難 極 故陽明之言曰 過,所謂致良知, 良 而 也。 知 讀 敝 於 真 ,然後可謂之知 明白,不若 切 之 言 伊 是豈徒浮辭之相取哉 人 語,即 至於此 學書 良 董 説,至今日 川 則 蘿 知 石 未 信之,於陽 圃 伊 據 知而 乎? 山 日 隨 Ш 事 . 之以 謂 傷 只是能 ,此「知 已不 論 知 虎之説,萬 所 理 不行,只是未知。」此 淚者, 謂 明則 可 可 必 改過。」此 行合一」之説 良 方 也 有 實 。」。斯 知, 物 疑 致 惟 田 之,好惡之 無 其 只 於 然 絶 言 叮 良 陽 是 陽 非 也 當矣。 疑者 明 明 知 能 陽 也 之 於 知 明 致

陽 大學》 明 子 良 致 知 沾 猶言良 知 沾 之 以 説 致 心, 而 良 爲之詞 知 致 良 爲 言 知 耳 者 猶 言 亦 陽 盡 明 是 心。 牽 於 而

● 「倡」,惜本作「創」。

治耶! 當 者 世 劫 屑; 痛 痛 能 也 厭 小 心,言良心之言,行良 之,至仁 之盗 然 知 力 爲 也 世之人 孰 蹴 致 閒 揜 行 故 與 無 爾 之,以 其 之學 雖 ,見孺子 不 居 之心 雖唐、虞至今存 不善 與之,行道之人勿受。 皆 極惡之小人,其心未嘗 善 爲 義 之不 放 不 分,其流 必爲善 也 之 而著其善, 善 失 入井,必有怵 心。 可 其 無 誠 爲, 良 mi 所 心 使 必至 呼 必 心, 但 不 之行, 斯 此 爾 不 可 至 雖 人 故 於此, 則 也。 爲 與 心 惕惻隱之心 皆 發 見 之, 天 小 不善耳 知 雖殺 心 此 君子 下 不 蓋 人 之, 乞 此 之 知 良 論 存 贵 大 善 乎 以 而 良 而 復 心 乏 行 不 人 後 之 救 可 不 心 後 須

其 知 行 音 合一。 大聲 陽 明 子不 而 若不 疾 翅 呼, 察 如 其 今 痌 療 心 日 之 而 説 在 循 致 身,不 其 良 迹 知 暇 誠 明 若 審 H 有 説 擇

> 之議 之學。 之居 其罪 號 者 古 過 孟 繩 可 無無 非非 於 聖 墨 罪 以 攝 疏 痛 後 者。 儒 真 其 衰哭 執中 學 孔 舜、禹之受禪 之 切, 中 者 何 所 嗚 也。 子之作《春 遂 者 和 辭 泣 以 呼 爲 平 詆 無 乎 以 議 庸 其 真 ? 氣 免 圃 不中 庸 是 是 象, 爲 ? 不 之 豈 猖 非, 以 ·, 而 湯 秋 情 是 論 况 狂 常 獨 何 \*, 甚 大 陽 武 不 陽 恣 理 以 矣 異 抵 荀 知 明 之 肆, 求 明 象 斑 皆 律 己之 子 興 子 之, 山 爲 衣 子 以 平 師 而 舞 所 莫 世 怒 伊伊 將 陽 1 已 笑 儒 執 呼 謂 不 明 者 之 周 中 中 勝 叫 雖

皇畫 之談 越 時 則 征 則 一卦,而· 笑于其兄之旁, 則 誅, 斯 天 下 談 民 必 笑,於其 中古之聖不 無 欲 也, 噍 行 在 類 堯、舜 兄則 唐、 矣。 則 虞 之 至 能 涕 則 親 揖 無 彎 泣 揖 等 讓 憂 弓 若 遜 行 患 於 而 復 路 之 桀 在 射 矣。 效 約約 殷、 也 越 於 之 考 義 周 人

意,近 已不 之《詩 力。 若。 之世。 朱 古本《大學》,則去程、朱之改本不能以 呼 謗 所 弟是以謂 不 得 B 之譽,有高 獨行之士,至比之禽獸; 亦亦 門 能, 已 乎 困 免 也 何其 至如告子、許行、白圭之徒,並 人問 倍陸、王 是未易一二爲俗儒道 所 見 • 發 故時易則言隨之異 雅》, 閹 미 得 不 五. 無渾厚含容之意哉 揚 况學絶道衰 然 其 世之行,而 痛 爲 良 百 蹈 媚世, 故。 E 也 也。 矣。 年來,學者大抵皆爲《大 知 厲之意: 始之音絶不復見於 , 親 良 日: 而 弟辨《大學 以 切, 知 爲 兄前後 喪,如象山、陽 孟子闢之皆 吾 謂 始 楊朱、墨 和 仲子之廉 何耳 平, 矣。 成 鄉 也。 手 來 非 ×, 自 書 狂 猶 翟 獨 陽 蓋 既 在 謂 者。」 帶 陽 不 明 有 擅 世 其尊信 異 幽 孟 之 明 所 當 鄉 明 遺 所 不 寸。 學》 子, 之 平 嗚 所 愿 被 餘 時 蚓 稱 不

也

服

獄 王 氏,冤痛 何 如

也

矩繩 並 耶? 也。 説誣之,是使後之學者絕口不敢言 「以嫌疑殺人」而 罪陸、王,竟是莫須 朱書中亦有之、豈獨陸、王凡論人,須使心 繩之無失。」誠哉是言 一大匠用之而 乃 無直指 豈亦 墨之異,而 吾兄又云:「信心之有弊,不如 不當附 乃一道着「心」字,便 理 所謂「 心體之説 哉 和 成,拙 雷 運 所 已哉 弟觀 同 用 以 有之獄,豈 用 之妙,存 匠 若其 象 以 用之而 規 相 山 第 矩繩 以 毁 近似者 規 陽明 西 詆 矩 止 乎 敗, 墨 來 如 淮 集 一者之 C, 雖 直 則 以 規 教 心 繩 中 心 指 所 西 矩 非 故 亦 之 異 來 學 者 準 云 規 在

然是 當世,滕更之愚,不宜有挾,故孟子直 孟子 即 兑 過督 責 (滕更 弟 之言也。 以 挾 長 挾 賢, 敢 孟子之道,高 不 知 以示 罪 於 1

失,亦 果 兄之挾,又有 之意,以 吾兄之賢 孟 以 有 曲 甚 尹 孟 不 孰 弟之妄 只 得,亦 自信 子乎 子 雒 奉 據 直 得 之 屑 學何當 非 孔、 以 日 之教耳 立 而 閩 未 見。 議 得 言 先 規 滕 書 始 孟 泛 未 (或猶 之! 過, 也。 覺 言當 説 更 矩 爲 始 爲 不 弟 廢 自 處弟, 即 在賢長之上者乎 ,方員之至 規 規 者。 知 不 今不 遜 準 至 吾 任 於情 願 以 程 知 矩 矩 愚 繩,要以孔、 孟 又烏 二,孟 有 勉旃,毋自 陸、 準 亦 淮 、朱之得 陋 肖弟之愚即 而 子, ",何 挾 豈 子 繩, 繩 以 無 王 知兄之學不 漬弟, 乃遽 之以 敢 一之失; 而 施 也; 知,然所 孟子自居,意者 安 云 己。 不可! 得 也。 以 獨 師 聖人,人倫 孟 退 庸 ,! 無 此 故 得 道 知 悔 過 繩 何 全 而 言皆樸 申 之見, ·, 斯 程 知 諸 自 雖然, 滕 傷 兄心 己 蔽 吾 明 任, 朱 陸、 更, 儒 進 兄 道 平 不 之 此 吾 只 之 王 要 則 幸 又 H 於 實 伊 而

> 之言 道 明 以 辨《大學》乎? 不 血 至 教 求 知 也, 陳 兄所 1 稍異 勝 詞 道 與吾兄之所 ,全憑古 並前 必 於諸 即 無,亦弟之所不敢出 來 書 儒者, 書 宜其累 及《 人成 所 爲 性 云「苟 且 説 規 解 疏 不 以 矩  $\approx$ 而莫之省 合求 勝 爲 《禪障 似 疑 論 少異 勝,小人之 忌,况弟 斷 : 》俱往 也。 也。 即 矣。 鵠 先 非 之 學 瀝 生

# 附與陳乾初書

張履祥考夫

就 任 厚 後 雖 三十嘗生男子三人,俱 惟 弟 德 顛之木,方有萌 何 ,莫不爲 弟於孤 接 兄子一人,十 敢不 讀 手 喜,然憂懼 危之日 教 喜, 稔 鄉 蘖, 知 九 里 幸 闔 此 親 加 不 方 舉 門 舊 미 長 殤 深 康 憂 育。 耳。 子,凡 亦 福 弟 也 莫不然。 <u>-</u> 先 喜 今正 人之 愚 知 慰 兄 至 交 如 無

吾人生於學絶

道

晦

之日

目

前

朋

友

耳 以 甚 弟 忝 幼 覆 失先人,是以 墜 所 每 生。 見 厥 1 世 世 之遲 然先人舉愚兄弟,未踰三十 ,貽笑於人。 此可懼也 暮 無 得子者, 所 教 訓 弟 ,冥行多 多至 年 力 失 如 過

豈

有

望

乎

返楊園 讀 詘 之中,卧多於坐。 伏 仲木家室遷 居」之教,將以 時令之感 丙 以 ,仁兄知之必詳 耳 書,氣色 申筆 來,書册不能 往 裒仲 時 記》 但不 恒 也。 如 兑 苦暑氣作 人 何? 學 能 帙,讀之,真吾輩畏友也。 凉 澉 近 秋稍 問 無 ,便閒幸以示 念仁 城, 親 自知根 想其 費 百 不審安否? 茸 酬 \_ 病,今年 里之隔,聲 兄 番 益 應 故居,率妻 疇 本之衰,非 極 進 經營,爲 昔「兄 春 厭 尤甚 慰。 倦,一 ·仲寄 問 二子 力 弟 字 來 愈 特 斷 仍 日 同

> 受。 當此 誠心 祗 真 此道之所以益 名,又欲不失安富 乎未之有 )則 有 如 然而 篤 **嚮此**,而 朝聞 惟 朱 信 子 有 當 氣 所言「既 夕死之志者,要無幾 而 在 也 拘 敬 又不 事 物 晦, 求, 物 蔽,隨感而有,於道 能 則 而學 尊榮之實」耳。 在 欲不 無 精 朋 ·之往 學 心 失賢 友 術 而 則 往 同 察 人君 虚 人, 理 異之辨, Mi 己 絶 子之 至於 大 在 以 也 茫 古 率 聽

知。 者,非見善明,用 然於心。 受變於俗, 勢利聲色,不爲 天下靡然向風 道廢千載,士大夫溺 此習俗之移人,甚可畏 弟向 讀《 竊以爲今之靡然向 則於學者未足道也」,爲 龜 莫 流 Ш 心 知以 俗 剛,往 先 詭 於異端之習久矣, 生集》,見其 爲 譎 往受變 非。 之行, 也。 . 風 上 者, 以 若 志 而 所言 之憬 夫 於道 爲 不 外 不

五八九

進規 則以 者 此 不足 與一 隱微之際,果能 氏之學乎! 即「養生送死」一論於世 百 書,讀之熟 可弟子視之之意,有不自知 是,前 意不能 志 固 外 之友 仁兄前後筆劄出 以回兄之聽,疑 人之私 「挾賢挾長」之語,亦非 非可 勢利 無 咸 不露 聲 以口舌急卒争也 而 往聖,後無來 謂 也。 且 色,不爲流 信之深,故 於筆端 有 未論受其變移 \_\_\_\_ 平日 之,故 其 推勘得過乎? 以 (有是 竊 俗詭譎之行 盡 · 喆, 目 教 效 商之同志之友, 蓋兄 言 種 極 責善之義, 加 弟一日之見 其 傲 何如 爲 而 不 於 前 然 然 不諱 ·敢信 有 王 儕 ൬ 補 輩 自 氏 發 前 即 也。 皆 之 見 所 所 以 而

嘗 以 先 遜 心 人者爲 仁兄於洛、閩之書,豈云 抑 氣 主 而 奉之 前 操 以 我 爲 見 規 以 矩 權 進 不 讀 衡之, 繩 只 如 未

> 規矩 皆有 於彼 指 是 蓋 《論》、《孟》等書, 見其 非 如 此 向 子之於先 非 規 人 人之所能 心 摘,肆其妄議者,何况洛、閩 則當决所去從,不宜昧昧 以爲 勢重 心 心 ,自有公論。 之 矩準繩之無 可 思,既 可 不 議 能 信 方圓,立準 ,則於此 師 耳 也,子 無蔽, 蓋 哉 非 護 1 夫 人之所 失也。 天下 其短。 豈 操 益 弟之於父兄 以 蔽 無 我 繩 輕。 爲 則 無 後世,皆有 以爲平直。 見 信 能 所 四 在吾 忌 是以古之人 見皆 而 心 阳 家之學,得 憚 耳。 讀 之 私 人自 之徒 遺書 所 有 偏 書, 也 耳目, 敝 好, 獨 哉 即 偏 從 故 文 亦 失 不 無 多 則 如 而

真如 教。 矣。 今日 但 淫 大著《性 其 聲 禪 障 美 色以 之爲 不 解 》、《禪障》二篇,極 端 遠 禍 烈 之, 未 矣! 知 可 謂 所 仁兄於此 卓 論 平平 何 者? 不 望示 感

事乎? 孔 至末 可 非 約 也。 論 嫌疑殺人矣。 身、齊家、治國、平天下, 格物者也。● 知 未 孔 以 、曾親筆之書,則固然已,謂《大學》爲 而 不及行也。 ,禪之言知,説頓 今之儒名而禪實者,言致 簡 有 爲人者,則未有能外八條 氏之道、曾氏之學,則 斷之,兩 前書謂《大學》爲禪之權輿,以 外身、心、意、知、天下、國、家 ,何一章之不及行乎? 仁兄歸罪於此,正 《大學》之書具在 言而 弟始 且 自 已。 誠 終不爲煩言以 说漸, 意 謂《大學》爲 而 何一 總不 如如 往 必 E, 不可。 折 而非 目 知 自自 獄者 致 即 而不 而 亂 行 知 篇 其 以 口 聽, 以 非 以 之 及 者 首 而 蓋 脩 知

> 乎? 聖人 夫婦 中禮 之天下而物物能 其理,意不妄發,心無私 口 爲學者。 以 似宜 附託乎? 之徒乎? mi 而尚 無 今且有人於此,事 施諸 您尤,由是 何俟深言也? 國 其 使各得其所,其得謂 圃 不 施於家 君 得謂 臣上下以定, 邪,視 之聖 而又何 事 而父子兄 聽 物物 人之 言 ]禪之 能 動 徒 之 施 弟 俱 明

儒論 以 異乎古之人,則已自蹈不知妄作之病, 解 餘緼,學者但彙經書之言性者,參以 默 丽 識 説而驗之身心以及天地萬物,則 同乎古之人,則可以 至於《性 其 (所以 解》,古之聖賢,發 然者,又何必更爲之解? 不作,若將求 明 已 有 先 無

- ₽ 「及」,惜本作「言」。
- ② 「俟」、惜本作「待」。

言傳, 之説。 弟嘗 有千. 有之, 屹 所 極,至於天地易位,生民 守之説。 體 陷 而 也,而世之學者好爲達 也,知行並 用本一原 此言與身俱朽,則亦已矣。 泛說 之説。 爲 止 助 於 瀾 百 息。 惑 深疾夫近代之好爲異 何足 窮鄉 君子 何 ]]] 世 之障 以是人心壞 也,而  $\equiv$ 有 知行本二也,故言 誣 也? 當知言君 末學, 有萬 進可 教 志 民 反 本 之罪 斯道 經 年。」 也,而 闹 倡 無知之子爲其 丽 尚 一門也,二 爲有體 者 不可 已 子之鄙 將 學 ¬, 不 古人有言 倡爲「 矣, 權 憑 塗炭 不 而 能 術 臆 通 無 權 、論者。 知先 使其 慎 倡 棄 奮 惕 害, 變,經 知行 用, 前 亦 爲 誅 也 筆 厲 E 横 只 行後 有 惑亂 身 未 責 合一」 一,推 脩 是 流 教 用 如 誠 哉 死 知 波 其 所 足 經 可 無 體 者 而 使 前

之論 夫心 知所 堅。 言勸 紛紛 嘗與仁兄極論。 Щ 揆之大道 也,度兄之勢不可以 自悔之,無俟多其論 止」之義,以全交耳,仁兄 仁兄之意,方謂天下非之 道 二百里人士耳 世之人也。吾人株守一 者 理 不 移步换形,以 何常之有 夫朋友之論 寖息矣,而 弟者,亦有 ,争之甚力。 仁兄《大學辨》 要當信之於心、未可 恤 而 然 無 能 詖 以 仁兄信之猶 今倏 乎? 考之古 然 **寝息者** 弟 人心不同 兄日 不 始出之時 復挽,故引 難 以爲學問 言 已不 忽 仁兄 也。 新之功, 責 非誠 四 人 勿謂 而 能 弟 隅,所交不 五 故雖 耐 全憑古 平 者 深,執之 無 不 年 有如其 昔 不 遂 降 之 相 顧 相 來 悖 能 不 有 不 有 圃 服 事 知 異同。 朋 乎? 云 異 於 久 推 弟 以 論 可 如 面 過 當 百 則 彌 辨 倒 472 友 未 登 難

氏符 非 莊周 也? 熾。 即 惟 之烈哉 也 斗折衡之效也。學術之際,何 儒 田 文弊之言。浸淫至秦,李斯用事,廢 求」之訓,處士不敢横議 陸 理 土 斯 ,開阡陌,罷封 也。 ,舉聖人之迹一掃而 合之。此説 氏之説, 「聖人不死,大盗不止」,或亦激 理,天下古今一也。 推其流極,弒父與君而 使當時學者循 吾心信得過自己 陸氏之説,而王氏祖述之。 西來 建,置郡縣,焚詩書, 倡 直指心體之說,而 循 師 焉 無 ,何至流 心自用之學 慎 無 推其本末, 有不是處 無不忍。 守 遺,是亦 好 미 毒若 古 不 也。 是 慎 剖 坑 井 大 於 亦 何 敏 陸 心

如開 IE 宜 美、仲木俱已凋 弟辱與仁兄 互 爲 切 磋 以以 有同 求一日之當於道 謝 學之誼 ,吾等未及泉壤 ,又念舊 友

> 不盡 行式 録而藏之,十有四載,出以視予。 自顧惕然。 世,乾初與予,不意今兹尚存。 苟合,亦非所 賤 人之道也。 詩》 或爲玉之所資。 維恭且長 縷縷。 者至多,惟此 日 他 息未已,如何不念「朝聞」耶 元注: Щ ,其亦知父之心乎! 弟雖不肖, 以 之石,可以 求 此丁酉劄 未愜 勝。 兄之他 衰病日深,業不 也。 亦 苟 於意,不敢尚 攻 其鑑予所感而 知所克治矣。 合求勝,皆 事,弟 庚戌冬日 越二年而裒仲去 玉」,言石 心 顔 儀 加 勉之 氏子 益 之 司 而

### 答惲仲升書

返,書留靈巖,想遂達記室耶? 弟之狂略報三月十七日賜書之意,而大辛中道遽七月中,許大辛北訪之便,弟附一書,

●「陸」下,原衍、志」字,依文義删。

五九三

瞽 然,未免異 不 弟自辨《大學》以來,凡 自 父兄之教子弟, 卒辨之,惟仁慈財 是也 獲 戻 好好 條答,無所 前 同,又終違直道 勝 賢, 也,豈 荷 無過 Ę 察 於隱二 兄賜 敢然哉 此 同人之惠教 者。 而 教 事人之旨,故 長兄之教 若 拳 拳 既 猶 切 强 而 者, (),弟 思之, 切 辨 敢 默 靡 則 雖

守、 强 也。 所引 節 危言得,而《大學》侈言 之。」知及之得,非 曰: 聖 合。 口 知終始」爲説, 「知及之,仁不 環 至仁守、莊 據以護《大學》者, 莊 大學》之違 反 夫子反 猶 覆 未 足 只歸 覆 全特 涖 經訓 言 , 動 重 即 則又 能 知 禮 知止之得 0 守之,雖 而《大學》三、四、五 及 知 得,此其所以 ,與《大學》尤 不 獨 可 之不足恃,並 ,與聖訓 ·言者不 能 稱「知及」章 無言者。 得之, 乎? 一, 正 大 必 相 夫 不 子 悖 失 刺 可 子 及 兄

> 學 言 借 儒 並 謬。 矣。 聖 然 行 的 耶 上 效驗,不言工夫,工 誠 條 也; 故 先巧而 ? 即 以 耶 生活,故曰 明、新、止善皆指成效言。 、正、脩、 形容 1 知 理 蓋《大學》言知不 日 謗 稱 如 猶上定、静、安、慮、得,是知 先 雖 之聖,那 「聖知始終」,姑就樂之條 善 不 乎 後 巧 大 有 射 可 ? 齊、 力 始 成之聖耳。 後 禪也。 言 何得 也。 惟 治 終,只是一氣, 力 先 分得 平是 猶 中 孟 遂 夫惟 惟 老、 可, 子》、《 先 而 以 其 言行 後,讀 推 後 聖 其實 莊 巧 豈 在 言 至 力 己 格 可 中 知 格 也 是禪宗,况 俱 無 《大學》只言 知 致,竟是 日 庸 末 始終」爲《 間 致 語 到 即 先 節 》明善、 則 聖之 之效,非 理 止之效, 是 可 中 中 文 並 定 截,故 而言。 益 浦 後 至 未 知 案 誠 大 百 至 見 漢 圍 口

<sup>● 「</sup>經訓」,原互乙,據惜本乙正

身等 事 也。 與《大學》之誠 知」之旨,而 語 日 是陽明 誠 與 身,便  $\wedge$ 非 大 非 有先後 意 學 E 知 诇 一合内  $\forall$ 格 不 别 也 可 致 謂 加 誠 行 徹 明 正 始 形 善 非 終 即 似 行 加 誠 而 不 爲言 身 可 實 謂 中 非

鄉 不 弟已 語,未 正相 也。 《大學辨》非 子「性通 至云「人生 爲言,何 是 是,《性 不 止矣。 性 闢之爲禪,孟 反。 弟欲求性 弟年來 可盡 一,此 嘗説 極於無」,程子「才説性 兄既 撥」, 解》是,則《大學辨》亦未必 而 惑 何 筆 静 到 則《 語 世 許 于實,宋儒求性 札 何 以 人 誣 也 性 弟之言性矣, 上不 也? 生 子 辨 ? 民,充塞性 解 道 而 論 \*\ 容説 不直求之無 静 性 《記》「人生而 雖 、氣情 善,舉 以 多 ,才説 上去? 學, 理 便不 而 于 才 四 只 辨 虚 性 又 .端 無 何 一貫。 -是」等 一其言 》亦 ,便已 日 之心 若 盡 程 静」, 有 子 此 之 張 非 未

> 之有哉 之甚 釋 《易》,亦 引一二段求 言,要豈 係,故不得不言,不敢不言, 援之以護張、 者 一曾説 安 只言 弟總不敢侈辨,據尊教 口 Æ, 程 訓 到 其 耶 人 無 何 餘悉以 ? 生而 也? 思 爲 寂 静以 耳。 類之,皆 直是聖學 然 丽 不 上乎? 未 動 何 發 氣 所 涣 對 絶 魄 自 及,節 然 兄 功 已 續 是 冰 能 攸 X 發 贊

言也 骨。 道。 待 行,顧 正弟所 爲言,守先 知 驅 行」之 後 除,所望僇 弟誠多言矣,然弟 至以言行爲 其言 死 學者扶 深 之 責, 别 痛 誠 待後,崇正 者。 名。 何 綱 力 無 如 訓,最爲 植 尊 知之故言之,言 同 過 耳。 紀, 教 於 心 及 共 黜 之 此 反 方今聖路 切實。 所言 此,直是 邪, 躬 闢 吾 實 詖 則 輩 踐 即 淫 「言行 亦 不 榛 行 而 ,偕之大 刺 以 則 蕪, 也, 不 言 心 以 即 急 爲 非 刻 行

官 不 m 農不 生,無若諤 圃 優 諤 游 而 待 死 盡 何 異 朽 木 ! 誠 默

乎? 死。 似 神 以 冒 可見。然弟 之立,而反立異乎? 出,奉之者爲正學,倍之者 耶,不自異於流俗,而 勝古往今來百千萬億公是非之口。立異 惡名。好勝耶, 者,其志其事 何 之公心紛議之於後。 靈 今之所爲程、朱,人人自以爲 赫 即 凡弟之所言,指之者豈直 爲 凡 立異乎? 臨 弟 末 也? 之於 論,上則 所言,皆犯死道,然爲之而 猶汲汲皇皇,閔不知畏者,將 誠誠 語云:「千人所 前 則弟必不能以 求名 可哀 ; 下亦 儼 三者無 耶 有先聖賢、先 自異於大賢,至愚不 游。 代 弟 則弟自此將 寧 有 爲 求名乎? 辨 不 一于心,昭然 異端,顧 指, 千人 黑 一人之私 知 愧 白、 孔、孟 師 無 懼 圃 友之 病 大受 别 不 好 不 己。 正 勝 疑 而 復 悔 而

害仁」,將或有必不可奪者在也。自信若是,抑聞之,「志士仁人,無求生以

之篤 之言,誠 死 病委困,草泐 罪 則 恃同堂之愛,不覺直言至此, 非 至長兄愛弟之切,憂弟之深, 固 得已,勿以 已 不恭,伏惟矜恕 銘 之肺 腑 狂 愎 死 且 遽 不朽。 斷 死 兹 誨 罪 者 肺 弟

#### (學辨: 後乙未

心,非人也。」而楊、墨之辨,性 亦 絶 久而未解,寧習俗之錮深歟 續 不至 無大 嗟乎 如 關 此 其力矣。孟子曰:「無是非之 係,書雖僞,確必不 使《大學》經傳於聖教之晦 善之争,至 敢争,争之 明

人人 過 排 聞之:無心謂之過,有心謂之惡。况夫詆 人厚愛,遺書勸止,不能但已,遂多言論。 而 而 前賢,飾非 仁同惡。 忘千 確 然後其仁可 得誅之例。 猶 僕自去歲六月,始作《大學辨》,辱 秋之道 怙 終如彼者,不敢顧一人之身名, 將下愚不移之性 拒 術 ·諫,惡將比之弑父與君,在 知。」 也。 無 慮智愚, 加 《記》有之:「與仁 確 不 惟然 咸知其不可 獨與人殊,亦 也, 且 與 同 同

> 不 幸之罪 猶 未 足棄 於 君 子 者 平

友人亦稍稍 諸君 是再三之瀆 今年三月, 子。 其 集,確復不量,次而 即 而 桐 終莫我告也,則 賜之斧鉞 鄉 張 考 夫至 無 所 龍 録 確且 逃 之,以 Ш 罪。 慚 龍 死 若 徧 山

質

曰

無 地矣。

五九七

恐所

爲上者

非

L

也

 $\wedge$ 

大學

**>** 

亦

懸

空

説

至善,又

懸

空説

个止

至

善。

聽

其言甚

好,

深體之,則

祇

是

虚誕之詞。

大概只是要知

## 乾 初先生别集卷十七

海 寧陳

確著

兩兄

吐

棄

釋教

後,當徐

出

奉

Ī

也

弟

生

平

止

耳,與

釋氏之惟求了

悟

同

一偏

蔽。

俟

答蕭 山來 成夫書順治十 一年甲午,公年五十一 歲

自天 爲恨。 死 成 大者。 而 謂 往 從 降 吾二人何以 圃 捧 令表弟 由 山 此 陰 讀一 寤 諸 君 寐 周 過, 得 子 懃 子 此 懃 游 既 和 於成 喜 一,以 兄 無 때 所 未 不 夫,成 欲 持寄 得 知 舞, 蕭 書,0 夫 識 又 山 迺 慚 成 有 復 欲 夫 忽 來

0 「令」,借本作「今」。 不

·精微

而

弟

正

惡其精微。

聖人只下學而

上

達,而

釋

氏

則

專言

E

達。

離

下以爲上,

禪教,又

何

以

知《大學》之非乎?

釋

教

非

教,且不悟《大學》之非,兄與

際

叔

方

篤

信

于《

大學》者,爲其近禪

也。

程、

朱

深

闢

禪

承索《大學辨》,極

一欲請

教。

但

弟

所

惡

與

陸

魔京書

大

學

辨

四

附 録

及

此

惟

勿罪。

深

戒

同

人勿妄攻釋,

弦

因

論《大學辨》

文復

于

學道

全

無

得

詳

味

兄

貧

第

困

辱

使

至

爲

蠢

Ė

有

「耕

漁

陶

販

非

舜事

也

而往爲之,以

救敗也。」由此言之,吾

知 天 壤 間 有陳、吴二子乎?

儕小人。」凡二十七字。

得

高

堂

飽

便

欣

然

:「觀」。

吾兄

之才,

視

而

無

遺

殁後之悔

平

聖

道

坦

坦

不不

肖

與

爲

才

門 學 朽 載 既 雖 滴 來 之年,始嘗致 與 仲 非 成 而 愛茶,何至乃 惠 天壤乎? 猶 則 學 其 就 木居古小學十日,汲塔泉飲之,入雲 泉 某老矣,無 汲乳 自 好, 蕺 或 \_\_\_ 以 船 未 山 受享 泉,並 東漢、西晉,亦姑舍是。 事, 可 力于詩文,略睹堂奥; 事 量。 能 `踰 事 以爲 如 爲矣。 極甘美,未嘗帶惠 歸 尊 分,跼躬 承 之切實,心專 兄所 美談,益增惶懼。 稱信陽、北 惟 闡 仲 而 更 木方 無 以 容。 地 力併 當 爲 今棄 至訛 諸 泉 仲 壯 可 將 木 某 傳 不 其 盛

笨乞兒,原本此句 ,皆分内 書,似 過矣,過矣 力。 事 稍 吾輩 涉憤 正 既 須 激。 Ħ 恬  $\frac{1}{Z}$ 爲 然受之。 此 世 '仲尼日 所 心 未 棄 鎔 即 則 能 信 輩 學人支離 復族 論 雕 以 厚 梓之,以 輒 愧 大學》,還《 但 0 幸,何 葬諸 蟲 成 陽 所 進迂言,未審其有當萬 患 信 蔑 嗤 葬以救 小 「有羞」 未 由是 如耳。 陽 書,并《大學 技 論其 告吾黨 得 附 未 以 慚, 爲 面 有 就 戴 吾 會 他。 識 推,則吾輩今日不患不 更無 愚 意者還欲吾兄進求其大,于 一、紛 之 記 兄度外之士,必另具眼 時 所 以 不 志  $\approx$ 凝 以本作 紜 博 俟將 肖 耻;

憤

激耳

特同

門之愛

日

用

飲

食

種

種

負

非

聖經

辨》一篇,

欲

來。

欲

黜

地

師

以

息

宋

以

來五

白

餘

年

争辨之端

脯

頗

爲

時

愚

狂惑之俗;

欲

黜

0 能 惜本作「道

否也。

弟近

有

六〇〇

弟 尤 猝 便 寄 兀 年 欲 未 處 口 得 皆 幸 急 前 刷 領教 以 有 者,略見大意,想劉伯 . 兄 奉 以奉寄故 之,幸先 益 以 正 耳。 此 恨 索 也。 其《 篇 事 章繁雜,未能 熟思之, 葬論》一篇,已 觀。 因 繩 他 板 、徐徽之兄 在 日 畢 晤 桐 刻刻 録 時 于 以

棹,定 茫茫, 吾 顧 徐以 ,皆非天下難 仲 覓 相 木處 俟之矣。 便 見 相 無 當敬致吾兄拳拳之意 訪, 日。 事 臨 或兄 或弟 椷 志壹 惟 解 有 輩 動 館 馳 復 氣 之暇, 戀 有 自 古 古爲言 翩 小 學 帶水 然 之 賜

## 再與來成夫書甲午

寄 滯 竟未 附 月 奉 得 復 初 達。 旬 此 自 獲 時 爾 拜 弟 以 兄 適 來,夢寐之中,未 Œ 小 月 出 廿 · 書 四 爲 H 小 書 兒 嘗 隨 所

> 久之。 得 貴 爲 館 敢 不 詢 忘 人之可 確言,吾成 我 轉爲吾成夫賀 知 詩 成 道 夫。 能 憐 履 窮 夫貧益 更 清 仲夏 人, 有 勝, 固 甚 也 三 十 極 甚, 於 有 慰 貧 之 遇益 日 馳 且 乎 觸 系 賤 1 熱 不 者 堪,爲 然 而 造 以 今 子 子 是 日 慨 和 和 富 不 微 兄 然

濟 李 杜 生 無 明 確 衰 元 領 即即 南 北 舉, 猶 詩 ,至元而稍起,至我 獨 袖,想所深察。 竊 以爲 雖 海 不失爲狂 詩學至今日,不可言矣。 瑯 恐未 不成詩; 刺之無 有 工,卻是假 琊之靡然者 不然。 云 然。 刺 狷,明詩竟是鄉 學我者拙 爲文酷類韓、柳 弟嘗妄言,謂 宋詩 便 唐 圃 爾居之不 乎 詩。 論 明 雖 者 1 拙 뻾 譬之聖學,則宋、 毎謂 似 弟 復還唐 卻 我 非 疑, 爲 成夫 即即 愿 是真宋詩; 詩 者 知詩 詩 學 謂 耳。 死 酷 人之舊 不 。一而 至 爲 唐 者, 成 類 非之 宋 風 李 文。 以 况 而 雅

前教所及,輒復放言至此,敢以質之大雅。

周 那 不 謂 尹 之同志者也 陳 文一事,而千古推好學者,無 得 知 樂堯、舜之道,便 伐 言之襲,此 公之師文王, 顔子之學舜, 何曾摹儗 乃 不 夏 則 放 爾 正是精一執中之學,使堯、舜 由 是而 桐,於唐、虞揖 學者 僕 推,學者之于道 所以 不求之吾身吾心, 爾神似 痛 心摧肝, 讓 之風 , 俗學驚之,則 過 何 頭、周。 掃 而欲 地 獨不然。 復 無 丽 生, 餘 舜 披 伊 惟

學 所 則 然學者率畏舉其 學,其得者嘗十九,而 古 ? 失者,滋 聖學之不明,必 《大學》首章,支離虚誕,真是誣 其所得者,反厭 經程、朱表 喜其玄遠之可矜。 所 章,便衆奉 得 由 爲平淡 ,而樂奉 於此。 失者 而 亦或有十 爲程式, 蓋宋儒之言 其所失。 無味 如定、静 使千 聖之 而 其 何

> 教之? 懼。 道 曷足怪哉 者必欲强爲之解。 安、慮、格、致、誠、正之文,本 理家之學宋,正無異詩家之學唐,吾是 朱之求故也。 於争,迄何 了即其人而已矣; 學,如其心而已矣。」今 孟子之不動心,首在知言。 由定? 蓋不求之吾身吾心 大哉山陰先生之教 强爲之解 或竄于禪 無 而 或 兄其 不 理 流 會 得 而 曰:「夫 于支, 惟 何 丽 以 學

何 慈 者 頗失之狂,兹又 炤 之 快 子和兄 如 前 之! 不 云成兄 能 側 自 甚 身 止 后焉, 東 有意 望, 遂 撫 于七八月 併 無 心 封 知 時 己己。 悔。 寄 上, 間 然 過 統 于 前 我 賢 書 惟

#### 六〇二

## 寄劉伯繩書甲午

之 不 何 居 私 言 讀 忽爾 望 教 此 衰 詢 生 眊 及 學 弟 氣 問 近 睿 功 之 力 頓 成 慚 愧 得 難 益 欲 矣。 濟 死 其 長 懶 H 恨 惰 月

溪 作 作 弟 婚 木 欲 ,去弟居 前 武 塘 俟 涿 所寄書亦 去 附 秋 , 須 考夫兄書至 近 仲 聞 之,竟 百 木 考夫 里。 月 欲 未 圃 踰 得 遣 兄 仲 歸 年 達,良爲 并 木 稍 未 達 介 以 此 已 達 故 通 月二十 康 而 問問 並 悵 考 復 所 未 于 然 夫 以 得 左 然 H 竟 然者, 奉 右 遠 外 病 書 方 在 弟 不 就 并 鏞 能 仲 即

弟 而 懶 而 極 考夫、仲 皆 善 略 無 病 木 長 往 進 兩 往 兄 皆 致 精 是 委 進 頓 師 之功 了, 弟 門 恨 雖 皆 事 衰 + 無 倍 祝 病 仲 干

> 率,此 皆 自 聰 鋭 彝 明 各 意 先 平 叔 英壯, 古 1 生 姪 奉 殊 學, 與 先 可 並 絶 仁 生《 喜。 良 得 非 足 兄 不 人譜 弟衰鈍 近 試 廣 嗣 适 于 勵 已 開 龍 之 之比 詳 省 兄, 山 厚 改 前 集 入之學。 德 爲 庶 書 同 也, 羣 中 幾 志 弟 有 敢 一 二 十 姪 仲 此 成 忘 屬 之 彝 表 所 則 皆 尤

端 端 《大學非 之《 難 葬 宜 啻 復 是 : + 窺 論》者。 爲 戴 處 九。 弟 亟 也 記 則 近 聖 故 然 ×, 則 痛 蓋 雖 胸 猶 經 每 而 謂 吾 葬 恨 中 于 辨 + 喋 惑 葬 兄 師 有 是 大 **\*** 之七,駭《 喋 師 人 驟 之 固 、學》必 有 之説 篇 向 心 聞 誣 執 論 同 而 易 此 之 族 謂 人言 非 以 言 貽 見 見 大學 葬 世 聖 爲 未 必 而 諸 之。 周 禍 經 俗 能 且訝 《大學》 辨》者 書, 不不 禮 者,莫此 失 脱 教  $\approx$ 而 且. 其 若 族 化 駭《 衰 之蔽 更 欲 仍 葬 者 族 之 無 著

蔽 所 狂 m 必必 斷 爲 謂《大學》經 正之, 不同 夢 囈, 時士之因 庶它日 然 傳 猶 望 細 相 吾 加 循 見,可 兄 尋 成 繹 説 破 耳 以 以 俗 大啓弟 求 士之見, 吾 心 之是 將

俗 茫 妄 仲 採 收 乎 抄 亦 以 親 ? 然 輯 擇 甚 比 有 示 送 集 木 富 考夫 人。 有 彙 録 意 先 去春 諸 補 即 真 語 意 先 送。 生 中 曾 書 遺 口 任 歸 兄 語 所謂 生之 原本 多 見 集 謂 録 删 家 未 録 \_\_\_ 先 此 之 **>**′ < 潤 下 録《年 學 陸 閲 敢 或在 生 書, 未 擇 愚 先 兄 故 會 年 語 其 備 但 不 亦 者, 寄 語 也 譜》 仲木,或 尚 譜 浮 説之最 移。 0 無 **%** 可 以  $\approx$ 其 氣 之事, 在  $\sim$ 乎? 煩 秋間 冰 仲 手 年 抄録 未 兄 過 中 譜 木 抄 脩 在 除 其 慮。 而 吾 之 曾 録 乎 弟 想 耳 何 亦 録 弟 膏肓 ? 有 後, , ^ 所 處 絶 易 以 成 開 絶 亦 樂 尚 兄 此 教 竊 不 以 非 軱 抄 闡 兄 敢 之 欲 奉 手 世 容 欲 復

> 另 自 寫 角 年 之 而 \_\_\_ 已。 中 本 奉 此 他 書 爲 日 私 斷 當 然 書 攜 以 可 成 請 此 去 教 要歸 倘 也 無 于 事 愚 擾 者 之 則

俟之。 覓 出 先寄此 氣 便 兩 如 達之。 月之外。 Ш 溝壑 適西 書。 陰之棹 一未填 臨 冷 仲 書 又 沈 木 雖 則 不 甸 就 未 勝馳戀之至 書 奉 華 婚 能 寄答 教 來 歸 以 定 拜 必 期 來 先 當 另 成 必 生 有 有 于 夫 日 然 兄 遣 古 志 但 當當 小學, 壹 徐 煩 不 以 動

## 與張考夫書

前 徂 此 白 首 種 晤 聞 兄 私 不 韞 且 兄 意 弟 無 有 過 錮 過 日 事 慮 蔽 夕 于 知 者 靡 遷 恐 道 示 間 居 履 屬 少, 清 私 極 天 意 適, 爲 細 倫 神 勘 之 爲 往 樂 即 慰 世 是 何 俗 異 自 歲 如 人, 日 是 哉 事 被 ? 將 根

作 以 况 蒸 株 兄,終不若兄家之親切 十餘年, 昆 义 一書,略盡 之 家有 玉之夙 功 未 不 冬春之間 稱式好者乎 齊, 在 悃欸,欲寄未得間,今附韞兄 他 君 子 只合 責之大舜 也,慚 亦欲稍 反 弟抱遠遷之悔 求 恨 東,就 諸 之身而 何 己 如 近 克 己。 諧 母 向

旨 媛 不 者 者讀得程、朱語 人,然且以道 之季,去先王之教 而 然姝者 明。 裒仲 切都 竊 欲 道之難 俟 不 吾 云: 也 從 來 須理會,斯 兄 日 許 明 吾 則 聖 用 不 7,非獨 輩 欲 或 之 人 明爲 録 幸 之 奉 亦 所 數 未遠,不 逃 道 莊 規 後 今也。 體 + 嘆,况今之時 世 矩 驗, 生之徒所爲致誚 死 條,僉謂 如 網, 之責 準 白 稍 墜之緒 孔 繩 無 日 扶 子 于 有 所 中 道 明 雖 洛 宜 事 己已在 夫 乎 前 猶 生 事 然 <del>,</del>不 ! 聖之 閩 衰 在 意意 者 學 患 周 于 干

> 信者 耶 ? 問、 益 信聖人,曾子反 孔、孟之時聖道 優劣之者,况 大明? 弘 慎 復 同 乎 新 不然,何 安用 思、 心 功,共究大道,幸甚,幸甚 -故 斷 明辯 之! 古 雖 金, 人 欲 不 勞 既 獨 恒 四者之功安置 謂 惟 求 逸 顧 如 不明,程 聖 爲 之善學不 諸己,二子之學必 相 不 此 其 審 人之信, 去之遠也? 其 難,今人 舌 利, 朱 人 可得 所 而 弟 而 何 云 適 雖 惟 後聖道 博學、 所 子夏 有 爲 後 儒 有 其 喙 易 豊 之 能 篤 獨 審 願

勝 爲 此 次 游 之 相 生 見? ,但未 慨 聞 碌 然。 前 碌 月 念之惘然 忽然 知後會之期 廿 頃 與 五 老 組 之役,諸 死, 兄 吾輩 約來春之暇 便 君子亦 羽更望 木 審 皆 一及之。 當 得 不 續此 果 幾

## 與劉伯繩書戊戌

企 全安, 歡 前 朗思在宅, 後 慰 晤 何 景 如 宣 知己一 一、子和 1 知 近 堂,麗 兩 養 兄,並 益 益 睟 可 , 云 知 豈 兄 勝 體 遥 已

弟衰年碌碌

無

善狀。

初春

有

移

家

惶 是禪 者 陽 之役,三四月間,以老母痰疾熾 可 病 患未已, 明子 一<del>,</del> 而 憂。 愧 亦 覺 耳。 處,幸有以教之也 貧 1 俗 , 知行 漸 某自反,素位功夫 不足憂,貧 學 以 日 解 兄之闇 坐愁 此益 相率禪 稍 合 慰目前 信 困 一」之説, 脩,于 之,某則 而 中。 知 無 之非 17,餘無 素位之學,必 兹幸 素位之學者,則大 略 謂 真是砭及膏 難,行之爲 無 可 母 禪 頭 '念者。 體 陽 發,仲氏 緒,惶 明者, 粗 安, 日 難 愧 有 Ē 肓 瘧 仲

茫然 處撈摸 故曰: 性,即 言 夫,即 亦 是 學,無心外之道。 宋 過 性 得 用 性」者,是爲老、佛傳 性」者, 中覓 可 耳。 不 也 而 ,卻全不照管,可謂 支 也。 統功夫。 益 ,可爲大哀。 性 處處 無心外之性,無心外之理,無心外之 孟子之旨。 今學 離 學 ! 著,孔、孟之教至先 是 本 先生尊心之論,正 日 爲 而 决 體 不知 是 宋儒 者言道 淆,學者 裂 荀、告下 盡 那得 謂之慎獨 乎 家 性 ? 分 故即 確當 蓋尊心乃所 庭 功 不 本 衣鉢 日 並 性 日 夫, 吾 註 之道 禅 體、 以爲告子之説 心即性,即學即道 用 則 從 極 脚 可 • 也。 精 是 空 乎 氣質以言性, 也; 也,謂之致良 欲 生而始明,非 輩 處 其 本 中 微 ? 人 只 處 兩 · 摸索, 日 日 體,又欲 以尊性 盡 及 是 者 有 弟 氣 考 皆 本 心 當 杰 所 從 體 質 以 白 其 至 心 面 也 之 有 惓 錯 之 於 知 知 妄 首 日 功 何 何

務,即 惓 於素位之學者, 學者他 日 人 固 道 今日 之 金 貧 針 士 也 救 兄 時 之 以 急 爲

嘿耳。 異,非 兄併駮教之。 又附呈《氣情才辨》並《侮聖言》二篇,●幸 前寄《禪障》、《性 敢然也。 世俗不察,必以弟爲喜 蓋所關係 解 \*, 極大,故未 曾寓目未? 能 新立 嘿 兹

某不 便是 勝 曲 是吾兄素位中最切要事。 豊 耶 加 浮僞 勝禱切 能 涵 輯遺書,教諸子, 納。 行 幸 而 ,俗之所謂 奠兄及紫眉、 能知之,故不 致意。 及一 美, 百 道之 惟 成 辭 切 夫 爲 屢 事少欠切 婚娶禮儀,並 所 道 兩 瀆 兄,並 自 謂 惟 賊 實, 也。 康 者 臨

「氣情才辨」、「情才」二字原倒,據本書乙正

0

## 乾初先生詩集小傳

從曾孫埰孝纂

玄, 明聖學者爲多,詳于邑乘及《家傳》中。 之旨,學者翕然宗之。 與同志循蕺山證人之約,發明《中 革後,遂棄舉子業,閉門 臺先生之門,斂華就實,反己力行。 然不少挫,卒逐去之。後受業于蕺 控各臺。 爲邑諸生,聲名籍甚,傾動 令爲民害,先生誓以一身爲 居海 先 詩集若干卷,天真 生 寧 當事者受賄、恐喝 諱 凰 確, 岡 里。 字 乾 頴 初, 生平著述,大約 曠 悟 事母, 逸,迥 絶 原 一時。 倫 名 百端,先 百姓 過 道 躬耕 出恒谿,古 永, 請 ·庸》素位 目 寧有貪 山 樂道。 1成誦。 命, 字 值 生 劉 一諤 非 發 鼎 奔 念

> 倦 于 詩 坐 哭,則自成爲先生之詩也。 配 ,亦不應試,孫克鬯,太學生,俱別有集。 太白、香 得 陶 榻, 之神韻 垂 Щ 十二年。 近 要之, 體 法 俯 子 杜之謹 仰 翼 淋 書 晚年得 漓 嚴 夜服 丽 風 歌 勤不 出 疾,

六〇七

小引

《擊壤》,平揖白沙。 嗤點前賢也。 偶拈是帙,展 衝口信心,未免瑜不揜瑕耳。 文不足。 處,如野老留賓,盤飱略具,真意有餘,儀 秋空鶴唳,清爽之氣,醒人心目;而率意 二,以存先 先生詩, 蓋緣卷軸無多,又復不 生真 閲一 壬辰六月望日,東隅子記。 原本性靈, 過,竟日而畢。 面 其妙 目。 處,如春澗泉流 空所 愛人以德,非敢 倚 長夏曝書, 傍, 屑持擇, 選什之 遠 追

## 乾初先生詩集卷一

## 海寧陳確著 族玄孫敬璋編校

#### 四 古 詩

# 江水汩汩二章癸未,下同。璋案:是年八月,公

偕祝開美、吴仲木至山陰,至九月望 歸, 見《秋

記》。

#### 江 水汩 汩 写雲山 屼 屼, 仲 秋 而 出 一,學何

以 不惑!

江水瀠迴,雲山 短親; 秋盡 而歸,學何

以不 頹!

## 自吾之出三章

## 自吾之出,浹五旬矣; 自吾之歸,茁二

孫矣。

衆孫濟濟, 母氏色喜; 進此甘旨, 母氏

繁祉。

曾孫縣縣,母氏笑顔; 進此甘旨, 母氏

萬年。

## 丙戌年蠶謡并序

#### 觔 觔 四 觔,縻口糧五十日,去米四 百文。 百文,米每斗八百五十文,油 七百文,樹柴每 桑葉每百觔錢四千文,稻草 計中人八口 百 觔八百文,炭 之家,約 石,魚菜油 養 每 四 每 觔 每 百

醬之 觔 斯。 償 文。 兩直 直百文,中蠶之人,每觔得千文, 二兩,綿三兩。 觔 五 而 不可必,下者又何 制、七制、 六五 兩 養 + 乖 綿 ,然薪米價平, 煮 俛 若桑賤之年, 謬 前此 觔 費 蠶 所出若 百 三兩。 紬 仰 了,何 靈 家 文,中蠶,每 稻 奚 繭柴十 桑葉之貴,亦有賣 每 每 在 可復較 草 賴 觔 彼 觔 其 中 五 1 耐、 收 内 所 等而 蠶 丽 + 觔, 繭 而繭絲俱貴, 蠶 息嘗數倍。 1 兀 出,已不下萬二千 所入若此,十止 收 觔 忍言 + 蠶 事 觔 燈 三觔者。 繭 下之,更 故窶人不支,至 繅 每 之壞,乃 油 入千二百文。 + 一觔 絲 觔 半 觔 繭每 須 樹 銀 得 觔 得 今則 有 柴 可 上 桑 絲 至 絲 觔 以 兩 者 收 絲 炭 葉 Ŧī. 於 每 五 事 相 外 時 怕 白

> 欲不 流 有 矣。 中 死 道 ,得乎 而 廢 官 棄 糧 者 1 私 并 歌 債, + Ħ 俱 責 之 諸 償,付 此, 之 東

望 ! 死亡! 日 之,十未一 雞 十倍償。 有窶人,中道 糧 豚 酒漿。 八口之家,養蠶 吁嗟今年兮蠶 四萬 豈無犒勞,鰦鮝猪腸; 償。 費 買米,六萬買 摧 踰 况其下者,半收 戕。 + ·萬 + 事荒, 官逋 ·筐,繅 百 桑, 兩 民 私 歸 油 絲 胥爲 負 箱 環 豈無禱 燭 以 薪 緜 撫 爾 降。 往 五 膺 兮 市 誰 亦 價 貿 +

## 蒼天七章

死 焦髮裂背 ,不敢云瘁。 鳴 呼 蒼 渴 天 不 天復不念,降 得 農 飲 民 飢 何 罪 不 此 得 大戾。 食 赤 日 関 中 其 田 將

災,富人之祥。天之賞罰,胡此其盲!而凉。囷米如山,而價日益强。農民之高人之子,有高其堂,繡帷冰簟,無風

盡劉。冤乎痛哉!於農民乎何尤! "哪,小大侈縱無時休。上帝赫怒,曰我方,而横戈與矛。匪戈矛之横,惟羣士之时,而横戈與矛。匪戈矛之横,惟羣士之以,。 "嗚呼蒼天,旱豈無繇! 人之無心,忘

人忙。嗚呼蒼天,吾農民之傷! 殼滿倉,而不得以爲糧。豈曰無穫,爲他謂民已康。有絲滿箱,而不得以爲裳,有謂民已康。有絲滿箱,而不得以爲裳,有

愚,而富人之智! 嗟乎痛哉! 非農民之賢二。今年之夏,而又反是。何農民之貿二。今年之夏,而又反是。何農民之

五月不雨,民惟怨咨。我謂之曰:「天

目 我欺矣。 施?」月之虧矣,雨無 咨。我謂之曰:「天之仁慈,其終不 之仁慈,其不爾施?」六月不雨,民 益高,而叫呼無門,如萬里之九閽。 ,弗見弗聞。 莽其黄蕪,殆靡遺矣。 騷騷疾風,纖纖碧雲,天日 時矣,民之哀哀,謂 天有 不 r 耳 爾 怨

不吾貸矣! 嗚呼蒼天,民知罪矣,豈終敢望吾貸矣! 嗚呼蒼天,民知罪矣,豈終矣,此劬苦日餓,孽由自矣。死何悔矣,其敢尤人,用自艾矣。彼慆樂日富,德所致嗚呼蒼天,民知罪矣。不敢怨天,不

六一

京 師 篇 乙未。 元注:京師以喻聖道。徒行

無不足可知,知亦力也。能一日用其力于仁矣乎,我未見力不足者」,則知乞假,且猶至之,則富厚有力者可知矣。子曰「有

行何日矣,嗟無及矣!程聚矣;逝不出户,忽其暮矣。老大徒傷,了了。雖則了了,我行不蚤;四牡具矣,餱

遷 居 詩璋案: 薑畦族父埰孝輯公《編年詩》,

此人戊戌。

己。 二十八年。 萬竿。 越十載,遘 求,兄弟母子,朝斯夕斯,吾願足矣。 流行坎止。 載,則惟其 二三年中,不遑 又越十年,實逼處此。 我徂於東,迴龍之潭,姊氏之居,緑竹 自吾之生,於今五遷。 此亂離。 期。 密邇先 叔氏諸孤,同我於 寧居。 諸孤復留,我則於西。 坐,漸即 鹽海乘桴,梅山寄棲, 卒歸 故里。 於楊,非吾得 真耶,夢 南 肇居 凰 堤, 白首. **聿及五** 耶 何 亦 ?

## 母忌哀詞并序

而申之以詞。祭焉。確病不得與祭,因東望叩首,吾父生辰,距母忌止三日,故合

矣 ! 矣。 不死, 與於祭,黯自泣 忌日矣! 鍾,步若桎矣; 百年之中, 極 竊擬 於乎 何况吾父,殁踰卅矣,悠悠蒼天,恨 九十七矣。 今春,壽筵秩矣; 有子 閏四十矣,雖賒三稔,百之實 吾父不死,年方百矣;吾母 雨 四人,確惟隻矣,老病 矣,生不 雨 揆之古初,宜 風 風, 能 塗路隔 如 養,死 何 可得矣。 不佑,又 矣; 何 不 及 龍

> 昔 我

兮。 天,曷有既兮! 所不至兮。 我弗能治兮,子之事母,不如母之愛子 復恃兮,宜予疾之彌憊兮。 逝兮。雖有子女,不如母之心曲而 雖有醫藥,不如母之言醇且 嗟予罪兮,不可追以 昔我有疾,母常視兮;今我有疾,母 己則不能 ,而又恨吾母之我 駟 一懿兮。 兮! 去秋 母病, 細分; 悠悠 今胡 蒼 棄 無 則 而 口

六一三

#### 六一四

## 乾初先生詩集卷二

海寧陳確著 族玄孫故璋編校

五言古詩

## 同祝子開美游雲棲歸途有述

塢 閑 勝 左。 山 竟 禮 登 徑路絶 君自 游 涉 拜 日 子 空 窮 每 悲 驩 險 王 行 不 罔 西 歸 所。 旅 阻 極 湖 獨 行 我 竭 樓 吾 往 止 躬 爾 船 來 無 雖 無 酧 稱 載 恒 云 恃 歌 同 處 殊 事 舞 怙 志 同 古 循 飽 H 行 子 覽 後 夕 寺 止 勞 自 出 不 亦 H 與 中 林 得 相 空

> 苦。 輿, 矩。 棲 西 禮失求諸夷 兹 湖 久已 游 滿 非 歸 風 偶 雨 塵 然 土 内 身 餘 省 心 愧 詎 猶 頑 無 未 懦 衰 補 亂 齋 雲 異 肅 擁 哉 循

> > 歸

先

## 與祝子若耶道中

起 懷 鮮, 咔 勝, 不 磊 詎 生 涉 我 歡 ? 啜之 奇 層戀 欺 喜 秋 還 笑 絶 戀 折 暮 謂 我 澹 俗 知 殆 兩 道 成 祝 仁 心 固 難 岸 而 機 孤 子: 旨; 樂 之體? 貪 擬 勢, 移 自 舟 頑 山 活 奔流 「人心· 楓 徹 清 逶 水。」 潑 躭 林 底 溪 迤 祝 幽 自 飛 無 賴 萬 本 何 子 亦 成 躍 纖 子 萬 無 山 駛 謂 偏 綺。 呈 埃 善 丈, 裹 欲 1 倚。 妙 胡 解 華 忻 俯 漸 百 理 源 然 嘲 石 折 引 何 仰 厭 高 未 余 聖 偶 能 怡 清 逾 何 佳 情 爾 我 磊 能 人 兩 從 潔

#### 未 云 侈。 何 時 慰 1 启 深 Щ 爾鄰 比 1

#### 告 宗 祠

錢,金 堅, 作 惻 汽 嫌。 弦 謬, 虎, 厭 心, 衍 然。 忠, 地 明 狼 林林殆盈 覆 明 亂 錢 家 籍 神 親 墳 吾宗 44 轍 國難 祖 世 墓 安 親 匪 是 倘 會 了 曷 無 一般相 號盛大,培植 可言 宜 且 日 娅 有 在 殊 佑之,各使 安 所 盡 夕 殲 事 千,禦侮故 前 足憂,家禍 壤 連,舍此更何之? 先,願言相保障 圖 , 猶 白 胡 坤 皇天胡不 亂 良 家 然恣 不 艸 世 疾 法 早 舊 事 三百 無 熬煎。 歲 救 亦可 有餘, 覺 習 播 善 援。 可 悟, 惠 遷 年 捐 術 沿 **憐**。 1 所 及 子 好 所 宗 兩 委 彌 豈 慮 今 亂 策 肉 不 團 姓 盟 移 有 逢 徒 若 多 思 日 樂 均 遺 孝 心 H 輸 H 禦 未 即 宜 數 疑 繁 改 己 固 金 餓

> 勉 暴 亂 旃 愈 使 族 誼 聯 狂 言 聖 所 擇, 慎

0

哉

各

#### 悲 遠 涉

拙 裘 怯。 條 鐵。 店 詰 裂 養, 床 虚 **、豎儒** 坐 虧 1 前 寒野 死 近疏 難 老母 安危各自取, 高岸風 書 恐不 囊被保家 衙 細 得衆心厭, 收 禀 欺 生 詢 患沈 不 、薄劣。 倍 鶉 氣 遑 適時, 兒 如 潍 結。 太 訣 事 疴 刀 歇 折 酸 訖 浩落 壯 雙 孤 冬游 誰 白 天 既怨手 倉 莫言 兒 篷 足 意 黑 悲吾 鍾 吏 悲 霜 自 故 味 復 報 威 遠 兒 似 成 遲 甚 軒 誰 力 無 五 殊 雪。 子; 涉 意 悪 口 竭 别 輊 錢 4 烈 苦 1 曉 寸 殘 尤 韋 生 白 未 家 發 僧 邀 腸 歸 功 罏 鎮 慚 役 若 拜 恣 貸 有 情 差 幾 擁 氣 未 面 母 母 巧 貉 尤 蕭 有 酒 千 本 割 獲

心 切

#### 正 月廿七口 號留葉四 . 日 舅見沈氏本

爲? 康,羣 計 名 志。 聞, 寐。 疏, 睡, 來 信宿豈 推 白 母 舅年六十 如讀古傳記。 璋 願聽甥 吾母去年冬, 老人喜長話 新 一妾尚 起 子 棋 案 頭 正二十後, 枰 黯 下 老 1 敲 淹 艱 東 相 姊 和 一言,言狂 滯 午風 嗣。 樓, 對。 沈 四, 弟 東 各叙 扶母 姊 隅 相 舅 娱 飄 念七午 祌 且 先 病 弟 見 樂 氏 飄 遣 蔬 生 迎舅氏。 幼 幾 共 勿 共 貴 何皇皇 春 邨 元 揚 九 深 時 溘 鷩 飯 及 滄 雨 舟 晚 罪。 事。 評 逝; 疑, 時 餘 恣 歸 觶 日 目 閉 誉 舅 疑 神 天 終 吾 屢 世 恒 此 晴 體 亂 誉 前 起 猶 户 歲 母 聞 昏 首 幸 有 更 止 年 所 在 久 聊 絶 未 亦 清 存 爲 云 闊 夢 往 奚 久 歸 未 倚 空

> 如 話。

婦 病

僕婢 慮乖 致! 制。 乳漿,奉母 劑。 粟,匙藥 貧,烏知反非計 欲 爾屢 况復遭世亂 邈矣 婦病已數年,惜財 札期入山 卧 念之恒 往 往 病 石 山 乏中 皆 動 米費,神 中 ,冗未果。 經 失笑, 此 期 饋 旬, • 類。 藥 何 豈 以 歲久病 顛倒 時 鬼 餌 窶 此 不 價 忽 不 不蚤治。 人計 成老 亂 不由自。 一一倍。 鼓 運 彌深 枻 輸, П 心, 累 1 食 此 惜 家 舉 病 元 書 健 物 足 餵 無 財 深 注 多 奚 兒 婦 生 爲 升 須 時 代 謀 牽 闕 從 多 斗 家 許

六一六

## 日燒一擔柴

貧兒 繹 赤; 來, 來, 習。 對 收 益 事 過 肉,青錢三 0 條 倨 婦 日。 無 漕米 兼此 南 何 人春人事 奚爲不食素,母 日 空言 坐煩 銀 銀 病須參汁, 糧 燒 計 慢 數 如 截 元注: 酒飯米不在 解 策 一百廿; 語 等 相 噴 火 頭 户 擔柴,青錢 1 澁 責。 急, 噴; 多 雜 來, ~ 欲 奚爲不 · 酬 音十。 半 來 卑 徵 上 門 風 兑 甌 往 老妻病 糧 詞 司 應 雨 庭 兑 山此數。 紛 書 直 足 囑 朋 春 及 無 兼置 食生? 未 如 五 不 數 轉 折 銀 瀟 雜 織。 劇。 得。 及 F 百 限 增 色, 賓 瀟 魚 富 3 蝦 翁 摇 槖 婦 老 有 衙 倉 食 日 更有 圖 强 類,千 尚 生 米 首 官 保 中 子 顔 醫 啖 差 不支, 胡 嫌 常 未 晚 到 到 不 H 春 面 家 觔 開 絡 耐 錢 相 不 發 家 例 有

> 磨, 唧 口 復 頭 苦 語 相 病 逼 妻 吾 亦 非 金 石。 金 石 會

消

夢得,邑庠生,順治戊子副榜,眉老公之仲兄。聞君將買妾元注:寄祝夢得。 《祝譜》:錫文字

墜。 字。 樸,習勞寡情思, 遂。 深, 凝, 人,恒收衆所棄。 日常少淘 嬌癡大娘忌; 此言人莫信 莫若田家子 兼之省黄金 聞 君將買妾, 氣 貌 貨 精 毋 其 粗 氣 低 過 理 質 細 IIII. 礪 價 求 任 甚 多 天 無 精 不 粗 淺 怯 賦 虧 貴。 礪 細。 易 厚 弱 傷 怯 所 根 邨 生 精 粗 育 女 弱 以 牢 細 礪 達 見 子 必 鮮 寵 必 罕 聞 孕 嬌 不

# 諸同人赴黄山道士之招分韻璋案" 道士韓

養元,公嘗爲作傳,見文集。

去, 羣芳; 光 諸 慷 香 亂 氣 霓 里 爲 壺 强 公, 望。 動, 阻 一,澆 進 勝 坐客興已 周 斯言 招之 會 飽 連 但 指 淋 我 牕 世 祠 引十 詎 甚 飲 漓 新 示争微茫。 羅 事 韓 良 能 蔑 難 弗 乘 愁 江 道 H 常 有 徧 過 數盞,浩浩追 不 腸。 南 小 盡,主人情彌 悠悠, 土 嘗 以, 至, 傷。 航。 山 春 老 百年 不審盤 爲子再 十五森 歷 深 古廟 人 微 衲 酒 歷 情 茫 太 盞 會幾 清 滿 奚 簡 當 懷 徒 中 成行。 舉 義皇。 長 床。 且 足 易, 抱 遑 高 ·味,但 何, 觴 揚; 争, 寬, 遑, 空, 謂 諸 可 願 遠 惜 山 把 良 言 Ш 君 乍 狂 覺 儒 房 莫 蔬 盞 有 塞 春 浮 盞 帆 ায় 何 傾 雲 容 呈 貧 邨 殊 雜 神 勸 千 莫 慨 百

> 狂。 陳 屬耳 分韻 憂垣 各 賦 墻 詩, 危 言驚 穹 蒼 秘 之 勿

不俗,逸事參差將: 棋枰欺

我醉

翰

墨

趁

我

# **董甥典瑞以翦髮作數日悲簡慰之**《董

譜》:世琮字典瑞,號八公,郡庠生。

敢恃 有 前 事。 迫, 氏 可 本。 失,數 至。 定,得失 悲哉忽捐 捐棄 守身昔稱孝, 完 交並豈 君子 虧 奚足悲? 非 在 棄 爲 憂其大 所 厥 累 1 意 性 ! 儒 珍 品 吾 者 具 勉之 方 重 體 品 良 形 寸 千 勤 雖 事 未 難 古 所 已 倖 志 進 品 心 云 逝,一 全, 修 置 貴。 世 捐 古 時 栗 亂 棄 右見 栗 毛 時 須 相 懼 亦 胡 臾 沈

盗 《編年詩》人丙戌

薄責。 云 乃 殷 被 赤身, 女 叔 瘢痕知之。 以 繁拘, 勿 必 太 勤 所 擇; 柔 自 相 遶 病 寒家愧 直。 付託 困 **觕拳錯亂** 泣 辱, 押搜及纖悉。 本注:令升、仲升兩 左股受 適 撿 但 失物奚足悲, ,忍死争宜力; 偃 徒壁。 點 看 卧, 平生 西 投, 乃 創 鄰 雜 爲 失。 重 兒 流 以 煩 奴 叔各寄 傷膚良可 血 哀 造 瓶女之珥, 九 相 輩 硜硜 滿階 哀 物 鐵 枉 及 尺, 吟 豊 顧 箱,疑皆軟 1 各指 石。 楚 無 情。 宜 暑 本 澤。 意 與, 一篋 注 爾 月 竟 細 妻 孟 愁 無 夜 施 本 視

膚。

以斯益怨吏,殘酷盗

不如

有

劫

所

劫

無

傷

吾

心

劫

有

傷

我

吏

怒

呼

盗

惟

劫

所

來

便

誰

知

集

多

官

衢

前

臨

道

人

9

虞 吾 塘、後迫袁花 1 吏將 吾生實不辰 昨宵盗行劫 生《編年 無。 河。 ,今朝 始 賃 覺 屋 往 臨

許 生 欲 爾 自 越 歸 過 訪 老 病 《州 志 文 苑

傳 許全可字欲爾,令典 孫 ,從陳確學。

盡去。 休,俱是千 不全,身外 生,本注: 蕭 蒼 蕭遠遊子, 顔帶 同張石渠過。 秋業。 靡 海 有 風 子。 初 余病幸不 微 本注: 廿 歸 喘 里 逢 話 余與 訪 盗 庭 老劣。 劫。 死, (欲爾皆 月 書 呶 晚 1被盗 空 呶 衣 從 冠 日 不 衣 石 肯 咄 各 渠 履

注

楊

連城次子,畏盜溺死。

六一九

乾初先生詩集卷

力,乾坤亂未歇。咄,子游不遂意,窮困尚存舌。行矣各努

# 聞蔡上生家亦被盗簡寄一首《編年》

其 矜 弗 起日 頃 慘形色, 世,字夢弼,號鼓 稜稜,倔 二九,凡二十七里。生當亂 士,先後並 七,本注:船人云: 如 高 者七月初,見我夢 予家無儋石, 我 輕 磨 子 爾 四 湼 强 生 窮 雖 體 遭 非 猶 别堅白。 益 濤、邑庠生。 賊 兢 艱 夙 正 自 自角里山至袁花 兢, 豈云動 尺布,五口 昔。 術 勵 蔡子貧 蔡子住角 遯 抗論 嗟予 念昔予三人, 弼 世 離時,半載 云曾 姪、《家譜》: 争遠 聖 復 (更劇) 無 無半粒 所 卧 晤吾子, 里,里 失 識 九,袁花至 難 病, 何當 惟 無消息。 敬 泥 奄 實永子檝 帰 慎 以 哉 蕭 塗 勿 此 奄 兩 餘 一泥橋 貧 蕭 自 朝 汨 媿 無 氣

避亂之武原《浙江通志》:海鹽縣,古武原鄉。

夕惕。

僕夫欣 憊; 生平 視。 邨 勢, 無 蹙蹙天壤間,何從乞片地! 聲,逼户陰 里,三日始得至。 地 蒼茫 飄 本緣 妻孥膽 亂 惑 久病餘微喘, 蕩 離 市 鼓 光 觸 無 避盗 囂 景宛然。 枻 寒氣。 頹 畔 氣弱 幡 岸, 相將 來, 際, 然成 盗賊 四 云 本 兩 中 迢 入市城 口 是 幽 緣 途 遥 夜 此復 契。 命 梅 養 遇 事 不 如寄。 病 成 園 烈 遠 東隅 寐,摇 墟 民 來, 風 避 本作 明 子 物 武武 發風 羣 病 借 船 評 猶 滋 曰 體 屋 盗 宿 艫 原 安 日 莽 六 風 垂 誰 益 投足 泰。 和 熾。 困 躭 家 失 + 雨

## 新 政《編年》。 又見沈氏本。

祗以 善人 明德 爲盗 拔 歸, 東隅子評 繇古聖人,帝 何狹 1 盗 長 俟百年,今者奚所挾 新 必慎罰。 爲 心 1 日 奸 政多矜全,獲盗 盗 彌 人 猾。 透快 己 無 踴 士生此時世,無 躍 後 父亦 七 止 如 菑, 八。 殺 此稱仁慈,不若恣殘虐。 官司 誠 致 爲 盗 云難, 法。 良苦 賊 且 不忍殺,紛 1 爾 天 窮 地 尼父言豈 宥 妄冀 何 寧鮮 約 可 多 容 誰 一感悟 Ţ 仁 驅 紛 脚。 敢 一慈? 乾 良 悉 謔 議 咎 坤 遺 1 盡 翦

## 亥正月二十日雪

冬雪滋秋禾,春雪傷夏麥,冬雪祈不

昔。 迫。 逆。 加,所加此窮赤 至, 云 春 百卉無顔色。 邨醖聊一 羣 羣生甫 雪動 盗日 盈 萌芽, 富厚, 呼, 尺。 1 **隤然披往籍** 造物 讌 惟 四體無完衣, 賞 事 有 遽 娱 庭前 故 春夕。 相厄。 錯 梅, 亂 神 頹 天 摧 天 彩 檐 道 罰 磋 倍 苦 豈 亦 何 足 奔 得 舛 恒

## 朝入城東門

紛 分。 闡 日,穢 志, 後, 品 靦 劍 儒冠黯 乾坤 朝 品 顔 戟 雜 爲 百 何足論。 森 方翻 城 夫長, 所 前 無 東門, 親。 覆 陳 色, 氣 慎勿輕其身。 拙 咄 急 莫 胡 勢 嗟 口 出 馬 歸 何 聊 理 手 城 塞 巍 解 民 東 街 尊 紛。 事, 編 巷, 門, 1 片言 風 鹿 古人 胡 絲 兵 雪 竹 鹿 牕 耻 生 滿 竟 出 降 紛 死 城 終 屏

### 問玄居牡丹

情 麗。 意 杯, 佩 幔, 護 繡 徘 穨然成 主人太殷勤 勿便 春 毬 根 徊待吾 寒十 真素 拓  $\widehat{+}$ 舊 薄 分 日 交, 砌。 開 醉 至, 雨 木筆 對 久 極 經營 花 名 盛 之不 待 花 亦 難 稱 甚 香 久含 解 爲 小 忍 勞 氤 君 繼。 婢。 瘁。 别 心 氲 蕋 Ţ 乍 含 惜 相 寧 開 蕋 開 與 花 有 媚 施 色 如 美 深 春 百 廣 有

## 張石渠山居《編年》

存。 之, 益 世 晴 相 張 事 風 見 子久避 吹 如 誰 Щ 波 能 遠。 翻 世, 驩 嘵 春 青 嘵 月 晴 梅 致 不 仰 不 多言。 出 易 可 門 遘 數 揮 故 多言 陳 杖 交 子 落 遠 無 何 其 足 幾 過

> 蓬根 此? 昏。 童 椰子! 停 有肉亦 品 口 品 驕 爲 如 盈俎 咀 老 孫。 之, 見完。 有有 舌 縱 酒 监 停 遊 亦 開 盃 前 盈 河 莫 後 樽。 源 能 山 飲 貧 長 老 士 日 兩 僕 安 手 歸 謹 得 黄 於

## 硤 晤《編年》

隱者。 七子 徐。 子 而 ,風 野 詩 張 塵 高 卷浩 本注: 乾 覯 論 坤 負 盈 硤 田,二子皆初識 日 清 雅: 把 Щ 擾 鑒 下。 亂 火 伊 落 傳 璜 蹤 落 晴 真 千 跡 檐 画。 交 奇才,卓。 里 疏 遊 飄 歸,查。 聖儀三 白 暝 寡 風 社 殷 年 新 道 勤 史 别, 茗 朝 論 耕 介 向 新 自 陳

0 「三年」、惜本作「三月」。 訂 聖 南湖 儀 」,原誤 之遊 用韻 作 聖月」。 聖 儀 聖 齋 儀 中 姓 又 徐 用 前 確 韻 有《過 徐聖儀

爲記 人寫。 字伊璜,自號東山釣史,崇禎癸酉舉人,授職方主事。 此 清 勝 會 風 良 照區 難 期, 夏。 豈 《州志• 非 天 所 文苑傳》 假 查繼 提 筆 佐

## 爲舊字有贈《編年》

虞 ! 無; 品 龍,於名取確乎 不返,老大良足吁,前此 本,安俗恕爲 山,願子多讀書。 勿皎皎 吾愆賴子蓋,吾美賴子扶; 昔我字非玄, 吾已四十四,子年 前 樞。 察, 1 寧 大道 今子易乾初,其德 命子有 汶 壽 汶 貴闇 周 - 寧我 而愚; 真憒憒,子今其 甲 深 子, 然, 意 逾 で,願言 立 贏 顔 願 子 德 子 歲 縮 月 若 爲 安 敬 深 致 品 去 虚 潛 可 爲

《家傳》:之闇字始升,號容菴,拔貢生,以子元龍三見拒,且以管鮑爲言,故以命篇。 《編年》。

貴,累贈光禄大夫,文淵閣大學士兼禮部尚書

莊 財, 駑 口。 미 銘骨,又乃脱堂阜。 下, 缶。 醜 毋 惟叔知我貧,所輸固 ,殷勤負故人,何以 管子真貪愚,鮑 尤非 乃古 仲之偶,匏落東 未 有。 羞 不能 叔 慚 並 一弗受。 仰青昊, 何 以 海隅,秋 不 君 厚 朽 王 ! 不賈 1 狂 霸 風 矧 種 歌 嗷 子 圖 而 種 托 分 至 足 良

後

뱥

悼 年 詩 山十 六月十八日作。 亡 七、三月三 詩 璋 案 日 年 碩 編年》人己丑 譜 人王氏 ₩: 順 卒, 治 七 年 誤 年 五 庚 + 寅 0 先 是 生

辛 何 得 所 織 更 事 聞 火 織 拙 2安,不 愚 爲 嫁 苦 作 遨 常 暗 蠶 娶 遊 織 1 1 生 無卒 不 中 織 婦 爲 思 ·若 終 長 纖 凄 聲 得 不 贵 竈 我 者 悉 風 日 歲 閒 死 唧 得 不 下婦, 謀 觕 君 嘯 須 五. 重 斷 卿。 休 聞 臾, + 未 晚 昏 儔 好 ? 侣 中 嫁 知 煙 恒 兒 無 雖 曾 , 女 以 五 + 異 吞 幼 安 則 不 逸 夜 + 身 羈 者 聲 知 爲 獲 五 稼 繼 莫 床 焉 尚 + 君 與 向 竈 mi 怨 日, 啼 年 日 妻 囚 孩 誰 下 可 不 促, 娱 抱 婦 語 分 獵 貧 織 終 况 丽 怨 家 晝 生 俛 婦 有 夫 朝 復 中 百 促 總 豈 曾 無 夜 仰 夫 事 夫 勤 君 歲 神 年 燈 壻 不

吾婦 劬 病中語 君 嫁 乎 作 也。 口 貧 我 追 士 而誌之,以 捨 婦 辛苦 安能 當慟哭。 付 辭 後 苦 人。 辛 爲 我 本 注 語

## 九日《編年》

不朽。 病,吾 有 疏 守。 至 高言 庚 子女恒逸去 吾病 + 能 寅 驚 四 歲 如 豈 是 歲 病 重 無 叟。 否 九 罪 ? 静 勸 繁 其 母 細 子 慰 憂 來 以 不 心若母 傷 亦 悉 手 老 萬 止 已 荷。 之, 一偶 端 母 : 心, 舉 朝 他 肅 白 孝 年 11 夕 頭 氣 名 母 若 復 默 衝 亦 觕 無 伺 雨

## 病 起《編年

子房本善病,辟穀非得已,世俗無眼

六二五

果然。 儋 孔 繆 石, 云「學 不食 所 恨 良 病 不 亦 忽 死 便, Ē \_\_ 多食 紛 吾 紛 病 嗜 遂多誉, 亦 欲牽。 不 食 始 貧 彌 知 家 月 猶 病 無

## 有客《編年》

是

仙

駒隙。 暮 昔。 席。 候,使我心意惻。 此 1,衰 容顔大 病時 欲别不忍别, 有客叩 穨 髮 苗 羸 欲 甫 我床, 瘠。 胎 白。 , 病 時物 送 惘 不 行 起 子 語 惘 矣 禾 亦 田 深 昧 各 盡 隨 悼 上 世 自 碩 .....借 陌 事 0 愛, 種 冷 久 謂 蕭 日 種 風 坐 我 條 月 話 異 變 胡 歲 真 節 疇 將 爲 前

#### 詩成

用 ? 猴 遣 小 動。 安 新咏,超超蔑沈、宋。 酒 元元 猴 知 ),元本作:「神氣久乃疲。」心 誦 功力非 自此 聲 蕭 本作 祗 年 元注: 條 口 覆 來 「未審作何語 遂 秋 清, 欲 甕 不重, 惺然,目 夜長,不 翼兒壬申 焚 Ī 大 筆, 猴書 吾 香 0 邇 意 生,禾兒甲 昏 耳 寐 法 詩成 無乃 日 薄 即 雨 縱。 良 這渺 姑 文 清 偃 可 即是夢。 大 辭, 弄,驕 旭 謂 洞 痛 猴 難 申 生, 足 寫 控 彫 瘡 如 殷 常以 張 蟲 矜 寫 疥 何 勤 因 吾 何 託 出 之 呼 聊 忽 軍 之。 所 寄 知 足 轉 醇

哭許 官 字元忠 遁 元 歸 忠 隱 給 居翠 崇禎癸 諫 薄 編 Ш 未 年 進 不  $\pm$ 與 人世 任 州 仙 志 通 遊 問 令。 隱 逸 鼎 傳 革 時 許 令

旨 含 橋 耳 樓 趾 復 始 乃 蘭 寡 殮 渝 芷 昧 緘 迢 君 兩家 落落 ";杜 寧不負 日 舊 詩 骸 迢 猶 夕 病 德 門 時 無 望 燦 廿 歡 映 吾 數 H 絶 誦 我 他 餘 如 燈 相 + 不 淪 知 |蒸履; 高 爾。 綺 Ш 里 呼 火 年, 知 喪, 己 誼 砥 邨 熒 年 詩 君 淡 頃 薄 一管鮑 於我愚 熒 居 來 若 成 君 君 俗 死 嗟 松 隔 稱 膾 歸 交 詎 秋 君 安 焉 檜 密 人 我 翠 滿 澗 所 依 不 足 兄弟 裹。 邇 俗 薄 揣 口 水 天 得 恃 比 下 意 風 酒 尊 吾 道 獨 宦 媳 無 别 酒 寄 臭 况 雨 理 時 不 游 斷 埶 擦 味 予 香 有 間 移 由 扳 值 視 音 泥 吾 Ш 往 终 道 踰 實

> 生,哀 已畢 起 杞。 明 載 閶 衰 士 否 念 强 匍 人命 毁 勉 艱 此 學 牢 匐 何 無 之 大 落 哭 窮 非 第已 還 近 遺 故 失 百 金 人情 舊 禮 而子。 史, 石 山 積 治 子 安 聖學 壯 雨 大 家 亦 得 心 爲 辛 日 患 長 戒 凋 吾 志 嗃 沈 不 自 髪 止 嗃 弘 疴 是 死 监 遠 夙 1 遂 憂 兩 懷 爾 嘐 時 君 月 夜 主 嘐 隔 或 未 死 念 若 千 幺 能 所 事 過

守 塘 113 亦 洄 稱 塘 洄 塘 與 張 在 州 方 東 宜 北 對 七 里。 弈 編 年 州 志 韓

客, 支, 塘 巵 連 勝 開 切 豎 H 負 書 切 儒 不 同 不 喜 迫 得 能 圍 歲 歸 醉 觀 碁 暮 何 磕 泥 盡 昏 心 睡 我 室 雨 争 相 作 苦 淹 雄 與 晚 寒 晨 催 雌 課 飢 夕 白 張 何 忽 局 H 子 忽 當 酒 聊 亦 惰 泪 E 此 百 四 洄

#### 獨 立《編年》入辛

歡

相爲力此畝,寒楹資微

酣

屬

萌

氓

敢勿

虔

吾老

不

知

貧

親

賓

無

與

1

閒

聖祖

厲

酒

禁,

哲

王

戒

原

蠶

微

意

各

有

爲。 規。 子, 前 論 乙 賢 安可 「性命必 白日恣游嬉 付託何能 與 獨 孟老學尼聖,韓子崇三師 高者訾貪夫,逐臭無已時。 移 愚,碌碌 立天壤間, 有屬 1 世世 欺 金 誰 石 1 1 論安可隨 妍 未足堅, 俛 志士惜分陰,克己 富貴我不欲 蚩 仰不自 各 典 怡 語 有 大 萬 空文 ,元本此下 貧 鳥 古 化 賤 知 解 心 真 雲泉 生 非 月 良 吾 浮 苟 有

#### 種 秫 《編年

高 清 種 謳 秫 起 墻 遥 南 原 田 鋤 膚 骨 桑 贵 屋 後 不 瘁, 園 恒 赤 恐 日 過 中 優 天

其

言 頑劣, 湓 饞。 頹 芋,桑下植 溢 垣 Ť 早田 油雲沛時雨 種秫墻 書 溽 暑 史 一尤紛 亦瀰漫, 葵萱, 稀 南 過 田 繁。 從,朋 非 天澤 鋤 百物 能 塊然誰 桑 儔 盡 屋 誠 欣 阻 後 地 何 向 遠 與娱 力, 園 偏 築 山 鄙 秫 聊 浩 稚 以 邊 水 夫 歌 復 子 田 慰 樹 自 出 奚 固 清 茄

#### 大 道《編年》

大道本公坦,學者事 旁趨 贵 或 日

乾 初先生詩 集卷

六二八

圖 死 夫 智 時 畫 莫 自 愚 卓 肯 爾 詡 智 哉 智 誰 棄 不 吾 老 犁 能 耕 農 寧 鉏 穫 品 愚 ? 語 勤 四 如 敬 動 民 彼 拜 良 各 商 此 可 有業, 與 良 吁 賈 謨 老 安 எ 農 自 能 亞 44 終 笑 餓 謝 改 Ħ. 田

米 至元注"八月十四日。

書 滯 耀 途。 輸 粟 貧,往往致 婦 若 美 杼 赫怒責 兒子 不 今年七八 明 夙 前 軸 一昔 後 殊; 珠 常 ,坐小 適 昧 ; 僕 釜 空 韻 相 最 生 夫 庾: 接, 叟 虚 樓, 月 後 事 惠 荷 若宫中 英子 子 如 檐 垂 白 П 近 瞽 隙當 女 老 粲 腹 叔 之 遺 嗷 尤 真 韻 取 黄 林 無 累 近 邨 疏 弦 諸 思。 粱, 疏 迁 相 Щ 墟 人 贵 查英來。 倀 徒 甔 董 故 往 奚 昭 乎 石 年 云 以 伙 逸 念 車 遠 即 小 更 詬 詩 濡 載 光 我 闇 1/2 金 喪

> 僕 學 人 踟 舒 愉 臣 傳》。 傳》 (子,彼 `, 米 蹰 我 夏 查 咄 乃 至 何 繼甲 | | | | 此 哉 翁 先 德 誰 世 毒 轉 字 瞭 可 之蠧 賢 英 顰 其 如 來, 堪 愚 蹙 膚 任 急下 萬 隆 傫 申 安令。 緬 飽 然 竈 之 懷 報 卧 絶 此 以 天 乃 蘧 秋 腐 長 壤 翁 董 蘧 煙 儒 吁 昭 間 天天 逸 顔 見《 州 搔 况 蚩 地 色 領 志 首 乃 慘 蚩 何 弦 冤 皆 以 不 慰 名 老

## 過老友張石渠壬辰

之,若 美,七 始 交,花前 河 春 歲 清 决 風 當 能言《易 見二子。 江 吹 미 河 小 俟,笑 水。 · 棹 薄 天 朗 盡 粵 才 然 暮 杯 画 不 中 硤 玉 出 蟻 虚 映 Ш 新 生 人, 趾 旨 喪 其 終 物 亂 仲 外 夜 今 訪 华 尤 方 粹 叩 貧

#### 道 近 柯 橋 有述

殷,淋 宜 我 道 機 山 久虧,毁辱寧今兹。 已幾宿,匍匐始來斯 辭,旅囊 欺 一,白日 施。 怨 把 官 書 漓 卷 河 兇 夙 本 染 無 無 E !迫漭 暴亦天縱,默 昔 素 光 虚 已 高 荷 匱, 衣。 輝。 時 吟, 泱, 師 搜掠徒爾爲。 倐 前 瞠 人 訓 孟 倫 忽 眼 事 云「必 後 恩與 遭 昧 鮮 失 默若使之, 誼既有闕,譴 攢 民 所 測 生我 自 笞 居, 以 度, 侮 僕 手 齊。 分 迁 重 吾 夫 書 雲 斯 儒 解 體 言 未 責 蔽 無 爲 鱪 墓 誠 豈 聞 矧 中中 良 朱 時 晩

> 懷徐子孝先并序。 E 晫《今世説》: 徐 介字孝

先,浙江仁

和

痕,食寢 輕,奚以 禽獸,安之若重茵。 喪, 聞 ! 《大雅》不復作,禮 然,尹 使尹來之言之終不欺人矣乎 先知余固已信尹來之不吾欺也。 不可得,作《懷徐子》 久矣欲一見之,以 高 弗聞故其宜 廪廪式先 無 責夫人! 文 張 、來亦或言余於孝先,吾又何 壓 子尹來,爲余言孝先之爲人。 違,嚴操 曹 民 魏 ,吾學慚 篤 跣 天壤有徐子,名行 迁士 久 治 孝 教 徵 彌 北 追 久沈淪, 尹來之言,而 疾聲呼, 一篇寄之,使孝 敦。 山 本身,德 姬 坐, 兩 文。 孔、 冠 頃 聾 周 薄 踵 持 俗 衣 既 紛 而 卒 何 以 繼 言 以 雖 瘢 7 而

芬

母

弗

雲。 没 魂 歌 臣 澼 不足,盛名恐非 歸 典 踽 每 西 兄弟 六宇 禮 欲 山 凉 復 從 樂 漁父倘 訪 固 並 之游, 誰 天 湖 云 才 遵 倫 濱 妙 廣 可 真。 百里 言 仙 高 張 閉 蹤 子 門 誰 花 隱 朝 隔 貌 屢 能 窮 源 克舉 何 埃 難 若 爲 更 典 紛 塵。 問問 徐 遘 言 墳 之, 紛 津 子 暮 頃 採 千 使 自 幽 馳 吾 山 薇 載 鶩 棲 封 Ш 绺 稱 而 真 碧 寢 日 陰 功 行

## 生 日《編年》人癸巳

觕 及 以 馳 年 追 迹 邁 歷 ,古帝云「惟微 我 踽 歷 氣 而 獨 踽 呈 力 况 何 陳 日 過 百 氏子, 以 非。 優游 斯 衰。 旁 聖 冥 老死 道 駑 皇 冥 昨 駘 若 無 泣 非 竟 無 路 大 聞 僅 奚 路 息 知 岐 裨 駕, 悟 愚 悠 今是 智 悠 猶 歲 至 理 懼 月 公 Ŧī. 恐 驅 無 H 十 不

仍非。

## 題徐律之園居《編年

亭。 氏 橙 閒 觴 皭 斗 我 野 咏 然 酒 欲從之游 園 無 陶 霜 習 塵 吾 後 未 攖。 情 熟 厭 泂 天 尺 初 好 水 魚 風 冬林 鳥 漣 寒 吹 鳴 且 可 笑 色 相 清 罾。 語 静 嚶, 璆 還 落 于 然 兹 呼 落 出 家 得 遺 池 仲 袁 少

哭 殤《編年》人甲午。元注"六月廿三日作。

爲 持。 孫 ,當恐復 私 白鬚 吾 吾母 心 年 亦 四 五 八十八 繼之。 所 五 + 愉 莖 長 長 神 人 曾 者 夏 志 Ш 孫 無 尺 日 甫 + 有 以 踰 四 餘 事 衰, 枚 旬 博 舉 卧 方 胡 愛 手 起 春 遽 乃 棄 掠 嘗 舉 其 我 其 抱

臧 哀。 性 奚 聞 時變一何奇 南 以慰元本作「娱」。 此 山 心 拔 如 脩 摧。 竹, 1 盡 天 衰蹇無 是 地 慈闡 新 爲 生 我 一本 枝 晦 作 風 何」。 謀 雨 固 爲 足 未 我

#### 良 夜 《編年》。 元 注 中 -元夕作

道

篪。 隨 歸, 侣 末,寥寥遞鳴 頎 ()與 獨 開卷就檐墀。 愛此 風月如有情,山人復何之! 良夜息羣籟, 行出 我 無 風 相 亭 月 嘶 猜, 池。 佳, 形 白 清 松 月 我亦 影 石 風 林 明 胡 坐移時。 果我逐, 如 來遲遲, 流清咏 紛 有 披 1 明 悠 微 肅 Ш 我 然 月 欲 居 風 肅 果我 邀之 無 相 蒼 起 伴 燻 林 而

#### 吾 道

客,什 炊。 策驅 悠者。 離。 孜, 適。 月,莫克相追隨。 不孤」,反己長欹 寒輝,薄言裹餱糧,來此尋 克終,喋喋 夙夜忘 朝夕各有業, 吾道誠云衰 寥寥吾黨士, 吾道若衣飲,昕 伯參 勉 恒忘終食違。 循 其 規 名 同 輩意 吾 疲。 師, 徒。 吁。 屢 良不 飦 優 嗟彼求名子, 獨 結 盟 粥 游 慚 秋 年 夕 社 負居諸。 徒 或 來 各 風 誰 山 南 爾 不 一懷居, 迫 中 幽 掃炎跡, 能 Ш 爲 繼, 叟, 衰病 棲 遺 陲。 吟吟 1 忍死 羣 抱 咄 孤 古稱「德 聚 不 哉 此 咏 秋 常 薪 而 未 窮 有 復 恐 日 好 檐 月 懼 嘗 禪 孜 澄 任 悠 風 餘 弗 下

# 乙未四月翠薄山中呈桐鄉張考夫《許氏宗

少孤, 與兄履禎棄諸生 鄉縣學生,父九芝夢金仁山 此,全可 淮陽公《兩垞記》中稱從弟元忠翠薄山 曰 自 辛酉 稱 「斯道門庭户牖 楊 元忠公令瑜築別業于黄山之陰,名曰 母沈善教之。 園 鄉薦後, 有記。 因二 隱 嘉興府志》: 親 居教授 ,其在是矣。」遂致力勿輟。 稍長, 違養,始卜築,攜家 來謁,生祥,故 即 遠 勵 近興 張 志 履祥字考夫,桐 聖 起 房 賢之學,乃 者甚 名履祥。 即 讀 1衆,學 穀 書 此 園 後 于 公

爲 流。 憂: 大舜伊何 以、古學恣探搜。 晤 人」,讀之迥生愁。 忽忽懷千 豈不念室家,迄夏猶淹留。 吾 生迫喪亂 秋。 人? 未 仁 白 反己無 友 况予末小子,俯仰 暇尋顔 里 不 隔 我 朋 時 樂, 退 儔 休, 切 惠 終 淹 日不 切 歲 留 然 罕 抱 溯 良 口 孟 春 有

> 木遺書謂:「勿以飲食讌語坐虚此會也。」 吾 百 可 求。 友 尤 ,懇欵乞良謀。 白 毋忘吴子言,白 1 髪已 種 種 而 卓哉 敢 日 復 顔、 畫悠悠。 優 孟 游 志 1 本 歷 願 注 言 歷 宜 從

#### 中秋

絶,八 夏,皜 惘 廣, 象 聲 至仁 畢 負 斷 皎皎中秋月, П 海 行 皜 續 . 莫如天,屏營以 竟奚養 千 背 流 迄 秋 九 頃 哀 道, 田 爽,長 塊 遐哉不吾枉。 獨 閉 蠲 然 空絶 寢 門 貸 成 瞻仰。 不 不 非 槁 纖 敢 成 所 壤。 翳, 賞, 寐, 願 萬 攬 終 居 久 轆 早 歲 里 衣 轤 終 已 嘆 自 觀 亦 惘 望 河 列 夜

# **槻成偶占時年五十有二**《編年》

待 年同 心任 子 忽恣 憐。 亦苟 能 遐 摶 孫寡賢達,死後紙紛然,及我蚤爲之,冥 所志. 年 萬 朽 柔 延 穹天,美惡非所 人 一,矧予 腐, 壽罕踰 牽? 里,終當 無 愚者妄求全,安能樹六檟,遥 一槥焉 稱 就,徒本作[但]。 歷,元本作「人壽鮮 錮九泉。奚爲不自計,忽 蚤衰,昏 論,草 足 慮, 戢身良 瞀 ·草聊 絶 有平生愆,不 本作「良」。 百歲」。 備員。 自 五 便。 遥 百 + 可

東里部并序。《編年》。

爲述 乙未 龍 九月二十五日,朱子 山 近 事 確 喟 然 Ę 鰛 太 斯 息 過

> 之過哉 母,陳子自謂 章,以寫予恨。深知哀怨之音有 日 友分過於地 和之教,而不平之鳴,何能已已! :「是余之罪 下也。 也。 也夫!」作《東里》二 其二章, 嗟乎 -亦欲 夫豈 吾友 使 乖 吾 隣 中

可, 事? 夫。 之,切切時致詞: 嫁,十年終未字。 失嫁 臨死戒其女,慎勿工織 東里有慈母,莫不 織成嫁人衣,嫁人終不歸,不歸 無光輝。」「十年」句元本作 「不嫁任子意, 不嫁 豊 稱賢智, 良 組。 圖 頭目咤媒氏 此 生 不 鄰 織 世 女 母 不 猶 子 實 無 自 奚 聞 欲 丈

#### 其二

齊,誰能持一心 積 雨 無 乾土, 1 疾 有錢 風 無 但 静 買 林, 飲 物 切莫遺子 禀 固 不

言 孫 有 何 生貴 用 虚 速貧 吾 腹 終 以 飽 他 人! 信 矣夫子

### 病 吟并序

大困 心。 又 疲 亦 纔 意今年十月初 秋 非 不一進。 不 如 困 傷 幾道之方,庶爲 云「七情火鬱」,亦云「心 一,伏 粟 甚 已甚矣。 寒 己 確 此三言者,皆不 一 子,今本作「栗子」,誤。 以 後, 自 枕不 雖 爲 以 五 依 意。 簡 能 「惟其不 六 方論 方治之,其 五 事 起,連熱 年 無 六,小腹 節 却 來, 云「病 何,至 食, 病 伏 足以 遂 之術 調 L', 所 稱 得 熱 初 固 下 切 日 伏 火 之 小 以 漸 夜,食 八 心 起 心 陳 流 膏 康。 致 自 九,遂 情 疑之, 解, 疽 子 粱 庚 之 腎 不 飲 寅 而 雖

因著于篇,以毖後過云爾。

天, 膚, 大, 足 所 誣 懼 圖 何知 詎 口 無無 積 守 ? 腹 爲 身洵 您 此 疾 患 吾懷百世憂,安能 不 自弗省, 賤 不 未足 敢 爲 . 虞? 軀 縱, 孝, 愉 戒 四 耐 不虞 陳 體 懼 借問 乃訾 子 勤 弗 豊 昧形 須 使劬, 忽所 成 五. 通 曳。 六 書 言 上 須 年 自 愛兹 方 賢 以 者 碌 有 論 碌 疾 全 尺 志 良 吾 寸 奚 固 非 其

### 芽 穀 餅 歌并序

之秋 謂 九 靡 絶 月 難 芽 日 絶 穀者, 也 得 余自 不 奈 之。 雨, 無 童 雨 何 穀 四 今自 子, 燦 哉 月 民 聞 然 間 勞既 + 芽 無 下 月 先 穀 弗 甚,旱艸 種 初 是六月 作 芽者,真 時 H 餅 餘 禾 甚 穀 方 至 所 甘。 也, χIJ 七 童 生 穀 故 所 而

亦罕, 倉 更已 耐 在 雨 門 復 矣。 敗之。 陳 子 蓋 慨 糜 焉 爛 作 未 歌 收 其 而

辭曰:

去 愁 飴 私 飯 。」父饑莫能 持 新爛 聊 嚴城從繁維 久 餅 將 早 隴 擣 不 . 積 可 E 作 往 嬉 餅 炊。 啖 恨, , 噴 脱 腰 未 噴 甑 . 遑 間 雨 謂 譁 計 成 裹數枚, 其父: 童 終 新 兒 歲 悲, 當 惟 穀 新 重 隨 爛 兒 慚 餅 倉 Ħ 負 不 不 吏 公 如 知 口

#### 天地

徒 寡 本 杠 庸 爾 所 遇 爲 誰 下 天 地 能 風 兼之積 孔、孟 既 久 流 己 不 轉 久, 敝 委 真吾師 衰 ? 墮 愞。 寒暑 遐 起衰惜 空 哉 紛 屢 懷 淪 憶 違 F 值 財 迕。 韓 穨 古 輔 緒 意 亢 柳 1 本 落 吾 作 極 删 回 落 盛 性 述

> 繁其 窮歸 截 匪 乃學道者 愁李、杜。 門 渺 趣, 詞 户 惜 終 吾 聖 奚爲 哉 憧 嘗 日 途 盡 鮮 憧 聞 自 馳 蒸 莽 托 其 坦 鶩 步 民 思 湯 秀, 慮 1 榮榮老孺慕。 有 白 虞廷十六字, 猶 目 然 首 宜 同 雕 共 堂人 章 睹 句 1 至 曷 逼 爲 今 矧

#### 子輿篇

言, 不 併, **悮後生。** 欲後之,長 當,桀、跖 輕。 紛紛辠氣質, 吾道之干 子 , 輿稱  $\wedge$ 書》云 嗟吾亦徒云,皓首慚 何 夜 過 性善,伯 何 城。 知 告? 繇 匪 兼 後學 明 難 以 1 安 蒲 誣 昧 先行乃 合知 團 力行 才情。 斯 見 旨,翻 空悟,流 行,卓哉二 且 邁 聖 静 征 兹言果 經 與荀、 坐, 迁 毒 諸 良 攸 告 儒

春 **賞** 咏并序。《編年》。

賞之。 及,遂偕過祝二陶之葆 字大辛,令瑜子,邑諸生。]已先在花下 矣。 去。 余徑造花下,移 日 與懷新堂隔溪而處。 舊 嗣琪字肇五,號石丈,博學敦行,師 ·,由董· 居,候家仲氏 從弟君章,移樽過賞。 許全可字欲爾,令典孫。 明日 同人先歸,余留 會石丈、大辛輩《州 戊戌春三月有六 明日,同之澉 山復過 過許欲爾懷新堂、州志・文苑 時 欲 信值 則臺上紫牡丹已大放 爾 而 庭 欲 城弔 去。 低 西 日,癸卯, 宿 《許譜》: 光光居。 志・隱逸傳》:「查 爾適在 牡 欲爾 口 兩 而 事劉蕺 留 丹 吴夫人之 返。 之不 初 追留 翠薄山 《祝 Щ 山 放 十之 劇談 確 氏 元 能 至 房

譜》: 百 晨 坐上期諸子曰:「次日偕過山中, 者二十人,無一人背花者。 彙征,邑庠生。 適從弟君章《家傳》:之建子經永,字君章,號 約定暫歸,復過家仲氏,則庭 遂與子霖訂十二日之會。 李公彬文《州 至今猶盛。 處,在濟美堂西偏,居前牡丹數十本,歷三百餘 「陳」。培護之勞,真一大觀也。 山,實天縱之者,而主人亦 亦絶無此也。 士,順治四年任。 人。」是夕,余父子同宿花下。 、率枚姪、禾兒赴葆光之約,坐花 餘,不疏不 葆光居爲評事士奕公所搆,孝廉開美公殉 葆光居牡丹甲天下,前邑令 . 志》: 移樽來賞,遂 密,圓 過見,甚奇之,謂吾洛中 高踰丈,闊倍之,花二 李純質字彬文,鄭州 整 翹 秀,爛 是日,余以 一同席。 欲爾 自誇元本作 花 明晨, 加燦。 明晨 若 即 無 人,進 秋 明 於 節

取,不 往 舉 不 頫 蔭 花 留 溷 爾 藉 執 興倍諸長者。 光之客尚多遺者,欲 佳 以 下 E 一,但 訪 赴 過 有 盃 歲 人邑之舟 小子六人,另置 詞 祝 ,言笑飲啖,皆旁若無 多 輕雲,潤 是 仲氏,花 多得 辭 薄 右 事 士 今年皆 日, 攘 醉 庭 手 一采於龍 乎 每 吾 臂。 耳。 花 執箸, 而 以 祝 以 歸 母 其最小者始六 爲之生 尚 歸 再 微 諸 晚 姊 許 無 山 以 Ξ 兩無 雨 兄 赴 亦 蓋 是不能 望 過 兩 恙。 故故 爾 其 並罪 欲 連 來 氣 日 齋 之。 堂後紫牡 停待, 點諸小學子 席 爾 日 候 欲 花 花 I 於於 之約 仲 其 晴 子,又 久 明 忘之於心, 人,率左 時 爾 衰 総 日 滅、氣 石 氏, 皆 不 而 意所 去 年若此 敗 案上, 不 負 同 而 附 顧 丹 也 熱 欲 益 補 在 余 藉 葆 亦 約 欲 欲

故系之以詩。

宅,庭 根,灌 疲 觀 之,人工 妍; 晴 0 微雨 聊以開 停雲如 欣賞 花 溉豈 花 事 亦 亦 亦 不 + 衰顔 一辭勞, 可言。 時 云 廣 厭 日 然。 繁; 幔 頻 好 一十 前 繁 吾 春 觀者驚 同 人手澤存。 花 家 晴 人十 日 如 有 興 使 小 未 一本, 奇葩 花 H Ш 闌 閒, 香 主 微 春 南 往 歷 造 落 來 Ш 人 物 山 雨 借 許 + 詎 略 使 固 非 花 日 生 私 口 本

## 哭董紫冒勳部《編年》

訛紫冒 摇 阚 事,十載埋深蒿。 ; 雙高堂,白 音問 未 董子天下士,杖 死。 每 枯 回惑,人言總 首 骨 仰天 忽 彼 歸 號。 都 策 Ш 久 隨 訛 清 尸 寒 痛 淆。 淚 祝, 潮 爾 如 仲文弱 本注: 吾 湧 黨 朝 去冬猶 徒 死 所 痛 神 孤

不 兩 成 孱 調 孤 幼者 痛 爾 今垂 貧 士 上髫; 妻, 長君甫 巧 炊 亦 弱冠,收 徒 勞。

痛

篪

豈 萬 阚 無 里 知 遥。 何 痛 以 爾白 解 頭友,偷生殘膚毛。 吴子死堊室,董 魂 骨 歸

死 天 曹, 忠 孝 各 有 合, 庶 幾酬 久要。 我 惟 余 今

負 平 生 一,狂 言驚朋 僚,哭子豈徒然,知

#### 至 道 篇

周 知 絶 醫 字,萬古誰能 學 文 非。 Ŧ ,千秋將 理家事 至 道 昨 望道 非 匪言傳, 冥 必今是,今是 未見之! 誰 窺 封, 欺 1 1 傳者皆 無 所 乃 以 吾 默 隨 堯 疑 糠 安足 蘧 禪 舜 識 粃; 病 大 癡 我 大大,五 爲 何 -没 虞 有 1 慨 身 廷 尼 + 奚 + 焉 不 忽 能 如 Ш 任

#### 康 孫 《編年》人辛丑

怵。 顔、 頑 學亦 孟 乃舅竟何 康 超超 孫 並 雖 捷 邁 七 疾。 前 歲 成, 跡。 人云 踰 文 「文藉」、《編年》作 芾 藉 酷 不 總 似 百 虚 舅 日 僻 斯 性 :「交籍. 尚 言 既 其 良 同

希

口

豩

#### 詠 古《編年》

能 循 追! 唐 斷 世 贵 庸 易爲 四 X 1 , 有 虞 所 殺 盡 或 誅 之。 非 罪, 堯仁 後 固 悔 難 何

### 其

朱、 均 匪 不 肖, 聖父 (或求 全 , 當 時 遂 見

豈

飾

詞

喟

然嘆高

堅

顔

氏

其

庶幾。

六三八

窮年。 吉, 淵。 妍。 尤,千 反,尼父良亦然。 姬 子惡人莫知 未易追逸足,詩禮 ·載誰能 繇 夙 所 賢? 研。 ",斯語: 伯魚 俗 撻 情 禽 亦有傳。 極 豈 多愛溺 非 可憐。 非 獲 才, 已, 當 包蒙 聖 乃 優 知 愚 以 游 洵 絶 媸 正 以 爲 顔 相 爲

#### 其三

腸 子,蚤 五 後 1 以,還誰 周 當 年更殀亡。 Ŧ 時 生百 媲素王 危 1男, 線,百 1 盛 壽 考 衰 世繁烝 並 各 無 有 疆 時 嘗。 ; 安 尼 赫 能 父 赫 置 止 中

#### 其 四

秦皇燔詩書,口語罪諸生,桉誅四百

平。 羣醜 兵。 餘 傾。 漢 已,豪釐安取 廷 濟濟俾王寧? ",按 非、 渭南作阿房,洮西起長城。 聖主量 載 籍 斯 痛 乃 可 煩 衡石 盈 其 盡 刑。 魁 ! 阬 俗 何 六國 處士况横議、儔 徒與猶縱横。 儒 何 知 以得不死, 今 坐 甫 談 人 振 愚 經 旅, 誰 繇 五 嘆 白 嶺 聖 賦 能 息 類 首 分 稱 世 非 更 更 殲 其 留 相 懸 主 獲

#### 其 五

賢 不 安時命,消 臧 胤 老餓 堯、 上哲苟未免,下 湯 摇以 憂水旱, 西 Ш 相羊。 陽。 天 顔 心 愚 悲 非 庸 絶 不 何 糧 傷 ; 聖 孤 白 德 竹 首 非

十月五日登龍 Щ 作《編年》。 《咸淳臨 安志》 龍

實

獲

我

心。

飢 固

無

辭,

樂惡

口

已,歌

自

生

煩

惱

吾甚

耻

之。

詩

 $\Rightarrow$ 

言

樂

飢,

尾山 在 1.縣東六十里袁花鎮上,有 **小山** 

梏,春 讀。 游, 菊 累, 嘯 登 一,循 倉 忽見 雖 煙 更欲 人冬楓 海恣遐 花 未 皇 覽意已足。 與 滿 窺 走 窺 秋樹, 全 鄉 Ш 葉稀 山 矚 盛, 竹, 曲 巔 所 所 繁英 罕能 欣 連 年 薄 然 謀 來 天 暮 猶 一寓目。 遂 未 多衰 結 游 炳 欲 獲 茅 興 郁。 留 遂, 屋 病 促 終 忍 邨 今 昨 塵 扶 筇 飢 朝 來 圃 日 鞅 此 展 訪 迫 試 看 亦 坐 書 舊 殘 家 時

甲 Z 歌并序。 (編年

浮 生若夢,夢 亦 須 住,更於夢

中

怒嗔 非 ? 採薇 比 以 甲以真爲夢,乙以 癡 惟 要之皆解 桃 况 見 願 源 元志,庶 云 兩 夢 耳。 無 辟 礙, 人。 幾忘食忘憂,不知老至之 秦, 栩 並 真 栩 是 夢爲 固 忘其 極 祈 樂 安吉, 真,二 身。 國 者 華 夢 西 胥 亦 孰 Ш 吾 夢 厭 是

鄰。

# 乾初先生詩集卷三

海寧陳確著 族玄孫敬璋編校

五言古詩二

笑 歌《編年》入辛丑

朝。 幸 不 不 見容,安論跖 ·照、大度久容包, 聊,斯民 禍亂 吾笑天地凝, 首甘飢勞。 輒數世,歲 と生其 與堯 間 ! 幬 治亂雖 有 身焉 載 月益迢迢,吾生 二季已 如 何寬饒! 煎 足恤? 循環,治曾 與熬。 劇 亂 亦 秦 無 日 復 適 隋 物 月 不 - 崇 懷 豈 益 不

雜 咏《編年》

輕

嘲

至

公,

翻

以

常爲

妖

且

弘

天

地

心

安之毋

姻

僚

聞

見日

益惡

觸

緒

生憂切。

無

乃

非

不欣有 輝,但愁三五後,容光漸 私 ,妾顔自 白 初而惡鮮終,故君子爲賦白日 日 有常照 蚤衰。 房 明 中 月 新 多 減 美 盈 時。 也 虧 本 皎 君 注 如 心 人情 圓 本 月 無 莫

其二

君常在 妾前妾安歸 悲,妾老恩難 願君長壽考,願 時 1 持。 小 郎 妾 妾得早殀。 死 夫 婦 君 雖 手 孝 有 思,未 光 妾殀 輝 若 君 君 死 夫 深

含

淚

不

敢

下

願

言

欲

忘

情

造

物

太

相

欺

幻

此

泡

沫

形,

百

年

曾須臾,奚

以

别

殤

憂

傷

摧

心

腸,人非

金石貞。

#### 其三

先生力争不省,况清人乎! 忘, 新夫惡不 子有 出 母母 祥。 服 本 妻 注 無 故 弘 光朝 夫 喪。 莫爲 先皇税 故 夫 安 服 口

### **悼** 殤《編年》

嶸。 孫 未 命 並 鰥 旦 奪 更,並 蹇,亦 殘 忍 晚 觕 吾 冬曝 飢 更 胸 用慰岑寂, 生適不幸, 令四 恨 喪 歌 膺。 先 母 茅 月兒,本 事 兄。 王 衡 愁中 傾 浩 言 遂使 夙 何 失此 然 笑 注 飢 遽 與 無 雖 衰 <u>N</u> 飽 歸 物, 甲 他 既 鹵 病 午 患 杳 誉。 何 殤 莽, 侵, 攖, 屢 冥 饕 以 違 孫 ! 頭 惟 兼 薄 遣 亦 角 德 寒 時 之 穨 固 止 荒 温 知 故 弄 既 。 四 月。 全 時 峥 弱 亂 蚤

夏至

藐 然, 保, 言, 珠 傷 倒。 老 啄 至 道。 1 ,官府開 八口 亦 胡爲計 我 静 天心 愚智 人言入夏 綿絲: 恐 有 對 徒 如 賤 慚 非 理 不蚤! 非 虚 兹夏,多收復隨 蠶 一難 如 林 有 不成,菽麥 育。 艸, 卯, 好, 齊, 私 鳥 債會 有 輾轉 飢 翹 謀 小子今識之, 無 腸 事 翹 食 增 悉 得 分 迭 望 非 聖 懷 及 粗 相 秋 拙 絶 了。 所 抱。 期 飽 乘, 成 巧, 少 嗤 ; 誰 豐 頫 時 吾 斯 行 聽 煩 物 首 憂 有 能 愁 行 者 X 憂 時 殊 已 正 復 故 貴 恕 夏 懼 藐 奚 衰 忽 飲 屢 難 顛 如

### 不願官糧少歌

身, 緩 但 不 體 願 願 雖 收 官 不充,吏胥 成 糧 蚤 少 但 力 耕 願 莫 吾 田 無 疇 嗔 後 好 ; 完 不 官 願 官 無 糧 顧

送 陸 遊 傳 性 卓 不 景 犖 歸 陸 風 宣 圻字 或云: 北 節自許。 麗京,一 進 在 蕵 編 弟 南 字 年 培 爲 景 僧 既 人 宣 壬 殉 節 號 寅。 講 遂 山 絶 州 意 錢 志 仕 唐 宦, 人, 寓 读 才 督

里 客 周 洲 景 烟 先逢送 陸子久聞 殘 色已 水 冬 簸 謝 不 微 客 百 侔。 航 舟。 道 事 霜 夷 况 寂 古 風 寥十 險 彼 驛 切 遠 理 候 寒 數 行 則 朋 裘。 子 猶 客 儔 登 吾 未 前 太 車 息 見 行 途 意 遠 百 甫 語 頗 未 行 百 河

> 謀 來 適 湖 守 願言 濱恣 正 無 慎 唱 嫌 自 酬 尤 保 征 羨 途 子 浩 有 直 以 脩 節 事 愧 釋 我 早 寡 歸 良

#### 癸 之呈 卯 正 性 月 三 解二篇感 日 設 陽 賦 明 山 首《編年 陰 兩 先 生 像 拜

昔歲游 亂 儒 異 往 呈 梁 祠 會 復 我 木 確 ? 不 肅 牴 亦撰 久 山陰, 憶 辨 替 竊 肅 牾 顛 昔 杖以 何 《學》書,遑遑不 陽 千 見 豈 先 游 墜, 兩 亟 明 秋 有 從 師 山陰, 先 1 志。 時 祠 披 意 痛 生, 集 今 古 圖 確 同 何 眷 滔 好 學 人,于 何 時 千 可 言 滔 辨 儼 復 預 不 聖 知 集 乘 得 亦 每 然, 執 可 罪 同 月三 朋 末 不 事 世 誣 瞻 世 儔 置 皇 之日 心 拜 天 + 焉 癸 竭 哲 開 講 時 忽 競 卯 能 遐 蹶 人 懷 日 隕 崩 相 學 哉 泯 與 憂 記 陽 涕 非 穨 之 俟 喪 同 明

冥契。

# 二月五日甲辰雪六日乙巳猶雪感賦一

章《編年》

雲。 占,心 頻 温 雨,災祥 况 船 《日記》: 農 疑未 人言益荒唐,旦夕昧生存,筮之得 頭 乃 人惡春雪,二月故雰雰, 那可 雪 涉 敢 北 是日晚晴 正 分! 申。 紛, 朔,嚴宵感覊 越春猶未已, ,連日覺有寒慘之色,心竊憂之。 且 檐風 願 天 晚 日開, 逾惡? 魂。 天 疾 故 或云徵 短 威 風 褐 嘘 别 T 吉 重 何 殘 不 夏

掃室四章《編年》。《日記》:六月二十五日作。

璋案"依《日記》是詩當在《題山樓》及《蒸菜歌》

之後。

老人掃茅屋,帚長四尺餘,腰病不得

俯,豈惜卑其軀!

老人掃茅屋,日掃十數巡,四壁雖不

完,庭宇無纖塵。

昨夜海風狂,起來塵滿户,疾掃

誠

乃

疲,當窗補宵卧。

遺,相對娱深夕。 朝掃席上藤,莫掃階前石,明月

不

我

題 山 樓并序。《編年》。璋案:是詩及《懶

邀諸子作 章寄之。《癸卯日記》:二月十二日作。 硤 Ш 詩, 周 仙 乃以 佩 及 Щ 樓 僕。 成 題 病 中漫成六 衣雲, 删 去後

一首。

霞, 與君 繚 繞 坐絳 山 中 帳 雲, 恍 忽 示 ·可像, 早 晚 逗

天

春雲若重裘、秋雲似薄羅、繡以千林

潤

再

烝

香

味

深,

况

乃

烝

不

止

妙

美

難

具

花,美錦良不如。

長候山梅開,冷坐雲中月,浩如蓑笠

翁,孤舟釣江雪。

山雲襟我樓,有時帶樓下,亦如着霓

裳,僊僊舞空者。

老人住東海,亂雲穿我廬,天涯爾同

袍,山樓卧蘧蘧。

璋案。《日記》。末一首云。「「雲想美人衣、誰

知非與是。今日並花容,併與樓居子。」謂花照

樓而加媚也,此拙者補題法,未知於山翁之意

何如耳。」

**蒸 菜 歌**《編年》。《日記》:三月二十四日作。

瓶菜洵已美,烝製美逾并,尤宜飯鍋

上,穀氣相氤氲。元本作「和縈」。一烝顏色

薄暮 非 陳。 莽安可云 作「罄」。 要,白首情彌親。 敢 酒 貧 阳 士昧 所 半升,相 碗, 私 Ţ ,良爲愜公論。 肉味,與 元作「妙美良難名」。 碗 得 元本作「有餘情」。 凡十烝,十 無 菜 間然,千秋 多 平 元作 生, 烝 當午飯 評 盡 因 十日菜元 流 其 之定久 頌 性 兩 鹵鹵

贈凌貞侯《編年》。《日記》:七月初六日辛未晨

雨,雨牕無事,成此。

師,硤 天, 西市士 以答恩施! 鍼,相守 併力相 老人年六十,病 Щ 無 刳割或過之,一笑同受鍼 山 慧 暫離。 攻治。 上下, 師 亦 元本此 同 觸熱並 貞 病 侯 廢 下有云:「終日不言勞,何 乃 自 顧 奔馳。 其 國 此 宜 Т. 攢 雙 微 其 眉 軀 娓 季 者 爲 廿 欲 亦 娓 名 聞 違

六四六

賓 棋 禪 置 難 知 機 惠 腰 所 江 至 疾 愛 南 廿 人 重 重 如 四 踰 諸 年, 歸 厓 凌, 薄 名 昔 夕 聲 德 年 去 寧 動 過 如 所 雙 遺。 時 堪 林 至 先 今 千 又 辱 里 良 逢 序 嘗

匪

夷

次茀 自館 孫 ,茀孫呈懷我之詩 懷我詩韻 《日記》: 因 次 十二月二十日翼 其 韻。 璋案: 雲怡 兒 歸 公

小字茀。

宿 虧 ,新詩感人心,千 勝 學 享千 匪 徒 鍾 記 粟。 誦,所 小 秋 子 貴 思 似 不 性 我 續 有 遺 淑 孝 出 門 弟 懷 荷 獨 無

# 又呈詠子房詩因鍼之日同上

子房未學道,惟秦若兒戲,大索雖未

得 事 ? 濫 慎 誅 旃 豈 勿 勝 妄 計 陳 賦 徒 然 詩 以 助 見 秦 志。 虐, 奚 裨 報 韓

又次 茀孫詠史詩韻《日記》:十二月二十一日作。

子丹,趣 而 野 7,遂成 子房王者師, 軻 覆 孺子名,煌 燕 社 狙 [煌昭] 擊 異 奚爲 哉 品 墮 夏。 者 履 翁 1 不 出 見 辭 公 遽

又和茀孫詠梅詩日同上。《編年》。

葩,霜 敢 緑 天 珠,行 外 舒。 林 殊 雪曾不渝。 白 梅 人盡 香 [雲縣 挺 絶 奇姿, 垂 Ш 涎,始悟 品 谷 巉 百 明 然 來 卉 非 月 年 老 誰 寒 春 皎 能 而 枯 夏 庭 癯 争 交, 除 ? 先 清 新 凛 歲 翠 標 冽 發 裹 迥 未 寒

未立春,成伐園一章。

端 疏。 袁 計,旦夕聊支吾。 輸 ,攢斧伐 ,薪值况騰涌,何由及老迂! 寧惟囷廪虚 罏灰得復燃,擁之觀 貧士迫飢寒,塵釜絶吹嘘。 其枯,坎坎林聲悲, 市米未云貴 殘 書, 一靈鬼 叢枝 狡焉 雖 所 苦非 非 終 忽 啓 猶 故 歲 莫 以

同 郡。 葉静遠父子張子 一,月初一日,大辛、二吴子先别去,吾獨留錢子齊。 《日記》:二月二十五日,同葉静遠過濟美堂,鳳 渡至錢居,甚快。二十九日,大辛與二吴至自禾。 至半邏 留 飯 我與葉從半邏橋起步、未得道、偶得一小舟、 ,遂人澉城信宿。 訪張考夫、錢雲士。 隨同静遠、大辛、汝納兄弟 敬 出郊閉步《編年》。 大辛與二吴子竟至禾 師

塢 齋, 渡。 湖, 迷津處。 行及古寺,老僧藹 窺,春郊舒 具,遺書 圍 往復 從君適鹽寓, 紅 同游略已 葉子天下士,千里 霧, 數 窮 忘機 蹇步。 + 理 種, 趣。 歸,我懶未得去。 二三子,信足隨 繙閲 洞 如故,宛然竹外橋,昔日 主 菜花浩一作皓。 口 人 聊 失 暫 馳 朝暮。 故 有 遐 舟, 出 慕, 天 淹留 閑 挈 邨 本末了 晴原,桃 邊 館 我 路。 錢 溯 足 獲 行 供 未 子 漁 南

六四七

破 帷 編 年》。 日 記 以 F 首 俱 甲 辰 六 月

中 旬 日 作。

勝 然 復 反 左。 枚, 楚 ; 雷 値 誰 豺 理之常, 纍 利 本注: 此夕 怙 虎? 天 纍 口 寐 ? 如 竟 偶 撲 玄造 醉 城蜒蚊 攢 徒 醒 昏 砮。 然, 與 而 終 類 漏 有 反 老 無 天 獲者 老 Ŧ 雙 瞽 頗 明 側 誅 人 必左手也,右必 事 聲 常 曷 書 揜 寂 醉 朝忽大覺, 爲佑諸兇,食 史 取。 然, 卧 徒 掌 欺 終 一無獲。 指 手 子。 夜 愁 按 恩 遭 寵 偶 數 人 出 殷 盡

破 帷 聚 飢 蚊 翃 車 輪 鼓 羣 聲 若 矗

難

難

於

上

一青昊。

閉

門

即

深

山

斯

理

今

觕

曉

桃

源

亦

人間,記

者

徒夸

期

兩

足

未

痊

好 ٠,

况

兼

伏

雨

泥

塗

正

深

倒

不不

語

復

不

飲,

仁者恕衰老。

問

吾

人

山

但

忽忽

志

飢

飽。

何

知

佳

客

至

冠

衣

任

顛

抱。

觀

目

光散

治

圃

筋

力

少

所

以

日

偃

晋,

志

氣

日

穨

小。

豈

無

納

溝

耻

不

覺

喪

懷

潦。

泥

塗

會當乾,

衰

病

無

時

了

遐

哉

出

門

敝 屣 編年

門, 之,比 假 坷,豈 年 中 H 敝 無 有 惟 新 之 屣 製造 平 前 棄 眠 何 與 生 朝 天 累累 恩, 不工,老夫 者。 坐。 下, 聖 虚 著 夙 旦 愚 庭 昔 此 誰 不 曝 欲 好 有 能 炎 同 遠 何 未 捨 夏。 之? 量, 游 미 ! 胡 終 相 間 有 林 敢 歲 虞 隨 此 戀 相 首 歷 幾 不 怯 出 藐 坎 援 何

病

鳥

《編年

病

鳥

忘

高

翔

蹇

驢

怯

遠

道

老

人

惡

大

# 登假,未若敝屣安,茅檐傴老跛。

## 懶 吟寄昺大師《日記》: 七月二十三日作。

邨。 來, 予懶,咄哉真耄昏! 魂,飽食 劣,亦欲遠 神宇何 自云「雖 長夏無 略開 清 塵 出 芬! 卷, 氛。 事 世 忽忽維欠申。 一,未 連 三餐復多 留之不肯住 旬 敢忘辛勤」。 不出 事 門, 昺 觸 往 固 闡 往 師 以 暑 安 擾 走 山 老 慚 窮 中 寢

#### 藜 杖《編年》人乙巳。 并序。

駮 謂 數節, 純絶 之觀 拾園薪,獲 似 音蘇,蓋 靈 棄 壽 之道 藤。 艸本 傍久矣。 藜杖,亦 僮人亂 也。 斫其枝, 名玉 吾見 而 堅樸 而 遂 古 憐

> 棄置豈足道 竹簪 然後爲 有孔 僮人刈園薪, 面 質黧皴,尤似鮐背老人。 尺許,妙二尺許,還得八尺許 此杖須深 上人持之,我似未及也。 之,手自脩製。 **艸鞵**,踽 锋 可穿百文,節勢臃 稱也 冠, 挽! 山 踽 穿寬袖 一,風 窮谷中, 良楛不復忖。 獨 菜藜高丈餘 雨 其本高丈餘,去觕 行於荒林晚照之下, 久剥損。 破 雞 衲 子,赤脚拖深 皮 腫如叩 宜八九十以 古古 鶴 斬伐 老人 又題曰: 髪老 幹 長 一竹,皮 異 奇 一任 其 常 本 頭

材,一顧生繾 本。 意,失計安可 晚,勉留未毁節,努力扶衰蹇。 継,既 傷 摧 殘 多, 又恨 相 遇

## 補 古 詩《編年》

泥 生, 相 同 煮 煎 生復同滅,失計安可 豆 何 然豆萁 太急 豆 豆 在 其 釜 然 追! 中泣 作 灰 , 本 煮 是 豆 同 爛 如 根

#### 其二

忠厚 萁雖有火性,然無人則火不能自發 土, 生, ,同生不! 之旨,不忍斥言其類之惡也 翻 煮 被 豆 然 同榮,無乃 挑 豆 撥。 其 煎 豆 熟 自 逼 還 難 取 登 侮 可 故 俎 説 怨 1 挑 《編年》注:豆 撥者, 其 本 灰 自 亦風 委 同 塵 根 人

# 效古體作菜萁之什《編年》

菜萁煼菜子,相逼上油車,本是同根

痛 碾 開 油 我 不得主, 生,酷虐 我復醉 瞽 琥 初 已 盲。 成 備 珀光,鄰 餅 嘗 違 胡 詎 我,大牛 離 交 追 爾自取 加 女並分香,明鐙續雙曜,千 尤 非 始 盡 汝功,汝 千轉拖, 團 禍 燒 圆, 者。 元作 雙雙 獨 念爾 力士 逐 脱 飄 己 百 我 楹阱。 風。 灰冷, 椎 猶 下 自 風 可, 秋 新 念 飄 毒

## 寄題萬蒼山樓《編年》

江 酒,塵囂 言今冬湖水甚高 萬萬 不 松 願 隔 蔭 居 人寰, 其右。 蓬 , 較 萊 往年絶勝 煙 , 坐 願 波 收 作 渺 ,不覺神與俱 湖 錢 漁 墳 田 艘。 守 租 馳 本 精 高 注 製 樓 汝 磵 俛 典 大 泉 來

儒

恒

復

心

平夷。

能

#### 學 老 實 歌

大

道

《編年

素位 明,岌岌難 未之許, ,直士乞 之 嗤 惟 媺行將終虧。 五 基 爲仁自有方,曷 詳觀諸子意,好 好 大道本中庸 願 秉 大, 其 送死 外 辱 虚 非 餘 久持。 意者徒 鄰 再子 無 尤 所 可 醯 圃 大事 期。 類 ; 盈 九 賢 厚 宰 未 自 推 泰, ,毁家 百 知者過之。 葬 字 德 若 欺 貧 爲 羞 酬 者 故 侈 安 吾 爲 炫 原 賢 歡菽 孳 從 聖 得 善 夫子, 高 復 思 井 孳, 友 貴 訓 無 奇 奚 水, 久 速 有 辭 要之 言 爲 端 慈 詎 彌 衰 恒, 論 木 縣 臣 父 君 日 新 不 窆 尊 請 非 切 禮 子 平 誇 誰 世 荷 行 平 聖 高 實 口 子 博 昭 順 貴 爾 俗 虚

而。

繼

師。

車

施

;

毫釐 老實 非 昧所執,漫云無欺罔,矢心比金石。 實何必學,老實有繩尺。 久,弗言不可必, 饑年力崇儉,亂 室 尋繹。 端 年, 直 有 曠觀今古,温恭凛朝夕,庶其 溺,不敢希高遠,惟 如 的。 忠 有 師,萬古罕曾匹 人問 毋 尚未幾不惑! 信, 立。 夫婦與知能, 詎云 乃千里 天地物 我何學,一作「爲」。 兹事本平常 天然禀純 那 知 失! 不貳,陶、虞道惟 又未 質,好學愧 隨 用 發憤 是,所以常慄慄。 志 謹 氣 分寸不得踰 時 吾衰始知 獨 行 云惟學老實。 屢遷易; 勵 本 我 習。 前 清 匿 尼 成擬議,卓 脩, 明 世貴藏 1 弗爲 \_\_\_\_ 學, Ш 戰 神明 道 差之或 胡 猶 遑 戦 爲 皇 不 理 哉 恐 + 耻 遑 事 耳 亦 老 口

六五

獲! 學之又學之,惡知老將及! 其人,惟聖能建極。至矣老實學,勉旃毋淺

## 題西洋鏡《編年》

未及? 來 明, 詞 П 咫尺,亦 初 豈非得」。 歸 光 雙 誰能 昊天有常照, 自司 兼 秋 莫非物 巧琢玻璃鏡 大道 俾 覆 毫 揮魯戈, 感 微 鑒 厥 本 之則。 皇 者 無 職。 無 澤。 著, 失。 窮 西 日 忽 驚看蜩 , 宛轉隨 法遗 月 前聖· 毋 焉 旁求 又令遠 以薄 行 悼 非 亶 衰 不 及 大 一者邇 得 技 聰 息 眊 西 目 硾 售,並 明 力, 或 斯 如 利 百 人 斯 萬 H 作 繼 使 里 中 用 理 曆 一西 詖 若 還 始 胡 其 似 必 洋

> 和 號浙汜 子。 陸嘉淑字冰修,號辛 八十有八。 舉人,私淑陽 陸」之目。 宏定,字紫度 不 就。 一陸子 《州志·儒林傳》: 遺農 好遊學,而知交甚嚴,海 輓 邑里私謚曰文介徵君。 ,學者稱 張 明, 號輪 元 窮 Щ 岵 經好 待軒 齊,博覽羣書,詩文清麗。 先 詩 張次仲,字元岵,天啓辛 道。 先生。 生并序。 亦擅盛名。 順 内不過十數人。 治 康熙十五年卒,年 中舉 時有「冰輪」 《文苑傳》: 《編年》入 賢良方 Œ 自 弟 庚

胸 盲 壽 ,猶爲 那 種 絶世 生世苦不促,長 旨遠甚,或亦先生之志云耳。 得 種 此 不 世 一,確 先生命爲 如 間 日 焚 則悲 事, 氓。 往往 憤 有耳不肯聾, 盇 輓 嗟多此身。 無 詩, 侵見聞。 聊,去詩人 緘 二子先成, 阚 口 贵 有 此 盍 和 無 目 身 重 平 風 錮 心 不 復 奚 雅 與 爾

宇忽寥 門 斯 恣 有 所 嗒 伯 路 與 亦 爾 當奚遵 譊 確 復 如 之? 前 多吾 平 平 言 待 懸 仍 誰 泯 譊 也 恒 黄 棼。 恣 非 班 生疑,一一窮根 民 同 能 同 九 開 生。 親 大 受 公論。 河 廓, 者 ? 嗔 荆 泉, 狂 杜 П 9 化, 有 狺。 命, 握 門 我 筆若 相 本 融 痛 眴 時 仲 手 44 詎 顔彭 慨 哭談先 息 呼 謂 融 朝 尋許、 朋 安 子洵 友孔、周, 揮 爲 敢 八 同 焉 自 樂天倫。 婦具 游 知 千軍。 極 尊。 總 怪 率 此 閉 不 無 爲賢,孝 陸,本注:忠翁、真翁。 源,豈容漢後儒,千 齊 朝, 臻。 民。 土 重 (化,翔 前驅, 隕 口 倫 出 申。 疑 涕 肆 擯 大道 所 處 謂 遂 亦復奚 意忘 我 爲 公自 語默 公 歌 此 步 以 脩 死 友 異代 深。 無 既 游 先 謝 以 夙 短 注 不如 朝 乖 (所忌, 自 間 怡 蒼 惠 時 豈 所 出 確 香。 分。 敦,將 賢 雯, 多 其 有 誄 比 生, 君 門 文。 數 神。 年 天 亦 秋 我 舌 貌 謂 泉 本 何 絶

> 也。 不爲詩文,因老友張 過 云。 久之始 屬 藁 餘 幅 元 翁 未 邀同 裁 又爾 志預作輓 妄作, 礼詩,余 命 禾書 亦弗 之, 以 能 志 辭

吾

#### 六月枕 山中《編年

覺曉, 攜 厨 靈 藁芻,來此空山 詞 永白,戒律極苛,有同 盡之,齋素無間然, 舍,惟余父子至,快然如納緇 違。 壺 窶子 屢 顔 子父忘 、空豊 衰慵 厚 莽憂盗,遠 未 云庶,優游 棄其 能 晨 炊。 辭 居。 遠公豉酒米汁之嫌 大業,書 日 數 僧 避 Щ 月竟忘歸。 堪 慚 流 卷 居 厨 無 聊 前 浹 餘 豈 了 乃 已 規 幻旬靡 粥 不 不 癡 可 窺 安 俗 饘 間 1 穨 人罕 本 然爲 酣 貌 踽 相 朋 注 得 踽 呼 寢 與 游 親 Ш 先 此 或 爲 未 負 其 衲

卧 病《編年

殫。 心, 安 嘆。 閑。 誤 病 語 疏 一、喘 誰肯 投 醫 小 念此摧心 去秋 族老 良朋 阻 一禱 僮 汗 以 疴 辭 尤 未 兩 凡 致藥 昨 空 母 險 暫 奸 酸 百 病劇 予 林 肝 艱 停, 頑。 端, 丸。 下 餌 顧 炎 辛苦 得 驅 蘧 醫 我 肺 人子 途遠 失 蘧 藥 馳 邪 亦 此 或 絶 悴 重 屢 無 事 歸 常 相 月 閉 增 容 所 其 還。 齃 餐。 中 删 之, 顔 須 親 曾 豈 從 自 終 乖 疏 瞥 稚 言 來 無 誤 朝 子 日 節 爾 無 難 愛 頃 爲 良 棄 恣 故 子 刻 兒 其 游 觕 口 口

題松竹林居呈見如老衲《編年》入庚子七月

扶病入竹林,林居忽改觀。主人故解

還, 經 安。 事 毋 訝 時 Щ 禪 爲 時 爾 僧 房 重 己 出 尤 洵 苦 白 林 勤 明 難 端 頭 艱 敞 憐 相 世 書 予 爲 事 室 更衰 葺 多 亦 廢 此 继 顔 興 業 閑 養 浮 因 書 老 生 聲 各 有 幾 與 得 常 往 梵 所

# 改篇後句又書示董甥八公《編年》

聲, 數 還。 安。 事 口 嘆。 時 轉 Ш 當 禪 扶 時 僧 盻 時 房 病 出 成 尤 洵 X 每 林 勤 竹 穨 來 明 端 艱 林 敞 顔 游 相 隤 林 書 पोगी। 爲 居 爲 啪 垣 室 學 忽 革 恣 亦 口 貴 改 復 此 妣 童 及 觀。 業 築 閑 頑 時 盛 因 書 廢 主 我 各 年 聲 人 興 故 衰 得 略 不 與 良 梵 所 解 口 重

#### 種 樹 無 近 屋 《編年》

種 樹 無 近屋、 屋 瓦 礙 風 枝。 夕狂 殿

生, 動 摇不自持

鳳 臣,號 師 長乾明,今名翼乾,字鳳師; 南 學 齋 存, 漫 書《編年 邑庠 生, 中 戊 《祝氏家譜》: 个年舉 恒明,今名翼恒,字豹 升明、 淵 Д 晉 子 明

俱殤。

期所 琴時 念平 自鳴,察之,乃鼠過其上。 生 虚 館 南山 生 敞 平 孤 嗅桂英。 洵 夜,懸琴 多愆, 時 嬉 老人悄 游 一鳴,本 遂 無 無 成 注 寐 齊中 朝 歷 來 歷

知

#### 予 手 詩 足 以解之《編年》 之 病 三年 寖 加 常 不 能 無 怨 心故

恩,一 攜 漓 弛。 稀; 訛, 辭, 逆, 弱,不寐心血虧。 此,股肱安足嗤! 頑,役使漸 爾視 善怒悟肝摧 謂「予實有然,嗟君亦太罷, 爬搔莽不 膽氣常慄 鼻不聞 藏腑君未察,歷歷難予欺。 旦相 手 身誰足恃 足本 且 乖 不 日迷, 馨 體 達! 隨 · 著, 香, 慄,腰腎時 ! 痛癢祗自知 爾髪 口 而 猶 所 手足深自愧 衣 腸枯便結澁 君毋諛内官 語故期期。 徒咎 然 欲 食須 己盡 諛 互行 酸 天君, 他 我 凄 ; 秃, 爲? 持 人, 手 <del>,</del>而 獨 爾 減 爾 咄 跬 胞 如 久 元 公 哉 嗽 足 疾 夫 首 聽 步 何 飡 虚 Z 良 外 尚 亦 平 煩 病 脾 知 H. 亦 日 溺 各 漸 生 扶 胃 淋 衛 有 梗 可 肺 如 H

須 怨答?! 有 臾, 由 衰 或者自 老夫嘿無語 强 理 取 難 之。 齊, ;俯 達 哲 者 人 首自 外 貴 形 沈 安命, 骸 思 蒙 奚爲 吾 莊 生 一曾 其 相

## 書示兩兒《編年》

庶

幾。

賀滅 傳》: 吉 危 是 巇。 馭 並 機。 良 汝 人, 悠悠我 蔡 匹婦能勝 之虹子貽永,字祖懷。 孝子 土 趾 師 忿怒毋或乘,鹵 伯畫 况汝實浮夸,文筆恒 一,時舉示吾兒,猶 小懲福 一名白 凛 吾家 冰 心悲。 冲, 之。 淵 祖 所 養 懷弟 戰 况 吾 基 璋案: 號茄山 先 莽 汝 兢 生 東 無 安 處 勿 或受 錢字虎 子, ,邑庠生 謂 己 卑 Ш 口 敬 紛披, 時 ; 遇 蔡 爲 賤 折 齋 名寅 伯 無 磨,前 1 公撰 性澹泊 益 明 良,錢 畫 海海 多  $\wedge$ 復 E 〈大易》 傳。 鹽 詞 遭 後 抑 寧静 凛 半 虎 蹈 非 抑 險 朽 邏 家

喜讀性理諸儒家言,工書法。

# 有八人重成楊居故也漫賦《編年》两午正月三日讌諸楊洎我宗人共三十

孫 隊。 年,糧 後 替 愚 贅 何, 倍,徒然累宗 次,扶攜 「。」笑謝諸故 (),遠 且盡今宵醉 無端 重與成 咸云「子初來,吾儕 吾年六十餘, 慮 長 此 致 又當 吾 驩 何 約 窮 會。 有, 誓。 親 瘁, 歲,舊值 人, 望門: 素懷 1 厚 結 楊居 願 日 意 言 繩 聊 莽乞貸。 一踰 會 良 已半 敦 尚 不 半百, 可 姻 不 童 及 夙 示。 鄰, 一穉; -世,衰 貴 好 追 遑 白 舉 新 荒 奕 今皆 書 髮 葉 知 價 早 協 族 契 長 百 永 紛 謂 且 己 亦 更 成 連 無 幾 年 子 我 云

### 窺 鏡戊申

汝。 笑,效嚬胡 駭 隨 後,廓然去爾我 那 百骸 安知 吾年六十五 知 還 動 爾 具 予侮 如 非 體, 鎖。 真 奚 本 因 終 卧 自 殊木與土。 悟 歲 疴 我 七 不 人身,繆 是 窺 寒 假。 鏡 暑, 哑 手 容 忽 分吾 然 足 忽 顔 百 成 久 定 與 不 年 口

# 之以詩 戲成八不就四牌又益以十不就三牌係

尤, 數, 靡,其流安可 褊 如 清 何際道 心 聖 天 勵 所 高 究 窮,舉世罕一 授, 節 1 率然成 傲然 君 子 貴 不 此 遘 折 屑 牌 就 中 1 瀟 下 於世 去 散 就 士 有 竟 各 乃 殊 何 有 風

> 己 趣 同 ,儔侣飲 好 搜 遺 譜 中仙 其 副 風 磊 格 落 商 故 Ш 多 舊。 英, 幽 詩 賞 猶 寄 未

#### 寒夜

曙, 御, 趣。 童 燈火,鏗爾研章句,孳孳無已 改 且 澆,雙膝 一,無 度,鼾聲達 病,徹 惟 那知 寒如 有前 乃 夜十卧起,其 非 夜 如 衰 窶子何? 平 夜風,颼颼不肯住。 無 鐵 病 恕 昏 安卧 鑄, 翁,困 **D**曉,叫 動 數問 能 若 苦 天 頑 久不 呼 風 移 僮 夜 不 穿敗絮; Ш · 惰 難 罔 如 嶽, 闡 〕時,似 喻 何 - 1 寤。 知 扶 舉 耿 寒 耿 持 嬉 况 得 體 癡 怨 復 罕 此 靳 如 兒 媮 兒 僕 老 水 中 廢 無

# 先 民 詩《編年》人丙申

世緣。 亂 關,身苦心亦苦,安得常泰然! 達,亦恐有未全。身心本一體,苦 ,亦不妄憂煎。 先民 人有遺 訓,養病貴心安。 詎 能 役 至 神, 斯言 惟 誉 樂 能 誉 固 正 不 擾 相 逐 云

贈 先生。 躬行孝弟,以率門弟子。 生 霖,號芸戺,安貧樂道,不求聞于時,隱居半邏 錢 海鹽人 雲 有校訂性理諸書及文集行世。 士并序。 ,本姓何, 《嘉興 字雲士,又字雲耜 四方學者雲集,時 府 志》 錢何青 璋案: 號 原 錢先 名汝 商 邨 隱

曰:『吾兩人之有子無子,皆天也,夫翼兒云:「錢雲士嘗謂楊德宣

體 此 軌 理。 大, 窄,怨尤紛 法,千秋崇 公,堯、舜無過是。 Î 廓然忘我爾。 可爲後生法,皆吾子孫矣。 至德邈 三復吾友言,錢子洵賢士。 錢子洵賢士,踰 子 子云耳乎 也,雖無人不自得可 後生可 何 疇能擴 哉 憂! 此起。 爾祀, 難追,推此心而已。 」大哉錢子之言! 誦法者,皆吾子孫也, 斯志,君子 惟能 後死盡兒孫, 不自菲 怨尤徒爾爲,喪厥 云當勉爲善, 天位不肯私 壯 未 反諸 薄,勉脩德義, 舉子, 也,豈獨 己 斯言 從 求 事 其 世 宣 推 何 聖 賢 有 何 事 志 心之 分 閎 豈 子 斯 必 眼 有 與 彼 無 己 孔 道 共 非 俾 儀 何 志

## 病 夫 前 篇己酉夏日

我。 坷。 煩 况乃龍鍾者 要之無 眠 此夏更奇熱, 兩臋若受杖, 病 坐俱 夫 無 不可。 一妥。 能 斗 舉 惟 我 恃 體 室 死 欲 若 外 眠 有 如 歸 形 與 圍 何 鎖 火 難 骸 坐 壯 難 起 形 贵 夫 於 倒 骸 知 久 正 歷 極 不 難 外 坎 艱 而

### 癸丑新春詩并序

爲

願言

弛

桎

一件,

百

111

謝

恩施,老人無

僞

1

可

慶,

疾

憊

良

足悲,

君

子

善體

物,

安

用

苦

我

語

瀝

肝

爲

此

詩

知

疾

若 能 述。 莫對,震 惠 ,祈死未得, 夫慶弔 我以 僕 七旬 眩 嘉賓,道之以 欲 何常之有 衰 仆, 惟 齒,十載 顛 閒 困 惟 之狀,非 静, 話 沉 使 言 疴 庶 壽 診 其苟 則 而 治 期 康 詞 安。 强 能 期 無

> 1 纏 手加 富樂、云 孰甚 爲苦, 之而 夫孟 委 鄙 緜十二期。 一廢 壽 夫 鮮 額 焉 色喜,可 沉 子之言樂, 孫 竊 m 百 以 頓, 曾 有 或者又 年, 請 敬 滿 請 百 謝 謂 七十 苦 奚以 前 蹇 親 體 有 稱 交集, 弔 澁 慶之 悉 知,無益 已云稀; 久 聞 壽 難 (未死) 物情。 之而 以 致 미 益 之 野辛 也 我苦, 其苦, 額 吾方 壶 况 미 蹙, 若 觴 耆 乃 也 壽 不 年 枉 遘 以 有 若 親 危 情 聞 壽 善 而

病夫後篇本注:以解前篇之意也,癸丑夏日。

病夫計無之,委身受百苦,非能外形

乃愚 所。 艱 骸 阻 内 欲 忽然欲忘生,去 之故 詎 速亦 敢云任真,庶幾稱 未 奚補 可 不 留 外 將 豊 不 以 内 由 順 久假 間 天 我 命 意 惡 者 聊 道 用 死 之 安 誠

### 癸夏漫述并序

微 蚊 所 以 爲 困 了,予榻 禦之。 三犯矣。 「,常一 之不平,漫成 余病 獨 堂 卧 夜 多 偏 兒僕 蚊。 再 並 榻,羣 設二榻,兒榻 卧 此 至,兹夏十日之内, 又 篇 内皆無 每 侮 歲 交至, 爲百 之。 苦 足之蟲 中 病夫 無 無 法

中 虎 誅 微 手 姑 陳 舉 足措 躬 子 其 恣 被沉 、尤者。 毒 無 螫 所 疴 中 飽 紛然納 百 夜 颺 足 待 亦 如 舉火。 己 游 羣 侮 龍 , 猶 花 黨 童 復 子 蚊 類 指 若 睡 難 左 夢 悉 餓

> 侵, 我; 溥 痕 左 再三不 乃始大驚 我既 大索 病夫三自反,傷哉 不汝 不 子舍, 口 駭。 戕 得 汝 舍 性 反 壯 宜 疑 命 無吾負。 而 事 股 自 争 未 肱 各 老, 果; 惰 正 毋 曷 有 揭 乃 爲 物 帷 非 歲 必 示 公 相 有 瘢

# 慈父 篇以下元集補遺

使 苦 人 紿 閑 父 狂 莫施 父 非 心 時 難 不忍恣游嬉。 死, 去, 慈。 苦 醫。 仇言豈 慈父愛其子, 流 寧 錫飴 遑知辨 狂 父憂置 淚 爲 發 可 與子 後 仇 疾 聽 是非。 日災。 人 藥 益甚 ? 别, 兒 爲 有 石 父言 子 仇 收 仇 若 遠 不 禍 慈 將 淚 奸 思 患 思 豈 父 有 爾 前 設 仇 物 適 維 憤 毒 口 致 餳 計 憑 我 成 違 詞 甘 禮 飴 之, 遘 險, 結 義 言 「子今 詬 反 子 有 藥 教 相 以 防 愛 怨 父 病 失 欺 石

奚追。 忍,當 飢 汝 測 慎 !!!父去不復顧,有子今殆危,非緣 肉,寒欲剥汝皮,皮肉有幾何,寧足 窺。 事 仇 是兒意 異 ,始終勿吾思,豈 類終異心, 兇殘 乖。 逐父 知 而 性所爲, 仇言 事 仇, 甘 雖 飢 甘 悔 父 供 欲 心 亦 寒 食 難

### **悼 亡 兒** 并引

何如! 惑,作詩二章,以遺同志,視余于三者惑,作詩二章,以遺同志,視余于三者感,所為强死人。余用惕然,懼蹈斯余感昔人之言,情之所傷,爲顛,

供,貽此大痛楚。 武。 吾兄,廿七喪吾父,今年喪吾子,死 家微意有托,母老吾常旅, 余生何不 辰, 與 連年多衰苦! 婦 相 持哭,哭聲 愧 者 廿 無 達 如 五 兼 膳 接 喪 庭

> 怡。 意 掣。 雖勸淚 老母 而令白髮親,念孫復念兒。 聞 將 此 垂。 聲, 來 敢 勸 不 勿過哀。 體 斯言 忍 微 痛 窺 轉 老 母

#### 其 二

厭累。 雲邇。 死! 愚,獨勤衆 所透,今日暫相徙。 且孤,愁復 吾兒 痛哭何了 僧老如有術,言澈令人喜。 曇雲説 年 所毁。 不 十歲, 可 虚 止 時,來玩山與水。 無,却有真實理。 讀 好兒慰 欲爾 書 凄 風 肯 蚤 晚 余意, 重指點, 常益 起, 性 指 山 喜 默 此 且 理 水 與 手 素 清 疑 中

祱 茂党堂 耳 東,懷新堂之右,取《選 故太史湯堯文家物。 兼 于乙酉七月二日,年四十六。 房三楹 以 悼 集 之并 字 ,庭編竹樹桂爲屏,累石植天目 ,限七 璋案: 引。 韻 其孫某攜以 元五名 》賦「鬱兮殑茂」之句。 《許 時亡友 譜 不福 詳公所撰小傳。 **模**茂 許元 見贈,至今高丈 ,淮陽公次子, 堂 五 在 松。 兩坨 大祥 松爲 堂右 之

集字 集其中。 也 字,字平仄各半; 廣 見 」閩 千言之詩 半之,中 作 製黑 余始惡其 T 亥 :詩者 所 夏, 漆 藏 至 可 韻 也。 攜 韻 無 箱,東 纖 頃 家 牌 筆 猥,戒不 刻 又藏 其 避 + 墨 而 法 東垞, 晤冰 盤,盤 坨諸 具,亦 硯紙之攜 十空小盤 高七寸, 欲作。 子 百 宴 所 集 長尺, <del>一</del>十 常 潭 既 快 而 子, 攜 牌 + 成 而 事

> 舊 石 侣 圖 驚 若干 香 攜家 卷中。 爲之,以 朋 夢枕 思 游 韻 君 時叙 盤 首。 宛 及 濤 一谷東, 其 可 蕭 客。 璋 長 摘 猶 夜,皎 案 勝 元五 夏 篠 仙 集字 于 無 逕 游 月屋 弈 事  $\equiv$ 自 詩, 肯辭還 博諸 論 穨 載 近體分載 梁 癖, 别 道 白 戲 之暇 獨 池 誰 也。 第 亭 引 共 處 五 共 路 觴 盟 愁 輒 第 咫 披 金 道 復

# 徐龍生家園看梅有述

尺。

狂哉放歌者,倚杖

待

遥

陌

紛。 袁 文。 梅 蕭 浩邈非 物理自 竹勢若數里, 野 散 客 西 尋 所聞。 東分。 相 幽 得, 賞, 俯 冉 柔 小 日 仰各歡欣。 冉 大 暮 桑 圍 五 淡 溪 + 萬 成 雲。 株 樹 羣 轉 疏 新 中 株 密 間 條 眼 皆 植 莽 迎 古 有 披 郊

賢 芹,竟造 竹 書 耘 可 ( ) 樸 厚 焚。 師, 蘚 古 反覆 四 花 叠 海 無 一蒼紋。 論至道, 彙駝安足云! 今推 下 塵 坐, 氛 君,歸 藉艸青芸芸。 殷勤 願 言攜 來鄙賤 耻 荷篠, 邨 壺 儒, , 野 主 細 擬 哉 人 煮 老 抱 貧 清 植 圃 殘 澗 真 杖 且

獨 南《編年》人乙未

獨繭成絲,雙繭作綿,絲緒可尋,綿纏

同絲,兩心不同思,謀及異心人,覆敗故

無端。

雙

繭

非

無

絲

雜

亂

難

可

爲。

兩

蠶

不

相隨。

八月朔日山中展先蕺山師遺像惕焉書此

虞帝好問察,千古稱大智,孔子大聖

倍。先師儼予臨,昭昭聞此誓。人,發憤忘老至。末學况侗愚,加功宜

百

硤川晚泊

茫茫硤南湖,重栅截長浦。日暮

無

行

舟,天風亂吹雨

補遺

山夜候僧不至甲戌

務 顛。 僕,借火籬内 亦多世 寒犬吠遠邨, 冬氣 静 外緣 山 邊。 館 晨 孤 清 蕭 燈 往 月 然 照 Ш 懸 露 疏 南 嶺 微 簾。 寺, 頭 煙 深 適 冷 山 夜 僧 風 來 不 無 吟 無 得 俗 松 僮

林,曉 篇 遗 前 徑 寂,澹然 ", 竹竹 塵夢 機 影 窗 門 忽 相 百 見 無 出 高 糾 慮 微 從 候之, 誦 纏。 捐 天。 來 妙 反 永 讀 但 踴 韻 手 之不 夜 聞 躍 叶 獨 不 泉 如 五 成 四 能 涓 弦。 有 眠 顧 句 涓 得 好 傲 悄 歸 把 遺 鳥 首 然 書 坐 却 鳴 歌 萬 池 北 亭 漁 樹 新 籟 曲

篇。 往 點 作詩,嚴 燈,滅 公自記 字。 詩 以 不 今人 導 割 復續。 性 浮 作 情 句 詩, 余未 感 宛轉 物 只 嘗 顧 清 詠 不 懷, 好 削 爲 三 看 , 尤于此 不 詩 得 歎, 家 妝

## 六月十六日贈貞素已亥

亡, ,中道 出 身 相 遭 棄 世 遺 難 , 旅 全 邸 家 惟 遠 妾 流 身,寂 離 父 莫 13: 何 雙 能 淪

> 支 俗交,天涯足爲怡,何 多 俠 疏 騒 兒, 索。 1 士,意 不 咽 清 敢 淚 言勝 隨 氣凌雲霄,相 相 風 輕 道 塵 薄 韞 才 悲歌 感慨 用 氣自 發 逢 似《 牢 知 動 振 騒 微 貴 笳 發 吟 重 拍 非 聲 旲 中 復 東 韻 南 游 轉

適過老董韻弦樓飯歸又歌乙亥。 璋案:前

之意。 後 早喪,孝事 緒字爾立, 爲作《韻 鰥 七律一首,别 屏 不更娶,遂無子。 居韻 弦老人傳》。 號 弦 Ē 補齋, 録第 山 父母,教 樓, 八 人罕得 明 性 卷。 纘緒 養從弟三 御史學曾 超曠 又號 窺其 州 以以 志 Щ 昭逸, 面 人,爲之婚 孫, 水爲家。 , 幾數 隱 少 逸 志 有文名。 **導學》:** 十年。 昭代 乙酉以 娶。 逸 董 確 己 民 父 纘

供, 僧,見 疲 暫 清 無 我 息 溪 心 煮 無 Ш 到 中 菜 韻 言, 亭。 羹, 弦 捉住 主 進 路 人 無 便 寫 無 適 艸 愧 俗 過 行。 容, 子 經 我 山 足 而 亦 中 多 力 有 乏 躐 亦 他 蹋 飽 已

聲。 復停。 乃 誇,我忙 亦 極 半 **元**注: 佳 . 晴 無 應 往 負 改 聲」, 繖 來 作 Ц 無 自 如 送 此 歸 中多雜蔬,煮作骨董羹,主人向 亦 迎, 去 住。 君 艸厚 大意竟已足,天 自 登 新 Ш 鞋 樓, 輕。 我 行 如 不 此 雨 我

贈 許 有計 毁 户 力 全可字欲爾,令典之孫。 骨 隱 老而益勤云。 生 立 淪,肆力于學。 , 月有會,期 用 類 思 想 恋 寡 過 , 修 業 進 德 。 欲 ,鬚髮遽 爾 新婚 白。 庚辰。 從陳確修蕺山《證 又 探 索史策, + 六爲諸 州 志 各 . 生,後棄 有 文苑傳 人社約》,日 紀 略, 母 、去,鍵 喪,哀 蓋學 許

終。 驩 隆 亭, 璋案: 論議 殷勤 丈夫惟 昨 暮之東垞,道 此下五字闕。 生清 意有托, 遠 風。 志 奮翼 囑咐 蹙 百化本刑于 顰 遇 摩 相 嘆 淮 蒼穹。 磨 陽 世 礱。 變, 公, ', 慎 攜 慷 伉 勿 謂 始 慨 我 儷 惟 华 正 乃 誰 蓋 耆 古 少 不

> 期 雄 年,老大 習俗安足蒙 繁華 如轉蓬 事 銷 歇 學 勿 問 謂 無 時 事 終 窮 棘 古 盤 人 錯 以 見 英 爲

### 斷 牲丙戌

脩 喫,問 能,兒 賊 忽。 酣, 寒 已,曷以謀昕夕! 1 舉 東 米價 聊 我 幼 陳子懷百憂,戒 邑 動 事 忍 以敬天怒,皇皇寤 幾 賦 多 族 日 時 不 嬭 调 湧貴 Ē 開 得。 急, 失, 非,天怒竟莫測。 育育迷月日。 久 生平實 吾 塘 早 1老各 斗 厨 河 氣 斷 千 半 負 如 反側 行 四 牲 死 天, 爐 食; 百 志, 貴 偷 嗟 乾 瓶 西 妻 子 菜 坤 匕 勢 生 Ш 病 德 猶 意 自 資辛 滿 戰 補 蒸 未 忽 不 未 盗 E

#### 六六六

## 乾初先生詩集卷四

海寧陳確著 族玄孫敬璋編校

七言古詩

湖中十日歌癸未。璋案:是年八月,公偕祝子開

美遊西湖,詳見《秋游記》。

然半 俗 出 容 相 兩絶奇 書 露 誇失其質。 西湖 船 亦 簫 高高 模 八月雲漫漫,坐使西 鼓 /糊,頃 殊 .'樓 稀 滴 我愛 微 雨 刻 聲凄凄,實馬 百變描 西 西 湖 湖 五 本 摹 日 體 湖 難 雨 自 無 香 孤 幽 車 湖 Щ 寂, 舟 不 影 獨 奢 敢 Ш 忽

> 苦淹留 橋 逃名 部切 譜》 傍雲 得 五 聲 兩 風 午,我正高歌船上樓。 西 祝子前冬上諫 [冷諸 西 妍 小。 ,久立露臺不肯下,舉杯對月論 蕭 四 責。 崇禎壬午如京師,冬十二月,疏救山陰劉公宗周,下 好 蕭 Щ 湖十日閑,半浮 顧成寂寥,惟 Щ 側。 子才如綺, ,夜深猶 水曲,君愁 豈知聲名 閑 旦 中 心往往成悠然。 晴 秋 十二十三月 書,至誠所 湖 右 醉 發異光 中 有 挾 車騎雲從蔽 城 時盛,朋游 雨 明月依 刺 秋 東 舫半 與子移舟至斷橋 市 左,夜 青峰 頭, 正好, 一發非 城 人在 晴天,湖雨 裏。 要譽。 夜 争 鼓 歷 四 湖 開開 欲承 月 歷 歸 更五 今古。 相 水。 西 明 船 逢 樽 《祝子年 驩 南 如 湖 復 我 更 月 傾 登 愉 幸 晴 乞 + 雨 酌 當 倒

#### 鹽 州 篇

今昨。 嗟 無 横 貅 親 驟 士 處 雲散 哉 恣 見 飽 ,焚家劫 處 朝 世 羣 聞 富 鄉 崇 攫 衣 大第 兒 禎 兵 紛 僕,沿邨 千 宜稍悟,今不 紛 冠 餒 能 末 藏 金 愁。 ,兇人久活 殺 年 報 勇 高 暮 弘 復 赳 門 撲 殺軀, 昔 光 總成 青天 赳 盡 捉 日 元, 燼 吏 承 一悟無乃 語人 白 煨。 嬌 虚,大家 世 不 平 旦 日 妻掩 亂 吅 風 驕 死 義 魂 民 兵千 俗 須 軍 號 哭 愁 惡, 愚 小 臾 百 吾 冤。 ·騎來 不 家 鄉 邑 出 萬 兒 口 同 官 鹽 真 貧 反 言 兒 悲 官 甲 歸 貔

> 硤 里。 外 Ш [志》: 咸 高一 淳 志 + 丈 紫 微 與 Щ 沈 在 山 海 對 寧 峙 縣 市 東 北 河 六十 貫

其

中

,故名硤石

秋,賓 誰 舟 退 光,名啓 荒 軍 家 兵 自 浙 烈 一<del>,</del> 四 繞 無 敢 浙 稱 西 丘 《怨,盛 門 節 東 大 硤 丽 顧 琦。 留 飲 汜 郡 世 可 將 Ш 雜沓觴 無 不 無 憐 無 軍 提 拳 氣 援 周 休。 完 □ 兒 比 刀直 石 豈 力 徵 縣 九 如 戦 止 如 芻 真 殺 平 將 硤 前 指 死 流, 凌雲煙。 義 責 軍 明 X 祈 尖, 山 餉 土 豈 戒 妻 酒 如 不 練 本 家 直 拘 女 止 閶 XI 醒 募猶 輸 咫 赴 注 艸 欲 一,左衝 各 不 將軍 F 驚散 許 尺 河 周孝廉之弟字 硤 紛 義 ." 撑 傳 傾 然。 Ш 八月賞 右突敵 獨 没 <del>7</del>. 整 將 轉 囊 陣, 報 墮 自 Ŧ 眼 倒 孝 扁 守 敵 中 成 筬 廉 全 欲 偉

腸 氏 氏束其子明 兵硤石。 變,户科給事中 人,以八月望日 氣節,二公數稱之,日 州 從焉。 而戰,截 周 志 出吴太沖 九,所設坊廂,至今爲硤鎮之衛 弟啓 諸 烈傳 其 俅 生 頸 l琦格 鄒雪 于 敗 丽 熊汝霖以 章正宸之門。 懷 仆。 ,宗彝單 鬥于 昉 周 躍 袒 宗 周生 池 臂 彝字 里巷,刀中 彝 兵 騎 水 兄弟 人海 中。 呼 五 走 吾道干城也。」國 爲 重 市 旋 寧,宗 人有 崇 硤 腹 遇 人集 妾張 人呼 害。 禎 腸 膽决 者 2 彝 出 氏 爲 妻ト 亦 F 911 納 尚 周 Ŧ 起 駆

# 哭亡友許元五乙酉七月二日

悲 世 之深,路 頫 亂 年 間 離 禍 素交若 東 相 垞 若桃 地 茆 踵 覆 吾爾 屋 兄 源 天 書 避 姪 翻 千編, 白 酷 連 X 亡 首 秦 衆 似似 門 爲 兩 汹 期豈 户 人 此 恐。 優游足忘 君 曰 Щ 家 今 厭 廿 黄 年 四 Ш 不 又 亂 年, 復 謂 山

> 夜 愁 丙 留 艸 廿 稱 何 戌,殉難卒。 雨 月, 艸 里 久 遂 Ш 聲慘未 前 徒 游 炎 中 奪 昏林黑雲遏 分手。 月 蒸 年 吾 亦 初六哭祝子、《祝子年譜》: 棄 Ш 二友 有 休 今月初二 路 故 祝 居 平 走, 人 子 何 頭, 1 道 字 到 -落漠 開 來 理 兄復死,天 哀 故 美 不 寡 哀 人 朋 得 助我歸 哭 悲 嶯 及 儔 歌 君 山 君尸 乎 未 君 從 四 乙酉閏六月 途哭,徹 闋 曾 學 海 知 未 天 半 同 於 否 爲 滿 君 ? 淹 生

#### 山中雲

宵 復 肆 知 行 惟 世 有 畫 人 生七 亂 伏 Ш 白 中 同 尺 賊 雲, 日 不 徒 公然遶路 出 如 乾 没 無 舒 坤 儒 卷常 茫 衢 冠 茫 自 吾 我 莪 安 如,悠悠 居? 空丈 夫。 豊 放

# 初夏過徐季長梅齋閑話其伯子高伯留

飲

顇

歸

口

奚 自 兩 能 E 吅 徐 所 多多 門 人 T 子 止 `愁病 求 勸 事 3 老 幽 四 爾 居 而 月 豆 何 金三 翁 隤, 梓 堆 當 事 花 盤 日 翁但 久 死。 無 接 添 暮 坐 , 新 天白,午風 能飲 更美, 酧 迂 老客 梅 深 論 出 貧何憂,尚平 杯 顰雙眉,大椀 徑 故 屋 醉 交 垂 吹香 淪 歸 深 一青碧。 東 落安足云, 杯屢 風 靄 邨 願 餘 酧 筍 有 陌 酒 畢 莫 茶 客

《州志》:徐孟祺字季長,壽朋姪,崇禎己卯舉人。

### 午榻集字限韻

高松拂雲呼寒岩,放身壓枕驅午炎,

悲 晴 韻 出 倚 聲 結 床 林 原 魚 暖 澗 道 病 之窮 竿自忘引 樹 肯 獨 銜 摘 與 紅 賦 吾 逸 帘 當 侣 性 夢 拈 酒 蓬 峻 回 别 酣 園 [茗盞 支 客 物 淹 杖 處 所 仰 争教 寥 嫌, 觀 屋 寂 新 謀 遠 添 待 田 詩 揮 晚 明 怕 俗 動 杯, 波 限 事 成

#### 家有病婦

娟

月

巾

裾

霑

昏 明 糧 如 行 地 朝 ? 嫌 鳥 日 飡 睡 涸 夕寐 無 差 僧 家 人 有 知 將 有 覺 事 人 米有 春 又來 俱 病 時 起 税 絲 未 ? 婦 賣客客莫視。 還 絲 倉 坐。 穩,出門 兒 未 尚 又安得學 保 夜 償 如 吾安 圖 啼, 此 差 不得 驅 春 〈得學 1 春 劉 厨 税 本 無 如 仲 市 薪 陳 未 將 絲 囚 容,百 濕 希 償 絲 將 無 覊 猶 風 夷,終朝 米 米 米 雨 自 年 抵 天 更 L 可 晴 秋 何

更 在 | 愁應 醉 鄉 多 中 ? 不 醉 不 睡 醒 奈 何 ? 刀 更 五.

埃,前年造作工 愁。 雷 君 又 不 已 扁 作「顔色悴」。 不 去 遲。 生世上 不見,鹽 不 潮 能醫。 聞 君莫 不 貧 水 請 瘳 退 錢 秋, 愁 隨 君 愁 後 唐 官 再愁傷 假 貧 分過 聽 何 愁 沙岸 城 江 如 貧 我 來 用? 未 上 裹 此身愁死後,此 一, 不 不 歌 無 上 畢, 他 心 高 去,病 已 莫愁,使 死 脾; 聲 如 樓 貧 去 時 意 哀,日 臺,連 人 病 年 事 百 人愁 曷 燒 愁 身 萬 愁 不 雲 日 愁 中 盡 病 恒 春 有 姑 耀 夜 顇 惟 膏 時 成 多 病 益 容顔 夜 優 肓 寒 日 雖 堆 不 我 轟 游 我 灰 無 悔 瘳。 即 ? 亦 纖 如 ? 亦

無愁會須死,况君終日愁奈何!

六七〇

春 沿坡而 晚 屋。 芙蓉楊 水、狀 里 遷《外 竹 人讀 越 旋 萬曆末,許 曰 盡 中萬峯,若在几 石厂。 松深, 曲 扉 令典自撰《記略 ,巉岩峭拔。 入東

定

即 書臺。 常 潮 志》: 似舟,日 日 聲日 扃 柳 東,迄于東垞; 「嬴徑。 垞有長坡,可茶可 石拱 可 太守 黄山 夜吼 從 稍 與 進,日 浮嬴。 東 (西埃 嘉靖 徑 ,令典 立如 在縣 席 北 枕 席, 上 上,日 澗 |楊梅 一小閣 長隄 編年》。 治 中,都 丈 西 東五十二里,高六十丈,周 虬 海 其 度峪 人, 垞結茅三 東 松下 前竹 中 園。 埒。 昂 枕 西 指揮周 帆 果 日 濤 兩垞,爲 躡 首脩 萬竿, 小 影 拱 莊。 点 更 **可** 磴 又見沈氏本。 竇 出出 内茅 辰。 度 楹 蔬 尾 上 人 應禎逐 松 Щ 没 嶺 可 日 首 扉 名 屋 石 竹楊梅之凑 日 腰 漁、日 如 小梢雲。 坎下 流 側 面 蓧 倚 鳧。 日 楹 雪, 倭死 Щ 海 觴 攀 九 屏 咏 寒 蘿 徑 日 隄 朼 尾 林 楹 此 處 Щ 竹 軸/ 淮 山 植 依 七 談

<sup>■「</sup>春」、疑爲「春」之誤。

爲居 容百出。 山 薇葳蕤,朱藤虬 石而上,小閣倚樹跨峪, 不礙 一, 日 、取適已爾。 荷 巢 館。 西下日 後水勒湯 結 玉厂,以 此 兩 日 定之概 太史蹟于 嬰巢,四牖玲瓏,遠近 茶梅名。 也。 壁 屋宇無 渡 · 日 小橋,環 「墨沜。 多,雲 薔 溝 Ш

多

破茅 山 細 前 中 涓 廬 春 對静侣。 膠 涓 林 漆 夜 新葉 友。 尺 如 杉 語。 半酣 ~滿 東隅子 棺 舊 濕 罷 評 葉落 春 酌 欲 日 世 各欷歔 朽 似 如 L 摩詰 雨; 二十年來 作 愁 夕陽 春 人, 泉 池 此 晴 上 夕 漸 作

邨 酒 《編年》。 又見 沈沈氏 本。

之又恐宵無眠。 壺 猶 半 百 邨 壺 酒 忽 何况 濁 盡 於淮, 姑 酒 全 蘇 愁人愛眠賒 買 無,再賒 其 清 淡若 美。 無 只 日莫泥 米,一 不 恐 止 僮 無 升 野 僮 顔 費 店 賒 e 錢 貪

> 少 能 錢 惟 何 賣 Ŧ 水。 試 與 黄 梅 雨 愁 發 傾 水 滿 壺, 河,竪儒 愁 與 河 愁 水 生 誰 誰

#### 世 事 篇 寄丁兩表兄

併失之,惟此可 家 留 尤 千 夜 賊 枯腸同 邨 惨悴,一 深 破身輕 ,主人一 ļ 净 賊 世 棼棼沓沓 我 如 火徹 事 澆邨 洗,平明 翻 百不虞,惟愁 笑成 歲三 恨 覆 天紅,出 沽。 誰 天 偷 鼾 聽説 地 本注: 可 及 睡 塞,小 測 碎 門 ? 心怔 仲長兄家藏 美 鼾 細 竊 酒 睡 9 望 大驚 昔 四 忡。 千 彌 到 日 顧 斛 曉 惶 西 衣 真 酒 嗟 味 東 涓 寤 最 冠 無 余 富而旨 有 滴 反 今盗 纖 表 頃 餘 側 無 屑 兄 刻

**間** 日 **瘧**《編年》。 又見沈氏本。

常 任 假 優 瘧 寒 偷 將 柔 作 如 時 劣。 君 日 津 貪 六 廿 云 漱 安 酷 月 年 冤 未 東隅 聊 吏, 咽 思 不 獄 若 姑 圍 瘧 子 硃 久 連 兼 評 且 爐 忘 票 滯 日 避 日 瘧 熱 火 誰 者 害 風 不 妙 籤 時 理 語 寒 醫 繼 五 申 而 吾 食 不 出 ; 踵 更 朝 飲 寧 禱 以 間 至。 欲 快筆 瘧 節 取 亦 H 投 發 此 不 ,神似 瘧鬼 **瘧覺**  $\equiv$ 河 苦 截 不 H 取 東 無 瘧 冥 連 稍 瘧 坡 彼 鬼 华 寬 如 日

# 六月初七辰巳時見沈氏本

心 他 往 洣 六 莫 頭 暈 月 隨 倒 初 堂 + 誰 喂 辰 其 巳 耳 在 時 聾 旁 眼 陳 唤 黑 我 子 百 體 爲? 不 倦 知 忽 須 不 妻兒 臾 持

> 之 出 冥 安 便 病 未 四 醒 瘧, 死 肢 漢 逝 饒 魂 頭 宜 必 樂 匍 過 而 不 己離,始 尾 痰 老 受 生 何 齊, 膈 匐 無 其 頭 冤 匪 也 歸 疾 額 一、故昏 皮, 鬼 所 卧 痛 悟 汗 笞 期, 夢 瘦 死 仆。 少 微 逶 味 骨 無 顛 頃 世 發 腽 遲 誠 胃 呢 再 亂 則 趾 如 寒與痰 如 起 泛 出 巡 流 熱 速 斯。 唱 支 否 減 澌 汹 往 俱出 亂 淋 爻 瘧 不 開 斯 危。 造 漓 聽 聞 已 而 眼 時 之, 病已。 欺 生 兒 本 徐 即 女 理 注 長 蟲 死 能 口 天 拼 歸 胡 運 凡

### **元** 兒《編年》人己丑

未 數 秋 兩 減 百 深 日 下, 瘧 禾 痢 既 兒 痢 兩 壯 痢 乃 七 月 者 且 交 歲 先 難 食 作 不 堪 瘧 各 畏 醫 後 幼 爲 病 藥 痢 安 政 百 食 競 主 投 M 飲 . 痢 不 證 貪 幸 疾 饕 稍 其 應。 如 貪 稀 日 弗 瘧 性 瘧 勝 猶 隔 復 夜

吾兒好 索 數 不 讀 來 定,學罷 我 耐 行 痢 作字 新 性 頗 瘧 學 秀 詩 相 怒 無 日 誦 胡 勁 禪 而 事 起 枕 枕 勿 何 即 麾 聞 挣 時 .時 L 去 謀 時 發 高歌兒 . 竟? 忽 食, 牽 讀 憤 復 我 書 志 稍 至, 教 + 此 其 食古大聖。 不 徧 兒 且 聽 當 解 略 雖 笑受之 意 我 能 病 啼聲 背 不 亦 忘學 作字 未明 聊 病 横。 點 憊

# 撫松軒 松庚寅十一月初七

清 房 至 人 庸 不 獨 櫳 神 號 風 敢容,移 斷 勁 矯 能 撫 召 節 成 通 松 矯 間 奇 白 軒 直上摩青穹, 里鳩 種 功。 此 世宗,閹 前 西 松 松, 南 千工,父老憂 世 移 向 間 後 然羣木傴 兩 值 更 尤物天 弓。 庭 儼將 鬱 當 蔥 樹 中 播笏 渥 所 疑 慢恭。 老 , 鍾,人力 龜 如 根 以 朝 不從 其 洗 深 天宫 崇巍 沐 礙 事 出 不 主 月 厞

> 憂心 嘯 翛 興 谿 空,書聲 只合晉上公,區 咏 不 然 風 秋 窮, 忡, 病 徂 起 汲泉 細 酧 冬。 常 與 爾 攜 濤 掃 今將 纶, 显 聲 葉 杯 豈 意 烹團 融 歸 明 願 不 去 月 秦 乾 龍 在 滄 酒 皇 初 酒 海 日 封 道 稱 送 東 攜 0 欲 醉 我 萬 主 翁 老 十里 卷 别 人 뻬 樂 坐 時 不 聾 清 忍 從 此 明

贈論弟髫年採芹辛卯。● 《家傳》: 之問子論

字謝浮 子 部 士,康熙甲 右侍 十月十九日 郎 號 ,崇祀 辰 丙 授内弘文院 齋,邑 ,時年十六。 鄉 賢 庠 生,順 庶吉士, 璋 案 治 T 内 改檢 西 齊公生崇禎 舉 人,辛 討 歷 丑 官 刑 進 丙

吾耕東海頭,子學洄塘曲。耕夫恒得

● 「辛卯」,原贅此條注尾,今依本書體例移至此。

之 寧 艱 吾 勿 詎 餒 老 具 傴 以 難 可 () 雖 敬 當 無 循 禄 者 墻 無 能 廢 有 恒 斁。 子 讀 良 不 得 後 方 患 H 禄 有 孺 坐 子 不 興 于 荒 貴 家 耕 者 菸, 患 祖 夫 里 誰 不 驊 不豫,辟 澤 亂 其 騮 深 爲 將 離 餒 始 而 其 ? 長 輟 瘼 之吾 子 步 需 耒 能 何 英 王 耕 學 勉 以 譽。 路 器 旃 擬 者

老友董昭逸家園漫賦《編年》。 璋案:董子

爾立,又號昭逸。

來 天 桂 訪 Щ 乎?」人生聚散安可 而 列 間 庭 虚 山 余 元作 序, 居 尚 含芳 高」。 「來月此日 朝 如 此 來 未 閣 風 彌 肯 雨 俯 月 邨 忽間 舒。 後 花 期 郊 事 當開,吾定未出 約 梅梅 之。 主 誰 人 我明 竹 能 咫 抱 知 紛 尺 樹 日 相 松 尋 笑 拏 君 菴 元 仰 誠 子 元

> 然,却 轉 水。 生 出 死。 世 眼 日 人 西 有 元 月 風 作 真 我 山 如 「藥石相贈投 亦 實 桂 馳 非 理, 發 不 世 我 紛 往 士 紛 留 復 倔 忽 藉 贵 强 相 各行 聞 藉 云 爲 藥 Ш 意。 件, 努 石 中 力休 月 言 如 吾道 以 亹 勿 火 本 亹 濟 超 説

### 吾癡歌問陸子麗京

癡 自 執 復 、陸子 鞭 責 我 (),還 隨 鰥 微 物 爾 陸 復 陳 各 長 子 聒 子 有 曷 馳 聒 蚩 性 我 蚩 戒 醫? 大 友 知 化 爲 未 其 ? 知 陸 如 子 ? 哀 台 陸子 哉 身 陳 叢 我 能我醫 子 百 貧 真 尤 我 絶 賤 不

### 鋤菜 発

赤,字孝章,生萬曆癸巳九月十七日,長公十一歲。壽仲兄六十《編年》入壬辰。 璋案:公仲兄諱思

花 母 母 + 年 杖 娲 忸 九 康 今更作長病 今年六十五 開 壽 頭頭 侑 应 藜 怩 强, 長 正六十, 干 頷 籬 子 我 吾母今年八十六,耳目 秃眼 兒孫 時。 月 之誰 壽 + 笑任所之,日 皤 白 誰 有 萊子 昏 膚體 玉 年 年 仙 吾家兄弟不 奇, ,百事 输完付一作 能 我剖? 如老叟。 立 车 分, 拜堦下, 志 晬 森 歲 與義皇同太古。 盎 氣 青 歲 飲 堂 年 清 鬚未白,更喜吾嫂 碧。 秋 醇 力 和 明 旁人錯 自 吾 風 醪 衰强 氣 母 白 壽, 小弟 樽。 啖 芬 倍 欣 謝 聰 肥 認弟 安 氤 弟, 明 然笑而受。 今年 樽常 肉。 可 子女, 氲 牙齒足, 仲兄 絶 齊,兄 , 黄 爲 開 四 伯 似 兄, 菊 日 圃 兄 Ŧī.

> 僕 今日 有 嗟 「愁」。 乎 如 身亟 昔 乖守身,明王應首辠農人。 童 鋤 樂正 子 日 菜 春 登 爾 躬 子 米 穫 何 春 傴 挫 知, 悲下堂, 僂, 遠 腰 假 蔬 薄 氣 將 口 暮 兩 槁 前 君 不 夜 需 哲 復 輟 呻 恣 何 不 兒 吟 鏧 時 遊 童 不 ? 嬉 罹 糾 得 此 力 睡 元 羸

惜字 屋梁 悟源提 志》: 如 解脱文字」,至今拾字不廢 **菴題贈悟源老衲**并序。 日 ,則作佛 惜字菴在 也。 筐挾筴,拾道 里人拓地建菴,楊司 事以 北門 焚之,風 外一 旁紙 里,即 墨 丽 文字,久而 寒暑 瑞 馬 不 像 《編年》。 雍 輟,三. 院。 建 成 顔 困,叠至 明 Д 其堂日 季,僧 十 劍 车

造 億 感 菴 慨 身 此 菴 孽 係 除 僧爲梓潼君索 癸 之,非 留 E 惡 冬, 未 字遺臭 盡 敢 元 助 注 書畢, 秦 聯 + 無 虐 句,題之日 窮 也 月 又 帝赫: 廿 遺 七 以 日 其靈 長 惜 化 衆 字

曾及 辛苦 弟千 贵 間 塵 潼 足 傴 慰 然 神 書 僂 道 焚 如如 · 萬 惜 乎 掇 卷 咄 埋 字 一旁 那 億,無邊辠 拾 日 彼 哉秦帝真神人,定是文昌變化 菴 能 枯 煩衲子。 紛 不 兇 我 僧苦惜字,終日提 盡 然, 辭 人方 懷 爲 毁 勞,安得 鬱 錦 德 羣 孽欲 棄 結 誰 軸 浩蕩 士業, 市 未 能 牙 通天。 籤 敢 别 分 王 快 善惡, 身 陳 倍 仁 絶 徧 徧 何 可 洗 囁 廢 憐,誤 籠 當 大 世 吾 擲 嚅 走街 品 復 地 界 欲 師 泥 收 當年 無 告 之 塗差 身 遂 恤 世 梓 纖

#### 行路 歌

講之雖 登路問 今分之,陽明 人 路 謂 已 問問 明 行 , 起 即行 路 復 須 生其 ௱ 於家 識 行 路, 如 之仍 台 講之 我 如 謂 終 盲 識 不 路 知行 明; 須 行 於家 路

#### 柳橋行

樓夾 愧 作 直 巍 袁 沖 生徒,春艸講堂長 西 亭 學憲 道 人喜, 古 宛 柳 半 小學 轉 橋 家 蒿 不 下 鄰 盛衰之理 萊 千 復 頭玄 御 見 史臺,一 秋 柳 趾 祗 劉 橋 魂, 寂 有 子 君知之,堂上王家 之北 莫。 柳 柳 空遺鐸, 死 橋 橋 時 柳橋 今尚 生人 南 宰 里 頭 東第 白 存 流流 事 鴻 頭 寶 言 流 柳 幫 崔 未 姬 落 橋

流 燕 子。 清 口 柳 濯 橋 纓 底 濁 水 可 足 春 孺 悠 悠, 歌 試 時 聽 向 柳 東 橋 西 頭 南 北

#### 己亥春正

澴 傭 則 鋪 典 借 愧新衣 豐 黑 更 衣 非至公,猶言 窮 出 己 紗 舉 亥 典 征 白 世 製未 春 典 輸 裹 相 正 鋪 絡 耀 輝 工 燈 中 其 繹 以 尚 爲我 諸 躬。 將 鮮 紅, 奚 鋪 穠 姑 徵 供 皆 今 通 糧 日 云 請 融。 製 縣 銀 君 嗟 檄 衣 已 哉 試 嗟哉 明 空 日 民 看 日 數 窮 吾 陌 + 典, 通 俗 金 窮

**芾** 孫《編年》人辛丑。 璋案:雲怡公小字

芾,生順治丙申。

芾孫三歲能識字,今年六歲始讀書。

意 此 不 字 家 未 字 ,還淳返樸奚所 足嗤,純 貧 聞 出,舉家誇誦 如 無 語 熟 師 一作「此」。 師 識 其 乃父, 寫 藝 黍 字 須 躬 未 未 相 筆 答 懽 菑 知 筆 愉 畬 其 心 工 雖 踟 終 描 有美才侔姬旦, 家庭 躇。 老夫 欣 墓 有 志 事 子 老 初 事 坐 孫 願 0 有 學 愚 不 開 真 笨 堂 在 卷

## 君 憶 之《編年》入壬寅

使

驕且吝乃可

漁 兒,夫食妻,妻兒作 麥 啼、粒米 食妻兒,今有妻 州 無 婦 志》: 不 收 往 順治十八年大旱 顧 歲常荒 禾 無 薪 盡 酬 人揮 槁 徒 非 手 兒 租 真荒, 轉 歸 難 食 фф ,, 無 眼 療 安足奇 木 之 上年之荒 比 飢, 粒 枯 間 死 年 空持 更 斗 粟 事 賠 米 米 勢 ;妻子 去年 糧 四 移 不 賤 百 如 錢 可 向 猶 父 泥 得 食 蠶

飢 粒 木 米 時 如 珠 璣 年 倖 熟 君 憶 切 弗 遂 志

還

作「只」。

恐

秋

禾

未

登

麥

粥

不

繼

愁

方

千

家

萬

家

咀

菜

汁

椀

麥

粥

那

可

望

難

勝。

### 麥 粥 歌《編年》

有 飲 人 間 時 宴 歇 最 常 何 耕 苦 年 癡 此 種 夫麥粥年年啜 耕 田 惟 啖 夫,豪家 日 大肉, 不 足夜繼之。 飲 今 年 宴 仍 種 相 田 但 惟 逐 恐 麥 粥

#### **其**

啜之。 爲 長 力 八捫腹 長,麥力促,啜 朝 尋常 麥粥, 居 恒 問 麥 不 夜 爾 粥 粒 麥粥 粒 未 時 猶 食 須 自 一昔幾 飽 晝 傷, 可 麥 已 不 時, 即 邇 飯 記 餒 H 去 無 嗟 初 疾 年 粒 春 耕 此 我 粟。 丐 安 日 農 粟 四 可

### 南山谿《編年》

異 Ш 南 物 張 趨 網 多 南 桀驁,虎不食人人食 北 Щ 往 有 設 無 虎, 所 之, 北 山 貙 傷 有 欲 如 貙 之 逃 無 畏 何 虎 處 1 虎 所? 北 君 走, 不 天 見 避 生 南

### 桔槔 哀《編年》

枵 麥 心 欲 然 粥 推 車 不 桔 况 厭 槔 口 氣 開 日 復日夜桔槔悲。 夜聲 力衰,哀聲 天 絶 一哀哀, 纖 雲 斷 如 地 續君莫 爲 積 天寧 窮民 埃, 登 猜。 無 訴 隴 耳 苦災, 車 未 腹 聞 望

桔 稀,至今釜甑生塵灰? 知 、天豈 槔聲急未 無 心 須 示 危。 置 懷 君 1 不 天意 記 去夏訖 深微 莫 秋 漫 聲絶 窺

### 桔槔哀樂聲歌《編年

私 此 切 那 桔 前 棒喜欲 歌 能 畝 勿令人生喜 至 汗 枯 始 後 聞 如 ,桔槔聲似 田 相 狂 桔 雨 四 遭 一、七月 槔 五 各 車,遠 悲。 怖 欲 河 來 時。 坐客 死,去 水 儀 流 紆迴 鳳。 到 今年六月聲 何人不 北 年 行數 人心 塘。 六月 傷虎,共聞 喜愠 南 里。 聲 鄉 又催 如 本 高 繼 此 聞 無 涸

## 黄楝頭歌《編年》人癸卯

三月風吹黄楝茶,低枝肥白長新芽,

洞 易 毋 蓬 庭 比 悠清神似之。本注: 嚼 封 **兼** 中 鬆 Щ 水黄楝四五 裹 滿 岕茶香未及,千古惟 勿 旬 ~,一寸 過 野 出 無 乾, 之 須 莖,以陶詩百篇下之,庶稱玄賞 美 翻 晶 買 將 無 鹽 採 敵 浸 細 詩中無淵 取 水 拌 盈 盤 福 上 筐 明, 有 州 新 不 比 浸 淵 橄 罈 厭 水 食 欖 明 味中 少 奢。 詩 旨 盤 虚 無 不 風 日 黄 罈 小 如, 韻 曝 口

### 農夫樂《編年》

大 康: 香。 作 處 早」。 從 醉 筐, 白酒家家煨 麥滿 風 飽 何憂 田 揚。 爾 趁 主 梅 無 場, 作「亦」。 替 樂 米 黄, 豆 我 ? 不可 時 完官 滿 一廊,更煨 市 場 , 雨 豊忘? 過 米 連 過 糧 如 絲 朝 則 0 糠。 滿 待 新 殃,辛二 官 上 箱, 插 豆 私 年三月更飢 石 秧 酒之傍,小 新 無 米 丑之夏 謳 擾 打 惟 歌 真 菜 消 幾 樂 油

莫教 荒 盡 濫賤送牙行 室 清 清 嚥 菜 湯 豆 麥 雖 多 未 口 量

感 懷 書名。 嗣 迹城市。 山 琪字肇五,號石丈,博學敦 查 ,與同志爲省過會,事事期歸實踐,葛巾艸屨, 石丈《編年》人乙巳。 擅 文章,工 行艸 法書。 《州 行。 志 子 中 昇,官少 隱逸傳》: 歲 師 事 詹, 劉 絶 蕺 查

後只 難 聞 石 老人聞之感且 兄 Ŧī. 丈將安計 ,許子、蔡子 孫,諸緒茫 + 其 數語,自言得 疾 甫 石 心 過 丈 事 石 爲憂,石 丈吾 觕 然 其 涕 畢,俯 那 勿 查 正更何 可 吾家 丈之意轉優 諼 一叟,昔 論 仰 1 不 友 無 求。 年 造遘此厲,石丈 朋之誼 慚 古云死 小 死 念吾兄子及 游 友 何 今老 有 易立 處 何至, 置 友, 孤 我 身

### 十八日晚雪夜更劇

那? 劇 暴以 絶 晃寒牕如白 無知莫敢辨,是豐非豐茫難憑。 盈尺歲豐亨」,或云「乾雪旱之徵」。 口 ,憂喜攢 熙陽 憐 臘 况復 ",將米 月 寂 + 非 心 日 不 八 朝 豐 輸 消,浹 雪 及 一奈若 人 紛墜,一 夕,連 不 何! H 直錢,十 踰 夜 旬 夜 無 風 歷 平鋪 眠 病 不 新 頻 年 償 今年 歲。 徧 反側,雪 年 大 老 豐 年 老人 盡 地 彌 則 云

# 和芾孫贈張元岵先生詩

佳 往 肴 返 燥滿 南 塵 塘 外 籃 仙 六 十里 、私我 人 八 (旬叟, , 時 黄柑 下 大如 肩 乘 輿 興 斗。 自 來 趨 尋 由 走。 抦 來 巷 世 遺 友,

擻 能 笑看搔雙白 不 () 童子 尋常 盡 可 否 歌 先 詩 生 首。 感 聊 信 慨 勸 亦 口 君 時 且 先 有。 舉 生愛之忘其 杯中酒,人 病 夫作 書 醜 事 亂 安 抖

#### 中秋偶書

僥 贏六十晝夜故也 未足多 病 倖終 夫守 病 ,吾於 夜如 此 夫 度 仪 守歲 日 共 如 歲 歷 度年, 苦 通 晝 經 夜 宵 過 轉 立 七 百 酸 側 本 行 0 不 注 得 蹇 是歲 彭 坐 睡 不 壽 》 置 閏 倘 安; 八 或 百 更

# 交道吟贈高聲野以下元集補遺

翩 翩 盡 搢 是 紳 富 交 錢 家 兒 不 7 窮儒 交文,門 淹 抑 下 何 之士 所 聞 如 屯雲 世

> 身自 霄高 發如 交官 哭,彼往此 直須索之千年前 命 如 同 矧復道遠隔 心 氣不矜道義足。 毫不差,交道 真不愧先賢 用 生 愛才不愛假 那 今日 奔雷。 黄 先 不 土,千金 顧 Ш 生 意 交 室 來, 聲 家 氣 死, 來自 中 野 以 生 非 即 於 如 雖 萬 生 死 此 交 高 今薄 懸 便 成 是 官 兩 聲 昔 ,聲野待之如 兩世俱定 同 只 契 罄 俗,吾黨臭 萍 焉 則 千 野 H 生,中間 是 洽 如 足 水 趨 年 有 同 情 真, 紙 數 相 死 以 此 生先 子 無 1 值 官 後 道 俱 交,當時 非 静 加 無 官 味 有 止 今人久不然 絶 生交聲野 但 中只要 生平。 念 况 聲野, 才 殊 根芽,説 朋 君 胸 兩 多 聲 懸 友 家 意 中 者 沉 絶 捄 直 名 用 不 分 氣 俱 升 家 特 雲 錢 道 奮 欲 數 意

# 題孫雪居畫朱竹款云自漢壽亭侯始故

#### 論及之

或云 惟 色, 自 朱竹亦侯爲,是侯 寫 有心事千古見。 種高節凌霜風。 何必紛紛辨紅 關 或 容,不寫其手 云關 侯騎赤兔 侯本朱顔,或云 ,或云 白 非侯吾 勒美髯睨 嗚 呼 一侯馬 欲 1 不 辨紅白 吾重關 知 又 面 漢賊 純純 白 意 素。 似 只 示 侯 微 者 可 寫 非 關 遂謂 酣 辨 其 侯

補遺

余昔年與王玉汝交,從案頭得見包素娘歌并引。 甲戌九月廿六日。

王郎 腕筆: 付去。 美,不足以 惋之私, 豈特 其家姬素之手評 一馬絶。 過 枕 濤 比 深 莊索余輓詩,遂書二幅 王 蹤。 . 歎閨閣之秀,雖古人之 郎 元 徑 . 人 人詞,琢 于今夏病故,悲 圃 E 句清 冬初, 新

筆 元 千金買妾絕世 人詞。 筆 王 夫 郎 去年 韻 人, 士 風 七月 珍 天下無,茶白 流 清言 聞 俱 在 其 一句 晉 抱 句 代 病 香清 謝 時 心 道 , 較 倉皇,今年 鰛 性 閲 所 獨 法書

紙 鳴 死 五 呼 月 素之 鳳 别 皇不叫 王 愛 王郎之哭何 郎。 而 死。 月昏 旰 嗟 雖 黑 時 乎 有 歇 昭華 己 遇 矣 不 之 遇 琯 小 命 空 青 薄 懸 怨 同 干 而

## 樸巢中人歌十一月十七日

懸 奄 死 人 病 厭 兩 相 自 間 後 待 言 心 何 樹 相 作 É 樸 肝 前 樸 譬 顛 池之灣 暇 憂 復 身是 巢 巢 病 援 瑣 開 中 # 中 眠 瑣 勞 窗 以 人 五 洞 問 客 相 終 此 能 頃 年 貧 仙 來 田 日 併 雖 因 且賢, 達 醉 平生 園 神 看 病 父 年 觀 飲 青 内 不 母 年 , 常 春 足 殘 Ш 愛 胸 廿 連 對 風 客 懷 嫌 時 五 棄 人 青 前 元 不 曠 開 捐 年 病 如 作 Ш 達 笑顔 邊 好 今 兼 緑 時 兩 病 錢 無 自 野 月 時 氣 能 拘 猶 悲 開 體 不 看 結 纏 孿 尊 以 解 不 巢 漸 奄 痛

> 快 寬 還 填 相 此 樂 去 呼 -元 與 懽 五 正 君 由 + 纏 白 前 日 殊安閒 綿 生 醉 頭 視 只 巢 猶 後 不 怕 中 作 亦 在 兒 復 酒 再 Ш 須 然 杯 時 中 乾 頑 兩 即 因 病 池 口 那 余 7 邊 總 怕 亦 夙 計 尊 弟 應 百 前 老 兄 年 懷 溝 半 叔 生 不 未 姪

# 滇 茶 行乙亥二月廿一日

花 東 大 此 值 種 此 如 花 牡 滇 百 何 錢, 丹 南 家 乃 亦 紅 所 以 有 如 無 此 開 山 榴 護  $\equiv$ 屈 茶 之 9 指 百 花 見 如美 餘 不 者驚 江 能 珠。 東 一二株 今年 名 嘆 之 枕 稱 春 濤 日 絶 蚤 售 滇 莊 佳 茶, 花 者 前 先 即 江

- 「江東」,惜本作「江南」。
- 「紅」上,原衍「細」字,據惜本刪。

8

貌 開 年 責之默無言, 影 少,文章落 中 人徑忘醉,洗杯 神守之,月明 視,視之兩 寒山晚 書,花開 元作「冶色」。 有 月十二 待 ·; 山 獨 紙 目 此 自。 7端元作 烟雲繞 齋 開 П 盡 迎 日 日 狂飲 云 迷 滿 風 會羣 元作「花影 日 臺 「此會待來 幻。 風 「莊」。 捲 成絶 淹 力 儒。 紅 湘 元作「眩」。 斷, 困 光 麗增容姿, 簾 悄 癡。 春 照 羣 寂 曇 成 風 年」; 儒 日 雲老 去年 獨白」。 不 豪快 日 夜深 得 精 只怕 僧 曾 至 至 亂 世 寄 絾 此 如 不 來 間 社 書 花 有 敢 豔

#### 偶 笑

夫 家 女家 舉 人 賣 俱 女三百 不 慚,其 金 位 蓬 在 中 頭 跣 以 貴 足 推 行 出 門, 自 記

雖不

中

韻

快

意

而已

#### 與老董歌

不是 能 夫要著實 淫 佛 溢 無 我 我 自爲 老 時 陳 罷 П 儒 倔 了 頭 强 爾 有 嚼 不 自 時 舌 肯 爲 吃。 佛, 聽 心 汝 頭 深 雖 也 怪 不 未 常常 挂 戒 能 自 空 牲 爲 怵 名, 一, 亦 儒 惕。 功 焉

#### 乾 初先生詩集卷五

海寧陳確著 族玄孫敬 璋 編校

五 言 律 詩

耆 亭 遷丙子。 許 譜》 耆亭在嬰巢之東

池上結茅亭,六角,爲同生公六十壽,陳子乾初

爲

者,常人吾亭」,亦陳子所撰并篆。篆文内外字視 道之朋,五人六人,竟容爾坐,空林之月,來者 之記。亭中雙扉,左右鏤一聯,以寫亭之勝,曰 同 去

,無異文,字中空而板不斷,遠近觀者,更詫奇

絶。 東隅子曰: 亭在枕濤莊内,淮陽公六十時

以蘆代瓦,門聯即先生所撰,今尚存。 璋案: 是亭作

> 氏本。 見舊時梅。 深夜聞清唳,常疑丁令回。

制,鐫文一作「聯」。

逞獨裁。

路删今歲竹,牕

見沈

耆亭隱古樹,就月上荒臺。

編葦存

初

日遷。

于天啓丙寅,至崇禎丙子,元五

移構池臺之上,故

其

亭高羅諸 勝,夾嶺半松篁。

藏。 此亦神仙窟,奚爲戀鬱岡

勢,親堦荷芰香。

酒

來明

月過,

人去

欺

屋

薔

薇

九日登秦望
癸未。 望山,在府城東南,始皇嘗登此望海,故名。 見沈氏本。 《紹興府志》:

九日欣初霽,攜筇便出遊。 豈知 山上

点。 路 猶 歸來 湧 石 誰 邊 最 流 念? 跣 脯 足 酒 行 飹 千 東 嶺 樓 迴 眸 本 注 俯 萬 先

#### 其 二

生遺

我脯

酒

慰問勞頓

北 兄。 闊 顧 景物 本注: 鵝鼻峙其南,稱最 何,何 秦望天邊 雨 日奏昇平 餘清。 迥, 諸 浙 峯 莫 水 高。 · 真 敢 此 衣帶 與 争。 領 頏 鵝 乾 Ш 坤 中 原 直 秋 弟 頻 暮

### 邨 居丙戌

多 母 師友,本注"山 克。 咎,無眠 邨 居 愁心 無 嘆 風 陰先生、祝子開美同 五 雨惡 事, 更。 胡 病 馬 骨 日 露 縱 霜 時 横。 死 輕。 節 宵 晚 不 學 征 死 叢 戚 慚

# 題欲爾斑竹杖《編年》。又見沈氏本。

雲。 勢,幻作豹皮文。 終身如可訂,自此謝塵氛。 知己天涯 少, 空林 隨 我 忽 行 遇君。 秋谷, 緣 掉 谿 成 撥 龍 曉 尾

### 又題用前韻見沈氏本

佛 非 . 杖? 頭 雲。 筇奚足貴? 斯竿更自文。 伴我三山 去,長辭世上氛。 漢 使 節 乃欺 如 龍 君 脊骨, 凡 竹 斑 誰 似

■ 「胡」。原缺筆作「古」。係避清諱。今改回。下同

不,

# 春晴過張嗣留邨居即事效轆轤體《編年

賦 喪,廬墓讀書,凡天官、 標字嗣留 人丁亥。 無不畢實。 ,崇禎癸未進士。 又見沈氏本。 、地志、禮樂、兵刑 鼓 州志 初 官許 • 文苑傳 州牧。 河 漕、 丁 父 H 張

觀覽 右有與圖 圖。 餉, , 竚閱一過, 相爲慨然。 撥雪翦春蔬。 子臣 久客謝塵事,乍晴訪隱居。 較 無限恨, 他本獨悉 ,嗣留 郊外 馬 鬣 更加考 立 新 踟 阡 核,用硃界之,殊便 蹰。 法 本 魚 看 注 鱗 花 嗣 古 煩 留 午 地 座

#### 春 日 居 攜 值桃花盛開 泓 兒 過 訪 《編年》。 顧 青 城 顧 又見沈氏本。 上 玉 叔 姪 水

水, 墙出 暇 日 「滿園 攜兒子,言尋二阮 花。 野 色春 ·疇媚 家。 林 隄 烟 平 晚 環 屋

# 斜。豈能知魏、晉,終歲自桑麻。

# 寒食雨不得與墓祭《編年》

歸 弟 半易舊 寒食 寸心誰解者? (雨霏 冠 衣。 霏 春 周 緑竹自成圍。 祠 嶺 艸 書 木 頻 肥。 寄, 秦 遥 溪 知 新 未 子

### 清明後二日《正韻》

違 虎, 頹檐 牢落 亂 離 正 虚 何足 雨 廊下,悄然步百迴。 雷 道, 骨 操 肉 豚 遠 壟 難 樹 歸。 杳 視 大 膳 路 滿 寢 門 豺

### **祝茂堂集牌字**

晚岫氣融暢,泉亭獨掩扉。病將玄鬢

肥 盡 慵 與 餘芳徑寂 此 心 違。 ,竹樹 借 地 暗 通 層 襌 圍 癖 拈 詩 避 俗

# 再飲木禾堂集字限韻見沈氏本

杯。 孤柳 深塢 凝懷翻未足,明月舞 倚 暑還 軒 栽。 静 茅齋舊半 抛 亂 久 林隈 留客, 頹。 緣 斷 愁 雲當 共 進 牖

#### 徐 季 生 韻 長 家 四 袁 首 看 《編年》。 梅 同 近 思 又 見 叔 沈 次 氏 公黄石 本。 齋 先 州

學士元成長子,貢 志》:徐孟 一,丹鉛 明 文史》本 《儒林傳》: 殆 棋字季長,壽州 徧。 傳 從 黄道 學 人成均,好 陳之問字令升,一字近思 周 蕺 Ш 字 同 幼 漳 知簪朋子,崇禎 讀 平 海 書,自 兩 號 先 石齋 生,得 六經三史以 漳 其 ,贈大 浦 己 傳。 卯

天啓壬戌進士

,唐王時官大學士

,殉節死

堯。 樹, 無 故 人家北 事 竹外 Ħ 相 橋。 過 郭, 何 花 老 煩 影接 能 折簡 驕 寒霄。 尚 招 子 高 鳥 踏 可 雲 避 中 唐

#### 其二

外, 消。 清 明 冉 風。 魚 月 冉 棹 似 斜 通 陽 山 中。 下, 殷 勤 繁花擁一 苔厚 頻 掃 客 石,不語坐春 衣净 官。 美 雪 人真 深 世 作 作

#### 其 三

船 篇。 H 老忘 本注 客來 林 下 種 龍 惟 樹 生家梅 煮雪, 無 年。 事 園 , 鶴 隔 三十畝,與長兄居 作 在 溪 不 無 春 謀 更好, 事 田 僅 還 殘 晴 隔 擬 書 滿 水。 放 手 開 輕 數 花

百樹未開歇,數株方發時。 池。 世

茗

知。 逕,人語出亭 高極。 漫云歌《白雪》, 無乃愧瓊枝。 事 此 稀 到,吾 心 [煙留 東隅子評 花 竹 盡

딛

#### 龍 止 先生光福 園之游近 得二首 觀 思叔先 梅 韻 屬 有詩四 余 和 之會 章 又次石齋 有 客 阻

路,照眼白鷗羣。 人開雪,天空犬吠雲。 + 里尋瑶 圃 ,嚶聲谷 本注: 同游又多縞素者。 蓬萊如 外聞。 可 賞 到,荒 心 青 日 忽 暖 埜

總

輸

君。

其 地,高虚不 卜築何年事,搴茅可作鄰。 乾坤正蕭瑟,此處忽逢春。 到 塵。 水 邊愁獨

夜,

天外

想

伊

浩白

如

無

#### 糧 長

賓。 急,南解趱收 何時誇役竣、蕭散作仙人! 去歲爲糧長,今年尚在身。 頻。 羸 病 途中僕, 狼差 北漕催 坐上 兑

#### **茯茂堂即** 席分韻見沈氏本

也。 花猶開昔歲,酒復醉今宵。 老友忽凋謝,虚堂久寂寥。 本注: 本注: 先 悼元五 日

乾初先生詩集卷五

六九〇

方慚 凉二一句同一 間関余舊稿, 諸 同 人有黄山之會。 投 瓦 感慨。 先 礫, 有 遽 得 句 辱 世事殘棋罷,年華 見贈。 報 瓊 東隅子 瑶。 本注: 評 日 孫幼 與「志· 短 句 安于 消 士

**己丑正月過徐季嘗齋晚話**《編年》。 又見沈氏本。

癡。聞君今夕話,勞我十年思。去,詩共老梅奇。瘦骨如存傲,攢眉未覺古道茅檐下,春風又一時。病隨殘臘

無 寐《正韻》。 《編年》。

鳴。 曉. 吾學豈常惺 怨咨徒自爾,長夜幾曾明 衰病難爲道, 叫 月 憐 色疑天色, 秋夜清。 鷄 彼 鳴 蒼 似 詎 鳳 易

勉 慰庚寅

煎 育,兒還瘧鬼纏。 Ī 兩兄皆白 惠我此衰骨,優游 \_ 髪, 老母 未 能 更高 且任天。 弛 戒 年。 懼 何 婦 敢 既 妄 靈 憂 魂

生 日十月初七日。 《編年》。

白 日補之。 穆有吾兄弟之穴,故以稱。 賀,吾慚恩未 頭。 爲兒稱最 笑奉北堂 酬 幼,五 甌 淚 十已 今秋墓祭,雨阻于家,以 澆 藹 中 藹 將週 墓 兩 艸,原注: 兄侍, 人謂 蕭 先塋 疏 生 吾 盡 宜

過 近思叔齊十月初九日。 《編年》。

砌 橘 兩 柚 月 老霜 偷 高 園。 卧, 懷 人 君 事 閒 出 中 門。 廢 吾 芰 身 荷 病 凋 後 石

尊。 遲迴卭竹杖,共我傲乾坤。

過 丁 宿 故館十一月十五夜。 表 兄 園 中逢 諸 舊 遊 《編年》。 皆 醉 不 能 歸 6

輕。

悠悠千古恨,不與暮潮平。

稽

111

重,

身

從

淛

浪

渡横。

漂

摇

憐

主

好, 幾 場? 興似昔 病 起 行行復留 躡 年 人境, 狂。 止 相 君 重 逢舊雁行。 欲 此 歸 話 何 連 處? 床。 月當 我 能 今夜 醉

酬 Ţ 氏兩表兄十六日。 《編年》。 又見沈氏本。

白 髪 ググ 中 表,蕭 然盡 老鰥。 夢 魂 衰 亂

> 芟。 後, , 情 相逢 事 别 非 離 所 間 意 風 樽 雨 酒 不 未 能 · 當 還 退竭, 袁 蔬 E 미

雨 渡 錢 唐壬辰。 璋 案 公於是年三月至山 陰

僕,喪亂 弔劉先生。 風 雨 愧 出 師 嚴 生。 城、天邊 道 自

九日和許大辛五 歸隱 意,慕宋所南翁,自號鐵函子。 産 過之會,競 之教遠被海昌 奫字大辛,邑庠生,杞山先生元孫,父令瑜,自 ,屢空晏如。 編年》。 時, 幽 憤 相 又見沈氏本。 無 砥 , 奫共一二有志之士, 遵《人譜 聊 古文峭折如柳州,詩有江潭澤畔之 礪。 仿 噫亭登高 生平落 伯鸞《五 州 拓高寄,不問 噫歌 志 <sup>《</sup>許 詩其一次元 》以 隱 譜 見志,遂 逸傳 元忠公 家 》爲 人生 蕺 韻 許 Ш

六九二

花

五 一噫亭。 聯 面 皆牕 굸 「一寸有天懸日月,九州 亭 ,東南隅啓扉, 在 翠 薄 之上 南累石爲垣 題 其 扉 無 日 地 樂 哭 無 Ш 知 河 柱 書

時。 冒 客 雨 ,乾坤老病台。 至。 危峰 語笑雲中静,天香落酒 舒遠 望 萬 主 里 係 無 愁 事 巵。 思。 日 本注 山 風 館 雨 時 放 孤 麗 花 舟 京

其二

脩 衣 來。 領 溪 潦倒誠吾事,賡歌愧爾才。 山 花開 真 秀 滿 絶 臺 野 豈 客 知 亦 鳥 悠 帽 哉 落 還 竹 杖 望 攜

題蔣園次壁間張元岵詩韻見沈氏本

蔣園千樹橘,斜日照玲瓏。客坐霏香

尋陳時夏郊居見沈氏本

時 圃 鞭 故 猶 筍 識 雨 來 城 餘 正 陰 籬。 好, 路, 把盞 蕭 穉 子 條 看 處 論文罷 新詩 士居。 山 香 妻 柑 釀 霜 酒 後

其 二

暇 傳 桑柘 天涯 喪 亂 晚 吾羨爾 何 風 堪, 前 説 還擬 暌 白 違 髪 放秋 不 雙 記 親 船。 年。 在 青 杖 緗 藜 今日 諸 子

夏也。 驄 霧 估 獨 航 與 販 於 遠 陵 風 子 時 有 池 時 揚 嘯 錦 隴 鯉 東。 無 本 路 注 到 謂

### 乾初先生詩集卷五

# 月初一省母陸姊家侍竹園納凉竟日

閨

《家傳》: 陸處士允忠。 嗣姪澐爲之後,且拮据以成其家。 藝棉而織,久之積金數百緡。 乾 生,早殁,則又曰:「奈何而使夫子不血食也! 夫子負逋以殁也 百缗,不使節母知。 初先生幼同學,故其志行絶相似 陸節母,文學覺菴公之女,幼即許字彭 既歸而處士喪其居,節母賃桑而蠶。 一爱盡 比殁知之,則曰: 償以所蓄,撫妾子如 處士落拓負逋,亦數 節 母 「奈何而 與 同 懷弟 一爱 己 墩 使

賒。 蔭,新竹數 依依忘却暮 朔 日 朝慈母 行斜。 歸路滿紅 清 梅 風姊 水 烹無 氏家。 霞。 盡, 璋案: 荷 老桑 塘 是詩以 話 + 畝 正

閏考之,當在癸巳。

## 立夏前二日集韻弦山樓

### 秋 水癸巳

聲回。 來。 没,危砌耳邊 不堪憂思甚,元作「杞人憂正劇 秋水瀰瀰遠,愁霖黯未開。 頹。 禾稼 無消 息, 孤 民 宵 邨 夢 斷 天 際 往 雨

六九三

東山看女歸示翼兒《董譜》:世琮,續緒弟,義緒

子三:謙光、孚光、觀光。女一,適陳克嶸。子,字典瑞,號八公,郡庠生。娶廪生陳道永女。

大耋 老元作「倉長」。 屐, 昬黄野外 车。 乾坤 本注: 衰髩在,兒女病紛然。 船。 豈神仙 翼兒近服張石渠藥 而元作 「家」。 頤 養 看 翁 王 誠 風 母 僕 雨 優 隷 Ш 游 石 中

過吴仲木新齊《編年》。 又見沈氏本。 朱彝

尊《静志居詩話》:

吴蕃昌字仲木,海鹽學生

貞

肅

鄉張履祥考夫講洛、閩之學。卒時,母喪未除,遺公次子也。師事劉念臺先生,與海寧陳確潛夫、桐

命以

衰經斂。

從弟謙牧字裒仲,亦

補諸

生

居母憂

過

一哀,卒于喪次,里人並稱爲孝子。

半歲山中别,深秋海外過。道心貞介

作「尚」。 石 病 骨傲 多。 霜 閉門 柯 詎易得,消息近 架 上 書 方 整 人 如 間 何 事 正 元

**訪定海張子游辱寫小影賦謝**《編年》。 又

見沈氏本。

丹青藝絶倫。 作「身」。 海 上逢 計穩, 新 吾衰真 雞 霽, 黍 城 旅 隅 情 可媿,摹寫向 訪 親 隱 淪 白 賁 魚 道 何 桑 人? 無 家元 咎

**訪蔡來老**《編年》。 又見沈氏本。 《楊園先生

之葬。 沛,字來雲,貴池人。 之山房,及其室家,歲致薪米以終其身,比 集》:楚人蔡來雲客遊至龍 許子復爲之銘其墓而傳之。 山 諸 友館 璋案: 於許 蔡子名 没 子 而 大辛 爲

客,茅屋一床書。 海 尋高 隱 蕭 傲 骨支天地 然 屢空餘。 清 衰 風 年 照 千 里 里

# 間。日斜攜手出,恰是晚潮初。

又題徐炯一西園《編年》。 又見沈氏本。 前

查而赘,迎養終其身,視姊子如子。《州志‧隱逸傳》:徐孟錥字炯一,父伯衡,文行卓然,學者稱紫海先生。孟錥自幼爲名諸生,遭亂,然,學者稱紫海先生。孟錥自幼爲名諸生,遭亂,有五言古詩一首。《題徐律之園居》,見卷二。

湌。 後,把卷出 小人亦有母,懷橘不知慚 仲 也 一同遺 林 間 世,優游意更閑。 穉 子 方能笑, 慈親 垂竿 尚 向 勉 枕

**過徐有兼邨居**《編年》。 又見沈氏本。

故 蔬。 ,諸郎慧 白日 頻年 違 真堪惜 有餘。 舊 好, 蓬牕 偶 清 "復過 風 庭 卷書。 郊居。 外 竹, 細 良 雨 友 沼 貧 邊 如

# 冬夕禪房張元岵孝廉見訪《編年》。 又見沈氏本。

貧。 後, 孤院犬呼頻。 歲寒徵節概 日暮陰雲積 ,誰敢怨風 蕭 久 坐 森 逼 知 旅 衣 塵 薄, 空 談 燈 愧 禪 定

# 留宿惜子菴即事《編年》十一月廿七日

篇。 定,燈影客 浮生那可念,行色野橋邊 歲暮城 離 陰 筵。 路,寒林帶 不 飲 迎 晚煙。 微夢 忘 履 歸 聲 得 師 小 出

古寺《編年》

校? 大道幾人傳? 歲暮天行迫,時移物古寺嚴宵永,覊人未敢眠。遺書何日

理 您。 訟 人不自訟, 何 以答前賢?

次案頭 韻 贈 東 隱 翁甲午。 見沈 氏 本。 璋

董昭逸又號東隱。

難。 首,雲山杖一竿。 遲我申遥别,溪風報客寒。 吾兄長病膝 只 老力尚 知 八世苦, 赳 桓。 未 雨 解 閣 出 詩 門 千

Ш 一中别考夫朗 思 韞 斯諸 同學乙未。 見沈

氏本。 粥不食,哀毁骨立。 耿直,遇越于禮者誚 生,特立獨行 《嘉興府志》: 朱天麟字韞斯,石 ,明末即棄舉子業,務敦本尚質。 讓 家貧,舌耕 不 避。 事親 以 佐母 孝,遭 膳。 父喪, 門 值 縣 性 翹 歲

毁如 承之。 年七旬 如如 儒子慕。 母年 九十餘卒,天麟哀

喪父時

浸,自啖糟糠,

必求甘旨

手

,調

以

進

母

所

欲

曲

意

賒。 上,短髮晚 此生真可恨, 風 斜。 明日又天涯 道 路 訛 方甚, 鄉 關

百里同

人聚,空林物外家。

寸心

千

載

竟

登祝虚 齋先 生 祠 樓望 海上 諸 Щ 見沈氏本。

外郎。 報,乃 按洪 志》: 清粹,學本于敬,而受之以 進廣東左參政,遂解官歸。 里人德公減 卒二十萬,綜理有方,士卒樂爲之用。 士,授刑部主事,改工部 浙江通志》: 珠 廣東參政祝萃墓在 疏乞歸養。 題祠 嘗上疏親禮儒臣,以資啓沃,詞甚愷切。 西 額 湖 日 祝萃字維貞,海寧人,成化甲辰 加 虚 正德壬申,起爲陝西提學 派 翁。 ,肖像祀之。 《州 ,從徐侍郎貫治水吴中,發 海寧妙果山 虚 志》: 劉 因號 瑞撰 祠 虚 ·墓誌: 齊。 内 進虞衡司 舊 明 <sup>《</sup>杭 有 公氣質 浙 講 副 江 州 堂 **》** 府 不 員 進

學,短褐拜先生。 叢 桂 香猶釀,虚 東浙紆青帶,南 堂 迥 自 清。 白 Щ 頭 列 錦 後 元

作「翠」。 屏。 千秋誰著眼? 林鳥日嚶鳴。

懷諸 同病并序。 見沈氏本。

之日: 年譜二 耳。 案 益甚, 大痛 輒 冬,予至山陰,去先生殉國已七載矣,伯繩遇 病 往 洎 戚然,蔬布如居喪之日。 了又復踰旬未已。 來, 澉 劉汋字伯繩,蕺山先生子。 于 湖 心,不 「得毋不勝喪之慮乎?」伯繩 山 卷,數易 又案:二吴子,謂仲木、裒仲兩先生 因成 每爲 陰 二吴子,既皆 劉伯 忍 小泳, 悵 稿,字 食也。 然。 繩 畫 兄、 必 各書 俱 而 不 精 病中 手輯先生文集語 善 桐 得 楷 余 르 病, 鄉 今年 《見聞録》: 目 懷我 紙寄之。 則 日 張考夫兄, 爲 不 異 損 示不 能數 十月 日 諸君 明。 當 敢。 録 壬辰 予 飲 如 子 相 吾 撰 教 勸 食

夢 閒 風 揀 雨 隔 静邨 年 書。 廬,交遊 貧 病 盡 無 日 慚 疏 爾 癡 寒 賒 愁 未 诵 解 夕

余。本注:謂《大學辨》。那能憑尺素,千里致

相

于

卧 病《編年

紜 `●簪衣: 不 堪 典 長 質 回 多。 病 人 有 事 懷 秋 日 欲 蹉 盡 跎 無 書 夢

卷

紛

夜

如

其 二 何

牢落餘生在,

因

風

浩歌

1

長。 雨, 官催 順受吾何憾 從 知 南 天 北 道 糧 遠 隨 歲 身 閒 因 世 揀藥方。 貧 轉 茫茫。 士 迫, 夜 農 爲 怨 病 秋 夫

● 「紜」下脱一字。惜本同。

六九七

**鄔天則見訪賦贈**《見聞録》: 鄒日强字天則,一

寢竈室即在 事章句之學。 兄子躬耕養母,暇則授兄子及子書,發明大 字行素,海鹽澉 肅 然不聞一 語,若無人之室。 其旁,隔 屋室止 浦 人。 破 性 間兩披,客至,中 壁, 至孝,行己 母 妻子女共五 淡 然無 間 八指,不 六口 卧 營 起, 與

湖。 德, 方藥藉 往來知 **澉溆安貧者**,泥橋訪 有 良 意 圖 麗澤昵諸吴。 北 道 司 病夫。 空 廟, 南 裹言承 樓 高 士 厚

## **寄懷吴仲木兄弟**見沈氏本

初。 人歸 不盡 荒邨 吾卧 踟躇意 寄書。 病, ,臨風歎友于 危堞爾 祠 H 秋 離 雨 居。 後 堊 歲 室 晚 癖 頻 霜 相

贈吴裒仲賢者見沈氏本。 《嘉興府志》:吴謙

子,隨棄去。 勉齋集》,學者争傳誦之。 牧字裒仲,中丞麟瑞次子。 ,嘔血數升卒,人稱死孝云。 遼于性理之學,著《五子折 遭 髫龄 母喪,哀毁 以 五 經 補 衷》及《困 如 學官 禮,比 弟

怙。 孤。 子,成家宋大儒。 被 無忘及老夫」。 歲 本注: 裒仲諸從兄, 暨諸猶 吾兄天下士,落落古爲徒。 晚南· Ш 静 披羊釣 典 型 羣 兩湖。 子 廟主, ,並留心古學, 元作 道業 讓 四海 國 而 吴公 山 皆 門 光

兩子亦賴之。 國子亦賴之。 國子, 原仲年十六七,內奉承顧安人,外率導兩姪,能 以,中丞公繼捐館舍,家門凋謝,禍亂方殷。 以,中丞公繼捐館舍,家門凋謝,禍亂方殷。 以,於本導兩姪,能

### 寄 一懷張元岵聘君因索所留易鈔《編年》。

又見沈氏本。

格、《易》 龍 衮 何 江 城門巷古,●函 心 向 補, 畫 前 羊 窺。 裘 自 編 欲 丈 韋 披。 屨一 知 作「履」。  $\sim$ 詩 絶 , 無 郵 聲遲。 封 删 幾 後

龍 Ш 祝 陶子 霖 偕 無 相 師 遠 顧 不 飯竟 見遺?

去 小 詩寄懷見沈氏本。 祝 譜 **沇字仲** 貽

庠生,以子翼權貴, 號 鯤濤 ,郡庠生。 潚字子霖,邑庠生,濨字子威 贈承德郎,工 部 清 吏司 主 事。 那

開。

山

中如有約

,消息待園梅。

洪字王訪,郡庠生,並淵之弟。

妙, 物外並 病骨· 老崚 僧。 嶒 幽 眠 恨 未勝。 夢 中 來

登。 不堪頻遠望, 寒靄 正層 層

孤

鷗

渚

欣

初

狎

龍

Ш

悵

晚

,

乾初先生詩集卷

# 老友張石渠見訪賦贈見沈氏本

酬 巷,白日老朋儔。 終當採藥去,長伴赤松遊。 病卧荒三徑,幽 冰雪心 尋枉一舟。 )猶在, 雲霄志未 清 風 窮 里

查石丈許欲爾鄔天則重過前日 首見沈氏本

意,寂莫故人杯。 廿里寒塘路,扁舟去復來。 久 病 吾 還適, 新 殷勤 愁 爾未 諸 子

0 古」,惜本作「口」。

六九九

其

=

清風 文章違世 人遠懷。 淪 落 天 運 涯 杯 嘐然千古意,寂莫竟誰 士, 酒 高 負 吾 言 儕。 静 元作「滿 白 日 無 停 諧 馭 齋。

許大辛過訪是日余始能起坐《編年》。 又

見沈氏本。

、世澤悵前朝。爾自貧非病,吾當老更薄暮枉公子,相尋廿里橋。道風驚末

東近思族父見沈氏本

驕。

坐迎曾不愧,懷古復嘐嘐。

自昔慚同學,於今悵獨居。 衰年長伏

宅。 枕 廬 長者 本注: 好從詹尹 屢 叔 迴 久徙洄 ١, 車。 去就定何如? 塘徐氏,今復選武 東 郡 尚 書 第, 原 南 鄭 端簡 州 高

公故

士

七00

### 乾 初先生詩集卷六

善訛

乃

爾。

又前

兩

聯

初

入十

真

海 寧 陳 確著 族 玄 孫 敬

璋

編校

五 言 律 詩二

詩并序

音,又越人安能爲吴音耶? 歌,傍有一人傾 間,忽聞 而 求之,乃是老友張石渠使董僕 忘其姓氏矣。 秋月皎然,獨行 度 曲聲,幽 聽,亦常謀面 董僕 韻 미 老 山谷,正 呐 未 夢 循 者。 坐 境之 嘗 聲 石 吟 思 知 覺 而 面

> 弦。 士,微露冷嬋娟。 即之乃舊好,莞爾遂忘還。 緣前 秋 字叶然, 豈是耶? 然卒改從後韻也。 韻。 轉先韻。 儼丈人。」夢中 夜迥無寐,獨行寡所緣。 兩聯 猶憶頷聯云: 先 因念《易》「利見大人」,「人」 成,後聞歌,乃續成之,忽 忽若聞遥 知爲 落韻,復改之。 明月如寒水,高 唱,藹 疏 林 如 撫 儼 梧 静 甲

蚊 **障**并引。 《編年》入丁酉

隨補 文集第十二卷。 名和鳴,又字羽聖,彬予子,邑諸牛。 者吾友陳 ,隨補 蚊 障 破 季邕所遺高 隨 極,頻 破, 戲 歲翦 題二律。 麗 紙 紙 補之,乃昔 公爲撰傳,見 也。 璋案: 隨 季邕 破

七〇二

用 應懲莒,脩文豈效虞 如 何 之子詒謀遠,頻年捍老夫。 揜 不備 ? 1 + 萬 聊 竟 云當 長 呼 面 1 還 恃 笑 陋

### 其二

堅固 移。 衮,媧. 生稱周寧宇光禄言:「學者補過,要如以新布補舊衣 ,方永無破綻。 黽勉 藐兹幬載内,闕陷豈無之! 皇練 慚 綵 師 絲。 訓,空留光禄詞。 若只小小補塞,何濟于事 古今人未遠,愚智 本注: 山 甫脩龍 Ш 性 更加 陰先 難

### 改禾兒作

醫。本注:吳俗喜用蚊藥。聊挂北窗下,羲皇若口,朱殷漬一棲。右文還上策,不藥得中貧家風味好,破障亦堪題。黧黑供多

可齊。

# **山中次吴裒仲韻**《編年》人戊戌

葬在澉湖,裒仲感而作詩。 仲之别業。 夕,蹉跎愧此生。 春來無一 迂僻老還甚, 事,長 淚 自 夢 何時 感 繞 **>嚶聲。** 浦樹,本注: 北 嘆合并。 Ш 楹 潦 0 倒 本 仲木之 注 逢今 裒

#### 其 二

明 ! 衲,談 檐風吹短褐, 滕 經 口徒爲爾 迕 友 生。 牢 習 揚鞭趁遠征 落不勝情。 心 良 自 困 古學 説 俗 豈 懟 難 Щ

### 卧 疴山齋徐子孝先以詩見懷依韻 奉謝

《編年》入庚子

醒。 寂,雲卧畫冥冥。 和平君子志,豈不貴神聽! 白首真無賴,山 新 齋盡日屏。 句 如 投 齊, 苔蹤 沉 疴 若 秋 寂 頓

重 九 日《編年》

面,低言貼枕傍。 庚寅吾病 劇, 母 + 至自 年 .曾 重陽。 轉眼, 此 白 日 髪 幾 垂 克 回

腸。 花候猶叢菊,如何酹一觴

> 雨 阻 硤 Ш 次張 仲張早春詩韻 《編年》入辛丑。

博綜典籍,著述俱有根柢。 州志·文苑傳》: 張英字仲張,幼有聖童之目, 康熙癸丑進 士、出 桐城

廣東。 將之官,丁母憂歸

張文端之門,遷中書科,歷

禮户二曹,以

僉事提學

存。 坐,脩竹遠人邨。 癡迂忘老態,把卷日高 風 雨歸颿倦,山 詩句春箋滿,交遊 齋未掩門,叢 論 蘭 古道 圍 客

遊 梅 園《編年》

後,信步晚一作「曉」。 聞道周園好,相思二十年。 花前。 洞窅疑無路,林 來遊春雨

開別有天。 主人無箇事 ,散髮傲神仙

七〇三

# 辛丑六月從祝眉老避暑昺公山寓兼懷

譜》: 卒康熙壬戌。 廣生,鄉飲大賓,私謚文惠先生。 七、無疾而逝。 詩酒之社。 仿汐社遺意,邀故將軍丘上儀集隱君子十四人,爲 人人黄山講性命之學,體驗劉山陰《人譜》。 預籌國事,皆奇中。 山樓詩集》。 文字眉老,補縣學生,晚更名遁,自 **昔友**見《遺老高風》。 洵文爲士瞻公守範第三子,又號稼軒, 計社中年歲,名爲《千齡集》。 洵文目擊時艱,留意司馬、諸葛家言, 子翼康,字子夏,亦能詩詞。 既而晦 州 迹海隅 志・ 生 隱逸傳》: 與與 號山 明 執友陳確諸 萬曆 臞, 年七十 有《影 丙午 邑增 晚更 祝 《祝 洵

寄,野人何處。一 量,三復嘆詩才。 蒼崖千樹合,小 惟念開山者, 作 「遠」。 閣 溪迴。 來? 一作「山中叟」。 百 静 壺 者 誇 宜 茗 幽

乘雲去不回。

# **禱雨未應感賦用前韻**《遺老高風》下又有「呈眉

**昺二公」五字** 

難測 風 作「紆迴」。 作「威」。 八微誠 老夫一作「人」。 詎 既 胡 口 向龍 乃甚,纖 回 潭禱 忘卻 雨 ,還從嶽廟來。 跛,遠道 亦 云才。 故遲 天意 迴。 炎 渾

「并呈眉兄」四字 和**昺公望雨詩又用前韻**《遺老高風》下

才。 沸,巖風西北來。 我亦同齋禱 天心元子愛,雲氣尚 踟躊未敢回。 澤 賒 高 遲 座望, 迴。 賦 海 擅 水 大夫 東 南

・又有

惟 戲, 有 重可傷。 衰年共一作「並」。 石 論交三十載,松閣更連床。 歸路路 已 無 航 母 喪。 慘 慘 汲 歌《雲漢》, 山一作「泉」。 生事同兒 周

#### 次 馬 蜚生桂下詩韻

餘

醒。 白,多君眼倍青。 莫漫憂鄉國 良朋時萃止,散 猶聞直歲星。 香 髮憇中庭。 風 杯 際滿 愧我 酒 氣 坐 頭 先 來

#### 其

落照 墻 隅 在,天香韻晚庭。 雲輕 人共

乾初先生詩集卷六

醒 碧、花滿樹 且當歡此酌,華鬂已星星。 無青。 儉 歲貧非病, 高 言 醉

亦

# 次韓石耕東垞菴詩韻見沈氏本

吟。 氣, 檀樂十畝陰。 此夕無辭醉,何時更抱琴。 深山叢桂 好,鬱鬱已成林。 松 間 逢坐弈, 溪 藴 畔 藉 想  $\equiv$ 行 秋

## 又次中路詩韻

攜 步 ,還成昨夜詩。 始覺往來悮,何嫌歸去遲。 長年賖勝賞,此 野 夕愜幽 人元有約, 期。 山 未共清晨 客 更 相

七〇五

**蔡養吾喜抱新孫醉贈以詩**《州志·義行

卒。 險,不負始終。 知死期 與祝淵、 蔡遵字養吾,疏 ,不爽晷 璋案: 陳 偕確幽棲談道,率二子耕且 確友善。 刻。 公爲撰傳見文集第十二卷。 二子沖、 中 嫉惡, 淵死,托以二孤 泂皆温恭好 負 氣 往 周 學 人 讀 避 而 旋 早 預 艱 其

尊。 瀆, 還望整乾坤。 遂成今夕醉 + 里晴溪杖, ,慚愧老通門。 東 三世珪 山看 一蔡孫。 璋秀,千 定 秋 知 鍾 L 幽 嶽

道鸛山瞻祝子墓書感《編年》入辛丑。 又見

誌銘。 周 耶? 無陸圻撰文,疑志有誤,抑 沈氏本。 半 里。 璋案: 又《許 案 《許志》: 鸛山 今所存墓誌乃朱孝 志 》管 當即管 Ш 舉人祝淵 在 白 弡 當日本 鶴 以 山 ,墓在管山 音相 西 廉 有 近 陸 一是所作,並 里,高四 而異其名。 文而佚之 · 陸 「圻撰

> 辨學,多先友意中之言,今更默然,輒復自 儒。 好, 還憐白髮 爲問徐君墓,延 玄霜摧木葉 孤。 山 當 陵 色人寒蕪 年 劒有 攻 **僞學**, 無。 愧耳 公自 此 獨 日 愛 注 憶 青 真 松

# 次昺公過董穉升西齋詩韻

頑 後,杯酒 獨 董子躭禪 歸 别 無个伴, 離 間 寂, 明月滿松山 秋 逸 來許 興 雲 叩關。 同遠 癡 家 園 心 石 衰 亂 共

# 六月初二日偶書祭印

儔 少, 無 憂時 言 垂白首, 老病多。 長 物 日 情 意 從 如 變 何 幻 歲 辟 俗 事 朋 竟

頁二子,長名沖,次名洞,據改。 「河」,原作「洞」。按文集《蔡養吾二子名説》謂養吾

蹉跎,生世同駒隙,悠悠幾耐過。

**久 旱**《癸卯日記》:六月十一日作。 《編年

作「久晴」。

田。祗應懲老劣,稽首謝皇天。後,家異屢豐前。還憶冬春雪,空犂早晚久旱憐兹夏,奇荒怨昔年。人如重病

酬静

師

首,又贈凌康侯

首。

又 詠《日記》: 六月十三日作。 《編年》。

莫支。一身如可贖,萬死又何辭!旱酷,瀕海更艱危。衰病難爲道,災荒竟赤子宜無罪,皇天詎不知? 連年還

懷 是日,慧師過寓同鍼。 侯亦過,趨事甚殷。 李静初山 不寂莫。 李静初山 慧 樓。 樓,慧幢法師過寓樓同鍼, 師 《日記》:七月初三日,肩輿至硤,借寓 《編年》。 初四日,用二十一鍼。 兄弟過情若此,吾何以報之! 本注: 初七日,作詩 是時就凌貞侯鍼,寓 相對終 一首懷之,又 貞侯之弟康 日,庶

間。師能演上乘,何以啓衰顔?後,蓬鬢十年還。身是浮漚影,魂疑夢寐老去憐同病,天厓共一山。道心三宿

又題寓樓兼酬静師《編年》

前燈。豎子應宵遁,膏肓未許憑。識?天厓一老僧。香厨鐘後飯,寶閣榻餘生何足戀,衰病未能勝。世上誰相

贈凌康侯并序。《編年》。

之鍼 喜投 四。 重 不 是大聖賢 侯 飾 雖貞侯兄弟之盛德不鄙 侯寓亦多病人,棄之而來,趨事終 Ш 日,令兄貞侯過 雖 邊 一,顧確 一鍼治。 到聖賢地位 頌之不翅 恭兄之禮,愧 ",不惟 趨 幅 癸卯之夏, 章, 兄 即 則 種 坐未定,即 命,乃 以 子父之間,莫肯 何 砭 子。 口 託 以 我 確 敝里,憐確病 永 擴 當 凌 確與 荷 身,已深 不及也。 好。 然無 之! 康 充 未 命 康 此 侯 及 璋案: 僮 侯 我至此,此 寓 庸 1 嘗笑 謀 招 人我 同行,並 醫 以 朽,繆相 1假借。 貞侯兄弟 面 康 是序元集不 往 廢,約 硤 世 侯。 也 心矣。 Ш 何 日。 居第 脩 康 患 真 引 康 硤

載,今從《日記》中鈔補。

易 率 頭 後,倫序八元間。 ,尤爲可羨,吾甚重之。 白 人 幸 誰 衰 追 病 似 攀。 無 ? 能 友 本 藥、從 注 恭 本注: 吾 貞 師 侯兄弟 甚 同 到 慚 胞 硤 八人,康侯居四。 鍼 Щ 術 己 固神,其友愛真 知 鍼 砭 傳 六 世 坦

避 俗并序。《編年》。

非 慧 十 歲 刻之暇,笑謂 一日作。 夜 師 余笑答日 師師 看 Ш 門 忙 方經 演 劇 或 我 誉 問 法 適 云 : 將 戲 事 當 無 「觀 , 百役 忙 寓 同 樓。 懺 日》「 子 忙 神 具 吾 情 興, 記》 兩 避 忙 絶 無 劇 七 是 似 過

火,

齊閣

接天

香

似

**\$** 

飢

人

飽,本注:

士女日

辟

俗

來

山

寺,

山

中

底

更

忙

劇

通

夜

夜聚觀,幾忘寢食矣。還教旱歲穰。神功如不

薄,我亦願輸將。

贈陳貞倩《編年》。 又見沈氏本。 《日

記》: 舟 唐門,掉小舟,由清波門 移寓天長寺水閣房。 日 相 ,陳康侯過訪。 待。 十一月廿四日 貞倩病足,不能 初二日貞倩使其弟康侯具 至杭,宿始升叔 廿九日訪陳貞倩兄弟 入,步 配用扇, /而歸。 ,頭韻 、贈之。 寓。 十二月 廿 子日子 出 初 錢

鄰 叙其事故也。 寓,辛苦説 如 羨爾 有 約, 難 鄉愁。 煙際浮 相 兄弟,同登 待 海 本注: 兩昆皆曾贅居吾里 寒艇,天 東 頭。 百尺樓。 本 厓 注 戀 康侯仍 敝 寂寥尋 裘 一,時追 有 郡 1 意

鄉居。

登祝氏東樓懷二許子甲辰 《日記》:正月十

八日與禾兒放舟入山,先過祝二陶宅,登東樓懷二

許子有作。

連。 曲 「、還阻! 緬懷元度勝,絶似 春日思吾友,晨 北 山 前。 孤 興感雪天。 閣 剡谿船。 雲霄 迥 群 命 峰 遊 南 几 席 澗

和茀孫春鳥未春鳴詩十首并引。《編年》。

《日記》:自正月十三日始作,至三十日訂,分上

下篇。

澉 鳥 ,❶有詠 癸卯十 欲 賦 春鳥詩,以「春鳥未春鳴」起 未 一月,余在郡城, 暇。 臘 月, 茀 然 已聞 歸 自 春

■「茀然」,依下文當作「茀孫」。

七〇九

韻 欣 和 之。 茀孫 時 年 八 歲

百轉似新鶯。 春鳥未春鳴,未春鳴更清。 空谷啼殘雪, 寒林 數聲 弄曉 疑 小

晴 鳳 穉 孫貪改歲 誤喜是王正。 右見沈氏本。

### 其

春鳥未春鳴, 嚴宵月尚横。 枕 邊 聞 絮

語 成 窗外變 儘教 同 嬌 孺 聲。 子, 賡和到天明。 知 爾 情 多甚, 憐

## ||見沈氏本

春鳥未春鳴 俄 聞 遠 樹 啼 寒 非 鴂

其

舌,警旦豈蟲薨! 字字 諧 鍾吕 時 時 雜 管

笙。

更憐霜月下,

新調絕凄清。

其

春鳥未春鳴,新 四 喉學乍成。

其 五 輕

形容猶不

盡

,白雪調誰賡

迢遞百千聲。

路

轉

清鑾遠,

Щ

深

古

梵

依

稀

 $\equiv$ 

四

語 空谷友生情。 老夫堪卒歲 春鳥未春鳴, 詎用聽雲英! 幾 河邊遠 向 Ш 韻 中 清。 卧, 長 小 聞 窗 樹 兒 杪 女

#### 其 六

杖, 細聽隔 春 鳥 未 林聲。 春 鳴 候 吾 似 衰 興 迎三夏,音同奏《五 不 輕。 頻 攜 荒 野

韺 朔 風 吹不 斷 耳 日 盈

#### 其 七

歳 俗調,雪月足閑 情。 春鳥未春鳴,寧 那知摇落甚,風 評。 縹緲 同 始夏聲 韻 空宵 轉 高清。 句, 纏 花 綿 卒 真

#### 其 八

筝。 欹枕聽幽 好,隔院幾聲輕。 元注: 形容上聯 春鳥未春 清。 鳴, 「輕好」二字。 隨 玉 風 憂 斷 雲 復 中 迎。 磬, 歲 闌 銀 當 無箇 鏗 軒 月 事, 曲

#### 能傳此 聲。 細,欵欵曉風輕。

春鳥未春鳴,絲徽寫

不成。

縷

縷

晴

雪

本注:

氣寒則清,

聲遠則

細,

亦 雙

承上聯意。

誰

鴻

雁

霜

中

伯

皇霄

半

曲、獨與孺歌并?

!

其 +

成。 羽,巧絶過 餘歌未闋,3巖閣正嚶嚶。 春鳥未春鳴, 優伶。 鳴聲 郢 曲 巧復清。 方三變, 虞 清 韶 疑 兼徴 更 九

卒」,惜本作「足」。

此句原缺一字。 惜本同。 其

九

春 下 篇并引。 《編年》。

後十首率多感寓, 故 别 爲下

猶《詩》之有變風也。

歲還 如 聞 淹 訴不平? 春鳥未春鳴,衰年聽一 舊臘,時 多言非美德,無乃學縱横。 復絮殘更。 作「耳」。 底 事 啼難了, 豊 炎 !

其

作 好風驩與迎。 寧」。 春 鳥 得已 未春鳴 曲 應酬殊不減,似亦嘆勞生。 折豈非 將 無卒歲 情 誉 殘 月啼 繁多詎 相别

> 其 Ξ

聽平! 出 卯之荒,禍延林木。 已變,與《伐木》之旨異矣。 忽以疏 谷,無處不披荆。 春鳥未春鳴,憐 者是也。 吾園略已盡 張樂洞庭,遂 吾《伐園詩》有云「坎坎林聲悲,叢枝 還 同《伐· 惟 覺友聲苦, 共爾 驚魚鳥, 木》清。 丁丁。 音聲未殊,憂樂 安知 本注: 幾 時 神 曾 癸

其

四

生。 用, 一旦轉 此聲殊不惡,趁起檢書籝。 春鳥未春鳴, 相驚。 無端感弱嬰。 落落 星在, 朧  $\equiv$ 朧 冬原足 旭 日

五

苑,聲已到

茅衡。

作「楹」。

豈不

知

王

臘

將

無改夏正?

微禽先得氣

,憑爾説分明。

其

爾 斷 漫 更。 春 使 鳥 洵爲同 歲 未 愁縈。 春 鳴, 調者,詎肯逐繁榮 噍噍似 心 事 憑誰 不情。 訴? 已 教 風 霜 宵 共 夢

其 六

春鳥未春鳴,霜 天 漸 欲明。 何 當 擁 褐

聽,不盡繞園聲。 本注: 窮獨之感。 琴 瑟 諧 夫

婦, 塤 **篪樂弟** 兄。 白 頭 應 愧 爾 長 自 恨

生平。

其

七

春鳥 未春鳴,寒林 雪 Œ 晴。 花還 賒 上

八

其

葉,香只嗅梅英。 春鳥未春鳴, 風 蕭 飄 野 幾 殘 叠清。 冬候, 皇 巧 州 寧 穿 初 柳 夏

好音徒復爾, 肅殺未全平。

其 九

春 烏未春 鳴, 空山 IE 友聲。

感,蚤締 歲 寒盟。 清 日 無 酣 寢, 殘 定 年 知 有 時 邁 暮

征 晏安良予毒,重荷屢申明

主

人

謀

酒

於

婦

新

礱

尚

未

成

釀

釀

其 +

聲。 老句 漫 春 書 鳥 亦 酬 未 全 Sp 春 傾。 茀 鳴 兼 翩 人 寫示 翩 物 不 同 康甥。 世 吾與, 祖 孺 孫 歌 共 聊 友 叮

λ Щ 梅 并引。 《編年》。

觀 舟 又 梅 但 欲 云 登 ,浩若 爾 入 恨 胸 周 言 山 Ш 何 中 都 月初 中 銀 至 問 · 時 可 今年 一於是? 有 海 欲 有 嶺 七 梅 阚 梅 日, 梅 追 江 也 吾 事 憶 南 。」遂 始 Ш 未 胸 絶 諸 有 中 若 中 勝 游 山 晴 梅 相 老 無 歷 此 和 忽 尚 與 人 梅 歷 之 時 忽 何 攜 邨 耳 色, 미 如 如 正 杖 居 數 夢。 佳 余 放 縦 無

> 連。 勝 還 胸 寂 不 又 似十 未 懷 寂 覺 殊 Ė 山 小 年 未 醉 窄 梅 前。 敗 好 因 乃 瀝 重擬放溪船 風 次前《東樓 暮 糟 光二月天。 色雲相亂 而 飲 詩 飲 生 韻 春 可 酒 遊 憐 頗 日 兩 復 垞

翠 薄 看 梅 大辛見招不 ·果往并引。 《編年》。

淮。 約, 顫筆 又喫老僧 本注: 昨 愛。 薄 風 日 大 看 更書 不 適 又同 梅,梅 看 初 有 巣 梅 人遺 齋。 往 處 至 日 絶 永 ,今來 ,永白 , 枕濤,大辛 勝。 深塢 大辛 白 酒 設齋 亭前 看復 甚 花 過 富 懷 如 而 佳。 二樹尤 邀至 海 旨 新 堂 香 白 偶 其 同 古 厨 違 頭 家 淡 潦 酒 至 良 倒 似 因 翠 友

甚

# 三月初二同葉静遠張子敬出郊閑步道

經屠子高幽居漫賦本注:時留半邏錢雲士

齊。《編年》。 又見沈氏本。

攜 未許誇。 掩,本注:子高父子俱出外。 野杖、人見出墻花。 郊 行經水曲, 垂柳 子 洵美 溪橋晚 高家。 幽 渡 棲 竹徑 斜。 處 深 犬 春 迎 山 遊

又贈 静遠《編年》。 又見沈氏本。

搜。 駕, 暇 異同 廿載 日兩 同門友, 慚未泯,寄托並千秋。 湖 舟。 相逢半白 把 盞 無 留 頭。 語 談 饑 年 經 丰 恣 冥 里

來,大辛、爰立亦至。大辛示新稿,至晚別去。 大辛過 示新稿《日記》:又六月十九日早,八公

連。 信,菜飯只 憑君相慰藉,文筆更蒼然。 緑野初秋候,清風小巷偏。 年年。 衰 病 差還 劣, 饑 艸 荒 堂 劇 能 復 信

簡懷夢弼大姪《編年》人乙巳。 《家傳》: 貴永

子檝世,字夢弼、號鼓濤,邑庠生。

穴,本注:吾傷先墓之淺露。 交秋夏,尸 解愁煩。 白首憐同病,胸 響念蚤昏。 懷 惆 未 達 可 悵 觀 言。 脊令原。 誠未易, 悲 傷 姑用 官 鼯 税 鼠

七一五

是處

有

深

情

邈

矣吾爰立,賢

哉

莫

與

京

1

璋

案

爰立公名枚

,號補菴,夢弼公弟。

其

大易》教 公懲 忿, 尤宜 一愁病 時。 至 愚 惟

假 僕 癡。 婢,不及並妻兒。 安心 即 良藥,何用訪明師 只 可 從寬 譬 還 須 學

其 Ξ

吾持不食戒,凡 病 即 ·行之。 重 且 蠲 湯

翅 飲, 得中醫。 一作「藥」。 多 輕 少時師手,常常悔莫追 惟 進 粥 糜。 口 爲 操要道

其 四

誰 似 前 汝 人 衰 好 作 都 「顔」。 無 漸 事營 類 父, 1 吾 至今 病 思孝 竟 同 德 兄

> 鳳 師 南 齋 漫

不能赴澉湖之約。 天豈忘黔首,人能恕白 久 負 Ш 中 約, 災荒常浹歲 還 辭 湖 頭。 上 遊。 風 淹 留 雨 本 竟 更 注 何 連 雨 謂 秋。 甚,

長 夜引 清 甌

和 孫豐年謡

痊。 穀,不直半文錢。 童謡亦足痛, 垂老遇豐年, 年豐 何以訴皇天 心 肉 更 徒 可憐。 然剜 眼 長 賒 瘡 元 五. 未 月

### 乾初先生詩集卷六

# **庭東偏梅花盛開移榻就之**見沈氏本

斜。知己吾惟爾,中宵伴月華。 賞,無眠逗遠葩。病憐枝共瘦,倦笑影同 老來還好事,移榻近梅花。不飲供玄

陪老姊賞庭梅茀孫呈賞梅詩用其韻見沈

氏本

繞臺。 貯, 皓若 餞 獨憐老姊弟,花下 月 (臘前 明 來。 梅,春梅又盛開。 合白 雪 共徘 》 誰 先 徊 唱 香因 斑 露 衣 故 氣

# 午後出游鄰家見沈氏本

扶病行郊外,春風季月天。 板輿桑陌

田。無私惟景物,欣賞野人偏

穩

邨

茗竹

爐

鮮。

紅

霧

圍

桃塢

黄

雲界菜

### 補遺

**宿東樓**見沈氏本。 本注:東樓,如 居之拜山樓也。昔年嘗攜亡室避亂于此。 居之拜山樓也。昔年嘗攜亡室避亂于此。

東樓、許欲爾所

炊。 夢,信宿 徘徊以終日 片東樓月, 忽成 癡。 梅 蕭條異昔時。 不 雨咽 寢 思 前墀。 晨做, 長 三年 飢 真 憶 晚 是

拱差遠

,門向東以收之,爲樓

日拜山

,日夕

吟

咏

嘯

拜山樓在兩垞之東。

南

山

逼户,勿障之。

東峯環

へ 許

譜》

庚

寅五

歌其中。

門内

楹

方丈,日

五

畝宫。

循

溪

而

西,

雀柴

目

「梅潭。

# 乾初先生詩集卷七

海寧陳確著 族玄孫敬璋編校

七言律詩

夜宿枕濤莊 甲戌十月,見沈氏本。 璋案:枕濤莊

在東垞,以濤聲日夜吼枕上,故名。

新 諸 潔 友 社 通 山 規秋 袁 幽 步 勝 後 事 嶺 減 日 月空清 蹉跎,不意今能襆被 老僧 禪 發元作「起」。 課 夜 深多。 浩 池 歌 過 臺

卧

向

東

一窗忘卻

曉,人間紅日上松柯。

# 枕濤莊晚興見沈氏本

鷩 竹 老 間 僧僧 人句,千古知音向碧岑。 邑 常自倒,文成花 昨 抱 日 晴 韋 棋 和 待, 今 日 古樹 陰, 下獨 何 煙 高 移 雲 吟。 檐 晚 影 漸 落紅 侵。 逼 寒 恰 茶 林。 點 沸

寄 謝 社 中并序。 見沈氏本。

謝之。 以 午 以 能 余拭淚。 夢 不 道 刀 斷 解 醒 余遭亡兒之變,社 解 又感太白 來 水 水,旨哉斯 余病 之, 流 雨 乍 日急,豈刀 則 不能 收,故人一札置床 愁 [詩,謂 與流水俱逝矣。 言 飲, 1 舉 因 中 可斷? 此 杯 爲 友 非 詩 擬 解 愁 愁 醵 若能 章 人 猶 金 頭 不 之 以 爲

忘 家 面 前 哀法,莫漫移尊動 亡兒子 不 敢哭, 身初 相 出 知 路 酒 張惆。 後 受 易 風 生 寒 愁。 病 未 如 瘳 今 新 老 學 母

春 此徴 日 武 喜 林 遇 同 寫湖上。 之見沈氏本。 漚 鮑 容 有 師 鄰 鄭 同 聖 行 冶 而 丁 进。 聖 許 冶 元 常 璋 五 案 作 斷 是年公至 詩 橋 容 晚 走 步

添 山 春 樓隔 衣 風 知 湖 勝 酒 Ŀ 友 聽得 薄 隄 酣 新 餘 高 同 緑, 步 吟 遊 出 幾 無 明 亭,歸 句 語 月 清 雲中 悟 詩 僧 成。 天半 林 外 晴。 喜 燈殘火 偕 久立 行。

#### 斷 橋 感 懷見沈氏本

十二年 前 坐 斷 橋 清 風 明 月 夜 吹 簫

> 故 調 高 人 頭 和 上 寡 滿 意 常常 紅 得 顔 昔 船 日 散 夢 湖 中 空 遥 興 獨 如 饒 今 文 白 讓

髪

他 年 少,畫舫笙 歌 醉 徹 宵。

之。 同聲稱善。 歌,嘗紛沓譁囂于柳橋之下,然聞 與余坐西 若無人者。 而醉歌者皆止,肅 韻弦老 時橋 人傳》: 湖之斷 上下 余兩人勿爲謝 游 乙丑孟 者數 橋,老人發 然拱聽,踰 百 秋之望,月 人, , 竟起 歌 時 杭 前 丽 俗 聯 歌 余兩人 明 士 余吹 畢,數 袂以歸,旁 如 大 水 夫 洞 和 百人 喜 老人 簫 歌 醉 和

#### 四 遊 西谿詩并引。 見沈氏本。

上,無 作 鬍 E 嘲我 遊西谿狀,竟以 樂」,遂有《四游西谿》詩 余 日不念 日 遊 西 「西谿之遊樂乎?」余應之 谿 西 三矣。 溪。 無同 志不果。 Ţ 日 Н. 蚤 也。 春 起 索 寓 前 飯, 許 湖

錢 路 渾 以 繞 不 信 看 松 春 花 杉 ,今朝樂 晴 盡 施 毎 薄 H Ш 蔭 念 事 後 勝 西 行 身 前 谿 因 辭 時 得 車 簡 旬 馬 寄 遲 愜 城 妣 中 歸 期 約 語 舊 老 杖 知 髯 頭

人

事

少

客懷

爽

塏

不

成

眠

刺

破

墓

前

月

露

氣

厭

平

山

下

煙

醉

去

僧

房

### **其**

歸 成 春 來 袁 明 梅 新 頭 月 筍 别 上 雲 西 向 五. 湖 空 開 年 一作「人」。 枝 林 一,鎖 半 更 老, 晴, 屋 煙 谿 山 出,古寺香羹傍晚 嵐 風 行 幾 廿 松 樹 里足 鳥 平。 亦 猶 逢 輕 迎

懄 橋 步 月 歸 途 有 作 本 注 時 憇 古 墓 就 石 臺 索

飲,悠然成吟。 見沈氏本。

足 倦 未 柳 歸 深 湖 石 豁 可 雲 坐 辭 身 天 寒 , 無賴 小 艇 酒 藏 爲 歌 緣 聲 杳 松 針

**荒臺晚坐漫興**見沈氏本

牧 勤 繞 笛 鎖 砌 荒 鑰 吹 老 餘 臺 松 西 照 能 晚 風 讓 坐 楊 竹 月 獨 柳 裏 當 亂 僧 釣 天, 歸 湖 厨 船 煮 小 古 白 艇 寺 泉 不 燒 辭 殘 比 煙。 石 歲 磊 城 山 前

**柬 老 董**見沈氏本。 璋案:是詩刊人朱氏

《明詩綜》

春風亭子雨迷離、旅意《明詩綜》作「思」。

紛 紛 憶 舊 知 别 去 好 Ш 遊 幾 處 倦 歸 蕭 寺

● 「豁」,惜本作「谿」

記 上 詩 何 .诗 莫 1 謂 期 兩 君 人容易見 南 閣 樽 前 話 《明 看 詩 我 綜 西 》作 湖 隄

頭白髮已如絲。

# 懷韓子有舟中見沈氏本

奇謀 葉 予 葉 能 破 聯 舟 落落 相 韓 ,殊難爲 連 子 憶 獨 夜 憑 窮 懷 誰 途 雨 立 許 性 蒼 半 ? 所 苔 衾 安, 抱 敝 殘 古 夢 篋 中 幾 杉。 蕭 年 重 蕭 遭 東隅 空自 Ш 亂 子 歷 春 還。 評 諸 風 日 艱 道

# 東樓二 首見沈氏本

久客 成 竹 呼 歸 東 僮 樓 家 取 聞 近 水 琢 酒 句 見 及 漁 花 新 桑 開 袁 問 得 靏 婦 主 後 藏 看 邨 鋤 疇 伯 荒 緑 仲 幾 春 筍 行。 開 非

> 因 能 思蘇氏 襆 被 ( ) 夜深 連 床夜話之懽,鹿 風 雨 話 連 鹿風塵,春將云暮,未知月 床。 本注: 樓 適 有 一榻 内

得

遂此

懷否?

其

催 擲 不 讀 筆 晚 色, 且 自 東 樓 成 隨 出雲明月 趣,小 坐久 妻子笑,開 心悠悠,手植 飲 亦 微 如 隐忽 酣 秋 亦 見 破 東隅子評 母 愁。 園 兄 桑 鳴 舟。 雨  $\bowtie$ 鳥 後 解人。 歸 把 稠。 書 林

## 題移居 圖并引

非 五 僅 贈 題 此 余於丙子冬移居泥 圖 畫 也。 遂 書 數語於上,大 橋 之 率 西, 自 許元 寓

故居恰好近新居,舟過泥橋僅里餘。

亦 小 行 李 徑 口 問 無 只 勞 ,竹林深 軒 蓋 兩 飯飯 隻 犢 處 客 是吾 荒 家 東 藏 廬 有 惟 фф 見 蔬 囊 雪 書 夜 容 相 馵 人

遊 容 橋 欣 池 游 蓋今之桃 天 渡 ,偏訪林谷之勝。 蔬 ,又復開 車 然徑往之。 馬, ,於是始感 池 余而東, 雖 源 寺癸未八月。 衍明 余 也。 則 出雲棲 豁 身猶斂 而 《秋 兩 作詩 ,另闢 Ш 耐 游記 而右 如 衣 雲棲僧每 人境 削 而 **×** 行, 後 中 本 余 緣 有 行。 注 通 每 爲 菴 溪 可 H 寺 行 余言天池之佳 流 蹊 無 讀 在 m 里 僅 事, 雲 北 書 ,始達 棲 盈尺,不 緑 有 攜 Ш 水小 圃 筇 背 天 可 出

吾 中中 小 安騁 鞋 橋 當 竹 + ,秋莫擔 呃 杖 里 塞 渾 松 一,溪 無 陰 倦,石 山 書 邊 路 擬 百 迁 1 畝 洞 居 雲菴 足 幽 耕 不忍祛 鉏 小卧 起 四 步 方 徐 蹙 渡 徐 蹙 口

> 讀 錢 聖 月 删 後 詩 有贈 本 注 時 聖 月 歸 省 甬 東

記 圃 余 與 庚 辰偕 祝 子 破川 訪 師 錢 聖月 剡 渡錢唐, 遂 偕 渡 辛巳人越 錢 唐。 秋

游

海 全不 匡 俗 1 聯 薄,人間 僅 西 舟 存三百首 湖 話 閘 累 口 猶 晤 自 H 賞 重 君 Ш 時, 親 中 心 師 應 繫 惠 夢 盡 我 思。 幾 齋 千 頭 巵。 此 删 去 後 闘 明 詩。 朝 情

同 廣 思 梅 涓 砌 五雲山背 遺 圃 數十 涓 洪 福 遂 數 謂宜築亭其上。 成 溟 僧 畝 丈,不知 **登** 老 ,其半山 闇 臨 五雲》 衲 溪 然 八爲何代 小 《秋 登 閣 爲廣福之篠園 游記 五 無 西尋 人所 雲 V 主 Ш 築。 季 具 欲 和 秋 頹 頂 下 尚 丙 歸 園 訪白 舊 申 仝 I 同 游 有 室 乳泉 鉏 居 有 感 闇 石 静 問 然 作 鼎 泉 得 僧 此 流 登 古

上「室」,疑行

雲窟 泉 夜 上人攜 冷宜亭子 半 開 何 代 我跨層 , 梅 砌 ? 圃 峯, 秋 松梢平受幾 荒 荆 覓 棘蒙茸 主 翁。 Ш 不可 自 風。 古 從。 勝 石

緣皆

有待,不煩父老哭殘鐘

游 雲門諸山見沈氏本。 偕祝子人雲門山 府城南,晉王獻之居此。 面 仞,百折生勢,層峯叠嶂,頃刻變容。 登筏,飯于小菴。 樂之,丙申下山 ,偕樵風,溯若耶,將至平水,舍舟 大率過平水而山 ,借雲門古志觀之。 《通志》: 《秋游記 水益奇,清 雲門山在紹興 余與 季秋乙未。 祝 流萬 子

僧 明 桂 月 楫 許 返 秋 同 Щ 遊 浮 多 微霜 頻指點, 名蹟 剡 石 鱸 未 上坐清寒。 鱠 曾諳,袖 境當 蒓 羹 夜 絶 勝 人 卷雲門古 盤 每 嗟 不 嘆。 忍 志 遽 蘭 看 辭 橈

> 平 水 記》: 岳 廟。 東 辛丑 辭先生 돖 整 廟 一而歸 謝 書 出 别 Щ ,勉余與祝 先 順 生 溪 流 見 子千秋大業 而 沈 下,抵平 氏 本。 水, 期 憇 無 秋 東 游

于一時相與之意,言諄諄爲。

澗 寒疾亟歸。 夜 次寒驚 喧 流 撰杖從師 客夢,本注: 水 邪 Ш 谿 增 秋晚 寂 到 上方, 時先生連夜不安寢,而 坐對清林語較長。 鴻 歸 航 連 朝 千 風 秋 雨 大業真 閉 同學 僧 雲閣 亦 房。 吾

# 歸渡有感見沈氏本

事

,臨

别

丁寧不敢忘

棲 霜 清 遲 單 學道 東 褐 海 坐, 空 歸 攜 來 晚江 卷,擾 感 慨 風惡小 多 攘 中 客 舟過。 原未息戈。 游 兩 月 前 變 途 星 是 曉 河。 處 郭

生 ,戒僕夫趨舟,懼晚風之驚渡,余笑謂險不在 波 浪 咫 尺 錢 唐 險 幾 何 本 注 曉 此 泊 蕭 Ш 東

和 子 有 詩 韻 并引。 見沈氏本。

有 率 書 -自悼 寄 소。 韓 甲 子 申 非 有 春 以 正 壽 因 韓 再 和 子 渡 其 也。 江 四 + 將 蓋 生 至 余齒 H 東 詩 關 與子 作 大

漫 懸 四 齋壁,不成 家 勞登曲 方多盗兵戈暗 水東海 西 [望關 ,何計隨 禮 一字,幾化烏 新詩 門 喟數聲, 君 幾 鄉 一步瀛 欲 有,今姑塞白 土 附 乾 一頻 荒 由 坤 庚。 粟 何 米 用 耳。 本 傾 此 注 仙 迁 詩題 翁 生 强 咫 仕 久

尺

#### 乙酉 春 日 侍 Щ 陰先生見沈氏本

篇篇諫 廢 白 列 君 不用,已知中興無望矣。 雲。 侯 恩 分。 處 春 東隅子評 艸 處 人 悠 焚 游 江 悠 筇 園 日 誰 南 適,本注: 花 識 渡 木芬, 時 馬、 功 閒 第 名諸 居 阮 三聯寄慨 先生 Щ 執柄, 意 空 將 時南臺告歸。 ? 四 畫 在 特深。 鎮 盡 永 分 東 日 坐 争 遷 柴 論 先 門 臣 政 生 文。 鎖 **\$** 節 退

哭吴 道。 時三 死。 難 政 人,萬曆己未進 十,磊齋先生 ,慟哭成疾,卒。 秋 極意撫 比 一楚已陷 浦先生見沈氏本。 《嘉興府 至,沅兵已并鄖撫矣,遂 綏, 麟 死 擢 法志》: 瑞破家募 士。 難。 方伯。 弟麟徵字聖生,天啓壬戌進 授 吴麟瑞字思 Z 常 酉 海上勇 告 州 三月 歸 府 後 推 +=, 本 士千餘人,促裝就 官。 注 籍。 主 詔 起 號 甲 累 秋 聞弟 偏 秋 遷 浦 申 沅 浦 九 先  $\equiv$ 巡 海海 月二 江 生 士 撫。 死 參 圞 憂

祖宗二百七十年宗社, 取 酒 與 故人祝 且 淵淵共 失之,雖 飲 因 E 題 哀江

南三篇見沈氏

絶

筆日

歷

官都給事中。

城陷

有 用青衫單衾布 龍亢之悔,下有魚爛之殃,身居諫 席足矣。 棺 宜早歸 垣 ,恐緊先人之 ,無所匡 救

一,茫茫泉路 ,炯炯寸心 ,瞑予目者 ,又不在此 也。」

遂自經。 本 朝賜謚 直貞肅。 淵爲視含殮而去。 見聞録 贈 吴忠節 兵部 侍郎, 謚 公與 秋 忠節 圃 先

生,兄弟也。 萬曆 戊午同舉 一於浙 闡,懼太盛 因 不

壬戌,公往,亦成進士。 赴 會試 · 而 秋 圃 獨 往 成成 進 時傳爲盛事。 士 焉。 越三 載,爲 後兩先 天啓 生

名業日 起。 甲 申 之變, 忠 節 殉 國 秋圃 哭之, 次

亦卒 以以 功名終

生誰 堂前 箎 泉 家學術 新 式 下 去 刑 歲 舊 世 生平。 業。 程夫子,百代文章蘇弟兄。 此 時 本注: 燕 二公雖死 뫲 仲木兄弟四 計, 隔 年 無遺憾 五 同 ,聲名藉甚。 月 澉 四 湖 弓 海 驚 後 冶 塤

#### 篇 哀蕃! 屏 也

牧 誇憂國祭征虜, 南 兩 真 貢 淮 鐵 肥。 近 侯 嗟三 漢 封 本注: ,孤臣 百 楚 里 演 淮 内 力 翻 南 本注: 王 盡 作 諸 畿, 沃郡, 死 降 如 胡 左鎮 令主 各 歸 郭 1鎮皆 不 重 東 臣 威 得 遷 自 州 古 賦 惟 糧 制 租 有 久 違 靖 割 争

#### 二篇 哀朝 廷 也

政掣 長 夾輔 師 江 貞 靖南兵,會剿左賦 無 長 周 新 計 皇 子 侯 拱 去? 攔 誰 胡 默 晉 馬 九 奴 鄭? 天 虜遂 空 兵 高 國 乘無備 中 何 夜 朝 興 勞 渡 士 逐渡長 漢 問 寒 喧 楚 相 潮 譁 江 茅。 失 門 蕭 本 户 注 誰 牢。 曹。 掣 主

### 三篇哀金陵也

腥。 走靖 吴兒莫顧 南軍。 樓堞 契丹莫漫貪降晉,自古南人不易平。 横 百 維 代 桑 江 儒 地 古 漢主 冠 一帝城, 淪 . 艸莽, 六朝宫粉污 先 高 馳 皇陵 細 柳 墓 誉。 一柏青 本 注 青 羶

哭祝子開 志。 月,留 侍先生時所記録 子確至,語兄葬母有期,宜少待以瞑 刻 漏下二鼓,兄至堂上 子流涕受之。 因 相戒,無敢言 出 》數則。 ,客却走復蘇,自是日夕伏藁哭,哭必嘔血,家 六月廿九日, 閩户自經。 都再潰,客坐驚聞,兄據 篋 美見沈氏本。 ,屬陳子曰: 初 五日,王孺人葬役竣,沇輩自墓 時事 自是絕食數日。 也。 者。 謝 某今且畢命。 「此先生平日教某與某平日 乃手 客,竟爰大書 《祝子年譜》: 沇等排闥泣解 几仰天一慟,沉 閨 帨 六月朔,預 自 隨 敬以遺兄。」陳 目。 《絶筆》授諸 時 兄許之。 時 Z 一次歸 出 適 有 殞移 酉 《歸 陳 死 X 五

> 何君 烽火一江,閉門合轍,將敷 初六日之子刻也。 請 弟,又口 以千秋大業邪 尚忍言哉 ,兄堅持不少動 臣 師 誦昔賢詩見志, 弟相殉于 聞 山 陰臨 而兄竟先期俟先生于地下矣! 移時 越二日 日 逝屬致 强 即 也 解 結帨自 ! 天率 而 Щ 天乎! 息遂盡,不復蘇。 祝開美者三、殆屬兄 土,終淪長夜乎! 陰先生亦絶食死。 縊。 沇 尚忍言哉 等號 泣 蓋 跪

豈 袁花鎮民百餘繞屋大哭 出 年 後浮名 問知否 門 一妨 常 聖 不弔旻天 恐經邨 慚 ,心安理得更何求 祖 竹史,本注: 1 年 市, 亂 運,莫逭 未 巷哭聲聲祝孝廉。 厭 開 美臨 日 迁 世間 驅 生 殁,哦詩 平 羊 公道 H 犬 云 噬 屬 淹 「莫 蒼 閶 1 本 注 閻 向 黔。 身

### 其二

諸兒繞哭一聲聲,聲徹高天天欲傾。

幼,無 誤世 耕。 弱 婦 本注: 撑。 成童 作 國」。 遺訓 一者。 孤 寡 戒諸 乾 文 顛 章 坤 兒 連 示 誰 毋習舉業,棄讀歸 逢 ·使奇 可 劇 讀 亂, 男 供 在,門、 交 親 遊 筋 耕 何 户 力 四 以 重 未 孤 答 教 任 皆

平

生!

子四: 祝子 恒 稼,聽其所業,違者即以逆論。 明所定庶人之禮行之。 ,字豹臣 臨 乾明,今名翼乾,字鳳師; 難《歸囑》: ,號學存; 凡我子孫,冠婚 升明 不得讀 晉明,俱早殤 《祝氏家譜 應舉書 恒明,今名翼 喪 祭, 漁 悉遵 胸耕 淵 大

### 其三

人心 脅衆虐諸 覘 單身罵 成 思 敗 塞 正 賊 巷 孤 誰 士 獨 填 余往 復 何 街 翻 叱之。 陽 莽 滿 門 疑 + 虎 天 哭 既 貙 日 意 介 面 ,張 衆謀辱予,大索不得。 屬 索良 夫 狂 牙 奴。 亦大 先 本 注 欲 讀 愚。 啖 市 書 有 諸 益 亂 粗 孤 衿 曉 使 有

> 日驗。 爲余慮禍者,余謝之曰:「子毋恐,吾立見其敗耳。」不

### 其四四

袵 子手札,并親書語録數本,悉以見屬。 同 嘗 游 同 1 雲門,擬共卜居,于間未果。 蔬 蘭譜 慚 中 飯 愧 年不忍 名賢 遠 吾兄滿篋書。 從學,未獲 百 即 有餘,蕭 分裾。 深 本 Щ 蕭 注 疏 壯 共 塵 慵若 士 Щ 結 外 陰先生所遺 那 廬 獨 弟 堪 憐 本注: 成 隨 余。 何 左

# 夜過菩提寺賦謝自明上人《杭州府志》: 真紀

年 周 寺在海 八顯德二 賜 今額 寧縣 年 ,明洪武二十四年立成 建輪藏。 東 黄灣菩提 《許 山,東晉干寶捨宅爲寺。 志》舊名菩提 叢林。 宋治平二

二十年前此讀書,重來非復舊山居。

門 中 知 間 何 爲 已三易置矣。 勝 游 藏 祝開 古 飲 此 路 夕, 美昆 感 謝 衣 季所葺,而 移 室滿 殷 冠 向 勤 翻 脩篁半掩 飹 本 自 注 開 酒 悔 美已作古人 蔬 柴 當 門 初 以 虚 拘 1 忌 矣。 本 陰 百 注 陽 愁 杖 二十 竹 攪 履 室 夜 豈 年

#### 同 Ш 衲 自 明 許 生 欲 爾 過 韻 弦 樓 題 壁 見 沈

氏

千 無 小 本 注 端 里 醉 又續 一他 時 蕭 去 余變服出 然 翻 兩 攜 情 憎 伴 空 游 H 過 負 ·山 月 山 僧疑余已削 長 莊 壺 漿。 滿 林 壁 外 髮也。 年 顛 相 來 狂 逢 自 心 舊 訝 覺 事 道 題 乾 獨 句 裝 驚 坤

### 飯後又賦

增 飯 晚 勸 重 客飯,爲 ,獨不忍 煩 爐 一 煩 費 老 猶 小 貯 膝 閣 飽 勉 金 炭 催 詩 加 ,自言禪堂 粟 珠 成 僧 雨 器 玉 山 摧 厨 本 餅 ń 細 未 歸 啖 香 注 聽 杖 厭 糠 寒 餅 更 糠 清 山 牙 遺 0 蔬 翁 奏 糧 本 脩 白 注 徵 天目 飯 莫因 商 金粟 午 僧 故 盤 遠 泉 事 僧 忙 過 沸 跽 同

#### 韻 弦 飯 後 歸 復 約 餉 酒 日 暮 不 至 不 眠 成 詩

多 闍 尤 絲 黎 怨 殊 飯 日 曾憶 易 莫 飫 還 斷 故 人 Ш 高皇禁秫 愁 腹 嘆 深 索 般 百 居, 若 斛 無 甚 湯 細 難 乾 風 驅 蕭 吹 寺 竹 竪儒 厨 雨 蘇 莫 夢 蘇 漫 薄

#### 訊 董 **甥**并引

遠 廟 一跋 , 愴然動 ,
勞頓 莫 雨 歸 懷,又不 何 Ш 如 念 也 審前 <sup></sup> 正 董 一甥 韻 夜 典 步 瑞 歸 獨 脩 居 途 嶺

不 溪 荒林雲没館甥室, 橋 成 寐 鞵 日 公艸薄 萬 莫千邨 仞 Щ 五 細 更 頭 雨 聽 霜 絶 濛,歸 曉 海 月 鐘 帽帽 潮 催 檐 途 空。 納 忽 麓 忽 相 風 念 思 遥 廿里 徹 峰。 夜

#### 懷 近 思 叔 西 歸 兼 問 閩 信 正 韻

頻 萬 偏 理拖 寄 是 化 示 竹 林 雲帛,嶺出 離 箋書隨意慰愁悰 殘 多 病 靄 骨 結 寒 子 屢 風 江 支 照 傾 大 日 側 阮 蓬 亂 西 Ш 歸 得 筇 小 有 阮 好音 家 東。 藏

#### 再 過 韻 弦樓

詩 本注: 然 頭,適 如 禎八年者, 夢 誇 1 ",攜 感胸事 退 余生平 何 十年 虜, 事 Ш 杖 抽 重 翁 連 世 歸 聊 謂 石, 賦數章、篋中 來 上 穿 歌 自 遺韻 萬 無 到 短 此不 嶺 留 韻 筑 弦 煙。 學 者獨 句, 弦 復見贈 新箋爲之俱盡 辭 ? 多。 燕。 矣」。 日 因 因 山 論 覽 眼 而 壁 中 往 前 前 間 盡 事 聚 詩 敢 數箋。 日 有 每 散 賦 過 題 澘 真 新 樓 崇

#### 夜 過 雲 萍僧 舍

慳。 最 何 從得此無人境,願乞餘生老是間 高 混 山 林 混 作「雲」。 清 不 知 風 到 天 黑 嶺 地 執 溪 小,悠悠 微 深 夜 虐 IE 明 惟 闌, 月 覺 茫 出 僧 然欲 江 徒 光 閑。 上 尚

曉懷 夢 弼 爰 立 兩 姪 都 司 嶺 《許 志》: 周 都 司 嶺

書周應禎戰殁,天啓初,里人許令典剏議立廟。在黄山東麓。明嘉靖三十三年,倭掠袁花,都司僉

本注: 所 扉。 居右 羽衣 曲 壽亭 **垻**篪愁寡和 同志四五人集枕濤莊,各謀所向,而 紛 往。 關帝閣,左周都司祠,人事囂雜,念之不已 紛 網 樓 林 密 殿 鳥日驚飛,旅雁 猶 喧 屠博, 餘雲外嶺,夜深自啓月中 曉牕相憶甚依依。本注: 都 尉 雙隨 祠堂費禱 夢弼兄弟獨 老鶴 祈。 歸。 附

山後遇老董漫成《正韻》。 見沈氏本。

日來相見之密,三十年中所未有也。 不 圖 老去成深契, 每 Ħ 攜 筇 山 上行,山 轉 向 愁中 翁 君 獲 Щ 已 勝 後 出 情 笑 家 相 本 未 注 迎。 免

> 留 俗 與千秋自品 我 猶 爲 士衆 評 疑 僧。 從 來 世 眼 真 顛 倒

留别許欲爾用劉先生游錫山和濂溪韻見

沈氏本

余自夏五歸家,今始復 多 離 人 信 時 家 總 艸 Ē 攪 絶 是 艸樂偏安。 地 般。 遊 西 山 風 屐, 作 小 隔 過此。 寒, 嶺 番來往渾 重 終 世 煩 朝 事 餉 清 悠悠愁 杫 無謂 坐 盤 不 家裏 勝 罔 本 注 酸 極

醉懷蔡上生見沈氏本

莪》久欲爲 東 浙 好音終間 人間 無 君發,《 處 闊 不 張羅, 西 小 Ш ,宛》當 定 我 力 向 思 近 羅 共 如 中 何 子 徧 哦。 踏 過。 本

注:開美自題所居曰小宛山堂,今其填寡,足哀也。 萬

斛新愁付杯酒,惡知酒後更愁多!

# 雨阻歸筇又過雲萍僧午飯喜聞捷音

漸 明 竟 紅 夷銃,□ 朝 夜 有 好音塵 嶺 竹 年 來 廟 床 撫所 非 又 成 分齋。 外 進,聲震 是 穩 至 卧 懶歸家, ,本注: 敷郡。 江聲 田 酣聽 儗子 天 萬 海勢千 雨 里 慰 夜發 聞 山 羈 夷 足, 中 帆 懷。 砲,本注: 乏 下 聞 漢簿 雨 艸 而 鞵 止

自菩提山下訪**蔡子**《正韻》。 見沈氏本。

《許志》:在黄山東半里,高六十丈,周七里。

千載 雲鎖 故 新 霜 阡 人 林 暖 饑 顦 未 顇 偃户 死,數 不 勝 塵 殘,獨 封 間 舊 茅 [突寒。 屋 自 亂 擔 粗 書 本注: 安。 下 晚 時蔡嫂 隔 山 溪

> > 酮

### 夜過韻弦樓宿

蝶 呼 新 老友 醒 浴 知 深 Ш 宵 盆 林 ,看余蓬首試松煤。 雨 训 無 我 月 + 下, 黑 户 成 蚊 舊 堆, 喧 眠 似 藤 有 夏雷 榻 客 唤 茫 僮 然 曉 開 夜 起 L 詩 五 來 成 更

## 辭 山見沈氏本

夢 中 白 連 攜 餘 朝 全 書 枕 編 +-嶺路雲 惟 E 隨 此 意 離 無 四 誦,歐 此 部 家二 筇 事 濕 而元、 + 簡 蘇 到 白 歸, 韻 處 選 集從 拈 褊 集 Ш 詩訖 Щ 恣 心 厨 僧借觀,未 情 不 霜 五 揮。 忍 菜 微 肥 負 本 敢 清 注 動 元 暉。 筆。 Щ

#### 過 杳 肇 五 漫 賦 兼 寄 封 婁 兄 弟 《州 志 文 苑

傳》 盡 浪 年三十舉鄉進士,益肆力於文章。❶ 山 壻朱達搜輯 其詩文爲仁和陸圻 水 查旦字孟 間 或歌 耀, 或哭,人莫測其蹤跡,自 爲《始 字 讀軒 訂定,殁後遭 封 婁。 遺集 15 Ě 孤 \*,事 上卷。 會 兵火 鼎 母 號 革 以 散 海 孝 遂 上 亡 聞 殆 迁 放

各 我 未 努力 甚 死 愧 皆緣 暫 三益, 辭 丈夫豈肯空儒 母 Ш 已老, 衲 密 侵 邇 晨 粗 君 還 深 安 冠 懽 惟 久 藉 枉 難 家 邨 原 舟 寄 寒。 大 語 午 迁 諸 督 疏

### 曉行

憔 尚 + 悴 挂 儒 老 極 曉 生籍 霜 ,不堪終 親 垂 殘 死 月 産 病 亂 日 去 . 嘆 離 徒 兩 吁 留 頻。 昆 糧 破 長 弟 帽 身。 徹 單 頭 裥 無 貧 慘 怪 澹 比 神 年 焚

# 過徐聖儀訂南湖之遊用韻

羣 E 南 竪 澉 事 祗 惟 艇 霜 清 須 煩 銜 醉 4 月 杯 白 作 笑出 絶 佩, 埜 代 情 晚 諸 癡 偏 湖 兒 公 煙 倍 亦 寒 覺 愧 郭 妍 硯 尋 爲 君 何 田 雲 日 外 共 終 朝 移

# 聖儀齋中又用前韻

豐 舊 枕 渾 事 書 新 勳 無 以 書 飲 聲 賴 社 埜 酒 築 穩 壯 旬 賦 笑 詩爲娱 烈, 風 蕭 清 起 前 條 妍。 本 揮 榻 () 篇中 東 注 豪 本 海 亂 盤 閩 注 所 偏, 晚 菜 帥 用 檄 煙。 樸 冬肥 即 喜 清中 菴、 其 連 韻 長 原 霜 蓊 也 生 ,光聲震耳 後 諸 蔚 吴 父脩洛  $\mathbf{H}$ 謝 儂 敷 醉 建 社 武 元 絶

● 「於」,原作「放」,依文義改。

#### 樸 叔 晚 過 小 話 兩 和 來 韻 璋 案 樸菴公、先

處,無 樸菴公後乾初公三年而生,時年四十有五。 甚富,手註 遠近欽其文行,競延致家塾,俾子弟矜式焉。 貤贈文林 存 初公爲忘年叔姪,唱和甚密。 日,卒康熙甲子二月二十七日,年七十八。又案: 高 字孟樸、號樸菴、居鵲門口、邑庠生。 祖 而 也,❶爲爾宣公長子。《家傳》: 置 先贈公作,竟佚而不傳,惜哉 情,赴義若不及。 郎 社律, 江 南歙縣知 已刊 行。 縣。 博極羣 生萬曆丁未十二月 乾初公之詩 性 嚴 書,淡 之燻,字伯 Œ 慨 以 于 直 孫峋 僅能 世 一,與 撰述 與 味。 吹 貴 乾 有

**髠頭** 愁拙 郊 難處、惟髡、税二 之句,爲之悵然。 語 更好, ,腋透西風 重感蘇公髮,本注: 艸 白 桑 衰容 村村邨 事,而余屬 負 杖没煙。 E 郭 路偏, 酒 猶 老逾 糧長,更難 僧僧 誦 亂 顔 東坡 妍 離 氏 何 「新沐 爲 田 不 處認茅 情。 0 堪 頭 本 輕感髮 久 注 新 文 詠 椽 目 稀 寒 人 前

### 其

迁狂 躬堪 瀟 里。 瀟 訴 全類宋諸生。 遠跋今初學,本注: 怪殺吾家 腹耐新愁向 短檠。 醉 步 未更。 相逢 兵, 是日 悠 且莫忙 騒 然 白鳳 雅 清 不 林步 嘯 歸 慚 去, 歸 晚 唐 來 進 往 聽 返二 我

+

#### 濱 社 見 招不 赴用韻寄謝見沈氏本

寶末, 惡 注: 盟逃邾、莒全無憾,集 下 來札以韋、王見推、蓋主社自謂 筆紛紛帶筍蔬 文章清 自修倉罷 麗 建安 讀 書,經冬 初。 有 韋、 也。 偏 王 碌 余 詩賦 勝 碌 近况 未 不 悲凉 虚 遑 風 塵 天 本

高 原 重 文, 據文義删

## 早出《正韻》

殘 堪 尋 編 常常 離 宵代 世 蔬 早 菜 ,巷杵鄰雞 出 旦,心 官 收 差 糧 飯 夕 無 掩 自 潦 雜 荆 友聲 慮 艸 夢 詩 書 篇 如 生 埜 醒 人 客 俗 賡。 亦 間 幽 手 何 清 有 處

# 冒雪過全圖許吉先見沈氏本

雲笠 吾 此 夕千 志决,股肱儗竭 曉 破 杯 迷 舟 蟻 真 殘 臘 暖 畫 出 壓 催 一畦 霜 明 糧, 年 毫 杭。 百 晚 白 尺 凍 雪 蝗 漫 紛 成 紛 溝 章 打 壑 下 未 寒 艙 消 填

# 雪中和聖儀見投之韻

數椽 幾欲 悒怏。 辟 纑 爲君 成委棄 老 生事 寒宵 婦 請 形 無 尚 ,欲典所居,屬聖儀居間 勞問 神慘,捧 盞 方。 自 彼 温 本 蒼 香。 注 札 羸 欺 來詩多不平 不 僮 人 堪 手指戕。 白 醉 ,來札不允, 雪 後哦 語 晚 茫 新 殘 殊爲 句 臈

賦 九 月 梅 得 開 字 本注: 此 濱 社 初 集 題 也 余不

得赴,主社徵詩甚急,勉補一章。

聊 林 露 懸 逃 逋 罰 清瑩含鷄舌, 梅 蚤 院酒 秫 敢敵 初 收 諸 翻 公白戰 釀 陪 尚 霜 陶 孩, **\$** 試 才 菊花 新 園 鋩 亭 杯。 坼 先 鶴 報 拙 胎 數 詩 株 本 補 開。 是 綴

# 聽老醫郭南巖誦所製詩有贈

去歲中秋,鹵攻硤川 尋非 東 教我新篇踰《七發》,勝人陳艾足三期。 奴 層市殘 止求方論,知子春來袖滿詩。 蚤 歲 聞 燒 君 善 ,軍民悉逃,南巖自言登 日,南老登樓漫賦 屬詞,不 圖 世亂 時。 興 危 樓賦 還 本注: 癡。 詩。 相

春晴過近思叔池上即事《編年》人丙戌。 又

見沈氏

思公父無爲公,配太學生 風 五茄葉煎茶,色味勝雨 玉 池上 蘭 煎 邨 舅 餅 圃 ?甥家。 分瓊 新 晴 瓣,茄葉烹泉鬭 滿 本注: 前。 眼 一桐鄉 花, 舅顏亦同居避 春 顔公洙泉女,所謂舅者 酒 攜 筐小 甕前兄弟榻,晚 ? 碧芽。 ,摘足 難。 璋 生涯 元注: 近 當

笳。本注:時近思叔將更卜居。是顏公子。莫因多盗謀他適,試聽天邊處

處

春盡登龍山本注:十六日濱社九集,效鄭谷進

韻。 見沈氏本。

本注: 護 詩 注 廿三日立夏,距今日尚餘七。 日 春留 成 龍 空同《咏松詩》,「鶴蓋奔騰欲上 雛。 索飲各喧 山之勝在祝氏諸墳。 萬 舊 里神 本 曆書,本注: 注 州 笑,誰 山 多 望 松 解 虚, 鼠,善 新 千林 吾 幾 曆本月二十日 獨 陽百 疊 食筍,守 餘 晝 松 潮 季 人新 轉 濤 壟 車 者擊柝逐之。 翻 數 未 立. 圖 聲 鶴 夏,舊曆 畫 樵 蓋 Щ **,**本

# 懷許欲爾分韻見沈氏本

塞耳寒笳不忍聽,夜潮催子出沙汀。

七三五

米 干 凉 滿日 如 聲 戈 滿 珠 頭 不 玉 野 口 ·用更歌 荒 白 日 Ш 行 故 暮 路 路難矣。 王 人 孫 風 千 雨 飯 里 彌 未 眼 經。 天 誰 破 青? 東隅 驛 亭 子 姚 評 日 江 旅 粒 雁 蒼

#### 其二

無弟 生。 臺 本 注 畔 本注: 兄 虎 春 前 詩 狼 山 凡 更有 若 横。 鳴 翁柩 易 鳥 傷 饑 稿 晚 所 停 年 心 嚶 曹 處 池 兩 嚶, 女 館 月 東隅 廟 此 L 抛 前 日 妻 子 昏 懷 風 母 日 香 浪 君 亂 時 梅 惡 艸 江 雨 世 上 數 越 正 阻 更。 兵 身 潮 王

故

次

聯

Z

遺雲萍老衲《正韻》。 本注:同諸子訪老衲于菩

提

嶺

誦

其

新

稿

歸

遺

此

詩。

詩 吾 健 辨 杖 千 足 海 勝 老 遠 葉茗,歸 連 能 諸 眸 天 矜 生 尋寺,吠 石 兩 嶺 來 本注: 鷺 勢 + 峥 日夢 本 客厖 同 注 嶸, 游 魂 驕 有 海 共 告乏者 有 清。 不 減 聽 帆 春 予 僧 如 衣 浴 殊 鷩。 步 馨 鑠 晚 卷 盤 晴 隨 Ш

和 平 氏 喜 本。 平 法 法 師 師 韻 本 律, 注 哦 飯 咏 後 不 過 已 翠 薄 遂 山 和 関 其 壁 韻 蕳 新 詩 見 獨 沈

春 齋 雨 H 辟 濕 暮 新 藥 兩 欄 詩 家 出 滿 增 池 門 婉 館 山 讀 變 並 月 到 巖 雲歸 上 禪 松 阳 師 蘿 好 林 飯 句 岫 後 多 失 貪 巍 眠 狂 我 每 咏 不 别 過 知 來

### 所至邨落爲墟。

# 避兵用前韻兼懷悟凡上人本注" 兵至黄山

人他出故也。 見沈氏本。 掣同人奔避翠薄,再用前韻,兼懷悟凡上人。 時上

實 入竹 卧 虚 煙 被 叨 蘿 老 履 頑 百 衲 僮 聲愁彙彙 年 多。 減 殘 , 埭本注: 喘 獨 有 Ш 出 悟 阿,林 檐 音代,茶所 師雲外 冠 影畏 外 窅 喧 出 我我 闐 ,多而美。 日 甲 高 馬 袁 何 调 茗 處 梅

,以方藥濟人,奉母終身。

家居漫興《編年》。 又見沈氏本。

誇 夏 邨 麥炊 軟 舍 飽 雨 貧 人間 聲靈 香 儒 飯 此 日 上 甲馬 箱 葉 亦 簡 陶 Œ 茅 冬 陶, 喧 衣 檐 换 雪 四 影 濁 月家 元注: 醪 繭 成 居 時 日 繅 未 虜寇相 莫 寂寥。 利 鬭 盃 添

#### 祝 之致。 季 重。 學能文,與羣從兄弟一十八人,咸爲復社 公第四子,字公幹,號季寧,郡庠生。 寧 工 沈用 築精合、煮茗焚香,讀 書法,精篆隸,又善鼓七弦琴 又見沈氏 晦 避 本。 余 家 《祝氏 數 書其 日 家傳 中。 長 極 句 天資高邁,博 晚 楨文,孝標 誌 諸 擅 風 流 岐 君 感 所 黄 瀟 《編 推 灑

H 譜 壺 年,幸未有事。 季寧之兄。 得,戊子副榜,三淘文,字眉老,號 天 驩 寬。 孝標公四子,長炯文,字光侯,邑廪生, 雁影悲零亂,本 病 眼 年 十載 昏 來 蠶事 昏午夢闌,故人憔悴 同 鷦 志 未完茅舍狹,麥 林愧晏安。 真 注 疏 念夢、眉 闊, 稼軒,邑 本注: 世 兩 兄。 難 田 余遷泥橋 增 忽 次錫文,字 翻 璋 初 廣 河 案"《祝 成 生; 熟 干。 數 市 並 +

七二七

#### 次 樸 菴 叔夜 詩 韻

里許,盗 儻 玉 鄉 來褰裳可免。 寨 出 底 防剽 。 姪 無 邨 來必由於此 沽 門 正 惟 酌 呼 雖居徒 擬 罷 鄰 溺,本注: 醒 塞岸橋 忽發 寥 壁亦 寥, 新 愁燒。 余居前 况 本注: 函 是 憂 阻 怖 深 郷,三 岸 叔 更 甚 橋 宜 在 盗 面拒 聚 滿 一余居 漸 族 前 河、盗 西 驕 珠 聯 北

#### 其

斂足 未 疑 氣 是 必 知 真 幾 細 非 夜 千艘,本 線貧 求 闌 第 鳥 欲 六 黑 見憫,本注: 出 橋 路 走 注 邨 本 盗 П 注 寥, 將試 頭 Ę 樸 屢 悔 手,先踏船 叔 生詩云: 見 抱 去 血 兒 余 紅 家 來 「亮得貧家不 板壯 燒 哭 計 隔 威 正 板 六 驕 橋 聲 煙

號

鯤

濤

郡

洋岸生。

#### 其 Ξ

忍

剽。」原夫子

舍尚

愁剽。

本

注

宗譜

字余

日

原

季

字 不 慚肯構? 余友查英來家,寇已共掠八次,卒付 邑三千户共弛 剽。 愧題 吾里 橋。 本 風 注 愁中 淳 余貧,賃 備,家七八抄終被 盗 Ħ 尚 月憑 寥,比 一樣,未應愁 詩卷,新 因 — 炬。 兒 燒。 軰 句 喜 燒。 養 真 畏 我 成 本 君 堂 無 注 材 猶

鯤 爲别。 舟之武原,不獲 濤 東 見沈氏 樓 本 注 而返 本。 是 , 因 日 過 1八月晦 祝 鯤 濤 譜 出 出 淵 新 袁花鎮 弟 詩 沇 見 字 示,次

仲

貽

韻

、欲附

便

身隨 風 葉 飄 還 轉, 面 似 霜 柑 皺 不

尚 路 如 人 明 西 屏 發 州 離 遠 渾 歸 是 愁秋水闊,哀鴻嘹亮孰能 詩 夢,本注: 卷 紛 成 感 帙, 開 美 老去 也 兵 山 戈 排 (嘆 東 未 閣

獲登者,此

乃

必

不獲登之兆

也

0

比

至

傳》:樂繼,彦莊公大臨第四子,字二雅,更名清, 九日風雨次查二雅韻見沈氏本。 《查氏家

海鹽庠生。

怪 自 何 朋 憐 1 儔 老 曾因 菊插 一今阻約,明朝新霽或重過 病 離 宜 滿 音麗。 清 頭 坐,誰 秋 畢卜滂沱,其奈吾言偶 雨 重,帽 恨 離 愁 吹 發 短 浩 髪 歌 晚 風 ? 多。 莫 中

之有 以 何豫知九日之必雨?」余曰:「子亦 豫知 「今年九日 意 兩 九 月前, 而子 日之必不 同 數數約之,若 必雨。」約者驚曰:「子 志有屢約 雨 耶? 登 惟 凡事 高 恐 者。 其不 恒 失 何

> 捉筆成 不驗。 九月 矣。」未 初 和 半 余 八 ,并附記於此。 夜,月 夜,即 出庭視之,曰: 色皎 大雷 然, 雨 同 明 感二雅詩 學 日 疑 必 余 雨

又和子美二韻《編年》。 又見沈氏本

未 風 傷 自 本 注 書所感, 忍 心 雨 欲 看 晩聲 先嚴以是月見背。 斷 燬 酒 非樂翻 冠。 除 寒。 腥 案 本注: 獨 擁褐 也。 餘 照 覆 更無 寬, 變令以來,冠衣之蒙垢久矣。 嶺 面 年 茱 煙雲秋 短 年 萸 髮 此 在 羞 一,病眼 月 氣 吹 不 塞 帽 成 茫 打 自 歡 茫 門 有

#### 其一

敧 茶 肺 量 熱 枕 好 Ē 終 宜 便 年 辭 手烹檐水倒連 高 望 酒 士卧 雨 久病 無 半滴, 眸 緘 書 香 杯。 空約 懶 九 上 日 臺 故 轟 人來。 雷 惟 打 有 白 深 午 口 秋 餘

寒。 道士 煙 今皆老矣。 艇 韓 望迷雙白笠,嶺祠 :養元,守周祠二十餘年。 Ш 日 清 登高 半 路 酣 軟 溪樹 渾 艸 未錯,秋 鞵 春争媚, 寬,新 陪老 余讀 林 霽 猶 久狎 書黄山 攜 黄冠。 擬 朋 百 巖 旦 意 П 風 一晚相 本注 更 看 晚 歡 見 覺

# 茶磨山有訪不遇《編年》。 又見沈氏本。

荈 在紫雲邨 《嘉興 宋志》: 人避兵結砦處。 府志》: Ш 孤 在 Ш 黄 茶 拔 巢 磨 起, 衖 Щ 側, 形 許 在 圓 全可 海 Ш 秀, 鹽 下 《紫雲 縣 盤 周 西 迴 旋 南 如 有 石 磨 港 三十七里。 間 記 港 面 外 官 茗 山 有

當户 忘近遠 成 日 (隠者。 午 方高 青 雲 。嘐嘐 Ш 但東道無主,忍飢奈何 邨 枕 終 舊 歲 業竹 空腹 好,映 森 縱 霜 森, 狂 堦 晨 吟。 枉 紅 亂 抱琴。 葉 石 本 暮 岡 注 秋 頭 晝 攜 深 坐 呼 杖 不 曉 出 霐 起 陰 林 翁

# 小憇邵灣拜祝玄嶽先生之柩于敗垣下

祝以 庠,萬曆戊午,始以南 在海鹽縣治西南三十六里。 《編年》。 真字 ·佑 微 又見沈氏本。 號 玄嶽。 雅發 幼 解, 《嘉興府志》: 有 年五十八矣。 《州志 神 童之目 循吏傳》: 九 邵 除嵩 歲 灣 Ш

縣 旋 不 卒,年八十五。 敢 教 人境。 論 遷南 考滿 豐 知縣。 歸。 曾孫琦,康熙丁巳解 Z 繕 酉 城 聞 簡甲,備禦有 南都 Ľ, 元。 痛哭不 方,流 寇

荒 邵 松堂影寂 邵 挂 灣主人已出 灣,余八年 **艸下**, 地 霜 故 園 茄 敗 無恙 新 前 垣 山二日矣,主人甚好學 所讀 稀 菜 風 到 圃 午峰環,門外 書 雨淚潛潛 處 撩 藥 也。 隴 天 雲深 故 煙 先記 竹 師 舊 仙 初開 時物之異以誌感。 柴 未 還。 獨 山 水 拜 本注: 本 遺 灣。 注 を骸

# 夜歸憇都司祠竟成隤醉《編年》。 又見沈氏本。

笑,吾 夜 適 豚 茹素。 夜 蹄 心敲門 魚 緩 徒 膾 步 柏 重學昔年 請 虚 歸 屑 道 神 來 松 惠 月 脂 本 照 噴 狂。 **牆,晚** 注 佛 香。 病禱日 君 餐 看 多 鬼牒 未 世 神 罷 餕 山 酒 狼 逢 房滿 藉 盈 觴 而 余

#### 同 人 葉 以 侑 以 杖 此 頭 詩 爲 自 編 年》。 明 僧 四 又見沈氏 十壽 并約 看 紅

上顛 「度」。 偶 樽 贏 常 慚 有 不 龜 馬 酒 喫 年。 齿 長 時 ,余年四 能 齋 杖 醉 頭 不 聊佐 坐 我 十二矣。 ~禪, 得 山 如 也 厨費,待看 君 無 百 便 齢將 機 是 詐 仙 半 惱 霜 慶一 蒼天。 三歲 楓 最 作

### 秋游即事分韻并序。 見沈氏本。

菩提 者。 明 邵 約約 灣 僧 余聞 歸 同 其買 ,憇都司 自 學有登高之志,素矣。 欣 明 麵 然。 四 到 領。 壽 雲萍山 今蚤,先 往 道 土 往 打 遣 韓 有 餅 養 杖 醵 看 頭 昨 金 元 紅葉。 索 爲 致 夜 自 自 醉

謂之巡

焰

遺世 去。 壤 嶺 惘 子 遂 復 唱 能 徐 而 各 有 去。 Y, 祠 佛 咏 之 余與欲 往,爲竟日 勝遊 歸 獨 相 間 清 而 香出林,明 俄有二僧 僧 視 立之意。 磐 閑 下, 靡常 爾、二雅、爰立 者, 好事 而笑,劇談移 聲隱 石之上,又 ,睠我 尊 一之遊。 而二 如 口 隱 自 月 自 吾 同 自 僧 矚 以 馬 尊 兩 人,爰分 雲 醉 塵 墳 仍 地 覺 有 人 時 三勞世 歸, 中 喪 踰 姪 唱 者。 此 也。 出 絶 佛 數 子 泓 褏 再 心巘, 界, 四 樂之 何 飄 世 人 憇 乃 兒 子 韻 雲 意 當 事 與 然 按 都 緩 平 中 諸 天 板 悃 無 有 步 司

母 誕《編年》。 又見沈氏本。 璋案:丙戌

父 日 盈 孫十人,曾孫四人。 恩。 擁 頭 雪白 高 慚 本注: 軒。 愧 二三子, 慈 年年此 吾母降生之辰,即先嚴易實之日 親 壽 菊 八 繞 圃 夕還 旬, 膝 深 冰 秋 亂 偷 清 開 離 淚 + ",萬 小 艸 四 酌 艸 死 孫。 負 蓽 難 晨昏。 本 門 酬 注 嚴 晴

璋案: 玄度, 年二十四。 枚,字爰立,號補菴,石門庠生,生天啓癸亥,時 鼓濤,邑庠 世,字槎 未,時年十六。 二十三、。 《家傳》: 郡 光 庠 祥龍子二。 號 生。 生, 三栻世,字爾玉 鶴亭,邑庠生,生天啓甲子 生 思永子二。 生萬 貢永子三。 萬曆丁 曆 長易,字惕非,又字潮 甲 E 寅 長煒世,字翔光 號 長檝世,字夢弼 時 時 益 年三十。 年三十三。 齊,生崇禎辛 ·, 時 次 號 煌 次 號

巡

炤, 橐

槖

雲

中

敲

月

來。

本注:

禪家擊

板

警

夜

沉

Ш

嶺

H

柏

煙

紅

出

廟

爐

灰。

半天

兩

個

僧

與

八白明

拳

謎

連捷

, 反受大觥

俗謂

之挂

紅

酒。

松

影

黑

飽

餐

沓千

-層餅

醉

厭

雙

排

百

勝

盃

本

注

病骨深秋

萬

仞臺

一,霜

林

處

處

繡

成

堆。

既生而殤歟! 既生而殤歟! 既生而殤歟!

### 乾 初先生詩集卷八

海寧陳確著 族玄孫敬璋 編校

七 言 律 詩二

#### 春 夕與 同 館講杜詩隨各分韻余得藍

《編年》。 又見沈氏本。

翼 舊 是 論 處 即 讀 留 杜 《明妃邨》、《諸葛祠》二篇 春 庭明 邨 詩 郊 落,蜀 繙 平 月下 更好,老爲 遠碧於藍,日 樓 相 今誰 南 卧 狂 也。 祌 論 暖 菴。 旅館 恣 花 無 香慰 本注: 寂寥 慚 盍 是夕所 歌 胡 簪 再 姬

> 偕 同 館 重 尋 顧 青 城 顧 上 玉 叔 姪 水居 《編

又見沈氏本。

客 畫 礻 一片地,天涯容我作新鄰。 裹二三月,童 通名常徑進 自 慚 塵 世一 冠 一、花曾 閒 風 身,敢 前 識 六七人。 向 面 倍 仙 相 源 池 親 再 問 上 乞君 乾 津 坤 !

歸 家 《編年 留

閉 妻孥 忘人事,明 門 書 兩 煙 地 卷亂,繁花 艇 雲千 迷 日 離 ·天晴不 嶂, 人 舊 映 童 可言。 邨 閣 一僕 酒 敗 杯 春 籬 温 艸 斜 竹 **隤然** 袁 謡 銷 徑醉 細 魂 雨

#### 春

雨

猶 短 人 事 髮 有 福 望 渾 竹 ,夭桃 巾 扉 難 雲悶 憶 斜 , 徹 掩 南 悶 悄 陌 夜 破破 離 E 檐 羣, 如 牕 聲 焚。 書 不 亂 卷 可 艸 聞 雨 深苔 紛 紛 翹 染 首 緑 曉 春

#### 晨 炊《編年》。 又見沈氏 本。

猶 土 綆 高 枯 甕 知伏筍,菌生石 邨 慚 敝 雨 春 沉 愧尋常肉 江 沉 遠 艸 没 竈 墀, 食兒。 罅 濕 似 薪 小 觕 靈 詩 芝。 午 吟 餉 罷 搜求 遲。 憶 晨 野 籬 炊 赦

#### 許元忠閩 歸 《編年》。 又見沈氏 本。 **嫜案**: 元

翠薄 忠先生官福 實心幹實事。 Ш 示 與世 建 惜 仙 通聲問 世 遊 一亂,不 知 縣,上 展 其 佐 藴 軍 高,下 棄 官 恤 遁 歸 民 隱,以 隱 居

鞍馬 邦國 尚 好 髀 崩 無 分悲魯政 年 春 肉 仙 來 滿 縣 杯 夢 酒 目 魂 幾 親 君 中, 人 用用 臣 同 髩 揖 白 ? 遜 兩 首 笑 蓬。 東隅 還 唐 家 子 憔 風 日 山 悴 2 萬 第二聯 故 重 身 袁

花

謂

隆武

其

滿 零落殘書卷 目 烽 春 煙 Ш 兼 日 盗 日 園 賊 雨 樹 模 敧 糊 斜 江 黯 波 劇 畫 浪 亂 圖 共 何 妻 堪 孥。 相 久 見 道 宛 客 途 然 囊

七四五

如隔世,小詩吟罷復狂呼。

# 九載酒遠過晤于東垞梁谿唐有功父子别五年矣丁亥三月初

猶 細 豈 杯 添 知 新 酒,父子明朝 梅 念 白 塢 載 雪, 連 交 旬 游 破 雨 半 袍 又水濱。 死人,五 忽 深 積 載 舊 梁 黄 谿 年 塵 滿 阻 甕 絶 友 春 更 朋 傷 今夜 短 神 髮

#### 

落 廣 披 菴 將 離 迎 堪 釣 數 懶 促 歇 解 斜 閒 鄿 席 時 衣 谷深 恰 課 灑 通 緒 谿鹿護 凄 孤 言, 淡 棹 鐙 漸 豈 門。 殘 憎 容 醒 苔 軒 後 滑 魂 掃 風 梅 期 長 根 落 寄

### 拜山樓見月有感

夜色如 忽見 耿 無 寐 好 人 清 春 Ш 此 畫 人 因 身還是 事 婦 擁 病 太 樹 怱 夢 寒 可 怱, 魂 雲 憐 中。 接 明 廿 遠 月 Ħ 空。 滿 洄 花 塘 莫訝 叢。 遽 復 愁多 當 東 樓

咏梅 限 韻《編年》。 又見沈氏本。

嘗 牆 自 吹徹 兼 虚 月 林 處 午 夜 士 下 家 味 窺 日悠悠韻遠 素 鄰 風 影 正 心 寂 水 欲 寥, 訂 動 郊。 歲 霜 寒 晨 庭 交。 挂 殘 屋 雪 清 梢 覆 香 檐 隔 或 茅。 院 色

# 萬古樓晤鴛水屠闍伯并訂後期《編年》。

洞 先生題 講 嘉 學,脯 興府 漁子 及其《郊 脩之人, 輒 志 定迷 居 屠 津 詩 爌 ,只莫桃 以 字闇 周 宗黨,故 伯 「霍原六 花種。」 嘉 興 (人,善 常至 聘 Ш 一空價 事 焦 母 先 隱 楊 粛 居 詔

文牕 冠 非 裳 真 夢 晝 山 明 ,恍惚 俗 擁 月 昨 異 臺 (),病 宵 前 還思後約 醉 萬 餘 古 詩 膚 樓, 髪 卷 不 ? 賤 春 白 儒 開 花 留 近 深 H 隱 愁。 相 護 逢 崇 化 未 丘 信 外

秋 興 八 首《編年》。 又見沈氏本。

作。 一,不能 蓋少陵《秋 嘗 追矣。 謂 少 /興 / 遂 其 陵 不當 八篇,後 成 疑 絶 唱 人 也 不 後 當 又 來 觀 儗 雖

·萬

似

箭 里 吹天 雲 清 時,而 心 檄書 戊子 容增 興》者 作 篇,黄山 而 止,豈有成心, 自 + 少 、首》、 篇 陵 Ш 谿 、又會有 也 可 移文督 八月 黑 緑 來徵,嚴 損 集中 \* 地凡三易。 而 末 茅 樹 (\*)失誣 亦足明其 可二,亦 海 寓 於 八篇之 屋,百 可 占 [促,迫 月 移 時 中 同 篇 坨 題 作也; 人祝二 如 立 秋 居之事,遑遑未 甚 洄 而後 東 以《 一程限 盤 年 也 中 塘 矣。 不敢 然後 可 身 强 故 故 映 館 亦有一 秋 短 九 人遂奉爲 後二篇移 陶、許 世 日 丽 5興》者 中 其 褐 凝作之本意矣 可 以《 應之。 合之, 紅 余雅不欲違 作 兩 不 可 黄 + 秋 飄 也 以 當 髭 冰 更不下 興》命篇 蓬 Q 忽 不名《 晚 潭 凝二 有 日 額式,不 其 偶 意 歸 咏 以應 照 諸 以 前 中 秋 泥 嶺 非 中。 也。 秋 數 秋 興 橋 五 初 風

七四七

是令節,故交零落酒杯空。

遂

有不臣之目,三

句

聯

似

爲此

君而

發。

#### 其二

評 助 叢 日 事 婦 桂 因 春 終年 再 逸 致如畫。  $\equiv$ 循 新 成 開 漂 穀, 晚 未 泊 風 出 已 不 過 知 東 疏 隨 窮, 郊月黑尚 楓 僮 小 作 半 閣 :「僧」。 色 時 攜 先 時 筇。 濃。 掃 對 落 遠 東隅子 日 峰 高

#### 其三

英 年 歸 野 - 雖跋 布 計 店 亂 無 九 天 扈 行 清 江 以 西 旅 終 馬 日 風 阮 獨 叛 薄 回 誤國,舉 楚 正 首欲 樹 引
尉 愁 遥 沾 邨 佗 兵東下,亦屬不得已 巾 少 七 顦 比 郡 顇 東隅 鄰。 尚 中 欺 原 子 雲水 日 戰 壘 丽 寧 蒼茫 雙 南 當 新 橋 時 晚

#### 其四四

渠囚繫未釋 後 能駐足? 遠客經年 進 思宗 飄 風 國 終 豁 故篇中感慨及之。 煙 困 豁 波 賸 撼 頓 天 有 故故 危樓,竟 際 新 書 人 漁 譯 垂 老 舟 滿 夜 州 尚 無 本 幽 眠 注 何 囚 動 老友張 處 百愁。 更 間 無 石

#### 其 五

忽驚 芙蓉零落秋 山 中 將暮 約,九月霜紅澉墅 長 愛 歲 溪 吾 南 原 静 看 癡 · 菱 秋田 猶 信 芡 船 參 是 晴 豐 差 峰 年。 晚 歷 市 歷 鮮 布 樽 袍 前 病

#### 其 六

不通煙 幾 人 門 在 處 歲 ? 縷 處 晚 惟荒艸,伴我 移 細,蒿園 隴 家 首 嶺 斜 樹 陽 初闢 西, 逢杖藜。 菜 年 碧 苗齊。 年 湖 秋 病妻。 漲 昔日 野 橋 鄰老 塵突 低

#### 其 七

狂言鹵莽全無忌,正 時 空山驚歲晏,蒼葭湄水不勝思。 天涯 松月夜深溪 寥落幾 上 相 事 知 ? 石,荷風 蹉跎共有規。 白 秋老竹 首 依 依 西 喪 池。 别 亂

#### 其 八

狼藉 寂莫乾: 何所用,只應蓑笠老滄 喧鷄鶩,梧院凋殘 坤 清 秋 樓 雨 閣 後 迥 蕭 洄 塘, 條 浪。 冷鳳 民 病 物 眼 凰。 夕陽 時 時 白首 傍。 悵 無能 稻 畦

**酬徐季嘗用來韻**《己丑》。《編年》。 又見沈氏本。

洄 欲 五 來 車 塘漲,•竹外頻添問字舟。 花 書 窮老衡茅未覺愁, 寂 盡 寂,暝 教 兒 讀 煙 不 斗 散 鳥 酒 閉門隱 啁 曾 與 啁 婦 几 無端 謀。 亦千秋。 明月 春 雨

● 「漲」、原脱、據《叢載》補。

七四九

裕 菴 小 憇 庚寅六月十二日。《編年》。 又見沈氏本。

禪 無 河 水 榻 事 若 到 穩 松 皇 階 菴 何 白 古, 積 如 漭 雨 車 長 漭 斷 馬 夏 行 洛 多 園 人, 陽 疏 陰 塵 似 繞 又 晚 屋 是 春 緑 初 蓁 晴 景 覺 物 終 風 新。 朝 前

忌 日 本 注 吾 父 以 庚 午 九 月 + 九 日 去 世

《編年》。

負 香 三冬用,夙 心 迷 惟 幾 風 有 使 雨 遺 恨 莙 夜 歸 蒿 何能 廿 淚 日 年 己横 報 轉 魂 所 夢 眼 生 况 如 不 勝 聞 堪 情 説 羸 與 疾 病 岭。 痛 餘 先 猶 半 靈 世 足

近思叔齋中又題立冬前二日。 前一首見五

È

律。《編年》。

香 疏 忘歸去,負杖高吟 橼 窗 小 風 百 几 物 個 同 蕭 一、乞鄰 鴠 疏 艇 己 暮 何所 美酒 明 秋, 月 求 兩 中 到 庭 來 甌 似 齋 虎 館 病 丘 更 夫 清 樂此 守 幽 樹

壽韓道謙五十元注:十月廿四日。 璋案:道

士韓養元祝髮後,又號道謙,見本傳。

秫 向 福 善 趁 緣 事 Ш 初 中 日 無 老 霜 多 引 杰 僧 安 滿 豈 五 觴 能 可 + 記,本 體 量 勸 逾 爾 强 注 那 百 吾 知 頰 紫 嘗許 堂 瘦 方 上 顴 戒 其 争 作傳, 酒 高 骨 高 急須 未 座 法 遑 蒼。 也。 煮 且

#### 游 天 開 圖 書 次元 人 韻 元 注: = 月廿 六 日 , 時 友

人張松民攜酒至。 《編年》人辛卯。 又見沈

氏本。

本注: 顔 雨 房背日隱千間 後 卻忘 本注 殷。 棋 市 僧 帘 人在 醒 張仲 蓋謂 西 然, 盡 突勝 畫 吾 拏雲嶺 贵 硤 圖 寧 也 煩 第一手 間。 山 更 山,僧 樹 膾 元作 也。 春 鯉 院 深 好 若 頓 暗 畫隔 棋 覺 爲 聲 覆 身 川 飲 許 分半 游 屋 至 扣 起 幅 塵 藤 關 閑 衰 花 世

東垞歸舟有述《正韻》。 壬辰正月二十七日。

《編年》。又見沈氏本。

樽 人雲 前 松 真 霜 豶 醉 鬢 語 青 新 相 年 飄 叠 復 零 , 待 幾 河 莖,春 F 月 又浮 梅 邨 風 生。 白欲 昨 日 蹉 平。 五 跎 噫 人 慷 亭。 事 慨

深堪說,岸草萋萋十里横

即日又同張尹來入山兼訂後晤《編年》。

又見沈氏本。

己 青 恍 Ш 路 眼 盡 口 故泥我同行。 凝還 憶, 對 清 君 晨 漁 憐 訴 洞 郎 弱 口 Щ 此 柳 始 席 去 歸 白 猶 未 來, 温 頭 須 笑 如 仙 猜 更 我 棹 開 本 妬 何 注 殘 緣 溪 梅 得 尹 來 路 再 以 分 胸 陪 不 明 懷 知

同 談 火,乃復沉思强記,覆 諸家撰述、於萬曆後尤詳 若,海寧人。 沈氏本。 秃 梅 觀 晚克成編。 有懷 若 張 **《静** 陸 留心國史,考證累朝寔録、 尹 《州 志居 子麗 來 志 許 詩 閲羣 京即 話》 大 文苑傳》: :,號爲 辛許 書,詢之故 談遷,字仲木,一 席 《國 同 欲 権 遷始名以 賦 爾 用 老, 寶訓 中 五 陸 墨 午燬 八訓,字 噫 韻 枯 博 字 亭 觀 筆 于 稽 見

龍 非,補 丙 北 務 宏圖 喟然曰:「吾手尚在,寧遂已乎」」從嘉 竊之以爲己有。 亂 儒 木, 申十一月 走昌平,哭思陵,西 錫借書復成之。 ,遷力辭,亡何,太宰、相 尤 一,皆以 注 其缺文,成書 初 心 爲 明 遷爲奇 諸 也。 朝典故。 生,不 夜有盗入其室,盡發藏稿以 士。 陽 名 屑 走陽城。 城 日《國 場 於是汰十五 其 張 屋 在 威 之解 太宰慎言、 権 南都, 相繼死 `欲哭太宰,未至,卒 陋 或聞 朝實録 **前** 欲 遷 薦 膠 好觀 有 亦棄諸生 州 善 爲 是書 。 正 錢 禮 古 高 去, 部 相 其 今 相 一,思 遷 是 司 熨 熨 治

稀。 注 名僅陸機。 構亭者爲故許給諫。 可容醉後驕貧賤 暇 日尋: 花 梅 密未 E 翠微,山 防 天涯 僮 回首乾坤幾布衣 折 詩興皆楊倅,海 亭猶是主 減,酒 深還訟客 人非。 内 棋 才 本

# 五噫亭席上酬陸講山扇頭韻《編年》。 又

見沈氏本。

日 稀。 言採 士 西 久 (息機)。 冷 新 陸 本注: 藥徒 逃 盡 東 遁 跡 酒 垞 採 于醫 尹來稱 **本注**: 薇, 四 本注: 游 海 戲 安 麗京近年絶不作詩,忽辱 亦 怨其 知 古 瓢 葉宅,見文貞 學黄、 人世 不與 塵 界 Ш 是 阔, 農 亭之會。 還 此 仲 + 非 紹 先 年 生《 衣 抱 投 題 賦 柴 甕 贈 東隅 畫 先 桑 雅 詩 莫 音 生 處

## 又次麗京韻謝其末句之意見沈氏本

敢 社 業慵 向 先 長 生 年 全 廢 聞 飽 道 食 四 學 愧 海 "燙 山 朋 薇 從 儔 老 孩 口 漸 子 首 治 稀 真 心 成 邨野 機 事 事 農 兩 非。 閑 湖

## /所務? 春風日日舞萊衣!

奚

#### 伯 兄 詩 壽 命 和 室 初 首《編年》 成 值 庭 中 牡 丹 盛 開 喜 m 賦

太 山 百 平 年 青 有日優黄耈, 散 眼 槥 帶 庋 故 衡 高 人 門 閣 長 且 ,三月 對酒,白 自 歲歲春風 寬, 繁花 新 頭 詩 醉 如 兄弟共衣 灑 牡 元 灑 作 杖 軍」。 藜 斑 間

# 過蕭山晤徐乾六兄弟《編年》。 又見沈氏本。

《浙江通志》:漢餘暨縣,孫吴改永興,唐置蕭

山,今屬紹興府。

今日 四 海 吾 兵戈 故 知賤,然諾當 人 移 牢 落 里巷,千 尚 荒城, 年 秋 爾 節 何 烈 不 事 輕。 失 相 師 逢 同 涕 生。 學 淚 弟兄 衣 横 冠

### 皆老矣,可能强健俟昇平!

#### 八月十 原 韻 五 《編 年》。 珤 綸 閣 又見 社 沈氏 集 和從吾道人詩用 本。 《嘉興 府 志

下。 得甚粹,嘉靖甲午卒,年七十七。 别號蘿石,徙居澉 遂自號從吾道人。 徒四壁,日放浪山水間。 董澐字復宗,海鹽人。 其友人咻之,不聽,曰: 浦。 《州 與沈周、孫 少慷慨慕義,晚 忐 年七十 儒 「吾自從吾 林傅 ,執經陽明先生門 元交最 而聞 **澐字子濤** 所 好耳。」 善。 道 所 家

懷蘿 百代 浙 水午聲來石枕,越山 石子 還 葑 湖 遺 月 漠 像 漢隱 客 明詩思滿汀洲 盡 漁 三吴豈浪 舟,萬 曉色人溪樓。 里 晴 遊 光 靄 舊 素 道 秋。 我 尊

七五三

其一

年 坤 逸 吾 有 小 豈 客 輩 天 還 慚 涯 在 釣 高 書 落 會 誓 H 竿長把緑 墓 並 千 扁 仲 載 舟, 宣 何 陰洲 人 真 月 續 欲 湧 壯 賦 寒 **愛** 遊 潮 海 樓 寂 國 莫 秋。 當 乾

## 即日過老友董昭逸又用前韻見沈氏本

爐 稜 山 邨 香 稜 暮 昔 甜 病 骨 歲 月色 曾 枕 谿 邊 期 紛 浮 杖 訪 披蘆 生 戴 樽 靄 荻 舟 酒 靄 洲 惜 歌 隔 聲 重 年 遊 竹 相 裹 過 話 樓 又 深 中 不 細 秋 覺 雨

竹節冠成戲用前韻《編年》。 又見沈氏本。

遊 隅 本 登 疏 注 子 樓。 欲 評 急 傲 韻 口 日 弦老 往 秋。 憐 凌 瀟 身 東 霜 人招 洒 世 自 園 愛 我 脱 尋 爾 굸: 浮 緇 桂 Ш 冠 舟 約 東 中 長 袁 節 側 桂 學 作 花已 弁 圃 暇 輕 還 開 日 舟。 每 許 便 搔 日 嘯 吾 矣。」 鬢 白 滄 物 首 髮 洲 外 獨 蕭 東

秋 日 飲 葆 光居 本 注 時 同 談 觀若 許 大 辛。 惟 大

辛得歸山,談與予不能也。戲題一律,次扇頭韻

雋.。 席 可 Ł 笑 遺 緊 西 余 魚 軍 風 獨 争 其味甚美,莫敢先啖 丹 醉 出 桂 慚 馬 小 遺 亭 頓 履 初 令舉 及 樽 乃共 座 爾 酒 嘆 同 以 蕭 無 拳賭之, 歸 疏 魚 懶 山 下 余幸 本 車 廬 注

## 世事不須頻感慨,只應通作絶交書。

## 祝眉老齋中書感《編年》。 見沈氏本。

添 花 薄 熟家 幾 歲 丈 壺 天 家村, 涯 7.脱冠林外笑相 飱 當 形 影 日 桂樹 暮 並 京衰年 初鰥,母 香清夜夜欄 衣 絮及秋 老 兒 癡 寒。 絶 . 髪 可 定知 木棉 嘆。

# 題永安湖社集元注"寄仲木。《編年》。 又

雨 見 西六里。 久瀰漫, 沈氏本。 本田 東人于海。 《嘉興府 濟爲湖 湖 以 志》: 潴 上 四 水,資灌 永安湖 |園皆 Ш 溉 在 號 海 ,置閘蓄 小 鹽 귪 澉 湖 浦 洩。 鎮

本注: 宫之西子也。 昔 蕺 人以 山 講 澉 此 許同 湖比 堂 春尚在, 翁先生語 西 湖 凝 于西 ,爲于古定評。 耶 子,則 谿 美人秋 耶 谿 之西,非 清 可 風 游。 明 旲

> 意 丈 月 旭 爾 主 笑拖筇出 鼉 , 江 樽 潮 酒 落 琴 晚 五 書我 煙。 更 天。 欲 眠 新 來 鷹 會 嶺 得 雲 開 無 千

題蔣 園本注:北門外。《編年》。

橘 無 明 樹豈 月凉秋 個 郊 事 ,婆娑亭下泛瑶 同 園 夜, 奴 寂 子懶 莫 曲徑清風 自 英 藩 籬 容 巵。 旁晚 真 野 有 客 時。 美 披 人 雲 閒卻 姿。 試 主 方 窺。 塘

龍山社集本注:尋去年南湖之約也。即席

首。 見沈氏本。

澉溆論交又一年,小山黄菊尚霜前。

■ 「清風明月爾主」,此句當有缺文。

苛 渾 松 煩 楸 難 定 循 百 代 舊 風 還 約 雨 抔 寒 文誅 土 塘 滯 浦 瓢 客 笠 負 船 半 得 龕 新 篇 自 洞 浮 天 生 去 酒 住 禁

萬

國

衣

裳

留

斷

碣

六

陵

風

雨

共

悲

吟。

峰

П

癸 巳 正 於古小 月 同 學 澉 漫 湖 賦 吴 《編年》。 仲 木 較 Щ 又見 陰 沈氏 先 本。 生 遺

明。 乾 本 元 注 作 坤 「扃」。 千 獨 時 藹 載 我 值 藹 儒 諸及門春祭,諸生自 羞 知 春 慚 音 風 暉 自 甚 旲 憺 一,潦 昔 季 越 推 子 城 倒 東 年 四 先 浙 華學 魯國之遜,並 時 生木主畫堂 ,聖學從今遡大 禋 未 祀 成 魯 不 諸 赴 |清。 生。 試

謁 志》: 大 大禹陵· 禹 陵 在 《編年》。 紹興府 城 東 又見 南會 沈氏 稽 山 本。 側 有 禹 浙 廟 江 通

夏王遺廟柏森森,艸莽書生肅拜心。

吾輩 老棄分陰」。 嶽雲相護,水 南 鎮 雲相 事 誓從衰老惜分陰。 護, 接 閩 水出 江 澤正 東 深。 江 嘆 澤 息 正 後四 風 深 流 陶 句 太 元 太 尉 作 息 鎮 敢 勤 從 連 勞 衰 衡

再游雲門書感并序。《編年》。 又見沈氏本

仲 陰先 皆 餘 殉 木、林慎 援 生讀 國 崇禎 筆 賦 而 癸未 書於此,今十 脩 寺僧 此 之秋,同 亦 同 往 遊 往 者 年 謝 祝 爲 矣。 子 世 劉 開 伯 悲 師 美 繩 感 友 從 旲 之 既 Ш

還 宋 劫 攜 碑 餘 支白 伴,宛轉 六 學 寺 道 Ш 日 新 封 中又十 郭 欲 塔, 溪 登 夢 雨 秦 年, 後 望 裹 船 問 孤 重 蒼 亭 來 本注 天。 舊 不 講 禁 浮 筵 有 淚 生 宋欽宗大 澘 愁 幾 然。 度 見

## 書「傳忠廣孝」之碑,向蓋以大殿,今圮。

# 題廣孝寺呈三目和尚《編年》。 又見沈氏本。

忙 遊 檐 人 間 解 迷 去 花 五 澗 影 色 ? 雲 春 谷,夜深禪 魂夢 泉 開 沸 古 一時 樹樹 道場, 應繞 語 裹 Ĺ 雜 鐘 目 方。 風 聲午飯香。 師 篁。 重 上 勞生 具 師 何 日 堂。 事 暖

# **耶溪道中邀仲木同作**《正韻》。 又見沈氏本。

禹穴 兩岸 摩 話似 書 依 幅 還 ,若爲寫我畫 依 巾 秘 隨 野 處 褐 彷 竹 及 彿 羣 春融,百折 桃 圖中。 源 Ш 記 歷 未 歷 舊 工 耶溪 時 只有 松。 信 晚 君 蒼茫 風。

五游西谿詩并引。《編年》。 又見《明詩綜

及沈氏本。

有述。 詩 作「二十三年」,誤,今依元稿改正。 偕仲木 》,從此遂不復游,已十八年矣。 憶 由雲門 自崇禎丙子 歸, 復 春 尋 有 舊遊, 慨 ~ 今年二月, 四 游 西 本 然 谿 集

《明 耶。 月千 還開 詩 本注: 古寺 家。 綜》作「入山 秦望 花。 歸 永興寺有緑萼二大樹,人皆訛爲宋物 可 憐 來 窪」。 春水 潦 興 倒 、尚賒, 迷離 吴 橋 邊雲 公子,頻道 幅 不 記 巾 萬 统 樹 前 杖 朝 西 晚 路, 又 溪 風 天 勝若 亭外 寂 涯 莫

西湖書感《編年》。 又見沈氏本。

祠弔徐敬輿之喪。 徐 自 水孝子 <u>kk</u> 明 雲 忠 西 封 臣 湖 虚 廟 迷 春 亭 客 望 寂 艸色全荒 屐 不 寂 勝 六 揜 嗟, 橋 梅 苔 處 花 宛 士 滑 轉 家。 躓 本 南 注 行 城 痛 車 是 牧 哭 日 馬 謁 泉 孤 六 遮 聲 Ш 忠

山陰歸別吴子仲木《編年》。 又見沈氏本。

篇 歸 梅 花 來 春 爛 豈 嚶 嚶 漫 E 有 好 H 編 鳴 中 塺 鳥 衰 屐 酬 午 殘 往 何 風 竹 哲, 以 影 前 答盟言? 參差溪上 只 此 將 H 行 慚 李累 歌 船。 ^ 伐 時 迤 賢 木 邐

清明後十日牡丹未開用韻《編年》。 又見

沈氏本。

覓主 從哭 終 遇 介 春 虚 推還 ,莫因 相 檐 亂 長 改 日 遲暮 山 甲, 望 月 青 怨春 無 可 森, 朋 知 陰。 杜 夜 未 自 甫 解 深。 不 新 留 來 或 吟。 造 色 物 定 庭 心。 花

賀許欲爾宋犀杯兩次遇盗不失用韻《編

年》。 又見沈氏本。

還 夜 殷 寂 深 勤 誇 莫 相 中 溪 淮 遺 泛 閣 聖 陰 杯 月 天。 舊 曾 猶 明 登 記 伴 船 筵。 留 紹 釣 與 本 興 重 湖 年, 注 雷 元作 未 老 從 「空」。 失 淮 眼 陽 曾 摩 先 看 Ш 孫 生 鬯 倍 長 罷 官 作 謡 帶 鎮 然。 笑 歸

### 改肇五清明後作起結

芳菲 總堪 吉祥 陪陪 盡 + 寺後荒 獨 夕 日 輦 春 爾 煙斷 一,芳心 煙 遲回 暖 未成, 興 殿洛 未肯 慶 城 訴 池 藥 邊 流 欄 蔓艸 鶯。 悄絶 尋常 横 不 勝 桃 或 情 李 色

補裕菴社集《編年》。 又見沈氏本。

小 尚 南 能 湖 菴 弛 竹色 約,坐下 桑 學禁,衰年還欲 麥 )連 清 鄉 和 何人繼昔賢? 鎮 四 ,古墓溪聲 月天, 戒賓筵。 游 筇 静 歷 野 歷 殷勤 禪 出 邨 異 重 煙 代

山居即事《編年》。 又見沈氏本。

空山 故 自 杭。 人攜 暇 僮去久,兵戈滿路 閉 手 日 門 秋 初凉候,病女關 齋沐書三易,階 林借 一枝,桂 客 歸 心 香 艸欣然欲變蓍。 遲。 不 寂 ·寐時。 寂 本注:二雅至 靄 亭池 風 雨

**簡謝吴仲木冠杖之惠**《編年》。 又見沈氏本。

慚欲 殘 杖 餐年 自 天 竹 死,候人還擬 台 來盡 冠藤 山 , 擾 窟 杖 裹 兩 攘 巃 賦《曹風》。 冠 塵 從, 寰 從 路 闕 荒 未 里 艸 通 畫 籬 圖 邊 忽拜 中 賜 野 長牋 蕭 疏

七五九

# 酬同年友韓子有五十壽詩用來韻本注:子

有,盧龍人,寓越。 《編年》。 又見沈氏本。

若 弱 己 傳 耶 闁 非 水鑄 望 白 紫氣 漢代,海 髪 雙 蕭 龍 疏 東來萬丈餘 劍,委 意 濱 轉舒, 還 宛 擬 是 山 乾坤 周 開 初 Ŧī. 浩 帝 蕩 側 書。 盡 身 吾 洞 長 廬。 卣 口

#### 其一

君 未 口 宜 休 憐 詫 須 萍 長 定有 藥 遇 憶 物,  $\equiv$ 相 千里,遂 逢 人間 别來 廿 載 問 又 前, 渡 幾 爾 船 變 瓜 東 桑 分 新 田 關 百 外 年。 尋常樽酒 祌 芊 老去 芋。

# 臨平道中讀吴仲木日譜次譜中詩韻甲午。

《編年》。

什也。 如 藥 羣從風流皆羯 踞 石 百 年 春 幽 層樓。 來更屢投。 湖 居禮節亦 春 水路 末,譜載其 言、游,瑕 悠悠,剩 長 恨 諸父洎羣季賡 吾衰 有 玼 追 新 日 編 未及,看君 去 散 還 和 詩 客 相 皆 愁。 戒 佳

## 寓湖上同仲木書懷又用前韻《編年》

能 條 歲 思往 事 旅 忽 舍 孤 日 炊 舟 從 難 ? 忙 風 熟 裹 雨 夜 去, 樽 蹢 悠悠, 吾欲 躅 春 侯 湖 醉 門 正 誰 南 刾 是 擬 樓。 未 君 病 投。 愁 中 我 游 今日 亦 愁。 那 蕭

### 和仲木偶至湖上《編年》

誰 樓 覊 懷 船 堪 憶 欲 彌 浩 ,便儗 蕩 岸 訴 還 神 乾 憑 坤 優游老歲華 春城 未 酒,客夢 有家,天 宅第 滿 無 成 田 涯 瓜 又 共 聽 爾 笳 百 逐 年 飛 人 晚 花 事 浦

# 西冷獨步和仲木兼懷龍山諸子三月三日。

本注:時余在海昌道中。 見沈氏本。

寺,以 門外惜字菴中。 時 寮 西泠把釣還 有海客題金山寺詩,傳詠 情 連日門禁,不得人城。 尚舊 禊 H ,兵戈客路 辭 憐 君 Ш 爾, 中定有流觴者, 湖 水 北 濱 禁 固 載路,予未謂 而 予歸海 題 逾 孤 詩 新。 舟 轉悶 昌 寂 本注: 列 1稍暮, 能。 寂 坐 渡 一懸知 仲 亦投 風 芳 本注: 木 雨 春。 宿 留 盡 僧 北 湖

#### 隱淪。

## 候仲木不至次湖橋夜坐詩韻見沈氏

饑 未 春 盡 可 雨 還 共,遲君歸煑澗 滿 天涯 爲 湖 客 游 跛 子 竈 新 冷, 豈勝嗟,猶 月 將 晚 中 盈 風 沙。 削 不 到 岸 自隄 家 破 帆 橋 龍 斜 玩 竹 物 舊 山 華。 深 疴

韻弦樓漫賦本注:時主人將復爲東明之行。 見

沈氏本。

狂言欲 子 路君安往,只合婆娑老故丘。 有 孫 三十 憑 戒 白 還 年 首 須 來 無 發,倦 此 舊遊,乍 賓 無 回 主任 忘 凉 歸 科 豈 扶 頭 病 待 復登 留 荆 榛 樓。 滿 有

《編年》。

浙

江

通

志

來

蕃

字

次 韻 大自 成夫,蕭山 蕺 十 米 行。 歲 鹽紵絮於其 Ш 酬 喜 出 日 來成夫 了,好爲 有 試 「子狷者也。」蓋有所不爲云。 即 人。 北 冠 沙 瑰 軍 中。 居 奇 集 、尋り 貧,所 倜儻之語,已又 藏 每 棄畢業 于 出 儲 家。 行 圖 書 爲 史 少 |衣筆 外 詩 嘗 古 力 游 惟 表,手 立詞。 劉 追 瓶 先 蕺 盎 秦, 自持 山 + 始 之門。 餘 崇尚 以 抱。 實 博

甚,元 未遠, 愁 中 车 中 舊業青山 歲 昔 作 月 日 凋 歸 厨 西 零 蕺 冷, 陵 盡 煙 嶺 萬里長 冷 尚 道 有 幾 夢 長 红虹白 邨 度 裹 存。 相 日 乾 對 昏 思 江 + 坤 欲 風 海 年 澤 斷 雨 氣 同 近 魂 昏 學 麻 蓬 睽 溪 見 門。 元 違 流 沈 作

氏本。

#### 其

枝 原 稜 夫子 梧 稜 逢 傲 萬 ,有日 儉 骨 里 歲 支 中 天 原 擔 Ш 地 野 簦 Ш 霧 拜 憔 燁 冥 祌 燁 悴 亭。 抱 雄 寂 遺 文 寥 見沈 經。 動 吾 斗 氏 黨 本。 生平 星。 幸 同 欲 家 醒 識 室

#### 秋 日 登 尊 經 閣 編年

渾 鈴 漫 鐸 説 似 夢 聽 華 岩 還 嶤 夷 白 響 虚 同 頭 閣 血 慚 東 氣 倚 愧 海 層 舊 朝 卻 城, 諸 宗 憐 生。 望 人 萬 欲 士 卷 平 共 空 經 留 恍 誉。 刼 爾 後 西 名。 登 風

七六二

引當 古 君 因 ||今安 [老去分禪 年 暮 事 可 雨 爲 昏昏客未回,小山 問 爾 白 座,我以 臨風 頭 朝 弄晚哀。 勺 愁來寄 贵 須 一
献
閣 催 酒 轉 杯 清 悠 哉 歌 青 史 漫

海 國本注:七月十二曼風潮作。《編年》。

又見沈氏本。

浪雨 江 腸斷思陵 市 飛 上下,淹萬餘户,死者數萬。 空浪 蛟 也。 海 螭 入枕濤 雨晴還潤,本注: 國 頃 御 風 刻 極 潮 變 年。 聲 最 Щ 夜未 可 本注:  $\prod$ 憐, 眠 江邨潮上,常不雲而雨,蓋 崇禎元年七月廿二日,延 至 田 今父老驚 廬 魚鼈尋常 宛 轉 越 前 江 游 邊 事 巷

中元後連夜都司嶺看月元注; 自十六至十

九。 見沈氏本。

人 夜壑吴航没,天盡 松 獨 徑 客 坐,卻憐綺閣 秋 迷 林 初 雨 似曙, 歇 净 夢 無 寒 石 初 埃, 江 床 回 越 僧 夜 嶠 相 夜 開 久 Ш 如 頭 河 雷 看 漢 月 横 雲 來。 歸 斜

候考夫不至即事書感乙未三月十八日。 《編

年》。 又見沈氏本。

蠶 撩 有 夢登 亂 火 銷 甚,直教何處望天涯 五. 春薦 沉 更 田 雷 婦 雨 白 淚 撼 髪 茅茨,正 無 龍 湖 心 失 寂 、曉炊。 莫野 是愁人不 臣 最是 悲。 寐 隴 朱櫻 時 雲

七六三

乾初先生詩集卷八

喜老友東隱翁歸山賦寄《編年》。 又見沈

氏本。

老 愁 暮 友 īF. 雨 同 劇 江 亂 衰 邊 離 稚 病, 辛苦各 孫 望堠,曉 迎笑饟 四 [月荒] 天涯 新 遠 風 茶 滿 城 此 落 外 日 花。 客 誰 聞 能 笳 不 知 爾 憶 歸 白 家 來 年 ?

## **龍竹墳看桂呈祝二陶兄弟**見沈氏本

悲 風 注 桂 「先」。 思。 流 香松 自 餘 祝静菴先生而下,一 龍 本 仰 影 竹 字,0 注 止,元 緑 山 「深元作 垂 恫 墓老元作「法」。 吾 垂。 作 友 開 清 前。 碑 美。 風 世並 殘 歸 嗣 淡 路逶 元作「文」。 依 漠」。 音 《周 還 迤,元作 更有 堪 禮 元 族 百 孫忠節 未 葬。 君兄弟, 世 蝕 「欲迷」。 師 烈 前 動 祖 本 元

鴻羽翩翩並可儀。

丙申元旦壽吾母九十《編年》。 又見沈氏本

兒 慈 H 母 輩 暖茅堂 意 斑 艱 難 ,權持 衣 敝 辛 年 · 始 苦 菽 重 日 獨 水 怪 吾親, 不 風 孫 ·知貧。 行白 迴 蘋 荏 髮 渚 苒 新。 酒 流 初 光 盡 春。 又 室 九 早 歸 旬。 慚 農

母壽辭親知賀貺《編年》。 又見沈氏本。

辭 碧 口 食 雪 寵 愁 川 錫 長 原 千指,勞苦躬 年 啪 新 奔 蔬 歲 走 何 月 曠 以 晨 答 清 昏 姻 耕 風 昆 愧 閶 此 巷 日 門。 舊兒 尤 慚 敢 孫 图 爾 極 紛 T 寧 紜

0 朝字否」七字,「前」字已蝕大半。 此 句 缺 字。 案 底 本 此 行 天頭 處 注 有 前前 字下 是

此 家難,滄海青青幾見塵! 無子,家爲宗人所奪,垂老復連舉數雄。 疏 林 時 極盛 志 長憶當年 晚 歲,蘭滋 惟 諸 老 叔,今日推 表親,太 寒谷覺 回 尊 平無 春。 第 人。 不須瞋 事 本注: 往 來 叔素患 目 檜 頻。 藹 語

其

中 尋常甚,會看新駒 榆 桑 遭 還 劇 + 難 復 畝 閑閑久未親, 緣 且 何 歲 事 殘 盡 松 再造勤 絶塵。 柏 自 那 勞 長 堪 春。 得 垂 老把 幾 人。 眼 前 鋤 七 日 頻 袠 轉

> 其 Ξ

日: 始降 遥 卷 獻 土 「欲得子新詩,他人以蕪句孱 惟 重 壽 蕭 今夕 來 疏 題 歸 堂上白 詩 7,甲子從周又十 舊主,蒼天還自佑仁人。 渾欲 頭親,長共 絶 纖 我, 塵。 勿 春。 羣 **「願也。」** 本注: 龍下食頻。 小子 叔來命 不 庚寅 辭 確

病 中 辱 徐 邈思屢 顧兼惠 新詩依韻 送别

馬 看君别,漫説年來只任真。 鳳 卿 林 自 長 枉 阻 昔 駕 多 病 寒 交從 廬 才子,鷗 復幾巡,新詩 鮑 叔 海 久 於今狎異 知 貧。 濯 濯 艸蔬 出 風 未 室 塵。 對 贵

七六五

乾初先生詩集卷八

病中夢訪劉伯繩世兄因寄《編年》。 又見

沈氏本。

澤 家 常 往 國 自 返, 亂 年 江 離還 來 夜深浪黑怯 雨 心 艸 事 聽 剏 託 斷 郵封, 雲門 身從 魚龍。 六寺 老 跋 病 履 轉 鐘 艱 疏 難 惟 慵 恨 有 萬 夢 望 迷 魂

### 病起書懷

結 暮 勞苦愁兄姊,本注: 倉 枕 П 無言 荒荒 皇 新 愧 來 友昆, 淹 攜 白 杖 晝 試 更有 , 數 蓬門, 並 異居數里外,時 杯 深 寂 往 心堂上母, 寂 事 耿 凄 黄唇。 凉 過訊 不 中 慰。 可 懷 衰 論 百 薄 年

### **簡答東隱**見沈氏本

瘦, 病閉 必作答,阿咸歸可得子近狀。」阿咸,即吾甥八公也。 阮 薄暮風聲方緊急,殘冬日色轉霏微。 寒塘路,辛苦還 關。 渡海雲鴻悵獨 歲 晚 懷人何事 中峯正 掩扉,本注: 更依 山 歸。 報曉 本注: 依 帷。 屢 東隱久逃 本注: 書遠訊 棲 林 野 禪,近亦以 來書云: 病未 鶴 扁 舟 能 憐 答。 小 同 老

### 至 日見沈氏本

垂。 繫 不 微 本 注 ·苛 晚 軀 衰 始 關 寒 長 母 念確 至 與 時。 病 河 陽 婆 後 此 寒途 ,本注: 娑 元作 同 夕 ,欲留宿 塊 復,緩步初 稀 堦 上居 行 是日寢祭,余未能拜。 下綵 旅 竟辭歸 , 衣真 何 從日共遲。 隨 事 滚 滚, 時 歸 樽 祭 舟 前白 又 展 親 遠 先 髮 家禮 心 移 祠 E 正

### 乾初先生詩集卷九

海寧陳確著 族玄孫敬璋

編

校

七言律詩三

夏日侍母用禾兒韻丙申。《編年》。

所以 取 義,風示確輩,謂牌 諳 艸 每 和 聲 堂 抛 爲和 同之義 律 絶 竹 五. 月 也。 塵 杖 强欲 俗,晚 從 邨 小 閑 居 不 歌 ·同,大不同,正以不同爲同 步 專取 緑 風 詩 蔭偏, 頻 人和。 蔬 頌 弄牙牌 大 圃 慈親 年。 摘 八 清 不就者,絶 本注: 遣 鮮。 舉 畫 止 頑兒 母 眠 自 無私 一當愛舉 也。 僊 殊 與,乃 長 餘 僊 未 日 牌 盡

新 孫璋案:是年二月二十五日,長孫克鬯生。

曾。 旨更澄 雀踴 元作 「聊與高堂媚寢興」。 元作「舞斑吾欲傲玄曾」。 墮還 新孫語笑亦粗能,弄向高堂喜不 膝下 仍。 幾 幽 居 六 同白首,萊衣時 百囀鶯聲嬌未已,幾番 月 清 無暑,邨 復 甕 經 溷 勝。 玄 旬

**病 夫**《編年》。 又見沈氏本。

愁何 月 瓶 私之負彌多。 高 罍 限 吾欲卧 顦顇 久 罄 , 且 渾 秋 爾 蓬門 無耻 林 優游 ,書卷全拋轉 病夫,支離 作 日 老 上 逋。 一
吏
争 本注: 呼。 竹杖 自 比來貧極,公 茫茫 娱。 賴 相 花檻 天 扶。 地

## 秋夜讀家乘漫書《編年》。 又見沈氏本。

紱 海 生。 纍 雄 至 索者 一胡 學 風 何 歸 千 元 事 誰 盡 皇 古 清 耦 蹟 宋 秋 向 耕。 潁 還 澶 卧 騒 淵 不 本注: 川 雅,本 續 成 新 舊盟 譜 ? 先世無一人仕 注 列 白 朝 宋 頭 處 £ 長 完一者。 菊 念 只今 磵 厥 先 生。 渤 初

之葛嶺談 姚。 字九萬,一 進士道隆遷 處 以 志 絶 璋案:《家傳》: 意進取 士,仍手書賚之。 詩 勵 自娱。 節。 少 類拔不羈,好 家 既屢 ,隱居教授。 字衍孫,行百 焉。 孝宗朝累 Ш 試 高公諱翥,宋武烈王瓊七 淳 不偶, 八 祐 世 讀奇 晚愛巖 微 元 孫 名所 且 五 年 不 諒 書,自以 下卒,年 察 起 六。 贅海 門山 居 朝 即 日 廷 南 七十二。 所 水, 昌陳氏 信 三渡,居 無 宋室 居 天 恢 與子 賜 (巢,日 復 懿親,抗 心越之餘 號 意 世 鄉 葬 其 菊 孫 杭 遂 貢 磵 惟

遂蒙外姓

## 雨阻山園漫興兼懷東隱見沈氏本

仗 豈 閣 勝 正 白 ? 層 去 層 髪 時 煙 無 藤。 際 歸 眠 又 悵 心 西 開 獨 風 前 興 夜 吹 月 愁 客 元 作 桂 難 無 一,天 自 任 情 蚤 甚 酒 興」。 涯 腸 力 幾 斷 連 溪 杖 雲 山 朝 元 中 圍 病 作

### 贈張亦五邑侯見沈氏本

瘧

後

僧。

顰 本 投天寧寺 花 枳 注 蹙苦思家。 棘 偶 白 張 辟 河,居民力救。 泓 時 頭 難許 寺 辭 懶 水 散 彩 Ш 元作 數 翰 流 負 育。 ,甘棠 還 年華,長 二臨 得免。 止,本注: 此 風 「何事苦思家」。 日 頻元作「終」。 逢 九 恨 君 柯 從前 乙酉之夏,張解 天 山 雲夢 所 賜 隔 歲 已賒。 絳 未應 護 紗 繁 職

今來惟 天涯 此。 侯。 秦 福 何 駐 寧 敝 有 事 谿 城下冤誰訴? 雪 相 邊 盈 逢 節 頭 淚 尚 暗 留 干 流 ? - 戈滿 昔 本 注:子 路 去 見 但 秋 君 將 聞 野先生戰殁於 如 風 盡 見 腸 兩 我 袖 林

死魂猶 莫敢干 及訟庭 癸未進 返。 徒 黄冠艸屨。 沈珩撰傳: 民 訴事 日 公至家,寄書 「我今日得死所矣。」具衣冠,赴兵而 到是 以 爲 士,知海 或對 耻 私。 ,授生徒自活。 林迩字子 鄉。」寧 簿 與 去之日,民 必告勉如賢父兄。 寧 士大夫交遊 有云: 縣。 人見者,無不墮 野,號耻 性澹 「寄言父老休 又逾 追 泊, 呼 真率,無岸谷 齋, 年,某月日 號 厨 侯官 慟數十 舍蕭 一淚。 久之,民以 相 人,崇禎 然。 公歸 念,我 里 語其 死 一, 然 始 部

東渡書感呈劉伯繩世兄丁酉新正十一日

編年》。 又見沈氏本。

濛。 相 晚 路 寒苔寂寂,元作「雲羃羃」。 思夢屢通。 從昔日 元作「草茸茸」。 白 | 髪摧 仍 胡 穨一 本注: 馬 客 故人愁病今何似? 老翁, 伯繩病不寢踰年,近稍假 向 新 自慚 年 講堂 又 無 朔 面 春 風 見 閉 江 聞 寐 雨 祠 東。 道 濛 廟

# 同徐徽之兄弟游何伯興東臯别業漫賦

+ 俱不減,若爲攜卷老菟裘。 百 折 畝 還 天涯兄 桑 閑 青 頂 塵 弟 梅 外 徑, 及 扁 初 舟, 池 春 盡 水浸 寂寞 白 頭 月 寒 中 塘 知爾 樓。 溯 晚 松 流。 標 經

乾初先生詩集卷九

# 集中野草堂感賦呈草堂主人兼寄史孔

裁長兄十五日。 見沈氏本。 《正韻》。 璋

案:丁酉之役,詳見公《春游記》。

處。 下 高 四 愚何以答殷 鄰。 海 野艸堂前月正新。 弟 天 水 兄 涯 心 同 風 菴 亂 物 勤 世 外流還 近 一,千 初 春, 秋 止,本注: 白 人 明 首蹉跎誰 杰元作 鏡 湖 先 頭 生辟難 道 訪 業」。 似 隱 我? 投水 淪 並

### 題韓子有樓居見沈氏本

還兄弟 雲嵐 長 年 僊閣 惟 西 對 繞 頭白 連三 酒 春 開 人間 相尋復幾 浙 最 上層, 風 元 雨 H 登 更 南 Щ 懸 來 翁 燈 自六陵。 無 事 兵 日 戈 閒 客 海 凭。 现 内

西渡書感《編年》。 又見沈氏本。 元注:

艫體。

存者。 未八月 昔年江上路,舊游零落悵 旅 能 沙際昏昏胡 僱轎,而江人畏兵,絶 槖愁春渡,雲裹 望 同 京門外雨 祝 子 騎 開美,繼 滿、天邊 模 征裳 無艤船待者, 與吳子仲 糊,垂老棲遲 傲 濫 晚波。 灩 如 木 浙 問 何 褰裳竟渡。 學 潮多。 本 Ш 陰,今 本 此 注 注 復 久客不 迢 風 自 過。 無 飄 遞 復 癸

補壽沈朗思兩尊人六袠元注,二月六日。

尊人字龍錫。 《編年》。 又見沈氏本。

世 外元作「亂 君 家 兄 後」。 弟 並 晨昏 神 仙 安菽 綵 服 水, 雙 壺 依 中 具 元作 慶 前 開

中」。 軼 寧 知 正連綿。本注: 日 魏 月 變 桑 年 田 1 朗思寓北關門外。 小子後來容下 聖 慈合共 巢、 媧 坐, 壽 關 遺 門

紫氣

#### 酬 谷 大 師并引。 見沈氏本。

若共 子評曰: 膕 曉月半規 錫 入 類,一 谷師 焉。 皇懺》於沃雪菴,確勿能 累日 悦 催梵鼓,晴雲五朵覆齋堂。 七 作 丁 母母 十會登場,法語 寵 酉二月廿四 晴 錫」。 畫 壽 暢,羣情豫悦 還 瓣 同 香 佛 憑 壽 母 爾答 長。 如 請 勸 漫 雷 僧 空王 止 小子 賦 衆 徹 因 禮 L 天心 那 攝 章 東  $\sim$ 梁 能 拜 隅

#### 答黄 山劍安并引。 《編年》人戊戌。

之, 非 劍安嘗 諷 歸 里 有 也。 躬 耕之志 新 詩 見 確 投, 有 次 意 韻 成

奉答。

豈必 耕 五世 且 通家同 饁 維桑舊 安公面 ,只教青 7,春雨 燕翼 目 本 海 于 猶 任 從 揚 看 秋 塵 宗 爲 野 艸 甚 事 新 年 想 龍 來 鱗。 漸 畝 失 閑 真 天 涯 田 ?

長 夏 篇酬 祝鳳 師 通 家 本注: 時 鳳 師 手 先集見

示 《編年 又見沈氏本。

次聯景物

如

桂 交遊 稜 隔 惟我老,兩家子弟只 長 歲 夏 香於岕,梅 荒 邨 静 欲 襌 水 經 沉 ハ君賢。 旬 沉 片 檐 似 雨 尋常 泉。 壓 茶 過 煙。 世 從

# 非無事,血淚猶看漬一編。

春正書感寄祝眉老《編年》人己亥。 又見《遺

老高風》及沈氏

本。

斷 三,而確與眉老之兄弟皆四人,今獨確與眉老在耳。 曉 餘 泥橋凡十八里,故里人謂之十八里泥橋。 梅 年 霜 北園荒草没,殯宫塵滿穴鮏 約 並 屢 枯。 天 逋。 涯 孤。 牢 蒼天頻歲 十八 本注 作「淪」。 里 橋 摧 眉兄母八十有四,吾母九十有 春水隔,璋 落 一作「戕」。 近 何 如 鼯 同 三千 案 ? ,本注: 氣 自 Ш 老 袁花 丈髪 月 眉 腸 母 Ш 老 至

十六。 璋 籍,甲于一邑。 光侯,邑廪生。 人。父早世,事母孝,能養志,見 案:《祝譜》: 次錫文,字夢得,邑庠生,戊子副榜。 天資俊朗,爲文頃刻萬言,光焰驚 生萬曆庚子,卒順治乙酉。 士瞻公守範生 四 義 子。 勇 刀爲,收 長炯 文,字 年 藏圖 天 性 四

## 登黄山嶺閣《編年》人庚子

生,

`生萬曆己酉,卒順治戊戌,年五十。

年四十五。

三洵文,字眉老,號稼軒,

邑增

廣生。

朱朝瑛爲序而傳之。

生萬曆乙巳,卒順治己丑。

生萬曆丙午,時年五十四。

季楨文,字季寧,府

孝友

,爲文洒

洒曠曠,獨以意行,所著甚富。

表弟

希鏗 白雲 越 Щ 天杪 爾 高閣 如 可 獨 歸 澄初霽,浙水風 掬, 有横霄野鶴 然舊 當軒 魯 明月 靈, 聽。 若 重 高 摩 爲 撼遠 停 老 眼 數聲 星。 望 蒼 繞 坐

**重游真如寺**并序。《編年》。 又見沈氏本。

父兄之喪皆殯北園未葬。

間 焉。 歲聚 計三十有八年矣。 余先 生 伯 徒, 仲, 講 自 習於 天啓癸 此, 時序既移 亥 余 歷 時 崇 亦 ', 塤 禎 預

書臺、 濤 篪 生 寂 方列 然 靈 石 金 菩 蘭 提 靈 摧 諸 泉 謝 勝 爲 宋 題, 良爲 梅、横 示 愴 同 浦 而 游 先 並, 生 而 讀 留 枕

詠焉。衰拙未能也,聊述之篇端,以

當畢賦云耳。

遺 處 無限恨 墨 士 菩提 慚 Ш 中 蟲 可 古刹 鳥, 花 憐林谷自嚶鳴。 更老,狀 累 儼 棄横 峥 嶸, 經 元 痛 臺 靈 脊 上 石 令。 月 靈 空 泉 白 明 舊 . . 首 有 重 他 年 來

**簡 友 戲 成**六月晦日。 《編年》。 又見沈氏本。

翁 林 再 世 相 秋 愛甚 月 一弟 間 將 兄 ,那容科 成 褦 猶 魄 有 襶 我, 莽 守 呼門, 踞老松雲 À 百年 晚 風 ·交友 寂 漸 寂 解 豈 仙 熏。 忘 爐 藥 君 不是 E 芬。 此 待

# 訪庚友董治升見以二子因屬以詩《編年》

眼 齊 信 年 輕 心 -還有 羣妾同 吾輩 我習爲 看 幾? 參 儒 爾 未 誰 秋 是儒, 弄 來 I 闢 暇 掌 佛 H 雙 君 書 偶 求 珠 ? 相 釋 小 於。 學 理 定 初 兒 何 童 老 如 去 轉 ?

**訪曜公長老山樓次韻**辛丑。《編年》。 又

見沈氏本。

安國 問我今何代,直欲從君老是 日 鉢 如 雲中 寺, 此方解對法 松 風 可 歸 拂 憐 暮 拂 還 嶺 滿 憶 數數 溪 舊 樓 甌 同 竹 曳 仇。 下煮春 杖 丘。 來 東隅子評 尋 <u>-</u> + 流。 方 外 第 年 不 三聯 游 前 須

# 贈燕臺韓石耕《編年》。 又見沈氏本。

篇 白 余細譜愁中曲,爲爾 首 腸 欲 重 春 逢 來 斷、天涯 無 徒 事 有 不 恨,丹心 孺 相思, 慕 輕開 何 窮 並 悲 戒 海 在 後 兵 竟 棋。 戈 何 道 裨 讀 路 -罷 危。 新 向

## 七 夕 見沈氏本

銀河水,夜夜相逢不待橋 長 人皆乞巧 年 嗟漢 天上 穿 佳 演,耕 期 新 隔 月, 夫邇 歲遥, 我 日 獨 悠悠 痛 如 禾 癡 那 焦。 拜 碧 得 若爲 霄。 至今宵 盡 織 瀉 女

# 海上看菊口占贈主人《編年》

堂開 忘投 帆 檣 來 轄,舉世曾誰 春野千重錦, 九 海 月 南 上,雲移 塘天 氣 識 軒 門 空, 此 揜 騎 翁 出 秋 小 城 Ш 園 東。 萬 晴 樹 日 楓。 主人一笑 正 花 風 引

# 送周子和東渡《編年》。 又見沈氏本。

過 枕 長引領,蕺 客 上 慚 海 故 亹 人 供具,衰 還 何 Щ 事 百 東近倚干 里 遽 協 南 坐 逢 征, 君 來 城 懶 潮 九 送 月 信 迎。 江 恰 寒 此 更。 夜 去白 獨 飢 行 頭 年 ?

# 風雨 書感王寅。《編年》。 又見沈氏本。

吹欲 日 終 漫説寧遺世 夏旱乾連昨 我 墮 野 亦爾爾。 白白 人 無 頭 一,老去重教不信天。 事 何 歲 日 計 八人秋 穨然,長 得 成 風 眠 閐 向 1 又今年。 邨 東隅子評第六句 南 徹夜 看 蚤 危檐 愁來 田

## 世事《編年》

憑 新 意 推 功 時 漸 尋 世 擇,恰好 得意 事 熟 惟 年 ,失便 來 師吏,舊業連荒 中間 已絶奇,天心 知未知。 宜 處 討 便 宜。 且授兒。 日後 等閑 竟 難 不得 道 窺 理

# 次昺公懷林思明詩韻《編年》。 又見沈氏本。

東隅子曰:海寧令林公諱姿,後殉難閩中,思明

想即其子。

丹桂 節 誰似我? 義 向 昔知 Щ 天壤,故老傳聞 僧 雙樹好,甘棠 無 不才慚愧舊升堂。 寐 意 偏 長, 盡 近 秋 渺茫。 報 夜 (懷人 枝 白首 香。 牕 月凉 通家 先 師

# 尋昺公同訪董居士次昺公韻❶《編年》。

又見沈氏本。

田 看 南 昨 陌 日尋 雙岐瑞 師 到 溪 竹樓,今朝 溯 東 山 第 許 我共 流。 郊游。 海 . 内

● 下「公」,原脱,據詩集原目録補。

七七五

盛 分儒釋,聞説 名皆 上座 樽 同參半是仇。 前 衰 疾 伴 荒 F. 莫 嫌 形 影

# 訪桂董思東東樓旬日始盛開感賦《編年》。

生崇禎庚午,卒康熙乙酉。 昌,續緒嗣子,庠名璜,字嗣徽,號思東,邑庠生。 又見《遺老高風》及沈氏本。 《董氏家傳》:世

「貪」。 近百 病 餘 未 年高過竹,香聞 秋 饕莫漫 厭 閣 寒宵 花 繁 一作「更」。 話 耐 不 醉 開 後 十里遠 流 誰 故 連 辭 \$ 甚 于 白 了、又是 儉 梅。 歲 髮 盃 久 重陽 老 遲 ? 口。 **\*** 作 樹

節來。

# 風》及沈氏本。 八月廿七日。<br/> 邀諸子同賦限昨韻《編年》。 又見《遺老高次日同眉老昺公大辛過稱升家園看桂

誰 小 笑向老參拈 閣 最 健 香 秋 疑 ? 林 麝 無 醉 ,明月空 處 歸 杂,强 試 不 一种百 花 開, 簪 Ш 篇來 韻 衰 日 似 鬢 日 梅。 遺 相 餘 陪 坐客 盃 看 幾 詩 輕 回 風

#### 其 二

厨 曉 拂天香落茗 作「步紆回」。 晚 攀 堆 摘 懷 實髻,本注: 抱 滲 經 一疑當作糝。 杯。 旬得乍開,杖 瓶 分月魄供蓮 穉 作 羹 升雖已 「帽觸天香 梅。 一付拂 藜 作 Щ 花 落 翁 尚 "禪」。 酒 下 何事忙 多少妾。 杯」。 故 邅 座, 粧 口。 投 齋 閣 麈

郊外 轄 稻 吾亦 新英味奪 志 歸 鼎 中 歸 梅。 更 來。 主 人 莫 後 更忙 四 句 投 \_\_\_ 轄 作 老 明 發 樹 天 色 侵 晴

許

再來」。

### 同 眉 老 昺公過二許子家園 看 梅桂再用

前 韻《編年》。 又見《遺老高風》及沈氏本。

潦倒 己 冷浸蟾光凝夜坐,清 近 甚 重 黄 一陽 一,負筇 Щ 菊,再 Ш 一曲桂 何日 發 賦 全開,看徧 應 歸 分 隨 來。 + 蟻色映 月 梅。 南 秋 袁 滯 盃。 又 我 北 乍舒 口。 頭

#### 眉 老攜樽 桂 下 謝 賦 再 用 前 韻 九月朔 日。

氏本。 《編年》。 看柱别去, 又移 《遺老高風》題 樽 花 下, 依 云 韻 「連日 賦 謝。 從 眉 又 兄 見 Щ 沈 中

仙 種 懸 知落 更開,故 人誰 解去 重 回 ?

> **渾難辨** 遠,一 婦 諸 風 屢 前 公 醉渾 調 共脱 作后 梅。 忘黑夜 洞 簪 本注: 頭。 花 歸 (來」。 帽 舟 長 半歲中辱再移樽矣。 石 唤未來。 倚 樹 上還攜 一作 釀 作 桂 「憐君病後歸 蒼茫 「煩 杯。 教 夜 閑 色 少 却 舟

### 荒 年 **詩**并引

不怕荒年 諺云「荒年 怕熟年」, 不 怕 皆 怕 刺 來 骨 年」,

爲長歌,以當痛哭。

易過 有半租 去歲 多,佃户有倍出之苦。 田 已賣故。 ,荒年已 債期今歲滿,新冬租課 荒年不怕怕來年,典盡 無 半値 家家礱米仍無米,本注: · 田 過 主 更堪憐。 止有三分之收 色色沽錢不值錢。本注: 舊冬捐 衣資 翻 吃得早,償得 道 賣 荒 盡 本 年 注 田 · 容

又云

語

也

演

## 癸卯元日漫興《編年》

學 春多瑞應,竚看萬户穡連雲。 梅 漸 謝 顔 效 歲 朝 頭 口 鬚白 無 年 過 事 園 半,道 雪 紛紛, 菜時 漸 餘齒頰芬。 潦 唐 帝 倒 壽 衰 翁 中 分。① 飲 盡 乍 説 醺。 庭

至硤,寓李静初山樓,就凌貞侯鍼灸。初七日作《書寓樓書感《編年》。 《癸卯日記》:七月初三日

適 時 七 心 當寓樓,終日避慧師所 」夕愚相乞,鬼近中元 血久枯同逝水,頭 事 變,艷歌 病 夫憂旱不 還遶寺 曾 眠,曉 鬚 橋 餓可 全白似荒 邊。 閣 **烽**。 本注: 南 窗 子弟 田 是日演劇 起 拜天。 人當 知 臺

# 秋夜漫成效唐人進退格《編年》。《日記》: 八

月十二日作。《遺老高風》題作「秋夜」。

屢傾。 宿 醒,南瓜滿屋 火漸微吹更滅 風 鷄啼徹未 最 風 怪 雨 老 雨 繩 天明。 不 人頻待 相撼,北 ,薄一作「濁」。 曾停,又是空邨 牖 作 望 臨床 L... 醪 **墐**元作 旦, 初 旅 遣 鄰 夜 坐還 「壁」。 元作 聽。

連日飲花下書遺眉老《編年》。 《日記》:自

日飲花下,惟恨眉兄不至,小詩奉懷。」「今秋桂花最早且久,予率諸子諸孫共十三人,連八月廿四日至九月初二日。 《遺老高風》題云:

桂園長趁稻園黄,何事今年更蚤芳?

●「漸」,疑當爲「慚」。

牆。 我 歸 列 客豈 老未 飲 本 人 狂。 注 如 除 堵,越月 前歲病,花 思東云: 獨 有眉 「園中桂自 翁遲不至,空留高唱閣 志 歸 深還 我 八月初六七已極香,至 似 擁 狂 上 旬 香。 作 「竟月 全家 東 無

**酬眉翁見懷用前韻**《編年》。 《日記》:九月初

今未斷也。」

八日作。 又見沈氏本。

壁牆 新 羨 世 人 詩字字香。 君病東隅子曰:疑是「瘦」字。 狂。 山 桂方殘菊又黄,故 置 身自 砭俗正須良 足雲霄上, 骨年. 人攜伴攬羣芳。 友 (力,拜 何 年健,惠我 用依 生 翻 口 傍 效

> 武林 四日 貢生, 詩。 謁 人城,二十八日謁 順治十六年任 姚 《州志·名宦傳 邑 侯 《編年》。 姚 邑侯,同 姚 變字樂臣,海門 日 記 寓故也,贈之以 + 月二十

閣 七百兩。 順治十八年,吾邑酷旱,姚邑侯竟報全荒,免糧一萬五千 百里久違賢者路,三年還載直臣恩。 春風絳帳 重 流免至康熙二年。 華遠 温。 胄道 慚愧白 風 尊,精 天涯 頭 窮 朔雪青氊冷,水 心 海士,支離懶 傳 宛 尚 本注: 存。

散未登門。

七七九

甲辰元日書感《編年》。 又見沈氏本。 《甲辰

穀賤。 叔韻 日記》: 早 正月 起 占 初 年, 一日甲子,大霧,晴熱,東 過 節之坎,書 感 首 南 次 風,主 樸

青龍 舊 白 讖 髮 教重憶,黄石 凌 晨 起 拜天,甲 新 書問 辰 人遇 孰傳。 甲 本注: 辰 年。

煙。 《易象正》舉堯甲辰、吴元年甲辰爲説,不 甲 -辰矣。 作「盡禁煙」。 學豈 留 侯 饑荒無奈還 争辟 一穀,節 非 祈歲,屈 知何指,今又五 介子 斷 指 勞 炊

生幾悵然!

宗 祠 即 事《編年》。 又見沈氏本。 璋案:公

於是日有《辭族正帖》,見文集第十六卷。

祠堂元日演宗儀,白髮穨然拜起遲。

從執 德 袖 澤 底 原 香 事,敢因衰病乞恩私 千祀,子姓 煙 紛 道 路, 衣冠 廟 檐 又 清 靄 時。 晃 郊 吾老 菑 豈 祖 堪

## 七日大雪漫成《編年》

食, 憔 未 宿 解 鳥 ,牛迎春而受鞭。 悴 甚 人 啁 神 爲 啾 堂 貴,疇 迷 風 編 舊 滿 殘 谷,春牛 雪 人亦同此飢疲,了無生趣 卷正 錫空教 紛 翻, 黄 昏 漂 狼 無 獨 狽 米 尊。 失歸 元注: 無 柴 誰 邨 鳥遇雪 也。 自 念 揜 芸 則 門。 生 頭

雪中書感《編年》。 又見沈氏本。

迕人人 病 餘 書 風 劄 **迕世**,天寧違我 吹 茆 尋 常債 屋 雪 ,老去 翩 翩, 我違天。 兒 兀 孫未 坐 無 了 言 謀 緣 意 生 惘 自 世 未 拙

# 何尤怨,一笑誰知斷晚煙。

# 乙巳元日過舊居書感《編年》

冪 冪 笑語 心上 事,幾回 喧 曉 甲辰 煙 屏 蔽 邨 人過 路 ,仲子 「欲説復茫然。 甲辰年,日譜 迥 音容宛 融 融 晴 几 日 筵。 艸 新 堂 開 白 偏 第 首 諸 重 編。 添 孫

# 其下漫題《編年》。 又見沈氏本。 張元 帖先 生家庭梅極盛時與先生婆娑

學 僮 緑 粤浩如千 語 睡覺,人林明月又三篙。 庭花 新 鶯 囀, 寂寂對春醪,誰 樹李, 俚客題 紅梅 詩 鉅 絶 鹿 勝 似先生風 鏖 滿 袁 劇 桃 賞 度 高 不 嬌 知 孫

#### 聞 推官。 本。 族 熙乙巳五月一日,年二十九。 高祖祗齋公仲兄。 第二子恂永,字裕功,邑增生。 庠生,崇禎壬午舉人,癸未進士,歷 懷 父 兼 慰樸 長生翁歸 以子奕僖貴,贈奉政大夫、户 《家傳》: 叔 西河之痛 祖訓子殿桂,字長生,號岱清, 岱清公爲樸菴公同祖之弟。 自粤已過嶺矣 《編年》。 璋案: 裕功公爲先 生崇禎丁丑,卒康 部郎中。 任廣東高 喜 又見沈氏 極 之燻 州 賦 郡 府

甌 1 豈意徼荒需國 粤千 夫子,定應投杖 當年 山騎 叔 姪 静 一士,頓。 如 夜 慰 兄弟,盡 閩 新 江 令宗社失名流。 愁。 萬 里 日 舟。 詩篇 寄語 相 唱酬。 炎秋 西 河

# 和眉老探桂山中之韻《編年》。 又見沈氏本。

秋林無處不花叢,棹過南山又復東。

猶 屢 坐 有 褪 雨 約 還 前 芬 軒 楓 郁 開 湖 陸 煙艇 老 博 樹 豊 穿 初 辭 移 雲 同 更 深 鬱 塢 葱 逗 孤 歸 筇 去 霜 殘 紅 英

# 無錫高彙旃自黄山過訪喜次來韻《編年》。

又見沈氏本。

尺竿。 夜 來 乍 朝 喜 雨 落 Ш 天涯 本注: 帽醉 章 中 法,本注: 人共寂,秋風 猶 相 示家學 見 看 古衣冠,千里尋 示律 帙。 詩 白 海 三首。 上客先 髮 滿 售 頭 交夙 學 寒。 誰 還 更 所 劇 新 愁 難 百 篇

早起書懷兼寄東林諸子《編年》。 又見沈氏

本。 九月十六日作。

九月邨寒已朔風,朝來簌簌滿蒿蓬

扶 乍 江 衰 時 田 病 懽 未 。 倚杖 縞 穫 紵, 潮 還 東林 白 没, 頭 聽 頫 溪 發蒙。 歲 岸 哭 初 平 期 功 楫 偶 春 通 間 定 青 擬 眼

十一月二十五日早漫成《編年》。 本注:

是日霜厚以寸,加以重霧飄風,寒威逼人。

停夜 露 何 輓 太急? 被爐 憐 朝 孱 來 子, 吹 霜 里胥懷檄 未活 氣 城 滿 浦 空邨 隔 宵 又呼 晤 年 憶 袍 如 門。 穉 絮 槊 孫 貼 如 無 刀 寒犬 温 刺 老 、吠明 倉 河

十一月十七日早漫作丙午。 璋案:《編年

詩》終于此篇。 又見沈氏本。

薄 田 遇 宿 歲 雪 翻 層 成 層 困 築 井 老 榦 病 經冬轉不安。 小 齋 寂 寂 坐 清 夙 寒。 債

漸 稀 惟 翰 墨 一,俗 緣 未 盡 只 壺 簞 可 憐 垂 死

還癡夢,乘興登游夜未闌。

# 雪夜陪張石渠小飲見沈氏本

木 成 老 别 九 數 寢,又驚檐竹静中 虚 艸 堂 年 相 映,布 疑 月 丛 小小 髮,寒侵 被 筵 繩 開, 床 摧 冷共陪。 深 正 夜 是 耻 林 瓶 風 辛苦 罍。 攪 雪 艱 紙 來 難 窗

## 次韻答徐孝先見沈氏本

喜 卷 疏 來天 久 頑 抛 似 每 外 歎 塵 我 讀 長 真 底 架,孤 年不 無 罷新 有 自閑, 筇 詩幾破 衰 空曳夢 廢 病 何 顔。 餘 人 中 粗 更 Ш 往 遣 鬢 還 跫 全 ? 音 斑 殘 乍

# **壽張元岵先生八十**見沈氏本。 戊申。

豐年 慶 論。 生 惟 預 先 心 報三冬雪,元日 薄 慶壽,倘分斗酒 生 漢 八 儒 + 何 道 但 彌 来, 尊, 1醉齊 初 世 夙 開百 傳 註 髡 家學 ^ 歲樽。 羲 又 經 曾 古不 更

### 

見沈氏本。

記。 知 不 遇 逐勝 歷 形骸外,夙有 年 歷 游 來 生平恩舊在,並 扶 廢 白 病 髮, 隔 人 名聲載籍間。 却 寰, 隨 癡 羣 從棄置 夢繞 杖 風 青 吾何 流 本 Ш 注 悉 顔 退 並有 晚 閑。 留 傳

### 辛 亥 元 日見沈氏本

乍 終 相 ·掃三 賀 歲 意 未離兒僕手,百年 白 冬雪,斗室 頭 病閑 危 困 曾似 重 堪 死 初 憐, 逾閑 開 又過父兄關。 猶 日 自挨身天 顔。 笑謝 地 故 空 間 庭

#### 壬 子 元 日見 沈氏本

兒 漫 比 孫 誇 來 事 天道 年 東 始 海 口 茫茫竊 日, 饑 首榆桑日幾竿。 方甚, 病 夫 信自嘆, 翻 老 覺 去 歲 西 我 生 逾 河 闌 淚 何 未 故 癡 乾 太 艱 心 莫問 難 穉 子

#### 晴 補 壽老 友祝 眉 翁七十 初 度 乙卯十

月。 見沈氏本。

間 豐 四 好 譁 海 共 有 祇 天 漢 蒼 涯 留 生 雙 氣 山 一慶,雪 白 誼 翁笑道 髪,百 憶 當 滿 未聞知。 時, 争 年 傳 還 如 郢 虎 得 客 如 幾 詩 羆 追 宛 隨 自 夢 此 思 歲

補 遺

#### 鮑 節 婦 詩甲戌

自 旅 古 館 歸 别 凄 華 凉 離 閥 藏 生 、公道 死 老 積 煩 如 閒 冤 今到 時 涕 熱 蓽 淚 血 門。 視 衝 孤 霄 邂 孫 白 逅 日 相 空 昏 名 闡

# 心膽裂,汗青千載照乾坤。

## 代贈場司

鹽 帆 知 亂 己 使者,水濱夢在下 知 天 東 涯 商集,萬 南 成 民 寂 力 莫,客官 正 竈 艱 煙 難, 魚竿。 和 識 滄 幸 政 海 ·得 寬。 任 逢 一浮湍。 君 聖主待 青 眼 千 求 江

# 社集枕濤莊次查封婁韻十一月廿二日

軒 隔 滇茶發,再過拈題共賦詩 前 籬 人 酒 日 醉 薄 店 後 雲 呼 歸歸 能 寒歲暮遲, 應, 途 接 Щ 下 户 月 煙 山 明 林 齋 時 畫 閒 更 空叙 來 奇 年三月 相知 移 席

# **遺大兄病中**乙亥正月廿六日

老母 未肯 爲 已足樂,前身况是北溟魚 (魚,因夢而感,故以 能强 一枝遺 寰間大業屬吾徒, 飯,膝下諸兒 石曼,反 解之。 將 喜讀 矧 四 作 壁 熙 本注: 書 病 朝 相 只 六 如 兄 康 世 此 節 因 堂 儒 數 緣 中 中

# **帶書堂即席呈朗公普師**二月十八日

改樣 袁 規制好,恨余素業隔山 植 竹 元 春 和 晴 梅 句,教 青 問 字 雨 後 每 可 家家 盈堂, 仍吾古老 攜 莊。 泉 楚 酒 楚 方。 置. 庭 書 垣 羨殺 傍。 意 致蒼。 文無 海 陵

#### 七八六

## **滇茶開柬寄社中**廿一日

陵 歷 曾 亂 谷應,溪風 約 争 滇 去 春發 茶 年 初 Ш 好好 放 館 林鳥自燻篪。 聚 H 友 相 栖 即 知, 遲 來 阻 分 明 昔 韻 月 期 共 當 爲 頭 興 詩 醉 至 别 獨 名 時 花 吟

### 韻弦樓

簾 久澀 壁 上手 外立,夜深吟起 聲 數 書添幾 年 襲,酒 不 到 種 此 力 Ш 一天 主 相 中, 持 人 風。 我 頭 緑 髮 獨 樹 雄 己 清 成 谿 翁。 繞 老松 歌 宫。 喉

# 元功淮上歸出扇索書成此四

月。

璋

案

元

功名丕視,許淮陽先生長子。

悲懽 爲 中 君 年 憑 爲 醉 提 ,愛聽 濁 客 劍 酒 遭衰 出 一人情 門 州 世 官殺闖 心 ;于 慨 冷 暖 里 慷 王。 看 孤 征 空 身返 途 囊。 白 故 日 相逢 鄉 滿 敢不 旅 狼 뫲

### 其 二

知 無 風 病返, 急吾 己 天涯 空 來 山 醉 暮 增 碁 看 子正 幾 坐 面色較前肥。 個 久 相圍, 身 故 寒 園 酒 花 忽 力 樹 道 微 緑 江 成 淮 抱 幃 客 病 已歸 出 林 深

## 過老董韻弦樓飯歸

和

韓子

有

來

韻

兼

以

遅之廿二日

客舟當 宜開 故 人江 卷,坐撫 雲 覆 反 上 書 照,緑陰亭子正黄 連 窗 年 清流洗玉罍。 别 没 艸 鴻 萊, 雁 天邊 情 思 梅。 撩 寄 信 亂 Щ 來。 日 悠 蹊 哉 新 晴 潔 海

### 其一

孝 侣 海 子 ,詩腸 訪 安何處? 娥 書 蓬 白 法 遠 絹 萊。 無 俗 斜 本注: 新 埃。 封 池上初增顔 樣 人 本 元五獨往,我不得從。 便 寄來,花牋 我 注 《曹娥碑》在上虞縣。 山 闔 歌 坯。 側 菉竹 理 自 倩 同 溪 歸 君 仙 出 客

> 亭中 聞 布 佳 鞵 話? 當 竹 無 飯 杖 事 熟,歸 爲 山 看罷經書月二更。 僮 中 僕 每 途 绿 獨 林 行, 外 樹 值 清 故 天 溪 人 晴。 代 亭 送 館 幾 迎 自 時 幽 息足 再 過

#### 用東冬二韻 前 詩 見 歌 看 雪 之 勝 表 前 詩 未 快 乃 更 爲 之

亭外 茶未熟,佳篇已就付詩筩。 礙 屋 微 驚檐鐸,石勢含窗 松 聞 協嚴晨 林 雪下,人 氣 逼 穹窿,僧舍 高 削 漸 領 被 風 竹 山 煙 腰劈遠空。 冷竈 杖 煙 寒 頭

#### 七八八

### 其二

消 雲 如 水 裏 未 澆 盡 小 山 空谷 舟 僧 明朝 歸 邨 際 去失前蹤, 相 日 動 約 薄 更攜筇。 溪邊 生 煙 置 老友嶺頭 古壟 遠 松。 一身西 屋 逢。 第 後 幾 風 峯。 家 清

### 殘冬客况

文成猶 水 澆 布 歲 長録 被 盡 先 隨 欺 ,昨宵書 人 足, 作 客 風 遊 亂 人 9 未 篷 霜 能 牕 風 收。 獨 颯 上 颯 不如 頭 動 危 且 蚤 樓。 向 起

西

湖

去

買

酒

呼

朋

引

數

甌

## 題近思從父邨居

林 臨 歸 路 外 砌 小 晚 垂 蕭 齋 垂 疏 供 橘 邨 燈清絕課諸郎。 隱 舍 春 隱 几, 雨 洄 隔 樓 塘,秋 深 河 寂 新 寂 圃 水 棠。 看 環門 鋤 + 荒 到 里 野 夕陽 城 航。 陰

# 辛卯長至後一日集南湖寶綸閣《編年》。

又見沈氏 日 南南 湖 本。 社 集 似眉 遺老高風》題 老社兄 并賜 굸: 報 「辛卯 章。」 長 至後

雲 作「乞」。 鷄 犬皆 岫 梵 故 音 仙 人清 君憑細語,千秋大業渺難 晴 種 一、落落、 海 興 外, 晚 年 鹽 交遊 同, 州 官路 盡 又 古 (是霜 靄 風 煙 湖 窮。 中 何 漾 計 曉 閑 覓 空。 閑

吾道一 作「風」。 藹藹五雲江水上,年來無處不羹牆。本注: 松陰漠漠覆祠堂,殉 時 湖蕩 逢 剥運 漾 飄 天 鷗侣,霜月高 心 昨 H 或 見 孤 口 寒貼 臣骨尚香。 陽。 雁行。 葑

壽從祖母吴太夫人七袠丙申。 《家傳 祖

吴磊齋先生曾停柩于此。

中大夫。以子之遴貴,贈光禄大夫、宫保、禮部尚 進士、歷官順天巡撫、都察院右副都御史、累授大 苞字爾翔,號孝咸,海鹽廪生,萬曆已酉舉人,癸丑 品夫人。 配廣西梧州 府同知秀水吴熙亮女,封淑人,贈

徒極邊從戰伐,十年辛苦補 中丞 |聲烈著先朝,太母恭勤豈憚勞 征 袍。 丹心

乾初先生詩集卷九

其

人子意,紛紛池上鳳皇毛。

未逐天星殞,白髮長隨歲月高。

此日奉觴

盡中 弟兄同上第,元作「羣從弟兄皆羯末」。 太君自探千年策,宗老咸開七秩觴。 郎。 聞道蓬壺日月長,蚤從青海 幅 巾野 服吾何等,慚 愧婆娑組 見 門 塵 叔父 五世

綬傍。

七八九

## 乾初先生詩集卷十

海寧陳確著 族玄孫敬璋編校

五言排律

# 秋夕過祝氏葆光居有感增和蔡養吾韻

其二。 亂秦谿 顔 死 偶,本注:子霖。 改 甫期歲,家殤 瑟 ,遠隔母兄 何 久 瑟 堪 疏 秋 此 人 寒 劇 事 , 時 還 夜,茫茫 難 移 用心 兩 念仲爲 幼兒。 况 疚。 烏 復 陵陳 夜 黄絹 世 羇。 本注: 晤 多 仲業,本 蔡邕詩。 時。 本 危 開美 注 可 四 仲 長 憐 注:余避 [孤,已 貽 壯 病 叔 志 伯 吾 喪 殦

## **芿茂堂集牌字限十韻**

謝

相

知。

本

注

蔡詩多相

勗

語

愧

無以副之也

空

牢

落,

餘

生

漸

瘂

癡。

蹉

跎

不

足道,

無

語

行。 舞 霜。 觴 媚 穩 、筇步斷 辭 藤交幽 微燭 疏節予誰 度楹隱梵磬, 東游尋小 家 每 倦還 蘿 嶼 悵 蒼。 望。 妨。 奈, 越, 照 危 披荔 薄 蕭 盗 冥昏 妙 歌 館 蔬 盤 思 似 訝 麓 爽 檐 箋 此 楚狂 池傍。 仙裳。 更 驚 弄 下 香。 釣 睡 雨 緩 繁 抱 鄰 鷗 柳 就 愁 子 盟 近 映 洞 幾 鬢 隤 正 澄 邊 喧 擁 楫 攜 Ш

## 書贈丁二表孫便面

樂,六葉盛文華。 夙擅青箱業, 聲 荒 名足可 艸 猶 三徑 誇。 遺 百 書 年 自 隆 禮 五

七九一

車。 未揜瑕。 姒氏蹟,恭孝魯侯家。 爛庭花。 待騮驊。 在,循牆祖 絲染, 魚從虚 身標萬丈霞。 宴爾 風流還邃古, 一德賒。 牖踴,竹向水池斜。 唯 知學,終貧不用嗟。 《關 雎》端梱化、《棠棣》 材藻黜淫哇。 守定須 春 陰 良 八所惜 兼 負郭先疇 創 俗罕 天 儉勤 瑜 寧

# **六月六日終日偃卧自題《**編年》人乙巳

殷。 午夢頻。 寺, 不理,書卷眊難 鰥居類道人。 老去惟安病,饑 空邨炎暑 外, 親 疏 童 竹 此 來 頑 野 呼 外 敢 塘濱。 未至, 怨 更 何 貧 事? 1 良 兀 友 藥 坐 蘧 約 罏 同 慵 徒 蘧 蕭

## 乾初先生詩集卷十

海寧陳確著 族玄孫敬璋編校

## 七言排律

哭 傳: 劉 先 官至左都 念 劉宗周字啓 臺 御 師 史。 Z □東,浙 乙酉 酉 六月不 江 見 山 沈 陰 食 人,萬 氏 本。 死。 曆 學 辛丑 者 明 稱 史》 進 念 士 本

豈 新 祠 時 容 争 廟 元 百 氣 刃 代 冷落 運, 污 斯 柴 文 生徒 市 賴 教 主 還 舊 萬 張 講 憾 古 堂 重 姬 何 綱 薇 當 仲 常常 誤 今 夏 首 H 見 悲 痛 陽 危 傷 摧 先 父 天 梁 引 老 使

來,如 吾 聖,言稱堯、 貧 頻 商 量 同 顔 唐 司 去年三月,吴縊 丙辰年,澉湖吴奉嘗夢先生題文信國. 半千里内音書阻 日 决 空, 時 辱 困 簡 黨猶望捄 ? 0 ? 死 初 本注: 圃 七月初 漢 蚤 筬 狂 節。 本注: 本 秋 先 睡 廷 輝 注"愧 死 覺。 世 聞 煌 黯 封 吾 上 墳 先生家 計 先生死而 黯 舜 瞽 墓 重穴 燕邸。 勇 事 未能傳先生之教。 鄉 尚 本注: 俱 荒 昔 疏 盲 且 猶 推 在 疑 無擔 三十 訛 嵇 原 慵 曾 羞 會 今年 歆、 惶 唐邸已正位矣。 言先 愁 及門祝開 禮 大教 Ш 箴 王 稽 石, 不 埋 五月先生不食死。 節 向, Ш 季 生方 伯繩 年 本 下。 伯 屢 累 盡 注 路,本注: 憐 來 率 魯國 美名淵 兄尤 煩 朝 禹 窮窘 學 誰 悠 義 睡 先 句 莫 ,本注: 床 並 師 相 生 悠 能固 覺 疆 承 傳 損 肯 鋭 引 贈, 箕 先生 冀 放浪 長。 滄 家 余昔年有 義在 窮。 經 剥 殫 、周 寤 意 先 海 野 孔 聰聽, 孰 北 最 知 三十 生曾 本 Ŧī 小疏 寧忝 形 佐 恨 愛之。 得 鯉 伐 不 偃、 注 月 祥。 者 道 骸 難 終 皇 遷 某

訣。 斷 寒 注 年 知 奸 何 正月十五 之舉,先生 腸 眼 春月隨 能 先生 茫 棄 歲 常 茫。 故 嚴前 養 ,同祝子 東 一諄諄 鄉 疴 亂 浙 此 泉哽 致 離 山 渡 永 戒。 蕭 久 江 咽,五雲寺後 作 館 師 謁 未 下 師 寒宵送 夢 恩 將 愚今遂 # 獨 通 芻 日日 自 心 東 北 戀 別歸 每 耿 棄陳 邙 當 閣 耿 不 向 凄 日 炎 意 亢。 無 本 凉 遂 注 人 江 母 成 哭 老 遑 塵 本 今 水

哭徐聖儀十韻《編年》人丙戌。 又見沈氏本。

常 志 悲 聖 文 儀 想舊 章賈傅 1 唇 多不平,頗善擊劍 天 丛 廿里送 臨 涯 吾 池。 才空負, 寥 悲 落 白 君 本 幾 荆 也 注 詩 劍 棘 相 痩 尤 路, 術 知 影 工 本 荆 ? 書。 共 注 卿 疑 朝 此 髪 樂天《哭微之詩 數 新 棄 日 膚 已 寫 我 何 爾 奇 照, 亂 堪 慰 離 本 作 參 高 注 時 平 情 死

> 女,十 用 孕 作 長 本 約今夏還,及其未殮,封 注 「唇 似。 荒 皇 **选**。 艸 臘月,辱 天可 ·年梁 門 背 冥冥豈忘前 户 許是男兒 孟 郭 以 單 竟 田 詩見 虚 一、榮嫠。 疇 嘆莫 歸之。 半 贈 質 歲 遂 支 友朋 劑 成 約 嚶 絶筆 ,去冬聖 嚶 聞 慵 兩 矣。 忽 劣慚 有 載 斷 儀 閨 緹 擁 蚤 急我二 中 无 祭 書 春 侍, 直 齋 詞 月 幼 閣

秋 又 夕 有 「寄眉老」三字。 漫 成壬寅 七 月 世三 又見沈氏 夜 作。 本。 遺 老高 風

尊 空言。 他 鹽 年 黍 日 減 桔 肉 == 舊 秋 夢 白 恩。 橰 京 來旱 輸 中 天 啚 贵 災 飱。 上 差 暵 轉,本注: 皆 疏 似 迥 邊 屢 南 氣 郊 謄 輸 山 盡 原 獵 急 真 七月河竭,遂絶 四 並 ? 故 火 千 海 添 事 帝 糧 高 新 赦 勅 長 戍 鄉 無 書 又聲吞 不 車 東 數 如 臀 口 郡 或 下 論 昔 勅 竟 魚

### 懷我不須 煩致 《札,松园 風 幾樹隔 Щ 呼。

# 乾初先生詩集卷十一

海寧陳 確著 族 玄孫 数 璋 編 校

七 言 絶 句

過 爾 立 Щ 中乙亥

恰值館 秋 僮 來 研 塵 墨 事 在,待余揮翰掃煙雲。 亦 紛紛, 且 過 山中 與 (論文。

其 |見沈氏本

竹樓高敞 四 窗 虚,明月清宵好看書。

> 閒 時 偶 筆

半 生落 拓 少知音 家計 雖 疏 不賣文。

云 倦 牢騷之音,溢于翰端,有知我其天、遯世無悶之意。 仍將

時

臨

幅

張

顛

字

讀

罷

茗

火

焚。

自評

三塔僧孚吉予我題曰東坡三過煮茶亭

煮茶亭子已荒煙 ,緑樹 成 陰 半插 天。

過 題 詩前代事,至今分韻 寫 花 箋。 見沈

氏本。

其

東坡三過未爲多,只 是東坡 兩 字 無。

七九五

七九六

五 百年來亭子下,不知若個是名儒 ?

其

Ξ

新茗 春 Щ 正 雨前,古人曾此試 龍 淵。

人

(世已

深狂漸減,相逢應不似當初。

杯啜盡詩千首,寫付郵筒索和篇。 本注:

爲孚吉。

寄程於正長至前三日。 見沈氏本。

爲 客江 湖 數十年,蕭疏 生計自 天然。

只餘漢鼎千金值,作伴天涯不賣錢。

其

風 塵 落 落 孰 爲羣, 昔 日 南 都 得 遇 君。

别五 年 音 問隔 紛紛離緒遶寒雲。

其

Ξ

聞 君 久 己 住 西湖,屢 有 人來不

寄

書。

其

四

西 湖 好 景 四 時 同, 抱 伎 樓 船 日 正 紅

獨 有 故 人天際遠,兩垞 寒樹起西風

其 五

别 後東垞 更結 廬,小池 新 畜 數 頭 魚。

君 來 自 有 平 生樂, 日 看青松一作「山」。 夜

讀

## 雨中簡董爾立

興來何必晴相過,醉話山樓雨亦宜。 吾黨風期世所推,百年今得聚天涯。

何

處

最宜人遠

眺

?

鑑湖秋晚碧雲横

題士采駿馬圖本注:圖肖上采像,傍有侍婢捧硯。

貳師城裹馬如龍,戰士將歸詣漢宫。

遺索新歌奏太廟,緑楊青艸暫嘶風。

豈念貧交李方叔,與書賣券顧朝雲!紫髯學士多賜物,录耳曾從天廐分。

吾詩多傷時語。

### 越城感舊

蕺山山上午風亭,獨倚高虚跨越

城。

### 歲 半 兒

П 呆 可 看有 笑吾 家 憂色,此意東坡亦 歲 半兒, 見 翁 狂 未 詠 知。 謂 翁 本 注 癡。

**咏瓶中紅白芍藥**并引。《編年》入丙戌。

安寄一 矣。王晫《今世説》: 余素不喜爲 篇到 Ш 因 孫宏字幼闍 此等詩,適 答以 此, ,海寧人。 然 同 非 社 其 孫 幼狐 質 幼

乾初先生詩集卷十二

七九八

學,拳拳忘勞,有不率 宣平教諭,未幾,卒于官。 諸名士,由是著名。 朱近修歎曰: 樂托、喜飲酒弈棋。 貧,奉母 氏依 外家張,遂 「孫郎審有氣人。」遂相攜徧交邑之 醉 崇禎 教, 後叫 名張 壬午舉于鄉,已就選,得 則撻之,亦自 呼,胸氣甚急。 孫宏。 貌古質弱,性 一悔罵流 訓 童子 涕

絕代名姝困艸萊,何緣並選入宫來?

趙家姊弟顏如玉,一自昭陽醉舞回。

## 次日又成《編年》

殘。 憐 誰 新 道 棄舊尋常事,掌 芳容亞 牡 丹 ? 上何 淺 江 人不笑 深 白 看 盡 凋

本注:來詩云「芳容亞牡丹」。

#### 其 -

左設新書右古琴,更邀絕色賞知音

粉腮紅頰懽相得,異面同心吾所欽。

#### 其 三

小妹嬌慚紅滿面,大姨顔厚不羞人。自離塵土主恩新,詔浴華清露半

#### 其 四

並 入春 漫 閨 將 莫 滴 水侈 相 妬 ()使君 恩波, 已作 紅 粉 老頭 從 來 陀。 薄 命 本注: 多。

幼安逃新令、祝髮居山菴、因戲之。

### 其五

豈知還有根埋土,赤白 君 愛 繁 華 摘 叢, [俱函 殷 勤 造化 結 束 功。 更 鮮 穠

## 奉和季舅父壽母詩

亂世天留老姊弟,艸堂雲擁衆孫甥。 渭陽春酒厚於餳,日午殷勤勸數觥。

# 梁溪高聲野封君饟錫酒四罌報之以詩

《編年》。又見沈氏本。

豈知病骨瞿曇似,非復當年舊酒徒。 風雨瀟瀟一事無,故人千里餉春壺。

其 二

君家家醖美難名,新色微黄似雀餳。

欲著《酒經》傳好事,心粗手拙未能成。

其三

誰料數年人事變,故交零落半荒丘。本注: 干戈滿眼路悠悠,百斛春泉寄舊遊。

聲野餉酒山中。自元五而外,如元綏、爾範、九華,皆作

占人矣。

其四四

家慈八十未全衰,强飲猶能盡百巵。

忽發書來狂欲舞,一

盟

1酒報

篇詩

偕老友徐季長再過問玄居看牡丹《編年》

人戊子

頻日看花看未足,春風野外更尋君。

七九九

乾初先生遺集

百年 知己幾回 晤? 又是花開已十分。

**哭老友徐季長**辛卯八月七日。

《編年》。

### 其

不寒不暖養 花天,百朶俱開滿 更 圓。

隔 幾日來看愈好,紅妝白髮兩嫣然。

不前。

亂更依然。

秋

風

淅

瀝

承哀問,欲往

臨

之咽

三十年

交如一日,元作「轉

眼間

-0

邇

因 喪

#### 其

天然國 色美 無雙,錦綉乾 坤 賴 主 張。

試譜 百花傳信史,也須特筆起春王。

Ξ

### 其

四

日 暮犬羊攔去路,花前贏得久盤 可 拓 舊 向 桓 看

憐 落 衣冠,頻 間 牡 丹。

其

誤人書史今知否? 在苒年 華五 + 强,怪來髯鬓滿秋霜 漫説分明是旻蒼。

### 其

Ξ

生平 事 衰世 事 人 俱堪憶,豈是黄、農以 情 已 日新,吾兄厚德 後 復誰 人! 倫

### 其

四

老大孝廉真悶殺,十年曾未上公車。風檐辛苦亦生涯,常恨吾儕意轉賒。

#### 其 五

支離一作「吾」。作活嘆恩斯,每憶羣龍

下食時。誰道向平吾願畢? 白頭終日耻

### 其

六

瓶罍。

天上脩文事有無,可憐懷抱向誰抒!

元作「生前習氣未應除」。 蒼蒼若果 憐才子,何似

## **僧兒不解書!**

### 其 七

風稻子秋將老,何處人間覓杖藜?靄靄晴空邨路迷,角巾芒履興偏宜。

西

### 其 八

太上忘情非吾輩,洄塘深處是西州。 老年交籍不堪搜,何事吾兄又玉樓?

# 再過韻弦樓次案頭詩韻甲午。 見沈氏本。

風雨滿山留我宿,白雲堆裹萬松樓。 百年真似水萍浮,十日重來話舊遊。

#### 八〇一

### 韻 弦山樓憶亡友許元五用前 韻 見沈氏本

髯 白 黯 面 淡雲 人何 Ш 處 雨 ? 欲 浮, 横篴 那 堪衰 聲風滿樓。 病此 頻遊 ?

#### 初 夏 庭 中玫瑰 盛 開 口占

可 惜 蠶 玫 忙 瑰 剛四月,人間只許病夫看。 花 放 大 於盤 絶 勝 懷 新紫 牡 丹。

### 其

庭 花 久病 何 事 甘 多 爲 情 人所棄, 甚, 百 朶 交游 俱 開 漸 向 已失 老 倉? 生 平。 本

注:予坐室之西偏,花皆西北向,可怪也。

補

遺

**許二无它惜若成索詩于余成四絶似之**乙亥

園 公近日能 俗事 人間 如約 不 ,認是相知始與開 放來,關 門 好護 後株株 梅。

### 其

客到 未 風 宜 高 輕 日 入座,問 落 懶 觀 書, 自署 君能盡幾提壺 齋傍 曰 酒 徒。

#### 其 Ξ

别 後 袁 中 更 結 廬 小小 池 新 畜 數 頭 魚。

人若過堪怡悦,日好清談夜讀書。

故

### 其四四

新齋結搆自清疏,題咏紛紛盡大儒。

指

點

君

家

何

·處是?

朦

朧

雪樹曉煙中。

獨我未甘輕下筆,銜杯數問醉曾無。

# 長至前二日過韻弦看雪

白雪紛紛打作堆,山翁望見叫奇哉。

呼僮買酒蒸初熟,林外何人縮項來?

### 其一

獨坐思爲訪戴遊,衝風冒雪過山頭

到樓未暇清詩句,且向窗前倒數甌。

## **團瓢看雪似爾立**

布鞵滑蹋上層峯,亂石叢中砌一宫。

# 戲爲禾兒改先太子太孫新月詩丙申

四 海 魚龍 雲邊 驕 不 曲 餌 似 銀 那 知 鈎, 天意本無求 夜 夜 懸 空釣 碧 流

## 又五絶一首附見

圓 相 光輝 誰 將 玉 徧 九州 鈎, 高 挂 碧雲 頭 ? 指 H 團

八〇三

## 乾初先生遺集外編

族玄孫敬璋録

楊園先生璋案:《嘉興府志》:張履祥,桐鄉

張

爲要。

人,字考夫,邑庠生,潛心

程朱之學,

以

居

敬

窮

玾

# 陳母葉太君九袠壽序丙申

其 以 分二 視予不遠。 兄 禮 予 與 人,皆 友 陳子 陳 子 將 有年 予得 乾 杖于鄉 初 矣 。 交者爲 並 遊 矣。 陳 子 山 爰立、 兄子八 長 陰 先 予者 潮 生 之 生、 七 門, 載, 槎

> 生,並 長 生。 石門 光。 者 我 庠 乾初公之姪。 璋 爲 旋公祥龍子易,字 生。 案: 敬 孝 《家傳》: 之。 章公思永子煌世。字槎 《家 每 腹貞公賁永子枚,字 傳》 至 惕 陳 非、元 翼字敬 子 名錫 家 Ž, 輒 光, 世 一,字 見 號 爰 號 立. 其 敬 鶴 潮 亭, 齋。 生, 號 補 邑庠 邑 知 庠

學問。

受爵 則 所 明 諸 以 若孫,踰艾而耆矣,林 上 不俟引翼。 而 歎 勉 好 壽矣,太君之身,安且寧矣,太君之子 愛者多爲之祝 如六十以下者,諸 執友後,奉觴 陳子。 德矣。 誦 ,齒髮顏色如 今年九月,其 舉 一世所稱 余則 余則何 以 何 而 進。 願 母 七十以下者,步不杖,聰 以 以 庶 不,不 葉 孫 立 幾焉 祝 祝 太君出見子之友 太君方九十, 太 太 能 或先或後從道之, 丽 (君? 君? 壯 必之天與人者, 盛 今太君之壽, 矣,抑 蓋夫詩書 不 然 則 予 又賢 將 而 從

之何。 則 弟子 卻 節 勉 食肉,可以 人子之心終 陳子。 以 酒 又體養志養無不足也。雖然,予則終以 肉 姪 爲 夫 以 怡 親 菽 陳子飭躬立行,不 **嗯**,遠 怡 水 速其衰。 不匱。 有 以 温 憾。 歡 温 遊 其 朝 太君又不惑于釋老 涉 然或子之不淑 陳子家非 親 夕承 險 其 以 事 貽 親 求聞達,與其 親 于 富 可 憂, 以 太君之側 有 安之, 毁 亦 而 之教 無 廉 衣 兄 帛 於 如 隋

致,而 矣。 有 口 有幸有不幸。年至 有 謂 一而 不幸。 而 多賢 幸 蓋凡 養豐給,此本乎天者 雖 容有不得自爲 之幸 而 本乎天者,莫爲 本乎人 人 懿德 矣。 猶 亹 八者,盡 是好,本 然 亹 期 而 馬 耋 與不得自致者, 德 而 人 者,求之皆 乎人者也, 而 孟子言三樂,次 也,陳子可 、皆可 身樂康,子 莫致,故 自 爲 我 謂 陳 孫 則 有 而 团 子 幸 衆 亦 幸 自

> 之以 疆、綏其福履之道也 道,而後可 能 己自賢,而 人,甚至信一人之臆見,薄尊聞爲流 世學者,於 夫子未 盡 仰 天之道 能 不 道 以 無 愧 而 , 而 粗知總方,遂自 不作 復 脩己 天,俯 求 後 之盡 于人。 可 益之意, 不 以不 怍 ,堯、舜 人, 愧 是以子臣弟友, 非聖人日進 于天; 矜許,上無 有 猶 以 病 盡 也 也 俗,足 近 古 無

翼 馴 禄 天,均爲克家之子。 訓 至,益以懋脩厥 事 人脩身以立命 篤信 親,故德盛 也,樂且 而 于 稱 夫崇德之量,至于效天而已矣。 無期 精求,遜 踐 形 四,寧有三 不憂,純 惟肖, 而 心 德,不自 事 休祥 以 親 而後 乎孝 故 乎 從,歸于 也 集之。 E 如 由 滿假,於先民之遺 者 事 於時保之,子之 事 也 天,事天 至善之則, 陳子 親 以 以是干 達之 據 古之 今 也 以 所 如

賢 雖 而 予則 好 予 德,廣 故 奉 何 觴 以 之天 而 勉陳子? 祝 人之説 本 乎 以以 陳 子 侑太君之觴 兄弟子 姪之

### 答陳乾初書

以 如 尋 乃 不 追 直 良 其 課 當 以 體 誦 不 也 往 不 情 魄 欲 可自 之 ,陷於戎 時 别 · 建改 弟幼 生 即 宜 事 餘 後 倉 先人 . 梏 静 未 皇 葬, 無 手 心 中,天 往 不 艸 狄之道者,種 諭 而 父兄之教, 目 歲 宜 至 葬 率 沈 惓 俱 一今尚 嘗 動 ·, 徇 埋 地 淪 切。 示,未 困 以 一節, 閒 流 俗畢 此 在 失 可 俗,正 因 淺 事 及 於 輕言。 罪 年 事 質 夙 士。 種 長 酬 人,爲 夜 來 之 學 而 白後 雖 復, 哀 衰 是,悔 長兄,承教 每一念及 未 知 又歷 疚 痛, 聞,信 罪 廢 秉 禍 甚 爲 益 引 亂 未 不 彝 一,罪 惕 甚 之 鄉 相 可 心

> 安,以 年。 某 餘 不 里 氏 某 口 ,繼之顛 每讀古一 家 爲悦諸書,徒爲泫然泣 爲戒。 改 再 改 沛, 不 改 再 弟 脩墓, 貧 而 改 因 益 水 瞿 而 蟻 有 竟 然 勿之有 之侵 加 而 至 遂 懼 於 反 下 爾 一又以 悔, 終 也 遷 不 不 以 延 如 克 播 及 舊 葬 遷 + 無 阡 餘 之 財 之 又

其不足 異。 與 或者 必同 孫欲 無 日 顧 下 水 之不欲者 之 葬之宜深宜堅,百世不易之道 蟻 老 弟於尊塋未及登拜, 爲 問 弟 或者主穴 之驗 伯 惑 心 先 何 不 母 人計 矣 也 可 人 , 則 葬 所 以 斯 執 事 時,壽 惟 長 不塞,妄以 、祔穴 虞 而 力之辦, 何 久,謀 勢則 改 端 敢 1 藏之啓,温燥 與 之兆 改 人人各異, 無 陰陽 謀 亦未悉諸賢從 則 知 窮,亦百 理 兄之大 未 必 有 拘 一勢」二 必 俱 所 忌之説, 有過 改, 不 美 事 世 事 也。 難 其 善 事 之 字 哉 平 閒 而 知 今 子 揆

若 悔 凝 歲 壽 諸 久 藏之 兄 便 之 不 有 意 虚 忍 事 果 與 多 啓 出 亟 此 鑿 於 稱 震 與 此 族 驚 葬之善 則 即 此 亦仁孝之用 未 蓋 久者, 從兄 推 而 往 壙 得之。 者 已 心, 営 堅

而

未

易

叹

奪

者

也

之深 方廣 所 乃 有 虞,又焉 容 無業 之 載 有 事 言,人子於親 之得 當當 也 所 所 不 即 得 與與 陶 能 不 有耕 難 不 有 者, 己 竊 遂 能 爲 八爲 至 數 數 度 而思其次,得毋已成之局 與 也。 其 也。 尺。 畲 犁之能及 畝。 將 尊塋, 否 力之所 心 井 培之 了其間 孝 天下 若每 之虞 由 子慈 雖 是 必 極 無 能 後 一歲 於高 不 恒 而 厚 孫 窮 可 世 爲 積 培 至 有 而 以 亦 即 而 而 義 壟 土 於 加 祗 不 不 不 數 侈 乎? 不已, 分 命 封 設。 盡 無 留 寸 則 費 存 樹 其 滄 遺 焉 有 古人 約 深 積 憾 心 兼 桑 雖 此 之 之 其 之 非 訊 之 越 猶

> 悔 莫 之心,尚 爾 介如之何 己。 猶將取 若 惟 也 非 决 反覆 人 於仁人之一言也 、之所 庸 示教,則弟 鄙 之 能 見 爲 者 , 知 於 雖 無 先 足 古 之 人 慰 既 神 兄 往 罔 聖 之 極 亦

之未 易之 之,孰 之本。 之日 之 義 之, 其 此學於古訓乃 氣 文約禮之學,徒信 矩 拘 但 諸諸 矩 弟於此 適 則, 物 可全恃以 以 知所 法 足 然據其一時 蔽 窮鄉 而 所 已 以 以 而 執之禮義者,非禮之禮 漸 舉 蹈 益 後之心, 張 後 末 將 終 動 有 信古訓之不可不式, 裁 異 儒 有 俗,習聞 身之 獲之一言,爲百世學者不 此 决 幯 單 聞,揆 禮 私 心 事 絜 斁 所 義之生於心 悔 見,目爲禮義 豈 物 心宗,動夸精 彝 知 近 耻 以 也。 以 倫 之説,未 所 古昔聖賢 爲 率 而 覺, 當 非 莫 斯 已 先 是 知 可 非 人 非 而 從 人 而 而 而 如 於無 至 義 執 禮 不 事 故 者, 何。 當 土 心 持 知 義 爲 愽

恨 所 者 爲 忌 前 憚 車 故 而 因 己 也 事 弟 言 固 之, 嘗 而 蹈 冀 習 有 於 志 此 於 ௱ 學 深 問 自 者 悲

旬 少 海 年 氣 者 若 **令** 意 是 郎 無 英 也 氣 此 氣 貌 種 已 相 昂 宜 固 見 昂 斂 易 殊 具 藏 艱 À 不 見 於 古 流 不 覺 人 俗 可 縷 所 縷 謂 但 世 盡 已 之 逾 收 意 湖

## 與陳乾初書 癸丑

以 以 知 歲 何 屢 之誼 交 堪 爲 咎 往 此 不 何 也 ? 登 闕 . 兄 來 久 詢 念之 遇 失 病 往 無 人艱 如 聞 恙 痛 弟 此 令仲子 而 切 難 不 幾 己。 通 脯 百 於 聲 之戚 亦 凡 歉 無 問問 不 俱 仄 復 竟 能 不 廢, 人 五 歉 奔 審 諒 理 六 慰 仄 老 知 ,徒 載 年 己 顧 如 從 以 同 何 不

事 於身後 之彫 抱 下 成 無 恤 葬 輩 教 有 主 至 之米 傳 其 讀 矣。 事 貧 日 疴 厚 難 相 使 如 繼 云 生 落 兩 德 崩 得 困 何 今 經 生 往 之慮。 ()但恐 之 所 夏 諒 己 月 共恤之意,此 ,猶得粗 其令壻錢 平 逝 如 者 時 以 資 忽遘 · 率 士,率皆 亦 願 也 之爲 有 向 佑 仗 兄 大 怵惕 此附 所 因 後 後 兄 大 辛 者 而 給 種 賴 丘 孤 堅 辛 人 亦 之 兄 順 識 懇, 惻 目 種 不 藉 寡 之意 維 石 駿任 素 兄 志 端, 下。 風 隱 能 宜 亦 衣 諸 兄過 之 翁 則 節 志 之 辛 皆 爲 而 食 之, 惟 變, 先 期 及 好 比聞 發 兄 耿 朋 力,奈 尤 呼 何 仁兄 而 將 生 者 之 耿 友之 盛 又 而 非 所 時 相 講 及 者 相 口 遠 商 德 不 人 與 何 移 仰 商 與 禮 蔡 以 兄 責。 也 有 近 特 所 欲 勢 所 藉 安 來 約 以 必 親 以 亦 哀 改,不 易 共 爾 雲 於 得 需 爲 弟 得 婚 友 有 近 知 而 欽 及。 泉 潮 滴 之 老 名 聞 幾 姻 明 歲 交

祝月隱先生璋案:《明史》本傳: 淵數往 詣南京刑部竟前獄,尚書諭止之。 明年,逮下詔獄,進上共疏出之。 海寧人,崇禎六年舉于鄉。 家設 問 學。 即 投繯而卒,年三十五 杭州失守,淵方葬母 十五年抗 未幾,都 宗周罷官家居 ,趣竣工,既葬 祝淵字開美 疏救劉宗周。 城 、俗,淵

月,偕陳子確從學山陰。此書當在是年。與陳子乾初書璋案:先生《年譜》崇禎癸未秋九

宅,已不可得,但 本 里 以勝之而已。 閶 見 秋 聞 日 甚 日 烈, 惡 舟行頗艱,未得 此 弟决意東遷,前 得一橡庇 誠 難 與 力 風 争, 雨 尋 所 惟 晤 擁書高 云 有 爲 朱 脩 歉 氏 其

乾初先生遺集外編

於此 乎? 得 卧,足了此生。 暇 道誓不作緣,煩兄爲一評騭,封還之。 否耶? 中秋前後,思踐 上生兄教我近課數首, 1 鄰 Ш 之約, 陰之約 吾 **爾** 兄 果 時 有 以弟 未 知 意

\_

學力脆弱,負此一番造就,是則可懼,餘 在辛未。 於崇禎庚午遭覺菴公喪, 所 古聖賢,磨確鍛 前 知,兄能 計 驅,歉何如之! 也。 老伯大舉,定 過我 辱教,弟當書之紳佩。 話,亦厚幸也。 鍊,俱從 是何日? 弟 而於辛未始識先生,則是書當 昨答吴秋 顛 沛 翁 中 璋案: 東云:「 不 來。」 時事 能 乾初公 愧 執 不 可 非 淵 紼

||本注 征 , 内 崇禎癸未,年三十三。 辰緹騎至嘉興,戊午開讀 時 就逮機 李, 寄至杭 者。 + 東申艦車 月癸丑 璋 案 如 先 聞 京師 生 詔 <sup>《</sup>年 北

言 倘 華衮。 得 爲生 左或 生死 無 然 在 先 過 一夷,總 未 可 生暇 總不可知,不得 越臺否? ,我將爲 右,無非天 得 念者,不更及。 諸 「孝子事 痛先慈勤苦一生,未得 同 如吾兄 着 刻,煩兄 人過從,道義 死」, 分安排 親,有 嚴 客秋曾以先慈行述乞先 也。 正 以 不 痛 不三 大惑 此 乃從 第 不得。 快者 爲 相 致意 乎 言。 義 而 勗, 矣。 在 Ţ 號 委 也以以 于兹 猶 之曰「我 心 多有省 表章什 兄試 思得 憶先生 任 弟將 也。 後 運, 在 悟 餘 之 生 將 或 來 可 險

四本注: 時乾初嫁女,借《家禮》故云。 璋案: 乾

初

稍整 璋案: 過歲。 得閒否? 訊,深服其造履純 雜 之,偏覓《家禮》, 簡 便已不是道矣。 、渠必 無 事 楊園 ,賤 頓, 紀。 俗事之來,只得耐心做去,纔起 兩 過 體 口 先 日徙 近 生初字吉人,後更字考夫。 我 頗不 得 亦 奉 約 居 爲 · 得平。 兄以爲 覽 有渡江之役,計 不可 碌 遷葬 篤 也。 碌,書 得。 此 之舉, 過 真 何如? 昨 卷 廿 俟三 吾輩之畏友也。 得 四 張吉人兄 欲按古禮 經搬 四 便 新 爾 弟 日後, 時 以 可 正 徙, 厭 兑 初 不 來 稍 錯 能 行 Щ

陸辛齋先生璋案"《州志·文苑傳》: 陸嘉淑字

下。或欲薦應宏詞科,力辭不就。「一時名公鉅卿交相推重,文采風流,名震輦京師,一時名公鉅卿交相推重,文采風流,名震輦不會立就。以父殁于亂,棄諸生不應試。晚歲遊冰脩,明舉人鈺子。博覽羣書,詩文清麗,援筆數

和六謙哭乾初璋案:《陳氏家傳》: 奕禧字子文,

號六謙,又號香泉,由安邑丞歷官貴州石阡府知

府,工書冠昭代。

誦爾哀賢什,能無涕淚澘! 側身長

道閑。十年悲伏枕,猶自痛時艱。

白屋, 埋骨已青山。

未許

横

流日,

深

憂

聖

其二

滔滔天下是,莫問此何年。

其 三 連。

天意何曾酷,

吾儕自逆天。

氣,

偏求許靖田。

違

時

人

惨澹

杜

足

悵

流

或

負

陳

登

浮世馳駒隙,彭、殤算未

殊。

海

濱

留

帖》手摹。即論游藝事,大雅復誰扶?故老,天下一迂儒。《長慶詩》頻和、《蘭亭

其 四

春深吾枉棹,猶記叩司閽。忽已成前

事,緣知合斷魂。風塵增白髮,燈火夢黄

八一二

昏。浩蕩江湖外,寥寥不可言。

朱 字岷 推 官 谿 左,崇禎壬午舉人。 先生章案: 詩 文卓絶一 時,著述百餘卷 《州 國初署會 志 文苑傳》: 稽教諭 ,佚不傳 歷 朱嘉徵 叙 州

讀乾初先生遺詩有述本注: 時戊午登高日。

留 奉 土 母 室 述 作 憐 長 先 徐 饑 生 ,衣冠仍復照江 傳 穉,愛急 板 祖 蕩 臘 起 王 心窮交憶 寒雲空 風 不不 東 孔 斷 羨 融。 眺 隆 歸 中 不 鴻 又 愧 剡 Ш 生 中。 陰 來

### 其一

君是孤松凌歲寒,騷情那惜傍猗蘭

知 有 寧 音 詩 貪 題 在 雪 怪 甲子, 畲 千 一爾陽 秋 尤憐 筆 春 多 亦罷彈。 不 病 負 憶 羊 長 裘 安。 釣 竿。 夜 臺 應 枉 少 自

張待軒先生次仲

### 與陳乾初書

清 之。 難 趣 阡 可 塵 爲 和 爲 餘 陌 視彼 天樂。 胸 懷 弟居 之 弟與小 間 時 者。 耦 次豁然。 海 桃 耕 當持 孫閉 人 尊 壖, 紅 者 而 體 柳 鬱 尊 孰 門 得 霍 緑 别 鬱 挈 勝 有 誦 然 菜 去 櫑 無 讀 天 花 籌 承 樂 非 可 以以 與 黄 歡 語 徒 兄 世 銷 太 離 覺 巡 事 餘 兄 夫人之側 索之感,有 有 行 年。 亦 來, 天 話 隨 然 得 舊 天 緣 真 於 氣 任 領

言哉 視儕 得。 也。 欲 萬 心於此,久爲 時,亦曾 荷 里 若無 輩 且 舉 後生小子,今日 胡 汲 詭隨,故 臨 無 日 仲 心得,日 摹趙 此 : 謂 書。 許 子 我能 淮 書,未能 爲世推 昂書上下三 古人作書,高空天界,不 安所 臨 書, 操 百 觚 稱許,心 紙 我 神似 重 搦管 能 如 形 百 書。」 此。 雖 年,縱 中必 明日 足下嘗 似, 書 余少壯 便 弗 미 有 横 易 傲 留 所 似

又

爲 先 人 世 之 决 所 千 謂 年 孝 ·之計 者 欲 即 覓 以 地 1 若 子 眠 孫 牛 奕世之 馬 嘶

> 豈秦 矣。 趙間 何 休。 水 掘 世人囿此隅見,遂至積年越世不得一親 不特同 相 萬民」,「二曰族墳墓」,註云:「生相近,死 來拘忌之説。 朽,欲藉之以 而 土,甚足悲矣。 而 ,當厚培其土,然後可以下缺 難 耶 况 辨其昭 逼。」一族之人,皆葬於此,墓大夫掌之, 富 皆 見耶? 楚 吾思人 加 姓 以 猶 貴 塚 或云北 穆也。 豐 纍 同氣爲然。 利 來,屢遭戰士之蹂躪,猛 生 達 原 纍 大 邀福 《周禮 飲 哉 曠 江 而 方土厚, 讀尊著《族葬論 古者萬姓葬地皆可 啄 1 域 以 土之甚多,則 禄,亦 皆有前定,不可强 南,土 比 地官》以本 將周、魯、齊、衛、燕、 且 比,迄今當 先 可 心 人云亡,其骨已 一力淺 以 所不 深 薄, 何 》,破 忍言者。 俗六 無 深 將 久 故 同 之 盡 則 則 耶 隙 處, 致, 發 安 黄 地 隱 向 有

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"before_pdg2pic_conversion": {
 "filename": "MTMyMjM5NzAuemlw",
 "filename_decoded": "13223970.zip",
 "filesize": 203715651,
 "md5": "81cf990e5701d85346c9ed47ca4f3f7c",
 "header md5": "42ddec41708ddfce2a4d303435e28919".
 "sha1": "c4e44cda4eeacb64f64e826f62891f5b143a89a1",
 "sha256": "67e2d343e97df3d513585cb6eec339e6ece23a156af282d452d43a3b0c229ab1",
 "crc32": 1405476230,
 "zip_password": "52gv",
 "uncompressed_size": 231910827,
 "pdg dir name": " 13223970",
 "pdg_main_pages_found": 859,
 "pdg_main_pages_max": 859,
 "total_pages": 870,
 "total pixels": 4407885648
"after_pdg2pic_conversion": {
 "filename": "MTMyMjM5NzAuemlw",
 "filename_decoded": "13223970.zip",
 "filesize": 204228345,
 "md5": "77dde87052b932134b19a09cf8943fb6",
 "header_md5": "eb25f727c828ddf2726a5a3995a41c1a".
 "sha1": "579c8cecde39107861810ed96a46a6e330910d8d",
 "sha256": "9b4251f971798a7f6eeb3999a9b5539df95ea0a68a0016f640ccedb3d9fe0adc",
 "crc32": 502226313,
 "zip password": "",
 "uncompressed_size": 231895725,
 "pdg dir name": "",
 "pdg main pages found": 859,
 "pdg_main_pages_max": 859,
 "total_pages": 870,
 "total_pixels": 5431807512
"pdf_generation_missing_pages": false
```